







史部傳記類 精華編一五一册上





北京大學《儒藏》編纂與研究中心



國家出版基金項目

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目大項目



《儒藏》精華編第一五一 册

首席 總 編 纂 季美林

項目首席專家 湯一介

纂

總

本

册

主

編

張希清

湯一介 龐 樸 孫 欽善 安平秋

(按年齡排序)

《儒藏》精華編凡例

則 爲 儒家 的 典 中 籍的 經典 國傳統文化以儒家思想爲中心。 和 叢 編。 反 映 收 儒 書 家 時 思 想、 限 自先秦至清代結束 體 現儒家 經世 《儒 做 人 藏 原

二、《儒藏》精華編爲《儒藏》的一部分,選收《儒

藏》中的精要書籍。

寫者 互見。 土文獻。 漢文寫作的儒學著作,編爲海外文獻部 已收入人選的個 分類法分類,大類、小類基本參照《中國 中國古籍善本書目》,於個別 三、《儒藏》精華編所收書籍,包括傳世文獻 律 出 土文 傳世文獻 收其釋文文本。 獻 單 人叢書或全集者,僅存目録 按《四庫全書總目》經 列 爲 韓 個 國、日 部 處 類 略作 原 本、越 件以古文字 調 叢書 類 整。 史子 南 儒學者用 綜 並 集 凡 録》和 單 和 注 四 書 明 書 部 出

'不改編,保持原書的完整性和獨立性。四、所收書籍的篇目卷次,一仍底本原貌,不選

編

爲 勘價值的版本爲校本。 確定内容完足、精確率 主,酌 五、對 校異同。 人選 書籍 校記 進 力求規 高 行 出校堅持 的 簡 版 要 範 本 校 爲底 勘。 精 少 而 煉 本, 精,以 以 對 精 校爲 選 校 有 正 主 誤 校

例 外,其他 進行 六、根據現 規範化 律 省 標點 行標點符 略 專名號 號用 除書名號用 法,結合古 籍 角 號(《》) 標 點 通

一般不分段。落。正文原已分段者,不作改動。千字以内的短文落。正文原已分段者,不作改動。千字以内的短文七、對較長的篇章,根據文字内容,適當劃分段

介紹 及其 出 及 整 現 順 他 理 作者生平、 八、各書卷端由整理者撰寫《校點説明》, 序前 有 時 關 所 確 情 詳 況。 定的 後 該 略 書 重 底本、校本(舉 成書 複 出 背景、主 現 的 作者,其生平 要内 全稱後括注 容 及 影 事 簡 響 蹟 簡 稱 按 要

九、本書用繁體漢字豎排、小注一律排爲單行。

《儒藏》精華編第一五一册

史部傳記類

總録之屬

上册

宋名臣言行録(五朝名臣言行録)[南宋]朱熹

下册

宋名臣言行録(皇朝名臣言行續録 四朝名臣言行别録 皇朝道學名臣言行外録 附録)[南宋]李幼武 …… 769

1

宋名臣言行録

〔南宋〕朱 熹 輯

=	參政薛簡肅公	五之四	二之二 樞密錢盲靖公 三〇
	參政魯肅簡公	五之三	二之 丞相吕正惠公 二八
六	丞相李文定公 一	五之二	五朝名臣言行録卷第二 二八
O 七	丞相沂國王文正公	五之一	一之七 丞相張文定公 二六
O 七	行録卷第五	五朝名臣言	一之六 丞相許國呂文穆公 二三
O .Fi.	丞相王文康公 一	四之五	一之五 丞相李文正公 二一
0	内翰楊文公	四之四	一之四 内翰竇公 一九
九九	太尉衛國高烈武王	四之三	一之三,丞相魯國范公 一五
八五	丞相萊國寇忠愍公	四之二	一之二 樞密使濟陽曹武惠王 八
人	丞相畢文簡公	四之一	一之一 中書令韓國趙忠獻王 一
八	行録卷第四	五朝名臣言	五朝名臣言行録卷第一
七五	樞密曹武穆公	三之丘	自敘
七一	樞密馬正惠公	三之四	校點説明
六〇	尚書張忠定公	三之三	上册
五八	多政陳晉公	三之二	
五五五	丞相向文簡公	三之	
五五五	 	五朝名臣言	自
四〇	太尉魏國王文正公	二之四	
三四	丞相李文靖公	二之三	

三朝名臣言行録卷第一 : 七二	八之六 樞密使魯國王武恭公 二一
	八之五 樞密包孝肅公 二〇九
十之五 老蘇先生六八	八之四 参政王文忠公 二〇六
十之四 徂徠石先生 一六五	八之三 參政吴正肅公 一〇二
十之三 泰山孫先生 二六三	八之一 樞密使狄武襄公 一九四
十之二 安定胡先生 一五七	八之一 丞相潁國龐莊敏公 八七
魏野、林逋附 二五	五朝名臣言行録卷第八 一八七
十之一 希夷陳先生穆脩、种放、李之才、	七之三 東染院使种公 七九
五朝名臣言行録卷第十 一五	七之一 参政范文正公 一六四
九之九 侍讀孫公 二四五	七之一 丞相祁國杜正獻公 一五八
九之八 待制王公 二四三	五朝名臣言行録卷第七 一五八
九之七 尚書余襄公 二三八	六之六 參政程文簡公 一五四
九之六 起居舍人尹公 二三二	六之五 参政韓忠憲公 五一
九之五 御史中丞孔公 二二八	六之四 丞相鄭國宋元憲公 四九
九之四 御史中丞李恭惠公 二二六	六之三 丞相晏元獻公 一四六
九之三 侍讀孫宣公 二二四	六之二 丞相陳文惠公 一四二
九之二 内翰王公二一九	六之一 丞相許國呂文靖公 一三〇
九之一 諫議大夫田公 二一七	五朝名臣言行録卷第六 一〇
五朝名臣言行録卷第九 二一七	五之五 参政蔡文忠公 一六

十之三 中書侍郎傅獻簡公 五九九	五之四 御史中丞彭公 四三〇
十之二 門下侍郎韓公 五八九	五之三 御史中丞吕公 四二二
十之一 丞相康國韓獻肅公 五八二	五之二 參政趙清獻公 四一五
三朝名臣言行録卷第十 五八二	五之一 参政唐質肅公 四〇九
九之四 門下侍郎蘇公 五七〇	三朝名臣言行録卷第五 四〇九
九之三 内翰蘇文忠公 五六〇	四之四 集賢學士劉公 四〇一
九之二 翰林學士曾文昭公 五五二	四之三 尚書王懿敏公 三九六
九之一 中書舍人曾公 五四七	四之二 端明蔡公 三九一
三朝名臣言行録卷第九 :::::::: 五四七	四之一 樞密胡文恭公 三八六
八之二 崇政殿説書滎陽吕公 五四〇	三朝名臣言行録卷第四 三八六
八之一 丞相申國吕正獻公 五一〇	三之四 参政張文定公 三七四
三朝名臣言行録卷第八 五一〇	三之三 參政吳文肅公 三七一
七之二 諫議大夫司馬公 五〇八	三之二 參政趙康靖公 一六八
七之一 丞相温國司馬文正公 四七七	三之一 太師潞國文忠烈公 三五六
三朝名臣言行録卷第七 四七七	三朝名臣言行録卷第三 三五六
六之二 丞相荆國王文公 四四七	二之二 参政歐陽文忠公
六之一 太傅魯國曾宣靖公 四四四	二之一 丞相韓國富文忠公 三一七
三朝名臣言行録卷第六 四四四	三朝名臣言行録卷第二 三十七
五之五 内翰蜀郡范忠文公 四三四	一之一 丞相魏國韓忠獻王 亡七二

三〇 學網名臣言行別録上集卷第一 八二 〇三 告社 八四朝名臣言行別録上集卷第一 八四六 〇二 四朝名臣言行別録上集卷第二 八四六 〇二 日額浩 成國忠穆公 八四六 〇三 告願浩 成國忠穆公 八七一 一二 出頭名臣言行別録上集卷第二 八七一 一二 張浚 魏國忠獻公 八七一 一型朝名臣言行別録上集卷第五 九二七 中朝名臣言行別録上集卷第五 九二七 一型朝名臣言行別録上集卷第五 九二七 宗澤 忠簡公 九八七 京澤 忠簡公 九八七 京澤 忠節公 九八七 中朝名臣言行別録上集卷第二 九八七 四朝名臣言行別録上集卷第六 九二 九四五 九五〇 別分 九五〇 別分 九五〇 別分 九五〇 別分 九五〇 別分	楊邦乂 忠襄公 八	郭永 勇節公 八	孫昭遠 忠愍公 八	皇朝名臣言行續錄卷第七 八	向子韶 忠毅公 八	鄭驤 威愍公 八	張克戩 忠確公 八	張叔夜 忠文公 八	皇朝名臣言行續錄卷第六 八	朱弁 八	張邵	洪皓 魏國忠宣公 八	皇朝名臣言行續録卷第五 八	宇文虚中 肅愍公 八	歐陽珣	皇朝名臣言行續録卷第四 七	李若水 忠愍公 七	程振 七	劉韐 忠顯公 七
行别録上集卷第一 院國忠穆公 定公 定公 行别録上集卷第二 一 一 一 一 一 一 一 一 一 一 一 一 一	八三〇	八二七	八二五	八二五	八 三 三	八二	八 二 〇	八七	七	八三三	八一	八〇三	八〇三	八 〇 一	七九七	七九七	七九三	七八九	七八六
Λ ,						宗澤 忠簡公	四朝名臣言行别録上集卷第五		四朝名臣言行别録上集卷第四		朝名臣言			四朝名臣言行别録上集卷第二		朝名臣言		日祉	皇朝名臣言行續録卷第八

張守 文靖公	權邦彦	李邴 文肅公	四朝名臣言行别録下集卷第一		胡銓 忠簡公	四朝名臣言行别録上集卷第十三	劉子羽	四朝名臣言行别録上集卷第十二	李顯忠 忠襄公	四朝名臣言行别録上集卷第十一	劉錡 武穆公	四朝名臣言行别録上集卷第十	晏敦復	張九成 崇國文忠公	四朝名臣言行别録上集卷第九	岳飛 信國武穆王	四朝名臣言行别録上集卷第八	張俊 循國忠烈王
四五五					九	二九	0	0	00八	00八	九九九	九九九	九九四	九九〇	九九〇	九七四	九七四	九六六
胡舜陟	廖剛	四朝名臣言行别録下集卷第五	王大寶	程瑀	葉夢得	四朝名臣言行别録下集卷第四	周麟之	汪澈 莊敏公	沈與求 忠敏公	王庶 敏節公		鄭瑴	張燾 忠定公一	四朝名臣言行别録下集卷第三	朱倬 忠靖公	范宗尹一	陳康伯 魯國文正公	四朝名臣言行别録下集卷第二
〇 九 四	九二	〇九	0九0	〇八六	八八	〇八二	八〇八〇	〇七七	〇七六	0七0	〇六八	〇六七	〇六::	〇六三	〇五九	〇 五 五	〇 五 〇	〇 五 〇

	11 录
魏勝 忠壯公 一 一〇三	是玠 · 涪國武安王 · · · · · · · · · · · · · 一四八
趙立 忠烈公 一九九	四朝名臣言行别録下集卷第九 一四八
李彦仙 忠節公 一一九七	潘良貴 一 ' 四四
四朝名臣言行别録下集卷第十三 一一九七	胡寅 :::
李寶一九二	王居正 ············ 二五
張子蓋 恭壯公 一一九一	四朝名臣言行别録下集卷第八 一 三五
王德 : 一八九	吕本中 ' '一':
趙密	綦密禮 北海先生 ····································
四朝名臣言行别録下集卷第十二 一一八八	汪藻 1 1.1.1.1.1.1.1.1.1.1.1.1.1.1.1
陳規 ' 八四	四朝名臣言行别録下集卷第七
向子忞 一八一	辛次膺 簡穆公 一一一七
向子諲 一 七五	黄龜年
四朝名臣言行别録下集卷第十一 一一七五	杜莘老 一 一一
翁蒙之一一七二	王縉 一〇九
范如圭 1 七	張闡 忠簡公 一一〇五
王庭珪 盧溪先生 一六八	四朝名臣言行别録下集卷第六 一一〇五
周葵 簡惠公 ··············· 一一六六	陳戠 '一〇二'
四朝名臣言行别録下集卷第十 一一六六	陳公輔 '〇九八
吴璘 信國武順王 一五四	衛膚敏 一〇九六

吕大鈞 一三〇五	李籲 一三〇四	劉絢	朱光庭	吕希哲 一一九七	皇朝道學名臣言行外録卷第六 一一九七	邵雍 康節先生 一七八	皇朝道學名臣言行外録卷第五 一一七八	張戩 一二七六	張載 横渠先生明公 一二六三	皇朝道學名臣言行外録卷第四 一二六三	程頤 伊川先生正公 一一四四	皇朝道學名臣言行外録卷第三 一四四	程顥 明道先生純公 一二二九	皇朝道學名臣言行外錄卷第二 一二三九	周敦頤 濂溪先生元公 一二一四	皇朝道學名臣言行外録卷第一 一二一四	道統傳授之圖 一一〇八	
胡安國 武夷先生文定公 一三四五	皇朝道學名臣言行外錄卷第十 一三四五	李郁 西山先生 一三四三	王道	周行己 一三四二	侯仲良 一三四一	孟厚 一四〇	馬伸 東平先生 '三'一'六	張繹一三三五	尹焞 和靖先生 一二二九	皇朝道學名臣言行外錄卷第九 一三二九	劉安節 一二一七	楊時 龜山先生文靖公 一二一九	皇朝道學名臣言行外錄卷第八 一三一九	游酢 廣平先生 一三一六	謝良佐 上蔡先生 一三一一	皇朝道學名臣言行外録卷第七 一三一	蘇昞 三〇九	吕大臨 吕大忠附 ·············· 一三〇六

一二 消雇二 具木沒含電干之名面	
一二、青碩千里交共瑩重刊李幼氏	皇朝首學名至言于小禄多第十六 一四四五
一一、明張采重刊李幼武本圖像識	陸九淵 象山先生文安公 一四三六
一〇、明張采重刊李幼武本外集識	陸九龄 復齋先生 一四三三
九、明張采重刊李幼武本别集識	皇朝道學名臣言行外録卷第十五 一四三三
八、明張采重刊李幼武本續集識	劉清之 静春先生 一四二八
七、明張采重刊李幼武本後集識	魏挺之 艮齋先生 一四二五
六、明張采重刊李幼武本前集識	皇朝道學名臣言行外録卷第十四 一四二五
五、明張采重刊李幼武本記事	張栻 南軒先生宣公 一四一六
四、明張采重刊李幼武本題辭	吕祖謙 東萊先生成公 ······· 一四一〇
任序及張采跋	皇朝道學名臣言行外錄卷第十三 四一〇
三、明應天府學重刊李幼武本楊以	朱熹 晦庵先生徽國文公 一三七七
二、明揚州重刊李幼武本焦竑序	皇朝道學名臣言行外録卷第十二 二三七七
一、宋李衡校正本李居安敘	朱松 章齋先生 一三七二
	李侗 延平先生 一三六七
	劉勉之 白水先生 一三六五
蔡沈 九峰先生	劉子暈 病翁先生 一一六一
蔡元定 西山先生	胡憲 籍溪先生 一三五八
皇朝道學名臣言行外録卷第十七	胡宏 五峰先生 一三五五
陳亮	皇朝道學名臣言行外録卷第十一 二三五五

部四 一四八六	二、余嘉錫四庫提要辨證卷六史	提要補正史部傳記類 一四八三	二〇、胡玉縉王欣夫四庫全書總目	提要史部傳記類 一四八	一九、清永瑢紀昀等四庫全書總目	史部 : 一四八	一八、宋馬端臨文獻通考經籍考	記類 四八	一七、宋陳振孫直齋書録解題傳	讀書附志傳記類 一四八一	一六、宋晁公武郡齋讀書志趙希弁	録卷四後日本天保庚子明□題記 … 一四八○	一五、中山大學藏元刊李幼武本外	本包良訓識 四八〇	一四、清顧千里校洪瑩重刊李幼武	本顧千里記 一四七八	一三、清顧千里校洪瑩重刊李幼武	本洪瑩序 四七六
							史部一傳記類	二七、傅增湘藏園群書題記卷第二	史部'一	二六、傅增湘藏園群書經眼録卷四	戊集	二五、清沈初浙江採集遺書總録	目卷十一	二四、清于敏中彭元瑞天禄琳琅書	目卷五	二三、清于敏中彭元瑞天禄琳琅書	録標注史部傳記類	二二、邵懿辰邵章增訂四庫簡明目
							五 〇 :		五〇〇		一四九九		一四九八		一四九七		一四九六	

校點説明

宋代大儒朱 名 班言 熹 行 開 録」作爲 創 的 種 歷 史著 作 體 裁 是 由

録》。 富 程, 號晦 進士及第, 治 今福 通 兼 秘 生 鑑 庵,六十歲 朱 建 兩 閣 取 綱 致力於教 熹(一一三〇— 祖 宋 修 周 南平) 尤溪 目 敦 撰 初任泉州 徽 × 等 術 頤 州 職。 後稱 泰 伊 張 婺 育及 斗。 洛 縣 載、 源 朱 同安縣主 晦 城。 淵 縣 學 邵 熹 其 一二〇〇)字元晦,改 翁 源 今 術 早年受 史 雍 紹 録 晚 學 屬 興十八年(一一 門 遂 簿, 號 江 著 和 集 人 个學 遁 西), 作 \wedge 後 理學之大成 遍 於李 翁 1 有 歷 天下, 朝 生 _ 任 又 侗 名 於 部 樞 號 臣 考 著 南 F 密 仲 即 四 亭 言 述 溯 院 劍 晦 行 宏 朱 州 先 編

> 繫年要録》(二〇〇卷)等宋朝史 王 編 宋 史 刊行,便是 臣 和 五 學 修 碑 稱 ○卷)、李燾的《續 現 靖 當 傳 康 的《東都事 實 的 琬琰集》(一〇七卷)和 代 之 熹 的 風 編 史 思 禍、 潮 這 書。 考, 和 種 南 史學 情形 略 衆 宋 從 朝 × 屈 多史學 著作 徐夢 的 資 名臣言行録 辱 反 治 五 偏 的 華 映。 0 通 家 安 興 的《三 卷), 鑑長 激 搜 盛 李 集、 發 有 以 N 編》、九八〇 學 朝 3 緊 同 輯 及 傳 代 北 學 密 南 杜 録 的《 盟 表 宋 的 大 文 作 會 建 對 初 關 珪 的 編 炎 於 係 期 (卷) 資 的《 接 以 歷 重 料 名 到 史 連 來 北 視

爲 爲 哲宗和徽宗,整個 卷和《三朝名臣言行録 中 宋 太 N 祖、太宗、 的 朝 當 名臣 代史,亦稱《朱子 言行録》包括《五 真宗、 北 宋 僅缺 》十四 仁宗和英宗, 欽宗 名 卷 臣 朝名臣言行録》十 可 朝。 言 以 Ξ 行 説是 朝 録 爲 以 五 人 物 朝

載 或 朝 此 朱熹 名 係 臣 認 朱 言 爲 熹 行 适 此 之 讀 名 迹 近 臣 代 事 文 於 迹 集 是 及 有 掇 記 補 取 事 於 其 之 世教」, 要, 書 聚 觀 這 爲 其 就 此 所

其 髭賜 收人 録 赫 軾 讓 有 是「名臣」; 此 瑕 許 ,正是 論 蘇 事 書 辨。 物 瑜 木 藥之詳 多 所 迹 互 私 人 朱 録 關 如 如 鹽 以 見, 熹 涉 趙 等事 書 明 本 道 史學 者 余 普之 中 以 兼 代 學 靖 7,均 所及 爲 勸 備 胡 的 觀 E 陰 法 懲 録 應 眼 點 不 人 事 戒」。 險, 之 於 麟 光 足 的 而 件 出 中 認 體 王 去 爲 有 如如 <u>_</u>; 爲 安 ^ 非 現 杖 看 法。 名 吕 此 石 近 專 臀 這 臣 夷 之堅 書 部 代 對 懷 以 言 簡 「盡 學 金之耻 書 此, 取 非 行 法 僻, 者 以 歷 IE 録 余 代 代 均 爲 X **>** 嘉 本 毁 聲 學 還 書 而 不 錫 譽 自 譽 者 中 有 記 能 云, 多 具 欲 翦 煊 蘇 算 所

没 記 友 北 五 吕 有 聞 宋 朝名 》記 名 删 祖 北 涉 臣 去《 謙 宋 臣 吕 及 就 吕 的 言 涑 自己 夷 曾 世 夷 行 簡 水 簡 致 家 勸 録 祖 記 的 信 大 仁 聞 宗 卷 後 朱 族 宗 的 人, 的 熹 九 廢 臧 至 之 那 提 郭 南 臧 南 段 五 出 后 宋 否 宋 \wedge 異 記 事 著 孔 否 子 事 議 之 名 道 孫 學 不 末 輔 表 但 繁 者、 免 加 学下 明 朱 多 觸 T T 熹 朱 引《 動 官 他 只 喜 條 神 涑 是 宦 對 的 注 經 歷 在 水 好 滿

史

事

實

的

嚴

肅

態

度。

初 原 懿 本 前 所 罕 是 據 ___ 宗 初 人。 見 書 行 删 實 歲。 刊 趙 均 編之《宋 刊 崇砼《 於孝宗 今有 只 之 署 本 削 據 宋末 有 録 的 清 然亦 晦 與 直 或 少 I 王 朱 皇 庵 名臣言行 到 而 量 家 作 懋 以 乾 刻 熹原本《 先 清 朝 減 置 字 道 竑 後, 將 於 末 生 弱 名 書 詞 八年(一 朱 民 朱子 朱 朱熹 原 T 臣 和 館 惠 書 熹 録 初 言 歷 八 引 所 生 删 纂 》中 年 生 史 行 藏 朝 藏 書 前 輯、 去 著 譜 續 前 家 名 收 宋 出 3 **>**, 作 録》序 刊 七二),朱熹 臣 所 太平老 淳 録 處 __ 分 言 刻 的 見 煕 的 半, 的 Λ 珍 性 的 行 所 刊 李 朝 改 李 本 質 使之 録 雨 録 本, 衡 動 名 子 衡 李 多 主 校 臣 相 此 所 爲 就 時 更 爲 衡 IE 言 比 本 要 李 年 幸 E 像 李 校 本へ 行 較, 朱 做 + 雖 幼 幼 嘉 IE 四 録 非 熹 武 分 + 的 李 武

十三 南 趙 臣 崇 言 宋 行 砼 卷、《皇朝 中 南 續 的 宋 期 理宗時 録 著 外 》八卷 孫)沿 名人 道 學名臣言行外録》十七 期 物 襲朱 的 李 四 言 熹 朝 幼 行 武 名臣 的 加 (字士英,廬 體 以 言 例 纂 行 將 集 别 南 録 編 北 卷 ě 陵 成《 宋之 人 景 下 皇 宗 定 集 朝 交 間 名 至 室

以 李 連 百 校 自 IE 輯 本《 之三 五 種 朝 合 名 刻 臣 言 統 行 稱 録 爲《宋 »、« = 名 朝 臣 名 言 臣 行 言 録 行

的

史

值

以

的

文

獻

價

前

後、

别

修《宋史 武 包括 取 涵 高的史學價 蓋 踵 頗 武 具 從 附 宋 其 宋 傳 厅 名臣 人物 例 心心 初 道 到 言 學 而)的 朱 南 又 行 傳 熹 宋中 首 事 録 首 不 次 蹟 創 共 無 期 專 材 此 啟 的 輯 爲 料, 體 __ 録 示 道 所 和 百 T 學 固 涉 多年 取 人 爲 人 百 資, 物 ___ 物 三 十 歷 大 立 故 及史 史, 傳 貢 其 五 獻 材 書 於 事 李 料 具 幾 元 去 乎 有 X 幼

具 佚文二 有 作 百二十 的 有 可 早 及碑 計 很 補 E 宋 有 今本 + 高 餘 失 誌行 名 或 的 條 傳 四 臣 史 之 校 被 條 狀 有 言 實 勘 稱 闕 等 的 行 録 引 者 價 此 兩 雖 録 值 書 鄧 别 如 百 有 不 司 摘 廣 史、 餘 傳 所 僅 銘 馬 録 種 本 以《 雜 有 先 光 T 史、 宋 輯 生、 但 這 大 凍 名臣 闕 佚 此 文 量 張 水 佚 補 豐 集 的 希 記 一言行 缺 甚 富 筆 北 清 聞 多, 的 的 **>** 記 宋 從 録 作 史 中 等 官 所 即 》除 料 用 輯 有 引 百 私 3 澴 得 常 著 餘 有

書 幼 録》元 言 朝 卷 館 臣 再 行 本, 乾 刊 存最 熙 有 2録》十 = 行 造 隆 所 言行外 名 武 前 刊 本。 較 行款與元 善 録 藏 臣 間 早 所 題 本 種 此 李 高 本》影 次整 言 輯 明 元 不 爲 幼 的 有《 明 而 卷 明 録》十 之三 刊 行 又 武 書 盡 底 代 清 和《三 清 四 本爲 學 理《 較 名 别 本 所 相 則 各 刊 庫 印 各 輯《宋 種: 録 爲 價 合 有 七 本 宋 本 全 現 本 以 在 底本, 完 ř 朝 崇 之 卷 名 書》本; 今 《皇 之 存 扉 上 整 名臣 禎 前 臣 致 名 下 據 最 頁 續 述 的 以 外 張 朝 稱 以 言 臣 集 早 IE 集 現 後 李 是 言行 序 采 行 上 名臣言行 言 還 各 文及 的 據宋 存 嘉 中 集 幼 别 述 言 刊 録 行 具 十三 或 最早 道 爲 武 山 李幼 卷》十 ×, 本, 集 録 有 本 E 原 家 間 校 大 所 很 朱 \approx 卷、《 重 書 録 外 的 圖 學 天 本。 洪 輯 高 武 續 熹《 初 刊 四 和 集 中 體 書 瑩 頭 ^ 圖 所 録》八 刊 流 宋 皇 IE 爲 山 例 原 館 卷 刊 五 有 書 輯《 於宋 朝 名 文 校 書 所 大 編 朝 館 顧 評 傳 以《 中 宋 卷 定。 學 道 臣 藏 本。 E 名 所 廣 語 最 末, ~ 的 言 宋 名 學. 藏 圖 録 中 臣 圻 廣 表 原 名 行 言 校 臣 四 李 與 淳 華 今 清 元

述 0 類 不 全書共七 致,今 十五 取 其 卷。 卷 前 題 署 的 多 數 表 述 予 以 統

簡 顧 文 淵 廣圻校本簡稱 稱「元本」, 閣 書校勘 四 庫 明崇禎張 全 記 一書》本 中,中 「洪本」。 簡 采刊 山 稱 大 本 學 四 簡 庫 圖 稱「張 書 本」,道 館 本」, 所 光 藏 元 洪 影 瑩 EPT 刊 清 刊 本

意不明 熹 出 價 必 録 致 對 本 有價值 承宋刻之元刊本。 校的 之書 值 爲 使文意不甚 無誤,且既 朱熹兩 李幼 朱、李所見之本、兩 宋名臣言行録》諸 原 或 的異文,酌 有鑑於此 武 當 則 不 所引 種 時 通 到於 爲 不 流 明 者 輯 原 據 傳 瞭, 此 出異同 書 録 朱熹生前 原 出 已 輯 乃至 次 加 書 校 非 例 録 整 以 對 略 者及宋 可 書 者之間 校 理、儘 無法 參 《言 本, 作 删 輯 校, 李 説 削 遇 行 録在宋代, 今存世 卒讀 明。 元刻 幼 顯 有 可 録 的 偶 武 删 誤 能 異 ~ 亦 者,又某 作 嚴 本 檢 = 削 者 文, 本之祖本, 有 均 增 格 種 出 過 改 删 仍 今 掌 不 補 甚 字 現 爲 削 握 有 此 所 可 以 存 出 直 過 參 致 所 朱 之 改 能 用 校 接 甚 文 喜 字 考 不 輯 絶 傳 底

> 李衡校正本,後所引原書 兩 在 校 種 記 底 中 本 加 所 以 缺 説 四 明 頁 並 因 略 無 作 存 同 世 補 本 本。 遺 可 補 據, 遺 IE 的 文 次 亦 序是 不 補

其 於了解其内 要者蒐 宋名臣言行 集 整 容、體 理 録 附 例 各 於 和 本 書 版 序 後。 本 跋 源 和 流 書 等 目 極 提 有 要 幫 甚 助 現

多

擇

對

I. 限 於 學. 識 錯 誤 在 所 難 免, 敬 祈 方 家 不

吝

指

校 點 者 李 偉 或

74

自叙

是掇取其要,聚爲此録,以便記覽。 以其散出 國朝名臣言行之迹,多有補於世 籍不備,多所遺闕。 全,而又汩於虚浮怪誕之説,予常病之。 予讀近代文集及記事之書,觀 丽 無統也,既莫究其始終表裏之 嗣 有所得,當續書之。 一教者。 尚恨書 其 所 於 然 載

五朝名臣言行録卷第一

一之一 中書令韓國趙忠獻王

爲 年 黨 洛 河 右 表 祖 州 門下 范 掌 諫 陽 領 · 宰 陽 遷 議 E 書 同 質、 樞 相 侍 記 名普,字則 州 大夫,充樞密直 城 周 范 密 節 王 郎、 世 節 質 副 度 太 溥、 宗 度 奏 平 使 祖 用 辟 使。 用 章 魏 受 拜 平,幽 兵 爲 王 事 禅,以 樞 爲 推 太 淮 0 浦 學 密 官 平 軍 + 開 同 州 使。 士。 事 興 佐 寶 H 移 薊人,後 太 丰川 或 中 罷 命 領 祖 乾 官 從平上 功 宋 初 出 德 拔 以 州 授 滁 太 徙 爲 王

> 淳 中 軍 朝 西己 化 享 節 拜 太 = 明年 度 司 祖 年 使。 徒 廟 薨,年七 出爲 庭 兼 雍 侍 熙 西京 中。 中 + - . 留 册 八 守。 拜 年 咸 太 兼 出 平初 保 中 爲 ·書令。 兼 武 詔 侍 勝

太祖 普 計 惟 臣 或 天 也 之,所全活十七八。范蜀公《蒙求 餘 爲 凡易十姓,兵 日 ? 稍 地人 ,其道何 强 家 :「天下 既得天下,誅李 滁 人,將就 奪 而 不 州 吾欲息天下之兵,爲國家建 其權 神之 己 安 判 官 矣。 者,其故 自 如 死 一、太祖 福 ?」普日: 革 唐 ,普意其 制其錢穀,收 今所 也。 季 不 與語 筠、李 息,蒼 以 非 以 唐 來, 它 治之, 季 有冤, 啓 奇之。 「陛下之言及此 以 節 生 數 重 來,戰 其精 鎮 塗 + 進, 無 太 地 年 它 太 召 會 兵, ,其 間 奇 鬭 重 長 趙 祖 獲 巧也, , 君 不息 則天 帝 普 久之 故 更 盗 弱 訊 問 何 王 百

此言 若 隙 以 身 信 德 信 自 之人欲 E 下 吾 丽 是不 娛樂 日 所 卧 爲 : 自 口 等皆惶 汝 王 無 ? 節 諭 生之塗。一上 也 安 臣 我 雖 難 有 爲 審 0 富 矣。」 度 矣。」 不 等 今天 使 欲 知 窮 非 好 琦 守信 貴者 使之 恐起,頓首言 然。 愚 Ë 子 爾 富 不爲,不 等 居 頃 語 命 曹 孫 貴 不 飲 之, 此 等 何 樂,吾今終 汝 未 及 已定, 然爲天子 之力 者 無 酒 位 皆 ? 曹 畢 日 此 L 貧 可 者 不 : 日 雖 因 乏耳 酒 得 誰 上 唯 不 调 . 誰 無 晚 人 日 酣 且 也。」 E 陛 得 欲 心 敢 亦 「陛 朝 不 生 以 0 何 夕 . 下 E 多 復 大艱 至 欲爲之?」 故 未 如 黄 汝 皆 其 與 良 此 屏 積 有 卿 ? 曹 白 嘗 下何爲 頓 袍 故 如 憐 念 左 金 異 難 勿 駒 何 首 敢 汝 上 加 人石 右 心? 錢 復 之 指 汝 涕 汝 麾 殊 安 不 釋 枕 之 過 厚 泣 之 出 守 示 下 不 守 口

老,不 及 爲 明 備 易 安,不 多 臣 之業 迄 所 其 通 疾 去 者, ,然其子 果 天 今 宿 制 以 及 兵 人陰刻, 紃 此 斷 不 衛 ,使 者 尉 年。 多多 權 得非 覩干戈,聖賢 亦 解 絶 所 撫 主 置 擇 使 善乎 天 軍 而 賜 君 當 諸 孫 謂 安天下之謀,其 歌 主 便 權 下 諸 曏 賚 臣 至 其 道 生 <u>'</u>! 兒 好 親 何 功 非 之 之間 今享 用 錢 死 田 -舞 軍 臣 以 韓 甚 皆 事 穀 宅 而 許 女, 之見, 亦 治 E 厚 時 福 再 肉 市 之,皆 其 以善終, 平 謀 兩 日 禄 9 骨 拜 收 之, 後 與 以 ? 無 慮 選 飲 謝 何 也 結 或 爲 睚 功 猜 以 深 又 天 __0 酒 其 至 婚 初 子 眦 大乎? : 置 嫌 長 子 散 遠 下 明 相 今 大 姻 中 孫 轉 精 官 驩 哉 孫 日 戴 陛 臣 傷 太 上 V. 富 兵, 就 運 白 鮮 祖 皆 更 下 下 以 人 永 貴 使 甚 之 能 普 聰 置 念 太 稱 相 終 久

太祖

初登極

一,杜

太后

尚

康

寧

常

與

上

議

軍

或

事

.,循

呼

趙

普

爲

記

撫

勞

之

日

0

z; 鎮。 頓首 之日 屢以 刺 鎮 賜 選 歲,不亦樂乎? 在 翼[言事者 異 收 祖 史。 位 居常 皆自 故 心 補 擇 既 趙 、爲言。 稱 歷 幾二十 禁軍 也 者 普 精 納 年,石 「朕與公等昔嘗 謝 進 除 説 ° 知 韓 兵。 躬自 由 不已。 年, 節 上不得已,召守信等曲宴,道舊甚 由 兵 E 守信、王 度 我 是 聚之 貴盛赫奕 凍 之謀 使 凡 力 高 朕復有女數人,便當約婚。」守 太 按 水記聞》〇又王沂公《筆 今莫若自擇善地,各守外 權 其 精 石 祖 閲 京師 審 比 便是 0 材 鋭 Ę 能 琦 訓 ,始終如 肩 力 等猶分典 數 非 强 義同 練 魏之族 鳥 伎 以 京 遣 幹 重 皆 備 使者 胤 骨 藝 師 弱 0 ,俱蒙選 之 肉, 豈有它哉 、禁兵 之 有 宿 支 策 ○又《程氏遺 以 敵 衛 過 分 當 録 制 以 相 詣 人 尚 瀋 *\frac{\times}{\times} 兵 樂。 莫 厚 或 治 白 尋 優 者 諸 付 信等咸 趙 其 敢 於 逐 道 各 游 人 公 太 書 未 諸 糧 皆 有 州 普 圃 祖 卒 諭

> 外 奏普 寵 召 臣 日 趙書 待 人 升 乎 . 知 强 ? _ 命 韓 殿 鼎 記 也 E 市 日 鐺 且 う。」《記 人第宅,聚 如左右手。 尚 爲 左 有 今後 盡 右 聞 耳, 心,吾 曳 不 於 汝 宜 庭 不 御 斂 兒 爾 數 聞 未 史 財 匝 趙 更 中 賄 Ħ. 普 事 派 赦 徐 上 雷 也。 吾之社 使 汝 怒 德 復冠, 叱 勿 驤 太 **\$** 稷 祖 之 劾

太 祖 中。 矣。 過 脱 已 而 衣 功臣之家,不 即 太宗 普惶 久之, 冠 位 之初, 至 懼 聞 迎拜 日 共 印门 數出 大 於普堂中設 可 門 帝 雪向 測 聲 微 0 日 行 普 夜 趙 : 项 以 背 当 己 重裀 出 偵 每 謂 約 伺 退 帝 帝 益日 地坐 朝 人 V. 王 不 情 矣。 風 復 不 熾 雪 出 敢 或

簡

⁰ 太 凍 祖 水 既 記 納 聞 韓 王之謀 卷 自 宋 此 句 司 馬 以 光 K 作 凍 另條 水記 聞 以 F

②「制」、《涑水記聞》卷一作「致」。

容問曰:「夜久寒甚,陛下何以出?」帝

曰:「吾睡不能着,一榻之外,皆他人家

也。故來見卿。」普曰:「陛下小天下

耶? 南征北伐,今其時也。願聞成筭所

向。」帝曰:「吾欲下太原。」普默然,久上

曰:「非臣所知也。」帝問其故,普曰:「太

原 患 當 我 西 獨 北 當之, 邊 何 不 使 姑 留 舉 而 下 俟 削 則 平諸 邊 或 之

則彈丸黑誌之地,將無所逃。」帝笑曰:

議 吾意正 帝 曰 如 此, 王 特 全 試 斌 卿 平 耳 蜀 多殺 遂定 下 吾 江 今 南 思 之

將 之 以以 猶 耿 潘 耿 美副 不 之。 可 用 《邵 也 氏聞 $\frac{1}{2}$ 普於 見 録 是 薦 曹

彬

爲

太 祖 宣 卿 欲 名 已 使符 位 出 E 韓 彦 盛 卿 不 E 典 復 口 兵, 懷 復 之 趙 委 請 以 韓 見 兵 王 柄 屢 諫 上 上 迎 以 不 謂 爲 聽 之 彦

> 太祖 之。 之策 厚,彦 韓 令日 留 以 也 可 曰 曰 卿 之, 0 . 取 能 Ŧ ___ 可 因 日 負 上 豊 卿 謂 又 卿 惟 孰 别 日 周 中 以 翰 苦 非 日 陛 遠 可 能 世 以 **\$** 出出 死 慮 臣 以 守? 疑 負 下 宗 事 燕 果 日 矣。」 孰 託 符 彦 朕 深 翰 ? 奏 地 然。 口 以 彦 邪 卿 思 可 帝 代 圖 E 帝 處 卿 圕 利 取 何 ? 既 宣 亦 默 自 分之 事 必 害, 也 否 罷 中 韓 0 然 何 此 帝 ? 耶 出 ? 令, 遂 E 以 絶 語 乃 ? 勿 不 以 曹 中 復 日 朕 語 爲 \Box 翰 未 出 問 中 翰 不 在 對 **\$** 待 , 久之 後 備 彦 守之。」 止 所 ·言伐 卿 日 : 曰 彦 者 陛 悔 卿 取 帝 《記 . 所 , 宣 卿 下 幽 日 燕 聞 進 中 E 非 翰 至 復 燕 何

^{● 「}未」上、當有「有」字、見宋李熹《續資治通鑑長編》

令鎮 言,出乎文章 至太宗 鄧 州 因 平 E -之外 河 疏 東 力 諫。 乘 0 雖 勝 其 雜 欲 陸 憂 搗 宣 或 燕 一公論 愛 薊 君 之 事 時 中 深 中

不

辨

也。

《聞見

録

其

念記

聞

趙 愈怒, 劄子挼 乃 自若 用 旨。」其 奏之,太祖 普嘗欲除 〇又《晉公談録》云: 寤 拂 ,徐拾奏,歸 ,用之。 明日,普復奏之,又不用。 、膽量 而擲之, 袖 起。 如 某 怒,取其 此 趙 趙 其後 人爲某官,不合太 就 猶 地 普嘗奏事忤旨,上 奏 補 拾 果 日 起 綴 奏壞裂 稱 以手 此 職 明 事 展 得 投 合 日 開 如 其 地 怒,就趙 近 復進之, 此 力。 前 明日 祖意,不 容 普顔 復 **②記** 進 手掌 奏。 人 聞 F 又 色 上 奏 取

太祖 惡 古 不爲 時,嘗有 以 與。 遷 酬 官, 功,古今之 群 趙 臣 普 將 文 若 堅 功 以 何 爲 當遷 通 請 道 普 也。 官。 E 日 • 怒 上 且 日 刑 素 刑 . 賞 以 嫌 懲 朕 其

> 官 天 怒專之?」上 下之刑 ,普立於宫門,久之不去。 賞 非 怒 陛 甚, 下 起,普亦 之 刑 賞 也 隨 上 之。 豈 寤 得 乃 E 以 喜 可

或 凡 通 初,趙普爲相 衢 有人投 《聞 見録 利害文字 於廳 皆 事 坐屏後置二大甕 置 中 2 滿 即 焚 於

太祖 眼 太祖 宰 文公談 使維翰在 孔 常 相 小 如 與 苑 賜 桑 趙 維 普 荷 與 ,陛下亦不用。 翰 議 用 拾 者,與之謀 事 萬貫 其長,亦當 不合。 則 塞 太 乎 破 蓋 護 祖 1 其 維 屋 曰 : 子矣。」《楊 短 普 翰愛錢。」 對 措 安 得 大

- ② 「皆置中」、《邵氏聞見録》作「皆置甕中」。
 稱《邵氏聞見録》)卷六「言」作「有」、「外」下有「者」字。
 ① 「言出乎文章之外」、宋邵伯温《邵氏聞見録》(以下簡
- ③ 「楊文公談苑」,按:《孔平仲談苑》卷四亦有此條。

太祖 也 者言之,欲 塵 ___ 埃 豁 自 達 中 後 總 既 普 教 潛 得 不復敢 識 加 天 天子、宰 害。 下,趙普 言。 太祖 《談 屢 相 日 録 以 「不 Ö 則 微 人 時 皆 所 口 去 不 若 足 尋

開 當奏 皆 也。 對。 浙 間》云: 受,但 遺 寶 車 弱 南 頭 駕 錢 由 ,當使 普。 君 貢 辭 中 聞 世日 俶 至 汝 常常 臣 讓 書 ПÏ 皇 方遺使致 太祖 倉 以書答謝 趙 始 柱 却之。上 恐 卒 普猶 賜 之 耳。」因 ---時 震 白 頓 此 出 外, 勿 日 趙 Ų, 海 首 駭 書及 太 秉 測 : 物 謝 不 普爲 命普 密齊 笑 上之 少少 祖 大 政 必 日 及 海 日 佳。 屏 相 物 謝 既 白 賂 太 江 國 偉 也。 而受之。 臣 + 車 但 即 而 其 金 南 未 瓶 祖 ·駕因 之 度。② 取 命啓之,皆 F. 發 於普 後 之無 加 來 後主 日 體 顧 書 出 主 使 遺普之數 見 . 慮 實 置 《談 忽幸其 遣 不 以 可 問 不 在 此 苑》〇 其 可 也 銀 何 彼 知 滿 左 物]° 謂 不 貯 廡 第。 弟 自 五. 下。 或 瓜 普 可 又《記 從 普 萬 爲 知 家事 子 時 以 之, 善 江 寢 吅 不 兩 金 實 兩

> 王 始 其 罪 庇 中 制 以 へ權 ,韶參知 吏受 書 副 爲 之,不 相 加 多 太祖 賕。 遜 政 因 知印,不奏事 事 上 事 對 命薛居正 無 怒,下御 更 屢 大小,一 知 攻 印、 其 短 吕 押 史 不 決 雷 餘 班 府 押 於 有 慶參知 案 奏 班 王 鄰 間 事 復 但 以以 訟 開 抵 奉 政 分 吏 其 寶 行 事

E 性深沈, 斷 卷。 寡學術 其爲 世 無 有岸谷, 太祖 宰相 與 爲 以以 常常 比 勸 多忌 天 以 下 克。 讀 事 書 爲 初 己 晚 以 任 年 沈沈 吏 手 道 毅 不 聞 果 釋

昭憲太后聰明有智度,嘗與太祖參決大政,

●「談録」,洪本及張本均作「晉公談録」。

2 作江 稱《類 苑兰以下 江 南君臣始震駭 説 南 君 簡 卷五 臣 稱《類 始 震 = 引 駭, 上之 苑 震駭 服上之偉度」。 偉度」,宋江少虞《 卷 一下有「服 、宋曾慥 字, 《類 説 宋 則 》 以 此 朝 事 句 叮 K 實 簡 類 斷

以

外

彰

寬

宥

乃

置

於

必

死

之地

0

普領

州

雖

在

内

地

丽

至

者

必

死

望

追

改

前

家 陽 泣 大 及 榻 大 及 臣 此 太宗 寤 弟 戒 前 疾 人 日 普 日 別 示不 則 敕 篤 遂 汝 夕 書 爲 祖 太 而 即 然, 敢 自 憂 遣 并 約 太 考 後行 祖 位 知 不 使 藏 汝 不 誓 祖 E. 與 日 如 所 之子 測 急 之 普 既 書 侍 由 . 太 母 以 召 金 柴氏 爲 藥 后 至 教 得 普 汝 之, 亦 上 貴 盧 餌 之 ,復爲 萬 天 於 獲 使幼 多 普惶 命 歲 餘 下 日 紙 不 安 太 遜 謹 後 慶 乎 矣。」 離 發 后 尾 相 兒 所 恐 密 ? 也 0 金 當 左 因 自 主 滅明 官 爲 太 賈 記 署 召 以 天 太 人掌 出 太 聞 遺 趙 祖 名 次 下 祖 得 守 書 后 普 傳 耳 太 頓 云 日 之。 於 首 笑 后 河 之 龃 .

> 後 春 月餘 州 再 到 郡 符 貶 嶺 坐 月 事 餘 外 貶 卒 宣 普 具 州 湘 述 行 Ш 野 其 軍 銊 事 司 馬 即 以 E 符 怒 未 知

太 平 隳 對 罪 政 獄 改 ", 宜 特特 越 興 陛 天 時 或 正 俾 F 郊 地 中 刑 郊 禮 赦 辟 告 赦 令哉 朝 將 不 休 近 士 然 宥。 神 祖 太宗 而 明 上口 或 趙 E 吉 典 善 普 怒 家 郡 其 木 其 1 奏 奸 何 對 郊 貪 日 贓 人 肆 : 墨 IIII 類 止 安 敗 諭 事 足 覺 所 官 旨 沂 以 抵 執 下

彌 德 筆 超 銢 自 冗 列 爲 諸 司 使, 驟 被 委 遇

誣

奏

侍

中曹公彬有不軌謀,太宗疑之,拜德超樞

E 密 乃 副 大 使 悟 不 即 數 逐 月 德 趙 超 普 丽 待 再 相 彬 如 大 故 爲 辯 自 是

盧

多

遜

貶

朱

崖

諫

議

大夫

李

符

求

見

趙

普

言

朱

崖

雖

在

海

外,

IIII

水

上無

它惡

•

斷 數 日 不 明 <u></u> 9 頗 幾 不 悮 懌 大 事 從 容 夙 謂 夜 普 循 日 省 . 内 朕 愧 以 聽

心。」普對曰:「陛下知德超才幹而任用

罪者誅 陛 之, 於是釋然。 下之 察曹 物物 明聖也, 彬 無 無 沂公《筆 遁 罪 雖 情 而 録 堯 事 昭雪之。 舜 至立 何 以 斷 有 過 勞 此 此 者 哉 所 進 以 彰 有

李繼遷擾邊,太宗 臺 爲 一故 邊 患 地 ,令滅之。 《玉壺清 話 用 保忠 趙 普計 反與繼 封趙保忠守 遷合謀, 夏

一之二 樞密使濟陽曹武惠王

院 征 以 内 近 乾 使 爲 客 江 戚 祐 南, 歸 中 省使,兼 王 義 歷 名 州 補 成 典蒲、 爲 彬,字國 行 成 軍 昇 誉 德 節 樞 州 都 晉 軍 度 密承 西 監 軍 牙 華 使。 南 職 一一。 真 路 師 太 開 定 行 還 祖 人 寶 二年,征 靈壽 營都 乾 周 七 授 以以 德 年 宣 人。 部 + 初, 後 徽 南 改 宫 漢

> 道行 咸 武 檢 事 領 王,配享太 節 明 平二 寧 校 度 忠 年 節 使。 從 營前軍都 太保、右 武 + 年薨, 度 平 軍 ___ 使。 雍 太 月, 節 祖 熙三年 原 度。 廟 驍 江 年 真宗 部署 庭 騎 加 南 六 太宗 E 兼 平, + 嗣 以 將 王 侍 九, 位 即 以 違 師 軍 中。 , 位 功 召 詔 北 追 失律 拜 拜 四 伐 封 出 加 爲 年, 樞 樞 濟 爲 同 密 密 陽 責 起 天 平 丝 使。 使 郡 平. 爲 授 州 章

E 事周 王 至,雖公府宴 以 一公謂 E 嘗監蒲 帝 從事 室 近 州軍 親 樂, . 尤 「老夫自謂 必 蒲 一端簡 所 帥 加 王仁 終日 禮 夙 鎬 而 夜 未 王 性 嘗 匪 恭 長 懈,今 一旁視。 謹 厚,0 彌

使吴 禮 其 輕 「前 不 所 覩 而 **,越**,宣 不 朝 監 留 數 不 日 使 受。 軍 命。 . 必 東 歸 吾 錢。 誠誠 南者, 齊既 固 奏 汝獨 越 或 散 辭 [《]行 世 人 終 畢 率之甚也。」李宗諤 宗, 狀 如 皆分外 追 拒 。 即 E 此 以 之,是近 願 始 日 奉 納 拜 可 而 求索, 之, 賜 謂 内 迴, 賢 帑。 E 名 悉散 私 是致 矣。 猶 也 覿 撰 0 世 不 一行 遺 之禮 然 遠 宗 遂 納 親 狀 此 盡 H 舊 皆 常 頗 既 籍 0

充晉 肯 境 將 與 E 初 命 主 巡 衣 州 「誰 t 謂 單 食 帥 兵 一未及 介馳 暨 綈 其 馬 爲曹公?」有 無 袍 諸 紿 都 壯 膏 賓 監 也, 坐木 爱 粱 詣 從 笑 劉 膺 王 環 衣 日 鈞 戎 靡 坐 胡 使 . 盜 寄 指 於 文 床者乎 人 據 豊 王 野 采 素 晝 并、汾 有 以 則 不 適 ? 示 嘗 或 識 訓 有 之者, 戚 潛 練 審 鄰 石 近 日 視之 問 道 爲 夜 臣 , 使 守 王 敵 則 人

委以

腹

心

使監

征

蜀之軍。

語

群

臣

日

世

宗

舊

更,不

欺

其

主

者

獨

曹

彬

耳。

由

是

日

:

此

官

酒,

不

敢

相

與。」

自

沽

酒

以

飲

太

祖

及

即

位

於澶

州

曹彬

爲

世

宗親

吏,掌

茶酒。

太

祖

嘗

從

求

酒

彬

太 守位 常欲 祖 建 尤 方信。 以 日 : 居 輔 隆 所 醼 始 事 親 推 新 樂 在 朕素 周 猶 其簡 邦 汝, 年 重 潛 朝 恐 亦 也。」《行 躍 知 獲 汝 自 所 然 儉 連葭莩之親, 汝意 何 過, 平 實 罕 如 王 故 陽 典 此 非 至 狀 方 安敢妄有 疎 ŏ 禁 召 因 吾? 軍,以 又《記 將 歸 公 太 擢 事 祖 復忝 謂 聞 用 未 王 益 交納?」 »:Z 王 日 頓 以 中 宜 内 嘗 首 太 罄 職 此 造 立 我 祖 謝 奇 不 乃 太祖 事 當 靖 誠 倚, 世 恭

H

0

《行

狀

大 舉伐 次 部 平 署 蜀 夔 以 州 詔 E 爲 劉 又 取 都 光 遂 義 監 州 充 歸 始 時 破 州 諸 路 將 會 行 皆 誉 巫 前 欲 Ш 屠 軍 城 副

哉 賞 功 等 將 日 南 大 解 贍 太 與 全 校 郡 殺 院 怒, . 1 祖 崔 宜 之法 縣 師 王 降 恐 加 全斌 速 悉 盡 雄 使, 彦 收 夫懲 無 言 汞 贍 以 等 得 振 縣 准 下 蜀 斌 清 以 取 逞 充 歷 不 等 旅 作 全 悉 將 惡勸 勸 畏 等 無 是 威 詆 伐 義 凱 H 亂 斌 兩 力 校 廉 乘 天 厭 並 暴 諸 成 夕 旋,全斌等逗留不發]]] 等 皆 剪 善 下 郡 恪 設 破 下 將 蜀 縱 平 所 軍 平 唯 得 · ° 縣 竹 有 吏 此 奢 唯 酒 人苦之。 罪,臣 王 節 爲 之。 之 太 相 王 微 議 所 不 曹 縱 事 申 勢, 應 度 祖 與 累 以 彬 不 禁戢之令, 狀 洎 諸 恤 笑 使。 即 以 勵 盗 不 ___ 法 全斌 軍 將 日 又 人 日 臣 無 賊 \pm Ш. 事 事 贍 會 面 王 授 4 功 屢 耳 蠭 刃 ·, 冀 等 成 肯 獨 計 獨 E 卿 起。 勸 部 忧 丽 歸 卒. 都 惜 蒙 懇 宣 以 有 太 明 E 全 下 峽 娲 E 茂 厚 請 徽 祖 自 £ 致 斌 勸 列 大 中

> 案劾 南 豐德 伏 殺 \$ 書 彬 义《記 都 斌等食縱之狀。 貨也。」太祖 無者備 日 日 不 此 勘 不從 # 人?! 取 : 有 皆 敢 行清 太祖 勘 庫 劾 ,今後陛下 日 是 間 未 獲婦 辭。 禮 金 將 左 歸 伯 介畏 又 洎 遺 Ŭ 寶, 以 臣 進 收 服 右 女者,彬 密令伺 E 勘 嫁 其 μĵ 御、當密衛之。 日 謹 行 此 ,若不勘 E. 全. 案成 之。 文案、 商 如 但 曹 又 斌 太祖笑謂 方克 議 何 彬 誰 ,宣《 贍 之,圖 等平 及 悉 止 用 Ħ 邪? 但 劾 H 不署字。 又《掇 師 閉 有 令後 人?」太祖 合誅 復 劍 退 蜀 還 恐今後 曹 于 書 二 仁 西 不 南 仁贈日 全. 彬 也,無 殿 戮 鯔 泊 蜀 遺 獨 干 第, 贍 斌 見 口 先 重 事 及 你 委任 人 惶 曰 一太祖 殺 責 甚 H 銖 罷 歸 竅 師 雖 事 爾。」〇《晉 怖 降兵三 闕 金寸 多 遗 「納李廷 問 咸 以 殺 曹 者轉 不不 遂皆原 叩 曹 降 乞見 度 或 訪 彬 日 太 錦之附 伏 然。 兵, 食 : 其 不 亂 討 譖 F 祖 待 珪 退 殺 言 親 蜀 之。 如 亦 傳 歷 Ħ. 罪 公 妓 Ìπſ 人 以 旧 何 數 焉。 不 官 戒 初 但 還之, 東、 談 日 時 後 吅 敢 可 送 擅 E 左 克 録 頭 亂 曹 江 便 #1 開 A 0 全 奇 成

0

一改。一改。「伏」,今《涑水記聞》無此條,據《類苑》對

得。 亨 只 進 字 陛 不 ---面 百 臣 如 要 早,乞全老母之命。」 下未 得 服 被 見 H 此 「今國 委任 禄 他 卿 11:0 收 似 口 則 知 往 切 得 晶 豈 當 曹 會 服 ,若全 當日 家享 時 太 并 非 時 臣 取。」 曩 西 餘 袓 切 何 潘 文案, 初 日 Ш 慶平。」 無疆 斌 故堅 勿 F-1 美 謂 曹 旭 亂 等 日 悠。 陛 Ш 殺 日 之休 獲 自 元不着字。|太祖令取 下 卿 殺 人。」 太祖 罪 命命 是 服 必行誅 降之事 既 臣 罪?」 謹 他 汝收 良 曹 欲 尤器遇之。 奉 無 獨 徐 由 Ė 戮 詔 罪 清雪 是 奏 曰 : 江 告 臣 旨, 故故 日 過 耳。 南。 罪, 曾 臣 留 不 不 Á 商 又 丽 是 又 爲 臣 又潛謂 此 敢 從 量 曹之諸 安 文書, 顧 岩 自 穩 覽 違 初 不奏, 便 曹 用 之, 固 越。」 家 與 執不下 日 ,令老母 着 留 全 所 謂 子, 晉 此 他 以 斌 日 八恐 公 但 文. 不 更

E 太 與 祖 乞 副 諭 會 别 太 彬 遣 議 將 選 祖密論 曹 曰 則不 如 : 能 彬、 不 臣, 所 能言 難 潘 天下 謂 矣。」 美 美 大將者 盛 征 事 一美汗 太祖 言 江 無 江 南 不合 益 下 南 能 彬 所 미 不 斬 辭 器 E 取 敢 出 才 重 意 仰視 位 力 帝 犯 [《]行 而 不 大言 公堂 分 狀 迨 之

曹 之罪 彬 他 城 之厚重,美之明 日 人 未嘗妄戮 行,夜召 「會 事 不 以 太祖 彬累 得。」蓋 水 以 取 沃 彬 時 遺 彬長 一人,而 會 其 人 欲以 告 將討 取 禁 面 城 者,令爲 鋭 9 中, 恩 他 中 金陵,責後主稱 江南平。 既 德 更 本 : 帝親 醒 相 來 無 大 爲 之也 統 罪 酌 帝 軍 助, 《聞 帥 酒 撫 只 決 見 令行禁 其 將 是 取 是 録 彬 背 + 終 故 自 疾 全 家 以 不 以 彬 着 遣 官

一十七 之言 報 其 日 日 郎 (愛子 H 而 君 將以二十七日出。」彬又令懇言 克期 以 取 到 清 「行 日 ? 寨 爲 ?, 仲寓· 源 破 李 蓋 堅 即 郡 城 之物 敵 公仲 畾 四 宜 未出 人 如 面 之言, 早 未備 罷 此 寓 爲 天 X 攻。」後主終惑左 彬 之 覲 豊 象 宫 屢遺 圖。 至 足 無 中 變,豈 爲 仲冬下旬 督之,言 之宴餞 後 信?」 È 將 可 但 右 遣 其 朝 月

不若 籍 屬 積 整 後 道 誰 逈、 限 納 五 + 旋 費 主 白 執 以 薪 降 軍 則 田 人爲 既 赴 成 六 非 豊 Ó ? 欽 後 彬 用 無 列 失 火。」 日 彬 爾 能 祚皆力争 至 主 答 及 國 般 彬 立 所 自 矣。 拜,爲 至 廣, 誓 亦 既 致 但 命 知 殊 其宫 引 言: 無 當厚 見彬 笑 輜 無 斬 決 遺後 及 之盡 重 ',以 而 觀 哉 「若 之, 城門,後 心 矣 登 彬 自 不 煜 問 主人治 爲「荷 負 答。 齎 社 禮 舟,有一卒負 神 家 諭 煜 檐 裝 稷 果 0 氣 計 以 果 主 者 先是 失 以 逈 9 有 裝。 既 歸 一方開 懦 無 罔 等 守 是 既 不 歸 朝 夫 他 切 虞,咎 敢 日 升 官 裨 當 女子 有 俸 門 蹉 諫 城 舟 籠 彬 將 携 中 司 賜 奉 跌。 陷 之 隨 下 遣 彬 將 梁 之 有 預 表 m.

狀

及歸 鰥 轉 搜 有 運 寡 爲 軍 使按 軍 中 舟 土 中 人之心, 無 統籍檢 所 無 得 掠者 他 置 視 物 王 無 妻 É 惟 一不 女。 所 即 圖 不 時 籍 問 倉 至 遣 衣 廪 還 被 吴 府 振 之。 而 人 乏 庫 己。 大 絶, 悉 因 悦 恤 大 委 行

曹彬 遺。 誓。 殺 須諸 來 + 如故 《記聞 车 問 攻 人, 金陵, ,子孫有乞匄於 明 公共發誠 疾 彬之子 曹翰· 日 彬 則 稍 自 垂克, 孫 克 愈。 愈矣。」諸 心,自 貴 江 盛 州 余之病 忽稱 及 海 至 忿 克 誓 疾 上者 將 以 今 金 其 不 非 克 不 久 陵 許 ·視事。 藥 矣。 絶, 不 ·城 諾 城之日 下 石 翰 中 共 所 程 卒 皆 諸 屠 焚 愈 頭云 未三 不 香 將 戮 按 皆 無 堵 爲 妄 唯

30

0 道一下《類苑》卷四引有「迴」字。

江 南

文武官吏,

賴

王保全,皆得其所,

親

屬

動

, 所

齎

持

鮮

矣。

《談苑

軍

官

吏

人

其

宫

屏

幃

几

砚

什

器

皆

設

不

金 陵 張 事 之陷 佖 得 彬 後主 以 百 金 兩 輸 以 官 詣 藏 中 而 曹 · 黄 不 彬 以 自 金 聞 陳 分 賜 不 受 談 近 苑 臣 願 辦 其

太 各賜 忘 祖 重 彬 相 等 贵 之 涑 遣 印 好 水記 錢 也 曹 因 官 口 彬 日 曲 洎 亦 聞 更 顧 不過 萬 等 $\stackrel{>}{\succeq}$ 宴 凱 親 念 其 下 旋 多 從 此 彬 Yn[江 得 重 怏 恩 錢耳 容 事 東 南 快 爵 禮 耶 陳 未 而 許 勸 ? 踰 何 敘 下 退 必 功 以 厚 及 至 使 彬 若 平 而 , 一家,見 之, 相 等 定 此 而 卿 也 宴 上 絶 之日 等官 錢 沂 退 無 滿 日 公 室, ,授之 : 前 《筆 位 其 乃 命 録 隆 非 家 歎

以 功 對 動 私 第,唯 ,已待 君 拜 父 樞 密 閉 接 漏 使 閤 於 小 宴 禁 吏 \pm 居 亦 門 在 不 以 矣, 宥 禮 妄 密 雖 未 通 雪 常 賓 嘗 霜 公服 客 以 不 名 易 危 呼 Ŧi. 其 坐 鼓 操 纔 歸 如

王 和 如 此 氣 者 接 物 年 煦 如 介行 陽 狀 春 ; 忠 誠 事 君 皎 如 白

> 全 然 總 談 興 將 波 樹 ह्य 愈 日 廢,燦 前 () 莫窺 終 入相, 自 私 厚 機 3 敗簷 若。 日 密 不 黨 ጠ 善守 以 憂 爲 鴻 然 其 五 善 喜 疎 富 愈 儒 門 富 胸 際。 臨 始 牖 愠 貴 深。 貴 碩 中 館 蕃 令終 一之色, 驕 不 生 也 所 恩。 翰 間 不 人, 自 堪 以 者 蓄 位 其憂。 加 家 所 唯 西 以 知 羨 益 以 蓋 降 人 以 爲 居 + 財 高 歷 E 不 蜀 之宅, 謙 不 爲 代 而 丽 能 及 每 知 恭 南 子 志 王 治 與 以 自 • T 虚之, 《行 孫 益 亂 僅 功 湛 朝 處 · 旲, 計 下 業 茈 狀 然 士 近 清 朝 自 澄 恬 出 風 不 兩

曹 然後 侍 故 此 不 利 人 緩 中 其 新 杖 嘗 而 爲 事 惡 娶婦,若 之,人皆 知 人 之, 徐 而 州 愛 法 朝 亦 夕笞 多 杖之,彼 有 不 不 恕 吏 曉 赦 罵 犯 其 平 也 旨 罪 使 其 數 舅 不 或 其 彬 既 能 姑 用 立 日 未 必 自 案 志 . 嘗 存 以 如 吾 妄 婦 逾 此 吾 爲 聞 年 斬

《記聞》

曹 牓 弟 嘗 武 愛 不 石 私 伐 物 之 請 喜 子 惠 間 蓋 又 稱 怒 加 王 如 如 輒 國 修 自 奉 百 此 此 戮 草 朝 吾 蟲 勑 一、公曰 人。」 名 所 爲 《歸 江 既 將 蟄, 將 南 平 H 鍅 幹 勳 不 江 其 殺 業 當 南 叮 時 所 人 之盛 公 傷 方 多矣,然 居 事 其 大 堂 詣 生。」其 П 冬, 室弊 無 閤 與 其 牆 未 壞 爲 入見 謙 壁 嘗 比 子 以 恭 瓦

皆 此 於 雖 樞 取 廡 稇 不 席 兼 俎 惠 ൬ 載 領 揖 豆 王 冠 使 觀 將 不 始 而 斯 其 相 不 相 歸 生 見 名 須 所 不 卒 周 取 取 惟 呼 贈 歲 以 伐 下 公 濟 日 爵 EIJ 武 但 吏, 江 陽 禄 惠 父 南 圖 餘 吏之 E 自 左 母 史衾簟 無 西 手 大,造門者 配 以 所 蜀 禀白 提 享 百 視 F 帝 玩 而 者 或 戈, 之 後 己。 食。 諸 皆 果 具 雖 右 爲 將 降 羅 劇 爲 手

曹

三抗 失 武 於 論 未 按 其 市 藩 E 律 尚 幾 帳 傳 軍 井 帥 壺 清 清白 書 於 疏 遂 法 HH 止 中 話 省 • 涿 起 性 衣弋 力 戒 塗 7,久不 如 鹿 朝 導 雪之,方許 遇 寒儒 趙 廷 恕 吏 朝 綈 素 察之, 參 許 去 紳 服 紵 清 政 宅 見 馬 待 絮 謹 必 自 帑 0 不 止 罪 Mi 引 朝 延 時 得 責 無 無 0 己 車 安 謁 公已 + 右 撓 越 0 趙 避 還 2 + H 驍 參 强 征 之蓄 土 復 0 衛 輪 政 人 論 記 樞 出 過 E 昌言 事 恐 歎 至 市 將 州 密 善 被 雍 伏 使 軍 請 偶 坐 談 戢 刻 遏

侍 中 曹 公 彬 爲 樞 密 使, 向 公 敏 中 爲 副 使

⁰ 車一下 卷 宋 有「爲 釋 文 字 紫 玉 壶 清 話 以 下 簡 稱 玉 壶 清

² 袍、 止 衣 胡 七 床」。《 絲 約 絮」, 類 説 》卷 玉 五 清 四 話 引 此 卷 句 作 作 īE 止 衣 衣 冠 七 綈 綈 紵

③ 「軍法」、《玉壺清話》卷一作「誅」。

衆 邪 當 民 威 私 敏 至 其時,當 弩若干,步兵若 而 狂寇,當速發兵誅 某所儲 名甚 是時, 言 0 ? 柔 怪 中所議。 ,酷類先 之。 遠 Ŀ 王沂公《筆 重。 爲 必 臣 别 契 廪 及子 一請自 亟 意。 君, 施 丹 未 晚 上 召 方 録 備,或道途迂 犯塞,繼 謂 自 瑋, 復果於戰 豊 効 樞 略制之。」纖 干,定矣。」② 將帥 7. 樞 討 臣 將 亦有 貮 計 帥 更無 斬決 遷叛 難 出 議 之體, 將 闘,而 其 鎮 材, 他 圃 遠,或 命,每 人, 彬必 西 悉措置,多 彬 説 敏 르 鄙 累 固 則 不 中 歷 當 ·肯 臨 出 軍 敏 止 徐 邊 若 以 懇 事 中 兵 用 書 任 是 激 從 常 非 安 此 整 强 狎

曹冀 賢令,瑋、琮、璨 或 主,江 王 無辜,功名顯著,爲諸將之首。 彬,前後受 南、西 川 命 繼 帥 領旄 廣 師 南 征 鉞 湖 討 南 諸 陶 也 或 丽 觀 諸 未 凡 子 嘗 降 E 皆 畫 殺 四

> 過。 功仁 登上 深厚 子 慈聖光獻太后,輔佐 像,有詩 孫 一將壇。」 昌盛 鳴 德,天下懷 何 呼 以 E 盛 一,近 至 . 哉 其 此 世 蒐兵四把降王縛, 後少子玘 無 1 慕 比。 澠 以以 雖 水燕談 仁祖, 漢 至 非 馬 追 濟 元 封 母 陰 唐 功 儀 王 郭 陰 生享王 一爵,實 3教子三 累 德 殆 朝 無 享 以 報 聖 生

之三 丞相魯國范公

唐長興中登第,仕晉爲翰林學士。漢公名質,字文素,大名宗城人。後

[●]海》)已集《王文正公筆録》無。 『狎」字。宋左圭《百川學海》咸淳本(以下簡稱《百川

② 「定」,同前書作「足」。

③ 「把」、宋王闢之《澠水燕談録》(以下簡稱《澠水燕

受禪, 世 終, 年 副 初 宗 使 加 戒 罷 户 不 加 其 爲 豫 部 廣 太 兼 子 侍 順 子 侍 無 郎 初 受 得 太 中 罷 請 傅。 顧 拜 周 益 命 中 參 祖 売, 文 書 知 輔 碑 起 侍 年 立 樞 兵 郎 恭 密 五 以 + 帝 平 乾 爲 四 章 德 太 樞 事 祖 將 密

質自 言,無學術 有異人與吾言,他 從 仕、未嘗 何 以 釋 處 卷 之?」《蒙求 一,人 日 或 必 勉之,質 當大任 一,荷 日 如 昔 其

周 祖 言。」

公惘 暑 執 旬 哂 民 其 前 扇偶 間 土 也 自 一木短鬼,其貌肖茶肆中見者,◎公心 鄴 揖 公它 人 書「大 舉 日 日 日 兵 : . 然 日 坐 向 、暑去 久之。 世 相 封 當 闕 一之酷 公無 丘 深 酷 京 巷 究 吏,清 後 吏 慮 茶 師 此 至 0 冤 亂 肆 弊 祆 獄 中 風 時 范 廟 暑 來 幸 何 魯 有 後 中 故 無 公 止 人 門, 志 隱 公 貌 如 見 於 所 怪 吾 大

> 吏 異 公 刑 得 見見 焉 統 以 周 **%** 祖 亂 因 首 定 聞 緣 見 爲 建 周 録 姦 議 祖 律 物 周 條 色 祖 繁 得 特 公 廣 詔 詳 輕 遂 定 重 致 無 大 是 據 用

范 質 之, 潛 曰 真 談 . 視 初 苑 識 慮 作 所 當 大體 臨 爲。 相 判 文 人失誤, 之 與 吾不 事 質 馮 3 初 道 貽 如 知 並 同 天下笑。」 也。」質後果 即 施 堂 籤 當 道 表 判 意 得 道 事 輕 以 聞 爲 其 視 語 嘆 名 新 堂 而 曰 相 進 吏 書

世 宗 求 曰 : 見 在 力世宗 揚 儀 州 近 臣 意 怒 竇 其 以 儀 救 小 儀 罪 過 在 作旨 將 不 避 測。 之, 罪 質 范 不 當 質 趨 一 誅。 」 非 而 前 時

⁰ 去。 幸 無 忘 吾 言」。《 邵 氏 聞 見 録 》卷 七 作 因 携 其 扇

③「當」、《類苑》卷九引作「堂」。

宗 致 大 意 免 非 冠 解 口门 遂 辜,當帝 首 赦 泣 儀 下 罪 Ŧ 日 之怒,幸陛 《蒙求 : 臣 備 位 下寬之。」世 幸 相 不 敢

范 質 必 以 奉 户 行 制 版 敕 籍爲急。 ,未嘗 破 《蒙求 律,每命刺史縣令,

周

質 范 恭 等皆至,太 太祖 子 恩,今爲六軍 稱 且 劍 將若之何?」質等未 黄 質 不 萬 不 厲 帝 !」太祖 肯 一命軍 聽。 之世 歲 袍 書 聲曰:「 一言太 拜, 請 及太 有 俄 土 詣 E 祖 叱 皆釋甲 而 崇 所 右拾 溥 祖 之, 鳴 祖 我 將 先 逼 元 咽 得衆 人 不 士 輩 殿 拜 遺直史館 流 城 還營,太 擁 退。 質 無 及對,軍 涕 Ė, 旦至 召 諸 質 主 日 百 不 質 及 不 將 一吾受世宗 此 官 得 頗 今日 E. 宜 祖 奉 鄭 校羅 慙 就 誚 溥、 使 亦 登 起 列。 負天 從 讓 典 歸 必 明 魏 彦瓌 公署 禁 太 德 得 宰 周 祖 地 兵 天 按 厚 浦 相

> 下 無 欵。 謙下愈甚 帝 出 別志》云: 仕,蓋薄其 命 内 惜也, 拒之。 所 宰 位 出 2 附。 今南 敗 制 死。 群 相 行 一,老將 及 御 但欠世宗一死耳。」《記 書 周 臣 世 扶 袁 至 太祖 顯德末年,太祖 一宗晏 爲 陳 0 相 太 禪 大校多 橋 人也。 賀 登 則 祖 位 駕、北邊奏契 溥 正 軍 登 , 陽 夙 變, 歸 及 太 一殿 門 所 心者, 既 太宗 獻 又嘗 祖 任 望 易 入 也 殿 就 城城 城 丹 雖 前 服 即 中 稱 惟 龍 人 宰 韓 點 諸 寇, 於 范 位 相 質 勍 檢 墀 軍 質 一、先命 聞》〇又《龍 東序 E 以 命 之賢, 北 未 忠於 功 溥 親 太祖以 有 業 亦 面 衛 歸 周 H 陰 戰 還 溥 再 者, 室, 隆 日 大兵 於 効 致 即 拜 乃 III 初 誠 而

0 志》上作 南 御 夏 「淮 宋 南 蘇 都 轍《 園 龍 川 别 志》(以 下 簡 稱 龍 川 别

2

史・ 害 唐將,唐後事迹 勍」、《長編》卷 與 太 此 一《太祖 通 祖 處 本 云 紀 戰 本 通 未見,此 紀》均 敗 乃 韓 建隆 死 聞 通 變 者 乃「謀 作 元 「惶 處 不 年 通 似 同 澽 禦之」 春 當 姑存疑 而歸」,「未 作 IE 按 月 「韓 而 甲 被 通 辰 勍 殺, 及 條 爲 又 注 五 及《宋 據《宋 代

八

者累年。 奈 許諾,然後率百官 每言賢 遏 無 脱 后 田 日 當如 日 語。 何 行 甲 倉 也。」因 如 詣 相 母 既 此? 政 本 事 終質之世,太 見 ,必以質 ,養少主當如子,切 事 遺 已爾, 具陳 太 堂。 將, 太祖 祖 之, 質 吾 無 時 爲 行 性仁厚, 儕之罪 見 禮。 太 稱 且 日 倉卒, 后 首 朝 曰 「先帝養太尉 由 未 少 也。 流 此 退 太尉 H 勿負先帝舊恩。」太祖 主 太祖 涕 丽 H 皆 爪 被 聞 帝 既 無 入溥手,幾 深 面。 亂 E 恙。 以 敬 如 禮 有 質 重 然質 子, 受禪 故 僤 質 F 太祖 讓 今身 殿 知 仍以 出 之禮, 勢 則 執 血 未 太 不 爲 事 溥 揮 冷 4 宗 Π 溥 相 涕 太 E

范 嘗 魯 爲 枉 心 地 生殺 謂 直 精 宰 公嘉謀 诗時 慮 相 同 矣。」 列 敗 慘 有 偉 事 舒 夷 沂 . 量, 覆 所 公 險 人 餗 **筆** 繋,荷 時 居 能 録 稱 憂 鼻 其 名 患 不 位 吸三斗 畢至。 相。 能 者, 蚤 自 今古 夜 醇 以 加之道 醋 兢 執 爲 即 畏, 政 難 有 悉 之 口

舊 制 則議之,從容 宰 相 早 朝 賜 茶 L 而 殿 退。 命 坐, 自 有 餘 軍 除 拜 或 號 大 事

> 公《筆 字以志之。 改其 之印 坐 前 止 刑 止 啜 朝 於 賞 朝 録 舊相 制 禁 茶之禮 畫 廢 退各 中 置 降 或 親 且 疏 出 事 自是 尋 初 批 其 憚 奉 無 紙 太祖 范 亦 行 事 巨 奏 尾 質、王 而 廢 細 御 所 己。 英睿,具劄 0 罷,今遂爲定式。 寖 得 並 用 多 溥、 聖旨 熟 御 由 或或 狀 魏 EIJ 唐 至 擬 1 歷 可 臣 子 旰 其 定 浦 五. 等 面 昃, 代,不 奏 進 同 自 取 謂 命 進 署 以 沂

公性卞急,好 貲 閨 太宗 聞 四 范 門 方 之中, 亦 質 後 饋 但 太 素 遺。 有 祖 重 食不 面折 所 因 質 前 居 講 後 異 人, 嘗 宅,不營 求 所 品品 對 輔 以 得 近 相 身 廉 禄 臣 没 介自 産 謂 賜 稱 之 真 侍 後 多 持, 臣 宰 給 日 相 家 未嘗 抓 朝 無 也 遺。 室 朕 受 餘

趙普

自

樞

密

使

授

集賢殿大學士,是時

范

質

等

一罷

相

中

書

一絶曹,

普

授官

勑

無

之右者。 弼 以以 爲 循 規 矩 借 名 器 持 廉 節 9 無 出 質

一之四 内翰竇公

推 拜 補 書舍人, 繼 卒,年五 判 天 0 參 闕 登科。 官 河 福 偁字 南 中 知 公名儀,字 太宗 開 政 舉 府 十三。 或 儼字 Ħ 事 封 進 初 卒, 章 即 府 或 士 周周 位 轉 望之,漢史 判 初 可 儀弟 歷 禮 年 官, 再 祕 召 象 漢 五十 部 入翰 書郎 拜 出 儼 侍 薊 周 左 爲 州 郎, 侃 林 爲 一諫 館 彰 開 漁 翰 修撰 議 卒 義 偁 乾德 寶 陽 林 大夫 年 軍 中 僖 [] 周 節 四 拜 四 後 皆 年 台 右 度 + 中

勑。

《掇

遺

勑。 帝王 皇弟 署字。 奉 必 朕 也 甘 日 署 行 露 有 爲 自 制 一之事 儀 事 所 尹 卿 勑 日 後 説 普 E 書。 署 古 宜. 京 人 可 輔 中 矣。」 太 今尚 乃召 此非 奏 乎 府 書 相 ? 之, 祖 無 普 兼 問 書 未 宰 承平之制,不足法。 普 太 即 中 嘗 之。 乃六官之長, : 相 祖 人 日 書 虚 卿 : 當 日 奏, **令**, 位 穀 間 . 時 , 時 有 遂 此 唯 陶 以 爲 卿 山 召 ıE. 穀、 唐 僕 尚 但 所 太 幸 文 口 射 書 署 竇 進 宗 宗 相 以 尚 非 來, 署 對 署 書 任 今 時

太祖 云 所鑄 前 來 掖 代 未 欲 庭 有者 所 改元 乎?」出 者 乾 無 德 太 , 四 謂宰相曰: 袓 \equiv 時 鑑 年 年 室 因 以示 鑄 IE 閲 相 月, 以 其 宰相 大 「乾德」 盒 驚 平 「今改年號 皆 蜀 具, 日 不能 蜀 得 爲 安 宮人 鑑 請 對 得 背 須 有 且 四 字 年 古 乃

_

此 召 0 號 學 土 作 鑑 陶 宰 必 穀、 相 蜀 須 竇 中 是 儀 所 讀 鑄 奏 書 日 人。」 太 . 祖 自 蜀 大 是 少 喜 大 主 重 曾 因 儒 歎 有

臣

矣。

劉

貢父《詩

話

王 著 爲 儀 再 重 日 尚 清 之士 不 既 人 翰 書 可 介 貶 王 二,難 謹 以 林 著 官 卿 厚,然 處 爲 當 昨 於 學 内 之。」質等 復 以 諭 土 署 頃 朕 召 酒 闕 自 意, 《金坡 0 失, 人。 太祖 翰 對 令勉赴 深 林遷端 遺 以 嚴 事 太 日 前 之 祖 朝學 所職 地 明,今 謂 禁中 范 當 土 選 質 非 即 又 惟 此 官 謹 等 H 竇

竇 儀 普 悦 多 之,欲聞 日 不 開 儀 開 法, 寶 或 我 歸 中 勳 必不 且 其 爲 臣 言 譽儀 過。 翰 於 公忠 能 林 諸 作 早 學士 弟 宰 亮 日 負 直, 相 才望之意。 一,時趙 張 召 社 然 酒 儀, 稷 引 亦 普 語 之鎮 滿 不能朱崖 專政 及 普 語 儀 其 盛 帝 帝 所 言 故 不 爲 患

耶

太太

宗

亦

稱

儀

質

重

嚴

整

有

家

法,

閨

1

敦

睦,

人

無

間

言。

諸

弟皆

示

能

及,僖

亦

祖

聞

之,

鷩

歎

天

何

奪

我

竇

儀

之

速

9

剛

直

乃

引

薛

居

īĒ.

參

知

政

事

及

儀卒

太

有

太祖 對 行。 平 勳 果 嘗 吾 太 即 城 罷 門 雖 興 有 大 爲 祖 下 舊 臣 官物 遣 滁 脱 相 憾 是其言之驗 或 可 傾 稱 州 保 親 於 七 禍 藏 出 非 普 儀 矣。」 吏取 ,世宗命 年 取之,誰 鎮 多 詔 又 河 普 守 藏 遜 既 喜 日日 陽 也 復 絹 遂 而 欲 儀 不可 其 0 人相 敢言者? 儀 參 召 籍 《談 普之罷 進 以 知政 學 其 即 得 用 苑 爲 土 帑 多 白 也。」 相 盧 事 遂 藏 遜 日 甚 作 多 攻 今既有籍 . 一後太 有 趙 危 普 遜 「公初 至 崖 普忌 相 之短 數 州 賴 祖 多 日 之 下 太 其 屢 以 遜

「守」上、《宋史》卷二六三《寶儀傳》 有「執」字。

0

儼 顯 中 人之才, 德 中上 日 一熙政 疏 惟 河四 言 偁 六 爲 E 綱 有操尚 正刑 五五 日 耳。 明 日 《蒙求 禮 勸農,六 日 崇

儼 太祖 尤 服 服 經 當晚 善推 儼 爾 武 上訝 至 《蒙求 坐崇政 遽 步 屏樹間, 其久 星 命 一曆,與 袍帶,嚴 殿 不 ,召學士 出,笑曰 見之不進。 盧 遂趨 多遜、楊徽 出。 . 竇儼對,上時 竪儒 沂公《筆録 中使 之同 以 促 我 在 不 諫 燕 宴

《談

苑

五 二拾遺必見之,老夫不與 奎 垣 星 主文明,又在 ,謂二公曰: 果聚 於奎。 丁 毫玉 魯分,自此 一壺清 卯歲,五 話 也。」 天 星 下 當當 至 始 乾 聚 德間 太 於 平, 奎,

竇 懼 叱 偁 室 宴 於 之曰:「賈氏子何巧言令色之甚, 爲 集 心邪?」太宗甚怒,白太祖,斥 晉 ,琰必怡聲下氣 府記室,0賈琰 爲 褒 判官。 讚 捷 每諸 給。 出 獨 2 王 爲 偁 宗 不

> 以 土 逢 涇 面 所 及此 折 州 賈 數 節 以至 琰, ? 判。 月參政,中謝,語之曰: 偁 此 後即 故 耳。 日 任 「陛 位,思之,召爲 卿 上曰: 左右, 下以 示不 臣 思 聞 往 然 直言 年 樞密 汝 以 霸 耳。 卿 府 直 知 嘗 遭 何 學

竇儀 書 五 補 每 尚 對 闕 書 ,皆侍立焉。 客 本 坐,即 燕 人,爲 一侍郎、 性 《晉公談 嚴 重 一,家 録 起 居 法 整 四 肅 政、 尚

一之五 丞相李文正公

乾祐 初 公名昉, 舉進 士,仕周 字 ,明遠, 爲 深 翰 州 林 饒 學 陽 或 漢

^{● 「}記室」、《類苑》卷六引作「賓佐」。

② 「褒讚捷給」,同前書引作「動息褒讚,餡辭捷給」。

③「折」,原作「拆」,據同前書引改。

罷 端 太 朝 拱 亚 開 明 初 興 寶 年 罷 或 六 年 八 以 年 淳 司 拜 化二 空 拜 翰 致 同 林 年 仕 中 學 復 書 士 門 至 相 道 遂 下 參 平. 兀 年 年 章 政 事 事

李 行 後 今 州 乃 其 至 昉 相 \overline{H} 州 以 買 辭 爲 故 獨 昉 年 司 至 事 年 行 生 驢 七 馬 不 在 一勞之, 日 洛 周 附 + 周 而 宰 至 . 陽 之 朝 人。一《談叢 以 昉 去 相 長 心 昉 須 步 王 知 老、三歲 又 薦 安 後 事 開 H 行 師 移 其 陛 命 封 歲, 移 人 H 疾 可 耳 京 下 府 + 疾 臣 大 當 0 徙 六 數 前 用 昉 + 人 徙 上 延 + 里 H 望 又 日 大喜, 聞 州 召 昉 知 H 獨 已 而 監 之, 别 判 不 事 不 歸 者 後 中 駕 兵 願 詔 朝 周 太 行 中 使 部 内 乘 祖 面 促 人 貶 在 徙 馬 宰 既 之 間 道 昉 延 ጠ

太宗 不 死 諫 辭 及 語 人 以 • 讚 七 侍 四 朕 白 德 臣 獨 不 來 舞 日 及 李 歸 **>** 卿 昉 詞 獄 朕 無 言 日 0 何 它 . 驚 E 忽 如 言 朕 聞 唐 矣。」 之, 女三 微 太 誦 宗 遽 掇 千 白 ? 興 遺 放 居 日 左 易《 出 右 朕 誳 互

李 記 昉 終送史 、太宗 》進 御 館 時 自 與 先 昉 宋 進 始 琪 御 也 同 mi 建 《蒙求 後 議 付 復《 有 時 司 政 記 \wedge 時 政 月

盧 之。 多 政 太 宗 : 多毁 遜 太宗 語 與 多 李 及 遜 昉 由 昉 多 居 是 相 常 人 遜 善 毁 有 事 昉 以 卿 , 昉 爲 昉 告 待 善 頗 錢 昉 之不 爲 不 昉 《蒙求 直 解 疑 不 釋。 信 昉 多 之。 始 太 孫 宗 信 後 知

李文正 公 收 收 日 用 用 必必 爲 必 相 用 和 Œ 賢,人主之事, 顏 色 有 温 拒 求 語 絶 差 待之。 之, 遣 已 見 我若 而 其 子 擢 弟 人 用 受其 材 或 間 叮 或不 請 其 取 故 將

相

不

謬

薦

道 市 私 也 用 。」《巵史 者 恩 既 也 故 失 峻 所 絶之, 望 又 使 無 恩 善 歸 辭 於 此 E 取 若 怨 之 其

李文 薦 退 相 然東 謂謂 進 Œ 之。 公常期王文正公旦必爲 其 字 封 公病, 西 弟 祀 亦 : 召 不 此 王 能 人 公, 救 後 勉 也 日 以 。」《巵史》 必 相, 自 爲 太 愛。 自 平 小 既 室 官

至道 享 中 近 親 44 如 書 侍 於 致 元 酌 「未嘗 此 仕 年 御 御 於家, 樓 也 樽 燈 ○」≪玉壺 之 飲 夕,太宗 有 昉 側 之, 傷 可 E 謂 人 敷 顶 選 清 害 以 善 對 話 餚 御 物 安興 人 明 核 樓。 之事 君 爽,精 之精 子 就其宅召至 時 i, 宜 也 李 者 力 文正 其 事 賜 康 今 朕 焉 勁 以 日 兩 謂 賜 所 司

公温 洎 小 心 和 而 循 演 無 張 謹 城 佖 府 無 寬 赫 及 厚 赫 罷 多 稱 相 恕 泊 不 好 草 接 賓 制 舊 客 深 恶。 雅 詆 之,而 厚 在 張 位

> 吾 待 廷 佖 所 尉 君 朔 以 望 H 素 李 李 重之也。」 常 不 詣 厚 公 其 方 何 第。 秉 數 政 詣 人 之? 未 或 嘗 謂 佖 佖 有 日 E 請 0 . 求, 我 李 爲 此 公

一之六 丞相許國呂文穆公

祥 年,出 章 擢 射 八 興 符 平 事 年 冠 或 章 公名蒙 四 甲 二年舉 判 擢 年 事 淳 科。 河 參 薨,年六十六。 化 南 知 六年, E 進 中 Ħ. 府 政 字字 罷 年, 士。 事 聖功 以 咸 遂 既 拜 太宗 病 平. 左 而 拜 罷 几 復 補 河 始 中 年, 闕 歸 相 南 臨 書 復 軒 侍 知 以 至 制 郎 親 道 太平 左 大 出 試 僕 元 平 中

淳 化 乎 寬 猛 年 得 太宗 中。 謂 寬 宰 則 相 政 **= *** 不 治 成 或 猛 之 則 道 民 無 在

之時 言 留留 愁天 蒙 夫 所 E 重 今朝 制 措 心 日 IE 魚 賢 下 度 手足。 日 擾 則 廷 者 者甚 E 不 之則 刑 朕 無 擇 治 喜 清 老 事 不 之, 衆 有 E 訟 亂 欲 子 . 天 邊 亦古 息 荷 塞 稱 下 望 境 矣。」《 朕 近 天 人言 陛 者, _ 謐 終 治 日 下 典 下 寧 H 内 大 可 也。」 親 路 漸 與 外 不 或 IE 民 行 卿 皆 至 敬之哉 若 之官 當 趙 清 論 來 若 烹 力 昌 净 此 皆 小 行 愚 言 之 封 事 夫 鮮 如 化 好 之 事 求 此 何

淡 苑 或 膺 禄 京 奏 朝 奏 姻 道 容 獄 こ。」《事 子 者 官 此 日 戚 市 故 者 寵 : 徼 無 人 起家 戒 況 命 限 中 寵 實 臣 勿 以 天 澤。 書 昔 即 擾 其 恐 今從 下 忝 兼 也 授 罹 惟 才 子 甲 受 陰 水 公 簡 能 從 (善惡 科 聖言 部 譴 與 簡 始 老 及 員 趙 離 當 第 於 所發, 止 外 韓 窮之 襁 奏 巖 乞 郎 褓 釋 E 補

昌 蒙 令詰 邪 列 有 猶 朝 IE 一蒙正 其 不 士: 不 官 能 於 喜 平 位 記 簾 佯 姓 人 内 爲 悔 名 過。 指 不 不 之 蒙 聞 窮 初 日 問 正 而 參 澽 過 知 之。 蒙 止 是 政 之。 正 小 事 其 日 子 罷 同 人 亦 一若 朝 朝 列 堂 政 同

則

無

徒

小

人

情

僞

在

君

子

豊

不

知

之?

吕蒙

正

日

一:「水

至

清

則

無

魚,

人

至

察

若

以

大

度

兼

容

則

萬

事

兼

濟

曹

參

不

擾

公不

必

究

間

冀

官

物

之

人

無

至

損

折

口

미

矣。

篙

I

楫

師

荷

有

小

販

灩

但

無

妨

幸門

如

鼠

穴,

何

可

塞之?

但

去

其

尤

者

自

爾

爲

制

湘

Ш

野

録

聞

汴

水

楚運,

卒有

私

質

市

者

謂

侍

臣

授

官

補

之。

固

讓

方

允

止

授

六

京官

以

臣

釋

所

則

姦

慝

無

所

正

合黄

老

物

不

知

穴,

不

能

霑

4

褐

止

授

六

加

朝

階

爾

未

嘗

以

舊

制

宰

相

也 知 其 姓名 且 不 間 ,則終身不 之 何 損 ?! 時 能 復忘, 皆 服 固 其 不 量。 如 毋 知

聞》

昌 累者 文 之,公笑日 欲 以 一百里?」其 有 謂 因公弟 穆公 朝 ,昔賢之所 賢於李衛公遠矣。 士 以 家 獻 寬 :「吾面 以 厚 弟遂不 藏 求 難 爲 古 也。 知。 宰 鑑 不 復 相 《歸田 過楪子 自 其 敢 、太宗 蓋 E. 言。 弟 寡 録 能 伺 好 大,安 尤 聞 照 間 而 所 者歎 從 不 眷 白 用 容 爲 服 里, 遇 照 物

吕 公蒙 能 中 何 夷 口 何?」諸子云: i,善用· 賓 有册子,每 人才,客去隨 列 所 服 E 甚 嘗問 争。」公日 人耳 善。 諸 ,此真 四 大大 即 方人替罷 但 子 人言. 日:「 . 疏之,悉分門 人人爲 宰 我 相 無 相 之事也。」 誠 我 謁 能 爲 無 見, 四 爲, 相,外 能 方 類。 必 事 無事 公夾 問 但 權 議 有 或 其 多 有 袋 爲 蠻 如

> 取 者 以以 之囊 而 此。 中 數 《巵史 人 故 稱 公爲 之者,必 相, 賢 文 武 也 朝 百官各稱 廷 求 賢, 職

廖尚忠卫曷,臣可嫠,口夷,帝爲幸丰它,吕文穆公既致政居洛,真宗祀汾陰過洛,文

間 穆尚 子皆豚犬不足 日 能 迎 卿 謁 諸 至 子孰 用,有 回 可 孌, 用?」公對 姪 己)病,帝 夷 八簡,任 爲 曰 一臣 幸 潁 其 州 推

靖公也。先是,富韓公之父貧甚,客文穆官,宰相才也。」帝記其語,遂至大用,文

公門下。一日,白公曰:「某兒子十許

其子,韓公也。文穆見之,驚曰:「此兒歲,欲令入書院事廷評、太祝。」公許之。

它日名位,與吾相似。」亟令諸子同學,供

公亦 給 甚 厚。 兩 文穆兩 相 以 司 人 徒 相 致 ,以司 仕 徒致 文穆知 仕 後 人 韓

術如此。《聞見録》

公質厚寬簡,有重望,不結黨與。遇事敢

言 遣 太宗嘉 一驟進 每 論 其 同 政 無 在相位 事 隱 有 趙 未 韓 韓 允 王甚推許之。 王 者 開 必 或 田 元 老 稱 一、公晚 不 可 0

一之七 丞相張文定公

還 第。 空 + 後 會 出 一,簽 年, 徙 致 知 策,皆報 被 六年, 洛陽。 仕 酒 成 公名齊賢,字 書 拜 都 失 樞 吏 府 七 儀 罷。 爲 部 密 年 免。 太 江 侍 院 薨, 咸 祖 太 南 郎、 事 平 時 大 年 平 師 西 初, 舉賢 七 中 日 興 路 亮, 出 十二 祥 V. 復 或 知 轉 良 符 章 曹 相 代 運 五 方 州 事 年 州 副 坐冬至 年 0 中 IE 冤 使。 , 句人, 四 淳 以 進 又 年 朝 化 獻 司 召 +

又《聞 斧擊 宗 文定 至行宫 通 榜 \equiv 決 汝 我 祖 内 學,七籍 欲 爲 盡 判 甲 富 怒 四説 不 ----其 見録》公: 衡 令武 與京官 之末。 置 欲 相 以 首 民,三 賜 州。 於高 也。 稱旨, 手 衛 爵之以官,異時 間 田 我 所 士 畫 ,八選良吏,九懲 H 廊 士 幸 封 太祖幸西都,文定公獻十 不十年,果爲 等,而 地 至太宗初 通 飡。 1-太宗不悦。 拽 文定堅 建 西 事。 9 判。 條 出 文定就大盤中 9 都 四 文定且 有司 0 陳 9 文定 敦 唯 + 及 執 即 孝, 策 得 食 偶 車 其 汝 釋褐 及注 相 位, 且 -失 駕 六 五 口 ·以手 對 姦 張 説 放 還 掄 收 舉 將 官 略 取 東 策 + 下 選,真 之,使 進 齊 京 皆 賢,六大 無 作 軒筆 有旨 食 於 并 懼 士榜, 賢 善 馬 監 恤 色。 帝 語 録》○ 前, 耳 刑。 用 丞 汾 第 輔 太 太 赐

太祖

幸

西

都

肆

赦

張

文

定公齊

賢

時

以

布

衣

獻

策

太

祖

召

至

便坐,令

面

陳

其

事

❶「寘」,原無,據宋魏泰《東軒筆録》(以下簡稱《東軒筆

東帛遺之。歸謂太宗曰:「吾幸西都,爲汝得一張齊

賢,宰相也。」

張 免之。 齊 以 所 錢 賢爲 居,量丈尺 輸錢如故。 ,其地爲江 《蒙求 江 南轉 輸税,名 水淪 又李氏 運 使,吉州沿江 陷,或官占爲 水場 時 民於江 錢 中 有 齊賢 舡 勾 編 場 欄 悉 浮 栰 奏 而 地

真宗時,戚 分財 又因 服 易之,訟者 實,乃召 召 日 乙家人甲舍,貨財皆按堵 也,臣請自治之。」上 訟 「朕固知非 入宫, 少乎?」 者 宰相張齊賢 日 兩 里 一:「汝 自 吏 有 乃止。 皆 趣 理 争分財 君 日 非 於 歸 曰:「是非臺府 莫能定者。」《記 以 其家,令甲 上前,更十餘 明 許之。 彼 然。 不 日 所 均者, 奏 如 分 即 齊賢 故,分書則交 狀, 上大悦 財 命 家人乙舍, 更 多 各供狀結 聞 斷 相 坐 , 所 相 訴訟。 能 不 汝 府 所 決 能

> 公姿儀 獄 謙 祥 喜 往 然不事 符 提 往 ,又與寇公準相傾奪,人以此少之。 德,及違奉 中 獎 涉 碩大 一,當言 儀矩, 寒 於 雋 (,善談 疎 濶 种 頗 天 玉 清 放 之意,屢 好 方略,以致君之術 之 昭 前 治 召,公所 後 應官績 生,再 治 清請 獄 罷 入相,數起大 畫 薦 多 土木之役。 一样瑞, 也 所 全 自 有損 大 負, 中

丁酉條、《宋史》卷二六五《張齊賢傳》補。「多汝所分財」、原無、據《長編》卷四三咸平元年十月

0

五朝名臣言行録卷第二

二之一 丞相吕正惠公

遷 朝以 擢 府 薨,年六十六。 拜 户 復 太宗 蔭 公名端,字易直, 爲 部 補 樞 侍 朝 千 密 郎、 再 牛 直 爲 備 平 學 開 身。 章 士 封 事 幺 判 拜 開 9 州 官 逾 參 寶 安次 年 知 中 皆 以 政 人。 坐 知 病 事 累 成 罷 又 左 都 晉

太宗 吕 糊塗 恐 IE 欲 惠 ,公恬然讀 相 公使 讀爲鶻 IE 惠公, 高 突。」 麗, 書 若 左 帝 遇 右 日 在 風 或 0 齋 濤 日 閤 端 0 檣 時 小 折 吕端 事 E 0 糊塗,大 之爲 壺 舟 清 人 話 大 人

> 保安 此,非 保安 端 端 令準 與 准 口 敢 下 何 事 曰 陛 以 之謀 軍 與 爲 使 爲 . 戒 不 下 知 ? 糊 之密 莫 人 君 奏 軍 樞 計 君 以 塗 邀 獲 密 北 之 若 勿 之得 何 準 爲 若 準 李 言 至 副 院 門 知 邊 以 何 決 退, 総 軍 幕 使 於 也 斶 行 處 之 0 者 如 意 遷 或 之?! 0 中 端 常 「議 自 外 文 ? 也 吕 相 母 大計 , 事 準 乎 宰 書 0 端 之。 日 邊 ? 以 日 9 以 相 太宗 : 耳。 爲 願 準 樞 事 戒 0 ≈ 吕 幕 獲 端 君 宰 密 準 耳 日 鄉 区 次 甚 氏 繼 端 陛 少 備 相 院 0 . 者 家 前 逆。 喜 遷 緩 位 上 上 下 之 日 端 塾 主 準 過 其 母 宰 記 以 職 示 -欲 獨 端 是 告, 事 爲 相 不人, . 召 端 斬 然 召 時 日 然, 9 若 端 0 陛 文 不 君 寇 於 進 不

^{●「}檣折」、《玉壺清話》作「恍恍摧檣折舵」。

太宗大

漸

李

太

后

與

宣

政

使

E

繼

恩

忌

太

子

英

明

陰

與

參

知

政

事

李

昌

龄

殿

前

都

指

揮

使

李

勳

知

制

許

胡

日

謀

立

潞

王

元

佐

其 端 策 髀 以 養 益 悖 母 夫 欲 見 使 書 烹之, 子 繫 繼 舉 0 視 堅 逆 具 稱 奏 勿 日 竟 其 其 之 之人 0 大 亟 善 其 遷 道 宰 納 母 心 F 事 叛 以 以 口 漢 進 臣 款 後 者 哉 心 臣 擒 . 而 招 言 端 高 吕 請 病 之 耳 1 乎 母 徠 固 將 微 祖 端 命 死 , ___ H. 愚 死 繼 ? 覆 且 不 卿 請 於 言 上 生 遷 念記 謂 陛 顧 : 奏之。」 若 對 延 : 幾 之 日 聞 宜 其 下 雖 不 州 願 誤 命 : 昔 置 親 然 不 今 遺 我 在 上 繼 然 項 即 能 於 H 況 我 事 我 徒 遷 召 則 邓 召 即 延 殺 矣。」 繼 樹 人 尋 閣 柰 得 降 州 総 即 遷 怨 盃 亦 太 之, 門 何 遷 上 用 終 使 胡 羹。 讎 死 ? 公, 吏, 端 端 之 撫 善 夷 盯 而

> 太宗崩 今 變 日 馬 爲 更 今 謂 除 使 有 將 H 鏁 相 名 異 : 何 恩 繼 赴 今始 議 如 流 宫 爲 恩 太 ? ? 后 於 陳 潯 右 車 棄 閤 使 州 州 乃 端 監 己 天 繼 0 内 本 門 迎 晏 下 日 鎮,昌 恩 太子 記 衛 • 駕 ·, 豈 使 召 闡 將 人守之而 先 宰 可 立 立 軍 监公 帝 相 遽 嗣 之。 爲 均 立 違 吕 以 忠武 州 太 端 先帝 長, 尋 人。 子 安 行 以 端 置 之命 順 繼 正 軍 太 知 也。 爲 胡 勳 有 司

真宗 既 又《談 揖 視 相 太子以升 崩 然 既 ,奉太子 叢 端 於 後 Ě 於 大 降 殿 行 遂即 至 堦 太 福寧 下 柩 宗 位 率 平 前 不 庭 預 群 立 中 即 位 日 不 臣 而 iE 先 拜 拜 登 惠 垂 呼 公 請 御 簾 日 榻 萬 卷 引 與 歲 解 簾 見 太 衣視之而 群 f 升 記 間 臣 殿 起 聞 降 居 審 宰

趙普在中書,吕端爲參政。● 趙嘗謂人曰:

挫 「吾嘗 未嘗懼 觀 吕 公奏 亦 不形言 事 , 得嘉 真台 賞 輔之器 未 嘗 喜 也)。」《晉 遇 抑

公姿儀 然 公 静 嘗 公談録 罕 或 今 爲 也 讓 當 0 拱 所 大 中 簡 間 事 揖 書 建 易 家 世 不 雖 瓌 敢 事 爲 事 所 屢 明 秀 經 不 當 , 0 務 經 服 , 久之 以 必 有 其 擯 0 0 名 經 器 真 日 爲 退 每 善 制 吕 呼 宗 量, 未 , 奏 相 與 0 端 内 陳 初 對 寬 嘗 嘗 詳 出 持 當 即 交, 厚 召 重 以 酌 手 百 世 位 多 對 得 急 扎 輕 列 識 乃 恕, 便 多 每 務 戒 大 財 専 得 殿 見 異 皆 體 好 介 日 意 聞 : 以以 公, 議 施 懷 豁 有 訪 奏 0 自 清 條 軍 肅 未 深 如

之二 樞密錢宣靖公

使、 雍 出 集 祕 以 至 知 賢 書 道 熙 母 知 天 院 初 丞 中 老 公名若水,字淡 并州 ·舉進 雄 學 以以 求 直史館 軍 1 解 右 Ó + 機 薨,年 巡 復 諫 務 釋 議 撫 判 遷 便 大 褐 陝 流 四 知 奉 夫 西 同 内 H 成 制 養, 銓 同 州 還 刀 盐 河 觀 知 遂 拜 南 翰 知 樞 察 以 鄧 開 密 新 林 推 本 孙 院 學 安 封 官 官 觀 府 事 充 察

0 日 吕 吕 及卷二一〇《宋宰輔表》,太平興 命 月吕蒙正 端 端 吕公蒙正 端爲 似 參 知 未及 多政」《百川 政 爲參 事 參 副 在 趙 知 普。 預 淳 政 -0 化 事 學 四 按 端 海》癸集《丁 年 拱 據《 元 時 宋史》 年二月 趙 國 普 1 E 卷 晉公談 年 養 趙 四《 趙 疾 吕 太 普 録 西 宗本 同 罷 京。 》作 拜 相 相 則

理

甚

嘉

納

錢 僧 復 意 之不 若 老 不 兀 + 復 留 未 僧 水 麻 留 決 語 致 與 急 爲 明 衣 仕 以 然 希 舉 流 道 H 命 後 急 夷 中 當 子 者 僧 火 若 希 流 勇 箸 擁 也 時 再 觀 水登 夷 中 退 地 來。」 9 畫 之, 見 《聞 初謂 爐 勇 人 灰 科, 陳 僧 若 見 退 也 坐 作 録 云 若 希 水 爲 一做 去 水有 若 僧 夷 如 樞 做 神 不 於 熟 水 期 密 不 得」三字, 仙 辭 視 華 仙 往 副 得 若 不 風 去 見 山 使 遠 一,希 道 , 有 年 水, 故 希 矣。 夷 夷 徐

錢若 然。 軍 所 決 當 駮 水 事 不知 奉 爲 前 州 陪 不 同 後 所之, 官皆 贖 如 州 録 銅 此 推 事 以 耳 若 數 官 嘗 奴 贖 ٥ 矣。 水 貨 父 知 論 已 固 錢 母 州 而 有富 争 於 訟 性 知 果 富 不 於 褊 州 爲 民 州 能 民 急 愧 朝 家 不 得 謝 命 廷 小 數 獲 録 女 己 及 以 輒 事 奴 乃 上 胸 m 曰 參 劾 逃 臆 復 司

識 詣 若 之日 州 密 留 留 死。 屢 其 富 日 審 是也。」乃 汝今見汝 也 所 使 趣之, 水 其 州 屍 覆 民 熟 泣 笑 獄 父子 富 人訪 安在 無 屏 觀 不 知 或 數 民 謝 反 大 若 不 其 肯 異 數人 ? 州 不 爲 引 求 從 女 曰:「今 受 言 能 日 獄 皆 勝 去, 乃 元 富 簾 識 女 得, 若 富 不 日 詞 八共殺 榜 垂 謀 民 決 中 以 奴,今得之矣。」知 日 民 水 邪 Ŀ 楚, 之乎?」 簾 父 推 爲 錢 . 因 數 女奴, 或 下 若 引 子 出 録 自 得 密 皆怪之。 從 人 微 水 留 欲 女 實 示 事 誣 使人送女奴 悉 當 使 所 之 加 出 奴 之, 詣 棄 對 服 破 君 死 以 且 加 其 屍 父母 若 若 日 械 父母 之 留 功 旬 死 水 豈 水 水 具 若 縱之。 賜 其 中 日 罪 廳 獨 上 미 罪 安 泣 水 間 9 獄 邪 疑 事 州 於 州 不 皆 有 則 遂 知 日 曰 ,詬 官 其 驚 日 不 知 應 州 少 失

悦

謂

若

水

.

此

四

句

IE

道

着

我

意

又

擢 也 密 近 及 於 求 爲 水 不 也 滅 獄 翕 矣 獄 之 得 自 祈 副 何 族 情 使 奏 其 然 矣 地 Ħ 事 福 幕 知 難 人 銢 邪 朝 ! 論 稱 IE 職 知 州 繞 《記 ? 廷 趣 事 知 其 之。 半 自 垣 知 偶 若 詣 聞 詣 州 功 歲 知 求 不 而 州 若 有 以 以 若 中 未 州 哭 得 冤 水 過誤 E 若 若 此 幾 水 爲 歎 之, 0 廳 死 傾 爲 水 水 吅 知 服 太 事 耳 推 若 雪 我 家 古 制 頭 何 日 宗 若 官 貲 水 冤 何 誥 愧 辭 謝 . 論 聞 之 功 死 以 與 水 謝 彻 功 如 之, 者 焉 閉 賜 . 飯 當 非 年 若 此 數 也 僧 門 若 驟 於 其 中 尤 置 水 拒 其 是 水 爲 非 本 加 爲 不 録 H 樞 遠 但 進 事 心 人 我 可

太宗覽 草 ^ 之甚 賜 穴 捎 • 李 太宗 狀 繼 密 驛 卒 芻 運 藏 塞 檄 派 輔 司 云 與 之。 副 馳 粟 胡 隆 車 相 不 司 轉 調 或 趙 之勢。 使 偵 遂 與 吕 取 大 即 可 發 運 依 保吉 家 錢 端 怒 散 復 H 候 自 轉 轉 方 金 此 八 若水争之,請 取 狀 運 坡 芻 集 集 運 詔 月 立 詔》 樞 期 遺 辦 使 其 粟。 使 Ħ 不 本 密 事 召 八 総 繼 0 盧 有 辭 盧 使 利 月 中 賊 隆 是 隆 之 極 既 甚 柴 之 出 出 使 且 翰 好 復 時 遂 美 而 翰 既 禹 塞 師 0 有 爲 奏 先 復 民 除 錫 塞 太宗 至 當 隙 **\$** 竇 轉 檄 爲 推 皆 手 輸 今 辨 更 玭 付 運 當 驗 檄 欲 足 不 輓 言 取 其 御 芻 及 之親 有 云 敢 ____ 司 者 以 陷 據 子 筆 + 粟 某 乏 言 之 函 時 滴 狀 陰 批 延 月 人首 軍 散 罪 進

錢 若

水

爲

學士

太

宗

禮

遇

殊

厚。

嘗

保

忠

詔

×.

:

不

斬

繼

遷

存

狡

兔

潛

疑

光

嗣

持

首

鼠

之

兩

端。

然

後

惟

樞

\$

乘

興。

倉

轉

陽

轉

運

乃

年

寶

其

後

己

失

得

保

軍

之, 白 責 意 陛 罪 俟 使 罷 秦 雖 爲 比 推 長 行 愐 狀 ? 一,今陛 虜 解 有 F 官 者 人 若 州 賢 法。 臣 加 欲 許 府, (慎 尚 罪 再 之常 乃 誅 對 水 《記 爾 春 視 立 之。 獨 召 亦 下 臣 天 寒事 報 曰 聞 乃 爲 廷 馬 分 當 據 留 何 下 厚 怒 樞 中 不 端 三人皆黜 竭 廷 其 晚 皆 何 恩 陛 密 有 上 才 拂 臣 等 其 焉 中 虚 由 副 下 何 出 未 如 衣 ? 幅 愚 不 誕 李 使 知 不 奏 人 計 起, 獲 是 去。 奏 慮 之? 繼 報報 知 請 獻 之 繼 朕 死 爲 書 邪 隆 臣 如 口 不 隆 所 , 日 云 行 ? 上 禁中 古 外 若 替 無 誅 避 坐 以 鞫 . 既 軍 不 麗 水 戚 狀 否 死 ---尚 擢 驗 食 副 网 0 敢 有 議, 招 轉 任 留 貴 使 事 使。 死 以 細 退 討 運 先 此 得 狀 重 補 府 以 以 同 瘦 之, 使 既 F **\$** 待 皆 守 明 益 安 知 爾 而 州

> 部 訪 募 備邊之策,若 鄉 兵, \equiv 積 水 芻 條 粟 L 五 四 事 革 : 將 帥 擇 郡 五 守 明

賞

쯺

錢 至 道 列 公 蒙 左 用 邁 之。 自 尊 也 成 勢 謂 右 魏 0 効 皆 俎 IĖ 初 左右 若 才力 悉 恐 前 乘 時 閑 硯 日 者 上嘗謂 水 愈 有 言 . 日 疾 暇 席 0 嘗 蒙 迫之。」 有 規 布 傳 者 清 之 今 朕 率 正 餘 節 衣 請 左 往 若 間 論 嘗 罷 衆 臣 , 案 於文 右 城 口 止 深 水 朕 其 見 過 相 當 綏 也 日 疑 爲 擢 後果 至 亦 儒 以以 河 思 州 . 其 入字 責 戍 爲 則 儒 人 竭 僕 號 筭 夭 乞 將 朕 談 輔 積 之於用 人 則 節 射 部 **\$** 觀 麗 所 兵 兵, 相 引 以 奉 曉 軍 、禦党 蹙 若 其 伏 \pm 不 保 孫 今 朝 武 壺 溢 役 伍 水 吴, 則 退 富 請 清 過講之於 項 上 深 分 果 罕 在 貴 話 時 風 部部 知 述 至 骨 布 E 論 見 班 미 吕 韙 嘉 列 秀 有 公

昌言 之。 泣 忠於 禄 窮達 士 補 日 固 誠 Ħ. 僕 寂 一士大 昌言實未嘗 不不 職 否 以 亦 射 不 寞 不 IE 大 ? 否 上 易 以 報 不 及劉昌言罷 師 求 夫 足 雖 想 聞 志 名 ?'」鎔等日 或 長 率 樂達 日 此 遭 驟 以 其 操。 位 乎 蒙 百 如 斥 : 中 時 自 登 Ħ 爲 ??」錢若水言:「高 僚 湯泣 īE 此 去 人以 者 得 顯 穿 其 重 與 光 0 之 位 資 貴 甚 耳 或 望 即 , F 臣 寵 當 : ,鎔等迎 鬱 下 ______ 多 望 以 復 汍 等談 「屢見之。」上 富 然 ; 在 問 悒 崇 者 上 爵 位 瀾 忠正之士,亦不 貴 惟 其 位 趙 也。 之 重 默 禄 矣。」 涕 若 顯 之 風 多至 鎔 合 所 恩 然。 泗 榮,豈 時 臣 等 非 望 況 爲 I"。」若 上 遇 劉 輩 寂 不 日 今 流 之故 也 意耳。」若 不 又 昌 尚之人, 寞 爲 . 日 巌 得 荷 能 涕 嘗 水 言 之 忝 頻 L 不 且 穴 悉 言 而 日 地 高 然 竭 官 心 涕 見 効 . :

稱

治

汲

引

後

進

推

賢

重

胸

中

豁

如

也

公美 聞。 草 高 至 初 水 推 風 章 主 年 邁 因 求解職 再 誠 神, 遂貽 不 自 風 待 流 念 有器 表 貪 物。 儒 遜 上之 名 雅 識 位 待 會晏駕 勢 委任 輕 乃 能 能 輔 善 鄙 臣 談 僚 得 斷 全 如 論 佐 不 將 請 大 進 此 事 果 以 尤 退 總 《談 蓋 上 滿 之 輕 其 苑 歲 事 未 道 財 綱 及 繼 嘗 移 領 好 今上 以 母 疾 有 施 無 以 感 秉 所 遂 孝 不 動 節

二之三 丞 相 李 文靖

闕 知 興 政 或 知 事 公 五 制 名 年 盐 四 擢 沆 年罷 進 淳 字 化 士 太 甲 真宗 初 科 年 洺 升 拜 召 州 儲 試 給 以以 事 除 中 爲 太 右 太 補 平 參

宗 月 初 子 薨 以以 賓 廟 庭 客, 年 中 五 書 詔 侍 + 東 郎 八 宫 平 0 待 章 乾 以 事 興 師 初 傅 景 詔 禮 德 配 元 饗 年 咸 Ł 平 真

维 試 熙 李沆、宋湜,皆 並 中,王化基 除右 補 闕 E 嘉 封 知 自 士 制 薦, 也 譜 0 太宗謂 即 命 中 宰 書 相 并 日 召

趙 李沆嘗 幾,靈 保 端 民 廷 必 争之地, 苟失之, 吉 有 凝 文靖公,公曰: l 侍 曲 也。 ,真貴 久叛,朔 壘 圃 莫若 宴, 人 歸 也 方 太 遣 則 宗 危 使 歸 蹙 俄 目 則 繼 密 中 右 除參知 送之日 緣邊皆驚 遷 召 之民 外 州 不 咸 死 將 政 0 息 以 事 靈 肩 使 李 爲 矣。」 部 州 沆 Ŀ 靈 《蒙 訪 分 非 州 風 求 未 軍 朝 於 乃 節

李 文 時 靖 西 北 公 隅 沆 尚 爲 相 用 兵, E 魏 或 公 至 日 旰 方 食。 參 預 魏 政 事 嘆

州

果

陷

及見 志》云: 丹和親 文正 遠 典 等 文正 靖 留 日 取 它 耶 狄 E 四 所 意聲色犬馬 目 矣。 講 日日 ? 8 「人主少 此。 爲 靡 方水旱、盜 乃 亦 四 和 潛歎 未以 ,王文正 真宗 文 我 善 有 欲 此參政它日之憂也。」 方寧 歸田 則善矣,然邊 諫 暇 輩 西 靖 日 爲 年 則業已同之,欲去則上遇之厚,不忍去,乃 初 然。 戎 ,則土木、甲 録 日 安 即 一公問 賊 ,當使 日 「李公可 謐 位,李 》①〇又《涑水記 能 納 奏之,日 : 魏 及真 於 知 欵 朝 坐 公始歎文靖之先 李文靖 少有 四 患既 沆 宗晚年, 謂 廷 致 兵、禱祠之事作矣。 方 圃 爲 以 有先知之明矣。二〇又《龍 息 未 太 艱 相 爲 封 公日 憂 及 難 必 平, 細 多事 王 恐 岱 日 不 勤 聞 旦 事 人主 無 親 祠 然 不 參 巡 得 事 和 見 足 汾 足 知 遊,大脩 漸 優 Ĺ E 親 生侈 真 煩 政 爲 欽 氣 何 宗 其 游 識 蒐 事。 E 系若、 丁 方 敬言 吾老,不 如? 心 聽 既 講 後 無 剛 過 宫 沆 耳。 戒 與 北 墜 事 謂 文 不 契 沆 H Ш

⁰ 未見, 歸 田 録」, 見於王闢之《澠 此 條 注 出 水燕談 歸 田 録》, 録 》卷二。 檢今所 傳 元 刊 本 等 均

歎曰:「李文靖真聖人也。」

李 言 沆 之事 言 哉 與 薦 遷,日旰 見之矣。 大 年 功 子 廷 利 日 之談 ? 最 兄 生 在 防 害 事 紳 中 · 上 , 又 制 爲 相 吾 苟 居 起 以 僕 如 位 條議 無 非 封 與 屈 希 纖 切 拜 猶 重 病 若邦 李宗 論 不 報 意 寵 悉 其 接 位 口 未 揖 不 所 奏 知 獎。 罷 妄言 匏 備 能 弟 賓 能 國 實 諤、 尚 0 也 之, 具, 啓 客 維 也 了 以 大 無 周 此 維 常 趙 善 發 事, 備禦之策,非 唯 無 或 章 補 即 然今之 有 察言。 爲 乘 吾 安仁,皆 雍 此 世 失措 徇 萬 語 北有 何 我 意。 間 一被 少 所 分, 所 策 維 謝 多多 嘗 以 謂 陳 朝 强 日 馬 自 唯 馬 即 達 報 而 請 籠 時 虜 下 士 : 亮 中 席 餘 君 與 或 亮 罩 之 得 有司 不 西有 外 與 · · 施 之 外 必 通 爾 語 英 詳 升 議 沆 接 籍 沆 自 行 籠 所 皆 秀 戎 殿 罩 之 常 語 論 以 同 朝 沆 陳

> 耶 事 IE ? 即即 此 謂 所 談 也 傷 苑 多 憸 矣。 人 苟 陸 象 時 先 之進 「庸 豈 人 念 擾 於民 之,

真宗 數 道 黨 閤 負 曾致堯等是 至 它人副 仁宗 門 嘗 此 所 初 人者皆不進 無 宜 即 疏 遺強致 最 不稱 位 先 初 仲 納 爲 李 年 舒, 仲 堯 快 沆 先。」帝 , 舒 矣。」 沆 副 뻬 多 日 , 用。 自 温 爲 然 罷 得 . 帝 不不 沆 仲 問 相 致 厚重之士, 時 深 不 舒 堯。 在 其 用 然之。 梅、 足 安 帝 中 人,曰 浮 與 撫 故 書 雅 曾皆以 薄 自 敬 共 陝 不 新 故 由 真 沆 喜 事 西 進 終 沆 如 宗之世, 也 才名 嘗 喜 輕 致 力也。 帝 梅 問 堯 事 因 鋭 世 詢 之 於 自 治 用

Ŀ 其。 」 輝 間 能 餘年矣。 μŢ 使人主追信其言。 用 況如李公之才識 Ш 者 别), 上 流志》〇 歐陽文忠公嘗問蘇子容云:「宰相没二十年, 日 「陳執中,俗 又《東坡志林》云: 「李沆當言其 以何道?」子容言: " 濟之無心耶?」 更耳, 作君 特以至公,猶 子。」時 真宗時, 流之没 「獨 ① 或 能 以 薦 取 無 蓋 信 梅 心 故 主 詢

先生言:「真宗問李文靖 得 公事則 啓 尤?]] 因言: 加 不治?」《龜山 者 卿 獨 非 公言之, 無 讒 何也?』對 即 祖宗 語 何用 佞 鍅 時 臣 密 曰:『臣待罪宰 宰 曰:『人皆有密 常 啓 相 ? 惡 如此,天下 之, 夫人臣 豊 可 有 相 宫, 安 効 密

李文靖 欲 其 焚 調 其 議 以 某 公爲 乎 詔 遂 書 寢 氏 爲 相 合吕 附 ^ 貴 時,真宗嘗 氏家塾記 奏 書 妃 日 **>** 日 如 . -何, 但 成 公 道 夜 王 對 沆 遣 畏 使 使 以 相。一 者 持 爲 自 手 不 其 詔 可 引 ் 間 此 燭

寇萊公始與丁晉公善, 嘗以丁之才薦於李

之禍 用,豈 其爲 邪 靖 年,與寇權 文靖笑曰:「它日後悔 文靖公屢矣,而終未用。 如謂者,相公終能 日 ?」文靖 ,始伏 . 人, 其才不 比 可使 文靖 日 寵 屢言 相 足 之 之識。 軋 丁謂之才, 如 用 在 交互 斯 邪? 人 抑 人者,才則 《東 上 · 當思吾言也。」晚 之使在 傾 軒 乎?」萊公日 抑 筆 奪,至 日,萊 鄙 而 録 人下乎?」 言 相 才矣 有 不 公 公語 終 足 海 顧 聽 文 康 不

李文 之言,終身誦之可 人」,『使民 靖 「沆 公作 爲 宰 相,常 以 相, 時 ب 讀 如 内 也。」《聞見 ^ 句, 論 論 語 莊 尚 **%** 未能 $\check{+}$ 或 節 行 問 用 之, 聖人 加 愛

⁰ 年 真 時 其後二十餘年 宗 流之没 時 蓋 各本 二十餘年矣」之句, 及《東坡志林》等 巴爲仁宗之時,始存疑。 查李流卒 均 如 此, 於 景 文有 元

李 哉 得 弟 以 勸 壞 居 派 見之,經月終不言。 奉 通 治 李夷戒 屍 年 治 ? 員 . 治 維 體 甚 1 甚 釋 相 七 第。 繕 滿 薄 典 好 居 沆 身 後 巢 頹 一,尤 日 完 如 第, 重 食厚 守 賢 所 遇 林 垣 意 但念内 厚 豈 壞 厭 樂善,爲 室 舍者勿令葺 居 疾 人 未嘗答。 淳質,言 미 禄 築 壁 中 哂 自 生 枝 沐 以 流 利 無 求 巷 朝 時 典 浴 此 聊 穢 稱 暮 世 丞 不以 以 有 廳 右 妻以 動吾一念哉 氣 自 足? 無 維 相 不 務 横 此 事 脅 以以 足 枝 罕 有 屑 口 因 世 賜 亦 無 而 語流,流笑謂 試流 葉, 耳, 慮 以 長 保 語 履 界 今 重 逝 計 嬰心。 0 者之譽。 次 善屬 市新 行 爲 門, 安 又岂 囊 堂 及之, 之 缺 時 事 裝 其 沆 前 宅, 一家 陷 文 報 盛 豐 能 亦 其 朝 藥 偪 暑 也 久 須 安 沆 人 其 自 屋 識 欄 夕 頗 口 下

> 公沉 焉 諒 初,遂 拜 宗 公 自。 家 有 不 、公亦 求 請 在 以 有 事 厚寡言, 恐 0 聲 求 相 問 守 保吉因緣戚 寢 騰 譽。 府 公退 公,②公日 不 無 其 物 駙 介意 内行 論。」 動 事 所 終 所 馬 0 辨 遵 日 居 都 脩謹 也 它日 明 詔 及 里, 湫 危 尉 . 9 公薨數 條 隘 坐 既 石 無 ,再三詢 賞 , ①未嘗 ,處之晏然,未 識大體 不 抑 保 攻戰之勞,台席 典 吉 口 退 日, 之行 失 干 求 跛 爲 乃 之,執議 望 以 居 倚。 卒 位 使 私 須 則 拜 相 然 有 性 嘗 歸 咎 如 直 問 人 所 真

② 「真宗」、原作「仁宗」、各本同、然李沆卒於真宗時 「公退」、原作「退公」、據《宋史》卷二八二《李沆傳》

有誤,

據《宋史》卷二八二《李流傳》改。

故

尚

書

張

詠

嘗

謂

人日

五吾

牓

中

得

人

最

多,

謹

重

有

雅

望,

無

如

李

文靖

,

深

沉

有

德

鎮

談

⁵⁶

服 天 下, 如 寇 無 如 王 當 公; 方 面 面 寄 折 9 則 庭 詠 争, 不 素 敢 辭。 有 風

② 王

文正公遺

事

元 城先 美之事 賊 報 耳 沆 然不悦。 李 如 時 吾儕當 李丞相 、不孝 0 老 不 或 派 丞 經變多矣,故 且其法 醫 家, 相 知 此 生 相 論 大 每 恶 遂 以 路,幸天下 每 看 但 既 似 朝 或 本 拂 逆之 欲 謂 諸 病 度 退, 失言 謁 日 朝 上意, 輕 人 極 處 不 0 奏 名 同 事 改, 日 有 無 多 所 事 相 列 三流 何 奏 然 人 小害, 立 畢 此 無 然又皆有 最 故 以 以 聞 有 法 上 其 , 事 得 用 明之? 爲 必 深 度 利 害 在 大 上爲 但 非 藥 丞 以 意 害 政 臣 所 其 極 不 相 四 間 司常行,不 之變色 府 體 以 利 是 至 方 每 且 丞 先 者 紛 多 穩 <u>F</u> 奏 水旱 祖 切 無 生 相 紛 耳 便 宗 浪 以 不 以 惟 F 日 Ē, 也 慘 盗 後 殺 之 行 李 補 不 0 0

> 李文靖 還 矣。」 災 私 如 必 相 + 魏 知 天 災變,郡 今 異 下 智 大 至 務 憂 此 派 面 公爲 之災 體 府 懼 則 事 惟 奏 ,喜變祖宗之 在 相 之 此 奉 人 能 也 因 不上 輒 相 主 後之爲 異。 謂 ? 事 敕 行 行 兩 白 治 驕 0 事 同 ,後告已之。』公 掾 故 此 四 相 喜變 史 若 事 列 兩 居第 方 最 宰相者 輒 此 案 而 事 不 異 日 爲 法 大 奏言之。 法 二人 事 己 知 八聞 於 得 度 患 度 郡 憂懼 以 封 體 奏 或 也。」《元城 或 爲 則 則 欺 丘 主 故 有 蔽 古 綱 門 或 在 豈 不 事 則 此 及 逆 今異 内 紀 人 不 漢 無 答。 最 休 詔 可 賊 主 然, 亂 之 先 告 爲 所 聽 時 生 制 風 惡 惡 好 得 從 凡 不 日 數 事 語 雨 家 録 逞 宰 方 至 數 前 惟 不

⁰ 稿》卷二《經筵故事 量 可 H 原 作 七月二十三日進故事 E 豈 可 據 宋 高 斯 得《耻 当 堂 存

四〇

當 奉 僅 禮 傳 容 聽 子 旋 事 孫 馬 此 或言 寬 爲 矣。」《温公訓 宰 其 相 太 聽 隘 事 公笑 誠 隘 日 爲 . 太 居第 祝

二之四 太尉魏國王文正公

像、天 兼 使。 汾 表請 第 制 \equiv 平 復 侍 陰 年 誥 舊 兀 知 中, 公素羸 年 辭 職 公名旦,字子 平江 書 兼 遂 職 趙昌言參知政 0 五 拜 進 刻 玉 真 改集 縣 日 工. 清 拜 玉 多 宗 部 通 司 昭 疾 即 兖 賢 侍 平 朝 應 判 位 明, 州 殿 至 郎 視 章 宫 鄭 是 太 修 事 事,從 爲 使, 事 參 魏 州 屢 撰。 極 ,公其 翰 拜 知 州 遇 求 又 觀 林 政 軍 封 昌言 退 右 爲 奉 學 事 子壻 或 泰 正言、 迎 F 中 拜 重 罷 山 奉 寶 進 太 景 也 乃 尉 册 聖 祀 德 咸 知 士

> 史臣 篆其 玉 不 清 以 歐 時 碑 乾 昭 陽脩銘 首 興 應 人 參 宫 初 日 決 使。 . 詔 全 之。 配 以 是 德 享 疾 年 真 元 懇 九 宗 老 辭 月 之 廟 薨 册 碑。」 庭 拜 年 太 且 1. 尉 詔

E 戒 忌 家 祜 别 問 勢 官 州 卿,太宗夫人之父,有飛 晉 日 一一臣 保 。」帝怒其 恣 徑 殺 日 太宗於晉邸,太宗 職 以 。」時 . 趨 横 符 無 祜 便宜 彦 出 辜 與符彦卿家 汝 以 事 卿。 溥爲相 便宜 付 太 敢 語 故 祜 祖 之, 保 直 享 又 至魏, 決 爲 符 貶 也 告 或 配 知 彦 : 護 不 各 而 得 制 却 蓋 卿 有 國 長 五. 己。 計 彦 左 語 「使 魏 無 代 軍 白 右 卿 0 聞 州 之 異 還 行 及還 願 家 太 于上。 節 欲與 意 君 軍 陛 僮 祖 願 與 度 乎? 朝 司 下 多 以 使 遺 卿 之語 以 祜 臣 太 因 符 使 E 祜 爲 之 祖 挾 華 猜 往 溥 魏

植 郎 州 者。」已 矣。」祜笑曰: 送於都門外,謂 云。 郎郎 召 安置,七年不 《聞 不不 槐 者,文正 見 前 于 及見 果然。 庭,曰 公旦 而 枯 召。 祐曰:「意公作王溥 薨 天下謂之「三槐 也 不做,兒子二郎 一 吾 0 太宗即 初,枯 子 枯素. 孫 赴 知 位 必 貶 其 一,以 有爲三公 時 必貴,手 兵部 必 王氏」 (做。) 官 親 職 侍

公扈 文正 也。 抑 ---嘗 從 公 目送之日 ,不可干以 兼 問 錢宣靖公名知人,常稱公有宰相 并 在 通 吾 以 判 澶 固 鄭 淵 群 爲 己 州 维 臣 :「爲朕致太平者,必 人嚴 知之矣。」遂 私。 建言 可 王 「願 大 重,能 爲 元 用 請 宣 份留守,得 學士時, 者,錢以 天下 兤 任 以爲 準來,臣 大 置 參知 事 嘗 常常 公對。 暴疾 奏 平倉 避 政 有 斯 遠 事 器 退, 所 權 上 以

> 報 陳。」準至 時 當 如 公奏 何 ? 上 日 : 良 _ | 久 H 黯 之間,未 然 日 立 有 皇 捷

太子。」《遺事》

上在 其 忽聞 中 河北還,公家人及子弟輩皆 一澶淵, 處 下 後 事 令甚嚴 謹 有 遣公還 密 间 如 喝 ,使人不 此 之聲,驚 守 0 《遺 東 事 得 都。 而 傳 視之,乃公也。 播 既 出 至 迎 後 9 於 直 車 郊 駕 人 自 禁

公與 《遺事》云:張士遜言:「皇太子學書甚好。」公曰:「皇 默 臣 道 太子不待 太子諭德見公,稱 諭 規贊皇太子。 異同,公徐 然終日,莫能 人寡言笑,其語 德之職,止於是耶?」歐公撰 應舉 選 學 言 窺 去,不必學書。」 以 其 太子學 雖 定。 際。 簡 9 今 而 書 及 能以 Ė 奏 由是 有 事 爲 《神道碑》○ 法 文懿日 理 皇 上 、公曰 太 屈 前 以 文

趙德明言民飢,求糧百萬斛。大臣皆曰:

書 宗 師 部 以 慙 明 間 目 新 德 公, 拜 納 用 誓 公 來 9 而 請 取 敢 朝 勑 違 廷 真 有 有 宗 請 司 人。」《神 大 以 具 詔 喜 粟 書 德 道 百 青 碑 之。 明 萬 得 於 詔 京 真

契 得 後 當 金 内 丹 ---各借 意 永 帛 以 之大慙 奏 六 微 不 請 耳 東 萬 爲 物 歲 封 例 E 而 給 萬 甚 事 日 輕 次 外 一《遺 近 屬 仍 之 . 年 别 微 「何 諭 也 事 復 車 假 末 0 次 駕 以 下 錢 乃 年 將 仰 有 答之?」公曰 幣 於 額 出 依 0 口 歲 内 常 : 上 以 給 除 數 以示 契 此 之。 三十 與 丹 探 之, 公, 所 契 萬 朝 借 止 今 丹 物 廷 公

後

神

道

碑

大 官 中 飛 以 死 賀。」 蝗 進 蝗 祥 者 蔽 符 以 公 天。 中 日 示 獨 . 大 天 真 以 臣 下 蝗 宗 爲 實 大 不 顧 明 蝗 死 口 公 日 矣 0 日 真宗 他 後 請 數 室 示 使 使 日 相 於 百 有 人 朝 方 官 於 袖 奏事 方 率 野 死 賀 百 蝗 得

> 宦 又 者 度 樞 目 非 而 臣 使。 密 劉 遺 蝗 等 公執 事 使 如 承 所 真 者 及。 所 此 規 宗 載 以 9 一公但 豈 以 與 奈 爲 以 此 不 忠 何 斂 不 司 語 爲 ? 謹 容 但 口 公 退 天 得 \overline{Z} 身 至 日 下 諸 幸 而 0 今 . 公皆 笑 己。 病 内 邪 承 他 謝 且 臣 規 H E 死, : 官 待 將 E 神 不 有 此 求 道 日 過 求 以 爲 遠 碑 識 留 爲 瞑 節

薛 薜 公,王 簡 録 退 肅 公天 而 無 謂 他 人 禧 語 日 初 真 爲 但 江 云 宰 淮 相之言 發 東 運 南 使 民 也 力 辭 0 竭 E 湘 矣 文 Ш IE 野

張 體 求 錐 孫 士 。」《遺 起 教 遜 刀 出 謝 之 公從 爲 事》 利 後 江 迭 西 容 識 更 轉 者 是 運 0 職 使 : 朝 思 辭 狂 此 公 搉 之言 運 於 利 使 政 至 事 最 矣。」 未 堂 識 嘗 大 求 士 且

景 於不意 德 邊。 説 後 文正 與 就 不 了,取其 生 讓 中,李 省 一公爲 務 試 乃 於 威 ,其過 朝事 爲穿 爲 主 師 迪 卷視之, 奏, 相 論 一、賈邊 實 文 整, 議 > 具 пĴ 咸 以 道 恕 漸 欲 日 音 迪 所 師 , 取 不 • 以 舉 以 如邊特 ٦ 미 之。 賦 爲 進士,有名當 迪 長。」遂收 落韻 乞特 「衆」, 雖 既 犯 立異説 M 收 ,邊以《當 不考, 與 三人 試 迪 注 將 時 然 皆 時 而 疏 及 **\$** 朏 出 異 王

官 失 罪。 位 憂。 |禁火 政 也 朝 於 得 宰 。」公對 所 失。 府 火禁,請 所 上 積 災, 乃 一天災 慮 公馳 朕 後 降 者 E 不 詔 陛 有 政 置 如 入對,上 大臣 罪己,許 妄 令賞罰 獄 此 費, 下富 臣 言 出 一當罷 非 有 「有 天 下 驚惶 中 其狀,當 朝 天災,乃 外 所 免。」 殆 Ė 語 不 ? 盡 封 公 斬 繼 當 財 事 誠 E : 樂 帛 決 言 者 王 表 可 臣 不 數 宫 朝 待 備 足 惜 兩

> 以 迹, 今反 《遺 百 初,火災,陛 事 明 人,公持 寧 無 歸 知 狀。」 咎於人, 非 天 上欣 以 下 譴 歸。 降 邪 然聽 何 ? 韶罪己, 以 Y 納, 示 果 日, 信 欲 減 ? 乞 臣 行 死 獨 者 法 上 且 幾 表 對 火 願 待 百 雖 罪 日 軰 罪。 有 臣

公在 公得 有 祈 司 福 昭 省 報 應 今 宫 I 反 繳 惜 齋 傷 奏 費。」《遺 宿 民 日 損 . 寶 財 符 陛 事 閣 贵 下 崇 役 合 奉 Τ. 天 有 意 上 靈 ? 墜 死 乞 者。 諭 民

石 史 生事 普知許州,不法, 普本武 俟普至按之, 必 須 重 不 明 行 典 朝廷議 乞召 日 憲 加 恐 歸 獄 欲 恃 置 就就刻。 具。 獄 薄 劾 議 者 乃 公日 0 以 妄 下 有 爲 御

⁰ 事》(以下簡稱《王文正公旦遺事》) 劾」, 原 作 「效」,據《百 川 學 海 Ž 集《王 改 文 正 公 日 遺

若

:

此

亦

無害。」欽若

退,

密奏之。

স

誤字,何

不

諸

公皆

再

得

詩 ,

未

實

奏。

又

一顧

公

者 并臣 者 嘗 馳 事 之説,真宗怒,欲 不 公至中書,悉焚 爲之幸於不 免?」公曰 真宗怒不解,公因 "此人之常情,且 段。 誅 自 辯 取之,公曰 事 屈 臣 籍 之, 付獄 辨。 久, 或 《神道碑 法 少 其家,得朝 必 至人 而 一一臣 賤 得 有 保全武臣 發, 真 時 謗 丽 有 不 宗曰: 所 圃 後 爲 臣 過 公於上者 語 得 付 自 以 宰 免 己。 失 已焚之矣。」 士 不及 書。 御 罪 取 分雖 一,真國 相 爲 所 嘗 史 日 人? 執執 此 此 與 朝廷,不 既 人主盛 一、公輒 所占 ",必以 問 者 往 事 體 國 而 上 狀 還 已 真宗 也 法,豈可 真 由 問 書 占問 發, 宗 引 爲 怒 言 是 之 . 足 公 《遺 意 咎 罪 悔 罪 何 書 吉 獲 宫 口 日 事 解 自 未 淮 XI 免 復 禁 辯 口 願

上

喜

雨

「上詩有

密

院

當

初

行

遣

倒

用

了

印,

中

書

吏

人呈

得

許

大度

Ш

語

録

 $\frac{1}{2}$

一字誤寫,莫進入, 》詩示二府,公袖 歸 改却。」 諭 同 列 王 日 欽 中 書有 覆,亦 公曰 公須勾吏 昔 大慙。 咎 笑。 暇 量?」公不答。 中 日 在 拜 奏來?」公 曰 1王文正 1,堂 再閲 ,上怒謂 樞 . 書, 獨 《遺 欲 事 府 王 吏皆 樞 亦 行 却 入人行 在中 有 翌日見 事 遣。 日 關 密 違 特 送與密院 略 遣。 書 遭責罰 送 馬 失 再 公 舊 文正問吏人: 以 密院 不 公 奏 寇 拜 日 詔 聞 它目 《名臣 公曰:「同 萊公在 辯 知 陳 謝 . 真 堂 昨 不 密 節 事 曰 上 院 遺 不 吏 不 密 : 宰相 勝 礙 亦倒 以 「汝等且 事 吏 出· H 院 得 踰 拜 Š 詔 惶 中中 責 詩 臣 用 月, 之, 年 器 又《龜 格。 公, 具 懼 了 昨 有 書 白寇公,寇 甚 道 也。」上 密 印 以 偶 欣 日

公

拜

謝

引

寇萊

公

進

院

有

事

送

然

呈公。

可學他不是。」更不問。

倒

用

印

者

是

否?一日

不不

王 公從 欽 陛 何 狄 怡 豊 有 上 御 譁 下 日 日 E 「,上召 下 若 ?」公曰 天 得 史 聞 日 譴 前 不 願 下 府 Ė 含容之意,且 容 之, 訶 如 因 欽若等 陳 且 事 曰 !公廼叱 此,下去!!上大怒,乃命下 朕 公問 0 而 馬公流 堯 還 忿 無 :「欽若等恃 當 前 使 叟、 内 争 以 行 當 大 忿 , 願 馬 威 臣 欽 争 來 朝 朏 涕 上 至 知 戒 遠 坐 欽 無 典 召 日 日 然未 中 若 然約之。 節 忿 若 公、公 禮 取 書, 等 一。公日 争 陛 同 然 日 Ŀ 旨 願 知 事 在 無 下 . 觀 召 至 與 日 俟少間, 當 坐 禮 顧 樞 欽 E 陛 王 王 則 之 以 厚, 如 府 若 許 下 欽若 欽 見 「陛下 罪, 何罪?」 何?」公 卿 等 之。 天 若 欽 罷之 宣 意 顔 恐 對上 岩 煩 同 獄 H 示 奄 双 諠 如 夷 陛 不

之虞,兵革不用

9

海

内

富

庶

群

百

可

各

是 所言 所言 時 進 法 無 河 日 月 事 退 具 餘 西 契 在 故 不決。 能 治 無 王旦 丹 2 欽若等皆罷 一、故其 天下。 否 地, 不 初請 聽 「,賞罰 以謂 公在 也 爲 盟 公以 邊 相 雖 必 如 相 兵 趙 他 當。 何 務 位 謂 罷 德 之言, ? 室 《遺 行 + 宋 不 明 真 相 故 事 事 餘 興 宗 亦 用,真宗遂 大 事 朕 無 納誓約 年 三世,祖宗 臣 久 谨 固 , 外 大 有 而 難 小, 所 益 所 無 忍 請 信 改 夷 非 欲 願 之, 狄 公 必 以 守 後

3

四五

⁰ 朝典。」 冠宰府」四 上 煩」至「 朝典」,「 字,句當讀 譴 作 訶」、《王文正 煩陛下,臣 一公日 冠宰府, 遺 事 》作

② 「月餘」、《王文正公旦遺事》作「數月」。

集》卷二二《太尉文正 地 原 無 ~,據宋 歐 陽 王 脩《居士集》(以 公神道 碑銘 》補 下 簡 居 土

E 《名 諸 自言 沂 覽 得 朕 右 來 留 事 可 ?! 諸: 多 身。 者 公 諭 。」公遜 为 因 其 臣 公 遺 曾 退 年 以 職 一普、 公 白 事 得 小 上已驚, 而 朕 故 公 但 公 張 謝 事 F 愧 以 天下 察 批 文 旨 而 謝 前 之 : 旨 己。 節 面 至今稱 無 説 日 然 公 奉 公 每 奉 今後 對 毫髮 日 行 知 行 奏 「有 : 日 白 事 爲 恐 F 之 更賴諸 卿 何 奏 向 賢 人言 日 陳 等 其 私 事 對 蒙 相 當 彭 一、公退 間 不 諭 自 之 公規 謹 與 年 有 日 及, 東 神 以 王 在 參 奉 不 道 封 之。 不 爲 益 日 諸 朕 預 經 碑 後 可 _ 0 左 同 不 ļ-... 政

公於 罷 矣,必 其 將 介所薦 用 相 使 人, 久其 之 人 引 任 不 私 八人未 官 以 公, 豊 名 可 衆 嘗 求 譽, 求 以 爲 知 必 耶 爲 使 ? 求 寇 宜 相 其 準 某 且 0 實, 爲 職 吾 公 樞 荷 不 大 然 密 受 賢 驚 後 使, 私。 且 日 才

真宗 其所 名。 素 以 章 其 所 真宗 與 太子 將 及。 道 準 使、 語 乃 公所 知 私 薦 作 時, 後公薨,史官修《真宗實録 : 深 同 他 中 故參 ,從容久 名者,使 也。 命 監 恨 干之者。 言 非 知朝廷之士,多公所 Ŧ 中 之。 日 允 而 至 以 丞 文正 陛 書 公自 獻 中 其 居 知 薦 下 門 之, 書 初 政 已 于 人 準 之, 支問 一公爲 知 事李 知 問 下 既 遣 家 而 復 者, 觀 臣 制 詢 王 使 平 退, 制 其 來 其 相,賓客 譜 穆 準 日 者召之, 章 真宗召 訪 出 何 居 才 公察其 則 子 至 始 事 之 四 處 然後 以 除 行 謝 爲 媿 方 所 至 準 薦 相 簡 絶 準 見 歎 雖 利 此 數 不 人 者。 口 》,得 武 不 滿 慰 病 薦 有 月之後, 知 知 以 與言 密 勝 復 見 勞之, 賢行 坐 士 其 行 爲 真 或 内 神 軍 見 尤 簡 所 道 使 者 出 宗 記 不 泣 無 節 也 碑 IŁ 其 召 及 奏 疏 敢 具 可 涕 度

之。《記 莫能 得 引 知 H 每 有 用 所 間 ·,公曰 及奏 明 差除 用 日 也 者 於堂 人,未嘗不 ,公先密 輒 T 當 以 中 謂 用 筆 議 數 疏 某 點 其 毁 獲 人。」 其 公於 事 四 可 首 0 人 同 司 上,上 姓 同 同 列 列 列 名 争 列 争 請 雖 益 皆 之 欲 疾 於 莫 莫 親 有 之, 能 之 厚 所

聞

之能

用

人也

《湘

山

野

録

諫 當 議 後 静 公從 詣 意 「累於上前 可 進 Е 如 兩 大 以 E 惜 待 及 容 何 相 夫 待 張 吾門。 之 公 張 也 明之。」一 日 我 師 ? 耳 門, 師 處 德。」向 淺 説 德 安得 皆 也。」向 張 向 狀 若 謁 不 師 公 元 復 日 向 有 公日 ·得見 德 方 及 奔 方 公固 文 人 名家子, 第, 以 競 | | | | | | | | | 議 簡 敢 , 師 恐 築 輕 公 知 稱 使 德 爲 毁 進素定 日 師 制 謂 無 之意 人 有士行 . 德 誥 ?」公曰 階 輕 但 師 而 公 啓 毁 適 進 德 師 但 日 之。 不不 , 德 者 當 望 兩

> 張 問 尚 闕 者 知 往 之, 以 書 望 聊 爲 ,妄有變 知 一公弗 對 以 不 成 戒 日 口。 都召 貪 遺。」 -進 更矣。」 還 非 是 激激 公 中 時 朝 曰 薄 IE 王 上 議 俗 文 是 不 以 也。」《名臣 第 能 正 之,言者 任 緩 守 公 中 詠 之, 爲 Ī 之 相 一代之, 遺 使 亦 規 事 伏 師 它 王 德

公久疾 以 大事 直 《神道碑》〇又《政要》云: 者 病 日 避、太子隨 因 公,公言 求 「卿今疾 省 ,李及、凌策 薦可爲 不 託 吏扶之, 龍,入見 愈 卿 而 : 拜之。 Ŀ 大 丽 臣 皇 命 亟,萬 見 滋 卿 二人 者 仁宗幼 太 肩 於 福 病 + 子 輿 殿。 延 如 而 真宗 餘 盛 年 人 有不 和 此 己, 、禁中, 人, 德 尊 _殿, 真宗曰:「 命 重大臣 太子 然 其 因 必 諱 勞勉數 亦皆 拜旦 後 命 使其子 任 使朕 已 皇 不 陛 如 月月 爲 至 朕 太 此 下 四, 名 惶 以 雍 幸 子 方 事 恐 臣 相 天 命 與 拜 以 走

萊 太 辭 用 臣 必 詠 前 君 曰 E 上 何 下 以 ? 僧侈 臣 公 所 多 尉 0 . 退。 日 事 惟 臣 而 馬 在 薦 : 以 付 理 準性 不對 進 卿 所不 明 太 之愚, 亮 爲 藩 公薨 寇 重 試 之 固 雖 主 對 尉 鎮 萊 皆 準 剛 以 人所 當 誰 知 擇 0 陛 稱 專 歲 公爲 也 嘗 爲 然 褊 卿 也 莫 之。 乎 又 下 其 _ 餘 稱 意言 ? 因 奏。 若 尚 日 無 美, 卿 , E 其 F 臣 相 生 臣 ... 所 書。 再三問 更 寇 公 由 · 萊 之。」公强 在 彼 長。 卒 病 上 H 隱 思 準。」 馬 謝 是 造 專 用 怒 相 木 其 9 公數 E 亮 益 益 準爲 日 甚 位 上 談 Ш 次。」公曰 不任 如 上 日 不 0 賢 棚 見 久, 卿 短 謂 何 對 憮 起 其 相 太 大 恶 日 知 政 太 久 ? 太 舉 然 忠 宴, 尉 __ 謂 張 事 侍。 尉 臣 尉 《記 是 笏 直 有 不 詠 太 太 闕 又服 於 莫 時 聞 初 間 尉 尉 遂 他 此 失 張 若 上 如

王

《名臣 公皇恐待 當 許 日 寇 大年 : : 準 運 遺 幾, 然 準 使以 事 每 此 》·云: 0 誠 事 聞 尚 止 賢 騃 欲 上 寇 是 能 耶 怒 萊 效 騃 公在 以 無 朕 耳 因 狀 如 奏請 長 示公。 騃 口 安, 遂 録 何 乎 因 不 付 公覽 ? ? 生 問 進 H 狀笑 使 太 爲 自 意 會 尉 日 知 聞 遽 過 有 徐 Ö 寇 所 解 對 進 又 渦

陳彭 賢 書,一 之於 見之, 目 進 日 土 廳 年 取 任 相 地 紙 不 H 陳 見 翰林 日 過 封 2 起 . 陳 陳 興 之。 呈 學 既 惶 建 再 内 其 土 懼 符 來 而 翰 白 狀 日 瑞 而 向 做 E 公不 退 出 圖 日 官 求 . 進 陳 ^ 幾 對 科 見, 時 阚 何 所 歸 日 場 0 向 不 留 日 詣 條 待 文 文字 . 遺 政 簡 貫 帰 事 覽 府 **\$** \forall 截 ? 同 公 公 公 到 在 天 公 集 投 瞑 中 下 延

^{●「}進」,同前書作「寒」。

公嘗 吉; 鼠。 遠 果 與 若 他 楊 何 遺 獨 事 日 加 文公評 ? 在 當 上位 權 對 品品 9 必 日 人物,文公日 使有德者助之,庶 爲 . 身累。」 才則才矣, 後 調 果 語 1 被 得 謂 道 終 流 則 久

E 遲 一欲 相 古 均 後 下 却 公罷 不敢 稱 命 恩 我 臣見 立 王 禮 实 欽若 賢 十年作宰相。」《遺事 欽 沮 已隆, 祖宗 無 若作 抑 方 乃 人 朝 且 相,公 此 相。 然 未 乞 須 亦公議 嘗 在 出 賢 曰: 有 樞 語 士 南 密 人日 也。 「 欽 乃 方人 院 口 若 , 2 0 當 「爲王公 上遂 遭 兩 臣 國 爲 府 逢 止 宰 雖 陛 亦

公爲 Ŧ. 文正公或歸私第 敗,方知公遠慮,不涉嫌忌 或 乘間 兖 ,見於堂隍 州 景靈宫朝 請 見 周 公 ,不去冠帶, 乃 必 修 白 俟 使,内 事 從 者 而 臣 之間 退 盡 周 人静室 至, 懷 後 《遺 政 冠 周 司 事 中 帶 以 行 默 事 以

> 公不欲 後 坐,家人惶 公弟 以 行 問 圃 恐, 未決,此必憂朝 趙 公安仁,趙 莫 敢 見 者, 公日 耐 廷矣。」《名臣 不 . 知 見議 其 意 事

事》

王文正 於庭 懼 用 何何 許 多 下 因 一公晚 可 語 乃 賀 一《名臣》 其 年 瞑 也 弟 官 ?」公每 目 遺 日 重,每家 而 事 . 歎 日 遭 有 . 遇 人 賜 出賀, 如 生 子 民 , 見 此 膏 家 立 愈 ľП. **\$** 增 置 安 憂 止

公事 進 公 事 在 日 富 ?」至其 寡 貴 嫂 無 不知 謹 吾嘗 所 薨 問 與 爲 以 也 其 而 驕 太 弟 子素 侈 務 盛 旭 0 以 爲 猶 友 兄 儉 懼 未 子 悌 約 其 官 尤 睦 率 可 篤 欲 勵 遺 與 任 舉進 子 表 寒 弟 以 士 求 家 争 使

四

九

②「亦」。同前書作「示」。亦通。
□「院兩府」。《王文正公旦遺事》作「兩府任用」

行 擊破之,家人惶駭。 傲 終亦不言 恩 ',俱 不可 澤。 無 訓 神道 言。但 日 碑》○又《韓 攝 通 衣步人堂。 文正 冬至 忽白外人,見酒 祠 魏 家廟 公 其後弟 别 列 録》云: 百 忽感悟 壶 流 於 E 滿 堂前 文 路 復 E 爲 不 弟 13: П 皆 弟

公每見家人服 風 衣 ,一至於此 《遺 八稍華, 事 必 飾 於車 似 過 叹 中 \$ 即 易之, 減 瞑 損 目 不敢令公見 故 家 吾 人 門 或 素 有

有 貨 腰 弟 焉。 止 否 「自負 1?]弟 於 間 玉 日 一帶者,公弟以呈公,公曰: 賜 :「甚佳。」公命繫之, 不 重 帶。 稱 日 而 此 《名臣 使 : 物, 觀 繫之安得 者 遺 呕 事 還 稱 之! 好, 無 自 故 乃 見 平 ??!公 : 勞 如如 「還 生 乎 所 何 見 目 ? 服 我 佳

王太 何 尉 必 田 不 宅? 置 田 宅, 置 之徒使争財 日 子 孫 當 爲 各 不義 念自 耳。 文

 \pm 文正 以 不 温 少 精 公日 潔者 埃 太 録 尉 墨 但 局 投羹中,公惟 量寬厚, 不 食 而 未嘗 己。 啖 家 見其怒,飲 飯 人 丽 欲試

過 於 控 亦 據 得半斤食,其半爲 饔 飯 問 日 日 汝輩人料肉 廊 皆 斤 人所 馬 不 鞍 可 又 其 幾 類 可 問 俯 廡 墨 何 此 具 時 得飽 下 此。 伏 以 私 其 後 粥 ? 三 曰 · 啓 一 有 加 不食羹,日 ,食肉 人料 飯,公視之曰: 。」其子弟愬於公曰:「 乎? 控 過 嘗宅門壞, 幾 門出入。公至側 馬 都 卒歲 何?」曰:「一斤。 不 斤半 日 饔 不 五年矣。」公曰 飽,乞治之。」公 問 : : 人所廋。」公曰:「 滿 主 可 盡 我 辭 門 一者徹 也 偶 公,公問 畢 吾 斤 不 復 屋新之,暫 今日 其 門, 固 己。 喜 :「吾不 行 不 庖 當 肉 門低 其量 F 發 今但 家人 肉 不 食有 飽 一汝 門, 盡 人 爲

背 省 乎 談 ? _ 於 有 汝。」 ·嘗 足厚 視 既 其 去, 贈 面 之。 復 因 呼 去, 乃 見 是 9 其 逐 背 0.0 H 一汝 方 控 馬 乃 省 某 但 見 人 筀

公病 王 數 魏 后 表 息咎 云三旦 屈 年 盡 不 司 於於 危, 亂 録 E 賓 之言爲宗親 内 公與楊文公大年友 語 一,真宗歎惜 託 取 殃 進 如 F 床 此。 元 懼 草遺 臨 念記 前 草 是 「上見公表,泣下久之。」《遺 多 視 視之。 文公因至 作 聞 夕,公薨。 藏 奏,言 求 賜 辭 沉 之, 官 白 章 後榮 止 無 金 遽 忝 9 善疾 既 用 五 遣 爲 L 叙 文公 或 處 成 千 就 前 宰 平 夫人謁 9 , 兩。 第 語 相 篤 歎 見 生 乃 及, 謀 遭 自 取 不 公召 延 散 遇之意 : 子 書 章 上 口【 大 施 弟 以 年 獻 \$ 精 兀 楊 事 名 太 内 將 於 爽 以 旬 大

公端重介直,操履堅正,明達治體,接物若

旭 許。 欲 得 服 沖 鎮 其 日 質 爲 澹 其 定 友 犯 和 易 愛 寡 所 婚 素, 大 治之,公以先人舊廬 甚 欲 妙 事 9 姻 家 圃 篤 於 不 士 ,奉身至 惜 風 雖 啓 求 格 重 欲 咈 門 奏、言簡 峻 名 以 於 閥 一薄 整。 器 繒 己 所 者, 錦 事 敘 當官 理 居 寡 飾 亦 進 順 懇 甚 嫂 氊 材 涖 不 有 有 辭 陃 席 有 밆 事 以 0 識 而 禮 私 拒 莊 真宗嘗 必 止 略 廢公。 與 使 厲 而 弟 不 善 被 不

李 外 哲 輔? 親 文 知 何 憂 寧 之 日 靖 日 必 而 公居 「唯 文靖公不 便 邊 朝 治 有 殿 之。 内 候 疆 相 聖 論 憂。 埸 徹 位 人 沆 邊 無 警, 答。 能 譬 事 死 王 事 内 人有 不 使 文 退 子 至 外 王 王 吾 IE 有 必 中 無 疾 一公旦 輩 盤 爲 書 文 患 得 常 游 相 正 獨 參 自 之樂, 在 爲 遽 召文 預 非 目 太 歎 與 聖人, 朝 前 平 IE 必 虜 政。 公 阃 宰 和 則

家 + 者 寖 革 加 善 祀 土 塾記 ? 廣 汾 餘 成仁宗 其 不 木 陰 用 之功矣。」 身 乃 文正 近 薦 以 築 布 持 列 先 去, 玉 習 公常 盈之業,文正公之勳 于 祖 清 任 及 日 位 文 昭 事 祥 悒 : 靖 應 之 符 悒 所 公暨 宫 誰 間 不 以 爲 自 崇 始 小 契 E 得 奉 或 建 人卒不 丹 沂 然 天 家 議 既 公 也 書, 封 脩 抗 曾 不 能 好 泰 等 群 忍 耗 吕 勝 ·, 兵 山 獨 小 用 氏

契 諸 從 丹 发生 欽 取 免 若 侯 容 亦 既 兵革之禍 燕 音 受 真 度 猶 以 乃 宗 於 盟 É 上 且 口〕 上 耻 厭 愀 而 得 ,吾安能爲此 刷 之, 歸 兵 然 也 耻 , 不 寇 「此《春 而 則 樂 Ŧ 公每 E 陛 謬 欽 , 日 日 下 若 日 有 秋》城 : . . 以 深 ? 自 爲 爲 患之。 河 陛 多 미 之 功, 朔 下之盟 下 之色, 思其 奈 生 以 臣 靈, 何? 次。」 兵 竊 0 也 日 始 取 不 雖

> 然上 以 幸 宜 者矣, 鎬 不 「天瑞 王 下 世 海 欽 古所謂 神 老 祕 誇 絶 若 無 可 日 則 意 儒 閣 道 不 乎 方 倫 惟 安 與 示 設 猶 口 爲 之事, : 可 夷 人 天 不 河 唯 教 未 相 必 狄 瑞 主 欽 唯 測 出 杜 耳 決 乘 得? 若 圖 (,莫適 上 無 深 然 有 _____ E 鎬 間 然 台目 異 信 後 封 心 其 方 爲 日 洛 自 憚 言 也 禪 前 可 加 直 日 出 漫 與籌之者 古 __ 言 之, 爲 崇 代 太 適 宿 書 應 臣 封 上久之 之, 與 蓋 奉 也 Ш 得 之 禪 日 果 上]° 上 有 之, 以 . 日 日 何 驟 可 意 當 既 以 2 聖 黽 以 王 以 事 問 乃 會 人 得 而 它目 意 勉 日 明 鎮 此 耶 之 力 口 天 又 喻 而 ? 聖 得 示 爲 瑞 服 E 從 日 由 晚 之 然 無 天 希 四 0 2

●「多」、《龍川别志》卷上作「矜」。

「果」下,同前書有「如」字。

2

真 宗 宗,言 之。 禮 勸 止 終, 生 爲 者 禪 以 姬 楊 不 此 等事 大 於 臨 意 司 侍 以 樽 人類馮 然至 輒 其 呼 聲 年 亂 決,遂 既 雖 御 酒 聽 奉 實 富 妓 既 世 歸 其 歲 天 此 死 與 諫 日 一人者 發之, 日 家 貴 寢 死 道, 自 久 後諸 書 召 從 不 不 渞 終 以 樂。 疾 以 復 能 王 。 安 皆 中 何 生之際, 身, 責 異 乃 日 行。 力 此 子 欲 偉 異 外 於 直 王 限 實 。 飲 争 議 珠 無虞, ? 欲 削 然 酒 省官 文 勢 爲 不得 旦 從 子 髮 極 宰 議 酒 E 不 位 祥 相 爲 也 之, 日 披 佳 相 於 者 能 公 亦 符 公買 治 與 志 天 0 爲 緇 器 少之。 内 自 之末 錢 性 群 大 歸 也 書使,常 相 由 不 以 也。 中 立 年 妾 儉 臣 是 オ 與 能 F 斂。 , ş 約 不 天 燕 龍 歡 妻 仍 每 使 有 以 日 道 蓋 川 語 書 可 甚 孥 素 賜 邑 有 事 内 不 初 IE 日 调 志 善 真 銀 乃 品 幸 東 無 或 大 自 柱 共 賜

> 昔 安 之 錢 有 私 以 館 上 公 以 沈 用 銀 類 塘 旨 舍 易之, 撰 銀 氏 此 錢 兩 聲色之移 非家 遂聽 公《 易之,今見 什 ! 氏 初 昔 器 二人歸 具 之。 其 人 沈 神 尚 以 白 所 後 倫 道 在 遺 一於公。 蓋 有。 家 姬 碑 如 以告公,公不 可 中 在 公自 妾既 破 \approx 此 求 朝 也。」公喜 直 銘 -否 其 將 省 是始衰 公嚬 具, 日 子 相 官 龍 0 JII 乃 孫 者 蹙 與 人 志 烈 了,數歲 一,用 呼 蝦昂 樂, 沈 謝 日 花 二人, 烈 銀 氏 曰 籃 之 然 「吾家 魏 器 議 如 火 難 而 公, 向 間 止 皆 捐 逆

歐 罰 默 陽 真 工 匪 相 宗 以 1 我 功 職 間 匪 真 當 不言 其 宗。 筮 罪 一、公爲 夷 間 明 以 (狄,包 其 真 躬 廟 庶 耆 相 民 翼 裹 龜 所 時 翼 朏 兵 耕 有 革。 公在 升 織 魏 大 事 公 惟 衣 問 相 食 配 否 事 其 位 惟 食。 有 卿 終日 相 大 有 公 相 如 執 百

信。 其權 廟 秋 考,惟時元老。 尉之崇。天子 工。 從享,萬祀 孰不爲相,其誰 衡, 萬物之平。 天子念功,報公之隆。 孝思,來薦 無 窮。 有終。公薨于位,太 孰 作 不 清廟。 爲歌詩,以 事君,胡能 侑我 念 春 聖 必

闁

司

呼

人者

責

限

爲

相

公

買

妾

仍

賜

銀

真 宗 禮 宗,言 終, 之。 楊 姬 勸 生於 者 止 不 爲 禪 以 此 侍 輒 以 臨 大 樂 人類 然至 等 意 樽 其 聲 年 雖 亂 事 既 決, 御 酒 奉 實 聽 其 富 既 馮 歸 妓 歲 世 遂召 夫 死 此 諫 與 日 家 貴 寢 發之, 日 道 自 久 書 後 死 不 從 不 首 (終身, 以 樂。 疾 以 復 諸 能 王 皆 生之際,不 中 何 安於 異 且 力 乃 行。 此 子 異? 偉 欲 外 直 E 實 議 争 珠 削 酒 然 無 欲 飲 文 省官 勢 不得 旦爲 子 虞 從 髪 幸 極 議 酒 E 位 祥 日 也 之, 披 相 佳 者 於 能 公 , 亦 治 與 志 符之末 天 爲 緇 器 少之。 内 自 八書使, 性 錢 群 大 也 歸 相 由 不 以 中 也 立 年 儉 臣 是 才 與 能 斂 5 約 不 燕 天 龍 歡 妻 常 使 道 每 有 以 日 蓋 語 Ш 可 書 甚 孥 素 内 有 事 初 邑 不 志 IF. 日 调 9 乃 善 自 真 幸 之 東 無 邑 大 或 封 共 賜

> 有 昔 私 安 以 之 錢 上 館 千 以 沈 用 銀 類 塘 旨 舍 易之, 聲 非 銀 錢 兩 氏 此 遂 什 色之移人 易之,今見 氏 初 家 聽 器 昔 二人歸 具 人 之。 其 沈 尚 以 白 所 後 倫 在 遺 一於公。 有 蓋 姬 家 如 以告公,公不 可 中 在 0 公自 妾 破 此 求否 朝 直 也。」公喜 既 1 其 將 公嚬 省 是始衰 具 子 相 官 龍 , 乃 者 孫 \prod 人 蹙 與 志 數 呼 鬻 樂, 沈 謝 日 花 用 銀 氏 : 日 籃 之 歲 然 人, 吾 器 議 如 火 難 而 家 向 間 筩 止 捐 逆

歐 罰 默 真 陽 工 匪 相 宗 以 1 我 公 功 問 撰 職 匪 真 當 不言 其 筮 宗。 公公 罪 一、公爲 夷 間 明 以 神 狄, 真 其 躬 道 廟 庶 書 包 相 碑 翼 民 裹 龜 所 時 ×, 翼 朏 兵 耕 有 銘 革。 公 升 織 大 魏 日 在 事 公 衣 . 惟 問 相 配 食 否 烈烈 事 其 位 食。 惟 卿 有 相 能 終 大 魏 有 公 日 疑 公, 相 賞 如 執 百

之盛 既 再 親 其 除 之 倚 慶。」公 相 候 殊 位 爲 今 端 戚 意 殊 歸 對 對 退 . 命 以 翰 自 明 賓 揆 越 也 來 林 復 敏 F 禮 聞 乃 H 亦 但 客 又 學 間 使 此 往 中 降 却 未 敏 命 何 未 歷 唯 武 飲 上 門 見 非 华 中 當 以 人 之 麻 知 陳 唯 龃 宴 來 至 常 應 下 至 除 重 宣 當 昨 前 者 山 + 之命 派 此? 甚 庖 僕 對 ? 麻 勿言 親 日 世 又 今 大 公 相 喜。 射 厨 , 見 爲 夫 日 上 方 不 亦 徑 亦 中 朕 . 敏 賀 公 自 莫 僕 今 謂 謝 人 對 唯 知 寂 意 中之 復 客 射 不 間 丰 自 日 見 客 之 唯 敏 日 無 也 者 唯 勳 歡 之, 必 H 以 : 中 門 0 意 卒 唯 慰 多 德 即 命 : 人。 今 勳 昌 闌 臣 何 徐 無 何 隆 敏 位 H 勞 終 朕 朝 武 今 悄 卿 如 賀 如 重 中 明 有 德 未 0 不 野 然 候 往 自 B Ti o 日 ? 無 測 H 當 早 相 無 派 觀 E 此 即 0

> 官 乃 職 具 以 所 筆 見 對 0 上 笑 日 . TI 敏 中 大 耐

向 *\(\delta \)* 中 人 屍 草 我 出 在 有 不 相 而 殺 • 其 詣 盗 許 中 强 僧僧 在 贓 之 中 僧求 求 縣 得 西 與 在 忽墮 適 矣。 其 矣 京 宿 投 之 子 井 不 家 井 井 婦 傍 今主 寢 有 眢 因 寐 明 中 中 女女 亡 僧 夜 於 井 自 H 見 , 失 Ļ 門 人 暮 墻 執 暮 誘 之, 則 亡 去。 外 過 主 F 以 不 與 夜 媚 其 村 車 人 自 扶 詣 知 俱 不 人 不 婦 箱 民 搜 亡 念 縣 .__. 何 覺 已 家 敢 中 及 訪 婦 掠 不 人 失 爲 恐 循 求 財 È 爲 所 治 人 許 足 爲 寄 故 財 并 取 明 主 之。 所 道 止 亦 0 僧 及 囊 人 日 所 殺 子 獄 墜 自 走 所 夜 主 必 衣 得 成 其 先 荒 誣 婦 中 執 納 人 m

0

富

室

輒

厚

有

所

得

然

人皆樂之,

不

以

爲

所至之處,終

日

遊

宴,

所

愛

伶

人,

或

付

與

多不

以

吏

事

爲

意。

寇

萊

公雖

有重

某甲 言 并 决 吏 之,僧乃 疑 日 紿之曰: 吏 前 水 然 此 也 生當 之。 其 食於村 府 得 則言之無 「今若獲 所 問問 其 舍 獄 府府 矣,雖 負 殺也。」 引僧 贓 吏就 之日 以 店 此 皆 實 昨 計 不 賊 傷 店 對 獲 H 含 府 吏曰:「其 問 以 則 矣。 嫗 死 賊 已答 中 成 數 爲 何 聞 敏 無 掩 以 亦 某 如 疑 四 婦 其 中 口 死 捕 ? 爲 不 者 言 自 人 因 於 獨 僧 神 獲之,案問 敢 者 其 人安在 府 密 者 吏 市 服 敏 問 獄 乃 念記 中 使 曰 矣。」 罪 中 也 何 來 吏 : 聞 以 此 ____ 敏 ? 不不 但言 如 訪 嫗 府 中 贓 村 嫗 ? 具 其 嫗 言 嘆 知 少 己 古 不 日 服 賊 誤 息 某 其 年 間 吏 獲

位 請 事 息 遷 遣 爲 善。 危 民 非 日 日 東 畢 兵 勿 且 末 事 之, • 也 耳 乃 止 死 年 京 唯 記 大 徙 所至 ·, 兵 張 聞 也。 留 敏 表 臣 屬 自 知 於是 齊 守 不 中 敗 其 出 水 河 尤不 賢 繼 聽 子 被 勤 臨 南 興 有 遷卒 爣 蕩 西 傷 德 徙 於 府 四 則 治。 復 祀 明 方 敏 政 爲潘 再 用 任 東 還 小字 德 中 請 事 之 上 2 情 封 羅支 , 明 意 知 唯 阿夷。 聞 遂 雖 西 所 獲 納 所 向 延 復 之, 祀 累 射 至 劫 州 欵 敏 會 爲 傷。 白 必 皆 著 皆 盜 中 夏 相 受其 表, 歸 上亦 以 不 或 自 州 杰 稱 朝 薨 不 時 敏 李 以 度 心 降 廷, 欲 得 於 爲 縱 於 中 孤 繼 E

公性端厚明辨,遇事敏速,曉民政、識大體。

敏中

爲

柴

氏

所

訟

罷

相

出

鎮

時

舊

相

出

鎮

^{●「}言」、《凍水記聞》卷七作「詣」。

② 「四方」,同前書作「方面」。

時 事 公 軸 走 清 荆 判 *,若 聞 南 引 大 以重德目之。 集 門 之 即 鍾 理 三不 無 寺 所 市 離 在 私 罔 南 意 密 預焉 時 謁 藥 委 院 不 没 ŏ 以 珠 周 時 諸 往 人 事 知 審 祖 西 子 在官一無 獨 吉 北 於采拔,不 不令釐 密静 不 用 贓 受。 兵, 錢 遠 務 道 權 分 所 知 雏 妄推 累 路 須 賜 廣 以 法 斥 州 當 在 薦 候 吏, 大 衡 廉 至

三之二 參政陳晉公

所 中 鐵 州 爲 取士 ·,復 使 郡 縣 吏, 公名恕,字仲言 召 以 參 甚 爲 俄 吏 知 少, 幹 鹽 政 折 聞 鐵 事 節 而 使 o 讀 以 出 書 E 知 判 知 9 曾 洪 咸 中 吏 江 州 爲 平 進 部 陵 南昌人。 首,時 五 土 選 府。 年 第 事 貢 議 淳 拜 歷 舉 少 化 官 稱 鹽

之。薨,年五十九。

尚

時言 解 書 至 殿 領 未 = 計 左丞 壁 深 復 察, 稱 四。 可 進 負 陳 職 必 多 牆 公恕, 者 慤 上 形 歷 而 ,公爲之首。 以 執 誚 年 立 其 前 峭 讓 所 忠 奏, 若 直 0 亮, 每 守公, 公斂 終 無 便 所 多 不 王沂公《筆 殿 板 容。 從 改 性 奏 踧 其 易 靡 事 俟 縮 議 阳 録 帝 • 太 如 順 宗 是 意 故 退 當 或 或 稍 至 總

陳恕 輿 真 利, 長 鹽 於心 鐵 太宗深器之。 陳 計 恕。」《 爲 鹽 掇 遺 鐵 使, 嘗 御 釐 筆 去 題 宿 殿 弊 柱 , 大益 日

陳 語 晉 ,俾各條 副 公 使 爲 宋 \equiv 太 司 利 初 使, 害 日 : 將 晉 \ 吾 公閲 茶 觀 法 上等之説 之,第 召 茶 爲 商 三等。 數 取 + 利

0 板 縮 ^ 百 刑 海 己 集 E 文 IE 公《 筆 録 作

後 後 實。 法 濟 下 太深,此 李 雖 ,行之數年, ,吾裁損之, 侍 固 屢 世言三司 郎 變,然非 滅 口 諮 裂 行於 爲 無 口 貨 使, 使 取 復晉公之舊 商 以 財 之才, 改其 賈, 經久。」於是始 流 唯 中 而 通,公用 法 以 等 不 陳 之説 而 可 法 公 也。 茶 行 足 爲 公公 利 於 面 爲三 《東 浸 稱 朝 私 民 軒 失。 首 廷 皆

陳 晉 公爲 晚 事 使,首尾十八年,精 使 密 件 使 公自 年多病,乞解 又爲 可代 三司 類 歸 萊公入省,檢 升 班 爲 總 , 9晉: 者, 使 朝 方册 計 前 人三司 聽 使,0 公即 及 利權 卿 以 尋 晉 去。」 於吏事 薦 泊 以 爲 公爲 晉公前 以 所出 罷 判 真宗 是 自 參 官 集 時 代 一榜示, 政 朝 諭 後 賢 寇 既 廷 萊 改 學 復 真 而 藉 别 革 宗 公 爲 爲 士 其 用 罷 卿 興 判 鹽 用 司 新 立 院 求 樞 萊 鐵

> 矣。 革 諮 下 板 亦 ,向之膀示 爲三司 加 題 不 《東軒 去。 讓 遍 6 筆 使,始改茶 自 躬 是計使 至 亦 與之押字,既 其 稍稍除削 第 無 法, 請 不 晉 循 而 晉 公 今 其 ጠ 則 公之 判 舊 萊 無 貫 公 押。 規 復 拜 模 存 至 晉 於 者 漸 李 庭 公

陳 聞 不進。 恕爲三 恕 諾 上命執政詰之,恕曰 可 丽 使,真宗命 不進。 久之, 具 中 上屢 外錢 趣之, 「天子 穀大 富 恕 數 於 終 以

- 1 「計」,原作「置」,據《東軒筆録》卷二、《宋史》卷二六
- 9 樞密 録》點校者李裕民先生以 萊國 使上 年。 副 寇準咸平六年爲三司 寇 同 忠愍 在 前書有 公旌忠之碑》、《宋 年 前 「副」字。 任 樞 爲 使之 密 此 按 使 條 前 中 則 史》卷 記 華 爲 載 在 權 有 爲 知 誤 三司 局 開 版 封 使 宋 東 府, 之 寇 孫 軒 後 準 罷 筆
- ③ 「遍」、《東軒筆録》卷二作「扁」。

春 不 敢 秋 若 進 知 E 府 聞 庫 Mi 之充 善之。 羡, 《記 恐 聞 生 侈 心 是 以

陳 E 也 子 恕 0 揚 儀 領 是 春 休 于 不 常 官 Ш 立 愧 選 以 宗 於 自 E 知 廟 沂公爲 人。 器 也。 五吾 楊 舉首 《談叢 得二 文 公 俊,名 以 歲 中 爲 然, 世 拔 謂 十 劉

公精 之 譽。 -請 以 而 興 私 於 餘 不 廢 其 論 譯 年 吏 善 談 强 口 經 理, 頗 來已 院 論 獵 忧 力 深 史 人 聽 辭 幹 刻 傳 者 甚 事 小 前 多 志 激 恩 代 胥 倦 識 切。 毁 吏 性公直 典 之者多 畏 故 素 真 前前 宗 服 不 喜 日 有 後 矣 釋 不 掌 稱 氏 们 職 敢 利 教 嘗 之 柄 干

張 忠 斯 斯 李 畋 人 定 人 難 難 請 公 得 得 間 閱 之, 邸 唯 報 退爲詩哭之。 公 日 唯 . 忽 IE 冉 參 青 政 爲 國 陳 可 俞 家 左 惜 崖語 斂 丞 許 恕 怨 録 於 無 門 身。 也

> 世 茶 北 倍 尚 稱 人 筆 未 頓 利 戎 談 陳 盈 復 + 子 入寇之後 恕 喪其 爲 舊 爲 歲 額 = 課 司 九 司 遂 使時 至今 使, 河 增 恕 北 稱道 在 改 雖 考 糴 任 茶 云 其 便 法 + 之 蓋 值 籍 倍 法 北 不 蓋 歲 之 虞之譽也 虜 蕩 計 自 多 講 盡 幾 景 解 此 考 增 德 之 商 後 中 +

三之三 尚書張忠定公

知 興 户 運 進 封 昇 部 駮 士 使, 軍 一中第 州, 使, 司 公名詠,字復之,濮 五. 爲 秩 改 出 年 滿 樞 知 御 知 鄂 密 再 史 益 州 直 州 知 中 州 民借 學 崇 益 丞 陽 士 **,**出 州 咸 留 縣 平 司 州 還 知 就 初 知 鄄 朝 杭 歷 轉 城 銀 未 州 召 通 T 人。 幾 徙 還 判 部 通 尚 爲 出 水 奏 轉 舉

公在崇陽, 曾坐城

門下,見里人有負菜

而

,問何從得之,曰:「買之市。」公怒曰

還 書 再任,仍 能 朝,復 充昇、宣十 求 領郡 州 命 宣 知 撫 陳 州 使。 代

年卒,年七十。

公少倜儻有大志,尚 **覃**爲 之。 同 忠愍寇公同赴大名舉,議 本仁義,不喜浮靡。 郡 韓魏公撰 冠 張覃素有文行,即率寇公上書,請 ,一府欽 神 道 碑 歎 氣 太 遂如公言。 節 平 , 重 將 興 首 或 然諾,爲 薦 刀 +: 年 公,公以 秋 論 學 以 必 與

公令崇陽, 其 其 將 陽之桑皆已成,其爲 民以爲苦。其後搉茶,他縣皆 後 富 摧之,不若早自異也。」命 至今。 别 自爲縣,民 民 以茶 始,令下 爲業、公曰 亦貧至今也。 唯 絹 M 通 北 樂 :「茶利厚,官 者 拔 失業 成 茶 《談叢 鄉 百 而 不 前 萬 植 .變,0 兀, 崇

> 「汝居田里,不 自 種 们 食,何惰 邪 笞 而

公在銀臺,時張永德爲并代帥,小校犯法, 遣之。 杖之而 死, 有詔 按罪。 公封 還 詔

書

果 臣 「永德方被 恐帥 有 營卒會 體 《神道 輕 邊寄,若責 刺 而 其 小 大校者,上始寤公言 人慢上矣。」 一小 校遂摧 不納。 辱之, 既 m 面

加

慰

勞。

碑

淳化 詔遣 成都 負 復命公知 寇大起。五年正 糧 四年冬,東 以 一昭宣 餉 留 川 成 一使王 公、至秋始 師 都 西兩川旱,民飢,吏失 府 繼恩充招安使,率兵討 道 月,賊首李順 事 路不 。 五 遣 絶。 月 访。 公至府 繼 時 恩 陷 嗣 成 破 中 賊 都 救 間 率 之。 府 卹, 城 收 民

0 稱《後山 字,原 談叢》)卷五 爲 墨 Ţ 補 陳 師 道《 後山 談 | 以以 F

公命 所 帥 斬 **\$** H 玩 擒 爲 H 斥 此 月 聽 訪 所 中 分分 分 命 寇 之。 事 可 招 翁 給 民 知 所 減 繼恩恃 得 不肯 以 兵 米 兵 安 行 得 真 鹽 屯 其 城 軍 米 錢 吏皆 矣 司 善 以 鄰 價 兵 中 不 兵, 皆 不 數 給之。 素 -米 幹 素 尚 州 分 兵 雜 出 戢 功 + 股 易 尚 用 \equiv 或 高 半。 時 糠 驕 當 萬 栗 往 皆 願 事 鹽 口 萬 事 益 土 恣 而 還 斛 繼 往 就 求 吏 汝 免 者 人, 既 雖 廪 恩 京 於是 戮 至 剽 不 活 輩 不 死 軍 收 而 有 而 詬 ,公日 廷 可 師 奪 0 爲 復 公 諸 中 復 無 公 民 食 餘 者 民 日 之, 出 吏 聞 喜 諸 軍 面 釋 半 積 争 財。 悉 呼 兵, 請 數 今 . 而 而 今能 之。 郡 月 趨 遣 乃 馬 其 食 E 喜 呼 汝 公於 日 之。 之 餘 之, . 不 過 馬 曰 F 以 繼 项 帥 寇 食。 食 其 芻 精 白 唯 是 娱 未 不 恩 聚 將 尚 錢 估 數 前 悉 吾 公 則 公 乃 兵 盡 燕 充 踰

皆 改 爲 公 事 繼 者 以 公計 脅 無 踰 上 也 城 餘 給 民 前 恩信 從 一,何 恩 相 慮 喜 月 中 黨 錢 呕 所 械 矣 踵 軍 日 何 復 不 以 不 已 由 所 一乃命 自 賊 .! 食 也 前 狀 許 有 其 得 亦 即 在 首 數 ? 有 公以 向 之? 聞 日 其 間 皆 討 尚 口 一人, 人 者 李 益 多 乎 自 歲 釋 有 公 内 願 芻 歲 復 順 順 新 州 其 備 疲 聞 内 選 繼 民 粟 脅 請 縱 黨 備 H 罪 弱 侍 忠 恩 不 公 民 此 民 之。 始 召 公行 以 即 省 實 懼 乃 敢 度 使 所 偶 人 爲 皆 繼 揭 三 押 可 出 繼 奏 輸 挂 何 繼 法 良 糧 恩 賊 歸 牓 即 班 倚 罷 恩 盗 事 恩 民 謂 田 諭 爲 時 衛 者 今 今 招 Ħ 公 籍 恚 里。 之, 陝 不 請 出 日 城 紹 與 日 安 横 前 者 能 西 而 日 城 . 外 欽 繼 僕 詠 E 使 之, T 問 討 運 充 爲 當 不 至 皆 今 恩 化 m 頓 日 公, 賊 糧 能 悉 首 同 共 方 賊 寇 賊 朕 兵 賊 亦

招 招 人 安 者 安 使 皆 使。 召 順 自 歸 之餘 是 就 繼 以 黨 恩 劍 兇 公撫 月日 勢 歸 爲 安于 總 屈 管 内 上 E, 未 官 幾 擒 IF. 討 爲

又《記 井 公 卒 年 益 行 方 驕 郡 舉 ____ 會 于 、公爲 服 井 官 方 客 城 秋 外 劉 敢 勢 聞 憂 與 IE 旰 報者 遇 當 逼 再 方 兀 料 之。 芸 謂 僚 所 吾城 賊 出 遇 閲 鋭 111 屬 敵 日 張 賊 逐 月 愈 都 送 賊 制 會 詠 . ___ 不 急 而 巛 知 戰 于 破 乃 又 大 率 勝 可 W 益 賊 檢 公復 衆 郊 之 送 掠 慈 斬 州 川 擊 使 始 · 激 必矣。」正 死 寺 旰 掠 工了 平。 有 0 韓 所 發 首 耳, 蜀 巡 不 懷 其 報 今 景 不 不 檢 間 安 神 請 將 所 至 祐 餘 盡 人 及 道 領 軍 黨 出 力。 趨 爲 0 得 碑 即 四 其 飲 龍 盡 兵。 益 所 所 猛 神 破 受 H 夕 燕 平 部 軍 E 道 教 掠 漢 如 人 比 至 公 始 碑 破 廣 潰 故 州 及 適 衆 方 淮 至 氣 數 召 爲

> 賊 此 敗 皆 得 於 矣。一 頭 也 願 鉩 群 此 以 闘 翁 於 已 遂 ? 應 有 城 盗 轄 州 圃 連 平。 此 所 副 詠 牌印 謁 西 宜 詠 衆皆還 勒 鈴 人 龍 爲 樓之下 門 之。 於 曰 攝 兵 轄 數 日 猛 公。 付之, 之 州 晏然 真 出 州 軍 上 詠 事 斬 何 走 者 城 俘 鈐 詠 矣。」 日 我 幾 安坐 鈴 時 日 詠 轄 : 與 掠 日 本 轄 + 不 將 今 鈐 8 飲 丽 皆 諾 愕 里 爲 無 往 日 轄 於 鈐 ## 去 募 何 然 異 詂 計 樓 轄 震 群 老 也 鈴 蜀 必 也 請 ? 之。 賊 E 慄 將 盜 夫 即 轄 滅 人 心 其 今。 出 不 而 亦 大 召 賊 遂 是 日 酒 鈴 故 去。 可 其 有 恐 吾 復 若 數 詠 轄 制 將 謁 必 詠 今餞 進 行, 某 既 無 鷩 者 顧 欲 校 鈴 詠 日 力戦 功 所 而 轄 左 \$ 充 告 H 鈐 之。 之, 求 泳 與 丽 右 之 轄 H 今盜 大 賊 返 兵 曰 - -白 召 某 鈐 熛 張 破 遇 糧 : . 行 鈐 今行 悍 必 轄 泗 勢 之, 轄 也 觀 果 斷 某 何 願 其 如 善

討 劉 必戰後翦 當奔 肝 兵 果神 突交戰 迴, 來, 明 有 也 之 知 以 0 復 際 賊 當 是 首 豊 時 誰 級 暇 ? 隨 求 獲 倫 賞者。 殿 其 爲 直 首 先 段 鋒 邪 公 倫 ? 9 E 日 賊 此

躍 矣 次 用 之。 。」公命 命 者 莊 於 録 皆 是 悉 中 軍 舁 傷 情 以 來 被 以 體 公 先 賞 録 主 罰 其 帥 至 功 4 付 帶 營 相 首 顧 將 級 者 歡 理

公 録 顧 則 性 飾 這 得 0 剛 的 自 因 毅 莫 是 責 寡 公 要 俱 欲 決 牽 劍 服 9 喫 出 唯 公之 吏, 斬 著 之 彼 彼 皂 威 以 絁 信 云 枝 徇 詞 袍 \$ 角 決 不 出 軍 帶 伏 不 吏 必 9 得 愕 不 胎 喫 事 H 相 劍 外 語

初 蓋 罪 吏 知 語 李 益 斷 稱 録 辭 順 無 州 嘗 告 罪 斬 有 公 市 死 封 人 猾 罪 日 判 吏 繫 **\$** 獄 前 至 爾 後 此 市 輩 郡 吏 曹 得 故 守 好 縱 讀 所 知 之 示 倚 府 也 任 矣。」 既 見

時 有 其 牒 僧 行 日 止 勘 不 明 殺 人 有 賊 司 執 既 之 而 以 案 白 間 果 民 圳

> 牒 繫 也 何 市 以 與 痕 知 僧 衣 也 之?! 同 因 行 記 自 於 聞 公 披 道 日 剃 中 爲 吾 殺 僧 僧 見 其 寮 取 其 額 屬 F. 問 祠 猶 公 部 有 戒 .

主 投 逃 戒 訴 帥 語 井 走 者 日 帳 録 投 . F 其 故 井 寵 爾 無 人 申 卒 於 縋 它 來 擒 議 城 恃 得 夜 勢 又 是 處 遯 嚇 免 時 則 民 與 群 公 渾 主 黨 暴 差 衣 帥 似 撲 取 衙 財 有 似 人 校 物 不 井 往 知 協 捕 中 其 民 之, 有 己 作

時 公 事 市 曰 知 女 民 遂 郡 肆 縣 間 但 戮 中 謂 妖 訛 立 縣 歸 于 日 訛 言 譊 證 : 明 之 市 譊 Z 解 人 興 近 來 即 有 至 尚 訛 沴 暮 H 白 爲 言 明 氣 路 帖 頭 鄉 惑 H 乘 然 無 老 里 衆 果 之, 行 翁 患 夜 得 者 汝 妖 午 市 之, 歸 則 必 後 如 公 送 縣 有 大言 食 故 召 Ŀ 去 形 人 壓 州 訛 其 訪 男 浦

則有聲,止訛之術,在乎識斷,不在乎厭

勝。」《語録》

李 宵。 /順黨 身。 就 爲惡黨,今又逃亡,許令首身 宿 山 倚 斬 拘 中 而 居。 之。」於是首身者繼至 門之望何疎、結髮之情 來。 母 有 + 殺 《語録 公斷 日 耕 牛 不 \(\frac{1}{2} \) 避 出 罪 禁母 釋 亡 之; 逃 + 者,公許 猶 復 並 荷 夜 拘 遣 尚 厚 其 歸 顧 1 妻 其 望。 妻 舊 首

亚 時,琦 謹 下 崖 軍 民 旅 0 守蜀 悉 馬 大 安 東 亦 或 · 兵 北 閲,始出 不 以 望 敢 此 火之餘, 丽 措置。」《塵史 事 泉遂 告 呼 韓 人懷 魏公, 復 嵩 攬 呼者 反 轡 公 側。 行 一,乖崖 日 • 日 衆 當 不 是 敢 亦

李順、王均 卒 張 抱 公見之, 小 兒 亂 在 集衆 蜀 廊 張 下 語 公鎮 戲 日 . 小 成 兒 此 都 忽 方 悖 怒 日 批 逆 其父。 見一 乃自

> 知其 習俗 遂令殺之。 乃上 ,幼已如 數 名, 此 H ,況其長成,豈不爲 遂斬 間 又一卒 次 卒, 自 相 是 歐 公問 麗し 軍 肅

《巵史

公前後治 公從其 價歲 給券 時 者 飲 餒 + 之後,生齒 色者 米 餘 ,則公嘗 之品, 7,俾 年 折米六萬斛, **蚪直錢三十六,乃按諸** 俗 益 輸 雖 ,爱利 皆著 凡 元佔 之 時 以 日繁,稍 賜 有 蜀 耀之,奏爲 之政,不 爲 歲 災饉 地 也 至春籍城 常 之 素 遇 一、米甚 法。 内 蜀 狹 水 風 旱, 可 游 游 後 尚 悉紀。 永 一貴 觀 中 手 則 邑 人謹 侈 制 之所 者 細 田 民 丽 好 衆, 民 税 必 益 ௱ 逮 舉 遨 , 計 艱 從 今七 與 民 其 如 事 樂, 食 夫 其 無 噬 大

●「赤一字。

道 則 斗。 碑》○又《語 治 與 違 此 之則 不 可 録 \(\frac{1}{2}\) 人 情 依 不 當 安, 時 米價三百 輒 以 累罷 六十文科 去。 折 米 神

公凡 和 給 者 斤 去。 具帳 木 泥 有 因 札 夏則卯人,午歇 興 雨 事 作, 乞假 申 幞 雖 來,分爲 先 至微 以 禦寒。 公 帖 公俱 諸 判 縣 四 於民 番 工 時。 知 天 徒 悉。 役 皆 晴 冬抵 + 籍 《巵 悦。 蓋 日 中 史 莫放 瓦 係 有 滿 工 雨 則 瓦 各 罷 下 匠

公採 子 有隱匿者,亦十得 矣。」李畋 明 目 訪 專委於人。 詢 但各於 民 小人 間 事, 問 得 其 其 無遠 小 公日 黨詢 旨 人 八 近悉得 之, 公 九矣。」《語 各 日: 彼 就 再 其 有 其 詢 (實,蓋 黨 好 詢 川 惡 詢 録 君 事 之, 子 蜀 無 不 得 雖 我 以 不 事 君 聰 審 耳

> 角 餘 籤 者指 外 爲 事 中 名伏 將 軍 如 號 辜 何 **令**, 謂 也 號 ? _ _ _ 公爲 **\$** 在 語 録 神 前 明。 尚 不 公日 分明 其 鼓

公有清 事。 退者。 競,又 之,必能矜才好利 黄虞部 恬退之士。 莫舉. 何假 (何須舉 鑒 好 好舉 奔 退 善 者 時 競 吾舉?」《神 他? 廉謹知 者 才之士,公勸 臧 嘗 奔 否 累及舉 日 競 耻, 者能 物。 若舉之, 道 官 彼 曲 日 碑》○又《語 故 事 :「大凡 好 凡 不少 諂 則 奔 所 媚 志節 矣。 薦 競 求 舉 者 辟 人知 愈堅,少 人, 録》云 其 人既 將 皆 己 須 自 方 解 有 舉 轉 得 廉 奔 敗 好 運

益 登科 不 所 H 張 服 振 貢 遂 及、李畋 土 歷美官 神道 者幾二 延 奬 碑 》〇人《湘 加 張 十 禮 於 逵者 车 , 敦 是 兩 山 學 勉就舉。 ,皆有學行 野][[校 録 學者 頹 替。 知 初 後三人 勸 蜀 爲 公 人 文風 察 鄉 雖 悉 郡 里 知

公寢室

一中張

燈

炷

香

通

夕宴坐,郡

樓

鼓

番

漏

水

歷

胚

分明

黛黛

刻差誤,必詰之,守

^{●「}人」字,左上原有一黑點如「久」字,據洪本、張本正。

對。 民情 張逵 日 畋 İ 學, 就 日 公遂辟 無 暇 學置酒 丽 子 不察, 不樂仕 H 同 召 充 亦三 人 與 以 州 中 宦。 語 勸 學, 人佐 有 勞 往 公察其 È 善 之。 往 之也。 諸 講 延 生 習者否?」畋 自 人卧 有 一受業 阚 聞於 〇又《語 蜀 内,從容 者 人 鄉 Ŧi. 不 者 + 以 録》 ,得張及、李畋 以 欵 千 餘 同 曲 日 人, 里 門 . 爲 每 公 生 故 遠 問 休 公於 劉 來 務 式 李

忠定公每 也。 必爲 成 民 判 湘 集 Ш 斷 語 》,大 野 事 録 讀 有 抵 以 情 以 示 輕 敦 之。 法 風 重 蜀 俗 情 篤 鏤 重 孝義 版 法 輕 爲 謂 者 之 本

學者甚衆

忠定公爲 奏之。 齊賢 禹 鄙 相 日 一、「張 偁 甚。 麻 代 呼 詞 0 參知 御 齊 爲之。」 詠 其 公以 史 賢 本 辭 中 政 深 無 醜 非 事 禹 丞 以 文, 詆 所 偁 温 爲 宜 仲 凡 前 故 日 恨。 言 舒 有 齊 在 於行 爲「 申 賢 翰 失 後 奏, 林 大 香所, 兩 鄉 於 弟」及 欲 臣 皆 上 作 中 體 前 婚 齊 室 傷 賢 它 家 短 相 遂 罷 王 公 語 張 彈

> 公文章 賦 公聞 見 門 閣 稱 口〕 便以 未竟 文善。 此 \forall 於御 進 作 梁 雄 來。」公遂 賜 自 矣。」《 公 几 健 卿 賜 辨 公 周 取 有 ,美今日 起 坐,上 常 翰 上 神 氣 道 再 覽 所 骨 以 日 碑 拜 執 . 而 , 所 日 獻 稱 歎 紅 :「今日 乃 著 卿 文事。」《澠水 其 銷 日 納 進。 平 爲 金 . 扇 生 人。 龍 於 著 暑甚 E 扇 几 百年 閲 述 嘗 賜 燕談 於 幾 爲 公, 來 龍 多 顧 日 \wedge 聲 Ħ. 黄 ? 不 圖

公知 嚴 爾 數 日 • 白 杭 當 則 人,公悉寬 州 錢 痛 聚 事 塘 以 丽 + 法 爲 時 繩 萬家, 歲 盜 之。 其 飢 患 罰 餓 境内 民 益 殍 冒 甚 官 卒以 禁 如 屬 矣。 此 販 執 無 鹽 言 若 俟 擾。 不 秋 鹽 捕 可 成 禁 《神 獲 敢 益 公 者

●「鄙甚」、《澠水燕談録》卷二作「尤鄙」。

碑》

公 然 在 加 翁 如 長 財 婿 神 立 道 子 主 元 杭 子 智 即 碑 果 與 約 其 死 人 以 有 貲 其 汝 以 -也 富 公閲 七。 之三 財 手 民 面 爲 時 矣 病 之, 崩 皆 訟 與 以 將 婿 泣 子 以 子 死 遺 乃 , 婿 謝 酒 幼 而 書 命 子 持 酹 而 9 以 以 故 日 方 其 去 地 七 其 . 以 遺 9 與 服 財 此 歲 書 他 婿 公 「汝之 \equiv 屬 詣 H 乃 明 汝 與 府 欲 子 命 斷 婦 時 分 其

初 公。 、公之 鼓 乎 長 士 會 逐 於安 舞 冕 益 遷 公聞 相 據 守 一始 刑 自 慶 集 馬 益 部 踰 蜀 公 之 州 威 如 侍 年, 還 知 E 惠 赤 郎 後 節 果 也 子 在 知 , 雖 徙 致 久 冕 詔 益 討 延 神 失父母 非 以 復 安 平 州 衛 撫 諫 之, 事 以 大 御 議 公爲 · 间 蜀 校 以 I 才 大 公前 E 民 民 夫 知 樞 其 均 尚 聞 復 牛 密 能 之 未 治 來 直 綏 冕 亂 蜀 寧 鞠 皆 學 代 韻

> 公問 郎 簡 則 郎 鐵 使 與 下 我 得 信 李 錢 濤 未 威 黄 忧 卿 命 惠 + 觀 也 畋 議 ŦĹ 情 在 謝 及民 日 鑄 公 以 年 此 蜀 銅 濤 無 0 政 知 景 方 錢 巡 不 朕 迹 民 德 百 得 任 民 慰 撫 闡 信 不 姓 大 皆信 成 應 愜 于 鐵 復 于 己 果信 賜 稍 今便 蜀 有 錢 稍 詔 易 服。」公曰 蜀 語 西 我 于 阚 嚴 録 加 上 之。 部 顧 否 嘉 獎 以 遣 復 ? 之 IB 秀 寬 濤 就 憂。」 大 神 州 才 對 道 諭 治 改 凡 一前 E 只 因 吏 公 0 當 此 詔 部 轉 任 侍 公 侍 運 1/

時 徇 所 金 陵 爲 多 火 潛 患 火 捕 遂 災, 得 絶 之,乃 居 者 神道 不 命 安。 碑 先 折 公 其 廉 脛 知 皆 斬 之 奸 以 民

有 公 范 好 一爲 官 延 員 貴 守 否 者 因 ? 爲 間 殿 延 E 直 貴 押 日 天 : 兵 使 過 沿 昨 金 過 路 陵 袁 來 州 還 張 萍 曾 忠 定 鄉 見

諠 惰 縣 其 縣 吏 後 天 也 農。 境 也 使 必 争。 爲 品 公曰 字 善 發 驛 亦 張 運 好 政 夜 及 東 傳 宿 至 希 軒 使 官 也 橋道 筆 「何以言之?」延 ·顔者 員 一。」公大笑 邑,則 邸 延 録 也 中, 一貴 皆完葺, _ 亦 鄽 雖 聞 即 爲 肆 不 更鼓 日 日 閤 識 無 同 . 田 門 之, 賭 分明 一希 薦 萊 祇 博 貴 於 知 墾 候 顔 0 朝 市 其 闢 皆 固 . 以 易 好 善 是 號 希 自 官 不 野 矣, 能 知 敢 顔 員 無

忠定 惜之。 宗 FF 以 生 陳 公自 嘗 累 謝 民 所 稱 天 膏 奏 懷 一欽若 下。」 其 Ŀ, 血 金 澠 乃 材 陵 水 寬 啓上侈心 以 抗 燕 任 章三上 人,苦腦 其 奉 論 談》 將 告 無 . 帥 用 又《記 不不 俾 近 之土 之 以 疽 養 年 所 報 疾 聞 未 疾。 虚 出出 爲 木 不 所 或 者 陛 也 盡 載 公恨 知 家 見, , 皆 其 與 不 陳 紹 此 用 誅 御 賊 不 州 大 藏 臣 得 史 深 死 同 竭 悶 真 無 T 嘆 面 佃

> 賂 公疾既 z; : T 使者 氏 乞斬 之門 愈,上 □還言如故,乃不 丁謂 以 使中 謝 頭 T 置 謂。 人 於國 往 問 1: 門 召。 亦 將 以 不罪 召之也。 謝 天下 焉。 然 \bigcirc 丁謂 义《談 後 以白 斬 詠 叢》云: 金千 頭 置 兩 於

公在陳,一日 叢 余謂 爲 博 義 止 知 而 袖 而 歸 禍 ,罵詈久之,乃 抵案慟哭久之, 此 已 計 必 間 及己, 智者爲之,賢 以 出 寧 自 避 方食、邸報至、公且 彩 汙。 骰 禍 乃 子 哉 延 T 晉 勝 哭止,復彈 晉 \equiv 公聞 者 大户 公逐 禍 其 不 贵 之,亦 爲 萊 於 坐 可 也。 公 便 指 避 食 乃買 也。 不害 坐 久 耶? 且 賢者 之, 讀 公自 田 與 也 有 宅 之 彈 既 談

學 劍 遂精 其 術, 兩

0 公早 平 路」,《 勇 於爲 後 Ш 談 叢》卷 遇 四四 人 及宋洪邁《容齊 艱 急,荷 河 間 人 情 無 有 隨 敵者。 筆》(以下 叫 必 生

《容齊隨 卷 1 引皆作 「貽

不言 不能 夫持 出 極 城 力 張 制 其 至 以 詠 不法事恐之,且 林 少 詠 濟 麓 學 寓 H 撃 於傳 無 劍 斬 所 之 舍 樂 뻾 顧 爲 欲 知 還 其 奇 其 惜 節 女 事 相 爲 傳 即 有 妻即 神 此 陽 士人 道 事 假 止 碑 是舉 此 遊 0 嵗 僕 宦 久,益 進 爲 遠 又 + 馭 郡 時 單 恣 爲 求 史 騎 横

公之當官,凡 挈家以 寄 蚁 님 也。 奉養 不能 寄 碑》○又《語 卷,往往手自 不若也 蓄婢 傅 語巢由 東 「吾不爲 霖 李畋嘗 軒 逮于服玩之具, 測 使者。 行。 逸 筆 人 莫相笑,此 其後 録ぎム 張 <u>ن</u> 侍 輕 録》云: 公退,闢 公不 公知 坐 肥 所 廡 前 校 卒有大 施 E 爲 欲 益 下, 心不 年 公寢 均 E 官 設, 絶 州 失 以 因 静 人 單 是 李 脚 室中 旁 謂 情 至 動 愛輕 室 則 利 順 騎 下 此。 無 之 有 赴 漁 遂 焚 寡 民 無 肥。一量今日 公寢 自 任 亂 磯 聲 遠 侍 薄 香 苔 官官 買 感 古 凡 往 色之好。 婢 識 禪 燕 儉 戀 年 服 官 無 屬 婢, 室 坐 哂 及 憚 於 明 玩之物, 始 不 窮 第 之言也 以 其. 蜀 時 如 雖 時 聚 者, 後 侍 嚴 未 書 寒 至 人 峻 得 巾 神 以 公 閴 櫛 ,莫 自 歸 士 萬 或 不 哂 如 渞

> 成, 「充大慈寺 謁, 白 言 父母 白 此 不 官屬 出 耗 貲 能 銖 稍 殿 煅 以嫁之。 兩。 稍 Ŀ 汞 置 爲 公用。」送寺 公立 姬 f'I 仍 待 金 矣。 命 處 I 女 公 公在 煅 也 即 中 爲 市 公在 蜀 四 以 大 汞 百 年 酒 蜀 香 榼 M 爐 被 遺 俾 召 日 鑿 術 煅 還 其 有 者 闕 術 腹 火 呼 而 土 日 Щį Ŀ 婢

七

0

公天賦 公,厚 者,一 澹 素善。 撓。 以 可 録》云: 師 公方有 不赴 。」其 然 富 貴 無 自 IE 夕頓 也 遇之, 官職 爲 公嘗 情,達 爲 直 力學筮 小 溥 高 時 未 愈 濟 與 人 謁 顧 可 以 必 仕 華 議 推 逸 夜 謂 嘗 Ш 剛果, 此 爲 人傅霖, 會 重 弟 陳 訪 則 公 劇 其 圖 如 子 有 勢 南 卿, 此 談 始 澤 峰 如 遂 終 失火 高 及 不 時 陳 欲 神道 蹈 挺 天下之心 達 隱 諸 此 先 家 之士,與 然 居。 待 則 鄰 碑》 人 牛 君 多 爲 於 摶 無 哥 救 南 义《語 帝 名 病 所 火 ---見 利 瘧 貴 而 屈

初,蜀新亂,張尚書至,公字襲舊制,周列更

閣。 州 굸 又有祠堂,皆後 表德。」 公畫像,衣兔褐繫條 及代去, 鋪 會齋,請 乖 凡數百所、公即 ,計至,蜀人 則違 又九 候 因 俗 十年觀 留一卷實封文字與僧 知府凌 曜院 號 崖 乖 、罷 崖 皆畫公像,府衙之東 不 徐諫 人思公而爲之也。 此。」後十年,公薨 市 公,遂 利 日命罷之,人心大安。 號 物。 議發開 草 慟 畫 裹,自爲贊曰 乖崖之名, 于天 希白爲公設大 所留文字,乃 E 慶 希白,且 觀 于 南 聊 仙 隅 陳 遊 以

公曰:「事君者廉不言貧,勤不言苦,忠不言公曰:「事君者廉不言貧,勤不言苦,忠不言之能,斯可以事君矣。《語録》之際,寧有智來?」《語録》

治,未也;僧道曰治,未也。未若識見無公曰:「爲政之道,府吏曰治,未也;庶民曰

能

於病

中移其

心,

如對君父,畏之、敬之,

李 公謂李畋曰:「子異日 公謂李畋曰:「子還 公曰:「臨 · 畋 苦 業矣。 得 則民 革之,雖 之弊,其 禮,然後化之,静 後教之;言及於義,然後 屬陽,陽主生也,通變由之。著字後屬 行,二也; 陰主刑也,刑貴正名,名不可改。」《語 私、學古之士曰治,斯治矣。」《語 曰:「未也。」曰:「凡百公事,未著字前 退必有後言矣。」又曰: 痁 心 行斯 法 既 事有三 痛 大者 否?」對 廖,請謁,公曰:「子於病 當行 繩 四者,在乎先率其身,不然 以法,亦怨不生也。」《語 卒不須革 必果決,三也。」《語 難 日 而 知公事有陰 :「未也。」公曰:「人 能 無私,然後民安而 爲 見, 朝 政,信及 勸之; 釁 也; 子 加 陽 録 於民 動 否?」對 見 動 見 中 舊 侕 録 乘 加 則 政 樂 然 能 有 而

王 盡 雷 謂 陶 相 有 對 失 真宗 棄,人之爲言,固 ,無它言,公遂退。 公曰:「王旦真太平宰 爾。」真宗默然。 云 幾 臨 宜 言]] 者。」 晏詹嘗 蜀 因 中 言: 它 兵 難 爲 亂, 矣哉 日 余言, 夫 如 御 朝 正 相也。」仰 便 語 廷 張 旦 殿 不 處 公自 乃 合, 置 召公對 太平 緩 蜀還 視殿 大 急 室 功

蘇 軾 孔 遠 畏 以 明 矣。 嚴 嚴 書公帖後云: 諸 得畏,畏止 M 張忠定公治蜀,用法之嚴 葛 見 孔 愛,皆聖賢 明 與 以 於力之所及。 公、遺愛皆至今。 寬 得愛,愛止 之難 事 加 故 於一 所 似 寬 蓋 及 諸 丽 時 者 尸 葛 見

開

而

祝

之,

社

而稷之

也

三之四 樞密馬正惠公

隴 見 寶 州 清 惲 年七歲 巡 五 樞 院 典 全 義 檢劉文裕等, 數 水,姦人李飛 密 如老將。 事 年,公年十八,監 院 郡。 ,從太祖定天下,力 公名知節,字子元, 太祖 事 進 出出 景德 樞 密 太平 知 召 中 副 貝 雄 將繫之秦州 見禁中,賜 擢 使, 州 興 乘 檢校太保、 出 或 彭 驛 卒,年六十五 知 \equiv 州 稱 戰 出出 年,領 天 兵 詔 雄 名 有 州 馬 , 捕 劫 簽書 補 軍 薊 功 獄 公及 兵 以 官。 卒,公 戍 囚 嚴 樞 召 秦 秦 父 飭 密 歷 知 0

盗庫兵以反。公辨其詐,與文裕執飛雄,

治殺之。王荆公撰《神道碑》

雍 無二 碑 也 繕 城 已而 ∭ 一年,監 治 契 械 丹 契丹果至,度 如 歸 博 寇 州 矣。 至。 兵 馬,時 公方 吏 不 民 可 料 劉 初 攻,乃去。 T 延 不 壯 讓 悦 敗 集 其 於 芻 《神道 生 君子 糧

知定 得 積 廷 北 粟五 、太宗嘉之。 粟多,簸其腐 遠 ,公告轉 軍 十萬 時 運 議 斛 使 發 尚 樊 神 河 以 道 知 罷 南 口 碑 占 + 得 河 南 \equiv + 之役 七。一 州 此 之 軍 民 知 聚 古 事 轉 兵 聞 用 饟 少 此 朝 而 河

李順 率 守 太 以 之亂 其 彭 公與 半 方 衆 州 盡 、公討 至 王 夜 號 繼 獨 收 恩 其 出 平 + 討 , 招 軍, 劍 萬 賊 州 一、公力 救 而 兵 召 與之羸 繼 還,至 復 戦 恩 入,賊 怒公抗 日 卒三百。 三泉 ,亡其 以 敗去 直 而 卒 賊 使 復

《神道碑》

蜀 卒 等 公爲 我 破 IIS 取 之 軍 之。 州 劉 無 必 雖 肝 噍 正 而 類 矣 倍 公以 畫 聚 招安使上官正 黨 日 」遂 未易 《神 數 卒三百 : 道 T 行,次 賊 敵 碑 人 破 也 追 爲 Iß , 方 至 亂 不 召公歸 州 井 蜀 如 所 州 必 迎 與 攻 其 E 乘 成 與 數 合 弊 勝 都 戰 州 急 薄 計 殺 旰 至 我 旰 走 輒

之,諸羌德公,訖公去,無一人犯塞。《神道知秦州,諸羌質子有三十年不釋者,公悉歸

碑》

知 數、公捕 成 軍 坐 自 乾 漂失籍 都 《神 德 將代之,而 府, 道 後 殺 有 碑 其家。 歲 其 告 漕 首 騎 課其 蜀 七 公奏擇三 土 物 謀 (漕事 爲 以 而 富 變 置 爲賞罰,至今便 班 者 人 其 使臣 爲 餘 所 送 無 及三 引 吏, 所 以 問 司 多 千

知 道 門 延 碑》 張 州 燈 至 視 郡 以 羌 無 方 爲 以 而 兵 羌 覷 卒不 邊 能 會 爲 上 寇 元 開 神

又 受諸 移 也。 得 送 皆 渡 逗 -記 聞 留 畫 無 知 手 漕 車 閉 《神道 橋 不 皆 鎮 赴 駕 輓 州 得 詔 碑 公公 至 次 給 詔 褒 其 會 邊之 澶 則 使 屢 報 契丹 之, 州 公先已度材 调 趣 以 物 公公 且 大 之, 單 人 故 將 輒 知公果 邊, O 乃 契 留 王 又 出 自 超 丹 之, 以 澶 師 提 欲 미 便 而 夕 以 卒 虜 以 猶 宜 募 掠 北 而 數十萬 屬 辭 使 橋 大 以 無 所 間 城 就 事 中 所 至 郭 行

祥 符 部 此 行 分 元 明 幸 年 《神 必 約 東 道 以 封 束 碑 泰 公 審 爲 山 出 都 以 人 總 爲行 肅 管 然 許 官 丽 都 以 未 總 專 嘗 管。 殺 輒 戮 公 自

邊將言契丹近塞,大臣議皆請發兵以備,公

除 符 下 樞 獨 神 瑞 雖 密 議 道 安,不 碑 · 而 副 使 使。 邊 公 將 可 每 當是時 移 忘 不 書 戰去兵」之意,及它争 然之,獨 問問 契丹 狀 從 常從 已盟,大臣 容極 契 丹 言 解 方言 去 天

公少忼慨 卷 友 其文 儒 者 以 長 所 於 武 與 議 力 善 智謀 論。 必 自喜。 神 時 道 碑 傑 又 能 有 好 書 +

甚

衆。

真宗多以

公言爲是。

《神

道

碑

自 憚。 不盡 义《記 始 此 知 不 節 知 直 仕 出之? 〇又《王文正 俱 其 聞 公,而 王冀公、丁晉公用 以 奏事 輒 、餘皆 》 日 至 面 H 置 真宗末,王欽若每 登 天 前 詆 之。 下 之。 用 欽 既 若 至 遇 退 將 真宗 今稱 退 以 事 遺 事》日 己意 知 謇謇,未 其 初 事 節 奏事 稱聖旨 IE 或 目 , 每 之 直 甚 樞密 或 日 忤 廷 行之。 嘗 懷 馬 議 數 神 有 公 懷 然 奏 道 知 中 嘗 得 所 終 節 奏 出 與 其 顧 與 何 馬 其

真宗東 進言: 在道 等久食蔬,不易。」旦 食。 子上 旦等皆再拜日 耳。」公歎撫久之。馬公方直,惟公力保,庇於上 ī ·列奏對次,忽厲聲曰 前 一與臣 馬 封禪 封 議 公退,見 「蔬食者,唯陛 泰 論 禮畢, 如此,知節幾欲以笏擊死之,但恐驚動 山 同次 王文正 車 :「誠如知節之言。」《記聞 舍, 上 駕 : 發京 勞宰臣 一公,詞 「王欽若等,讀 無 一等皆再 不 下一人耳。 師, 色尚 私食肉者。」於是 Ξ 拜。 上及從官皆 怒 日 因 盡 等 劄子,莫謾官 馬 語 E] 公 E 知 日 前 日 節 君 等 蔬 獨 卿 諸 相

三之五 樞密曹武穆公

州 父任 戎 軍 真宗 補 公名瑋,字寶臣,武惠王之子。 爲 西 即 頭 環 位 慶 供 鈐 奉官 遷 轄 西 上閤 閣 兼 門 知 門 邠 祇 副 州 候。 使 徙 徙 知 真 渭 以 鎮

> 八。 定州 州。 撫 密 永 知 延 定鈴轄,復爲涇原 秦州 興 院 路 戎 使。 軍。 都 復 事 副 軍 嘉祐中詔 華 時時 都 總 乾 兼緣邊安 拜昭 州 除 總管,拜 管。 ① 興 繼 觀 南 初 遷 配 武 察 院 虐 享 謪 軍 天 使, 使、環 公鈐轄, 無使。 宣 使 真 聖 節 左 徽 其 宗 知青州, 八 度使,知 衛 北 衆 慶 廟 年 兼知渭 大 天禧 院使、簽 人 路都 庭。 薨 將 多 軍 徙 中,爲 真定府, 年 總 州。 怨者。 天 五 知 管 書 + 萊 安 樞 鄜 移

公知鎮 附。 公即 羌人得書, 移 咸平六年, 書言朝廷恩信撫納之厚以 往往 感泣 繼遷 ,於是康 死,其子德明 如諸 族皆内 動之。 求保

0 0 卷九〇《彰武軍 如」、王安石《臨 知」《宋史》卷二五 節度使侍中 川先生文集》(以下簡稱《臨 八《曹瑋傳》作「爲」, 曹穆公行狀》、《宋史》卷 亦通

川集》

二五五

一八《曹瑋傳》均作「奴」。

當 用 身 塞 至 子 丽 德 是 天 長 死 0 旅 來 弱 明 公上 都 養 歸 不 時 丽 拒 野 敢 成 Ш 河 諸 心 朝 即 使 書言 窺 取 就 西 一,去就 將 謀 捕 廷 邊 之, 大 之内 猶 臣 欲 滅 族 . 豫 其 1 狼 以 尚 延 後 荆公司 繼 徙 飛 顧 疑 未 恩 家 更盛 遷 必 ~,今不 一撰《行 而 致 知 德 擅 矣。」 妙 西 德 所 强 明 中 娥 狀 以 明 由 急 或 即 等 無 應 9 折 要 此 遂 自 寢 方 以 遂 害 其 將 其 拔 其 公曰 息 弱 羽 地 騎 其 書 民 或 1 部 不 危 終 而

曹 整 於 瑋 去 + 重 南 衆 瑋 愈 里 院 緩 瑋 緩 而 日 知 聞 馬品 行 偵 歸 鎮 瑋 丽 虜 牛 戎 得 還 利 瑋 兵 羊 軍 地 牛 去 不 頗 無 利 日 羊 答, 己 失 用 處 而 嘗 遠 部 徒 使 師 乃 出 伍 乃 縻 不 人 止 戰 賜品 整 候 軍 以 其 1 待 ,不若棄之, 所 下 捷 遽 虜兵 掠 還 憂之,言 虜 4 襲 去數 羊 虜 兵 之。 軍 輜 引

> 久。 羊 於是 憇 若 之。」《筆談 爲 決 疲 將 戦 乘 我 貪 ௱ 至 則 0 利 還 各 瑋 近 鋭 足 不 皷 便 又 虜 以 痺 欲 徐 使 誘 軍 使 戰 方 不 乘 謂 人 之。 圃 苦 人 能 清請 猶 其 人 進 諭 疲 之怠 立 下 之 有 比 之 甚 勝 日 其 日 人 戰 負。 復 皆 請 氣 大 歇 來, 欣 吾 亦 蕃 休 破 定 遠 然 闌 知 軍 憩 虜 幾 行 口 遠 虜 行 師 之人 嚴 吾 相 己 馬 遂 來 日 軍 馳 疲 里 此 若 棄 矣 歇 少 必 選 取 小 故 4 良 其

知 戰 以 渭 事 其 守 州 ^②行 之 公乃 付 要 狀 以 本 圖 獻。 路 涇 原 使 真 諸 環 宗 將 慶 留 兩 出 其 兵 路 Ш 樞 占 川 密 按 院 城 圕 議 m

秦 求 足 西 其 稱 南 求 羌 費 唃 必 普 厮 輕型 囉 中 宗 公 或 E 哥 立 書 大 言 遵 臣 始 方 大, 疑 夷 遵 其 狄 事 無 獻 方 厭 會 物 得

曹侍

中

將

薨

,真宗

親

臨

視之,2

間

以

後

事

對

日

王

無

事

可

言

古

間

之,

對

日

臣

丹 樣 俟 威 孤 滅 事 =至 故 州 樣 鄉 公 公 逃入 聞 將 遠 即即 導 丹 丹 馬 明 地 生 爾 事 少少公 遂 凡 除客 年 波 亦 終 破之,追 皆 而 + 遵使 殺 舉 叱 囉 我 磧 惶 不 至 熟 -寨,自 南 厮 即 臘 省 遵 恐 户 狃 許 中 其 敦、公遂 誘 市 使 果 數 多 0 北 避 遵 鬼 舅 城 樣 丽 是 悉衆 T 逃。 去 矣, 至 而 留 賞 康 猶 以 丹 秦 人 沙 公 等 樣 州 又 爲 以 獻 捕 公許 後 奏 人 號 斥 州 諸 防 丹 + 遵 將 爲 無事 以 厮 境 遂 禦 羌 招 所 爲 耳 先 保 之 敦 萬 爲 隴 使 帖 熟 是,張 矣。 俘 寇 順 目,及公誅 寇三 人 潁 而 囉 1 服 户 斬 許 軍 贖 州 遵 五日 其 郭 《行 置 以 節 都 岩 自 刺 以 遂 吉 後 治 厮 狀 弓 萬 首 度 爲 史, 公帥 以 又 知 敦 兵 門 計 州 使 用 破 還 窮 樣 秦 爲 以 m

> 停不 將 里, 至 之。 兵 邪 箭 子 而 舊 ? 事 果 璨 版 乃 瑋 如 動 軍 E 與 然 大 罪 起 命 方 此 中 問 瑋 高 小宜 牽 貫 飲 上馬 瑋 其 懾 久 戴 出 材 陷 召 知 優 伏 矣。 口 器有 斬 主 Ħ 以 秦 出 劣 赦, 之。 者 城 帛 若 州 瑋 西 對 取 皆 令下之。 纏 蕃 怒曰 望 嘗出 僚 日 身 諫 頃 犯 臣 見 : 佐 瑋 之, 塞 岩 虜 \$ 巡 以 璨 内 數 瑋 城 陣 報 候 主 舊 主 不 舉 有 不 虜 者 騎 固 者 如 以 引 僧 聽, 報 去 老 皆 不 城 瑋 對 之, 奔 城 將 卒 堪 虜 미 E 身 誅 言 己 爲 馬 數 將 改 遮

2 0 改,事在真宗咸平二 市 後又云「 真 地 使其 宗 璋傳》云 璋 表厮 原 舅 誅 作 樣 至 璋 「太 敦 丹」 避 陰 爲 宗 結 順 逃 敘 年。 州 厮 按: 事 據 刺 敦一, 頗 史。 宋 有 斯 前 可 史》卷二 應 敦 謂 疑。 以《宋史》爲 斷 曹 樣丹 瑋 宋 誘 五 史》卷 首 樣 來, 丹 曹 捕 且 彬 厮 五 獻 傳 敦 南

聞 笳 弈 + 手 是 出 騎 虜 即 日 陣 往 日 E 人 於 之 慴 棋 餘 塞 左 陣 呼 乃 : 也 來 嘯 頂 服 右 人 窮 前 超 用 憑 吾 不 於 不 哌 mi 叛 呼 追 開 瑋 僧 指 歸 固 至 太 獲 遁 陣 口 應。 問 赴 邪 之爲 告其 示 超 保 今 俘 遣 前 而 以 軍 虜 ? 之, 不 之 射 瑋 威 斬 返 檢 取 軍 中 中。 父云。 之, 將 敢 去 以 萬 靈 校 之。 對 誰 日 吏 當 犯 : 計 大 盡 善 汝 死 願 亟 軍 塞 瑋 軍 殺之。 : 發 瑋 0 射 汝 再 言 吏 改 得 瑋 間 乘之, 者 而 以 遂 + 邊 能 之, 來告,瑋 不 在 每 左 斃。 鑿 進 百 然, Ŧī. 衆言 顯 言 秦 取 念記 右 瑋 言 壕 虜 至 騎 彼 騎 州 及 聞 此 曰 於 怒, 衆大 邪 與 瑋 虜 否 李 方 虜 有 西 是 ? 之, 陣 超 叱 送 之 與 蕃 虜 士 則 彼 敗 前 之 虜 客 勑 對 卒 息 貴 加 由 至 瑋 布

> 記事 以 曹公 爲 飯 才 節 餞 之 數 則 將 在 壯 瘡 若 捷 官爲名 邊 愈 報 曰「下某 猝 蕃 至 0 起 瘢 矣。 部 應 大數 出 有 敵 食 郊 大帥 過 寸 指 即即 惡 而 料 揮 者 蓋 兵 某 敵 皆 號 用 馬 隊 當 令。 力 次 平 發 如 氣 定之。 序 此 及 使 以 比 然 事 食 至 東 定, 也 밆 水 每

出 守 之 瑋 雖 瑋 之守 其 以 所 少 兵 以以 在 舊 恩 而 最 規 足 信結 秦 分字文 用 州 爲 之,咸 也 敢 要 盈 糧 增 害 草 丽 州 改 己。 可 之 爲 關 之用 西 以 之 所守 龍 自 止 左 川 於 給。 右 志 既 故 皆 文 寡 自 秦 盈 蕃 嗣 州 後 則 族 帥 每 州 2 也。 兵 歲 開開 臣

公爲 將 幾 四 + 年 用 兵 未 嘗 敗 蚵 尤 有 功 於

曹 太

尉

瑋

知

秦州

立

遵

内寇,是

時

公方

灼

灸

0

止

於」、《龍川别

⁰ 東齊記 久之」、《 事》之《補 四 庫 全 志》卷下作「立」。 遗 》作「久」,則 宋 范 鎮 東 齋 記 以

干 隴 錢 干 今皆 以 羌 有 其 堡,使自 頃 爲 爲 五. IIII 西 人,奏請 峭 市 + 外 Ŀ 用 精 發 法 再 畝 無 方。 畝。 絶 馬 更秋 德 此 籠 兵。 州 爲 爲 治 出 所 塹 者 之,使足以 順 干 開 至三百 公以 兵 軍 給 成 舊 其 課 不許 邊 卒,若 瑋募与箭 軍 差 地,爲方田 戍 主,][[法 市 濠 及李元 謂 築 守。 公以 殺 人 率令深廣丈五尺。 假 而 其 以 馬 如 中 城 陝 限 干 自 以 贖 E 虜。 馬 手 此 塞 西 或 至 環之。 畝 ,使馳 隴 置 昊叛 勳 必 專 非 一今邊 人 歲 上 出 後皆 以 勝 階爵 又 兵 爲 所 廢 取 甲, 立馬 得 射 請 西,公所措置 , 兵數 以 爲 以 賴 邊 指 馬 校 地 然 守, 法。 秩 以 補 尊 社 揮 强 募 Щ 後 以 人 至其税 羊 弱 官 如 内 中 險 擇 實, 出 人爲之,若 爲弓箭 日 在 勝 馬死 籍之, 不可 附 馬 E 要 或 卒 渭 者予 害 所 官。 羌 贖 而 ,衆爲 塹 州 則 處 以 後 斂 募 白 愛 者 死 爲 田 手, 加 0 竉 當 皆 取 至 族 吾 如 因 出 築 田

> 以 奪。 難 驅 悉 真宗於兵事尤 丹 厮 付 ,至十餘 ,至多憚公,不 使 囉 以 公可 真宗後 過 爲 聞 公 魏 便 否。 姓 也 地 反。 名 愈 《行狀 輒 心聽信 自 所 即 陰 丽 三都之戰 重 敢 以 勒 公 仰 有 手 其 每 即 視。 論 加 從 守 有 邊 顙 人無 邊 契 事 威 議 奏, 丹 者 震 在 得 既 天 西 手 終 高 往 請 雄 海 詔 語 無 往 計 密 以 疾 契 唃

公在 州 寇 矢 中 箙 萊 西 即 自 公自知 公、指公爲黨 府 日上 隨 謂 道 ^②行 宿 一、從 用 狀 將 事 弱 稍 爲 出 卒十餘人,不 謂 除 公 不附己 所 環 忌, 慶, 恐 又 者。 以 益 降 弓 爲 既 知 韔 萊 奇 貶

0 天 雄 税」 卒 有 原作 犯 種」, 法 衆 據《臨 謂 獄]1] 集 具 必殺之,公乃 彰 武 軍 節 度使侍 處 中 以

公行狀》改。

0

常 爲 徹 具 斬 知 時 冒 將 含。 法 舍 名 治 不 既 用 不 邀 士 内 出 賈 如 郡 命 同 或 龃 其 者 就 以 歸 同 俱 安 父寬 騎 造 語 爲 所 事 公, 疑,公笑 人 見 以 同 此 日 然 甲 問 令吾 客 乎 自 土 ? 從 外 爲 \equiv 衆, 瑋 兵 舍 日 初 果 安 公公 . 非 家 守 列立 名 在 喜 欲 邊 臨 將 殺 日 , 人 音 按 時 邊 也。 也 邊 對 8 Ш 敵 平 已 即 東

公好 羊淡 行 讀 狀 穀 書 梁 所 $\stackrel{\cdot}{\approx}$ 如 左 必 氏 載 傳 書 \forall 數 Mi 兩 尤 熟 兼 於《 通 左 春 氏 秋 公

寶 蘇 儀 昊 元 日 樞 公 叛 ... 密 中 「儀 ·, 王 四 鬷 與 之此 必 間 忠 忠穆善 皆 術 穆公爲 邊 士 行 備 也。 前 忠 輔 出 樞 穆 臣 忠 城 密 年 謪 皆 穆 見 使 已 之, 虢 不 日 有 河 州 能 人言 忠 西 非 對 翰 穆 首 也。 之。 謂 林 領 明 學 公 趙 日 昔 儀 元

> 備 諫 馬 日 總 或 留 鬷 此 是 時 日 至 兀 定 博 4 樞 謂 0.0 既 當 中 爲 止 境 蒐 易 還。 治治 曹 柄 愛 公當作 明 瑋 公 之 閲 德 于 南 其 司 日 在 滿 事 事 人 院 明 此 中 雄 明 鹽 陝 畢 材, 面 具 有 相 或 時 自 鐵 惟 H 材 西 權 饌 瑋 陝 副 公 西 願 不 9 日 則 怒 子 骨 甚 又 謂 西 方 使 知 然 11> 不 其 河 聞 之, 當 簡 鬷 謫 留 不 然 方 息 疏 西 無 官 欲 有 Ξ 儉 年 也 爲 微 何 決 趙 以 初 有 警、公宜 + H 樞 獄 以 德 應 食 起 所 欲 餘 然 決 輔 見 欲 明 人 卒 爲 罷 言 殺 不十 事 歲 嘗 教 有 定 即 極 之, 已 至 屏 ? 使 預 遂 所 帥 鬷 邊 年 河 左 諫 莫 講 爲 Fi 人 0 帥 北 右 之 以 邊 曹 必 自 殿 口[

^{● 「}何」、宋沈括《夢溪筆談》(以下簡稱《夢溪筆談》) #

畫,乃元昊也。」《筆談 其勉之。」 鬷是時殊未以爲然,今知其所 爲邊患,計其時節,正在公秉政之日 之,屢使人誘致之,不可得。 言,私念之曰:「此子欲用其人矣,是必 圖其貌,既至觀之,真英物也。 有異志。」聞其嘗往 以貨殺邊人,則誰肯爲我用者?」瑋 已,曰:「以戰馬資鄰國,已是失計, 來牙市 中,瑋欲 乃使善畫 此 子必須 公公 聞 今更 者 識 其

宋名臣言行録

五朝名臣言行録卷第四

四之一 丞相畢文簡公

事 建, 諱 义 浩 。 乾 爲 學士 林 爲 德 兼 却 抗 踰 淳 公名 左 兀 之。 右 月 章 化 拾 年 庶 景 中, 舉 遺 引避,議 士安,字仁叟,代 拜平章 真宗 子。 德 進 兼 召 初 士 冀 尹京, 人 及 王 事 遷 翰 歷 即 者 府 林 吏 知 以 位 以 記 部 台 爲學士,以 禮律二名 爲 年 權 室 饒 侍 參 州 冬薨,年 判 郎 知 官 雲 府 軍 乾 中 事 東 知 父 不 知 9 州 名 政 宫 偏 制 再

> 端 吴 對 拱 越 在 所 輯 召 曰 洎 其 爲 : 中 新 F 人 視士安, 民。」 朝 下耳。」《神 翰 圖 帝 文 詔 林學 籍 公公 喜 吾 王 詔 日 皆 以 既 府官 從 詞 士 . 選 知 張 之。 藝 道 0 之, 各 侈 知 是 碑 踐 大 台 賦 也。」 劉莘老 上所爲文。 其 歷 臣 州 數 行 固 以 以 撰 既 孰 願 不 張 《神 本 至 減 優 洎 道 · 言 ? 官 言 用 碑 帝問 但 知 舊 : 皆 履 帝 制 行 以 近 錢 日 浩 公 臣 遠 以 氏

公知開 定 道 碑》 婚 封 子 者。 府 近 公請 臣 有 對 怙 白 勢 其 爲 横 不 法 奪 還 彊 之。 買 民 家 神

契丹 兵、理 事 関 謝 謀 帝 宰 人寇 求與 財 相 日 之 卿 公首 乃 策 一未 進 同進者,其 甚 公吏 疏 備 也 五 一,行 帝 船 事 多 且 侍 應 誰 納 詔 相 郎 可?」公頓首 卿 用 陳 知 選 於 然 政 將 時 是 方 中 餉

雲 帝 以 成 順 契 並 鎮 準 帝 辭 人 涵 爲 此 T. 進 州 之。 幸 命 者 爲 奏 或 丹 養 其 流 謝 兼 慷 請 觀 澶 益 素 帝 所 安 口 E 俗 資 而 慨 不 淵 信 察 撻 犯 佚 謂 宜 所 議 所 忠 聞 以 有 邊 使 閲 . 覽 用 喜 蓄 和 義 時 其 F. 公 M 大 力 月 E 引 彻 積 景 材 北 監 虜 剛 攢 大 節 善 西 拜 総 ___ 今天 兵 駑 德 州 悍 帝 修 北 朝 臣 斷 忠 公 帝 使 志 人 皆 朽, 元 如 當 臣 或 莫 跳 大 本 戰 下 身 氣 塞 年 警,二公始 罕出 此 梁 史, 事 羈 敢 没 官 不 0 : 之民 徇 九 爲 號 縻 如 足 虜 平章事 對 恐 位 或 此 然 月 邊 其 不 何 中 以 日 不 在 當 宰 也 + 境 絶 其 雖 右 秉 勝 • 口 上 藉 相 至是 蒙 者 事 , 患 道 萬 合 任 保 進 寇 漸 虜 才 卿 議 休 第 疾 既 許 資 爲 統 獨 公 正 宿 也 惟 德 初 邪 其 若 虜 實 不 公 軍 請 方 寇 德 m

記 妄 今 然 計 至 星 書 未 書 講 官 者 者 彼 挫 大 寇 猖 公公 澶 變 宜 見 軍 0 猶 繼 寧 和 不 計 伏 淵 公 帝 北 流 之 狂 鬨 忠 而 繼 不 亟 其 臣 計 弩 就 E 日 乘 乃 鬨 忠 畏 同 許 得 或 嘗 星 定 發 因 衆 幸 之奏 遂 或 人 寇 言 其 志 出 得 從 定 澶 事 乘 惟 屢 公 射 請 大 猶 E 虜 以 淵 陰 請 君 請 撻 大 虚 掠 臣 臣 台 所 和 還 降 欲 初 舁 勉 覽 對 臣 覆 請 應 9 德 軍 0 願 引 北 兵 之。 疾 死 有 之。 帝 清 時 其 數 也 任 言 力 去 從 貫 罷 進 _ 穴? 嚴 已 之。 + 衆 陳 斗 行 土 金 公 詔 虜 而 兵 己 至 萬 其 乃 潰 安 魁 陵 耻 適 雖 將 澶 巡 帝 而 加 故 按 此 得 遁去 及 無 幸 喜 深 詔 回 行 北 虜 邊 少 請 或 堅 以 成 名 間 , 鄙 疾 大 要 不 言 身 太 定 乃 殆 都 而 震 9 , 選 白 前 追 移 手 兵 而 會 圕 議 不 H. 屢

政 爲 E 己 得 市 略 州 擇 知 良 者 要。 增 除 帝言崇儉 、直言極 安。 趙 節 用 守 德 坐 額 將 各 鎮 鐵 平反 故當 易置 量 明 以 得 禁 州 時 亦 重,至 諫 其 孫 之: 時 息 制 欵 招 等科 任 己 全 天 法 塞 民,近忠直 流 決 照 下 今不 雄 内 È, 次 令塞 死 無事 州 以 附 保 第 罪 廣 易。 廣 以 州 施 録 下 儲 , 二方既 取 李 楊 號 行。 爲 止 遠 畜 士 允 復 延 至 驅 勞, 諛 則 置 治 昭 如 未幾, 佞 定 掠 每 賢 訟 Š 定 権 0 對, 是 良 通 它 不 中 酤 州 《神 必 方 爲 夏 干 毋 外 所 万. 馬

公資端 奉 險 天 道 畢士安,君子 碑 下 養 , 白 稱 無 重 首 異 其 不 偉 清 平 儀 素 觀 人也,事 而 平 未 其 少 生 ·嘗 亡 以 無 殖 也, 名 · 朕 南 産 節 語 爲 帝 自 過 府、東宮、以 子 謂 厲, 差 孫 寇 貫 計 公 雖 于 日 貴 故 夷 .

> 聞 安仕 負 之,然當 喪,家用已 清 至 IE 陛 一公爲 歎 畏 輔 息 下 至 如 相 所 賜 輔 古 相 出 飭 人,在 相 知, 掌 白 屈,今其 躬 E 金 恩 謹 滋 뻬 面 非 兀 位 行 五千兩。 奏 미 海 聞 見 日 妻有 臣 有 之, 無 矣。 敢 古 田 貨 爲 陛 《神道 無 人 袁 是 之 於 私 不 下 居第,没 固 惠 臣 感 前 風 碑 宜 時 家 0 歎 稱 有 後 也 畢 其 未 以 且 王 帝 終 安 文 周 不

公平生寡 以 善。 占告其 見 罔,斬之,寇公乃安。 自 多 引 明。 不 既 重 交通安王 便 引寇公同 交遊, ,王文正公、 公力辨 日 思 無 所 黨 其誣 政 元 援 以 傑 寇 而 傾 ,下宗古 。寇公皇 萊 王 唯 寇 之者。 禹 公、 公守 E 偁 晉公、吕 楊文公相 吏, 恐, Œ 濟 布 疾惡,小 州 具 莫 衣 公端 白 申 得 知 宗 屋 姦 所 友

0

及公 之,教 潞 子 州 嘗 繼 事 以 以 《神道 知 事 學, 連 制譜 禹 至公官舍,陰 俥 後 偁 遂登科, 其 亦 命 謫 乃 黄 禹 進 州 識 偁 用 其 公 訶 更 非 猶 也 在 常 厚資 公前 童 公去 其 留

公端 謙 行 但 方沉 力 乙。 退,嘗謂 自 規 雅,有清 檢 人日 庶幾 識 . 寡 所至 僕 過 仕 耳 一以嚴 宦 無 正稱。 赫 赫 之學, 然性

咸 真宗 平 以 書 之,遂命刊刻。 勸 中 後 以 或有言 詔 善善 語 選 字相 惡之事 官 兩晉 校 《蓬山 公 勘 事 , 對 多 \sim 志 二國 過惡 春 日 0 秋 志 不不 》備 悪 \approx 以 口 ≪ 載。」帝然 戒 流 世 \forall 行 《唐 善

四之二 丞相萊國寇忠愍公

公名準,字平仲,華州下邽人。中

林學 太常 年 雄 開 判官 乾 以 事 州。 年, 進 副 太宗召 元 旌忠」云 年 使 封 興 ,復人相。 軍 士 使, 召 士 後 元 卿 相 咸 府 第 徙 參 改 平初 + 麗 年, 淳化 孫 除 對 年 衡 知 爲 知 餘 知 同 抃 稱 判 相 出 州 再 樞 年 歸 撰《 徙 政 旨 知 司 州 河 貶 三年,罷 知 司 密 年 事 院 州 徙 贈 爲三司 南 使。 神 河 馬 雷 陝 使 攉 0 巴 事 陽、 府 中 道 州 州 安 至 東 未行 書 同 景 左 神》, 司 州 同 水 道 罷 縣。 爲太子太傅,降 從 平 德 一諫 **\(\phi\)** 度 户 貶 興軍。 州 圃 封 章 元 議 支 御 參 知 賜 年 薨,年 大夫、 通 道 泰 推 事 年 鳳 篆 青 謚 軍 罷 同 判 Ш 官 州 翔 其 州 0 天禧元 府, 鄆 可 未 首 詔 天 徙 平 知 樞 鹽 馬。 幾 州。 + 聖 翰 天 知 鄧 鐵 明 密

太宗 貴 書行 命 顯 有 幸 在 可 魏 記 也 遺 姓 色 公之 名 激 年 昂 後 + 舉 有 年 止 六, 進 無 士 以 畏 及 父 第 E 陷 壯 蕃 寖 以

公年 知 忍剪伐 詩 俱 縣 時 歸 年 日 具 政 焚。 〈要》○乂《燕談 庭 以 有 鄉 少 + 州 至 爲 九 里 巴 者 明 吾 種 年 若 野 姓 東 初 往 凌 今民 駆 霄 得 莆 名 水 縣 進 往 進 於 陽 用 揭 無 取 罷 ×. ... 以 + F 鄭 每 縣 人 贑 使 比 遣 必 期 可 來爲 門 元 渡 附 時 甘 濟 欺 會 祐 幹以上,以著公遺 **\$** 太宗取 棠 九 或 大 孤 君 民 賦 年 悼]1 莫 役 教 舟 耶 謂 栢之焚、惜 巴東大 盡 敢 公 之 不 人多問 手 H 後 增 出 火 萊 横 植 者 其 符 迹 公手植,不 植 公 雙 之句 年, 移 其 且. 與公祠 嘗 栢 栢 慰邦 年 於 賦 唯

太宗

時,寇

公爲

員

外

郎,

奏事

件

E

山山,

拂

股栗。」

苴

無

顧

避,

時

人爲

之語

<u></u> :

寇

淮

F:

殿

H

僚

人之思

太宗 進 乃言 頃 堯、湯 其 何 財 至 頗 中 得 兩 決 衣 苑 暮 ? 之, 至 其 凡 時, 府 寇 起 汎 i L 劉 F 至前 準 遂 事 日 所 天 以 欲人禁中 貢父撰《萊公傳 召 參 万 : 然 大 歲 猶 顧 毋 問 早 準 以 知 後 雨 某 臣 奈 衆。 間 間 爲 大旱,天子 唐文皇之得魏 E 政 退。 即言 子 何 是 所 沔 一,顧 事 上 -,公手 衆皆 甲 以 發 上由 王 大 之。 沔 得 坐 準 耳 偏 沔, 喜 〇又《遺 頓 不 獨 贓 ____ 曰:「水旱,天數 頗 引上 以 是 有 首 死 其 日 若 L 狀 爲 嘉之, 以 鄭 詔 謝 弟 干 怒, 毋 憂。 衣 事 準 公 準 召 , ×X: 淮 朝 罪 即 口 少 起 也。」《記 令上 兩 嘗 盜 廷 嘗 用 皆 公性 爾 府 日 所 非 刑 替 罷 禁 復 遂 È 罪 罰 願 偏 過 忠 去。 中 也 聞 坐 朴 守 偏 驟 準 館 朕 乃 如 召

八六

章聖即

撫

巡

山

來。

公再拜謝

召

還

遂

領

相

印。

遺

事

₩

按

此

乃

太宗

朝

也

而

夕

行

也。

要君

之章,實

公在 得賢 白 手 公日 若傳之失其 也。」公曰:「太子 李后聞之不悦,以告上 子 王 固 山 間 青 得人心。」上大悦,遂定策,以壽 姓但知有太子,而不知 一、臣 之,公再拜曰:「臣 謁 額 州,一太宗 太 敢以 知子莫若父, 歌 廟 呼 人,是 還,六宫 爲 相 賀。」上意始解。 久不豫, 慶 萬世 爲 登樓 日 미]::「少 臣 ,上即召公責 憂。 嗣 驛 觀諸皇子, 愚 以 召 有朕,卿誤朕 不 社稷之主 觀 今天下歌 年 還 天 當 《遺 百 問問 子 與與 王 姓 事 後 也。 皆 爲 惟 也 日 也。 事 其 合 壽 ___ 太

7,不過

 \overline{f}_{1}

「國危

如

以

問

真

大

公

不

發

位,公守青州,上想見之。 東,因令問公安否,且促 曰:「陛下若不棄臣 不敢 取朝 會遣 E 既 朝 見 中 召 表 使 而 契丹 澶淵之役,王超、傅潛兵力弗 上者。 北。 臣 之,然而 之議不一,至有以 也。」遂行,六軍百司,追而 欲 駭 此,豈欲久耶!」曰:「陛下欲了 封 日 日 取取 飲飲 不得見,而 退,公曰: "「陛下欲了欲未了邪?」曰: 爾。」其説 犯澶淵 上難之,欲還内,公曰 而 笑 唯寇萊公首乞親 群 發之,皆告急 自 下終以 如 急 請 「士安等止 大 幸 書 事去 明 澶 ___ 未 北 淵 夕 日 戎 必 矣! 同 凡 也 勝 狃 一,候駕 征 上不語, Ŧi. 列 爲言 開 及之。《談 大懼 李流 -以 加, 至 請 運 聞 莱 陛 起 無 之 遂

0 青州」。《 歷代小史》本《萊公遺事》作

時

陳

堯

2 」,原作「北」,顯誤,逕改

還

而

行

叢

致

中

外

勝

聞

於

宋

湜

贊

下人,

則

,從

駕

m

同

列

叟 耳 問之,公日 遺 臣 卿 言請 事 欲 姑 E 》及《聞 幸 得 斷 悟 蜀 獻 其 見 遂 策 E 録 可 示 之 欽 決 亦 否 人 與 若 澶 知 此 勿 淵 誰 乞 斬 山 間 之行。 幸 爲 以 其 此 江 **厚** 謀 南 鼓 者 見 也 0 然 上 東 後 軒 召 公 F 筆 北 萊 日 日 録 伐 公 .

行 皆 卒 失 庫 次 書 皆 數 無 城 長 賢辛 郭 陷 + 財 垍 E 者 通 遣 則 無 聽 兵。 置 以 近 《萊公傳 若 軍 邊 臣 所 法 河 在 詔 爲 從 守 東 報 不 事 將 西 H 責 廡 . 皆 準 若 下 日 馳 侍 野 傳 姓 呼 F 戰 去 皆 側 而 兵 命 但 積 州 陷 府 制 郡

公從 陛 陵 請 公 下 心 幸 -陛 知 蜀 在 畫 下 澶 此 當 淵 A率 人 上 策 所 以 者 E 勵 問 爲 ? 欽 衆 公, 若 心 陽 口 陰 時 爲 斬 進 請 欽 不 前 忧 幸 若 1 知 禦 金 敵 堯 陵 日 今 叟 虜 以 陳 在 衛 誰 勢 堯 憑 爲 社 自

> 師 ? 之言爲尤詳 ○按: 知, 邪 中 \bigcirc 以 稷 解 又 人 萬 今日 () 柰 不 二及 日 謂 異 此 上 何 ŀ: 衆 $\begin{bmatrix} t \\ \Pi \end{bmatrix}$ 人 乘輿 之勢, 見 者婦 日 悟 説 欲 雲 , 放并録之。 與 在 E 委 散 乃 前 人之言。 河 群 間 棄 上行 鑾 説 止。 臣 以二人之策 虜 異 宗 欲 輿 官 當以 乘 ニムム。 將 廟 同 人 召公入計 官 其 前 軫 遠 家 勢 説 由 公公 1: 何 之 爲 善其 之? 是 楚、 步 日 E 楚 事 怨 蜀 計 然 蜀 公將 則 群 何 公。 其 遂 邪 不 四 所記萊公 臣 可 16 入, 速 怯 方 得 記 渡 還 懦 聞 'nſ 聞 至 瓦 且 無 京 内

契 丹寇 未 渡 毋 下 動 E 間 決。 疑 書 避之金 以 其 天子 此 河 古 不 名。」 時 北 計 士卒心 欲 北 陵 陳 者 南 渡 準 堯 巡 ? 至冀、 河 至 日 E 叟 E 澶 毋 以 勸 駐 日 貝 間 **\$** 州 上 臣 南 虜 準 避 姑 虜 虜 澶 得 之 欲 顧 進 騎 騎 州 乘 蜀 知 所 甚 日 已 勝 之,先 書 盛 過 進 王 如 魏 誰 欽 勸 州 1 何 府 斬 爲 若 猶 郡 E 耳 此 陛 北 勸 豫

自 間 城 不 所 -自 殿 決 今 忧 下 愐 涑 事 相公謀之廟 之,語 勞 以 前 北 牽 古 起 水 財 以令天下。 門 記 力 馬 謂 陛 都 日 用 因 不 陛下 雖 柰 聞 一棄去 奉 加 兵甲, 幸 起 指 以之説 下當 準 良 有 何 定, 有 何? 更 聽 揮 久 居 智 ? 事 衣 寇 準 使 F 不 非 堂 同 何 聚 上 者 太 準 渡 乃 陛 復 前 歸 於 且 準 準 即 宿 準 瓊 語 尉 從 不 則 陛 先 京 乎 下 亦 日 眣 衛 又 何 上 胡 ? 之。 能 虜 下 當 帝 師 進 ... 下 瓊 盡 殿 勸 敢 不 所 建 善 H 與 宗 所言 殿 上 今 下 以 與 既 以 都 有 益 臣 其 去。 廟 默 北 軍 渡 言 其 知 ,若盜 等以 至 熾 垂五 後 是 淮 社 然。 事 兵 渡, 澶 河 ? 矣。」 時 謂 也。」上 人 稷之所 委 先 + 州 死守之, 然 按 賊 心 則 高 L 瓊 瓊 淮 渡 年 此 瓊 猶 不 相 瓊 因 河 H 亦 還 御 又 敢 北 公 爲 緣 呼 進 未 天 0 與

於 州 益 丹 詐 去 此 見 事》云: 旦 \Box 身上,今若登城 太 T 天 準 : 或或 黄 是 大 欲 始 地 恭 吾 半 騎 承 公在 屋 方 留 有 填 擾 復 就 制 乘 上 遣 皆 E 飲 準 何 虜 寢 澶 湄 其 壕, 時 勝 專決,號令明 憂 至 將 呼 使 淵 則 居 乃 酒 準 上 澶 溥 萬歲 請 許 會 鼾 請 歌 引 城 每 州 必 不 厭 城 相 息 夕與 和 有 之, 笑。」 退 和 賊 上 願 聲 禽賊 兵 下 如 持 遂 猶 飛 0 震原 雷 與 事 楊 準 + 未 不 益 矣。」上 有 矢 既 上未 億 虜 欲 餘 退,公日 F 野 敢 姑 使 堅。 詔 飲 肅 射 有 平 使 邀 日 欲 博 復 勇 吏 人 其 約 嘗 人覘之, 因 士卒喜悦 氣 羈 使 準 幸 視 逼 士 契丹 御 一:「六軍 矣 統 不 歌 百 澶之北 稱 不 有 縻 準 迎擊之, 軍,殺 倍 釋 喜 諧 ·肯 又 臣 計 會 不 兵 何 然 謔 日 心 率 事 索 絶 爲 喧 又《記 Ħ. 虜 膽 也 之, 其 呼 欲 而 將 得 在 獻 使 斬 F 虜 日 常 陛 渠 士 引 自 聞 契 還 出出 來 數 獲 遺 達 如 望 下

乎 臣 寇 靈受困 請 廬 不 當 取 和 窘 + 虜 四 時 重 , E 出出 戎遂 Fi. 日 人 虜 如 术 州 以 + 馬 不 舉 此 得 問 上 如 年 口 後 公 能 和 目. 飢 或 亦 必 誠 聽 出 乏, 公 臣 來 得 不 其 小 日 恐 漢 寇 和 悦 也。 戎 百 抑 地 心 萬 四 如 緩 又生 郡 準 五. 用 萊公傳 之衆 中 之, +-臣 品 不 矣。」 或 年 策 堅 契 後 得 () 千 п] E 口 壁 丹 安 已 數 餘 清 知 毋 不 * 百 遺 里 無 乃 戰 野 年. 敢 事 朕 能 許 · Z 其 以 ጠ 不 捍 不 事 忍 之。 寒 待 死 歸 稱 不 者 生 虜

虜 北 用 聞 兵 彻 契 用 ___ 復 丹 既 至 利 許 利 還 己 退 甚喜 用 疲 用 歲 奏 日 來 出 之, 給 又 . 求 寢 金 準 懼 和 F 如 以 繒 鎮 召 親 日 此 珠 利 定 . 臣 緣 + 命 大 用 得 貂 曹 白 萬 兵 至 族 褥 利 萬 扼 幄 虜 罪 用 以 次 其 嫌 矣。 虜 與 F 歸 主 其 語 路, 皆 約 少 不 求 之 敢 割 見 口 日 利 利 時 洄

真宗 和 返 騎 議 再 聞 雖 之 莱莱 未 至 成 見 有 次 録 退 虜 萬 公 諸 勑 帳 澶 勿 勤 而 將 淵 來 帝 果 天 請 見 汝 也 以 勿 雄 設 往 進 從 軍 伏 + 所 進 截 日 縱 邀 萬 將 許 在 虜 擊 語 成 斬 毋 賊 歸 9 萊 約 得 汝 口 後 或 公 而 调 使 還 萬 = 日 以 利 虜 保 用 -兀 念記 陷 盟 股 萬 馬 聞 不 调

宜 F 欽 出 若 萊 臣 有 則 若 即 當當 親 勑 言 公 福 河 塗 茫 征 禄 日 朔 智 體 未艾, 退 皆 然 身 將 非 此 召 自 虜 當 乃 不 意 臣 欽若 失, 境 安 此 宜 如 子 之 也。 也 福 馹 辭 未 口 0 際 將 騎 諭 爲 難 及 何 遽 之 已 守 有 以 臣 無 酌 _ 集 日 言 E 觀 方 口 大 意 於 參 略 仍 白 爲 公 參 是 知 口 授 放 遽 飲 朕 政 即 政 展 之,命 朝 勑 守 爲 時 事 俾 辭 魏 今虜 進 古 或 Ŧ 行 主 便 熟 欽 日 人 柄

計 騎 勣 辭 别 列 耳 於 但 退 也 馬 公答 E 屯 乃 盃 《東 欽 前 塞 召 若 拜 軒 0 故 筆 爲 四 馳 ---欽 萊 門 次 人 . 若 公 相 魏 終 参 驚 因 H 事 則 政 懼 或云: 危 出 勉 9 戎 不 之, 坐。 之, 虜 敢 滿 Ŧ 以 口 辭 越 野 公 成 H 數 9 數 勝 飲 無 即 日 訖 敵 進 以 爲 之 疑 虜 爲 冒 拜

初 , 寇 橋 稷 橋 獨 日 由 州 陜 公 爲 是 府 通 不 契丹 澶 稷 舟 罷 知 肯 淵 判 如 還 舡 之役 此 撤 其 司 張 人寇 皆 濟 判 聞 , 封 稷 收 真宗 亦 人。 官。 河 時 還 泊 百 出 陳 欲 以 中 勑 南 姓 堯 守 南 明 濟 不 公 岸。 書 驚 F 叟奏請 而 性 年 撤 事 萊公不 卒 擾 鯁 且 在 召 勑 乃 直 奏 外 濟 下 復 沿 知 可, 以 記 衆 爲 闡 脩 州 河 爲 河 河 日 多 知 Ö 之。 皆 中 陽 中 不 嫌 雜 是 又 E 府 撤 可 之, 御 河 棄 寇 談 撤 E 去 史, 中 中 叢 及 浮 陝 濟 浮

> 也。」欲 斷 橋 因 河 丽 守 公 日 8 是 棄 河 北 也 或 之存

澶 淵 亡在 至 之役 城 勿 保 河 戦 金 北 而 不 幣自 得不 所 故 可 下 棄 虜 補 隨 也 雖 失,未 紙 穀 深 書 不 爾 戦 口 脯 0 加 徙 無 州 困 得 隨 縣 《談 堅 在 才 壁 瘞 破 藏 德 鄉 清 寇 村

Ŀ 章 淵 數 牙官 公方議 聖 以 故 政 者 之 稱 嘗 澶 Ē 尚 役 淵 其 謂 須 功 之功,待 其 兩 由 準 例 府 檢 事 此 王 以 簿 例 耳 欲 陛 欽 也 吏 !」《遺》 擇 若 公 即 有 下 至 安 一人爲 公 疾 爲 以 此 之, 厚 用 投 文 事 我 日 籍 瓊, 群 承 馬 輩 進 間 臣 3 步 哉 朝 者 與 言 無 軍 廷 虜 以 指 公 2 欲 博 爲 揮 間 用 壞 耳。 比 使 澶 其 或

- 「初」、《凍水記聞》卷七作「景德初」。
- 「即」、《萊公遺事》作「耶」,則當屬上讀。

8 2

0

「投瓊」、《凍水記聞》卷六作「孤注」。

甚, 之孤 寖疎 逆,侵 計 滅明 卒爲城下之盟 荷 之日 又《聞見録 萊公眷禮遂衰 也 非 注。 之。 勝 追 陛 E 虜 陛下 畿甸 F, 城 頃之, × Z 則 知博 下 寇 爲 准 準爲 - 之盟 E 以 乎? 準罷 虜 之 既 免,又足 抓 所 口 宰相 ,古人耻之,今虜 注 錢 變, 勝 而 也。 輸 每 非 將 天 歎 盡 不 尚 稱 書 萊公之功。 爲 何 取 能 乎?」上 事 念 陛 其 殄 起 餘 下 滅 盡 帝 畫 出之,謂 念記 M 聞 小人 衆 由 萬 之 醜 聞 是 驚 全 或

大 公鎮大名府, 中 十月 天子 望 子 朝 子 不 奉 祥 廷 敢當 封 天 以改元。 符 無 何以 書 事 元 泰山 其道。 年 謹 北 北 不 正 甚, 門 在 使 其六月,又降 月, 間 鎖 載 道 中 居 天 鑰 以 書 由 無 歲, 書 玉 之, 非 ?」公曰 幾何,復 降 輅, 準不 祀 謂 于 后土汾陰。 天書所 公日 于 宫 口【 -泰 中 0 有 | | | | | | | | | 「相 承 Ш 神降 皇 是 天 F 遗 門, 于 天 成 以 公

> 于亳州 事 曙 居 準。 京兆 爲 是 疑 宫,其後 延 降準所,當令準 旦,旦曰:「始不 外官 益崇 固 中 者 ,天禧三年 恩殿 要準 府 與 朱 不 懷 能 敢 飭 復置 又不 號 都 天 準 政 素 不 祀 監 稱 下 善 信 事 事 亦 也。 信 天尊。 朱 會 無 0 宦 也 上之, 因 勸 天 能 慮 靈 信 自 《萊公傳 者 此 準 書 復 皆 天 景 周 天 天子 復 與 書者, 獻 神 E 從 則 靈 懷 書 爲 能 天 事 益 之, 政 百 之 始 親 中 合。 書。 矣。 疎 屬 姓 準 降 書 自 使 而 準。 也 侍 將大服 進 見之, 準 中 E 準 耐 則 一。今天 郎、 始 婿 貴 築 以 最 是 祀 不肯, 間 \pm 人 後 時 老 昭 曙 書 出 子 應 於 逼 E 知 而

天禧末,真宗 政 ,真宗意 寢 不 疾 能 平。 章 獻 寇 明 萊 肅 公探 劉 太 此 后 意 漸 0 預 遂 朝

官 黨 贈 詔 許 臣 者 遂 譜 誅 末,仁宗盡 遵 白 曹 欲 用 因 議 制 楊 湔 勗 及始 太后 指公爲反, 瑋、 ,天下冤之。 家 廢 醉 命 而 丁 、謀之。 乃 日 億 滌 被 漏 盡 謂 章 尊 盛 元末事 抱 其 百 逐 禮 使楊 獻 ,遂矯詔 儲 度、李遵勗 曹 「天禧之末,政漸 冤 者 億 部 見當 柳 有 利 明 贈 迹 ,皆昭雪之。 0 尚 所 億爲之, 加 人 一一宗, 用 F 留 書 蓋 付 馳 楊 罷 中 投 日 等。 書 書 謂 遵 公 報 億 海 謚 利 曲 等 尊 進呈仁宗, 政 令, 勗 臨 上 用 謂 是 直 於是 且 日 中 真 一,其 事 收 死, 也 文。 溢 將 力, 謂 感歎 廟爲 0 之。 0 故 引李 宫 舉 取 事 盡 日 夜 ^ 及真宗上仙 處畫已定 闡 李 東 當 事 有 以 乘 再 太上 忠愍」。 章 軒 • 及敘 淑 凡 迪 時 類 萊 犢 三,遂 獻 筆 爲 預 公所 能 Ė 所 會 車 鍅 皇, 上 楊 叶 億 萊 陳 官 萊 往 爲 仙 億 下 詔 儀 謀 贈 凡 元 公 又 本 丽 利

> 事 其 指 新。 萊 人忠亮自信 書,文字 置夾衣中。 耳。」②億乃 淵 草 與 重 周 龍 公與 ,未必 不可, 準。 億, 具 寇準 懷政 、誅異 JII 詔 語 志》云: 周 無 召 稍 書。 謀之,準 股 磨滅 不爲國之禍 力止之,意其必 己者,使 懷 意 億至 洩 與與 政 及劉 少 害 億 固 (之謀,欲 % 密言於 安。 真宗晚年 之, 中 私 無 謂 遂議立太子, 楊 書, 語其 不 后 異 夜 徐 潍 пĴ 億 心 既 也。 乘 億 Ŀ, 日 復 妻弟張 命太 爲 没, 初 懼 婦 得風 識 * 有 然使之得 爲 詔 ○又《記聞 請 人 朝 禍 書 便 子 此 謂 傳位太子,上 車 疾,自 廢 廷 敗 演 監 由 謀 液 當 遣 與 方 此 劉 國。 日 藏 俱 改 其 曹 欲 億得 志,必 欲 后 Γ, 其 疑 ₩ E 壻 官 利 潰 懷 理 詔 不起 數 朏 用 E 贈 面 進 使 政 書草 煩 日之後 丁謂等,使楊 謀之, 有 曙 無 官 刀 許 售 真宗不像 一嘗 公 東宫官 恣横失衆之 賜 出 人 之,自 方, 勛 爲 益 使 色。 使 誅 事 曙 宣 其 枕 懷政 也 皇 好 準 出 妻 曙 示 謂 當 宦 寇 爲 縫 其 素 出 知 風 詞 億 者

2

⁰ 官 作 闡 中 引同 違 東軒 他本或作「中聞」 中中 筆 録》作 闡 亦 一中 通 微 宋大部 類 説 令集 五 類 苑

[「]爲一好詞」、《龍川别志》卷上作「作一好麻」。

公。 等,而 苑,命 云 : 宫中 以 右 劃 刀至上所 扶輿 其 ○按: 「寇準、 -索得 胸 月 後宫挑生菜,左 入禁中。 不與 僵 餘 萊公奏言傳 ,涕泣言曰:「臣前 仆於地, 不決,何也 周懷政等謀廢上立太子。」遂誅懷政 此三書 知。 皇 既 所 后 流 而 載 右皆 命收 血 月 位 大同 一淋漓。 餘 事, 臣 懷政 散 無 請 小異,今並存之。 去,懷 言社 乃 所 割 上大驚 下獄 聞。 命 心 稷大計 親 政 以 案問 軍 伺 明 因是疾復 月二 校 E 忠欵。」 陛下 獨 楊 其 H 崇 處 狀。 上 上 因 既 勳 密 而 作,左 又於 以 許 幸 貶 密 懷 萊 後 告 刀 臣 小

公好士樂善,不倦 謂 爲 惟 出 會 日 其門。 慙 食 所 :「身爲 不 不勝。 、都堂、羹染公鬚,謂 ·堪重任。」公爲 陷。 《遺事 然嘗語 執政,而 公恃 推 所 正 薦 丞 親 直 親 一相,謂 日 种放、丁謂之徒 而 爲 不 宰 起 虞 拂 參 相 巧 之,公正 拂 知 生誠 佞,故卒 政事 鬚 耶? 奇 了,當 肾 材, 色

輕之。議事有不合者,輒曰:「君一夫公爲樞密使,曹利用爲副使,公以其武人,

準, 真宗將 在樞 意。 謀,請 奪民 耳,0贵 聞》〇又《倦遊録 知 中 法。 以 相第,寇好以大白飲人,時曹利 稱 所 制 歲 爲 府,而 寇怒曰: 何也?」左右 、公再 是時 鹽 出 決。 餘,忽 罷 井,上以 於側微,不可。 y 解 相公謂之一夫 公政事, 上已不豫,不能 劉 此 Ţ 若 貶 問 <u>*</u> 知 國家大體 后,公及王 雷 夫耳 左右:「吾目 曹、 州。 后故,欲捨之,公固 丁謂 亦莫敢言。 除 , 敢 寇 明 言 是歲,丁 太子 不平, 爾 日當於上前辨之! 劉 「先朝 邪 日、 用 記 氏 爲 利 少 樞 向 曹 覽, 宗人横於蜀 用 因 傅。 遂 中久不 亦 密 上崩,太 厲 節 敏 由 與 副 政 聲 獲 日 中 使, 是銜之。 日 上 利 賜 罪 事 皆 不 宴 見 初 自 請 用 多 『利 領 于 《記 寇 合 官 行 后 不 此 用 其 寇

⁰ 君 然下文引《倦遊録》亦作「一夫」,不改 》卷 一夫耳」,清武英殿聚珍本《凍 五九 天 禧 四 年 六 月 丙 申 條均 水記 聞 君 》卷七及《長 武夫耳」

一公不協。厥後發萊公之事者,曹貂也,預謂何事?」

聖不 然中 預 外 皆 謂 知萊公之禍, 侍 Ei 1 使朕 丁 有 無後世憂者,惟寇 力馬。 义《 遺 準 事 × 4: 李 曲 爲

可託。」及大漸,乃用丁謂而黜公,皆非上意也。

公始 守 荷 主 謫 瓦 者 木 道 不 闡 州 于 山 督 朝,遂 馬 而 會 素 1,公宇 再 無 有 公宇,百 海 文 成 康 之行。 頗 姓 闡 亦 之, 宏 倦 壯 競 遊

録

公之貶 之。 死, 避 宴 至 公神色自 錦 來之故,不答。 膝 不 愈 囊 願 公乃 雷 見,人傳舍中,久之不 貯 ,拜受於庭 見勑 劍 州 吏言 從 差, 也 揭 書 丁 銀 狀 於 使 0 事 、公遣 謂 馬 上下皆皇恐,不 人 升 中 參 前 遣 謂 使 堦 軍 中 之日 郡官 復 不 借 既 · 使 賫 宴 得 緑 至 飲 出 出 己, 衫 ,公方與 勑往 至 迎之。 朝 着 乃 廷 間 知 之, 暮 授 以 若 其 所 之, ௱ 郡 勑 短 所 賜 中 爲 使 以 纔 授 進 以 官

《記聞》

公貶 《名臣 樂道 祭,哭 0 竹 剪竹插於神 竹 尋 按 必 復 死 不 傳》○又《東軒 各 於雷 因 生笋 此 生。 其 説 嘗 立 與 喪 若不 祠之前 爲 廟 前 成 詔 其 文 斬 一書 負 林, 還 旁, 刻 朝 筆 竹 而 異 葬 廷 祝 録》云: 邦 石 祀 插 竊 雒 此 以 人 意 奉 地 陽,過 枯 記 前 神 公赴 甚 准 竹 説 以 其 之心 之, 謹 當 爲 貶 再 掛 事 公 是 雷 若 生。 號 安, 紙 劉貢 州 有 見《塵 日 錢 其 負 道 民 有相 竹 朝 焚之。 111 父、 史》及 皆 果 廷,此 公安 生 E 公 迎

公少時 性 輒 由 哭。 是 嚴 折 ,嘗不勝 不 節 修 記 從學。 聞 小 節 怒 頗 及貴 舉 愛 秤 飛 ,母已亡,每 鎚 鷹 投之,中 走 狗 足 捫 太 流 夫 其 Ш. 人 痕

公初 泣 衾 襚 爲 E 不 樞 可得 密 太 直 夫 党知 學士 人 不 今日富 幸 賞 時 賜 金 家 貴哉 帛 貧 甚 ! 公聞 求 厚。 縑 乳 作 1

靳 時 H 儉 慟 時 將 之, 不 哭 無 《遺 有 忍 相 笑答 聲 盡 事 破 處 色之 所 散 壞, 之 金 得 日 久 俸 帛 娱 益 : 而 禄 一命補 終 寢 彼 以 惟 身 詐 處 弊 草。 不 務 我 復 畜 施 青 誠 棄 或 與 財 幃 也 以 雖 産 90 弊 公 公外 + 靳 孫 後 何 餘 者 洪 憂 奢 雖 年 ? 出 愧 事 内

處 者 宅 士 坐 樓 謂 起 魏 · 寇 北 樓 野 日 使 臺 贈 及 0 歷 公詩 E 相 朝 視 則 南 公? 廷 华 日 位 中 初 : 北 「有官」 即 坐 問 使 久 位 中 :澤 至 無 者 居 南 答。 日 賜 鼎 方 . 宴, 鼐 須 丁 誰 大 謂 兩 無 是 臣 府 宅 鎮 睪 無 預 起

傳》

鄧 寢 傳 撫 少 州 年 室 云 花 亦 富 是 蠟 公野 燃 寇 燭 燭 萊 名 不 撫 達 公燭 點 著 日。 夏,非 天 油 法。 下 燈 每 罷 尤 公 雖 即 官 嘗 京 好 還。」《政要》 去,後 夜 知 師 宴 鄧 不 能 劇 州 人至 造 飲 而 官 相 雖 自

> 準 爲 考終吉 食 炷 ጠ 雖 皆爲名 公爲 舍, 矜權 ,其自 其 ,熒然欲 人 見 敏 人清 不 厠 尚 莱 臣, 鋭 幸 奉 溷 氣 多 儉 養 亦 滅 而 間 公 智 時 收 與與 口 燭 晚 奢 在 取 以 時 淚 忼 有 儉 官 客 聲 爲 越 在 南 慨 不 未 相 名 法 戒 遷 地 好 同 對 嘗 度。 其 也 之 樂 如 清 燃 往 禍 賓 此 天性 談 往 官 然不 歸 客。 而 成 田 遂 燭 然 己。 録 堆 也。 殁不 治 奢 祁 油 《萊公 侈 公壽 燈 杜 反 玉 祁

E 丈人 萊公曰:「何 元之之子嘉祐爲 日 萊公知之,喜 日 於吾子 間 . 不若 嘉祐 外人皆云丈人 意 未 何 爲 故 與之語 如 相 ??」嘉 ? 外 館 人 爲 職 嘉 善 日 消 0 祐 平 祐 夕 劣 萊 相 曰:「自 日 人 丈 公 時 則 相 云 若 知 譽望 以 何 開 愚 萊公 ? 古 愚 封 騃 損 賢 觀 府 嘉 矣。 獨 日 相 之, 祐 寇

語 言 喜,起 定 宰 忠 怪 皆 讀 乎 美。 血 張、寇,布 至 平之責焉,丈人之於 所 《霍 在 折 相 ? 定公守 於深識 而 而 如 以 2 問 _ 蜀 不 盡 也 魚 能 今丈人負天下 執 此 萊 光 之, _ _ 少恕,雖 之 建 公 遗, 其 嘉 傳 然仕 衣 蜀 遠 又 有 功 祐 此 歸 手 \forall 慮 交 業, 不 日 水, 否 所 聞 取 也,萊 太早,用太 始 張 . 0 留 ? 貴 以 澤 萊 故 其 「人千言 公謂 不能 不改也。 蒼 既 一元之雖 公大 恐譽望 生 言 日 傳 重 明主 公兄 生 民 : 别 聽 我矣。」《談 讀 望 勝 無 拜, 者 9 計 之, 吾 顧 ,能若 未 速,不及學耳。」 事之。 而 一之損 福 相 子 從 文 其 萊 萊公在 日 不 也 則 至 章 也。」《記 公 君 盡 門 圃 寇 也 魚 中 冠 者 日 臣 不 0 忠定 更 人 之 外 功 岐 天下 • 相 學 無 準真 萊 準 李 有 名 有 聞 得 它 常 曾 無 忠 畋 水 太 俱

張

張 念記 於 亚 澶 崖 聞 淵 常 稱 擲 . 詠 使 返 亦 公治 不 敢 蜀 爲 也 未 __ 必 深 如 歎服 詠 至

準

疏 如 斬 道 無崖 身先之,其 檢。 仇 推 罪 然 通 岸。 輓 喜 讎 涯 博 南 垠 風 行 裕 不 孫 顧 幹 進 亦 過 抃 勇岩 果 大 奉 用 坦 零陵, 善 敢 義 勑 坦 不 賁、獲。 議 撰 沈 可 已 無 毅 論 旌 爲 踰 退 忠 者 龃 大 能 碑 附 鱽 至 陂 人 必 斷 離 意 溪 於 荷 無 大 奮 外 合者 務 聞 厲 城 夷 險 府 ___ 翔 不 承 善 中 躍 間 疾 循 接 艱 薦 鈔 物 細

準 得 掠 何 竊 而 賢 去。 相 行 己 橐 而 神明 酋 長 其 召 (佑若 告 之 乎?! 日 若 趣 等 遣 種 奈

1 「門人李畋」、《後山談叢》作「幕下」。

2 「更無它語」、《後山談叢》此下尚有「蓋以不學爲

戒

T

九八

南門 冒 今日 時 此 迓 語 前 誉。 遣 峻 東 謂 下 通 之。 有 炎 準 絶 後 成 持 燕 偏 其 準 意爾。 抵 及 者 暇 經、 敗 所 溽 燕 子 。 置 昂 到 馬 雷 易 海 掠 至 海 捫 若 史、《老》、《 或 淮 不 然 几 陽 還 岸 之者 南 祇 看 能 險 謝 初 無 榻 人生得喪, 豈偶 凡 吏 進 守守 海 + 進 誦 阻 無 其 日 隕 以 + 里 伏 之。 晨 非 法 : 廊 間 穫 郡 圖 里 日 道 吾 日 奉 危 廟 過 準 容 獻 縣 莊》, 行 吾 賓至 下 朝 之貴 意 正 官 山 色, 罪 白 恍 閲 謁 引 也 應 有 坐 及 里, 人, 土 一則憑 罪 視 其 然 ___ 者 伐 萬 從 終 人常 天 之,首 H. 然 悟 度 左 騎 爲 重 竹 事 丛 日 高 拜 耶 日 量 右 馬 嶠 層 爲 如 一之句 書, 操 ? 一《旌 . 瞰 爲 寂 過 足 南 載 車型 樓 常 0 虚 吾 之 環 無 矣 準 郡 人 阃 Ш 於 以 泣 笑 廼 東 如 它 少 以 水 列 署 窮 時 慰

> 謂 當來 波,如 秉筆 聞 馮 間 立 觀 憾 生 遂 者多以 馬 謀 敗 寇 遺 擬崖 設 何處 何? 初 忠愍公貶雷 戲 欲貶崖 人以蒸羊逆于 得 不 州 聞 爲 不 馮 具, 得 相 利 竄 謂 體 逢? 當 唯 州 於 悉 行 時 唯 道 州 比 召 謂 好事者 而 而 繇 廼 己。 T 時 坐 境上 Ţ 忽自 罷 海 T 之 準 相 T 晉 且 南 康 而 疑 語 知 乃 公與 也 命之 收 語 曰 旌 徐 之, 其 8 遃 忠碑 擬 馮 準 馮 一若 僮 復 雷 相 博 曰 陳 從 僕 移 Ö 見 州 拯 弈 大 者 杜門 崖 道 雷 在 又《歸 丁 州 州 中 席 有 州 大 之貶 書 寇 不放 寇 再 欲 隱 了; 了 μĵ H 聞 涉 户 出 也 録 廡 釋 几 當 鯨

準 文 開 格 好 爲詩 益 生著 其 氣 餘 述, 警 燄 藁 奇拔 策 於 即 清 章 焚 悟 疏 則 滅 尤 又過之。 棄 有 I 去 劉 夢 旨 雖 得 《旌 粹 至 計 戚不 元微 忠 簡 碑 -得見。 多 風 所

2

碑

^{● 「}罪」、原作「道」、據《全宋文》卷四七六孫抃《寇忠敗

四之三 太尉衛國高烈武王

遂

釋。

王禹

E

撰

《神

道

碑

帝 義 城 年 兵 年,從幸澶淵, 軍 ,是爲宣仁聖烈皇后云。 ,薨,年七十二。 柄,授檢校太尉 節 事 E 太 度 名 宗 使、 瓊 爲 殿 家 御龍 有功。 前都 世 E 忠武 燕 直 指 曾 明 指 揮 孫 軍 年 揮 徙 使。 女 節 , 使 亳 以 配 度 病 英宗 累 州 景 使 求 之 德 遷 皇 歸 解 元

太 還 平 誅 以 御 下太原, ,主將之罪也。 六 出 興 聞 國 班, 0 至 0 虜兵盛 四 行 有 王 遲 年,從征 功未 在 明 日 所 至,留王夜作《引龍直 0 E 賞, 陛 ൬ 一度 太原,太宗引兵自幽 今衛士 六 下 車 盡 班 晨 駕 誅 卒 夕兼 之可 已遠 一皆以 不至。 行, **康**?」帝 材 潰 勇選,從 令不 太宗 產 樂》于 轉 蚤 欲 戰 州

> 高 此 取 者 潘 瓊 軍 其飯 ,宜知幸也。」《蒙 2 美 都 以 亦 歸 瓊 瓊 指 知之, 以 在 義 啖之,謂 揮 美 太 節 使, 舊 原。 度 會 使 臣 日 日 戍 舊 爲并 : 求 巡 表 制 兵以 誉, 請 邊 州 居 節 漏 馬 十 廪 下 度 步 卒 無 食 0 領 事,而 軍 方 陳 瓊 軍 都 聚 腐 後 職 食, 坐 譁 爲 者 步 居 因 飽

管 常 自 軍 卒 矣 員闕 預 有 殿 如如 識 十人,職 前 有 其 侕 E 負 F, 威 薪 兼 名 各 近 領 之 事 置 憂, 緩 親 副 司。 急 誰 都 易以 臨 爲 指 E 戎, 一乃言 口 揮 第 任 使 上 下 進 及 者 曰 都 ? : 得 又 虞候 以 使 先 臣 附 士 朝 老

2

⁰ 直 一、《全宋文》卷 以 T 簡 稱 《高 瓊 神 道 £ 碑 Ŧī 銘 王 沙作 珪 《烈 真」。 武 高 衛 E 神 道

[「]腐」,原作「弱」,據《宋史》卷二八九《高瓊傳》改。

0

Ó

景 李 安危 德 H 死 失 虜 城 下 次 此 功 況 Ŧ 韋 王 遂奉 天 繼 色。 觀 人亦 馬 澶 策 惖 城 羽 元 兵 州 事在 自 者 今止 檄 隆 然 年 此 大呼 扶 ? 召 大臣 軍 有 日 子神武 天子 將 書 漢 契丹直抵 石 軍 頃 替. 天下兵, 制 轉 抵 請 軍 保 一有勸 「虜 不 之大要 真宗 聲 漏 浮 親 望 擁 弩 盟 吉、 發, 闡 尚 橋 黄 御 去 衆 伏 上南 數十 衆 日 行 澶 或 蓋 六 魏 師 發, 渡 也 舉 左 何 * 情 且 州 還 遠 軍 咸 河 議 右 巡者,召 而 皆 里 射 大惑, 至, 闘 將 信 也? 猶 蒙 折 賜 仰 一,其 真宗 契 勢不 既 更 從 進 躊 酒 敵 燕 呼 犯 丹 議 之。 種 而 誰 則 躕 酣 、公等 于 一遂發 霜 問 北 貴 萬 酋 請 未 於 爲 可 争 行 露 能 王 幸 將 皆 歲 帝 大 進 陛 以 神 功 章 官 持 行 何 撻 駭 道 或 御 臣 決 駐 下 城 幄 碑 E 覽 王 建 有 驆 功 視 北 而 而

> 真宗以 色脱 參知 退。 皆呼 之與 勿强 上乃 今虜 之日 宫御樓船 萊公相 築輦夫背, 邪 日: 學儒 命進 騎 E 政 他 上上乃 陛下不幸北 事王 一高 也 在 問 充 王 其 B 歲 浮 宗 澶 權。 徐 諸 斥 t 瓊 幸北 日 」、氣勢百 淵 汳 將 欽 北 如 日 作 何 命 既至, 呵 岩 伐 書 此 南 繼 得 Æ 寇 城。 下 何 城 語 請 無 城 隆 但 猶 E 腷 準 也。 不 殿 芒 倍。 禮 數 陛 登北 召 責 等 河 至 北 叹 企 日可 瓊 瓊 前 未度。 浮橋 下 城百 蜀 3 扩 愧 瓊 陵, 詣 會 城 都 無禮、君 去 遠 至。 指 甚 門 中 虜 都 怒曰 樞 姓 又《談 , 猶駐釐 欽 揮 是 書 大將撻 今已至 樓 0 如喪 城 密 殿 使 若 夕, 副 戒之日 何 張 上皆以 神 之 高 叢 考妣。」 步 不賦一 使 内 君以 未 黄 道 議 此, 瓊 ₩ El 陳 龍 進 人 因 碑 則 是 堯 爲 弩死 尚 相 旗 文章爲大臣 請 城 也。 瓊 詩 馮 叟 契丹 卿 然、公大 何 沙 中 城 幸 以 拯 又《 詠 請 , 」 疑 本 河 别 E 在 下 退 所 侵 幸 明 武 焉 記 北 衆遂 有 與 將 旁 執 虜 蜀 H 澶 臣 聞 驚 檛 主 後 騎 阳

^{1 「}策」,原無,據《高瓊神道碑銘》

③ 「書」上、同前書有「經」字。 ② 「因」、《涑水記聞》卷六作「固」。

於

上前,豈特諸

軍

比

也

有

言

以

動吾

?

色。

若等日既食太官,

月

所

給

又

先

進

樣

防戰守之兵,暴露寒苦,

而

所

食

粟

與

豉

同

它目

衛

士有

白廪粟

陳

腐

者。2

E

日

邊

.

長安, 母、背 遣,故 浮橋 渡河 高 北 嘗文談 不爲 感其言而 也 不競,卒有潘美之敗。 至太宗好文,方戰争之時,多作詩 世 瓊之言,大略 而 E 平日 城 一蓋當時宰 惟邳彤不 祖 金陵豈 吏卒皆北 半, 蓋欲 成功。 一駕邪! È 得 止 而千 憾之, 鉅 高 鹿、信 瓊 激厲將士之氣,此 [1] 〕王乃大呼: 此 ○又《元城語録 nJ, 相 似之,皆 里送公,❶其 執 到 人,家在都下,將歸事其主,誰肯送陛 東漢興亡之決,邳 面 E 邪?」公又喜 御 以 都 有 欽 轡 兵, 爲公既 若、 及澶 此 日 議 語。 代雄 : 陳 「逍遥子 者以 淵之役,章聖既 、離散 西 堯叟輩 此 0 桀 漢高 過望 處 則 爲 又 逃亡 賦 彤 好 邯 蘇 пζ 一公公 ,群臣 祖 太祖 唤 可 好 鄲之兵不肯 子 因 口 謂 湖 宰 E 爲 必 漢之元 儒 屬 掖帝以 與 相 也 郡 詩 冠之意 群 瓊 渡 和 吟 E 兵 賦 臣言, 知 大 ,故武 郎 兩 世 É 以 臣 河 升 此 首 捐 反 溥 祖 送 矣。 也 未 深 父 遗 事 遂 γnʃ 此 詩 至 何 下

> 疾 有是邪! 得之以聞 軍 者斬 久不出 遂 輒 人賜 於是衆莫 以 有 疾辭 精米 遺 陳 典 敢 粒 軍。 斛。 有言。 殿 《神道 下者。 E 嘆 其 碑 日 後 中 E 安 被

E 宗趣 一素爲 帝乃 所以 準。 龍勳 寇 駕 止。 準 麗 欲 準 《神道 臨 臣,今瓊無 相 所 問, 知 欽 碑 若 欽 而 若 知 E 破敵之功,不可往。 欽 樞 乃言: 「天子問 若 密 院 以 南 E 巡 疾 之議 甚 真 恨

真宗嘗 於是 曲 事 問 賜 要勢,以 臣 諸 誠 經 愚 卿 史於 不 子 蘄 肖 幾 進身。 人? 其家。 然未 若吾奮節行 回 嘗 每 臣 不 戒 教 諸 以 子 子: 知 + 間 書 有 毋 0 几

^{●「}城」,原作「成」,據《全宋文》,卷一九六五蘇軾《邳彤

②「廪」、原作「禀」、據《高瓊神道碑銘》改。

質 之所取 非 秉 昭 心心 也 敏 旄 0 鉞 李 也。」《神道 王 無 豊 斌 日 銖 之 因 . 髪 爲 吾 力 敢 碑 常 哉 欺 9 諸 與 朝 -此 廷。 子 又 一嘗 人者言 衆之所非,吾 . 與 此 諸 衆 子 其 之 論 忠 所 蔚

四之四 内翰楊文公

宗實 請 翰 讀 闕 歲 求 山 林 能 陪 書 西 歸 下 録 省 試 預 京 爲學士 屬 公名億,字大 文。 真 詩 不 召還,參詳 宗 起 賦 知 待 年十一 ,授祕 知 即 司 處 報 汝 位 修 州 圃 州 年,建 或 書 拜 行 召還 儀 史。 會 省正 太宗聞 貶 左 制 加 Œ 州 太 字, 玉 會 知 青 浦 天 常 皇 制 其 母 令就 城 與修《 (名, 詔 禧 語 少 病 聖 人。 卿 陽 兀 號 召 祕 翟 年 太 表 送 関

> 楊 楊 文公 方紙 録 之際,成數千言,真一代之文豪 身立 京闕 成。 幅 壺 大 一、弈碁 宗 年 復 則 細 聖 》詩, 年 即 爲 L 每 命 書 喜 + 朝」之句 翰 位 欲 門 ,語笑諠 送 林學 贈 亦立就 作 人 揮 文, 中 太宗 禮 傳 翰 士, 書 部 録 如 譁 宰 則 親 尚 再 是冬卒, 且 飛 · 而 相 與 門 試 試 書,賜謚 有 表賀。 門 文 人 不 疲 人 不 願 妨 賦 執 年 賓 於 加 締 秉 政 《湘 曰「文」。 四 應 客 清 點 詩 思 **\$** Ш 十七。 也。 命 飲 忠 頃 賦 野 每 0 《喜 博 録 節 《歸 頃 盈 以 刻 小 刻 投 終 朝 而 HI

楊文公凡爲文章,所 檢 討 出 處 每 段 用 小 用 · 片紙 故 事 録之。 ,常令子姪 文既 諸 成 生

⁰ 締 宋 此 歐 處蓋避 陽 脩 宋高宗 歸 田 諱 以 下 簡 △歸 田

録

T 家塾記

楊 楊文公以文章擅天下 大年爲 嘗 Š 容 眷 是 頓 壤 歡 惡之者,以事 稱 日 : 首 命 顧 職 佯 見 顧 引 鼠 問, 於 當當 狂 臣 無 再 楊億 卿 唐 壤 進 一,奔于 比 拜 下 學士 小小 、糞壤 識 草 記能 故 久之, 代 丽 不 晚 事 既 朕 閤 作 出 通商 時, 譖之。 年 陽 . 書 因 人,真宗 深在 。」大年遽 也。」大年 出 學 恩禮 翟。 蹟 昄 乃 草答 量,真 文 七作文書 求 乎 知 禁中 大年 然特 真宗 藁 漸 ? 解 必 契 自 衰,亦由 數 有氣 職。 改爲「 爲 皇恐, 丹 皆 注 好文, 筴, 在 剛 朕 書 其 有所 慰 勁 既 性。」《歸 真 所 以 自 云 鄰 寡 不 見 1: 側 、宗語 譜 此 初 起 亦 改、爲 合。 知 賜 院 境 云 鄰 也。 待大 矣。 草,未 大 茶,從 所 田 宰相 壤 0 忽 年, 對, 鍅 有 不 夜 朽 交 年 由 明 歸

> 楊 劉筠 文公性 爲 翟 田 忌公名出 別 人, 欽若銜之。 墅、公請 數 人厚 剛介寡合,唯與李維 己 善。 右, 歸 省,遂 相 E 陳 與 欽 彭 擠 不 若 年方 ·待 之。 驟 報 貴,公素薄 、路振、刁衎 以文史進, 會 而 行 公母病 其 亦 陽

楊文公少以文進,而 使賜 時 爲 謔 卿 有陽翟之行,王 因 政。」王公曰 中 過 分 也。」王公器重文公至深,頗 書 當 殿 繼 司 樂、既 齋 和 則 E 宿,覽文公近詩,而與趙文定諸 恐有之。 當 上知之,乃諭公召文公還,爲 「楊億 而言 語 文正 輔 方直 事者彈 臣 文人,幼 至於謗 公恐人害之,白 日 自 0 刻 守。 闡 不已,卒 訕 荷 楊 後因 · 臣 國 思其歸, 億 恩 保其不 好 一母病, 若 謗 以 1 乃 諧 遣 時

0 特」上、《歸 田録》有「性」字。

左 職欲出 文公方復禁署。 祕 不 右 卓 書 ,人言可畏,賴 監 與 自 舊 清 久之, 職 衷, ?」公曰: 《王文正公遺事 有 以全君臣之契。」公薨後 問 上終始保 公者 大 日 年 : 全之。 向 楊 以 輕 大 今此 年 去 1 何

楊文公爲 藜,尚 朝 伯 友 歸 而 希 中 韓 日 夷弟兄,甘受首陽之餓。」後除 旨言 親 城 調 執政所忌,母 友曰:「介推 E 與第 弓而 事者攻之不已。 擠溝壑,猶 相 倚居, 射。」《青箱雜記 踰 母子,願歸 病謁 下石 年 不 告,不俟朝旨, 而未休 公又有 調調 綿 公有啓 上之田 知 方困 啓 汝 與 州 蒺 親 謝 徑

楊 億 辭 口口 在 親 列 翰林 疾 逃 一般 陽 , 翟 子 謂 别 選 初 墅。 參 爾 政事 何多 掇 遺 尚 億 例賀 哉 為。 未 語

楊 戲 文公以 公曰: 直 「君 道 獨 子 文 知微知章,知柔 時時 有 挾 邪説 以 知剛。」公 進者 面

應聲答曰:「小人不耻不仁,不畏不義。」

楊文公天性 親故 品 誨 重 口 《家塾 人 紀 一交遊,性 誘 以,廪禄 記 物,善惡太明,人多怨之。 後 必必 進 爲 穎 亦 耿 諷 以 悟, 隨 介 誦 成 坦 自 丽 名 盡 夷 手 幼及終,不離 者 集當 敦尚 甚 善談 衆。 世 名節 吐 述 闡 有 作 翰墨 人 味、然 數 多周 有 + 篇。 給 辭 喜

范文正 也。 或 下 樞 Ш 見愛惡之迹,天下謂之大雅。 也。 位 謂 密 不動 ,真宗有澶淵之幸,而能 不充,故天下 公與三君子深相交許,情如金石,則 之至 昔 扶 公讚公之像日 却 風 王文正公居宰府僅 直。 馬 戎 公, 狄,保宗社 此 慷 知 慨 君 公之文,而 :「公以 立 子者,一 朝 一天下 左 二十年 有 命世之才, 右天子, 寇萊 犯 謂 代 未 之大 無 之偉 知 ·, 未 隱 公當 其 天 如 道 其

時佔

三之一,以

濟貧民。

凡

+

户

爲

一保,

閉。

先是,張詠守

蜀,季

春

糶

廪

米,其價

比

E

晦

叔

知

益

州,賊盜

贓

無

輕

重,一切戮之,

蜀

中

股慄。

不數月

賊

窓屏

竄

列

郡

,皆外户不

公之道,其正可知矣。」

家

犯

罪,一

保皆坐,不得

糴。

民

以此

少

敢犯

四之五 丞相王文康公

郢 書 使。 直 第 工. 河 門 层宗 部 州 學 成 陽 土 召 寇萊 下平章事。 侍 團 公名曙,字晦 平中 泂 爲 練 郎 知 南 公罷 副 御 參 益 府 舉 史 使。 知 州 賢 中 相 政 復 良 逾月 派 起 遠 人 事 人爲 叔, 方 兼 爲 知 貶,公其 E 襄 給 河 以 樞 理 八州,徙 南 科 事 疾 密 檢 人。 中 出 使,以 壻 使, 後 河 知 也 中 兼 拜 以 陜 南 尚 進 同 亦 群 樞 州 府 書 貶 中 牧 密 士

> 王文康治 爲 豐 劉 真宗善其言。《名臣 法。 王 復爲寇。 一,故得 盜 燁 曙 召還 一, 故 至是,獻 治 蜀 蜀 以 以 晦叔 爲 頗 孰 平易治之。 法治之。 右 議 以 優?」日 奏復之。 正言,真宗召問 者 法 改詠之法 御下,有謗其太苛。 傳 使之易 《名臣傳 王 「凌 曙 策 值 窮 地 歲 在 民 則皆 :「凌策、 蜀 歉 無 值 所 然。」 慮 歲 民

王文康 事 在 執 事 章 。」《湘 文康 蜀 獻 而 "時,亦 時 斬之於營門,遂 公、薛簡 同 Щ 野 爲 : 有告 録 執 肅 臣 政 戍 公俱 在 卒反者, 蜀 無 日 嘗 時 事 鎮 有 奏 蜀 叱出之,亦 事 一簡 告 戍 丽 肅 皆 卒 因 反, 有 : 語 名。 無 臣 乃 蜀

玉 清 文 康 昭 公上 應 宫 災,守 疏 日 衛 昔 者 魯 皆 桓 坐 繫 僖宫災, 御 史獄 孔子 E

深 言 災,高 悟 諭 或 玩 地 不 勿 高 以 奢 治 遂薄 ,罷諸 應經義,災 袁 爲 天 便 抑損 侈 便 F 桓 人 文帝 殿 堂隆以 ′, 僕 殿 臣 守 禱 僖 不當 ,齊居蔬 災 公 患 衛 妾 祠 不 親 方 爲 者 以 變之來,若有警 無 不 聽, 董 居陵 盡 天以 嚴 節 數 罪。 仲 當 應天變。」仁 明 食,泊如 》,宜有 儉, 簡 舒 毁 旁, 年 臺榭宫室 已而 以 者 重 今居 復 故 爲 也 災。 經 有 詔 災。 也 高 0 第 制 大 以 宗 遼 者。 廟 多 今所 爲 臣 魏 不 與 東 不 及 踰 戒 崇 復繕 太 當 高 願 建宫 僭 宜罷 華 后 除 居 廟 顯 服 嘗 脩 感 其 殿 郡 及

謚 叔 文 諸 高 貶 不 俾 不忘錢公。 不 自 康 ,永叔之力云 在 死 堪 公 ,若爲之動。 取 比 妓 手板 送 柸 其 歌 況 寇 公代爲留 憂。 酒,在老不 萊 别 之,甚悲,錢 其 起立 公 , 下 至 或謂 日 何 者 彭 訝 守, 티 : 如 卒 婆鎮 其 《聞 錢 ? 薦永叔 知 多出 希 泣 公易名者 御 見 以 退 萊 , 録 深 錢 下 吏 脩 公尚 爾。」時 游,責曰:「公 諸 如 耐 置 人館 論 酒 下 束濕,諸 之, 萊公之 坐奢 公皆 作 不 然永 王 敢 長 公年 卒 縱 泣 對 短 得 公 叔 取 句 禍 等 美 俱 猶 永 已 禍 王

0 歸上 邵 氏聞見 録》 有自 類陽」三字。 謝

希

深、歐

陽

永

叔

官

洛陽

時

同

游

嵩

Ш

歸

Ó

自

暮

抵

龍

門

香

Ш

雪

作。

留

守

錢

文

僖

公

遣

吏

以

厨

傳

歌

妓

至,

H.

勞

之

日

Ш

行

良

:

也

一。」錢遇

諸

公之厚

類

此

後錢

謪

漢

東

當

少

留

龍

門

賞

雪

府

事

簡

無

遽

歸

² IE 六《王曙 王文康公了,同 爲王文康公(王曙)事迹、《邵氏聞見録》傳本有誤。 傳》亦 載 前書作 此 事 ? 王沂公」。 五朝名臣言行 按: 《宋史》卷 録》此 所述

五朝名臣言行録卷第五

五之一 丞相沂國王文正公

翰林 大 平 \equiv 昭應宫使。 仁宗立,拜 府、天雄 使,公當使 判 夫 可 中 濟 學士 參 户部判官,知制語兼史館修撰,爲 由 州 公名曾,字孝先 ,代還,特召試 鄉 知 軍,復參 知 貢 政 中 會 天 試 事 通 書侍 靈 聖 禮部、御前 進 知政 中宫災,出 辭 時 銀 郎, 不 臺 官 青 事,兼太 政事堂,直 同 拜 觀 司 州 T 罷 ;遂以 皆 皆 益 章 事 知青州、天 以 第 都 子賓客。 輔 右 知 人。 玉, 玉 史 應 臣 諫 館 清 爲 議 咸 通 天

> 公青州 試三 Ш 日 劉 六十 明 雄 「曾平生之志不在 發 年 場, 子 軍、 復相 儀爲翰 解 河 一生喫着 及 南 出 南省、 府。 林學 判 鄆 景 土,戲 不 庭 州。 祐 温飽。」《東軒 試 盡。」沂 元年 皆 寶元 語 之日 爲 爲 公正 元 首 年 樞 冠 筆 - 薨,年 狀 密 録 色 使。 答 元 中

景德中, 之。 契丹本號可 北朝」呼之。 念記 朝廷始 聞 也 與 王沂公以爲 北虜 真宗激賞 通好,詔 (再三, 太 重,請 遺使, 朝 論韙 將 止 稱 以

祥符中, 辨, 反側 鐵券蓋勳臣 深 耳。 王沂 自 衒 何 公奉 霽, 爲 有 輒 功 且 使契丹,館伴 及 高 矜 親賢?」祥大沮 不賞之懼,賜之以安 新 賜 鐵 邢祥 券。 公 頗 肆談 日 失。

公自

濟州代還,當召

試

學

七院

宰

相

寇

萊

公

奇之,特

召試

政

事

堂。

聞

公以 祥 諫 蝗 感 符中,公在 則 上 語 請 建 免 旱暵,公乃 ጢ 及之。 夫 致 昭 殺 興議 然 應 其 官 制 掖 願 公奏日 上 或 其 垣 推 退,又白 一被擢 疏 而 餘 時 陳 勿 瑞 論 . 用焉。《沂公言行録 事 居 事 應 之不 於 斯 沓臻 甚衆,皆削 異 執 誠 日 便 政。 或 、公嘗 或 者 家 有災沴、 及後飛 五 承 請 其 平所 條 對 以

公在 惟 閣下累 此 疏 偶 年,時 存。 《言行 楊 文公已居 内制 楊 性 詼

諧 昌 不 曰 武 . 好 得 尤 第 嘲 所 侕 四 誚 親 歎 廳 疎 服 舍 凡 也 人, 僚 常 友 不 日 無 : 敢 奉 不 若 戲 狎 E 。」故 侮, 舍 人, 至 李 公 口〕 翰 謂 林 則

公任 公 外 奏以 郡 審 有 刑 制 以 H 建議 非 具 獄 親 被 讞 違 (清從 闡 制 須 章 聖 親 違 被 俾 失 以 乃 違 坐。 E 制 日 坐之。 [: 「若 未幾,

可

失。 卿 之色。」《言行録 怡然可 日 . 日 之言,自 後陰察王公,未嘗語 誠 其奏。 如 廓 聖旨 始 爾 聞 無 時 E 自 佐 復 公抗 爾 吏 有 亦 趙 違 議 無 廓 於 制 復輕 同 不 之 侍 覺 罪。」公 亦 議 矣。」 嘗 跼 無 以 自 蹐 上 得 語 自 遽

公前在政府 再出 去。 口 0 《言行録 守外 及 公 藩 日 肆 請 孔 覲 道 置諫臣,以 屢 輔 以 曹 爲 Ħ, 脩古皆 廣言路。 恐杜 以 天 言 下 後 事 之 謫 公

寇 矣 問公、公奏曰:「長 萊公鎮秦, 録 寇準重官,或 」上意釋然,但 民有 以 訟 檛 安故 解。 登 命 聞 降 則 鼓 都 詔 後 民 興訟者。 以 人何 諭 心豪舉, 之。 由 **《**言行 F 鎮 若 服 以

擠之。 會靈 會公市賀皇 使領,真宗疑 后家舊第,其家未徙 其自 異,王欽 若 從

而

公辭

初

,章聖上僊

外外

尚

未

聞

中

書

二、密

院

山

問

起

居

石詣

寢

閣

東

面

垂

帷

明

肅

傳

遺

命

而公使人輦土置其門。賀氏入訴禁中,

章 若 子 莊 禍 聖不豫 演 中 公自大名 其 位 公遂 肺 演 沤 宮不 呕 憲太后欲自 恐亦 議遂止。 欲 ,其後子 腑 即 日 入 门之, 無 稱 位 罷 可 何 敢言 一、太后 召還 獨 制 去。 漢 劉 延及公矣!」 不 立 兩宫由 以 入白 孫誅 臨 之吕 《政要》〇又《言行録》曰 者 后 中 再 取 朝,今上居東宫,①於資善堂決事。 輔 武鈞 諷 宫非倚皇儲之重,則 疑 是 字 戮,不得保首領。 后 政,豈不爲 皇 時 席 於 益 臣 后,萬一宫車不諱,太 唐 幸 親, 語 天 T ,人遂 相 錢惟 惟 下 之武 謂 E 演 非 無間 演 欲 曾 大懼 劉 日 氏 臨 人心 惟 謂 氏 皆 皇 朝 章聖久不預 之福 爲 ,人白之, 后 不附矣。」 儲沖 公后 劉 非 戚 中 氏 據 乎 幼 錢 外 之 ? 之 之 惟 惟 汹 會 非

> 改也 來寢殿 改也? 立之命。 地 運 去 輔 必若尊禮 「參政 退 「權」字 日 先欲 「稱「權」 立 而 「權」字, !」諸公無 發 皇太子及 皇帝 却 遂不 中, 哀。 亂 欲 且 《言行録 沖 加 實 之 增 擅 當 猶 敢 公於 年 淑 耶 不 改 減 足 俟 皇太 去。 ? 太太 妃 聞 相 遺 事 制 示 殿 爲 此 同 後,況言 制 定 書 曷 后 故 后 廬 言,若 者, 乎 而 爲 有 皇太妃」字、公 謂 臨 草 權 更載 議 法 之敗,公首被 遂 朝 聽 具 岢 斯巴 依 誠 猶在 遺 公 斷 謂 文 違 有之, 豈 制 軍 一期表 妃之文? 勃 丽 . 耳, 或 或 Ţ 然 行, 大 曾 則 何 家 執 謂 事 爰 然 敢 適 口 否 咨 欲

0 行録》, 然事皆決於后 不豫。皇后居中預政一時 原原 撰於仁宗時,「今上」即仁宗 作「令」,據《宋 中外以 史》卷三一 爲 仁宗爲太子、「聽事資善堂」 此 處所引《王 故據改 王曾傳 沂

章獻 不使 兩宫異 之 皇帝 乎 密 奏,傳 令雷允恭傅奏取 其 太祖、太宗、先帝之天下也 廣 儀 後 而 院 院院 坐抗 殿 否運,然推之至公,不猶 餘 一」《言行録》○乂《政要》所 明 未 通 ,乃采 以 庶 定 在 朝 肅 位,不共天下之政,是维主上 命 次 務 執 況宦人傳政,亂之始也。」餘並 語丁相曰:「 左 太 中 奏事 政 后 T 母 用 書、 獨 朔 權 謂 片, 即下 后 蔡邕《獨 令人 如 樞 欲 處分軍 望 在 儀 密院 每 則 右 内押班 不 議 ,非陛下之天下 政 皇帝坐前 復。 人 同 斷 平. 或 大 出 決之。 載 殿 心乃定。 》所 事 曾 政 幃房,斯 與 雷 愈於 獨 垂 之聰 則 此 述 聽 灰 允 簾 同 цÍ 東 殿 斷 明 恭 政 公時 皇太后 U. 但 中 漢 朝 儀 公嘗 出 禁 絶 天下 已 j 群 書 式, 故 奈 1 庶 群 或 判 中 務 何 情 事 臣 附 家 下 於 坐 禮 樞 久 使 来 Ιħĵ

> 矣。 字 副 口 並 其奏。 , 、簽書 不 《東軒 得 中 書 施 員 筆録 謂聞之,愕然自失,由 行, 候 同 宰臣、參政,❷ 在,8方許中外 又乞今後 凡 密 兩 承受。 院 府 是深憚公 樞 行 密 兩宫 下 使 文

丁謂既 謂 之,曰 之得 不道 因 皆投之遠 居亭主人恐亦未 深德之。至是 密謀去之。 免。 所 逐李文定於衡 . 以。 「責 謂 方 内 太 李聞 大 内 時 重 行貶 允恭 上沂 之欲 侍 矣。」 免 州 雷 也。 公參 竄王欽若、丁度等, 爲 允 謂 自 遣 恭 Ш 裁 沂 孰 中 陵 既 知政事,不平 公 使 視 其 都監 有 齎 踧 久 子 力 之, 然 詔 柬之救 一,可天 於 賜之, 而 日 謂 懼 0

真

宗初

上

仙、公與丁謂

同

在

中書。

公獨

人

劄子,乞於山陵已前一切内降文字,中外

② 「候」、同前書作「須」。

③ 「同在」二字,原無,據同前書補

太 踏 地 石 ---而 亦 Ш 太 不 爾 E 允 故 子 邢 Ш 后 盡 已 陵 恭 后 知 敢 墳 行 不 孫 中 意有 陵 言之, 水 其 使 違 允 就 覆 日 和 日 類 使 何 ? 恭 出 非 議 . 爲 允 ... 按 無 亦 即 故 汝 不 恭 允 E 可 子 善 無 安有 中 此 先 改 州 而 不 不 動 否 . 沂 恭 異 穿 秦 重 大 用 帝 和 欲 經 言 欲 公 得 第 議 上 違 事 獨 王 不從?」允恭 允 令弟子 日 具 謂 奏 移 矣 穴。 墳 允 有 恭 月 中 之 得 決 何 就 今 恭 上, 恐 見 和 而 其 既 語 輕 及 上穴, Щ 恐 允 過 謂 下 無 E 不 事 易 ,人奏 允 無它子 而 陵 不 恭 房。 有 . 得 所 如 恭 具 上穴果有 及 E 以 日 我 石 素 間 口 道 此 Щ 人 百 七 謂 來 太 走 并 白 貴 否 ? 所 陵 步 月 若 擅 馬 日 語 后 水 如 撗 以 太 事 奏 之 易 唯 出 同 如 人 法 耳 此 石 重 事 謂 期 ٥ 列 陵 與 秦 唯 宜 何

> 公議 位 恭 Ш 后 比 大 畢 日 歲 不 陵 意 知 驚 略 久,心 之, 不 竟 不 相 忍 即 留 以 就 可 公 破 於 奏之。」 命 爲 回 下 誰 其 不 簾 差 非 穴。 妄 與 以 미 官 前 也 作 笏 語 謂 測 按 訴 0 蓋 ? 耳 叩 之,移 不 劾 龍 雖 0 謂 以 頭 駕 其 Ш 沂 然 爲 所 志 而 起久 事 時 公 其 坐 退 疑 , 以 而 邪 本 有 矣。」 計 謀 謂 謂 太 欲 内 傾 既 不 后 深 庇 謂 侍 之, 遠 知 得 聞 雷 卷 知 也 之, 簾 得 允 太 丽

曹 沂 許 幸 公 公 利 年 測 顧 亦 用 口 末 其 在 謂 而 慮 既 勝 必 中 百 未 在 授 其交惡 道 不 書 列 有 海 南 哉 復 外 得 以 陽 1 用 光 却 之命 由 内 五日 之, 州 斯 能 宫 斯 非 奏 將 人 用 遣 人 幸 袐 遽 智 平 中 復 其 書 人 請 生 丽 使 謝 死 用 監 傳 還 多 也。 江 · 莊 致 宣 則天下之 若 智 德 』《東 仕 放 憲 數 明 不 T 謝 慮 問 軒 死 謂 不 其 筆 公, 不 詆 録 數 利 口

公對 廷 裁 用 綱 抑 0 泯 默 紀 日 卿 及 而 常 其 去 今 臣 言 得 被 所 利 罪 初 以 述 用 不 公 利 利 之 軌 用 獨 用 非 侵 恃 極 9 則 今 官 恩恣 言 爲 何 弄 其 枉 爲 横 權 枉 爾 公公 佑 0 慮 之? 太 故 每 壞 卒 朝 加

從

車型

議

○ 言

行

録

明 之 之。 肅 遽 有 太 名 后 預 . 攝 故 内 益 會公移 欲 政 季 E 重 閣 擢 曾 良 馬 焉 清 爲 在 止 季 疾 職 告 龍 以 《言行 良 數 者 太 圕 當 聯 日 常常 閣 銢 叹 姻 中 派 喻 待 行 劉 外 充 貮 制 氏 之。」諸 諠 職 政 顧 傳 以 者 煮 公 非 擢 而 公 守 道 季 公 水 承 干 IF. 良 持 未 順 進 嘗 難 IE 忽 Ħ.

天 聖 軸 板 繪 初 模 事 以 、公嘗 印 以 進 獻 焉 均 詮 賜 F 公 録 近 嘉 又 古 侍 納 建 先聖 之, 因 議 命 降 賢 請 禁 詔 事 擇 署 褒 跡 名 美 凡 月 儒 六 繪 仍 勸 + 勑 講 事 + 鏤

> 帙 席 亦 尋 外補 、公率 命 爲 言 孫 奭 公 日 《言行 自 列 馮 獻 魏 亢 鍅 詩 移 更 以 洛 侍 賀 經 經 筵 塗 後 肆 孫 及 覲 公 ^ 戴 即 復 世 禮 以 **>>** 馮 終

天 外 若 公奏 聖 時 不 甘 物 未 IE 以 草 喻 大 同 Ī 大 中 《言行 寒 爲 用 之。 悟 用 日 但 陳 之, 温 或 讒 頗 堯 録 老 醫 數 多 臣 則 咨 觖 方 日 以 罔 等 致 或 尹 望 謂 其 極 用 害 京 職 陳 樂 常 性 之, 人。 有 不 預 有 É 能 爲 廉 弼 口 相 而 以 和 誣 此 諧 車 不 班 使 先 衆 謗 其 之 察。 猫 相 朝 藥 敢 驗 命 明 有 反 初 不 故 也 臣 , 恶 毒 肅 榜 出 心 湯 請 者 相 惑 狀 后 存 守 劑 以 反 焉 兀 於 即 藥 中 公 Ш

天 常 聖 微 禮 中 N 延 新 楊 坐。 霽 崇 勳 穿 楊 帥 泥 退 殿 鞹 劾 衛 直 奏其 登 日 堦 詣 罪 中 公領 送宣 白 之, 徽 事 院 不 問 以 屬

公曰 者 狀 示 恩德 柄 契 臣 「崇勳 H 所 如 奏請 以 此 武 振 夫,不 則 傳 紀 詔釋之。 綱 愛 知朝 歸 寬 釋者 於上 廷之儀 明 肅 而 人 訝 主 威 其 **\$** 所 舉 以 奏 肅

王欽 言 記 慶 昔 靈 於 自 簾 之。 若 下 抃 文 不 前 時 **~**言 降 須 爲言 再秉 矣。」《言行 奏 行録 過 後 ,言先帝聖 日 當 大 乃 : 政 明 無 萬 天 人,屢 肅 欽 驗 日 道 若 依 以 壽三萬 遠, 八十三歲。』太后 違 赦 然 宫觀 未 則今 然 人 能 道 丽 日 欽 決。 H 退 邇 奉 時 欽 疎簡 自 欽 公一日於 奉之 天 爾 若 禧 不 必 不 率 禮 中 復 先 若 亦

韓 魏 爲 援 館 公言 錢 在 編 錢 延 校 延 年 : 兀 年 希 例 年, 等 文、 列 沂 復 師 耶 公 欲 魯畏 ? 徐 得 日 師 沂 差 魯終 公。 遣 學 遂 身以 士自 師 至 魯 爲 待 中 初 媿 書 何 人

《魏公別録》

韓 公徐 持 宰 魏 出 相 恩欲 重 人。 公言 也 相 怨 歸 最 之 應 !」《魏公别録》○ 將 己,怨使誰當?」 爲 任 希 之 . 賢 誰 文 王 也 相 日 歸?」希文 乘 掌 沂 間 公 公 以 司 大 之 輒 當 聞 臣 又《歸 諫 諷 盛 或 者歎 執 之 不 惘 德 政, 門 服 田 思 日 然 不 録 獨 下 以 . * 邪 當 嘆 未 爲名言。 少 收 ? 明 日 嘗 恩 此 Ŧ . 揚 避 恩 見 爾 沂 怨, 士 公方 真 若 0 顯 日 類 幸 拔 己 沂

錢 惟 哉 也?」錢曰:「惟 忝 錢 相公科第文章 廷 曰 冠 每 演 !」公曰:「不然。 空府, 出 闕 相 恒性 輔 守 公 相 河 才 演 僅 橋 議 用 身 E ·, 揚 閥 數 詣 列 不 演 歷 閲 將 公爲 年, 在 才 中 相 中 識 豊 相 曾之才不及公, ·外,豈 ,不 别。 公 曾 惟 不茂, 寔假 尚 公憐 所 爲 公酌 惟 寄 不 敢 藩 之。 演 望。 重 酒 所 屏 遭 餞之。 公 敢 然 然 逢 侔 答 曾 朝 而 何

矣。」杜 跡 畏 猥 公 當 使 面 柄 杞 人 不 用 無 畏 乃 曾 所 先 故 復 於公者 也 畏, 登 公 庸 誠 蓋 調 能 以 化 去 搢 其 紳 必 可 之 有 畏 之 H

公留 公嘗言, 遂 數 黨 之 擢 淺 某 但 進 H 詔 日 任 嘗 重 脅 守 人 F 用 遵 賢 給 計 笞 洛 朝 取 ,則榮 、望未 命 始參 陝 ||隣 +; 而 師 陜 行 粟 釋 仍 則 是 著 塗 郡 大 屬 必 雍、晉、 Ŀ 之。 言, 坦 目. 以 歲 政 先 + 言 然 . 强 歉 俾 望 萬 遠 而 屬 . 盜 - 9 實。 絳 中 養 誠 人 近 里 故 儲 論 皆 歲 或 外 望 知 闡 原定 有 太 報報 或 漕 允 ,歲 心 此 初 以 尉 禾 服。 粟 死 愜。」故公執 江 日 爲 積 E 久 而 者甚 = 以 一公當 法, 者 不渝 民 《言行 浙 然 赴 某 息肩 歷 未 全 衆 京 飢 或 下 活 官 師 民 而 才, 之 者 公 每 Ŧ 聚 政 後 出

今賴

之。

《言行録

公再 公非 公凡 歎 者 之所 E 悉 境。 令屏 置 訛言 怪,日 者,完補之 亦不之信。 未 ()青州 一」蓋蓋 即即 莅 菛 香 掩 聖之書未嘗 更 大名 其 去, 則 有 惟 四 民情遂安。 舊 用 有 非 楗 怪 鎮 請 爲 王 朔 陳 而 仍 有 户 代 物 望 葺之, 禱 厭 出 所 如 爲 以 公 南 及 滅 夜 勝 俾 陳 家 至 昔 先 宜 數 移 都府署之内 燭 飛 再 公下 堯咨。 牙校 藏 悉 倡 時 其 妖 蔽 覽, 守 無 公聞 下食小兒者 書 興 政 者 至 之 爲 所 洛 匿 車 邪 致 學 以 襄 有 嫌 改作。 室 師 之,戒 捕 英, 訖 之始, 既 備 童 誕之事 校 邑 不 意 相 習讀 稚 陳 視 而 而 有 便, 輟 以以 謂 復 事 止 重 徼 我 神 什器 即 俸 遠 無 委 答, 爲 未嘗致 之 巡之吏, 公 祠, 黄紙 府 《言行 杜 《言行 他 錢 曲 代 近 必 量 之損 逐 署 異。 其 頗 以 相 嬭 返 弗 覩 毁 出 薫 出 推 助 縫 之 失 其 及 時 靈 圮 於 炷 其

故,發其隱也。《言行録》

韓

公再 <u>二</u> 乙 畫 -莅 像 以 大名,治 此 事 府 王 之。 公在 政 時 益 焉 虜 信 0 使 於俗、民 必 每 沐 往 浴 復 .居 潔 人 軍 服 境 伍 呵 咸 後

公前罷參政日 若 余不 之 公自 辭 及 即 氣 會靈 日 日 | 闕 是 和 . 踧 弗得見。 「王君 (),僕 7 ·。」《言行 登 一使領 得 政、公辭 蹜 嘻 朝 見 不 在 無 咈 能 之 介 所 政 歷 君 ,往候故太 自 上意,而 耳。 以 懾。 然 掖 府 既 他 容 不 幾二 垣 日 他 ൬ 且 在 且 以 内 必 日 顧 其 E 王 是 十年 署 當 勳 其 位 0 尉 君 君 知 重任 「 王 業 壻 一、不敢 每 始 其 進 王公,王 每每 謁 德 被 對 偉 范令孫 君 E 進 望 進 詳 度 昨 期 預 公, 甚 矣。」 對 用 雅 君 以 己 聞 件 再 振 必 避 訶 疾 M 初, 意 E 舉 語 能 讓 顧 困

> 軰 純 章 爲 有 魏 魏公别録 一多是 諫 意於國 疏 得 公言: 其 官 甚 品品 時 澤利 好 王沂 家事 題 只 因 范 納 爾。 公德器深厚 如 兩 劄子,忽云: 希 此 句者,人皆 琦 文 可 聞 亦 矣。 此 未 言 而 免 向 益自 以 寡言。 來 近 近 名 爲 如 日 榮。 高 信 當 若 頻 要 也 須 見 時 訥 琦

公嘗 若 夷 險 語 誠 日 實。」 可 以 吾 一昔楊 致。」《言行録 每 欽 文公 佩 有 斯 言 言 荷 人之 執 之 操 不 履 渝 無

公自 母 女數人。 庖 、盡其 人 奉 清 甚 薄 命, 孝 《言行録 謹 未 待客至厚, 嘗 葬 改 外 饌 氏 於滋 + 事 餘 諸 味 喪, 父、 無 嫁 諸 所 姻 偏 母 族 嗜 乳 孤

王 沂 孫 相 留 公與孫 京 喫食 云 「喫 沖同 安排饅 食 膀; 7 去。」 頭 沖子京 饅 飭 頭 子 日往 時 弟 爲 云 一辭,沂 盛 饌 「已留 也 公

食 簡 後 後 合 截 中 下 紙 送 數 其 軸 儉 簡 德 紙 如 開 此 看 韓 莊 是 敏 他 潰 人 事 書

王 沂 草麻。」 旻 意 當 后 E : 不 公當 政 聽 赤 柄 政 兩 欲 古 太 沂 或 脚 宫既 無 其 而 后 健 此 公 屢 班 兩 從 已 兒 薦 意, 奏 官 在 之。 許臣 吕 日 終 樞 **방** 行 . 許 未 密 容 及 户, 户, 且 公夷 用 使 臣 許 妨 用 請 張 屢言 賢 公大 簡 夷 旻 以 即 如 簡 令宣 之上 臣 是 夷 拜 此 矣。」 度 簡 時 ? 漸 太 召 耳 明 才 沂 太 學 后 與 望 肅 之 沂 公 后 目. 太 口

公資 休 敢 進 + 質 Ш 止 立 以 有 端 宗宗 常 私 厚 處 9 廟 眉 楊 器 平 H 文公嘗 也 居 如 寡 刻 言 畫 目 之 自 盛 奉 服 日 廉 屹 約 然, E 君 莫 揚 朝

公不

叶

東

軒

筆

録

胡 然不 文 定 動 公 資 (禀既 李 文 如 靖 此 澹 然 又 無 濟 欲 之 以 E 學, 沂 故 公 是 儼

八九分地位也。

五之二 丞相李文定公

除 州 軍 復 崩 客 中、 副 運 以 州 家 使,人 集賢 拜 資 復 使 濮 徙 參 拜 知 政 大 公名 州 人 青 知 鄆 吏 宗 學士 院學 殿 起 相 翰 政 州 州 部 大 知 即 迪 舉 事 林 侍 位 字字 舒 爲 學 以 士 進 景祐 除 爲 太太 州、 郎、 三司 太 士 知 學 彰 士 復 子 永 信 宗 1 第 中 江 同 后 降 古 鹽 太 興 爲 寧、 軍 預 平 太 出 鐵 其 傅 皇太子 軍 , 節 政 天 章 常 河 知 副 歷 先 致 禧 度 事 徙 卿 亳 貶 南 使 通 趙 仕 中 使 陝 州 府 衡 郡 判 知 知 出 知 命 拜 西 州 密 徐 召 制 兼 都 天 太 專 知 給 還 州 許 年 雄 兖 後 練 鄆 賓 轉 事

文定 宗 觀 文 爲 爲 下 君之 將 沂 仲 有 H 爲 試 室 瑋 方 矣。 塗 柳 無 客 日 贄, 宰相。」令門下客與 定 公曾初 之言 議 公 相 文, 某 志 仲 奏 京 同 公爲 與 程 者 罷 也 賦 師 東 塗 須 謁 明 蓋 ,文定命長 封 作《有物 也。 陝 舉子 自 擕 羌 沐 俱 道 及文定 所 賦 西 西 出 明 人潛 人。 先 浴 養 文定 祀 都 成 題 逸 時 乃 生 所學 轉 從 書 混 久之, 修 驚 謀 爲 敢 令文定 所 爲 運 子 見 太 成 諸 人 伯 ·發爲 見 种 使 擬 宰 柬之 柳 T. 賦 寇 温 0 子拜之, 賦 相 放 仲 開 》,識 事 還 與 云 言 君 因 要其 明 題 塗 仲 請 業 仲 朝 其 必 留 辭 不 逸 出 淦 大 者 塗 諸 聞 者, 傳 魁 之 先 女, 日 日 益 見 門 是 知 知 子及門 門 天 生 録 兵 其 秦 時 文卷 口】 如 不 下 「異 下, 學。 下 爲 州 決 忘 讀 直 客 以 王

詔 小 奏曰 者 鄙 者。 廷,以 训 上 可 欲 臣 備 亦 加 示 日 於 册 發 從 罪 一,他 一前任 不不 以 日 不 瑋 : 以 鄭 8 文定 樞密院發之。」 口 以 常置 大破之,遂開 知 臣 求 日 奏,問 戍 陝 不 大怒,以 州 某 趣 瑋 朝 爲 必 益 西 秦。 門 少 從 取 州 磐 廷 良 陛 能 兵。 出 副 容 之。 某 事 囊 下 觀 將 爲 其 臣 其 兵 州 中 體 奏 邊 國家 惜 以 爲 虚 在 耳。 必 兵若 請 迪 將 以 輒 既 之。二上 迪 瑋 實 Ш 不 陝 取 自 才 建 新 而, 虚 有 外 妄言 西 秦 干 於 臣 隨 略 欲 功 自 奏 瑋 張 之 之 觀 虜 盤 戍 斬 籍 意 立 陜 今未 陳 武 無 虜 旁 陛 地 果 秦 囊 瑋 諸 稍解 事 能 西 人, 勢, 所請 郡 大 下 不 州 以 以 還 敢 州 出 奏 兵 意 進 足 X 若 遠 兵 戒 恐 卿 以 瑋 到 寇 但 之兵, 甚多, 深 召 數 之右 在 妄 惕 進 即 E 迪 以 傳 爲 瑋 不 此 邊 朝 指 因

一將 喜 立 章 獻 后 迪 爲 翰 林 學 士 屢 上 疏 諫

以 章 獻 起 於 寒微 不 口 母 天 下 由 是

獻 深 銜之。 周懷 政 之誅 上怒 甚 一、欲 責

太

怒稍 爲 此 計 息 ?」上大 從 容 奏日 寤 由 是 陛 獨 下 誅 有 懷 幾 政 子 等 乃 0 而

東 宫 不 動 摇 迪之力 也 念記 聞

公在 一翰林 時 仍 歲 早 蝗 國 用 不 給 日 歸

沐 財 忽傳詔 用 數 問 對 何 以 濟 二公 日 祖 宗

内

東

門,

E

出

司

所

F

歲

出

荒 初 寬,民 一今邊 置 内 藏 無 庫 勞矣。」 他 費 欲 復 陛 西 下 北 用 一一一一一一一 故 此 土,及 以 佐國 以 用 支 數 賦 IXI

斂 願 百 萬 下 借 詔 賜 可。」公日 可 以 . 顯 天 示 子 德 於財 澤 無 何 内 必

不

上

日

金帛

借

?」上悦

又言

「陛

下

東

封

時

敕

所

過

子 群 臣 莫敢 青 : 迪爲 參 知 政 事 俟 欲 及 章 +

> 汾 無 蝗之災, 卿之言然,一二臣 伐 亳, 木 除 土木之役 殆天意 道 行 所 宫 過 誤 以 裁 脱朕 往 儆 加 爲 時 陛 涂 此 幾 蔇 下 白 而 也 倍 己。 E 今早 及 日 幸

八

真宗晚年不豫 迪。 是, 上 后 無 眊 以 是 何 念記 下 亂 事 不 皆 闡 誤 也。 以 言 法 嘗 劉 章 皆 治 對 氏 獻 之?」良 不 幸 獨 在 應 相 置 帷 盛 朕 下 李 久, 怒 於 聞 迪 日 宫 之, 上 日 : 中 寤 由 昨 是 果 衆 夜 日 惡 如 知 皇

真宗 禳 熟 政 有 患 水, 宿 不 威 之, 名 豫 内 日 殿 大 以 無 三 王 問 漸 時 以 之 疾 仁 爲 所 留 夕,李文 宗 計 須 「禁中」 幼 也。」文定 偶 沖 翰 累 定公與 八 林 H 大 取 司 不 王元 案 以 肯 字 金 上 出 執 儼 墨 于 以 者 筆 貯 祈 執

⁰ 政」,原作、正」, 據《涑水記 聞》 卷八及上文改

此 攪 有 水 毒 中 巾 聞 盡 見 即 録 黑,令持去。 E 馬去。 文定 王見之大驚, 臨 事 大 率 意 其 類

真宗 省記 之上 出 H 獨 來 書 以 己。 嘗 作 下 口 學 留 [傳宣 中 日 ,皆畏事之。 相 既 書 謂既 一前 ,而二相 疾 與 同 傳 誰 及 闕 中 内 諸 聲 甚 列 聖 書、欲 出 直 退 除 臣 色 公同 殆,不 当日 雷 兩 召 皆 迪 俱 道 權 府 允恭者 堂 獨 厲 日 過 以 以 謂 **\$** 奏 留 須 復 吏 林 郡 留 學 之進 謂 事 謂 知 面 諭 謂 特 土 罷 發 劉 了、嬖臣 復 納 上亦 奉 事。 辭 之, 爲 院 用 學 遣 劄 相 聖 允恭 屈 樞 士 子 9 索 当。 問 皆 無 李 也 密 可 一筠 謂 俛 文 院 語 迪、 允恭之力 傳 副 草 因 E 首 自 書 <u>У</u> 吏 宣 使 麻 謂 直 L 占 鞠 劉 閲 衆 一謂 日 呼 躬 謂 迪 后 不 退, 之。 筠 中 筠 争 而 同

之。 魯經 定。 詞 沉 從 謂 T 無 知 人 演 奏 召 日 曏 曰 謂 退 命 頓 之。 將 制 即 事 爲之一空。 者 麻 《龍川 命 聖 李 其言 署 計 , 從 錢學 , 漢 旨 即 迪 復 乃 其 當直 不道之誅 謂 詞 命 無 同 相 紙 爲之詞 志》〇 法 口 少 上 既 所 爲 七惟 遠一字。一 尾 必 爲 不 留 既 相 定 前 E 上 又《記 面 也 道,皆其 請 復 將 以 争 也 演 得旨 退 謂 回 其 奉 其 相 議 草 謂 0 謂 闡 调 難 聖 事 • 罪名, 乃 日 猶 李 及 謂 旨 進 學 無 Ź 逃 日 嫌 呈,上 無 謂 事 公 除 果爾 逐 復 士 如 與 於漢 真 其 遠 將 罹 謂 責 貶 也 李 君 之 以 院 宗 小 命 之 不 0 朱 面 此 詞 公 聖 日 何。 不 法。」 處 今 除 奉 戒 切 崖 宋 旨 復 豫 震 及 知 淮 德 時 日 州 宋 \sim 驚 不 間 其 它目 小 寇 語 音 天 深 多 宋 必 處 淮 春 得 黨 誰 君 迪 下 所 宣 著 遂 有 猶 知 得 秋 欲 , 日 州 罪 於 快 獻 E 惟 堂 至 改 宣 再 擅

特遷 免 *i*: 復 外人先 翰林學士 改 留 聖 因 T 官 旨 爲 更 謂 相 聞 相 迪 以 與 錢 其 論 不 庇 迪 惟 事 奏。 勝 準 同 演 制 邪 忿 奏 草 詔 出 事 制 與 二人 退 無 由 謂 罷 不愕 争 是二人 既 俱 謂 辨 罷 下 政 然, 殿 相 事 1] 闘 E 手 謂 惟 迪 鬩 亦 板 知 矯 演 不 更 欲 郇 書 遂 復 相 擊 聖 州 出 省 論 謂 語 迪 奏。 也 明 而 渭 欲 日 留 走 爲 上 0 謂 林 ∇ 謂 獲 命

迪 州 鄧 始 使。 至 是 迪 餘 或 脅 恐 得 至 餘 怒 饋之食 至 鄆 無 以 章獻 全。 衡 日 謂 不 鄆 半 所 刃 畏 州 使 州 歲 不 自 太 侍 死 至 竪 留 不 至 真宗 見 四 后 禁 衡 子 至 離 汝 通 Ŀ E 州 臭 欲 左 人 殺 晏駕 判 仙 仲 歲 腐 殺 往 救 右 我 以 宣 棄 餘 得 迪 我 見 公, 下 仲 押 迪 時 免。 公以媚 迪 捐 除 IIII 宣 我 迪 者 以 貶 不 祕 不 頗 必 如 仲 衡 尚 與。 書 憚 見 殺 輒 衡 宣 書 丁 州 監 之, 迪 汝 籍 州 右 凌 調 專 迪 其 客 仲 派 知 迪 邪 侮 迪 練 知 舒 從 鄧 由 迫 宣 皇 副

> 也。」《記 璟, 而 之於 盡 河 . 陽 心 輔 , 上, 迪 以 佐 聞 召 不 歲 復 自 爲 知 餘 爲 姚 量 無 罷 崇 相 不 恃 相 0 爲 III 聖 迪 出 不知 主 自 吕 知 一之知 以 夷 某 其待 受 簡 州 忌 不 自 我 之, 世 以 迪 乃 之 如 爲 謂 潛 遇 宋 是 人 短

李文定 公 巧 知 用 父 對 所 也 也 E 能 M 即 與吕 及 密 當付 奏除 進 李 間 公因 李 文 用 無 以 人 柬 公 靖 它客, 才 事 之兩 日 謂 嘗 同 能 任。」李公謙不敢當 : 李公:「公子 作 有 浙 其 此 相 李 所 提 自 子 門 規 李 刑 夷 柬之,慮 下 畫 公 簡 誰 直 出 李公父 事 東之,才 爲 而 公覺 謀 疎 事 公 者? 子 過 勿 非 預 吕 可 其 其 公

助「右」、《宋史》卷三二○《李迪傳》及《類苑》卷一○

許諾。 宣 吾 至 笑然之。 邸。 無堪 果許,則宜善待之,不宜如 去。 悟 上 上 面 一,以 奏與 一公共 獻 質之。 一前 雖少下之何害?」遂 也、皆喜受命。 夷簡 可,許以亞 爲 上許之。 其後王 吕公以案牘奏上,李慙懼待 求 孝先 集賢 宣獻 之, 議 去, 參 時 許 公相謾 宣 知 求 處 上怪問 久之忘其實,反 燕王 之。 日 : 沂公久在 獻 政 復 吕公復言,願以 之可 相 事 E : 相 一貴 欺。」具奏所以。 既 孝先於公,事契不淺, 二公内 ,公能容之否?」吕公 也。」 其 虚 甚 「公已 而 乃使宣 (故,李· 善 ,嘗爲 外, 吕 奏言王 吕 吕 公遂在 既 意水 公 位 復古也。」吕公 公, 獻 其門 奏 謂 不協, 李公於 日 昭 問 首 回 爲沂 復用 吕 曾 文, 罪,遂 告 : 其 相處之, 僧 有 獨 上召 「不然, 可 水官 意復 孝先 公言 私 老疾 李公 宋 免 燕

> 驚,復 州。 公者 獲用 公乃請 間 讓 李、王二公雖以 之, 乃以 IE 沂 上大怒,逐王 文自陳 夷簡 公 人許之。 ,二公又不 所以,對如 參 爲 ,昌龄 無所擇。 召吕公面 政事多以 怨,時 知 罪求去。 州 付御 政 誤 《龍川 知 事 一公耶 協 史中丞范 以 李公去意。 有言武 開 宋 疎 既 博 賄 詰 志 蓋吕公族子昌齡,以 封 宣 短 州 文告, E 成 至,吕 之。 府 去位 獻、 日日 公復於上 , 臣 臣 諷 吕 王博 所 察 公亦 E 不 公專決 ,然天下至今以 0 固 公請 人三 能 不審 文 推 問之,乃曰 古 以 盡 忠皆 前 治無之, 嘗納 F 付 節 ,遂奏之。 記。 事,不 求去,上 緡。 有 鉞 罷 賂 司 知 王 去。 許 I 治 少 吕 博 不 上

五之三 參政魯肅簡公

爲 進 講 判 知 政 判 皇 泂 士 事。 **一**, 太子, 陽。 公名宗道,字貫之,亳州 吏 部 濠州定 居位 天 流 除 禧 内 七年 兼 元 銓 遠 諭 年, 擢 尉 德 拜 薨 右 秀 右 及 州 諫 IE 即 議 海 声。 譙 位 大 鹽 人。 夫、 **令**, 兼 侍 宗 通

仁宗 若 外 于 教 飲 使 和 ,俗謂 冀 者 其 怪 歸 在東宫, 酒 及門 中。 公 不 有 中 來 異 名 之 使 遲 同。」公日 加 於 浴 魯肅 日, 遽 公不在,移 京 堂 當 先 簡 真 師 巷 託 人 公爲 、公往 宗急召公,將 白 何 有 事 酒 乃 諭 但 時 以 往 肆 與 德 以 乃 對 易 在 其 公 自仁 實告。」 ? 服 其 約 居 有 微 側 日 幸 和 在 所 行 中 先 號 肆 宋 問 使 上 見 中 門 飲

> 皆 群 忠 宫 無 公 去。 服 鄉 實 臣 器 用 臣 里 市 可 何 之。 親 真宗 欺 山 然 恐 人 大用。 君 大 客 故 爲 亦 則 酒 用 自 果 歸 私 當 御 臣 無 肆 者 田 問 遠 得 史所 人酒家?」公謝 識 子 百 録 晚 數人, 來, 罪 使 之大 臣 物 年 一。」公曰 彈。」然自 者 遂 具 者 每 。」真宗笑 備 罪 具 爲章 公其一也。 與 之飲。 賓 也 如 0 獻 公對 至 此 日 飲 中 明 奇公, 如 一一一一一三 酒 然 使 肅 歸, . 真 後 太 臣 媄 人 章 后 宗 以 卿 家 之 既 適 歎 獻 易 貧 問 爲 有 而

魯 之,豈 宗 慰 乎 稍 在 ? 勉 諫 厭 道 以 之。 爲 列 臣 非 遣 而 Œ 竊 事 宗 諫 言 媿 納 他 道 守 之, 事 諫 日 臣 有 之 追 日自訟 願 職 違 虚 念其言, 得 誤 也。 名 罷 去。」 於 風 俾 陛 上 闡 御 臣 下 1 前 彈 尸 筆 以 悦 疏 日: 題 素 數 其 殿 荷 真 ጠ 忠 壁 宗 禄 臣 厭

魯

肅

簡

公

立

朝

剛

正

嫉

惡

少

容,

在

政

府

七

曰「魯直」。《掇遺》

章 於館 其 用 利 豈 幸 對 問 E 立 獻 子。」太后 立 也 婦 用 任 紈 事 幾 姓 慈孝寺,欲 劉 劉 太 人有三從,在 「唐 者 恃 袴子 閣 且 公獨 京 氏 氏 后 言骨 權 官 讀 七 七 臨 莫不 武 社 弟得 乃命 驕 書 日 廟 廟 朝 然終 后 稷。」太后 鯶 : 横,公屢 者,太后 何 憚 「不可 公 如 以 魯 辇 如 以 如主 之,目 不 嗣 大 肅 魚 日 後 恩 家 使 . 君 安 簡 澤 從 頭 乘 ? ٥ 折 慁 父,嫁 默 辇 何 公 也 處 輿 以 爲 館 退 ? 之 或 對 然 屢 前 耶 行 問 閣 謂 魚 帝 恩 日 ? 有 帝 輔 育 帝、 從夫,夫殁從 同 頭 前 時 執 行 獻 天下 臣, 吾 列 參 樞 太 有 政多任子 唐 替 子 曰: 政 衆 密 時 公 后 E 之 英才, 誠 貴 使 不 將 罪 太 幼 戚 曹 若 大 敢 同 請 .

> 清 公 年, 大 太 剛 益 常 節 知 簡 務 直 白 益 譏 裁 ,尤得其實 道 當 之, 日 抑 爲 垂 竟 剛 僥 簾 簡 改 倖 時 之際,同 爲 , 名臣 不 也。 議 肅 以 者 《歸 名 在 簡 而 不 器 中 田 魯 -知 録 尤 私 書 爲 公 簡易,若 ,二公皆 美 與與 益 張 及薨 文 以 以 節 爲

五之四 參政薛簡肅公

權 參 密 徙 司 西 進 知 直 户 士 御 轉 知 部 第 政 學 中 運 興 公名奎,字宿 事 中 副 土 使。 州 歷 丞 使 0 知 隰 罷 遷 出 益 州 出 爲 江 知 判 州 推 知 殿 淮 藝, 尚 并 官 延 制 中 召 書 州 州 絳 置 權 侍 知 都 州 改 發 莆 權 御 省 秦 正 司 運 史 田 知 平人。 州 使 使, 長 開 出 水 封 年 遂 擢 爲 加 府 陝 拜 樞 中

十八。

薛 記事 卷 簡 自 至 而 無 第三篇《春詩 肅公舉進 私 謂 空自 。」乃曰 之日 負 : 土 不不 : 早 時 **》**云 秀才所負者如此。」《東齋 知 晚 摰 達 秀 謁 千 才 明 馮 所 君」之句。 林 魏公, 如 負 有 何 喜 事 首 ? 篇 馮 氣 讀 掩 有

契丹 以 遂 簾 亦 使 理 聽 折 蕭 請 政 之,從順 從順 見。 從 順 來 朝 謂 朝 議 乃 南 是是 患之,未有以 止。 使 至 時 歐陽 契 莊 丹者皆見 公撰 憲 明 ~ 墓 決。 肅 誌 太 太后 公獨 后 垂

公在 語 僞 H 民 且 者 蜀 犯 至 開 以 也 時 封 觀 私 白 中 公所爲。 以 以 及 書 蜀 俚 嚴 居 印 人 語 爲 蜀 隨 者 目 治 , 公顧 之者 則 公 夜 肅 以 以 且 主 萬 清 惠 錦 計 吏藏之,略 相 愛稱 京 囊 戒 師 皆 掛 日 0 恟 之西 京 民 恟 是 有 不 帥 出 門。 取 不 之 異

> 矣。 蜀 尚 發伏 能 養。」 名。 女。 視 民 不 以或妄 書 順 民 能養、公取 《墓誌 其 都 詠 其 蜀 母 **無** 乃 寬 風 争 子 會 而 人 止。 俗、從 猛 喜 皆 遂 其 不 不中 之政 亂 带 。 相 産 俸 老媪告其子不孝者,子 世 而 慈 , 蜀 錢 容宴樂,及 前 公 號 易 開 孝。 與與 尤 摇 析 封,天子之畿, 人愛且畏之,以比 後 之日 一、公既 其 難 里富 異 貲 理 施 者, 爲三,爲嫁 其 鎮 人三女皆 「用此爲 пĴ 臨 以 圃 謂 事 無 公 知 益 事 尤 生以 其 破 訴 孤 其 有 又 方 貧

公在成都,一日 卒作 只 不 於 然 擒 亂 妄 獲處 既 相 攀 而 令人 置 引 就 擒 酒 喫 旬 却 大東門外。 月 都 0 間 監 未 往 民 能 白 間 T 公,公指 以 城 得, 爲 中 神斷 又安 有 揮 戍

0

其徒黨反側之心也。《東齋記事》

E 文 乃 事 音 臣 獻 康 執 在 文 時 公 丽 蜀 康 同 斬 時 薛 爲 之 三 簡 一臣 亦 執 於 肅 有 政 誉 公 告 在 戍 俱 蜀 遂 嘗 卒 日 時, 鎮 反 無 奏 蜀 者 事 有 事 告 Ė 而 叱 簡 戍 皆 出 因 肅 卒 之, 有 語 日 反 名 亦

無事。」《東齋記事》

拜 憂 參 日 規 所 素 口[慕 饱 剛 用 矩 產 知 誌 毅 五 隨 政 吾 往 輒 守 事 慙 往 今用 不 節 然 不及古人,而 不 公 食。 遂 不苟合,既 口 卿 人 欲 其 矣。」公益 謝 家 繩 意 人 天 上 笑 下 則 日 懼 與 其 歸 : 後 無 感 政 何 団 先 激 細 世 必 尤挺 於 帝 譏 大一 自 若 家 嘗言 我 勵 此 V 也。 歎 息 於 卿 無 ൬

明 道 太 廟 臣 年, 下 莊 依 憲 違 明 不 肅 決 太 后 公 欲 獨 以 争之 天 子 日 衮 二、「太 冕 見

> 若 誌》 明 以 泣 作 也 疏 不 后 漢兒 交上 直,不文其談 后 有 能 日 必)又《湘 若 然 服 所 奪 拜耶? 宰臣 服 葬 屬 王 太 爲 Ш 之豈 服 執 后 野 改 女兒 何 議 於 見 獨於 録 也 疾 他 是 俱 可 相 拜 簾 「?」公遽 不 不之 服 益 宗 見 耶 外 能 明 先 以 口 聽 肅 若 言 太 奏 公爲 帝乎 明 太后 何 肅 薛 后 日 而 無 簡 欲 加 崩 果 答 !」上大悟 猶 陛 肅 : 以 拜 是 下 衮冕 可 公 「其 數 上 平 關 大謁 勺 用 ? 引 渴 見 右 報 在衮 也 之日 太 其 群 太后 廟 卒 語 衣, 《墓 冕 還 諫 氣

公性 皆 酒 臣 范 一, 至 剛 無 公輔 仲 威 有 不 苟 淹 儀 霑 許 合 醉 之, 龐 非 者。 遇 籍 所 後 事 以 卒 明 公 敢 重 如 鎬 諫 言 朝 其 自 日 廷 言 真宗 爲 也。」 云 吏 大 時 部 尤 臣 數 歸 選 善 數 燕 田 録 知 被 大

作

⁰ 湘 山 本 野 書 録 卷 四 之 五 《丞 相 王 文 康 公》引 同 條 出 處

行

禮特 其 端 <u></u> 其 (後果 厚,直以公輔 肅 異 薛 其 至參 簡 Ti 有 肅公知開 簡 知政 問 TI 於公一何 理 期 事 之。 杰。 以 封 卒。 時 凡 以 其 明 後公守秦 人 知 參政 簡 其 (必貴 重 鎬 則尊嚴 爲 者 益 府 曹 嘗 公日 此貴臣 官 辟 簡 以 自 其 相 肅 隨 也。 爲 待 人 優 之

五 之五 參 政 蔡文忠公

家萊 直 拜 州 雜 集 樞 事 應 州。 賢 密 天 院 副 公名齊,字子思,其先洛陽 翰 府 真宗 使 林 仁宗 參 爲 召 朝舉進 国 知 爲 初 1 政 御 事 史 修 1: 出 中 起 第 出 知 居 派 知 河 注 9 擢 通 潁 南 兼 \equiv 判 府 州 御 人,徙 司 兖 徙 史 使 州 知 密

公幼 第 依 外舅 以 書薦其 劉 氏, 里 能 人史防,而 Á 力 爲 學。 居 州 其 舉 次 進 祥 士

年

五

+ - 0

禮部 文辭 第 器賦》云: 安天下於覆 聞公餗之欹 好文,雖以 然, 定,必召 符 可 者, 八年,真宗皇帝采賈 進 此 有 賜之。 所 理 對 然 奏士, 趣 文解 宰相 其高 有 傾; 後 者 法 歐公撰《行 賜 取 鉉乃 徐 器 飲 第 讀 士,然必 第 颠 天 量 也。 上居 數 至 鑄 子 F. 過 人 一公賦 鼎 0 :狀》 以 視其 實取 凡 其 並 象物 及 功 爲 貢 見 誼 形 \prod E 賦 公 又《歸 無 有安天 既 士當賜 臣之威 神 ,又參擇其 大。 置器」 召 器 能 登 一皆以 識 田 見, 過 第 重。一察 足 録 或 者 第者 下意 一之説 爲第 惟 衣 取 通 下 其 材 冠 判 齊 亚 Æ 所 真 偉 質 試 濟 考 歎 以 置. 詎 抗

蔡文忠公喜酒 濟 君 其 E 州 恩 以 高 日 日 ,文忠館之數日 重 酒 飲 頗 龍 廢 憂之。 醇 頭 學生疾, 酎 選,慈 往 往 0 日 乃爲 母 至 先 年高 醉。 Ш 生愛文忠之賢, 詩 東 示文 鶴 賈 是 髪 時 存 忠曰 垂。 道 太 先 夫 君 生 人 寵 聖 慮 過 年

嘗 然 母 恩 至 起 醉 謝 俱 未 ^ 報 澠 自 水 酒 燕 是 如 談 非 Š 成 親 病 曹 客 同 悔 字 不 何 希 對 追 德 ? 酒 門 人 終 文 私 身 忠 益 未 矍 日

通 行 德 是 EIJ 判 「存 十 冤 明 百 於 爲 爲 究 餘 道 公務 ^②行 先生 我 姦 州 政 0 逾 狀 者 公 利 太 年 使 餘 爲 之 歎 者 守 皆 我 通 裁 過 日 判 自 釋 己 王 損 . 也 濰 臻 逾 新 而 , 濟 治 州 ____ 爲 + 不 盡 爲 之 政 問 善 利 年 民 緩 以 嚴 人。 於 有 蹤 其 寬 急 濰 民 告 跡 獄 人 由 獄 喜 某 民 連 皆 是 得 訟 氏 以 蔓 無 日 風 減 爲 刻 察 所 . 化 之 死 至 僞 盡 逃 者 數 税 大 不 爲

真 宗 往 專 權 新 欲 公 棄天 已 歸 加 邀 下 歎 寇 致 回 萊 天 公, 公、 子 吾 許 諒 E 受先 陰 文 以 不言 康 知 帝之 公皆 制 誥 Ţ 知 以 晉 至 公 不 公 於此 附 拒 用 連 不 事

> 終 既 贵 宜 無 而 晉 所 爲 屈 公 權 敗 臣 行 所 土 狀 嘗 脅 ? 爲 其 得 用 罪 者 9 非 皆 恐 吾 懼 懼 也 獨 公

莊 太 獻 后 政 簾 自 慰 明 得 主 終 古 聖 參 誉 天 修 聽 明 不 景 下 肅 以 寺 無 政 知 奉 稱太后 皇 德 之心。 進 政 有。」 事 太后 寺 太 事 議 使 崇 ं 成 后 決 固 於 + 公故 崩 勳 。 詔 贵 宫 止 餘 陰 召 怒 宜 中 議 不 公爲記 年 白 謂 遲 女 讒 追 尊楊 , 官 之 公 今始 之太 后 班 行 賀, 頗 狀 相 太 0 久 丽 躬 后 妃 公 繼 太 宦 善 親 爲 使 稱 日 妃 者羅 者 爲 萬 太 制 行 卒 一天 后 狀 數 記 事 崇 子 預 目 以 垂 勳

京 公 吏 師 有 窮 鞠 司 有 治 之, 指 不 荆 知 連 迹 王 所 及 其 爲 爲 數 所 飛 白 來 京 語 人。 無 師 者 端 爲 上 内 之 而 聞 侍 上 恐 之, 省 督 動 得 責 大 \equiv 怒, 愈 公 司 詔 以 小

一八

己。 夕三上。 無 謂 以 慰 繆妄之説 安 上大 之情 荆 E 乃安。 悟 危 乃 起於小人, 疑之心。」奏 俞 可其奏, 狀 不 止 疏 足 答 論之, 窮 數人 治, 而 且

南 爲 當 今縱 公獨 生,宜内之 百 海 亂 餘 鑪 爲後患。」争之不 却之, 以爲:「蠻 中 人。 酋 《行狀 外 虐 其 議 必不 荆 部 者 人,部 湖 以 去 復 殘 爲 還 能得 賜 酷 不 人 其 以 而 团 欵 其 部, 間 歸 納 宜 田 荷 後 有 州 • 宜 數 散 德 自 還 使 年 人 且 歸 其 自 山 蠻果 以 者 谷 部。 求

郭 皇后 雍 后。 而 已,上意稍 m 潰 北 河 之患, 北 公争之以 流 廢,京師富 議 卑, 加 順 者 悟 貝、博 以 遂還 其 爲 人 爲 所 不 陳 當塞。 趣 口 數 其 氏 以導之, ·州得· 家 自 女 有 公日 辰 在河 河 至 色, 미 决 E 0 選 「水性 横 南,於國 無 辨論 人 澶 壠 、宮爲 滑 改 下

> 料 界 果 家 重。 天 不 下 其 E 無 便, П 《行狀 一驚搔 必不 推之爲 患 但 無 所 理 動 契丹 議 牽 堤 後 E 畏, 者欲 護 祭 人, 卒無 魏 天 ጠ 縉 發 州 恭 於 事。 紳 大 謹 而 出出 之士 軍 州 已。」從 謙 公在 以 退 以 倚 一、未嘗 備邊。 大位 兵 以 屯 爲 界 澶 自 公獨 朝 臨 伐 狂 事

錢 公之卒,故 於馬 惟 迹 下 輒 於仁宗曰: 党 也 演 去「寇準」姓氏,云:「逆準不書。」公言 前 作《 。」其爲 口 指 爲 樞 吏 公嘗 女 密 朱 「寇準、社 政 黨所 直 寀 有 學 所 至 誣哉 十題 更 潁,潁之吏民 恩,所 歷 稷之臣,忠義 名記》,附離 施 」遂令磨 爲 至 如 此。 見 去 此 宷, 丁謂 T. 公之 闡 泣 天

① 「間」、《居士集》卷三八《尚書户部侍郎贈兵部尚書

喜 須 連 比 眉 薦 如畫 +, 比 爲 如 精學 當 楊 世 偕 名 博問 郭 臣 勸 0 , 寬 公爲 劉 大 隨 沉 人 默 龐 神 籍、 色 一言之 明 段 秀 少

仲 清 章 卒 之如 公 僭 淹 倦,尤以名 視 善。 生不易,有 忠孝之性,發之天 弓之初,公懷哀 出 一而宰 請 其 遂廢十 稱 其 自 終身可 復其 念衣 嘻 傷 門 布素從 中 曲 吁 高 先朝 嗣 奉 阜, 教 餘 孤 涕 感 復。 其 公遊 親 年。 爲 概 泗 遺者,爲之嫁娶。 乾 行 采拔, 有 令行 急。 教 霑 慕,不能 日 未 興 詔 公聞 濕。 狀 見公出 也。 視 中 弟 從之。 嘗 孔子之後 其 以 · 禀 言 公病 取 承 兀 公於親 色 輔 食者 祐 於人。 處 + 計諸 相 西 其 汝陰 有 語 九 器 事 數 立 父昆 母 默 代 舊 之。 世 又 甚 日 朝 弟 兩 孫 好 間 聞 詳 無 襲 也 弟 在 居 當 承 學 雖 文 拓 家 抗 憲 能 祐 宣 蓋 遺 無 死 愛 不 拔

> 道,以 然示 量。 臺,方 憂。 則 不 倚 彈 īĒ. 朝 見 至公於中外, 劾 嚴 致 廷 佞 不隱,未嘗 不動, 君 而 爲之重 色 堯、舜 不 則 訐 白 嫉 無 爲 辟 刑 水 以進賢 闡 賞爲 親 畏 心 其 善 0 疎 其 下 言 之平。 之 與 爲樂,以天 風 也。 必 間 大 謝 臣 權 在 有方 范文正 居 戚 政 孜 府 有 大 孜 下 和 公撰 過, 之 論 爲 浩 而

《墓誌》

五朝名臣言行録卷第六

六之一 丞相許國吕文靖公

户 侍 徙 軍 復 銀 知 通 御 部 開 臺 壽 相 州 侍 封 州 史 公名夷 幾 知制 知 郎 府。 知 封 復人 濱 雜 進 申 語。 。 同 州 仁宗即位 事 士 簡,字坦夫,其 或 相 平 擢提 及第 公, 章 改 兩 徙 事 川 起 出 補絳 點 封 居 饑,爲安撫 判 兩 許 舍 出 拜參知 許 浙 判 州 或 刑 先萊 州, 陳 推官 同 獄 政事 州 徙 兼 使。 知 州 樞 天 歲 通 通 進 權 密 雄 判 中 進

使

拜

司

空、平章

軍

國

重

事

慶

曆

配 年 食仁宗 請 老, 以 廟 太 庭 尉 致 仕 薨, 年 六 + 五

歲 擇 大 濱 究 人 利 守 水 至今思之。 害,固 臣。 濱 州 天子親 隄 河 防 溢,寇忠愍公知大名 李宗諤撰《 分導水勢,卒不爲 諭 宰 相 《行狀 以 公行。 府, 民 至 則

祥 河 秉 聞 公曰 其 稱 簡 符 北 至 人, 許公時 本於農,此 鈞 以 中 末 自 其才者。 法它路, 否?」沂 告。 書, Ŧ. 軸。」沂公曰:「公何以 五 「公前問 代 見 沂 文 末即 爲太常博士 自是農器 何名哉 公日 王 公 它目 正 文正 知 日 及 筭 一、「不 制 復見文 . 此 | | | | | | | | | | | | 田 公, 盐 鎛。 無微 此 問 識 朝 人 退 Ē, 表除之。 公嘆 通 望 也。 異 而 [《]行 判 復 日 知之?」日 君 日 訪 狀 問 濱 重。 日 退 與 識 州,人 如 : 舍 而 朝 初,沂 具 人 訪 吕 廷 E 日, 所 夷 道

志》 公, 信 事 爲 相 T 罷 吾 奏 一時 非 晉 也 擢 故於《許 亦 請 公敗 所 沂公從容道 提 不 何 沂 及。 姑 識 點 公自 應 事 沂 兩 ? 但 其 之 公 浙 公 待已 以 日 神 後 刑 日 引 文 ... 其 道 張 : 獄 正 爲 不 奏 碑 公 諾。」 淺 語 執 如 請 未 安道 **>** 聞 略 ,二公皆 政, 幾 得之。」沂 不 既 敘 爲 税 得 卒 文 而 E 農 與 其 許 侍 之言, 嗟 0 器 沂 事 公自 從 公日 嘆 公 等 於 \wedge 龍 並 許 及 以 濱 數 不 JH

祥符 卒 露 意 材 岸 緩其役,調 木者 ,死者以 中,營繕 次 或 又請 碎 宮館 亡 首 夫 命 洞 切 挽 材 捕 胸 罷 送 繫 用 妻子。 遣 材 所 官 木。 取 嚴 行 期 狀 盛 公抗 東 冬河 會 南 疏 騒 以 涸 條 動 希 白 上 斬

嶺 南 欽 若 獲 賊 在 ,意以 樞 府 即 爲 蜀 稱 盜 慶 李 上 順 者 以 屬 獻 闕 ,公劾之 下。 王

> 若 無 愧 實 7,乃守 其 前 慶, 臣 欲 利 遂 其 功 致 其 鍛 罪 成 公公 之, 執 具 平 以 聞 無 所 變 欽

撓

亦從

之。

介行

狀

歲 敕 早 輔 蝗 一、公表 相 以 弭 請 災 飭 變。 躬 [《]行 修 政, 狀 略 去 賡 吟 小 技

寇 不 信 訴 寇 忠 無 欲 公 任 愍 知 且告寇 之體 外 者。 摘 公 聞 其 知 《行 請 罪 水 公 以 狀 興 有 加 恩 竄 軍 異 重 自 湖 謀 刑 歸 府 外 有 益 戒 公惡 姦 遠 過 更不 民, 鼠。 京 姦 泄 師 吏 人得志, 報 語 不 L ri] 能 外 變 制 卒 公 傷 自

時 請 有 冤 駭 者 習 取 , 捕 捕 妖 《行狀 \perp 吏,使 術 術 者 數 參 者 相 考以 傳 皆 能 考訊 防 飛, 其 且 傅 枉。 致 攫 其 人。 帝寤 罪 都 遂 公奏 下 無 大

祥 符 衛 中 物 采 ,崇奉天 甚 盛矣。 書 真宗 設 官 崩 置 使 比 將 典 葬 司 文靖公 其 事 儀

計 内 茈 謂 杰 存 衛 判 之。 相 得 押 其 皆 禮 其 名 狀 班 麗 儀 《行狀 聞 院 迹 朝 雷 而 廷 己。 允 天慶、天祺、 乃 建 及 命 恭 用 議 允 凡公處 公 擅 按 納 恭等盜 與與 移 行 天 魯 永 故 書於方 先天、降聖等節 事皆類 肅 定 地抵 没 簡 陵 方 皇堂 公乘 允恭罪 中 中金 此。 而 傳 《家塾 實 而 官 按 Ш 以 丁謂 司 視 記 罷 萬 但 儀

真 引 真 静 先 論 無 廟 己 盡 漫,此 廟 抑 尊 帝 事 升 祀 神 謙 奉 袝 奏 物 無 È 此 惟 器 日 愛 富 豐 乃 遠 服 一覆 . 雖 報 惜 庶 昵 以 姦 皇帝 皇 至 先帝之大節 民 邪 銀 清廟 一誠 太 倣 財 罩, 后 宫 拔拔 至孝之道,然未足以 獎忠直 德 於先 茅 中, 及 業 擢 屋, 供 務 日 時 帝 一,推 也 設 丹 極 茂 彦 喪祭之禮 0 用 隆 楹 心 鏤 太 太 使 厚。 一待下 刻 邊 后 后 桷 公因 壽 又 鄙 之 克 報 曲 命 樂 寧

> 太后 道,以 意。 政記 戒 候皇帝長立 初 手 又多 臨 勸 疏 朝 戒焉。 後 以 稱 每言 聞 宣 引 別有 諭 前 《行狀 后 事 兩 代 亦從 處分。」公即 府 母 必引 后 焉。 「深 臨 及 政 [《]行 之, 不欲 所 日 狀 以 以 行 編 感 致 此 人《 禍 動 時 后

天 介 聖郊燔卒事 以請 狀 公倡 同 柄 列 臣 確 例 讓 進 不拜,遂著爲定式 官 至是 有 可 援舊

曹 軌,乞從 利 公與王沂公列 用 得 罪 寬宥。」遂 , 遣 奏 内 侍 正 押 利 遠 班 貶。 用 江 雖 德 有 行 狀 罪 明 重 非 其

玉 清 去使名,止令内臣兼領,遂不復葺。 明災異之所致,請 哉!」公知后旨 奉天, 並 宫 災, 太 建 后 宫 宇 見 今 H 大 罷 復營 臣 忽 不 泣 復建。 建 焦 且 灼 因 0 何 推 大 《洪 先 以 率 介 稱 帝 同 範 遺 尊 列 狀 意 讓 道

公以 居 講 È L 席 方富 以 經 春秋 義 輔 宜導 導。 之 後 典 又 (學, 擢 增 置 崇 孫 政 醎 説 等

太 書 制 親 、天章閣 物數之間 公帥 祠 大廟 禮官前 侍講之職 悉損 衮 冕 請 於上。 ,於是冕 服 以 章 廣 聞 《行 欲 + 見 狀 · 斿 用 天 衣 子 用 之 +

初

議 ,章懿之誕上 苑 欲 古 事 古 如 不 事 懿不得名。 零,不 請 中 益 禮 保 欲 因 堅。 全 間 司 乃已。 遽 日 劉 吾母 春 引帝起。 待 天探后 氏乎?」后乃命公裁之,公請 卒 公 1,太后 竊 子耶?」公曰 《行狀》〇又《聞見 輟 及是章 也 盡 聞 視 意 ,章惠、章獻皆以 言, 昨 朝 以 以 頃之,后獨 夕有宫 發 君 日 懿崩,公聞 陰 哭, 臣 陽 宴 :「太后 幸 備 嬪 拘 録》ム 豫 宫 相 忌聞 亡。二后 出 不 号. 仗 之, 應罷、公 母 李宸妃 日 管 葬 他 稱 官 聞 方 西 公 日 執 奏 葬 中 之 原 不 卿 而

公在章獻 H 乃請 章獻 章 李 0 不 視之,后 章 不 勳 華 章 不視朝者累 從厚。」章 云何 帝 陛下不)又《龍 甪 懿。 日 門 獻 壞 曾 起。 獻 也。 與? 怒 欲 神 和 以 治 説 陛 「宸 御 甫 發 喪皇 出 頃 以宫人禮 來。一 日 玉色如 下李宸 川志》云: 以 二公曰 朝 其 畢 、之,獨 前 帝 獻 妃當以 用 劉 日,下 焚香泣告日 葬 嘆 章 儀 悟, 章 氏 相 近臣 息 視之、 獻 殿,太后 妃 生, 獻 遽 坐簾 爲 公欲 殿 治喪於外。 日 一臣 所 后 哀 皆 禮 日 念 章 冠服 : 磷,幸洪 生 痛 服 頗 從 殯 下,召公問 容 獻 離 「人言其 待罪宰 臣 之詔 「宮人李宸妃也,且奈何?」文 殮 洪 與帝舉哀 之。 以言 如 妲 間 既 貌 不 福寺。 「自今大孃孃平生分明 没 皇太后者,以 死 昌 用 敀 加 福寺 Ħ 後 相 以 水 母 文靖 生。 言。 或 可 事 黄 章 事 銀實 非 子 曰 後苑, 信哉 疑 祭告、易梓宫 公又謂 去 獻 使 . 尊. 耶 命。二仁宗號 奏 尚 無 章 ·者馳· 1. 棺 宸 念 ?」公從 宜從厚,章 職 内 懿 百 仙 異 外 宫人 有 妃 劉 之喪。 ,或勸公宜 人 官奉 待 水銀 人 爲 氏 燕 時 内 無 奏 皇 劉 也 死 E 容 莫 靈 都 不當 氏 沃之,故 太 慟 帝 1 道 謂 蚒 相 知 雤 對 獻 加 毁 親 皇 皇 1: 預。 夷 羅 由 禮 公 遽 厚 頓 遺 哭 溢 崇 簡 引 西 宜

四

爲 寧 知 以 虚 退 ·, 死 之救禦。 安漢 無 名 公 不 而 丽 爲, 去, 日 不 治 傑 雖 《行 愧 亂 禍 先 不 於 狀 去,所 未 之未 先 帝 口[帝 待 知 形 我 以 也 故 安 厚 事之將然,必 ___ 平、 唐 故 期 勃 孜 以 使吾 不 孜 宗 去, 爕 亦 廟 輔 先 潔 所 安

太 后 聽 見 訓 日 弗 可 「皇帝 一前 無 嫌 **今** 旨 嘗 又 遂 他 代母后 1。」后 欲 極 正 與 疑之際,不 春 ,欲令與 公 進 言, 童 秋 因 寤 荆 多多 又以 方 稚 后 對言及, 王 即 盛 處 利 日 爲 皇 荆 日 : 可 於 自 無 皇 遺令出 帝 E 幼 不 當 益 太 何 子 同 以 謹 稚 一,乞早 親 叔,公力争 至 養於宫中 讀 爲 接儒 宫 試 如 書 不 臣今只在 0 披 此 令就 耳。」公言 [《]行 可。 史籍 臣 狀 뫲 公 日 以 后 既 中 即 聞 爲 長 日 ---書 他 典 而 口 不

> 顔。」上 報。 問 謁 其意 不 百官盡 久之, 發,不 一爲舉簾 對 追 得 拜 曰 . 聞 樓 班 俯 下, E 宫廷有 檻見之,乃 E 起 公獨 御 居。 拱 變, 立 宸 兩 拜 群 不 門 府 臣 動。 樓 請 行 願 人對 有 狀 -望 使 司 贊

明 也。」 今 發 絳 肅 也?」沂 人,①爲 亦 事 擿 贓 太 頗 自 不 太 污 后 聞 中 狼 韶 福 后 之。 然, 公日 出 籍 建 朝 日 萬萬 路 臺 0 卿 太 轉 諫 等 日 后 外 速 傳 運 有 聞 問問 日 選 方 使。」二 聞 言 否?! : 之 有 宰 不 中 事 既 風 實 相 王 書 聞 相 , 即 力 須 沂 方可 禀 而 更 本 所 公對 旨 不 事 路 福 損 劾 施 而 任 又大 監 州 退 陳 何 司

大内災,宫室略盡

一、比曉

朝者盡

至,日晏,宫

⁰ 按, 見於《東軒筆 事 此 下 條末注 東 軒 澠 筆 水燕談 録 卷 1 今本《 有 一者 澠 字 水燕 語 談 意 完

燕談 于 世 既 絳 絳 謫 極 奉 爲 H 不 至 而 日 所 耿 置 荔 不 所 有 侍 中 耿 其 足 苦 見 枝 詔 耿 爲 淮 御 書 校 以 王 0 福 大 者 天 應 到 南 獄 史, 擒 耿 沂 事 建 喜 副 H 校 京 也 對 之。 事 公 聞 遂 路 亦 0 也 使。 輒 詳 皆 遂 H 衙 以 口 当 遂條 泣 耿 太 明 立 不 留 : 爲 惜 校 皆 后 偶 , 實 料 命 校 動 拜 轉 世 陳 0 如 問 陳 大怒,下 端 於行 0 進 合 而 于 運 絳 許 數 其 福 公賜 熟 意 校遂 馬 沂 使 公之料 道 州 滑 臺, 日日 公 首,云: 事 路 之 問 吏 耿 吕 首 耿 不 皆不 俾之幹 然 人, Ш 也 許 耿 吏, 常 拜 諭 也 Ш 某尤 納 以 遂 命 公 非 獄 風 法之 禁器 爲 密 押 之 時 俛 王 具 事 澠 爲 訪 進 次 終 耿 首 耿 水

契 公堅 丹 遣 執 使 借 不 可 兵 伐 后 高 云 麗 明 適 肅 欲 微 與 許 之。 其 使矣 文靖

> 章 狀》 之,不 獻 誤 貫。 稱 肯 方改之,已聞 此 趙 元 應,但吕 不 是若 嘗 語 矣 制 反 元昊 拒 與 公時 有 之。 爲 誓 恐 復 出 (反,有 大 則有 不遜之言, 斬 生 以 立削奏日 相公堅 宜 在 既 車 首 怨 進。 有 乘 之矣,非 大名府 者 而 有指 詔 仗 柰 幸 后 削 其 不 何 即 語 浮 此 斥 得 . 防 奪 口 ?!!公 爲 圖。 之詞 其 車 無 一前 在 耳 微 所 聞 節 損 身官 使 無 杜 之, 以 代 度 公日 矣。 使 日 或 名 漸 禦 方鎮 使, 驚 體 爵 . ____ 人 皆 戎 《家 0 日 乎 無 命 仍 意 但 此 募 狄 ? 「謀 叛 語 有 太 賜 類 能 以 非 記 也 命 而 后 司 錢 朝 臣 生 不 去。 鎖 之 欲 既 萬 不 狂 如 萬 擒 行

章獻明肅之盛,文靖公整救防微杜漸者非

●「遂」、《東軒筆録》卷八作「遽」

之? 或 與 免 親 上 日 辨 。」若公者, 章 政 之休戚哉 . 未 請 也。 當 贵 大臣 當 歸 時 比 與 政 儻 樞 人 夫 或 非 臣 言, 荷 言 賤 得 《家塾記 欲 聖 丈 利 罪 當 天 黥 主 夫,急己 或 于 垂 下 配 親 家 太 簾 亦 嶺南 發 后 莫 雖 時 德 知 一之毁 舉 有 賴 帝 音, 也 世 劉 卿 顧 譽, 不 涣 力言 文 知 者 誰 宗 靖 而 緩 知 弗 得 八 嘗 既

章 獻 辨姦 諷 于上 崩 E 其 絶 始 H 女 親 有 謁 政 IE 事 遠 、公手 朝 近 綱 習、 塞 疏 邪 罷 爲 徑、 力 治 役、 之本, 禁貨 節 解 冗 以

上以章惠有 悦。 名。 費,條 别 期 録 以 <u>*</u> \(\frac{\times}{\times} \) 公請 半 上 不 歲 仁宗 甚 得 保 召 刊 詳。 欲以 還 已 護 遺 之勤 語 等 [《]行 及 出 楊 太妃 期 公 狀 止 判 果 因 於 爲 召 陳 太 宫 太 州 后 后 中 遺 行 問 尊 誥 將 狀 於 奉。 吕 行 特 申 燕見 韓 -公,公 后 上 魏 不 尊

> 天下學校 今母 是矣。 許公以 庶 建 能整齊禁中, 知其 陛 族,分居邸第 者。」其 知 派 日 蔡齊 下宫 : 岳 姓 睦 ·后臨朝 非 心 典 親 將留 然人 後盛美人等恣横争 中 后遺令,册 俞行 而 故 吾 官, 久 姑 無 不敢争也。 贵 主 百 立之可 狀 如 此 廢 偂 置 樂 既 官班争之,乃 事。 垂簾之後 宣 壯 爲 教 公請 仁后專奉帝室,不爲私 楊太妃爲皇太后,且復垂 無 E 此 也。」吕 丽 授 哉 所 母 ○又《龍 官, 詔 后聽 ,外家用 統 寵 以 止。 上 奈已許 州 悉 此 無 政 方 皆 意密 , 許公歎 川 如之何,許公之意或 授 自 年 事 公請 志 之。」吕 文 小 非 諸 語 亦 學。 日 或 公, 何所 禁 E 衛 置 計 家令典。 # 簾。 時 官 大宗 章 蓋未有 不至? 國 事 蔡 諫 獻 莫 中 御 官 如 以 朝 崩 IE È 雖 丞 史 御 此 也。 别 古 或 在 吕 史 則

寇 南荒 忠 之。 愍公以 [《]行 公辨 狀 忠 義 其 自 枉 許 請 邪 加 臣 甄 因 敘 中 及 以 賜 事 溢 以 廢 褒 死

長秋虚位,公抗疏請擇勳德之後。有豪民

盛 於昏矣,不立 服 選 不 多不正 陳 郭后、 未 好 中 納 氏 事。」它日 除 女,已 曹 前 以結上 御 尚美人皆以 氏 勸 史 后 仁宗立曹 申 預推擇,公以爲 府 ,然皆有説 《行 無以 公語 久 :狀》() 正之。」每 失寵 闕 公曰 后,希 中丞 以勝 《韓 廢 以以 此 文進 魏 人,人 事 公别 色進 自 事 日 有深 外 不可 亦 者 録 人 日 「又教 不 ∑ ∑ 意 不 不 能 李 多此 口 知 奪 乃 勝 陛 吕 也 淑 數 止 下 申 類 上 ,已幾 公 做 也 春 劉 則 秋 后 固

寶元 乃 仁宗偶問 日 夷 簡 以 欲 憲 用 長 蘇 人人虚 紳 之故 臣 聞 李 夷 奏 簡 日 已 許 此 紳

矣。」仁

宗

疑

之。

異

時

因

問

許

公

何

故

久

不

除

中

丞

?

許

公奏

日

中

丞

憲之長 自宰 相 而 下 占 得 彈 撃。 其 選

用 風 ,當出聖意 臣 等 豈 敢 銓 量之?」仁宗

領之。 《東軒 筆 録

初,元昊拒 者 請 城洛陽 命 契 ,爲遷都之計 丹 重兵 壓境 上 公獨 以 伺 謂 虜 議

> 介行 驁 公曰 如 虜 虜 則 壯 畏 和 爾 示 久 此 使 親 雖 壯 使見公畏伏 不若增 將 狀 則 相 城 . 侮 親 不 雖 留 割 此 見, 固 征 足 怯 留 不 開 無 子 置 易 能 修 以 無 南 以 益 囊 以 酒 遣 東 益 之 威 伐 。 卒 城 都 威 語 地, 面 則 _0 虜 公 郢 城 制 議 退 遂 於 謀 申 及 計 奏 館 池 縮 以 哌 前 劉 請 折 也 洛 伴 一就 或 議。 以 六 之。 於 遂 邑 使 道 日 沮 殿 符 使 言請 Щ . 既 契丹 前 等 虜 外 . 上 建 川 此 而 好 再 果 以 幕 狹 都 之志 觀 爲 契丹求 如 至 爲 南 溢 次 大 宰 虚 初 名, 相 桀 聲 以 與

景 許 祐 賢 制 饒 者 公自 中, 州 知 開 吕 朝 康 大 封 許 廷 定 名 府 公執 將 復 元 用之, 屢 年 人 政,范 攻吕 相 復 一言於 豊 舊 公之短 文正 可 職 但 仁宗 一公以 知 除 坐 永 舊 日 天章 興 落 職 軍 職 耶 仲 閣 ? 淹 待 會 知

益 過 耶 許 論 諾 廷 與 惡 庠 慢 而 書 敢 不 即 -命 公從 意 爲 復 不 振 辨 書 之意,故 元 諭 ?」宋公以爲許 以 除 参知 能 故 文正分析 紙 昊書,得 ,許公不 趙 以 相 文 許 龍 正 討 容言 尾 公公 舊 公 正 元 圖 復 具 而 政 事爲 閣 乃 爲 昊 面 以 奏其 則 書 事。 已,不 日 直 爾 謝 長 以 其 書 辱 悖 悦 學 念邪?」及 者 日 獎 利 文 書 狀 在 誘 慢。 人 先是,許 士 : 敢有 拔。」許 又 諭 害, IE 朝 公 ,焚其書 天 臣 焚去 曏 之。 奏: 日 陝 誠 廷, 下 臣 元 無 以 所 西 深 9 以 亦 昊 乃 公日 二人獨 不 預 公事 會 外 公執政,諸 文 經 爲 罪 臣 以 不 對官 復 任 正 奏,它人 ,宋公多與之 交,希文 略 使 范 始 許 以 書 忤 :「夷簡 福 安 知 朝 聞 聞 也。 公 屬 在 敗 犯 撫 延 廷 語 不念舊 盧 焚之, 中 相公, 州 副 見之 敢 乃 虜 時 公 時 有 極 使 唯 豈 勢 朝 擅 宋 悖 悔 爾 移

> 其間 謂許: 乞斬仲 其書,去首尾 遣中使於界首等 狀 許 知 語。 使, 使若 衍之言 招 不 日 公 耀 敢 叛 日 仲 所 公必 州 虜 E 以 朝 范 淹者,公言: 范 淹 是 賣 顧 聞 耳 仲 廷 「仲淹之志,出於忠果,欲 仲 不 也,止 問 淹 有言 於 也 可 以 也 初 淹 何 加加 進。 許公 在 是 載取其 不 口 罪。」 可 延 尋 助 奏 論 1: 州 知 斬 口 闖外 深罪?」争之甚 出 己, 一怒,出 E 馳 者 | | | | | | | | | | 者 薄 報 知 之事 書 何 喧 責 書。 兩 而 書 揚 則 使 然 如?」許公曰 m 許 府 以 諭 仲 辱 州 祁公時 不 点 公默 共 已。」乃降一官 元昊,已乃 ൬ 淹 盯 專 知之,使 進呈, 記 中 府。 宋公不 在 然,終 御 聞》 力。 爲 臣 司 奏 爲 兵交使 列 人 樞 宋 矣 先 Ę 0 有 宋公 又《 知 無 朝 密 抗 路 爲 杜 遽 廷 副 故 行 H 取

某公惡韓、富、 請 易 初 於 大 候 富 紙 子 以 及 圃 而 命 傾之,譽范、富皆 事 監 其 主 謗 間 是 城 領 筆 再 宋莒公、夏英 以韓、 請 猶 意 興。 西 賜手 、黨賈文元、陳恭公間 之。 京 司 使 范 既 退 問 常常 北 師 疏 公 狂 按群吏、 而 范爲 詔 邊 又不克 又使范 時 使 議 具 未 西 又 范三公、●欲廢之而 事。 政 草 始笑之。 河 厭 北 西 乃 所 公于二府,皆其 開 東、 而 罷 帥 相 E 公日 數 既 軍 當 使 去, 天 左 攻,請 磨 出 陝 罷 而 遣 因 章 勘、 道 獻 各 西 故 官 ൬ 富 口 初,某公每求去以 革 閣 者 條 者 致 請 減 出 能三人。 使 焉。 富 諸 院 事 老 圃 大臣 上 任 更 太 北 公 + 宿 以 子 往 公 命 平,於是 猶 仇 盡 名 不 使 ,衆不 困之, 焉 皆 行 數 督 之坐, 欲 能 用 用 也 及 推 河 事 之, 范公 因 仇 \equiv 邊, 老 北 , 范 及 利 Ħ. 天 以 而 又 軍 m

> 韓 使,故 自 前 報 專 使, 去 致 既 帥 日 奉使, 爲 又 言 行 每 緩 邪 問 去 而 祭文 罷 爲 鄜 而 君 請 疑 奏 范 然, 延 去, 請 側, 報 即 求 范 公 宿道者院 不 歸 乃 事 不 下, 往 而 去 公 去 獲, 請 故 重 迨 耳。 賈 以 見 則 守邊矣。 丽 召 而 之, 對 速 不 何 陳 自 請 堂 而 范 而 復 也 訟 相 某 某 某 輒 吏 公私 必 -? 三 曰 還 矣。 佯 云。 日 在 得 而 得 矣 . 焉。 而 問 日 0 笑之。 耳 及 富 談 . 今 日 大 某薨, 叢 多 公亦 賓 . 以 今 臣 范公始 某 退 萬 政 執 久 豊 吾 别 不還 范 置 政 爲 里 欲 使 而 可 奉 求 以 覺 司 西 奉

王洙修《經武聖略》,仁宗覽而善之,命吕夷

0 文所敘 此條置 某 公」、《容齋 不 吕 利 夷 於吕 簡 隨 卷 筆 當當 故 》卷 隱其 然 亦 1 名 引此 知 吕氏子 其 所 作「吕 敘 孫 爲吕夷 遂 公。 起 而 簡 訟 朱 熹 以 此

爲 也 其後 淹 者 索笏日 中 耳 洙 中《邊 則 如 往 簡 日 龍 八洙因 一。」其命 用 孫 請 0 昨 見 人獎論 不足加 圖 日 用 何 閣 夷 之翰言之。 「乞宣 洙 用 洙 防 洙 簡 自 洙 夷簡 必 田 又 **>** 而 上 遂 因 諭 龍 直 出 修《 間 紙 賞 上 具 出 寢 門 圖 出 朕 以 萬 龍 筆 (),故 昨 謂 道 中人所記示之。 修 閣 祖宗故 耳 自上意。」上 意 幾 圖 日 欲 特《 《南豐 仲 請 不 事 嘗 閣, 經 不 中 用 果。」洙 淹 夷 會要》中 繁、恐 雜 語 武 足 今欲宣 人 洙 簡 大 事 識 F 洗者, 具 聖 加 與 慙 ×, H 己 賞 略 記 不記 Œ 參 夷 : 退 而 許 諭 》欲 《邊 色 L 簡 夷 退 知 歸。 此 之, 既 是 語 日 以 夷 簡 特《會 政 用 夷 防 出 仲 此 簡 爲 會 事 簡 學 不 復 **>** 明 洙 當 當 淹 范 E 乃 不 語 起 稱 士 要 日 自 用 使 直 仲 _0 文 闁 用 又 説 謂 可

> 交, 舉 公之有 日 帥 故 朝 不必 監 廷 平 都 有 何 對 軍 失 委宦者 知 罷 由 不 日 謀 仁 利 加加 稱 一臣 知 但 宗 頭 職 其 《記聞 擇 詔 監 乞罷 者 以 賢 謹 軍 待 誅 問 否 與 監 罪 厚者爲之。」仁宗 諸 主 宰 ? 同 宰 軍 監 帥 臣 罪 黄 相 願 軍 節 。」仁宗從 德 詔 宦官 文 制 不 和 都 靖 有 當 知 公, 不 與 士 或請 得 押 中 大 之。 委 公日 專 夫 班 貴 公 罷 者 嘉 私 擇 保 翊

仁宗以西戎方熾 安布 殿。 事 善,必收録之。 宗 0 衣 嘉 簡 是 之, 夫 雷 時 辯 簡 即 日 給 夫 降 許 歎 善善 才 杜 日日 公當國,爲 器 中書, 水 人 敷 可 相 才之乏,凡 奏, 任 衍 令檢真宗召 條 經 遽 上言 列 撫 命 西 開 賜 有 事 中 日 對 甚 介 种 於 薦 詳 放 之 便

●「檢」、《東軒筆録》卷一〇作「依」。

景祐

末

一西鄙

"用兵"

大將

劉

平

死

之。

議

者

以

莫若 之以 大 未 夫 觀 過 後 晚。 士 人者。 累官至員 且 美 大夫有口 仁 官 除 宗 異 《東軒筆録 官, 以 時 才者,未 外 爲 徐 用 郎、 然, 有 觀 三司 遂 其 不 必有實効 除 能 周 判 耀 果 即 官 州 可 難 幕 而 今遽 用 於 才實 官 進 遷 退 簡 擢 無

慶 體 既 數 唇 進 中 康 而 相 輩 見 外 遲 復 初 《記聞 、仁宗 遲 ,上曰:「久疾方平,喜 促公,同 頗 許 慮 思 其 公聞 憂 人 見 心驚 來, 執 服 命, 日 列 何 政, 樂, 動 聞 亦贊公速行、公愈緩 也?」公曰 移 耳。」上以 坐 久 急 刻 便 不 召近 方赴 殿 視 臣 朝。 促 爲 召,比 . 與 臣 召 深 陛 卿等 若 得 至, 日 , 下 輔 府 奔 不 相 轡。 臣 馳 中 聖 見 之 以 使 宰 體

吕 總 相 例 在 中 謂 書 人曰 ,奏令參 一自自 知 吾 政 有 事 此 宋 綬 《例》; 編 次《 使 中 庸 書

> 文靖夫 人 何 公曰 魚。 夫 以 미 臣之家安得 + 致 執之,皆可 人因 盒 也?」公悵 祖宗舊制 爲 相公家 兩 内 進。 盒 朝 可 以 壽 不 皇 有 耳。」夫人曰:「 公見,問之,夫 爲 然 州 + .得 后 相矣。」《記聞 日 : 盒 當 取 日 也?」其 有之。」 玉玉 食 一 上 味 食 於 好 所 人 夫 以 四 智 食糟 方,無 無 告 備 人 慮 之 以 歸 玉 過 淮 欲

公感 府 或 髭合湯藥,表 古人有言,髭 出 風 重 萬 事 眩, 金 三日 天子 樂 予 憂 F 口 意 人 甚, 剪 療 中書。 也。 疾 髭 手 以 詔 雖 卿 賜 拜 無 久 公 公, 司 痊 病 表 空、 驗, 手 古 中 平 今朕 詔 辭 章 密 剪 御 軍

- 類 (苑)卷 九引作「步」。
- 臣下, 同 前書有「等」字。

物,

食,

故。

白

從

類

此。

聞

見

録

首 用 彦 焉 院 以 博、 奏 委 臣 陳 任 更 寮 行 龐 狀 西 有 臣 全 籍 北 寮 西 然 梁 北 事 不 適 機 兩 五 勾 人 事 當 曾公亮等數人,後皆 因 來 薦 子 公事 卿 范 細 更 仲 住 調 淹 滯 攝 奏 韓 來 卿 副 琦、 朕 録 大 文 眷 可

公薨 如吕 下 于 鄭 夷 簡者 計 安得 闡 !」《行狀 憂公忘 上 震悼,對執 身 , 理 萬 政 事 語 公, 幹 輒 四 鄙 涕

一當大 曾 陳 遂 請 書 墓 自 書 碑 懷忠之 二方正 額 此 始 大 也。 碑 忠良」 慨 然 以 介行 日 賜。 四 狀 字 其 以 後 夷 賜 大 簡 臣 及 官 親 家 賜 篆 繼 之。 有 王

公於天下 用 募 丹 歲 宗 萬 繒 室 勝 事 補 金二十萬,當時不深計之,至于 軍 環 屈 雜 衛 伸 市 官 舒 井 卷,動 小 驟 人, 增 俸 浮 有 賜 操 脆 術 不 又 任 加 然 跇 遺 嘗 闘 後 契 建 3

世,費大而不可止

六之二 丞相陳文惠公

年 以 州 密 并 制 使。 壽 官 中 州 語, 使 副 八 進 貶 同 十二 相 使, 州 公名 人爲三司 士 權 州, 知 通 判 第, 參 通 知 判 兩 堯佐 鄭 拜 知 開 進 潮 累 浙 州 同 政 銀 封 州 遷 以以 户 中 京 事 府 臺 字 太常 部 書 太子 還 西 司 希 爲 副 門 出 元 翰 直 丞 河 使。 太 下 出 知 一史館 林 東 閬 師 平 永 知 爲 學 天 致 章 興 州 河 河 開 士 聖 仕 南 閬 事 軍 秠 北 桂 初 府 知 中 轉 徙 拜 府 薨 罷 廬 廬 樞 徙 運 推 知

公爲 通 判 人 潮 剛 州 毅 篤 其 實 好好 所言蓋 古 博 大臣 學。 所 嘗 難言 以 Ħ 者。 事 歐 貶

潮 食必以 矣。 蛇 道 爲鰐者十二三 多傳之。 州 鳴 神》 而 吏 鼓 恶 讲 部 乃 有 潮 于 溪 尾 足 命 以 人張 又《澠 鰐大者數丈,或玄黄,或蒼 卷去,如 市 - -史督漁者 文投惡 有 以以 氏 目 鱷 馬 水 利 F 溪 魚 文 燕 象之任 餘 盎 濯于江 網得戮之、圖 談 鯛 合告 食 或 見 魚遠 ×<u>Z</u>: 爲 人,不 而戮之, 之駭 鼻 邊,爲 黿 徙。 也 可或 咸 人。 平 爲 口 鱷 今乃 其 2 中 魚所 龜 形, 近,公命 鱷 白 陳 卵 也 賊 似 爲之贊 患 化 食。 人, 文 喜 山 龍 屏 惠 食 谷 公曰 而 公謫 息。 則 人 間 ,至今人 無 捕 不 畜 角 大 可 官 得 其 類 率 赦 昔 潮 神

錢 知 塘 壽 民 壞 人,不若身先 公曰:「吾 江 ,吏民以 州 而 復 堤 乃 遭 理 以 議 歲 竹 豊 公故 易 大 公嘆 竉 以 而 以 飢 石 是 ,皆争出米,其 使 公自 薪 日 爲 其 土 而 : 從之樂也 私 一,言 潮 出 堤 惠 **嚙之** 者 米 以 邪 以 爲 捍 ? 爲 不 患 活 糜, 蓋 數 非 數萬 神 以 而 以令率 便 歲 道 食 反 碑 病 餓 而 輒

> 困 京 T 西 晉 公主 卒 用 而 公議 籠 石 以 爲 堤 朏 堤 乃 公, 數 成。 公争 歲 神 功 不 道 不 碑 己 就 乃 民 徙 力 公

河 吏 也 東 歲 哉 數 地 利 + 寒 ! |《神道 有 萬 而 本末,下 以 民 貧 便 碑 奏 民,日 有餘 除 ... 石 炭 則上足,吾豈 轉 税 運 減 征 官 利 冶 之 鐵 官 俗 課

太行 河 鑿 決 利 此 木 晉自 也。」 龍 壞 懷 山 公曰: 州 以 滑 當 前 其 路 州, 巨 河 世 · 而 在 北 木駢齒 爲 公躬自 「吾豈爲今日 河 太行 險 河 東, 或 東 之險 暴露 鑿 浮水上下 兩 常 澤 路 先 州 通 利 之 晝 叛 路 行 哉 夜 界, 而 者得公以爲 ! | 《神道 督 後 殺 後 公 促,創 其 服 徙 以 者 河 碑 北 爲 恃

0 0 今乃賊 人一、《澠 水燕談録》卷八作「今鱷 魚既 食人」。

見之駭 同 前書作「見者駭之」。

五

朝名臣言行録卷第六

公堤 乃 「不可使後 成。 又爲 《神道 人忘我 長 碑 堤,以 陳公。」因 護 其 外。 [號其 滑 、堤爲 日 「陳 .

開 封 汝 强 以 則 故公爲政,一以 一人犯法者。 悉籍 ,汝忍爲惡 ,盡察以 府治京 惡人待汝,汝安 悪 師 少 防 ,公以謂 年 耶? 《神道 兹, 禁 誠 錮之。 譬 得 信。 碑 因 於 治 爲善? 盡縱之,凡五 激 每歲 煩之術 公召 水 而 正 吾以 諭 欲 任 月 其 日 : 夜 威 善 夜, 放 澄 人 以 燈 也 待 尹 無 擊

太常博士 沮 副 太 京 中 動 能 后 師 京 以 使 吏。 ",力争之,以 事 果 猶聽政,怒詁 師 陳詰 喧 0 而 詁由是獲免。 言 詰 自 知 詰 録 公廉 祥 政苛暴。 事 符 謂 欲加 以 縣 事 罪 下 ,縣吏惡其 詁 不 《神道 以 則 是 空 可 罪。 時 姦 得 -----碑 人得計 縣皆逃 公爲 章 乃欲 (明察, 獻 樞 明 以 去。 欲 而 密 肅

> 故事: 公十典大州,六爲轉 己。 文學,天 使人知畏 來,不試 佑之,故未嘗按黜一下 《神 知 制 道 知 下 誥 而 制 所 者,先試 重 誥 知, 犯 者 法。 不 運 唯 復 其 使,常以 至其 吏。 楊 命 文 億及 試 辭。 《神 過 道 失, 方 公二人 自 天 嚴 子 或 則 肅 多 朝 以 下 保 以 公 丽

公居官 爲 故 今天子即 日 Ţ 晉 起 :「唯久然後 人子弟,以公久于外,多 公所 居 不 妄進 郎 位,晉 者 絀 取 七 爲 年 後 見 公事敗,投 不 晉 太常 吾守。」 遷。 公益 丞者十三年 自 用 勉 如 海外,公乃見 議 事 以 是 錢 進 十五五 專 塘 取。 威 堤 不 年。 爲 遷, 福 公

① 「奇」、《居士集》卷二○《太子太師致仕贈司空兼侍中

召 用 《神道

公初 公居 占 執 陛 亂 之所究言者,皆當今之弊,臣 自朝 數 賤 家 下 作 十言 事 以 之所宜行也。」天子嘉納之。 相 儉 廷 以 自 約 始 唐 爲 誌 劉 孔 法, 朝 其 蕡 子 廷 墓。 雖已貴,常使其 所 固 一賞 對 多能 《神道 罰 策 進 自 鄙 碑 事 近 所欲言, . 0 始 《神 臨 子 天 道 弟 凡 下 卒 碑》 親 蕡 治 而

大拜。 知。 申 之良苦,無如 陛 當 公累乞致仕,仁宗問之曰: 下 何 必欲圖 人可代?」申公曰 陛 自 湘 下 Ш 擇。」 欲 野 任 陳 録 用 老 仁 堯佐者。」仁宗深然之,遂 英 成 宗 俊 · 鎮 再 經 撫 = 綸 白 「知 之才, 問 度,周 之, 臣 莫若 卿 申 臣 知 果 天 所 君 退, 下 對 不

公性儉謹 壞 隨 輒 行 補 之,日 見 動 物, . 無 必 戒 使 不全以見棄 左 右 勿 殺。 也 器 服

> 公父秦國公省華三子 子已 使、同 皆以秦公教子爲法, 信 去,秦公笑曰:「此 及伯、季,侍立 軍 貴,秦公尚 節 中書門 度使。 下平章 皆舉進 左右,坐客 無 恙 兒子輩 : 丽 事 每 士 長 以陳 , 第 賓 日 季 踧 客 堯 一人及第。 爾 氏 日 叟,爲 蹜 至 世 !」故天下 堯 一其家, 不安,求 咨 家爲榮 一,爲 樞 密 武

《神道碑

堯咨精於弧矢,常自 訓 客 出 以 圃 藩 以 杖擊之,金魚墜地。 汝 守 有 專卒伍一夫之伎,豈汝先人之意耶?」 ,荆南 ,以忠孝輔 堯咨善射 何 異 迴,其 政。」 或 無 母 堯 號 家, 不 馮 咨 小 歎 氏 《名臣傳》 今不務仁政 由 服 間 . 基。 之日 州 母 當 爲 . 日 孔 知 . 汝典 道 善化, 「汝父 制 計 名 過

六之三 丞相晏元獻公

殿 章 亳、 累 神 密 府, 子 六 訪 大學 院事 + 爱 事 遷 童 陳 召爲 藥 仁.宗 知 Ŧi. 召 公名 州,復爲 ,遂爲 土 試 京 慶 制 三司 殊,字 知 曆 即 擢 許 師 永 中 位 樞 祕 因 入翰 使, 圃 三司 密 拜 同 知 書 留 軍 使,進 潁 樞 省 拜 叔 侍 林 使。 徙 陳 密 Ē 參 經筵 撫 爲學士, 字。 河 副 知 同 州 康 許 南 使, 政 中 臨 踰 定 府 召 州 書 事 出][年薨 初 試 遷 人。 門 以 以 知 中 左 觀 下 出 疾 知 應 請 平 庶 以 年 文 樞 知 天

晏公殊

父

本

撫

州

手

力

節

級、晏公幼

能

爲

文

李

虚

己

知

滁

州

見

奇

之,

許

妻

以

女

了, 因

薦

於

楊

大

年

大

年

以

聞,時年十三。

真宗

晏元獻公爲童子時, 弟 因。 選 貧 樓 館 草尚 有文學 無 時 至闕 其 置 美,上大奇 面 讀 東 甚 酒 侍 見試 譽 閣讀 試 不 職,時天下 官官 次日 肆, 書 嬉 己。 從、文館 在,乞别命 下 詩 遊 書,師 題 賦 而 能 往往 適 如 《温公日 進覆 燕 日 姦 9 位值 忽自 此 出 之, 疑 邪, 皆 謹 、士大夫、各爲 御試 無事,許臣 陳 其 獨 供 題。」上 即 上 彌 中 臣 厚 彭 録 T 宿 家 帳 除 諭 批 日 + 張 年 進 謂 成 居 IE 繼 爲 袐 日 日 除 士 文節薦之於朝廷, 薦 與 可 . 極 夕 晏殊, 遊息之地。 明 書 前 陳 之, 寮擇 爲 昆 0 便令公就 一愛其 日 已作 省 近聞 彭 弟 惟 東宫官。」公既 燕集 置 再 Œ 年 執政莫 講 勝 不隱。 殊 此賦, 上 試 字,令於 館 亦 習。 燕 杜 左 閣 撫 文 門 公是 以 飲 右 臣 州 諭 至 及 有 采 與 寮 兄 時 龍 市 當 爲 使 所 日 公 賦 召 愈

能 野 口 爲 命 出 對 之具。 耳。」上 得 F . 對 臣 益 臣 上 若 非 嘉 面 其 有 不 諭 樂 錢 誠 除 實 燕 授 亦 遊 之意, 須 知 者, 事 往 君 直 公 但 體 以 語 無 貧 眷 錢 言 注 質 不 無

擊

僕

隸

出

守

南京。

《名臣

傳

日

深。

仁宗時

卒至

天

用

筆

談

公既 中 遺 以 紙 書 其 佐 細 人莫之見 (藁進 得 佑 書 問 東 公所 示示 之, 官 真宗 也 進 由 不 洩 是 藁 《神 參 所 類 與 以 道 其 碑 爲 機 諮 後 八 密。 訪 悉 + 閲 多 卷 凡 真 以 一,藏 所 宗 方 對 之 閣 4 禁 中 必 小

章聖 真 宗 言 力 決 垂 焉 皇 其 簾 謂 遺 、議者。 帝 詔 聽 樞 樞 天 之,皆毋 章 判 密 密 聖 南 獻 使 與 公建言: 衙 中 明 曹 中 時 , 肅 得 利 書 太 章 太 見 用 爲 后 后 0 各 獻 兩 以 權 議 群 欲 太 耆 府 聽 遂 臣 獨 后 爲 定。 得 奏 見 同 軍 樞 事 幸 奏 或 任 密 太 事 事 神 天 張 道 使 后 F 宰 無 碑 殊 有 敢 相

> 事 者 朝 但 廷 富 雖 貴 乏 之可 賢 也 亦 0 宜 忤 以 太 中 后 材 旨 者 處 之。 坐 以 笏 如

公留守 以 來,天下 南京 學 大 興 廢 學 興 校, 自 公始 以 教 諸 生。 神 道 碑 自 Ħ. 代

太 公以《 后 謁 太 周官》后 廟 有 請 服 服 對 衮 冕 神 者 道 碑 太 后 以 間 公,

章 生 容 公主, 朕 懿之崩,李淑 出 時 親 殊固 生女一人,早卒, 殊 聖 躬 政, 有 雖 守 之。 躬 略 有罪 又 殊 内 知之, 金 不 爲 出 事 然 陵。 ,然宫 得 侍 志文以 育 方 M 從 護葬、晏殊撰志文。 安否?! 章 明 此 不 省事 日 獻 安 何 得 示 無 臨 得 意 其 宰 以 子。二仁宗恨 祕, 御 E 詳 不 也 相 爲 ? 默 臣 知 遠、改 若 日 然 殊之 備 ? . 明 位 言 乃言 先 文 守 良 不 字 先 后 之。 靖 志言 南 相 后 生 誕 日 命 實 是 理 及 : .

記 上 及 羅 爲 白 廣營産以 志文事 日 用 殊 織之,殊 麻, :「晏殊。」王曰:「此人 作 之?上 叔 争 相 久 之, 、欲 八 不 殖貲,多役 免 大 深 乃 見 重 歸 朏 官 王 降 譴,祁之力 閲 疾 之。 家, 圖 革,上 官 讖 兵 不 宋 知 加 知 得 祁 一親 也 潁 規 今誰 成 名 爲 利。」 往 州。 敗 學 在 《龍 間 之 作 圖 士 III 以它罪 疾 訶 語 相 志》 讖 當 日 王 并 胡 0

自公復 弊 官 爲 圕 司 於兵。 禁先 出 授 0 諸 卒 召 人之要,皆有 以以 能 用, 將,●使 公數 以 率天 加 謀 趙 建 臣 得 下, 元 利 元 應敵 法。 昊 昊, 害 而 反, 爲 請 天子 財 使 賦 師 攻 罷 聽 之 守 出 悉 監 約 職, 陜 爲 束 軍 及 西 施 悉 制 無 乃 行, 還 財 天 歸 以 有 下 其 自 用 陣

公爲 鳟 剛 酒 簡 相 對 遇 軟 人 必 如 以 也 誠 得 雖 處 善 富 貴 稱 之 如 如 寒

Ŧ.

號。

神

道

碑

公自少篤學,至 之見 至於 公居 等,皆出其門。 權 治 己 恩澤。 淹 閔 外 以 政 出 未 等 數韶 天 敏 倖 告公,公自 皆不 臺 相 相次 下 有 嘗 而 閣 困 府 當世知名之士, 其 時 務 大 有 弊 時,范 便。 多多 亦皆去, 在 臣 以 所 奮 事 陳 其 簡 爲 條 請 明 寡 州 及爲 然 仲 時 病 便 天 表問 , 年 姊 其 之賢。 有意 其 淹 事遂已。 L 亟 下 孝謹 秋,會公 亦 相 間 民。 事 韓 起 猶 有 如 室 遂欲 居 益 琦 手 方 范 天子 所 其 相 而 《神 不 務 未嘗爲 富 施 仲 以 欲 於家嚴 日 釋 進 因 邪 既 淹 道 事 行 弼 9 賢 群 卷。 碑 ? 能 皆 厭 子 材 孔 故 晏 而 材 進 西 宰 道 其 弟 子 其 以 殊 小 而 用, 兵 人 薨 求 弟 爲 仲 更 輔 居 相

京留守贈司空兼侍中晏公神道碑銘》作「兼」。「無」、《居士集》卷二二《觀文殿大學士行兵部尚書西

也 ,天子尤 哀 悼 之。 神道 碑

公剛 其 以 送官 悄急云。 峻 簡 扶 率 ·, 盗 至 門 X 其 即 第 死 執 累 而 典 榜之,既委 州 吏民 旗 畏 頓

六之四 丞 相 鄭 國 宋元 憲公

平 使。 下 判 聖 封 政 知 林 章 平 事 爲 襄 初 鄭 政 除 事 舉 封 事 學 或 章 州 公名庠,字公序,安州安陸 進士 莒 事 + 公 召 樞 出 0 或 判 試 密 知 判 一開 罷 鄭 公, 寶 遷 使。 亳 揚 州 元 封 知 以 州, 州 左 中 徙 、試禮部 河 皇祐 河 正言 徙 以 相 南 陽三 以 鄆 司 府 州 中 右 州, 空 復 知 城 拜 諫 皆 致仕。 英宗 制 節 議 同 復 第 人 当 度 中 大 人。 爲 X 初 使 參 夫 樞 書 改改 參 門 翰 知 天 日 密 通

> 年 七十

爲 左 可 得 IÉ 坐罰 言, 會 金。 郭 皇 Ŧ 后 禹 廢 玉 撰 以 《神 諫 道 碑 官 伏 閤 争 不

先 它 是,趙 帥 日 警 不 諸 軍 豈 卒如公計。 福 一,因 公謂 帥 所以 收 , 則 ,災異 一,又兵多分屯堡障。 官重者,互 重 分兵 詔 元 應天 兵 中 :「災異 數 昊反,劉 内 四 《神道 書 見, 變 出 地,它帥 兼 哉 幸 領 以 管 碑 之來, 平、 相 陝 援之。」其議 樞 奏罷之。 西 唯 密 石 自 四 所 能 院 元 當一 公言: 路 開 以 機 孫 觀 皆 以 《神 戒 事 道, 久不決,後 寺爲 故 以 政 「宜 道 緩 時 號 輕 事 碑 民 急 使 **\$** 緣 敵 祈 有 大 頗 此 邊 失

帝 0 召 事 目」,《 二府天章 0 琬琰集》上集卷七作「具」。 宰相倉猝莫敢對。 閣觀 出詔 公時參知政事 天下 利病

書,

目

問

條 猫 m 共謀 E 進 碑 0 日 既 之,不當 退, 臣 等 草 皆待 數 下 同 千言 諸 罪二府 生 奏之,後 對 策 固 己 願 皆 總 至 施 萬 中 用 事

初,公言:「比有近幸之人,多緣 帝 恩,宜因大祀之後 别 爲手詔 與 赦 斥 書 絶 同 降。 ,以 新 《神 聖 道 内 政。」 碑 降 於 得 是 横

神

道

公間言: 公乃 邊 兵 非 要 四 彊 一十萬。 作科 , 而 本之勢。 道 祖宗 孤寒者 碑 條 今所蓄 均 收 又武 其 常常 方鎮 所 在 不精, 臣 之權 人 東 官, 用恩幸者,多得仕 南 嘗欲 且 丽 至 多 恩幸 老 外 畿 無 補 者 恩 甸 戍 澤。」 蓄 滋 更, 禁

皇 微 祐 爵 議 即 中, 庶 常 宋元 爲 廟 得 隨 廟 奉 毁 憲公請置家廟 室 祀 請 一當 靈 以 不 其子 長, 報 0 若 孫 《退朝録 下 下 身 習 没 兩 ŢŢŢ 制 子 階 孫 禮 勳 官 及 官

説

宋元 者謂 不 家塾記 顧 憲 仁宗 侕 公嘗奏事 行。 有 仁宗 人君 , 體 而帶 呼 ,宋公得 内 寬,誤 侍 臣 拾 大 墜 以 臣 文 與之。 體 書 于 **~**吕 地 議

五.

0

宋鄭公初名郊,字伯 宗驟 戒 終, 府 滅阳 名 不獲已,乃改名庠,字公序。 交』,其言不祥。」仁宗遽命改之,公快 日 也。 :「郊者交也,交者,替代之名也。 動 之,謂 而 天下 加 譖者竟 《歸 獎 餘 其「 號 眷 田 年, 録 一便欲 不 姓 爲 以 見用 符 二宋」。 司 大用。 庠, 或 空 以 號 致 與 卒, 其弟祁自 仕 其 名 有 可 爲 忌 應 兼 公後 以 其 知 郊 享 爲 先 制 天」, 福 更 布 小 進 壽 踐 衣 者 怏 宋 又 時 而

⁰ 明退朝録》卷中作「宗衮」。 「宋元憲公」, 宋宋敏求《春 明 退 朝 録》 以 F 簡 稱《春

開。

蚊

負

愁

Щ

重

葵

傾

喜

日

來

欲

將

嘲

强

解

轉

悠哉

」《塵·

史》

宋元憲公嘗曰:「殘人矜才,逆詐恃明,吾

終身不爲也。」《退朝録》

王 院 之物 一侍 無 風 子 罷 倍 也 所 不 樞 郎 其税 ,爲僕夫所告,公曰: 貨之物? 口 相 古 意 守洛 長 説 仍 欲 也 0 元 激 沿其 寮 憲 其 有 未 宋 報 屬 、奴罪而遣之。 可 公以言者斥其非 之。 舉人,行橐中有不 曰 深罪。 : 犯 公不答,但 「舉人應舉,孰 若奴告主, 人乃言官 《塵 史 送 才, 税 之 此 税

宋元 庸 有 士,終非 才消我。」因爲《自詠》詩 廷 天下 憲 無 爲者病之。 雍 事 雍 濟世 承平日久,尤務清 廟 然 堂之上,日 有德之君子 才。 公嘗自 虚 舟 謂 閲 也,既參大政 莫 日 : 文 静 : (怒,疑 時 史。 無 我 賢 所 後 多 本 虎 作 既 以 無 石 爲 當 登 心 不 朝

> 宋元 是斥 憲 公初 退。 及 執 再 政 一登用 遇 事 遂浮 輒 分 沉 剜 偷 是 安云 非 可 否 用

六之五 參政韓忠憲公

學 子 事 除 使。 侍 縣 少 0 御 T 徙開 /傅致 部 知 仁宗 史、 通 出 公名億, 益 知 侍 判 開 封 仕 應 初 郎 州 陳 封 之 薨 天府 州 爲 同 拜 府 字宗 雍 御 知 御 知 判 丘 史知 洋 樞 改 史 官。 魏 澶 州 密 中 舉 院 雜 其 派 出 亳二 改 進 事 事 先 爲 相 士 景祐 真 河 州 拜參 以 州 定 北 樞 知 三年, 知 轉 靈 以 密 永 太 政 爲 運 城

忠憲公 守趙 寢。 國 布 日 士 衣 請 時 分 與與 途 康 靖 遂 李 爲門 割 康 靖 而 客 分之。 公同 1、尤敬 遊 待 , 止 至 公,每 汝 州, 氈 太 同

不絶 官 zi 大哭 H: 李 外 議 毎 即 思 至 出 康 旅 親 肉 己 八別去。 韓 謁 即 恐縣 控 靖 既 味 店 參政 其 **\$** 基驢 更 爲 中 过 爲 請 貧 過 設 次舉 億 來, 長 僕 韓 李 省 儉 兄 猪 社 箱中 韓 爲 早 參政 夕 如 内 李先 亦登第 自 趙公遣 訪 每 病 此 11. 若 登第 。」及 有 箱 日 康 卒, 谷 錢 《莊 懸 後皆至參知 靖 未 六 將 授 公 人 第 趙 嘗 百 H 敏 至 許 時 具 送 遺 k 錢 公 有 州 事 以 社 皆 素 女 有 于 簡 Æ : |-其 貧。 政 來, 社 服 壁 女 戲 4: 事 又《 縣 往 上 遗 里, 同 厶 至京 世 遂 È 聞 韓 試 哭 李 爲 簿 用 與 見 京 之。 婚 相 調 録 師 城 久 盡 妣 持 赴 韓

億 博 憲 敏 此 文 以 學能 公爲 中 葦 正 諸 己 席 貴 文 子資産。 爲 河 聞 一。嘗 北 棚 之, 忠 轉 覆 一爲 憲 誠 運 公又 開 獻 使, 口 宰 封 肅 愧 相 作 府 王 公 也 T 太夫 判 0 乘 謂 路 官 驢 莊 欲市 人 使 敏 監 隨 者 坐 遺 分 車 其 事 太 其 故 别 平 儉 時 相 業 車 E 向 如

《名 益 以 億 授 在 尚 萬 之。 運 狄 嘶 饉 億 丽 室之禍。」又 武 安遠 囉 諸 樞 相 石 也 日 諭 臣 反 后已 傳 加 將 府 美 攻 與 爲 賑 知 召 山 治 L 恩 人。 趙 人 民 益 爲 氏 請 中 及 斥 賞 以 嚴 是 元昊交兵 州 御 子 族 廣 薦 居 國 且 簡 罪 億 其 奏 中 勿 恐 俱 之 南 武 感業 會 元 與 發 斥 而 議 置 知 募 藩 臣 徒 福 歲 昊 有 出 + 裹 雜 以 土 臣 寺 激 大 嘗 乃 惠 議 萬 謂 使 兵 備 行 後 9 其 早。 厚 賜 愛。 到 當 復 惡 石 加 來 復 數 任 四 怒, 姓 賜 毅 之, 諭 唃 召 以 使, 獻 事 員 欲 故 召 其 入宫, 不 使 賑 以 **今** 嘶 捷 召 事 出 纂《兵 爲 撓 使 以 之, 囉 生 解 執 夷 景 . 爲 中 廣 而 邊 仇 節 祐 狄 終爲 發 權 政 民 億 派 洄 言 遣 法 釋 度 患 攻 中 粟 免 勢 言 北 路 之, 憾 使。 **>** 楊 唐 畏 無 以 夷 唃 創 轉

公在 范 韓 文正 證 忠憲 魚 以 以 冤 去 除 之,衆皆伏 賂 奪 者 鄉 拙 諭 中 來 不 一,積 , 獄 其 ,使認之爲己 里 大 公,而 未嘗 木 書日 奩 公知 直 公知開 吏, 公,公 取 + 誣 橐之畜 H 陛 前 嫂 其兄之子 餘 洋州 交託 罪 見 陰 下 後 年 姪 欲 今天 盡 日 封 薦 諸 一言若 子 案 所 被 得 召 府 日 於人。」 路 公可 牘 子, 知 笞 下 洎公至,又 所 其 母 嫂 , 、獻一百 視之, 職 爲它姓 • 掠 有大 太平 復 黨 仲 姪 又 舉 況 用。 司 歸 立 反 淹 醉 遂 臣 訴 捃 仕 校 如 皆 官圖」,指宰 庭 主 舉 自 于 其 除 拾 文正 者 以 將 李 初。 未 下 出 臣 參 誣 州 嫂 上之心 官 私 大 申 嘗 里 知 以 伏 訴 吏 既 及 而 則 出 引 以 則 東 嫗 政 贬,仁 公, 小 提 嫁 望 軒 乳 受杖 公察 臣 乳 財 之 事 過 之, 轉 筆 爲 委 則 醫 醫 貌 相 豪 雖 録 質 公 差 示 爲 其 蟲 臣 盡 於 輒 申 類 而

> 望京 卿 次 朝 亦 望 幕 爲 職 侍從 奈 何 職 錮 司、二千 之於聖 世乎 石 其 下 亦

韓 公性 之, 究 食 再 者 或 及 子 忠 容。 口 坐 召 臣 傳 問 知 心 朝 多 方重 其 中 姪 寮 舍 憲 0 廷 未, 忽 深 屬 柱 其 人 以 詳 厚 云 親 大 思 之 自 教 ,治家嚴 史宗彦皆 吾 能 云 辟 禄, 子 舊之孤 親 在 西 對 何 知 嚴 奏案 厚者, 京 千 ?! | 舍 倅貳 遂 必 倅 里 郎 有 肅 有 貌者 推 中 尚 謁 外 法。 義 不 俾 一府, 吾 案 人 甲 不 告 口 方 諸 思 聞 報 索 科 無 能 省 多爲 雖 犯 之 子 之 西 所 杖 歸 記 事 覲 燕 訓 京 坐 未 干 無 香 居 知 大 則 託 康公 於隅。 得 公喜 有 預 葬之。 必 巨 、未嘗 亳州 詬 細 疑 欲 疾 細 己 日 猶 與 務 獄 撻 訶 置 : 能 惟 占 不 右 第 見 之。 赴 酒 讞 持 舉 汝 相 知 憧

爾

叨

廪

禄

何

顔

或

四

家 衆 訓 法 賓 之 力 嚴 解 方 如 此 己。 所 諸子 以多賢子 股 栗 孫 累 也 H 0 不 能 蘇 氏 釋 談

六之六 參政程文簡公

公嘗館契丹 度 試 更 州 知 開 史 知 服 授 使 青 中 ,直集賢院 政 勤 封 鎮 事 丞 州 府 詗 拜 知 公名琳,字天球, 使。 安 學科 同 永 復爲 降 軍 以 中 北 興 光 樞 節 書 使者言:「 京 軍 擢 補 門 禄 密 建 , 赴 可 泰 直 下 加 卿 知 鎮 使,遷 爲 寧 宣 平 學 制 知 留留 薨 軍 徽 士 誥 中 章 中 潁 年 守。 節 權 Щ 知 事 北 或 户 州 度 博 益 六十 院 便 部 判 以武 推 野 州, 使, 至 侍 司 大 復 官 九 (名府 一契丹 還 侍 郎、 使 昌 判 郎 節 延 舉 知 御 召

公知 亦 静 戒 吏皆 子」者, 使告者 笑遣之,惶恐不敢 軍 以 不足 當 止 事 大,力争以爲不可 坐 東爲 了,至其 不問 且 ,吾自知之,苟 ,卒宴民皆 動 士見監軍,告其軍 陞 益 殿 争 衆。 甚者,不 不 州, 上 遂止 能 署官屬 來。」監 火備,有失火 ,將許之。 語 臨 位 蜀 窺其 既 甚 時 人 次 切。 圃 過 不 高 輕 如 軍 (所爲。 吏卒,聚徒百餘人。 蜀之 大宴 知 ; 去, 不 有謀者,不待告也 而 L 遂止。 公以謂許其 ൬ 用 喜 去。公曰:「 與 妖 m 蓋 丘 者 有 契 而 意 亂 IE 大臣 告者卒不 其 門, 人有自 變, 又略 丹 蜀 使 月 他 公常 歐陽公撰 使 人安之。 城 隨 俗 監 皆以 設 來 中 救 軍 號 放燈、公 其 施 先 小小必 火, 之, 人 爲 敢來,公 多 李冰 細 坐 軍 制制 《基 白、公 類 小 次 公命 中 誌 勿 啓其 吏 自 治 於 此 故 下 神 救 先 動 寮 口 其 無

日

天

.

日

食

明

年

E

日,

請

移

閨

月

以

避

恐 耳 里 人 其 捕 日 可可 0 : 境 閶 且 寘 使者 之法 亂 無 前 ,使蜀 居 矣。 賴 亂 人 還奏其 小 數十 行行 蜀 而 E 人, 者 讒 旅 遣 年 之朝 語 惟 非 争 中 無 ,於是上 不 道 有 貴 者 事 公善 制 知 0 人 言 其 謀 馳 一使者 公妄 始 豪 益 視 且 傑 之,使 間 殺 以 遂至 日 之才, 公爲 其 0 故 於 殺 者 蜀 能 亂 乃 對

墓

一誌

公知 哉 獄 獄 事 版 晑 、得縫 開 神 火 壁 上 公立 所 封 速 乃 歲 經 爲 府 建言 人 久 前 辨 緩 歲 火 會 燥 其 其 後 禁 中 斗 : 獄 圃 非。 獄 官 中 此 焚 E 人多 常空者四 大 卒 殆 禁 誣 火 無 日 天 中 一 伏 死 延 災 不 而 居 者。 兩 也 得 此 五 隘 下 宫。 其 府 豈 公 不 《墓 在 乃 命 宜 烓 宦 日 命 者 府 以 公 竈 具 決 罪 火 近 治

> 之。 修 德 公以 政 而 謂 旦 天 乃 有 止 所 譴 墓 誌 非 移 閨 口 免 惟

范 自 復 悟 仲 其 及 仲 仲 誣 欲 誣 淹 淹 枉 淹 以 以 復用 。 皆 事 貶 言 而 事件 指 意 之, 朋 語 爲 解 黨之論 稍 人, 大 黨 而 徙 臣 後 人。 上 Ê 知 怒, 貶 起 潤 公 饒 **墓** 獨 亟 州 朝 州 命 爲 上 而 置 E 牽 惡 已 開 連 之 仲 而 領 説 淹 E 南 語 明 悔

公爲三司 爲 欲 所 議 後 患民 物物 陛 取 者 有 下 公以 ,未嘗肯 莫 税 興 在 惜 利 使,不 能 多 程 之臣 目 爾。 謂 奪。 琳 : 悦 子。 吏 一合 天 何 其 得 必 荷 子 可 於 宦官 復增 爲 利 而 得 出 以 不 级, 没 爲 [怒言 入尤謹 之,是 其 欲 貪 然。 公曰 名,一 除 近 . 其 重 功。 神 陛 禁 名 困 時 道 臣 下 中 時 而 民 碑 之便, 合爲 0 雖 議 所 時 也 0 者 以 有 有 又

Ŧi.

六

碎。 没其 東 齋記 0 舊名 慶 事 曆) X 中, 異 日 有 夏 不 可 秋沿 知 建 或 議 納之物 冉. 併 敷 合 鹽 歸 如 麴 鹽 名, 則 翙 致 錢 程 之類 重 文 複 簡 0 獨 名 以 此 件 亦 謂 頗

慮 事 也

仁宗朝 費 下。 入不 蓋 足, 十常三四 時程文簡 有 寢。 必 議 邀 東 《塵 以 南 一、欲募、 史 公爲三司 漕 增 直 粟 商 兵 是 賈,令人 夫 商 使, 舟 賈 船 以 得 與 爲 中 操 盗 萬 以 其 失之 實 柄 都 所

公在 言 其議 族 諸 受。 取 歸。」公曰 之,豈容 堡 延 此 遂 已 寨 州 其是乎 契 而 無 夏 丹 . 夏 得 有 人 兵 人 出 契 來 數 至 果 丹 兵 降 百 衙 兵 以 不 者 夏 然 至 驅 兵 頭 1 人 畜 數 元昊帳 矣, 誘 以 吾 萬 産 我 爲 聞 或 至 臨 也 有 夏 且 界 界 下 備 人 亂 當當 E F 方 拒 ,公戒 請 引 願 捕 舉 而 降 去 自 不 叛 國

> 公參 佐《墓: 厲 意謂 和 與一 預大政, 故 堯 志 陳 佐 | >> 1||| 氏 不 Ē E 子 叶 隨 隨 弟 尫 遂 陳 頗 尫 愎 堯 銜 弱 俱 弗 之。 佐 罷 不 咸 爲 政 任 《名臣 用 率 0 事 是 及 相 9 傳 罷 公 李 剛 去 公 淑 作 性 愎 其 堯 剛 不

公罷 之争 屈意 信 直。 治 所 政 用 直 行 誌 下之, 御 宫 其 貶 爲 雖 史直 事 官 難, 勢 小 起守北 傾 公 故 而 章交上, 公,遂罷 被 動 不 以 中 中 少 能 京 外 假 傷 不 繼 上 與 也。 爲 方 自 遣 明 宦 繼 起 朝 0 故 者 明 未 廷 是 議 御 皇 屈 大 復 時 甫 史 者 臣 爲 繼 視 繼 不 而 難 莫 其 明 明 以 獨 云。 曲 公 争 不 方 與

墓

趙 元 或 昊死,子 言 事 者 亮祚 謂 9 立 可 除 方 其 幼 諸 將 = 皆 大 以 將 爲 共 節 治 度 其

自

此

不

復

窺邊

《神

道

碑

⁰ 頗」、《東齊記事》卷三作 煩」。

所 使, 反 臣 西 以示 和 患 生事,不如 使 各有 大信 事 將 下 無 其 公, 因 撫 異 所 夷 志 部 公 前 狄。 雖 以 撫之。」上 以 謂 欲 分 且 : 有 弱 亮 爲 幸 其 祚 以 人之 雖 勢, 爲 必 幼, 然。 無 可 喪, 功 遂 然 《墓 君 非 而 無

章

廟,且 之知 爲汀 之。 仁宗 獻 作 事 誌》 在 龍 此 ,立劉氏 垂箔, 側 JII 琳 性寬 也。 乃以 志 州 負 , 獻 心 曰 : 司 祖 七 行 有 仁宗一 厚, 馬 爲 宗 廟 不 廟 方 開 事 此 琳 圕 中 仲弓者, 程 封 亦 竟 0 章 琳 H 府 在 出 至 時 裂 獻 亦 在 司 章 宰 E 於 加 覽 嘗 録 邇 獻 上書乞依武 相 洙 忠 擲 其 有 0 英 朝 侍 之 孝, 疏 蓋 此 及 嘗 讀 於 謂 無宿 請 章 宜 日: 請 聞 地 講 獻 有 Ý. Πij 官 __ 怒 崩, 氏 以 劉 仁. 人 吾 日 也。 然 莫 宗 朏 旌 氏 故 不

一五八

五朝名臣言行録卷第七

七之一 丞相祁國杜正獻公

官 轉 進上 樞 同 年 軍 司 通 密使。 復 院 運 户 知 判 樞 仁宗 使。 甲 部 公名衍,字世昌,越 知 知 出 科, 密 副 州 永 知 尋以 召 院 人爲 使。 興 補 提 永 爲 事 軍 楊 吏部 改改 興 御 點 樞 除 州 軍,徙 召 史中丞 刑 密 天 副 觀 侍郎 還 獄 章 直 使。 察推 學 閣 權 轉 并 一判流 州 同中書門 士 待 宣 知 運 州 官,歷 Ш , 出 制 使,召 開 撫 一陰人。 内銓、 封 河 寶元二 知 河 知 東 府 下 北 天 爲 平 拜 審 拜 雄 擢 都

> 公父早卒,遺腹生公,其 錢氏。 資。 濡。 手執 之,僅而 狀,至引劍斫之,傷腦,出 父脱帽,使公執之,會山 不之容,往 走,其姑 薨,年八十。 太 年 章 嘗至 帽, 年 前 子少師致 事 祖父卒、公年十五 母有二子, 得免。 投一竿與之,使 七十 兼 濟 漂 來孟 樞 源 ·, E 流 密 乃詣 仕 9 久之,救得 富 使。 旦 洛間 不孝悌 民 日 皇祐 河 出 相 祖愛之。 陽, L 知 挾 里 貧 以,其母 水暴至,家人散 中進太 血 六,二兄遇 表 兖 歸 氏 甚 以自泛。 免 數升,其 還 其母。 州 「傭書 奇之, 印 加 改 幼時, 子太師。 綬, 帽 慶 適 公公 妻 乃以 繼 姑 之 竟 以 曆 河 以 自 父 若 無 不 祖 陽 七

●「公一手執帽」、《凍水記聞》卷一〇作「公一手挾竿、

夏

女 及 及 錢 貴 由 了,其 氏、 姑 資 長 兄 氏 用 子 猶 稍 存 孫 給 ,受公蔭 待 舉 遇 進 甚 士 有 補 恩 官 殿 禮 者 試 數 第 兄 四

仍

皆爲

之婚

嫁。

《記聞

公治 公權 也 歸 他 者 Ħ 出 覈 日 州 納 愈 吏事 則 精 知 知 此 使 簡 推 而 乾 鳳 如其 我公也,汝奪之。」一日 故 吏 縣 而 析 州 翔 易 不 屢 民 毫 府 爲 未 行。 決 得 争 髪, 滿 人,其 疑 爲 訟 歲,安撫 始居平遥 終 獄 奸 者皆 邦之民,争 聽 日 而 人以 獄訟 己。 無 不 使 倦 爲 肯 察 嘗以 色。 及 神 雖 決 於 其 :「今我公 其 明 界 治 以 吏 至 施 其 敏 上, 行 待 爲 事 於 簿 丽 條 以 公 滴 民 書 審

人 死 一,汝 迫 叛 民 公 命 何 在 至 有 陝 永 破 焉 西 興, 産 !: 」歐陽公撰《墓誌 木 不 於 語 能 科斂 其 足, 人 往 日 吏緣 往 . 自 侵 吾 經 漁 不 投 能 水 調 免 以 發

> 皆 以 州 食 量 汝 費 來 次 物 不 知 省 輸 有 往 口 + 如 送 無 使 六七。 平 貴 墓 汝 一誌 時 由 賤 不 是 道 勞 而 物 至於繕治 吏束手 阚 里 不 遠 · 踴 貴 乃 近 無 爲 城 寬 所 之 車 郭 牛 其 施 品 器 期 蒭 處 民 械 秣 計 會 比 民 他 使 宿

開 敢 爲 封 州 否 爾 有 之 治 所干。 《墓誌 屈 京 獨 者 師 公始 , 常 世皆以 凡其 撓 有 於 餘 爲 爲 權 力 治 要,有 難 省 以 至 其 聽 公 干 民 斷 能 其 事 盜 使 法 9 如 訟 權 而 治 爲 要 能 能 他 不 不

吏部 對 選 遷 悟 居 數 去 日 者三人争某闕,公 審官,主天下吏員, 召 故故 日 乙問之,乙 當 吏 吏得 教 與 甲。 丙 爲 訟 奸。 謝 甲 Z 日 負 公 不 以 MI, : 某 能 問 始 居 業 事 争 吏, 視 職 己 銓 者 不當得 遂 吏受 得 事 類 授 他 以 闕 他 丙 不久 日 賕 闕

名臣 行 録

於公。 書而 矣。」 格 少 吏 願 待之。」《墓 罪 式 争 己。 明 科 其 日 條 公 吾 我 在 由 不 以 勑 未 公 審官 是 白 得 諸 知 有 吏 已 吏 銓 問 賢 不 無 有 法 名 與 得 以 得 爾 : 丙 不 與 賂 升 盡 久 銓 堂 求 因 而 乎 事 見 笑 官 命 ? 使 用 者 諸 日 坐 與 去矣, 曹 日 吏謝 奪 聽 行 此 各 姑 出 盡 具. 非 文 不

慶 澤 獨 革 曆 泣 連 降 知 公、 者 衆 杜 排 與 公 初, 丽 韓魏 每 去 恩 與 事 衍 而 E 澤 封 面 相 以杜 公及 厭 以 還 者 還 上 佐 修 西 内 嘗 之。 佑 衍 范 兵 紀 降 不可 謂 ^八之久 文正 切 綱 邪 或 諫 而 不 詰 公 而 告之而 官 公, 出 與 責 尤 歐 小 吾 而 丽 每 其 抑 人 陽 民 居 三人者 權 積 止 禁 脩 人, 絶 弊, 者 至 倖 僥 中 日 至 収 + 皆 倖 多 慙 遂 有 用 數 不 於 外 恨 欲 富 求 凡 悦 所 恩 涕 内 人 則 盡 鄭

> 不 封 還 知 也 也 其 然公與三人者 助 我 多 矣。 此 「,卒 外 皆 以 及 此 杜 罷 衍 皆

六〇

墓 誌

公多 公安 指 來,兵 \equiv 大 大 公不爲 以 兵 戦 舉 公爲 後 爲 知 者 撫 黄 本 果 以 不 不可 恨 將 擊 朝 朋 河 河 不 口 故實 東 罷 外 夏 黨 得 大 妄 後契 欲 去 者 出 臣 而 出 善決 以 至 雖 鴈 公 其 丹 契 門 兵從,公以 有 韓 獨 論 范公怒, 卒 丹 大 欲 公 以 議 木 麟 與 亦 事 以 爲 之 來。二公皆世 府 夏 泪 以 際 不 皆 至以 人 爲 初 軍 可 爲 蓋 警。 争 罪 可 邊 契 如 語 遂 舉 銀 公 丹 范 此 將 侵公, 亦 公公 瓮 者 必 文 議 族 不 俗 IE 然 欲

墓 誌

杜 乞 Ż IE 出 獻 公爲 諫 於 官 是 相 無 蔡 蔡 故 除 君 出 福 謨 州 終 孫 非 之 美 翰 翰 事 安 爲 州 諫 乞 且 IE 仍 獻 屢

終者 焚之。 書 在 H 政,不肯書, 事 審 西 ご上可 蓋 府 奏,不當 亦 由此遂 時, 不 難 以訪 之。 也 上每 É 0 遽 -。」公因言 罷 退 《東坡志林 訪 焚 相 書 吾 其 以 聖 初 書 中 議 語 不 也。 書 君 者 聞 時 事 臣 謂 IE 陳 之間 IE. 及爲 E 一獻言 恭 獻 獻 公爲 能 當 相 懼 全始 俟 「 始 執 中 明 遂

也

墓

公爲 公與丁 文簡 籠 謔 進 人言蘇子美進奏院 之子上書言 十人,皆名士大夫,而 至於臣父,亦 門貽禍 奏院 心」文簡 人尤潔 論以深文,子美坐廢 文簡 報 至 深 公俱 廉 時 一、公戲 銜 自 事 ,故不 之。 尅 出 爲 歷 遭 河 文簡 沁祠神事 口 詆 其 其 東 逢。」謂 不 公亦 執 後 爲 宣 日 謹 政, 大臣 撫 爲民,從坐者數 ,公避 也 罷 公同 , 時 「賢 其 至 去。 事 《談 非 恭 任 郎 其上 嫌 在 德 惠 叢 恭 亦 不 政 選 言之 要 惠公 日 與 府 也 以 牢

> 動 不 静 欺 纖 爲 悉 忠 ; 謹 推 而 於 有 法 以 至考其 行 己 取 大 信 節 偉 故 其

公自布 爲 無 所 詩 京 行之終身者,有 聞 得 亦 色,或夜不能 士 賙 多出 難 善 得 讀 驛 人 悉 有 有善,喜若己 常節 惟 記 急 ,而公自謂 舍 與 衣至爲 書 述 難 昆 不 者 雖 其 足者歟 弟之貧 久之。 門。 老不倦。 家故 嗚 至其 相,衣服飲 寐 呼 不 能 出 居家 1 如 歸老, 饒 者。 自 足 履 任 財 至 贵 以 其 推 少 墓誌 見賓 其 俸 所 名 有 食 諸 獎後進,今世 好 無 一,君子 八責者。 禄 謂 後 所 無 學 屋 父 客 任 世 不 所 分 所 以 必必 Ι. 디 人, 産 居 加 重道遠 遺 以 凡 書 問 一、公以 戒 給 爲 公 憂 雖 寓 京喜 時 子 人 所 見 知 於 宗 妻子 事 名 孫 所 以 爲 族 於 南 而

公嘗謂門生曰:「凡士君子作事行己,當履

中 道 不 宜 矯 飾 0 矯 飾 過 實 則 沂 乎 僞 _0

有 公嘗謂 門 其 新 之不 責。」 毁 縣 壞 足。 小 口 面 租 有 語 有 方 \$ 累 生 ,未嘗不 節 録 不 録 者 又 從 箇 尚 給 門 瓦 不 爲 文 暇 重 合,求 日 官 生 學、 有 足 縣 憧 而 而 亦 誠 即 員 : 日 素貧者 **�**, 遷 復 施 , 力 未 政 繼 不 . 善 不 衍 侵 嘗 薦 合於 恕 公戒 以 「今之 事、 其 然 謹 者 歷 擾者,真 於 不 公帑 忧 間 门以 殊 知 隨 甚 者 切 朝 中 之 不 在 當 行 州 所 衆 公 衍 山 日 諭 職 量 能 租 有 上 知 韜 也 提 者 絶 不 貪 以 其 者 兖 不不 所 III 晦 轉、 德 吏 禍 子 必 小 薦 善 即 得 州 多 也, 然, 無 之 之。 者 繩 福 大 安 口 委 均 時 擿 <mark></mark>俾 才 露 以 稱 撫 給 以 雖 於 無 咸 發 州 器 法 圭 事 之, 語 益 之 不 義 未 使 縣 下 録 角 也 自 於 長 識 使 嘗 É 口 官 位

> 知,次 忠信 爲 公 合,求合於 其 事 石 ·, 徒 志 者 縣 日 ? **�**, . 爲 固 取 取 徒 卷 朝 衍 禍 不 重 中 野 舒 天 取 易 歷 爾 也 休 所 下 禍 得 任)。」《語· ·, 今 信 門 爾 戚 多 若 生 繫之 反 故 歷 不 録 日 予 誨 得 奉 年 : 所 長 某 以 久, 知 公 以 吏。 申 以 子 上 平 欲 其 此 爲 鳥 子 夫 志 生 何 帝 毁 良 得 以 也 今子 方 以 E 直 F 所 申 亮 瓦

公嘗 公一日憂見于色,門 於其 用 生未 非 悦?」公 上 知 某 者 荷 便 謂 間 又 及 門 欲 人進 所 問 默 不 生 曰 人知 以 加 日 而 公 憂 用, 明 • 行 日 爾 同 適 察 之,無 社 : 作 列 覩 稷之福 生 又 適 官 今日 不 朝 日 愧 足 謹 第 報 :「公今日 日 於 取 者 見 行 也。」公又 禍 衆 心 清 朝 喜 某 可 爾 畏 報 事 見 必 也 于 部 某 行 但 無 何 色 某 日 求 以 優 語 爲 進 闁 録 事 不 游

孔 子稱 退 不 居 在 其 以 位 來 不不 家 謀 事 其 百 政。 不 歸 第 心 衍 獨 荷 未 或

能

忘

或

爾

○」《語録

公食于家 於 位 衍 浙 者 下 Ÿ. 此 以 至 用 日 皆國 一當爲 一爵禄。 常恐 也 E 於 自 如 人]° | 《語 是 監 前 奉 觀 褊 衍 文,莫非 急易 養 子 執 司,人尚 家 鄉 本 惟 國家奪之,却爲一措大, 浮 耶 識 奏不移,人始信之,反 者。 曲 食 動 ?」又嘗戒 慮 措 麵 之 兩 不柔 焉敢 高 浙 俸 顯 不 大 遠 儒 生否?」其輕吾 人之餘 飯 爾 , 信,及爲 切 以 少 而 , 志 勿 名 自 立 門 己。 尚 少 位 奉 生日 以以 端 三司 爵 枉 也 或美 衍 給 爲 慤 ? 禄 自 . 親 一天下 副 日 在幕 其 冠 時 他 黨 又將 族 使, 儉 旦 之 冕 所 日 也 公公 府 貧 杜 名 惟 何 E 樹 如 服

門生嘗從容問公曰:「公在相位、未朞年而

公曰 而 之賢可某任 深遂乃 「公之恨何 出 去, 使 此 蒼 心。 衍 所 生 以 以 京 也?!! 某 然 非 爲 盡 才,久 獨 恨 人之才 被公之澤,天 公曰 也。」《語 有 妨賢 口 恨 ·某用 録 衍 爾 路 平 下 未 未 遽 生聞 門 · 甚鬱 得 能 人 解 悉 某 望。 日 薦 人

韓 是 以 使,論 其 魏 便 每 將 ,賢於人遠矣。」《魏公别 此見祁公存心至公,不 事 公言:「杜 來 間 難 無 押 日 一二事,祁 復毫髮 字。』琦 : 祁公公心 諫 議 疑間。 益 看 公不樂。 爲 來 而樂 之 未 録 始, 盡 必 ? 與人善, 琦 以 心, 諫 久之 爲 出 不 議 樞 於己 敢 曾 相 密 既 忽。 看 爲 副 知

杜 索 祁 祁 其 公 公 券 日 免 焚之。 相 幹 吾 既 《家塾記 吏 去位 具 未 供 尚 秩 敢 享 酒 其 齊 奉 以 白 公。

杜祁公享客多用髹器,客有面稱嘆者曰:

《家塾記 張 雅 能 盡 唐公 自 取白 及 也 不 爲 一侍 好 9 金 宰 其 讀 耳 燕 相 不 瓌 器 然祁 妄 嘗 清 陳 施 貧 於 公好 :「祁公之好 乃 前 人之所不 爾 施 日 耶 亦亦 衍 卒 能及 公命 施 京 非 畜 乏 也。 侍 也 此 所

公致 彦博 皂綈 道 太 大 具 居之裕 日 禮 殖資 且 供 仕 子 . 帳 少 因因 居南 老 袍、 日 表 産。 師 如 几 而 革 以 謝 京,上 杖 也 致 舊 謝 示 ·帶 不 退 以 仕 事 老之在外者,朕 得 養老尊賢之意。」乃詔 待 出 寓 任 親 尚 思 預 之。 人從 南都 布 故 之。 觀 口 陪 或言 盛禮 竊 後皆 者 凡十年,第宅 祀 及 高 纔 都 宜 將 爲 上 + 以 亭 爲 祀 名 恨 欲致之 許 羸 驛 居 明 耶 老 錫 堂 士 E 不 服 慶 鳥 庳 公及 以 優 任 謂 院 帽 哂 就 涪 文

七之二 參政范文正公

聖中 復 州 開 與 州 復 税 樞 士 西 睦 中 置 密 韓 觀 州 以 經 召 封 進 環慶路 副 公 陝 察 副 略 以 爲 士 府 公名仲淹, 徙 通 使 使 晏元 琦 之, 安 待 第 西 蘇 判 除除 辭 撫 落職 開 制 四 經 兼 州 加了 歷 路 招 獻 府 参知 不 略 知 中 廣 公薦 安 討 知 知 就 涇 拜 安 延 字希文, 府 德 撫 使 水 饒 拜 州 政 撫緣 州 進 軍 興軍 爲 經 州 天 召 事 降 進 樞 司 章 略 爲 邊 元 公 徙 祕 密 閣 理 蘇 昊 , 右 招 招 知 自 龍 會 閣 潤 直 請 請 討 耀 待 州 討 司 監 學士 圖 夏 州 校 使 使,改 制 吴 行 州 諫 和 閣 竦 泰 理 邊 縣 越 召 詔 權 徙 爲 出 州 直 州 邠 學 拜 慶 天 鹽 公 會 陝 知 知

侍 還 知 郎 邠 以 州 資 徙 政 青 以 殿 疾 州 學 請 土 會 鄧 爲 病 州 陜 甚 徙 西 請 杭 几 潁 州 路 州 安 遷 撫 未 户 使 至 部

公生二 之。 往饘 氏 早 學,惟煮粟米二升,作 告學,五 陽公撰《神道 晚 又《東 怒 所 丽 如此 取二 粥 之旨 歲 不堪 一, 掃 一 既長 薨 不充,日 年未嘗解衣就寢。 軒 者三年 塊 年 而 筆 斷 爲文章 孤 碑》○又《遺 録》云: 六 而 室, 知 虀 昃 公自 其 + 母 始 + 書 食。 數 世 夫 四 粥 公 莖 夜 家 人 刻 論 少 同 事》云: 器 講 感泣 酢 貧 頣 夜或昏怠 益 舍 説 汁 劉 經 生 誦 無 古。 半 某 必 宿 或 公處 依 盂 同 遂 饋 去,之南 本 其 居 上 珍 凝 輒 南都學 X 再 於 膳,皆 長 以 Ti. 起 小 刀 適 白 水沃 居 鹽 年 畫 長 Ш 拒不 舍, 義 爲 飲 都 僧 暖 面 Ш 大 四 書 而 舍 食 受。 塊 通 往 歐 啗 夜

歸

洰

藻

撰

《祠

范公少 見 冒 諫 朱 議 大 姓,舉學究 夫 姜 遵 遵素以 且 甚 尫 剛 瘠 嚴 著 嘗 同 與 衆

> 公以 獄 謂 也 置 它 去,至字 屈 進 歸歸 酒 H 其 不 與 款 士 不 夫 年二十餘,始 太 待 必 唯 曲 解 人 無 守 記 之如 褐 爲 日 衆 所 争 其 顈 堂記 爲 . 容。 客 是 往 骨 官,當 廣 退 朱 復 非 肉 德 改 貧 學 辨 獨 守 科 軍 止 論 究 立 留 盛 舉 可 莫 一馬,鬻 之語 盛 年 范 怒 進 理 測 名 雖 公, 臨 參 士。 其 于 於 少 之, 軍 引 何 馬 屏 《記 世 9 奇 X 0 以 徒 上。 公 H 聞 中 土 步 知 參 不 抱 堂 也 爲 坐 而 比 具

通 夫 化 建 民 白 田 泰、 令, 治 往 白 里 斥 往 以 於朝 之。 菡 海 專 以 不 州 衛 掌 范 皆 既 請 可 民 役 濱 爲 成 築 稼 田 事 姓 海 捍 穡 ",發 民 朝 海 舊 念記 至 廷從之。 通 堤 范 目 今饗 闡 於 文 潮 泰、 IE 水 其 楚、 皆 州之境 公 以 利 監 至 文 海 西 城 E 興 川 溪 下 化 長 爲 州 興 民 數 土

六六六

晏 其 時 永 凑。 者,多其所教 必 齋 亦 夜 下 云 使 觀 先 人不 舍 課 相 其後 學者 肾有 自 諸 晏公請掌府 詗 殊 適 何 能 爲 生讀 之, 留 書?」其 疲 準 對 宋人以文學有 之,欲 守 倦 法 以 見 乃別罰 書 也 南 度, 爲 寢 暫 有 京, 知 學,范 法。 人亦妄對 念記 先 就 食皆 之。 勤 其 范公遭 枕 寢 闡 勞 難易 由 者, 出 耳。」問: 文 恭 公常宿 聲 是 題 時 謹 名 則 詰 四 母 及 使 刻 於 方 之, 所 以 憂, 諸 取 學 從 場 往 身先 當 書問 「未 生作 中 其 學 寓 屋 往 用 寢 者 人 朝 潛 訓 居 之, 之。 意 賦 輻 紿 廷 至 督 城

范 公服中上宰相 爲公置不行,宜更薦仲淹 病 亦 公知范仲淹,捨 一凡萬 在 京 師 餘 声。 薦 書 E 人 不 ●言朝 曾 薦, 爲 見 館 前 而 政 職 薦 也。」殊從之,遂 偉 得 斯 曾 之。 失 人 謂 及 乎 時 殊 民 晏 間 日 己 殊 利

> 墓碑誤 殿,上 明 ○《東 聞》〇 爲 奏以 可 云 府 北 知 章 正 除 信。 驗。 、奏以爲 朝 面 狂 論 常常 獻 館 1E 將率百 坡 又《神 獲罪 爲 且 太 職 也 但 質之於文忠公,公曰 懼 案牘具在 志林》云: 開 后 公正 諸 ,當以案贖 不 不 不 後 書 道 於門 請 可, 官爲壽,有 頃之,冬至 稱 世 皆 碑 色抗言 弱 天子 * 爲 云「冬至」, ,考其始末,無諫 丽 晏殊大 先 下 人 爲 不言見 君 È 知 正。 也。一 當 奉 帥 司 以 己 太 詔 已具 曰 立仗 强 白 從 懼 ○今按: 后 羞 修《 . 殊 m 與 范 母 官 臨 蘇 否 太 后 慙, 朝 召公責怒之, 公 禮 公實 獻 仲 公 止之事 常 不 之漸。」 則 時 《涑 上 壽 獨 因 淹 無 意 諫 蘇 官定議 疏 以 革 Z 於庭 水記 公 受明公誤 **清** 今 以 禮》, 至 「朝 丽 其 圃 所 卒不 日 H 應。 有已行之 事 闡 天 記 范 Œ 求 大 》亦 遂 更 欲 從。 之故 子 疑 會 《記 以 以 媚 則 但 無 前

0

至京師 范 條 公 服 中 F 宰 1 宰 相 書 相 與 上 凍 晏丞 水記 聞 相 殊 卷 留 守 南 作 京 服 條

是 又上 宫戚 歲 太 自 謂 府。 希旨 太妃代爲太后,公諫曰:「太后,母號 小故,以全大德。」初, 平 大 書 古無代立者。」繇是罷其册 「太后 州 早 里 多求 及太后 請 貧 蝗 還 用 民 , 政天子,不 受託 抑 太后 崩, 所 詔 奢 食 公奉 侈 先 時 召 鳥 0 帝 事 拜 《澠 昧 使 右司 報。 太后 草進 安安 保 欲 水燕談 佑 深治 撫 諫。 出 呈,乞宣示六 有 聖 江 命。 遺 躬, 之, 淮 時 通 命, 《神道 言 宜 公 判 還 立 掩 獨 事 河 也 碑》 楊 以 者 其 中 以

郭 皇后 治 治 忌惡之。 制 知 ,公治有聲, 睦 亂安危,爲 召還 州, 廢 率諫 又徙 居 益 數 論 官、御 蘇 E 事 月 時 州 開 以以 日 政 説,又爲「百 益 史伏閣争,不能得 闕 公知 歲 簡 失, 餘 開 耐 暇 即 封 大 則 拜 府 臣 天 益 官圖 章 權 素 取 古 閣 號 倖 貶 以 待 今 難 名

> 州 奏, 死。 進退易其守 增蹇蹇匪躬之節。」天下歎公至誠許國 之,仍戒其子 外。公抗 公求對 〇又《麈史》云: 口 之治,不 獻 日 一,如 嘉 以不察。」由是吕 謝表云 我既 深納,爲 死 疏列 辨 任 此 過 罷黜 也 ,汝輩 日:一 此 語 其 圃 此 人各 mj 内侍云。 公尹京時 罪, 切, 也。 可以爲公,可 勿 爲郡 我上 復 疏 以 坐落 陳 欲 仕 疏 因 其 丞 上,家 宦,但 Ħ 優優布政之方, 指 有 又《澠· 材 相怒,至交論上前 斥 職 内 其 君 所 於 丽 知 侍 側 水燕談》云: 藏 墳 遷 怙 百 饒 以 宵 書 側 勢作 進 ,始終不渝 職 州。 人, 爲 教 有言兵者 遲 脩 授爲業。」 私 威 必 《神 必 速 也立 堯、 公貶 得 傾 亦 次 不以 道 罪 悉 動 不 序 舜 饒 疏 以 焚 中

趙元 西 是反 松平 略 安 河 西 撫 一上復 副 使 召 遷 相 龍 吕 圖 公, 閣 乃 直 學 以 公爲 是 陝

⁰ 下旱蝗范文正公」。 是 歲 至 使」九 字、 類 苑 卷 六 引 作 明 道 中 天

② 宵一原作「霄」、據《麈史》卷上改。

六八

皆 將 慶 軍 城 敢 齊 近 徙 辨 賊 承 經 以 以 又 時 常 去 城 至 大 犯 整 平 聞 謂 州 功 略 知 乃 新 柔 諸 賊 順 城 坐 不 細 小 安 慶 無 失 永 乃 知 遠,始 相 爲 腰 利 擅 事 世 人 撫 州 大 大 路 平 延 自 或 識 復 請 中 招 將 皆 順 既 胡 州 廢 爲 於延 ,公始 書 疑 討 或 和 以 盧 用 寨, 而 號令告其地 日 書 延 公見 使。 用 於於 據 以 四 引 難 兀 州 州 熟 分 告 要 路 昊 爲 兵 信 築清 是 官, 危 羌 敵 公 自 延 害 置 以 遣 法 出 明 應 邊 歸 爲 E 州 帥 逆 人 公 知 珠 澗 奪 業 諸 變 制 將 公之 書 遺 兵 耀 請 順 處 以 城, 爲 賊 者 將 務 有 爲 久 滅 書 州 成 自 公爲 使 所 如 隳, 地 數 持 不 墾 僭 六 臧 以 敗 守 往 將 萬 號 知 何 等 營 而 重 在 未 求 之説 至 環慶 鄜 築 大 耕 户 所 逾 H 和 兵 不 不 訓 至 賊 延 城 族 之。 向 月 於 急 路 其 不 練 與 復 其 口 公 捍

餘帳 兵甲 相戒 於是 遂 賜 渡 賊 夕 而 實,恩信 屏 必 知 至 「大范 (神道 遁 訓 河面 諸 使 走 於 元 人徹衛 去。 E 練 無 碑》〇又《名臣傳》云: 是數 諸 不 畏 將 版 賊 謂 久 比 又請 追 河 之, 初 法 雍 將 以 築 無以 『大范老子』 大洽 外 也。 使 勿 遣 王 關 騎 而 皆 戒 之 與 逃 果有 延 諸 自 過 輔 師 使 愛己 服 在 用 州爲意,今『小范老子』腹 語 路 者。 人 冉 乃 爲 慶州 稱 河 萬 公爲 心 敗 養兵 不 伏。 所 動摇 於 可 臣 決 謝 大 來 請 疑 蕃 定 欺 策 已 請 畜 争 小 得賜 不 以 也 ,及仲淹兵出 Ш 仲 酋 賊 鋭 諸 和 謀 ご成 順 畢 种 可 淹領延 居邊二 仲 來 既 毋 取 蕃 世 賊 具 及。 戒 上 賚 淹 人呼 得 見, 衡 失計 横 質 果 基 守環州 亦 輕 諸 安,閱 比自 而 夜 Ш 走, 知 子 公待 動 召 召 歲,七勇邊 ,號令嚴明,人 將 領 州 以 軍 中 之卧 乃 復靈 公 兵 , 招 爲 夏 兵 追 縱 自 中 選 人聞 歸 引 赴 將 屬 老子」 有數 其 意 將 戰 初 援 羌千 武 矣 内 吏, 之, 分 出 賊 不 H 侕

仁宗 守,以 官,一 使,欲 凡用兵,當先 觀之,但 范公曰 守慶州,堅持不可。 复聳 謂 以 「得仲淹出 公序倉猝失措,相次以事罷去。 元吳國書 傾宰相吕申公而未得其要。② 燕談》云: 心 公於此 遂安。 大不可、公序信之、驱於上前乞斬范公、申公徐救之、 此呼之。 時, 服、熟户蕃部 日 觀 五 西 1: 乃不 III 范文正 見敗 , 路進兵,以 援 其 戎 〇又《龍 闡 以 將 我 變,豈 可 定 方 私書復之、事至朝廷、諸公議之、申 命 形 無 置 及 師 一公帥 川之敗,頗 ●率稱 熾 慮。」 至 韓 ,未見勝 川 勝 新 邠、 志》云: 可 慶 及 公也。 韓 敗 敗於度外。」今公乃區 襲平 延、涇、 聞 輕 州 魏 是時 「龍圖老子」,至於元昊, 以 其 士 兵 吕公覺之。 公爲 出 宋公序爲參知政 西 夏。 范氏子弟、至今恨之。 約 勢也。」洙歎 卒 深 慶四郡,威德著聞 韓公嘗云: 師 方 尹洙爲 范 甚 氣 爲 人 經 時 爱,謂 喜。 公 沮 耶 略 范 以 會范公擅 ? 當自 〇又《澠 經略 招 文 近 進 討 臣 以 正 事, 日 兵。 大 今 判 謹 公 : 副 亦 焚 欲 夷 水

> 從招 范公聞 公不勝 征,今招討 故衣紙錢招 m 没,大將任福 舉兵人界,次好 品 淹不見其可。」洙 一大軍 過 亡者父兄妻子數千人號於馬首,皆持 討 謹 悲 以 加 此 動 歎 歸 憤 萬 歸 所 乎? 掩 魂而 曰:「當是時, 死之。 而 以不及韓公也。」范公曰 命 水川 泣 汝 所懸 哭曰:「汝昔從招討 議 既 死矣, 駐 不合, 0 M 馬, 魏 , 而 哀 元昊設覆,全師 公遽還, 不 汝之魂 慟 乃置於 遽還。 難 能 聲 置勝敗於 前 震 者 識 至半塗, 度外,仲 天 魏公遂 數 地 亦 刻。 度 魏 出 能 陷

■「熟」、《澠水燕談録》卷二作「屬」。

2

要。」按: 夷簡欲傾 凍水記聞》合,似以吕夷簡傾宋庠爲是。 仁宗眷之。許公當國,疾公序,陰欲傾之,而 欲 傾宰 下 文 相 吕申公、許 所 宋庠 吕申 述 與 公而未得其要」、《龍 而依本處 卷 六之 公即吕夷簡、依《龍川别志》 一《丞 所引 相 則 許 爲 川 或 宋库欲傾吕 别志》卷下作: 吕 文靖 不得 是 夷 吕 其

外也。」《東軒筆録》

仲 膽 心 地 淹 骨 。」元昊大懼 與 邊 寒 韓 上 琦 謡 軍 叶 日 謀 中 遂 有 必 軍 稱 谷欲 中 臣。 范, 收 有 復 《名臣 西 靈、 韓 賊 傅 西西 夏、 聞 之 横 賊 鷩 聞 山 破 之 之

初 之勞。 西西 邊 民。 不 唯 敢變者,至今尤多。 公所部 因 其於 徒屯 籍 其 爲 所設施 但 兩 兵,就 鄉 刺 路, 兵 其手 既 者 食 去 數 得 ·,公去兵罷 内 而 萬 熟羌爲 《神道碑 地, 人 (德之, 既 加 而 約 用 獨 黥 與 西 使 以 守 人 得 爲 其 饋 以 復 軍 守 法 輓 爲

自公坐吕公貶,群上大夫各持二公曲直,吕 然相 賢公可大用,故卒 公患之,凡直公者,皆指爲黨 及吕公復相,公亦 公,然朋 約 勠 黨 力 一之論 平 賊 再 , 天 下 置群議 遂 起 起 被 丽 之士, 用, 面 不 能 於是二 用 ,或坐竄 皆以 之。 止。 《神 公 此 E 逐。 多 既 道

> 咎 道 以 喜 早歲排吕申公,勇於立事,其徒因之,矯厲過 志 碑 爲其子弟擅 子堯夫以爲不然 勠力 成功 也。 歐陽公。 . 》〇又《 碑》、言一公晚年 $\stackrel{>}{\exists}$ 竹 自 范 乃爲書自 《邵 饒 語 文 予見張公言之,乃信 於石 氏 州 IE. 歐陽 聞 還 公篤 見録》曰 朝 本 、從歐陽 咎 歡 0 公殊不樂, 改動文字,令人恨之。」〇 於 然 解 出 忠 相 仇 領 亮,雖 公辨,不 得 而 西 歐陽 去。 謂 由 事 喜 此 蘇 公作 ill 恐 故歐陽公爲《文正 1功名 故 明 申公不 也。 允 則 碑 自削 如 而 後生不知,皆 此 爲 直 不 去 又《龍 之地 爲 范 一、公亦 驩 文 公碑 朋 然」、 正之 黨][[

公爲 後,而 再賜 公歎 曰: 召 見 參 賜 手 知 革弊於久安, 詔 샏 政 · 授 「上之用 事,每進 趣 以 使 紙 條 筆, 天 我 見,上 非 下 者 使 朝 事 疏 夕 至 一必以 一矣,然 于 口 又 前 也 開 太平貴之。 天 事 公惶 既 章 有 而 閣 先 恐

⁰ 永興軍… 饒 謂范仲淹 州二、 龍 一知 川 則 别 饒 以 志》 州 作越州爲是。 卷上 徙潤 作 州、越 越 州 州,復召爲 按 本 待 書 前 知

罷 莫 廷?」池公言: 見 之。 志》云: 稱 中 撫 即 東 佑 與 磨 除 辭 避 之, 如 之, 公前 使 拜 騰 臣 勘 濫 革 席 陝 在 資 任任 吕 公公 官 其 始 口 朝 范公以 賴 磨 西 公 邊 廷之爲 其 所 政 詔 因 用農 宣 子 勘 欣 L 而 退 知 殿 奏 施 天 之 然 以 嫉 例 察 加 參 撫 政 學 有警 欲 便。 行 下 相 公者 遷 桑 知 法 疾 其 條 使。 松红 事 土 而 賱 與 政 考 以 范 制 請 忠, 列 事 語 復 僥倖 學 纔 公 州 課 公爲之愕然。 亦 知 别 鄧 至 時 出 終 事 其 不 守宰 即 幸 邠 能 使, 日。 州 取 則 耳。」 所 聽 故 之人皆 蒇 請 外 州 否 日 E 宜 士 ,言 問 昌 等 公已 而 有 行 書 先 先 神 兼 減 公 日 是 罷 H 事 道 者 德 者 〇又《東 老 陝 乃 任 時 碑 願 不 有有 方 居 遂 + 以 喜之 何 子 西 行 9 復 便 施 鄭, 經 爲 夏 以 公爲 之 數 司 不 兀 又 守邊 制 行 叹 范 危 爲 因 悉 路 數 專 人 事 筆 西 去 龍 事 安 E 事 奏 加 佐 相 文 H 而 丽 朝 往 用

子

相

朋爲善,其

於

國家

何

害?

一《記

闡

群 曆 參 機 經 亦 撫 載 黨 知 分 豈 四 兩 此 一不可 復再 自 年 政 路 事,云: 事 四 事 古 人?」范公遂去,未 范 畢 月 禁 以 吕 戊 則 仲 也 公 來 遗 戌 淹 問 矣。」出 在 Ŀ, 邪 對 聖 何 E 日 與 公 爲 整 在 還 執 遽 辨之耳。 丽 朝 出 方 政 有 參 以 論 邠 未 范 政 州 類 及 嘗 之命 此 公 聚 朋 行 日 誠 不 黨 必 使 各 物 事 蹈 暫 爲 君 以 危 往

慶

慶曆 公在 去 約 具. 軍 日 以 不 牛 晁 中 E 政 爲 酒 仲 盜 劫 法 府,富 約 暴 盗 賊 使 度 范公欲宥 張 公行,守 不 事 鄭 海 迎劵, 能 闡 公 横 樂, 在 行 朝 H 之, 喻 樞 數 臣 廷 府, 厚 路 軍 大 不 争 遺 中 怒。 能 於 鄭 將 之。 富 公議 戰 上 過 民 時 前 高 海 出 又 范 欲 郵 悦 金 不 富 文 誅 0 帛 能 公 仲 IE 徑 知

之日 之欲 未 義 兵 誅 不 此 法 掠 法 H 德之事 也。」仁宗 意 加 以 手 知 同 前 富 也 當 所 械 郡 理 0 爲 滑 所 誅 食其 勉 公 足 僚 多 縣 曲 祖 必 定也 然。 · 雖 愠 小 力 , 也 以 使 之間 方沮 無 柰 喜 戰 民 戰 釋 肉 民 日 宗 復 五日 2 何 之,而 之情, 及二公迹不安,范公出 守 不 然 守 : 醵 肯 之,何 北 而 以 今高 欲 司 「方今 從之,仲 錢 輕 然 守者 來, 亦 口 遇 輕 心 遺之, 導 事 釋 未 得 郵 賊 壞 未 以 者 矣。 人 有 也。」范 敢 無 欲 醵 不 患 之? 嘗 主 有 整衆?」范 兵 口 自 禦, 出 約 法 食 法 輕 幾 以 恕 聞 與 保 由 所 財 其 不 殺 ? 誅 而 高 械 Ħ. 公 物 戮 也。」富 當 此 肉 舉 臣下 戮 又 日 郵 吾 雖 之 雖 誅 免 丽 9 賂 之民, 臣 「郡 與 傳 公 方 F 免 恐 死 仲 也。 之, 下, 按 公 公 此 密 欲 者 意 於 非 約 陜 終 盛 亦 在 告 舉 殺 之 縣 疾 既 過 法 此 不

> 誠有 坐之。 肯爲 意。」退 乃與 之語 意。 公自 雖 但 六丈,聖人也。」《 西 云淮 不 愧於青 郡 日 富 死 有 比 河 縣 至 節 南盜王 備 公出 設 夜,徬 政 北 日 III 寇 而 備 史 事 事堂,昌 縱 至無備 還 民 倫, 生不 按 也 吏 賊 之完者數 者 河 與 及 敢 徨 虞 例 Ħ 以 此 北 若守臣 或 不 龍 吾 治 行 日 不 范 門,][能 萬 輩 : 城 誅 可 「朝 志》〇 家 隍 不 罰 寐 公因 妃 不 自 又 誠 之, 閲 延 恐 引咎 載 許 遶 或 又《遺 異 兵 非 則 公 家實 自 卒 時 人, 陛 牀 與 民 乞守 專 爲 以 F 富 事 虚 歎 事 未 以 請 四 嘛 一塗炭。 シ亦 公争 所 死 者 方 日 失 測 邊 無 載 責 存 不 以 於 外 事 朝 此 不 經之 今吏 狂 上 不 臣 范 細 事 廷 富 前

公爲 。 參政 公取 患諸 與 班 路 韓 簿 監 視 司 富 不 不 才 樞 才 監 並 事 命 用 司 每 杜 鋭 杞、 意 見 張 天 昷 下 人姓 之 之

^{●「}熊」、原作「前」、據《龍川别志》卷下改

耶 家哭矣!」公 謂 遂悉罷之。 筆 勾 日 之, **-**日 以 次 《遺 更易。 丈 事 則 家 是 哭 富 何 公素 筆 如 焉 以 路 知 丈 事 哭

慶 歐 之事 賈 之 以 曆 陽 折 此 未 秋 所 時 几 爲 聞 利 減 中 諫 檻 范 脩、 須 諫 無 議 然性 歲 公爲 耳, 官 取 失 吅 余靖、 也 口 之於 弛 德 行 人君 人 頭)! 」諸: 參知 四 不 於 亦 茶鹽 流 朝 蔡 茶 人 商 農 以 可 好異,使爲 廷 血. 政 力 鹽 襄、 闕 賈 公伏其言而罷。 必 之禁及減 9 事 與 政 商 行 引 無 未 E 既 其 事 税 所 獨 石 甚 素 不 害農 亦 之人, 少 介 不 取 有 爲 諫官 自 拂其 爲 之 商 害 執 諫 修 Ö 孰 於 税 介 但 彻 舉 政 官 意 若取 主 必 分 ^ 베 Ш 欲 東軒 范 上 時 澤 安 以 則 今 減 IE 從 之於 謂 及 文 富 或 用 引 難 天 商 筆 之。 銢 下 行 之 商 用 賈 IE. 春 裾 如

當先 餘 商 當當 賈 也 ? 先寬 〕。」其 今爲 賦 議 役 計 遂 莫 寢。 然 若 後 《筆 先 及 談 省 商 賈 或 用 弛 或 禁 非 用 所 有

皇祐二 徙 於公 千夫。 此 惠貧 備 節,及公私 是諸寺 所以宴遊及興造,皆欲以 渡,太守 空巷出遊。 正公領 飢歲工價至賤 爲 ,皆公之惠也 大。 私 者 吴 年,吴中 了貿易 者 監 İ 人喜競 浙 İ 作 是 可 西 興造, 出 日 奏劾 鼎 歲 又召 無 飲 宴 大飢,殍 發 興。 渡 兩 慮 于 食 傷耗 粟 口 杭 浙 歲 諸 數 好 湖 以 及 又 惟 州 I 飢 爲 萬 佛寺主首諭之 Ł 大 民 新 殣 募 技 杭 不 發 佛 人 自 枕路。 力。 敖 興土木之役。」 民 恤 服 州 發 事 司 倉、 存 荒 晏 有 春 力 農之粟,募 荒 公乃 公乃縱 然,民 餉 之人,仰 政, 吏舍 至夏, 政 餘之財 是 之施 自條 嬉 爲 時 居 遊 日 范 民 術 日 民 流 莫 食 以 於 敘 不 役 競 民 甚 文

成 圃 利 就 民 近 利 歲 此 遂 先 著 王之美澤 爲 令。 既 也。 已 恤 《筆 飢 談 因 之以

范 文 焉 齎巨 數千緡,按等差給還之。 積,不五 守,遣官 博 民 郡 納價 正 州 示 《東齊記 榜數 置 公鎮 假 每 場 日 廪,則寄 輓 納 道 青 遂足, 事 **卧三鍰**,給 金 ,●青民 9 社 介 會 詂 其 僧 而 博 河 境 博 舍 大 坐 朔 患輦 則 斛 可 抄 倉,以 與之。 艱 亦 張 也 青民 食。 衍 之。 置之苦。 至 倍 青之 以 因 斛 則 且 價 Ì 金 貿 書 戒 招 像 公戒 輿 與博 尚 者 祠 餘 山 賦

韓 字至 事 魏 之,希文惜大體,不許 , 且 公言:「章 兩 有 府 西 輒 湄 得 閉 之 象 目 患 不 在 每 應。 中 也。」《魏公别 與 書 希 彦 時 方方 文、 或 憤 彦 天 惋 或 下 欲 多 以 文 弊

韓

魏

公言:「希文

嘗與

吕

申

公

論

物

申

吾

見

人多矣,

無

有

節

行

者。」

希

文

公别録》意待天下士,宜乎節行者之不至也。』」《魏曰:『天下固有人,但相公不知爾。以此

范文正言:「息盜 傳家録 保,七尺之軀, 所以爲身謀。 無所 若 賊, 未 誅姦雄,浩然 措 能 於 如 天 是, 地 雖 間 州 矣 無 ~」《胡 里 憂, 不 口 乃 Æ

范文 公言:幕府 雖 則 與 飲 心 所 奉 IE 朋 終 懷 養 公日 尊奉 夕不 友 爲之事相 之費,及 亦 : ·, 每 不 辟 能 可 客, 吾 事 安 稱 辟。 遇 取 眠 所 須 則 夜 法 爲 пŢ 蓋 明 就 於於 鼾 之 爲 爲 日 寢 鼻 事 我 己師者,乃 我敬之爲 必 孰 即 有 求 寐。 果 益 自 所 自 計 耳 或 以 奉 一《遺 不然, 辟 師 稱之 之費 日 事》 則 食

● 「青之輿賦博州置場收納」、「東齋紀事・補遺》作「時

者。」《聞見後録》

公之子純仁 耶? 者,公聞之不 吾家 娶婦 素 清 悦 將 儉,安得 日 歸 . 或 羅 傳 亂 綺 婦 吾 贵 以 家 帷 羅 法 幔 爲 之 帷 物 敢 幢

公既貴, 吾親 養親 持 恨者,忍令若曹饗富貴 吾貧 至吾家,當火 甘旨 親 時 常以 不 與 未嘗 在矣, 汝 儉 母 約 充 於庭。」《遺 養吾 汝母 率家人,且 也。 親 又 今 之樂 已 丽 汝 事 早世 也。」《遺事 母 得 戒 厚 躬 諸 一,吾所 禄 執 子曰 欲 最 以 而 :

爲

慮。」《遺事

嘗易也。《遺事》 二府,以至于薨,凡十年不增一人,亦未公爲吏部員外郎出守時,有三婢,及官大歷

公在 今年 陽 有 一人樹園 道 杭州,子弟以 踰 義 之樂 圃 +, 以 爲 形 生 公有退志,乘間 逸 且 骸 老之地。 無 口 幾 外 乃 況 公曰 謀 居 樹 室 請 第 哉 :「人荷 治 治 第 吾 洛

> 吾 林 退 賜之餘,宜以 顧 遊者? 相 何 望,爲 待 患 而居乎? 退 贵 主 面 賙 必 無 人 宗 有 居 者 吾之所 詔 族。 也。 莫 己 得 若曹 而 Ħ. 常 患 後 西 遊 ,在位 遵 爲 都 吾言 樂 士大夫 而 耶 誰 高 毋 獨 M 俸 暗 袁 艱

横 公語諸 乎 有親 渠 以 無 及它人有之,己則 自 日 至大官,若 公不肯: 見 祖 取 親 張 宗 其 祖 疎。 先 疎 子弟曰:「吾吴 故 生言: 來, 物 宗 也 恩 在 然吾祖宗視之,則 而有之, 獨 地 積 例 吾 饗富 唐 下 德 俸 安得 嘗 如 ? 賜 百 貴 不 有 如 晉 餘 今 常 不 中宗 可 丽 欲 公 何 年 均 亦 恤 取 得 者 爲 不 族 是可是可 ៣ 何 恤 其 族 公買 也。』」《程氏遺 安寧? 始 宗 甚 顔 飢 均 發 寒 是 緑 族 衆,於吾 以 并 尊 於吾, 哉 子孫 異 野 使 也 堂 家 日 耕 書》 得 且 固 何 古 廟 \blacksquare 壞

宅 遺

范文正公輕財 葬,皆 納 從之貧者 兀 姑 廢 十年 蘇 弛 0 近 日 有 見《澠 ·, 子 郭 食 贍 買 孫賢 擇 米一 給 水燕談 良 好 族 施 H 升,歲 人長 聚族 令,至今奉公之法,不 數 , 尤厚於 千 而賢 人僅 畝 衣 縑 族 者 爲 百 人。 義 兀, 人 莊 既貴 公殁 嫁 È 以 其 娶 養 出 敢 逾 喪 於

范 黨 舊 文 何 有 見 絹 自 正公自 報 三千匹 我 大 之哉 及小, 生長、幼 政 府 0 一《巵史 出 \$\frac{1}{2} 散 學、壯 掌 之 歸 吏 姑 皆 蘇 録 盡 仕 焚黄 親 爲 日 戚 我 及 搜 宗宗 助喜 間 外 族 里 庫 我 鄉 知 惟

公以 子 弟 南 朱氏 。皆公爲 以公廕得補官者三人。《遺事》 郊 所 加 長 育有 恩乞贈 葬之, 歲 恩,常思 朱氏。 别 爲 厚報之。 父太常 響祭。 博士 朱氏 及貴, 它子 暨諸 用

以

范 范文正公守邠 詢 舉 文正 賵 之?」 堯 振 卿 斛。 厚 騎 無 久,文正曰:「東吴 曼 兩 觴 自 斂 口 賙 之,乃寄 莫 卿 爲二喪 月矣。 見衰 給 棺 與 堯夫 一公在 長 可 間 椁 謀 蘆 之,使畢 夫曰: 告者。」文 皆所 未 捷 者 時 睢 居 絰 州 尚 徑 陽 舉, 寄 嗖 士 數 未 ጠ 堯 少, 「已付之矣。」《冷齋夜話 暇 此 在 遺 人 人 其 方 具。 去。 夫 日 Œ 卒 久 既 事 誉 淺 堯 見 留 以 帥 於 日 何 還 夫 理 土 公憮 滯 故 到 所 僚 : 舟 坐 邠 吧 到 如 丹 舊 家 欲 載 屬 客 具者。 ? 將 姑 何 然, 乎 陽 次 麥 葬 0 登樓置 感數 拜 蘇 ? 不 丹陽, 之 出 舟 即 時 起 曼 般 以 付 加 殯 徹 公亟令 日:「曼 侍立 有 麥 麥 無 卿 酒 北 近 宴 見石 泣 舟 郭 五. 日 未 郊 良 與 元 百

⁰ 「何」, 原無, 據 四庫本《前集》卷七

者。《記聞》

後

其

子寀長,公

教

之,

義

均子

弟,及

寀

贈

公,公不

納

强

之,

乃

受。

未

嘗

啓

封

公爲 戒 書 切 銘》,其子欲以 之日 畫 爲 人 一、公悉一 宗 作 家 :「此先 銘 悟之, 文, 不 收 未 金 毋 君 獨 帛 嘗 爲 所 謝 受 留 人 藏 拒 遺。 得 道 世之所 也 之, 德 後 經 乃 作 \forall 獻 ^ 寶 范 丽 以 仲 還 忠 所 書 蓄 淹 獻

晏 後 元 輔 笄 富 權 子富臯、張 ,仗君 鬼 獻 亦 並 更名 爲 西 公 富 口 壻。 監 判 修 爲 壻 方 南 謹 爲 我擇壻。」范 也 平云。 京,范 後 張 _ ° [善皆 H 改 晏 疎 名,即 晏謂 《筆 希 俊。」 日 有文行 文 . 以 日 范 富 晏 然 監 大 日 公 它 則 理 . 一丽 孰 吾 寺 日 中 也 唯 優 水 皆 0 有 ? 丁憂 女及 爲 即 至 范 舉 善 取 卿

公與 吾子 南 都 某 朱 常 不 某 足傳 遇 相 異 善 · 今 人 朱 以 得 且 傳 變 病 君 水 銀 公 遂 爲 視 以 白 之, 其 金 方 謂 并

公少

有

大

節

其

於

富

貴

貧

賤

毁

譽

歡

戚

不

動

其

心

而

慨

然

有

志

於

天下。

自

昔 弟 爲 設 器 錢 臨 邦 處 第 州 窺 有 曰 一,乃以 尊 自 ,其爲政,以 此 後進,必 . 見 資 尚 政 拜 人 之效 長 仰 書遹 任 ?」公曰 甚 出自 各 值 者 慕 而 鄉 訝 人 月 所 咸 爲 不 以 朔,有 封 居 里 可 之,因 進 洪 敢忽,久之不變也。」 • 父 以 傾 後 於 問 藥并其術 名教 州 兄 爲 繒 位 一昔范 進子弟 起 問 職 衣 之,遂 法。 自 或或 居 厚 官 公 冠 處 俗 而 希文自京 見《胡 與先 數 還之。 緣 加 也 以敦尚 此 退 以 + 0 不 事 成 氏 生並 辭 輩 錢 輩 调 傳 錢 俗 後 風 來, 家 鄱 遺 何 日 在 尹 行 事 録 陽, 義 人? 滴守 此 見 故 進 爲 大 今它 彭 至 何 見 以 齋 先 今 是 以 公 子 中 彭

一七七

碑》 害爲 我者,雖 俪 日 爲之,自我 樂 士 趨 也。」其 捨 當先天下之憂 聖賢 事上 者 其 不 當 有 能 遇人,一以自信, 如 所 必,吾 是, 爲 。 必 其 丽 贵 憂,後天 成 盡 荷 與 其 哉 否 方 ?!! |《神 八下之 有 , 不擇 不 日 在 利 樂

公爲人外 狄 事 其 豁 貧,終身非 《神道 爲 如 自 莫 碑 政 也 不 山 所 和 知 林 至,民 及 内 其 賓 處 退 剛 名字, 客 土 而 食 更 里 多立 樂 視 不 善 其 閶 而樂道 重 祠 私 汎 田 肉 妻子 畫像。 愛。 野 其 之 臨 吧 人,外 事 僅 財 其 其 者 給 好 行 母 甚 衣 施 至 ᆫ 時 食。 臨 夷 意 尚

蘇 軾 於 高 公、管仲、 帝 畎 序公文集曰:「古之君 於 畝 漢 中 中 樂毅之 非 論 仕 劉、 而 流 後 頂 ,其王霸之略 學 短 者 長, 子,如 也 書 取三秦, 淮 伊 陰 皆素定 尹 侯 見 太 如

> 子 不 孝悌 者。 將 曹操、 爲 不 指 歸 可 爲之,而 大夫人憂,則 下 得 得。 酬者 諸 於 曰:『有德者必有言。』非有言也,德之 萬言書 ,終身不 擢爲 此 ,蓋如飢渴之於 今其集二十卷,其 掌。 不 孫 然者。 如 僥 執 權 故 諸 及 火之熱,如 以 倖 政,考其 易其言 佐 規 葛 天 遺 己 其 雖 帝定天下, 下 孔 取 宰 有 或 弄 · 信 劉 相 明 憂 成 翰 璋 天下 回 其 平生所 水 飲 此 天下致 哉 戲 誠 草 之濕 於仁 食 豊 因 - 1 語 廬 欲 漢 蜀 争 傳誦。 公在 爲, 率然 之資 中, 蓋 義禮樂, 太平之意 傳耳 中 師 須 之言 尊之。 無 與 其 臾 天 受, 圃 聖 忘 出 先 天 至 以 作 性 忠信 此 用 嘗 主 中 争 無 而 故故 孔 有 論 必 書 爲 試 居 天 不

^{● 「}方」、《居士集》卷二一《資政殿學士户部侍郎文正范

福 發 於 非 者 能 戰 也 也 又曰 ,德之見於怒者 : 我 戰 則 克 也 祭 則 受

張横渠謂范文正才氣老成。《程氏遺書》

七之三 東染院使种公

州 徐 縣 兄 東 内 通 子。 染 殿 州 崇 五 院 酒 公名世 判 年,卒,年六十一。 班 使 鳳 蔭 簽 州 知 充 補 書 衡 青 環 坐事 將 ,字仲平, 同 澗 慶 作 州 城 監 路 流 事 鄜 實 主 兵 0 州 州 簿 工 馬 慶 判 部 鈐 曆 徙 官 歷 侍 轄 汝 事 知 郎 年 州 知 涇 放 環 遷 遷 陽 之

种 君 世 與 少 拘 之, 尚 之, 衡 嘗知 氣 惟取 使 節,昆 自 武 季父 凭 功 弟 欄 縣 圖 有欲 立 書 用 塼 刑 而 析其家者,君 上. 己。 嚴 一受杖 峻,杖 范公撰 7,杖 人不 垂 《墓誌 推 畢 資 使 足 執 産

> 《記 其 牓 或 或 落 親 縣 有 聞 識 追 塼 門,云: 呼 見之,驚 則 不 更 從 「追 使 人 懼 某 數之。 執 走告之,皆 帖 人 期 鄉 人 某 村 亦 日 如 服 詣 但 期 其 縣 以 威 而 廷。 片 信 至。 紙

种 其 搏 觀 搏 搏 大 大 世 日 權 者。驅 衆 者 振 L 衡 數皆此類。 衆 傾 筯 日 知 不能 欣 城 縣旁山 澠 數 無 然 池縣, 汝 對 舉。 不 隨 趨 曹 畢備 於 上有 往 下 先 世 馬 茸 觀 Щ 爲 前 衡 館 聞 廟 之。 客 共 我 ,云「欲 乃令縣 世世 舍, 至 致 舉 設什 既 如 廟 衡 之, 至 梁 歸 草 幹 詣 須 器, 而 之, 剪 由 然 廟 臾 不 髪 其 中 後 是 乃 m 教, 觀 聲 教 梁 如 至 謂 譽 手 手 手 重 砧

初,康定 守 廷 者 以 堡障 即即 元年 命罷 衆 春, 3 之。 7,有分 夏戎犯 寇驕 兵之患 延 而 安, 貪 心,其間 我 益 師 侵吾 不 遠 利 不 疆 足 朝

事 白 建言 姓 延 安 東 北 百 里 有 故 寬 州

請 因 其 廢 壨 而 興 之,以 當寇 衝 左 미 致 河

東之粟 右 미 固 延安之勢,北 口 圖 銀 夏

之舊,有是三利。」 事 0 君 膽 勇 過 人 朝 雖 廷 俯 從 逼 之, 戎 落 以 曾 君 董 不 役 畏

憚 與 (兵民 暴 露 數 月 , 且 戦 且 城。 然 處 險

無泉 議 不 可守。 鑿 地 白 有 五 十尺,始 至

于 曰 之,凡 右 . 過 石 徒 畚 而 洪 下, 手 爾 日 將 百 一是是 無 泉 耶 I 不 ? 復 미 致 井矣。」 阚 其 其 力 屑 君 過 而

出 石 數 重 泉 果 償 沛 發, 飲 金 甘 而 不 耗 萬 人 歡

呼 之患矣 E . !」用是 神乎 復 雖 作 虜 數 兵 井 重 兵 臣 民 吾 馬 4 無 皆 木 渴 大

足。 自 44 西 陲 堡 障 患 無 泉 者 悉 爲 倣 青 此 澗

大

蒙蒙

利馬

既

而

朝

廷

署

故

寬

州

城

,授君内殿承制

知

城事

0

《墓誌

世 所出 糧 俱 衡 乏。 初 至 未幾,倉 世 青 衡 澗 以官錢 城 廪皆實。 逼 近 貸 虜 商 境, 又 旅 教 使 守 備 致之,不 吏民習 單 弱 射 問 芻

O

雖僧、道、婦人亦習之,以銀 爲 射 的,中者 輒

與之。 漸厚且 既 小 矣。 M 中 -者益· 或争徭 多 其 役優重, 銀 重 亦 輕 使之射,射 如 故 而 的

中 者得 優處。 或 有 過 失,亦使之射 射 中 則

由是人人皆能射。 士卒 有病者

使一子視之, 戒以不愈必笞之。 撫養羌屬

親人其家,得歡心,●争爲之用。 寇至? 屢 破

帶 之。 或撤 部落待遇如家 席 Ŀ 銀器遺之。 人。 有功 比 數 者 年 或 青 解 澗 所 城 服 遂 金

成富彊 於於 延 州 諸 寨中 獨 不 求 益 兵、 運

糧。 《記聞

胡 酋 蘇 慕恩部 落最 强 世 一衡皆 撫 而 用之。

0 「家」、《類苑》卷五六引作「帳」、「得」下有「其」字。

貳 之邪?」即以 遽 内 夜 與 者,使慕恩討之,無 出掩之,慕恩慙懼 ,潛於壁隙 恩 飲 出 、遺之。 窺 侍 之。 姬 以 請 由是得 慕恩竊 不克。 佐 罪,世衡笑曰 酒 《記聞 其死力,諸部 與 既 待 而 姬 世 戲 衡 君 世 起 衡 欲

青澗 慕 先貸 族 地 未 族,受夏戎僞署,君 之具,皆不 乃 往 虜 建白 F 暨 恩 嘗勞士卒也, 必 寨 東 之本 白 牛 出 頃 破 演 北 羊 餘 兵 歲 走 常 帳 賞 誅 前 速 城 取 舍 煩 濟 諸有 成 之, 其 中 其 後 外 加 而 股 流 芻 死 故 爲 遠,距 利 取 計 功 慄 轉 者 糧 首 遣 功 患 ,一請自 募 請 半, 多 級 其 歲 人招之,不 錢 商 君 無 命 數 、僭受 而 時 歸 幣, 賈 定 屢 費 白 納 間 者 使 使 河 給。」有 暨 僞 寡 其 半 4 屬 其 通 軍 署 河 所 羊 羌 聽 其 息 建營 盡 須 之北 得 如 擊之, 十倍 貨 萬 兀 文 城 即 兀 以 参 守 使 其 或 田 有

> 初 驗皆 衆必 衡 則 袍 各 种世 置烽 邊 披 將 荆 有 介 0 衡 無 棘 狀 馬 火 由 在 所 而 是 夏 青澗 立 待之, 措 鄜 屬 青 戎 手 延 羌 爲 澗 時 足。」 路 無 破 城 來 經 屬 復 賊 抄 詔 若 略 吏 者 敢 掠 勿 所 使 數 貮 問 龐 訟 則 四 公 不 舉 拘 君 及 以 奏 法 烽 戒 墓 徙 誌 事 文 諸 相 知 族 告 環 世 按

慶曆三年春, 10范文正公巡邊, 昊 略 完,3乃奏徙世 通 使, 以 知環 种 世 州 衡 以 衡知 素 屬 得 羌 環 屬 多 州 羌 懷 以 心, 貮 鎮 至 心 撫 而 爲 之。 青 2 環 澗 密 與 慶 有 城 4 經 己

0 0

鐵

石也,今日爲公下淚矣。」《記

聞

州

將行

別

龐公,

拜

且

泣

日

.

世

衡

心

腸

⁰ 「三」、《涑水記 以 爲 當 作「二」。 聞 卷 九作「二」, 鄧 廣 銘 張 希 清 校

[「]知環州以屬羌多懷貳心」,同前書無「知」、「以」二字。

[「]完」下、《涑水記聞》卷九有「固」字

勞 乃 凶 奴 部 來 訛 落 郊 難 训 信 屈 是 强 且 夕 世 道 雪 未 衡 嘗 險 深 與 三尺, 約 出 不 見 明 口 州 左 日 行 官 當 右 聞 至 世 其 世 衡 帳 衡 奴 至 訛 慰

者 帳 激 訛 而 一吾方 我 中。 大 往 心 、公了 醉 驚 服 卧 奴 以 此 訛 既 不疑 信 念記 日 與 爾 至 其 結 何 聞 妻 吾 不 我 奴 諸 Ŏ 環 殺 邪?! 訛 侍,不 又《名 胡 我?」 世 尚 居 可 敢 寢 臣 奴 帥 此 失 離 傳 訛 部 Ш 世 期 左 泣 右 落 邪 日 衡 漢 世 羅 蹴 ? 既 官 衡佯 是 醒 拜 起 遂 無 何 侕 醉 之, 吉 皆 謂 冒 敢 昰 耶 日 雪 感 至 奴 其

涇 謀 乃 吾. 領 原 原 慶 某 復 葛 用 即 自 懷 事 教 州 時 蕃 土 此 敏 辭 而 漢 定 始 某 赴 習 兵 111 事者 羌 君 之 往 弧 兵 矢 扼 敗 從 君 邠 以 戌 者 咸 城 羌 佐 馬 數 使 兵 官 又 F X 之射 既 軍 召 縦 人 君 口 干 從 分 渭 吏 用 屬 矣。」 其 羌 援 民 有 爲 涇 Ť 中

> 農 望 環 戍 否 閳 不 T. 而 無 求 屬 商 與 日 增 奪 羌 不 無 兵, 之, 不 備 不 미 不 樂 丛 乃 誘 煩 射 调 不 益 焉 失 復 土 糧 者 以 人 繇 環 亦 皆 而 是 爲 用 武 善 緣 意 力 此 射 邊 自 得 諸 烽 墓 振 贖 城 火 夏 獨 相 吏

環 聚 出 募 於 在 西 誘 衡 險 兀 大,素號 原 哭 夏 役 戰 不可 其 長 夏 與 年 之間 其 土 諭 虜 參 虜。 不 知 所 意 人, 得 原 柩 二川 以 畫 知 横 屬 以 州 者 疾 又 常 官 政 猾 夜 故 蔣 羌 數 援 築 事 明 爲 板 未 偕 有 之間,有 撫 日 築 年 路 范文正公宣 原 此 及 共 明 之 城 州 E E 出 旬 城 珠 青 則 絶 月 患。 爲 兵 之。 月 澗 驕 甲 滅 争 古 汝 而 因 不 其 臧 子 環 樂寇 之。 世 細 成 而 卒 口 撫 北 腰 州 衡 服 康 制 陝 有 城 吏 從 世 屬 乃 先 奴 西 及 攻 羌 衡 遣 召 川 之 屬 慶 世 以 命 朝 種 人 種 説 羌 錢 夕 則 衡 既 種 卌 曆 通 最

惟

有

死

可

報

吾

父

爾。

自

是

屬

羌無

不

悦

服

皆畫像事之。八子:古、診、詠、諮、諤、

新、記、 誼。《記聞》

之具, 者 禮 使 使 以 其 勝 白 有 軍 其 E 有 姓 汝 其苦, 事 以以 於 堅 皆皆 并 以 是寇邊 名。 汝 去之。 朴 吞 帥 奴 悉 號 居 力 吾 能 誘 龙 開 府, 出 爲 畜 將之策 卒 天 半 爲 戒 昊 中 之, 將 辨 都 令冠 無 年 表 汝 吾 有王 E 倚 之 其 軍 E 授 所 卒. 或 師 意 召 以 家 也 9 帶, 辭 高 不 不 掠 各 屢 嵩 爲 嵩 事 望 青 班 者 言 撓 治 因 統 腹 其 謂 感 种 將 凡 借 械 精 否 之 出 恩 本 心 將 其 將 虜 軍 居 ? 職 兵 帥 既 青 苦 日 到 之 軍 室 凡 于 數 . 深 澗 以 方 氣 充 雖 浪 嵩 將 所 别 日 騎 賊 僧 城 焰 有 11麦 經 以 吾 軍 泣 將 都 級 從 , 將 青 益 嵩 略 號 甚 將 知 能 軍 子 澗 天 於 以 勝 雖 反 司 野 衣 軍 口 Ž, 都 此 事 任 不 食 察 謀 不 我 利 失

Ti o 利 書 聚、 蝎 乎 哲言 廷 城 昊 野 約 間 奇 不 嵩 計 种 中 O 召 利 得 ,索之。 問 以 置 加 日 龜 貧 書 將 嵩 將 野 不 并 泄 起 衲 死 興 勸 將 投 賤 敢 軍 受 以 利 軍 居之儀 有 之。 其 軍 報 州 如 衣 無 與 教 書 書 數 嵩 今 泄 間 速 乃 狀 嵩 , 龜 間 至 圃 乃 之,當 行 胡 先 密 草 佯 何 野 俱 蒙 所 野 未 封 之意 惟 遺 兒 詣 人 利 幅 縫 將 在 其信 利 女子 以 雜 西 野 知 左 之、告 知 以 軍 棗 北 數 坐 所 利 官 右 其 見 負 恩 嵩 見 書 上 書 行 居 旬 寺 侮 恩不 所 野 教 既 堅 一識 篰 元 數 嵩 於 隱 利 致 執 ? 笑 E 昊 加 尺 況 百 爲 辭 致 能 辭 與 答 將 前 信 樞 里 素 身 E 敢 焉 度 此 成 大 如 軍 對 密 以 · 至 數 . 榮 高 辭 俾 嘗 吾 丰 H. 抵 院 命 無 日 顯 吾 稍 召 遺 别 捶 事 濱 膏 有 如 大 嵩 稍 次 有 爲 常 素 出 野 死 以 私 世 楚

元 之。 將 野 刻 泄 意 具 軍 如 楹 易 前 去 始 是使。 吾 以 其 軍 始 前 利 間 皆 元 巾 因 迫 間 對 乃乃命 昊宫 言 今 將 知 櫛 **\$** 野 陰 命 負 垂 不 之, 虜 軍 元 遣 嵩 隙 利 將 班 加 昊 室 將 中 乃 幸 遣 又 愛 曳出 就 中 竹 所 執 軍 所 也 軍 褫 嵩 空 Ш 數 將 館 箔 視 部 縛 遺 意 Π 衲 死 密 Ħ 誅 之, 多 若 未 假 優 緑 少 決 箔 地 至 衣 遺 之。 不 不 爲 待 乃 速 頃 生 召 形 衣 中 野 於 即 能 取 五 5 野 以 小 人 一 虜 急 利 捶 見 嵩 箔 見之。 悉 在 書 禮 竪 利 將 能 使 楚 E 中 大 興 以 命 使 立 官 言 軍 書 極 人 號 死 有 適 州 進 其 屬 兀昊於是 事 寺 其 使 追 苦 矣 人 將 擒 左 戒 官 É. 左 于 間 姓 出 軍 吾 生 書 廳 右 嵩 H 不 片片 右 將 燕 言 嵩 虜 人 負 得 事 館 終 又 軍 疑 日 服 果 數 則 绺 移 妄 將 茶十 以 廣 不

功 詣 誣 天 將 此 文 軍 不 天 置 矣。 右 留 乃 據 語 雜 都 祭 不 子 軍 軝 亦 口 厚 案 也 詔 將 將 訴 境 將 0 遣 於是 自 得 遽 録 所 紙 相 坐, 付 軍 軍 辨 之, 諸 賣 罪 滅 幣 結 軍 度 使 E 慢 史 屬 果 賓 知 使 將 者 至 遂 虜 有 作 事下 伺 官 駡 官 元昊既失二 謀 决 者 贊 功 定 于 人 有 意 文 元 皆 已行 縦 全 引 於 終 得 講 書 本 元 虜 昊, 御 横 • 出 朝 使 是 之, 身。 於 爲 和 至 朝 帥 史 衣 者 之 面 + 因 有 版 吾 即 蔽 以 府 悼 急 抱 嘉 稱 出 策 還 欲 大 語 以 城 將 將 獻 熱 其 文 拜 野 祐 焉 弔 若 按 并 夫 府 軍 之 亢 垂 而 籍 久之, 間 利 元 E 始 驗 使 不 是。 多 以 野 成 不 9 年 有 天 西 如 知 鳬 者 以 述 利 歸 速 面 測 都, 師 心 古 將 始 其 鴈 聞 天 野 傳 失 己 決 人 既 内 軍 狀 子 悟 都 版 野 利 又 侍 報 無 也 平 附 之 不 古 爲 將 其 利 崩 死 遲 左

舉 秦 之 人 皆 能 道 之。 H 與 叔 文 集 後 念記

聞

》、《筆

談

截

Ęij

此

小

異

疑

當以

此

爲

Œ

初 洛 苑 副 使 》所 种 世 衡 在 青 澗 城 欲 遣 僧 Ŧ 嵩

若 得 趙 汝 元 7,考掠 昊境 爲 求 間 實 汝 召 與 不 之 勝 飲 痛 謂 當 以 實 告 虜

之。 邪 ? 嵩 乃縛 日 嵩 : 於 誓 庭 死 不言。」 丽 掠 之 世 數 衡 白 日 嵩 不 先 屈 試

世 衡 汝 真 口 也 時 元 旲 使 、妻之

兄 左 右 弟、寧令之 廂 兵 最 舅 用 野 事 利 世 旺 築 衡 及 使 剛 嵩 浪 爲 唛,分 民 服 將 齎

書 詣 旺 榮 且 遺 之 棗 及 畫 龜 旺 築 鎖 嵩

或 人 地 加 牢 先 中 耻 , 自 且 Ħ 半 歲 乃釋 所 嵩 會 囚 元 使 昊 欲 旺 築 復 遺 歸 邊 中

將 書 遣 教 練 使 李 文貴 送 嵩 還 曰 曏

者 种 洛 苑 書 意 欲 更 求 通 和 邪 ? 邊 將 送

朝 文 貴 旨 招 及 嵩 納 詣 元 昊 延 州 始 時 遣 文 龐 貴 公 往 爲 來 經 議 略 其 使 事 已 奉

> 除 班 借 職 記 聞

寶 嵩 爲 元 邊 中 患 党 項 种 犯 世 邊 衡 爲 有 將 明 珠 欲 族 以 首 計 領

擒

之。

聞

驍

悍

最

自 乃 極 其 擇 華 好 隨 者 擊 驍 焕 鼓 卒 密 併 數 使 乃 力 百 諜 造 擒 人, 者 之。」 戒之 馬 陽 賣 持 日 之 戰 日 : 鼓 人 羌 凡 明 酋 見 珠 銀 負 族 負 鼓 銀 之, 鼓 後 而

爲 出 謀 遂爲 主 守守 世 天 衡 都 所 擒 Ш 號 又元 天 都 昊之 大 王 臣 野 與 利 元 昊 常

乳 母 白 姥 有 隙 歲 除 日 野 利 引 兵 巡 邊

深 兀 昊 涉 疑 漢 之。 境 數宿 世 衡 白 嘗 姥 得 乘 蕃 間 酋 之 乃 子 瓣 蘇 其 吃 欲 曩 叛

厚 遇 之,聞 元 昊嘗 賜 野 利 寶 刀 而 吃 曩

父 得 幸 于 野 利 世 衡 因 使 吃 曩 竊 野 利

刀 ,許之以 緣 邊 職 任 錦 袍 直 金 帶 0 吃 曩

得 譜 死 刀 以 設 還 祭境 世 衡 乃 爲 唱 祭文 言 . 敘 野 歲 利 除 已 爲 白 相 姥 見

八 五.

H

八

六

之 卒 世 自 遂 元 但 銀 見 此 存 昊 器 歡 火 衡 賜 乃 計 光 君 數 所 千 野 録 謀 + 臣 人夜, 賜 餘 利 其 引 字。 猜 居 刀 兩 死 功 騎 貮 多 悉棄之。 0 乃 及 近 贈 元 野 以 火 當 灰 邊 是得 觀 利 至 燒 窺 時 爐 察 有 不能 紙 使。 覘 人 中 之, 虜 錢 大 未 見 人 乃 軍 又 功 甚 祭 筆 111 争 佯 識 0 談 知 文, 中 死 取 平夏 委 其 之。 盡 不 器 祭 己 所 明 之 燒 具, 以 \prod 賜 世 功 罪 盡 刀 得 而 衡 虜

E 荊 以 世 \Box 世 則 衡 誘 之 衡 衡 兵 公言於 法 邊 誘 有 可 教 則 人習兵 智 邊 省 人 誘 何 神宗 略 勇, 由 邊 4 習 能 得 邊 備 擇 兵 ; E 精 用 人 不 但 才 間 皆 ? 中 待 **** 武 人不 精 人 勞 知 臣 邊 者 密 皆 費 習 以 將 人 堪 則 口 兵 爲 而 爲 宿 擾, 難 以 自 唯 口 衛 如 得 爲 足。 只 有 此 此 使 若 之。 修 如 事 抗 要 亦 种 但 今 敵 如 須 -歲 如 # 口

> 者 習 又 H 所 此 害 寬 且. 不 不 誠 當 能詳 假 承 世 以 謂 兵。 材 過 所 當 倍 朝 易 數 之, 衡 加 兼 以 可 寬 於世 之 密 廷 先 獨 夷 能 得 條 不 假 勿 於 以 狄 E 勝 所 謹 則 拘 其 ,察則當 一衡 習 之 能 夷 就 小 也 以 以 餘 守 兵 矣。 所 以 最 狄 人 文 利 則 之 私 長 中 《王》 所 凡 因 法 道 爲 人 詳 或 也 急 使 今責 緣 之者衆 切 之,尚 不 禮樂 荆公日 密 彼 邊 者, 廢 要 口 乃 人 待 邊 法 是 若 撂 在 録 知 口 兼 能 **\$** 亂 將 使 略 舉人之 但 爲 習 則 夷 紀 如 而 邊 寬 則 兵, 其 自 此 狄 人 如 所 更 假 對 見 勸 所 所 乃 自 爲 今又 急 此 而 矣。 長 者 亦 邊 利 知 則 察 8

五朝名臣言行録卷第八

軍

節

度

使,

知并

州

復

爲

觀

文

殿

大學

士

,知青州

徙

定

州

召還京

師

以

太太子

八之一 丞相潁國龐莊敏公

略 轉 陜 使。 曹 進 密 史, 中 「, 知 副 安 運 西 士第,歷 開 門 使,進 撫 使, 體 景祐三年,爲 公名籍,字醇之,單 封 襄 量安撫 下 招 府判官 邑縣 改參知 平章 討 龍 黄 使。 擢 圖 州 事 使。 閣 政 元昊既 司 群 出爲 侍 學 事 理 罷 降 牧 御 <u>+</u> 參 拜 判官 知 知 史。 廣 州 軍 稱 知 樞 汝 鄆 東、 武 臣,召 州 延 密 州 元 殿 開 福建 成 除陝 昊反, 使, 州, 拜 中 封 人。 爲 侍 昭 進 兼 轉 府 德 樞 經 運 同 西 御 法 中

> 明道 於 章 耳。」司馬公撰《墓誌 公道輔嘗謂 垂簾 用,以徇民之急!」上深納其言。 下安得不以儉約爲師,奢靡爲 災、民憂轉死。 一,頗盛 風 春 惠 中,召人爲 太保致 儀制 太后 指 秋,左右欲以 於 陰 以 仕。 欲踵之臨朝,公奏 前 爲 人曰:「今之御史,多承 沮 殿中侍 日。 之用, 薨,年七 北 其謀。 奇巧 有耶 公上言: 御 獨 十六。 律,西 自媚,後苑 仁宗始專萬機。富 史。章獻太后 龐 君 燔 有 今 戒 天子 閤 拓 螽 門 中 重 珠玉之 跋 御 望 丞 一惜 所 螟 崩 孔 掌 要 史 或 爲 陛

未有美人敢稱教旨,干撓府政者。」上怒,旨,免工人市繇。公上言:「祖宗已來,爲開封判官,尚美人方有寵,遣宦者稱教

仍 察 治 使 抶 + 有 下 廣 范 傳 宦 則 又爲 詔 有 諷 南 宫 者 敗 喜 中 戒 詔 將 女 亂 切 天 放 之 置 行 利 責 風 下 獄 曠 命 事 俗 復 美 風 以 不 皆 奏 人 俗 將 覈 公屢 遵 言 毋 其 如 仍 禮 得 之, 墓誌 實 西 詔 奏 法 施 晉 囯. 其 獄 土 行 之季 狀 日 成 諸 大 官 龍 夫 不 不, 諷 荷 報 多 圖 府 坐 慕 口 不 閣 自 貶。 懲 不 會 效 學 今

慶 諸 諸 備 境 曆 有 戎 征 m 將 誨 落 壁 將 州 元 撫 莫 壘 欲 其 民 觀 年 民 心 敢 居 所 延, 出 察 以 多 危 不 兵, 使 短 寄 焚 懼 安 盡 告 不 公 掠 缺 止 馭 力 以 拜 公 必 幾 民 軍 帥 賞 出 至 召 家 盡 以 以 罰 延 間 輒 嚴 補 公爲 無 距 安 有 方 已 秋 郭 綻 戍 自 略 功。 而 之。 毫 茹 兵 無 五 必 漏 幾 取 敢 近 龍 是 行 其 犯 + 明 Ш 時 悉 聚 年 萬 民 之 所 亢 用 爲 由 者 敗 長 吴 寇 是 增 除

虜 僭 稱 爲 朝 彼益 之。 不 敵 於 福 臣 益 \blacksquare 逐 小 數 滋 邊 名 太 廷 或 野 盡 敢 遺 之, 厭 犯 驕 急 禮 還 奉 尉 利 口 公 兵 邊 偃 募 築 輒 不 於息 ,公以 方 詔 至 蹇 9 世 日 旺 欲 且 民 覆 + 以 : 不不 抑 文 是 築 可 赦 耕 敗 軍 日 太 公 民, 貴 召 止 遣 得 其 之, 口 虜 去。 元 城 殺 其 尉 1 尋 之, 其 臣 命 元元 與 不 吴之罪 驟 將 天 僭 Ħ 於 延安遂 以 牙校 公 遜 言 故 勝 自 昊 險 旺 復 旺 丽 子 而 地 從 方 未 果 要 榮 李文貴 築 僭 獨 E 書 先 稱 爲 公所 驕 敢 以 爲 等 肯 等 是,元 名 公 勿 其 不 虜 其 詔 樂 復 若 四 與 稱 臣 拒 理 近 所 喻 腹 非 書 士 書 臣 來,公留 遣 臣 爲 不 鄜 據 中 昊用 陪 稱 以 命 書 書 請 人 口 E 者 延 雖 會 逆 可 臣 旺 公 説 於 來 榮 自 仍 事 招 食 所 朝 順 公 間 朝 等 用 之 稱 恐 得 其 臣 之 悉 禍 懷 廷 或

用。 昊 若 禮 事 利 自 耳 抑 之, 敗其功, mi 兀 廷 能 子 寧 民 背 善 天 卒 乃 止 遣 知 事 或 是 子 遣 其 其 今名 誕 郎 之。 公 使 父猶 天 甚 之心 其 、義 不 僭 時 霄 日 以 子 者 一愁困 許 體 臣 謨 朝 來 上 旺 至 奉 日 亦 口 乃 賀 寧令 廷 書 未 築 尊 0 請 事 不 表 以 此 雖 留 從 方 願 父大 E 等 今其 决 無 君 非 更 以 屢 荆 勗 連 聽 修 然絶 又 嫌 歸 也 邊 不 來 戦 Ŧ 其 來, 宋 從 復 此 辭 請 議 帥 敢 使,數 得 臣 勗 涇 虜 禮 使從 叔 皇 乃 自 之。 忧 用 所 以 氣 輒 詣 父也 中 帝 原 寖 稱 敢 小 聞 敢 從 之官 闕 順 公 與 勗 如 導 公恐 或 外 0 男 知 而 之講 是 Ŀ 得 吧 致 事 更 從 猶 公 必 邦 忧 稱 至京 踰 H 和 選 於 虜 誠 奉 使 大 副 0 之。 中 面 議 年 使 市 謂 朝 或 有 表 猝 或 而 H 師 者 虜 之 改 稱 之 或 主 之 朝 雖 犯 狂 朮 不

> 心 往 E 稱 禮 至 未 乃 數 其 易 少 國 及 盈 許 求 以 厭 之。 白 詔 也 之物, ____ 日日 若 朝 抑 所 廷 當 之, 求 管從 力加 彼 不 必 違, 其 裁 稱 策 損 恐 臣 元 豺 必 0 狼 昊 不 凡 果 之 名 得

稱

臣

册

命

爲

夏

或

主

墓

誌

莊 公 费 又 使 罷 遣 毋 勝 故 之 敏 不 問 王 兵 以 疑 公 不 兩 用 向 而 二爲 不 延 爲 積 之, 其 以 人 來之積 所 乙 知 此 壽 功, 信 鄜 何 年 今 以 攻 與 來, 延 否 ? 他 歸 則 不 而 公日 人 招 費 公召 之朝 事 克 後 誠 口 皆 也 討 E 使 叛 信 。 。 。 。 。 。 之 使 日 田 盡 虜 會 延 目 也。 元 0 延 里 今 矣 兩 . 未 過 則 所 用 不 昊効 元 人, 故 以 元 延 兵 掠 兵 點 知 昊向 罷 爲 昊 可 數 問 0 虜 順 問 不 兵耳 然。 罷 數 公召召 延 歲 及 : 得 與 辦 壽 欺 還 君 歲 既 朝 竊 0 雖 來意 中 來 計 與 賜 李 狂 然 日 戰 M 或 諸 之 虜 議 果 屢 面 公 而 誠

是 之, 來 來 願 君 異李馬 還使者 H. 而 吾 不 書其 然 爲 知 且 將 耶 事來 《淡叢 遣 公曰 ? 而 還 不 ..! 召 ___ . 與 裨 兩 兩 知 軍 將 邪 令不 具 大 ? . 以 懼 口 叹 問 事 反 乃 書 聞 干 以 所 君 延 情 奏 公自 自 壽 告 止 事 何

元昊 戰 故 中 朔 F 六 父, 甲 中 、既効 或 子 屬 州 縣 封 或 今不 召 國 虜 之 或 + 地 」」

虜 所 或 號 順 六 地 且 皆 戰 失 使 朝 號 前 縣 五百 則 州 墳 有 易 議 ൬ 立 祖 聞 常 降 縣 墓 其 不 贵 彌 前 之, 肯 今未 所 制 年 可 則 丽 年 字。 不 在 豆 得 未 不 朝 謂 用 詩 決 耶 聞 必 廷 + 故 私 虜 欲 論 所 割 0 稱 年 號 使 既 賜 得 地 使 過 東 緻 而 若 求 自 藩 耳 日 與 延,公 報 朝 論 主 割 占 。公公日 臣 夷 皇 書 墳 欲 記 夷 狄 帝 墓 清 戰 华 狄 與 州 年 也 遠 所 堂 盗 頒 [] 用 爲 1

公在 既 軍 論 在 行 受 延 則 虜 出 州 封 中 使 塞 國多矣。」 治 歲 畏 則 州 禄 服 城 使 多 及 大 談 少, 使 諸 糧 叢 語 此 寨 於 塞 皆 則 敵 可 募 馬 公日 議 禁 芻 軍 皆 餘 爲 自 不 爾 足 IIX 主

文公爲 公曰 必 弊,在 不 之半 施 加 送 皆 願 昌 簡 數 〉驛乃. 吉 爲 爲 者 閲 :「今公私闲 相 於 農 盗 李 揀 多而 萬 龎 去。 賊 放 又 昭 公爲 餘 爲 皆省弓 亮 不 人。 上亦 民 精 尤 樞 竭 者 甚 衆 密 疑 故 六 刀, 皆言 議 之, 使, 上下遑遑,其故 或 萬 紛 用 餘 以 以 然 日 衣 木 人 問二公。 近 散 食 竭 以 減 世 之間 於 爲 於 養 其 官 不 是 兵 衣 閻, 久, 叮 非 大 之 糧

民,雖

以

子

爲

香

焚

之,

猶

不

足

報

也

0

追

≪墓

誌

遮道泣

日

「公用

兵

數

年

未

嘗

以

事

煩

之,還界其

直

民

無

飛

輓

之

勞。

及

民

陝西 是時 糧,歸 緣邊計 年五 Ė: 使,許 不 請 四 未免者 邊 爲 他 以 放 無 Ŧ 樂歸 儲 短 所 ,正由畜養冗 補禁軍 以 由 以 傅 五 所 文公爲執 爲 鄉 死 求日 由 小 蘇 以上 免 萬 尚 邊 懷 以 閶 貫 歲 農, 新 是 拉 當之。」既 息。 事 德 如是 間 以 保 費七十 萬 ,增數 陝 ,若短不及格 未可 稍 ●皇祐 二 餘 捷 政 爲 欺 何 必 萬 西之民 蘇 人,皆 凡三 ,龐公爲樞密 殿 相 爲 知 多 官 貫 聚 ,不宜減兵。 萬 前 兵太多故也。今不省去, 錢 萬 詐 者, 山 由 爲 悲 年, 後 果 M 養 都 五千餘 人。 四 欺 耳。」公乃言: 是 盗 涕恨 數 大 有 昭 指 指 詔 稍 賊。 保 如此?」上意乃決。 使 者 陝 年 抵皆 蘇 亮 聚 己不 揮 捷 東 人,皆 緣 西 , 2 皆 固執行之不疑。 爲 又 是 軒 使, 又云,停卒一旦 揀 E 邊 得 筆 盗 縮 奏 一歲邊 諸 閲 去。 歡呼 免 德 復 録 將, 諸 頭 :「兵人 賊 爲 用 奏 費凡減二 求 返 民。 軍 「兵人苟 者 争之尤 曲 及新 义《記 選 其 爲 日 膕 家。 議 廂 樞 一失衣 是歲 者紛 保 陜 聞 臣 揀 密 詐 軍 西 百 其 捷

> 公爲相,專以公忠 私交, 州 以 將 兩 。」卒不與言。《墓銘 府。」公曰:「兹事 行, 取 聲 上俾 譽。 公諭 端 便國家 明 之, 殿 出 爲 學 日 於上 事,不 土 程 戡 恩 公戡 以 還 更 臣 官 當 不 爵 知 敢 處 養

與

聞

廣 南用兵,皆受青節度。 以 源 〇此事詳 古 撫使討 青 清 蠻 一儂 必 以 見狄 能 侍從 之。 智高 辦 武襄公事 言 賊 文 反, 事 臣 詔 請 者 爲 中。 專 以 以 之副 以 樞 青 委之。 卒破智 密 武 副 人, 上 使狄 以訪 不足專 於是詔 高。 青 公、公 《墓 爲宣 任 領

近世臺官 求 以大藩處之。 領節度使, 「進用 上以問公,公曰: 太速,公舉 内侍省都 知 舊 王守忠侍上久, 制 「自宋興以 御 史 秩

⁰ 「求」,原 同 作「永」 據《凍 水記聞》卷四 改。 下一「求」字

短一下 同 前 有「小」字。

祭祀 兢 止 來 兢 畏 文物 由 有 敬 是 内 内 況 事 臣 外 祖 有 爲 怨疾 宗 毫 節 典 髮 頗 度 法, 嗣 多 使 於 者 又 《墓誌 宗 口 陛 隳 廟 者 邪 下 ? 至 未 孝 嘗 不 凡

始 非 利 怨 密 被 爲 文 酮 選 文、 平公自軍 用 忠 焉 者 謗 副 彦 富爲 實 萬 陛 臣 故 使 而 相 誠 下 無 博 若 出 未 何 交 如 所 相 百 拔 如 一,今當 富 徙 臣 足賢 卿 執 私 調 何 丽 自 并 丽 頃 言 大 譽 ? 用 但 ,過京 皆 以 以 龃 政, 也 之, 愈 之, 恶 陛 爲 之 云 公 文彦博 畏 朝 賢 之者毁之耳 得 冀 同 下 若 日 甚 帥 敬矣。 土 相 之 人, 其 在 謁 副 大夫未 爵 也 以 進 中 猶 E 謂 天 公議 禄 用 書, 是 多私,至於 公 富 下 臣 始平 樹 日 之 詳 皆 弼 時 而 有 概 私 望 與 -公曰 頃 況 知 朝 上 恩 之 爲 有 前 其 廷 朕 新 爲 則 者 富 則 樞 所 上 高 所 新 用

> 若以 疑之, 則 深 向 日 當信之 之 察 譽 一人之言進之,未 也 卿言 臣恐太平之功 者 堅,任之久,然後 且 是也。」《記聞 將 陛 轉 下 而 既 爲 知 謗 未 幾 矣。 臣 易 又 之 可 以 可 此 以 賢 致 一人之言 陛 責 而 下 也。」上 成 用 所 功。 宜

至 雖 和 室之宜 然太子不豫建, 口 日 塞矣。 冒 「太子 年, 萬 爲 死 以 臣 嗣 而 ,天下本。 災 不 歷 者 異詔 悔 位 蚤 ,使四 也。」上 將 決 中 之, 相 方 外 今陛 無 禹 恐 群 咸 . Е 所 先 情 ni i 下 撰 係心。 犬 既 春 得 神 馬 安 失、公 道 秋 碑 無 固 則 願 以 方 擇宗 密 報 里 疏

虜 盗 定 通 公 與 判 又 其 耕 和 并 戒 爲 地 屈 毋 野 州 市 既 司 得 河 輒 田 馬 面 虜 舉 召 光詣 人 朝 師 怨 虜 廷 人不 恐益 产 之, 州 之, 日 至,公遂 復 與 夜 侵邊 虜 知 聚 且 州 兵 去, 武 ?禁邊 遣 境 戡 公命 使 毋 更

之。 光。」公聞 度使,復爲 等行視 虜 恩、 司 至 事 恩、道元皆 也 耕 送道 馬 ,戡 故 忽里堆 走馬承受公事黄道 光上 今戡等輕 己 地 乃 堡 mj 元 請 欲 虜兵 地 歸 書 光 築二 觀文殿 戰 亦 還 日 出 因 詔 没 上 出 輒 小公 : 其不意 堡于 爲 御 奏自 復聚, 而 大學士, 史鞠 虜 擅 雖 師 戡 屈 所 咎。 傷 議 許 僅 以 野 元 管 掩 之, 築 之, 擎之。 或 以 之 乃 勾 。」公坐是 皆 知青 堡, 乃言 威 身 西 與 鹏 IIII 不 重 免 臣 堡 州 戡 府 使 報 會伏 光 罪 擅 實 兵 虜 未 麗 實 與 率 在 於 馬 未 不 神 幾 是 兵 節 戡 臣 陳 郭 築 敢 道

知定 謂 注 必待筋力不支,明主 公 州 意方厚, 請 今 老, 精 何 召還 遽 力 引 克 京 壯, 去若此 師 一厭棄 年 公 少 之堅?」公曰 陳 ,然後乃去,是 所 請 不 不 及, 己。 主 上 或

碑

手 不 疏 得 E 十餘 ,豈止足之 通 朝 廷 謂 不 耶 能 ? 奪 凡 0 F Ŧi. 表 年 者 九, 以

公好學出 苟 其 唯 惰容。 常 太子 終無怨心。 處 刳 畏 以 以 心 、勞苦, 磔, 治 繩 平心 自 可 ,使皆完美。 莊 《墓 取 太保 墨 軍 色 娱,至忘 或 一,豈得 處之。 雏 差嚴, 其 以 於天性 至 累答 爲 致 誨 於 文 遇 仕 治, 之。 有 飢 書 廬 取 自 僚 常日 故 斃,軍 舍 犯 渴 I 特 貴 以愛 雖耋老家居 已 屬 閨 墓 飲 輒 寒暑 所至士卒望 謙 誌 :「凡爲 門 食, 以 重 民 恭 中 立爲 燕 便 爲主 亂 和易, 無 股 居, 宜 子 栗。 不 更易, 天子 大臣 從 弟 ,常讀書 人不 盡 明 有 風 事 雖愛之甚 然 心 練法 聳 一,尤宜 所 法耶? 見其有 無 爲 能 或 畏, 鍋 愛吝 之 斷 賦 察 品 祇 而 知 斬

之二 樞 密 使 狄 武 襄

盗 徽 擢 副 都 兵,出 隸 判 南 陳 賊 樞 都 總 軍 管 院 指 州 事 密 籍 公名青, 補 使 副 揮 延 經 選 薨, 使。 使 官 賊 州 略 爲 平 撫 字漢 年 以 指 招 散 皇 荆 彰 使, 五 拜 討 祐 直。 湖 + 臣 化 樞 副 以 中, 南 軍 使。 密 功 汾 寶 北 儂 節 使。 累 州 元 路 智 度 遷 西 初 高 使 爲 以 經 涇 河 反 知 使 制 陜 馬 原 人 延 以 路 相 西 廣 步 州 南 出 宣 軍 副 用 小

公風 數 指 叛 游 歲 使 骨 河 京 間 奇 師 西 延 偉 遂 大 帥 兵 善 小 知 補 出 拱 公 騎 數 敢 聖 + 射 無 里 籍 Ŧi. 行 功 中。 戰 故 間 公自 俠 常 捕 寶 使 少多從之。 虜 元之初,元 散 當 萬 直 賊 有餘 爲 鋒 延 獲 凡 昊 州 初

> 被髮出 計。 形 識 闚 積 馬 五 其 》〇又《東 以 邊 林 聚 牛 面 進, 數 嘗 羊 人行陣 新 五 遂令圖 上欲 萬 破 橐 寨、 千 **齋記** 繇 馳 賊 間 是 七 廬 大郎 形 召 金 事 鎧 凡 以 天下 百 舍 見公,會寇 × ... 湯 進 八 仗符 數 堡 中 城 箭。 狄 又 知 皆皆 干 遂 印 青 公名。 城 累 與 扼 略 收 橋 車 功 西 薄 賊 其 宥 至 賊 子 輜 平涼 招 要 州 戰 帳 E 谷 器 計 害 之境 禹 二千 每 副 物 築招 E 使 帶 使 因 以 撰 銅 丽 《神 不 命 燔 數 面 上未 白 具 能 圖 其 萬 道

青 寶 旗 軍 在 全 鉦 陣 元 何 中 軍 遇 中 郊ぐ 聲 徑 虎 原 盡 寇 党 則 翼 趨 捨 多 嘗 項 爲 軍,使 止 北 弓 犯 以 再 弩,皆 虎 寡 塞 聲 之 翼 狄 當 , 時 則 出 青 所 衆 執 嚴 破 新 戰 爲 短 度 虜 募 陣 將 殆 兵。 萬 必 丽 無 望 勝 以 陽 遺 密 其 H 奇 軍 却 類 旗 盡 勝 鉦 軍 ,易之, 未 取 習 筆 預 中 萬 止 聞 戒 勝 戰

計 却 勇 敵 則 前 突 ? o 也 大 未 虜 呼 時 接 筆 面 虜 戰 虜 談 大 突 兵 人 遽 笑, 之。 謂 大 聲 青 亂 相 鉦 + 爲 謂 相 卒 土 天 曰 蹂 卒 皆 使 . 踐 皆 如 死 孰 止 其 者 鉦 , 謂 教 再 聲 狄 不 止 天 纔 口 勝 使 皆 忽 遇

狄 謀? 青 不 加 示 處 奮 虜 擊 擊 重 忽 戍 然 果 涇 雍 不 臨 軍 萬 青 遇 原 Ė 奔 可 深 ----遽 H 111 悔 落 澗 大 鳴 踊 嘗 其 不 勝 之 將 鉦 止 術 知 虜 與 殘 佐 止 其 中 虜 之, 皆 寇 忽 前 戰 筆 存 悔 不 11-談 虜 必 È 大 不 足 而 遇 得 勝 不 擊 利 拒 險 引 口 我 追 得 去 士 知 青 奔 之 安 卒 獨 數 皆 寧 驗 無 知 日 里 非 其 所 欲 悔

廣 連 源 民 破 州 縦 邕 蠻 掠 儂 賓 智 東 等 高 南 七 以 大 州 其 駭 衆 至 叛 廣 朝 州 乘 廷 南 遣 所 方 驍 至 無 將 殺 備 張 吏

矣 摽 靖 陣 耳 之 摧 忠 知 六 川 問 問 重 而 爲 0 。 偕 爲 七 0 牌 已 之 之, 宣 無 陷 又 所 勢 蔣 所 敗 誉 見 日 摽 撫 初 功 以 殆 方 青 偕 必 爲 衛 馳 賞 使 又 賊 然 爲 牌 不 但 廼 張 馳 不 紛 至 恐 仁. 遣 方 口 罰 率 驛 故 帳 忠 得 日 則 步 亂 宗 廣 楊 賊 略 當, 衆 討 中 士 不 : 見 疾 兵 憂之, 州 畋 蔣 見 者 比 之, 不 擊 卒 明 驅 之。 悉 也 如 偕 青 能 皆 未 之。 孫 使 青 者 甫 爲 今當 何 之 自 望 來 遂 嘗 沔 當 戰 公 初 軍 賊 ? 至 往 振 拊 翰 遣 風 騎 亮 不 制 余 所 以 7/ 又 樞 則 退 林 士 青 肯 率 又 兵 靖 軍 不 虜 謂 偕 走 卒 學 皆 而 密 Ħ 問 立 日 招 則 制 等 所 孫 土 爲 副 0 É 楊 立 . 撫 不 所 遣 沔 公 曾 智 M 明 又 使 畋 行 京 能 此 忠 居 賊 者 自 公 皆 高 大 賞 亮 狄 伍 師 受 臨 易 官 不 施 之 罰 余 廣 亮 古 久 所

者 者 忧 青 若 曜 非 私 功 人 有 州 沔 口 請 往 此 獨 也 人 . 之 以 引 因 託 朝 沔 之言 其 於 言 君 徒 而 知 之 貴 君 所 望 遂 廷 所 所 是 君 告 皆 也 不 事 自 欲 近 至 固 稱 有 與 辟 聞 其 乎 能 之。 急 從 從 求 州 已 君 疾 除 行 厚 取 者 思 擊 矣 青 者 之 從 薄 觀 輒 歸 賞 大 遠 之, 賊 荷 皆青 行 然 廼 望, 親 休 矣 青 無 駭 近 欲 青 從 智 朱 賴 + 願 戚 則 此 行 不 莫 之 青 無 行 高 從 不 及 行 交 軍 ___ 青 者 欲 敢 不 素 道 行 復 者 之 小 敢 則 中 H 游 之所 有 進 嗟 寇, 青 所 敢 土 0 之 不 即 法 皆 鄭 所 率 異 與 爲 延 至 奏 士 重 求 青 至 避 紛 青 能 衆 求 以 之 潭 見 取 遣 也 之 免 擊 之 既 爲 幸 日 從 歐 請 州 君 受 青 皆 賊 青 所 不 謂 不 至 口 何 邀 陽 矣 行 也 命 敢 遂 求 有 调 用 行 以 必 潭 求 乾

闡 所 是 按 州 蘇 之 皆 嘗 是 栅 所 見 是 軍 於 V. 時 於於 未 知 據 將 青 軍 青 諸 闡 絾 人 荷 行 悉 智 法 桂 者 精 聲 至 與 軍 司 有 鍤 伍 乃 是 召 所 高 斬 使 州 鋭 賊 肅 奪 贏 陳 諸 下 無 軍 居 明 還 崇 青 伙 戰 逆 糧 與 不 **\$** 將 列 中 四 約 守 儀 人, 每 旅 裨 即 無 屢 布 束 賓 復 怕 邕 人 唯 持 使 止 菜 無 校 時 敢 敗 左 陳 州 蘇 州 人 敗 陳 守 郵 軍 凡 得 出 人 右 兵 屢 絾 奮 某 具 走 禦 驛 把 行 ___ 聲 通 走 五 在 勵 之 如 彀 懼 + 者 守 知 11 得 氣 兀 某 日 常 備 崑 皆 弓 皆 英 衛 其 妄 有 斬 所 面 萬 糧 崙 人 時 弩 州 以 其 出 成 野 死 皆 嚴 之 餘 使 供 嚴 爲 鍋 人。 行 宿 休 戰 皆 有 數 兵 以 人 青 械 常 皆 備 險 之心。 列 士 其 數 品 行 徇 方 每 至 0 呃 庫 成 而 卒 罪 重 處 使 門 至 求 未 於 至

豊 擊 青 辭 所 駐 中 賊 遁 靡 據 賊 來 此 夜 已 賊 特 急 諜 約 料 縱 方 不 坡 時 葛 軍 賊 相 吾 無 覺 可 蕃 麾 E 度 知 而 之 懷 來 能 枕 士 青 得 青 崑 時 慮 軍 不 落 籍 標 我 逆 敏 又 所 爲 先 坐 見 崙 進 爲 明 之 馬 戰 軍 從 牌 與 死 以 忧 與 堂 備 闊 武 標 薄 於 李 雖 出 馬 軍 人 户 公亮言「 0 F 牌 之, 歸 人 元 占 既 賊 爲 X 其 彼 -之上 是 不 崛 出 仁. 度 昊 之 遂 皆 鐵 馬 謂 不 裨 夜 能 鋪 賊 戰 起 名 大 意 夜 殊 連 軍 將 喜 大 立 當 者 論 後 半 敗 於 將 枷 所 死 青 也 孫 風 日 騎 軍 數 , 擊 乎 衝 廣 戰 風 登 節 B 至 . 智 兵 何 制 干 之, 突, 己 Ш 高 雨 中 是 高 青 以 賊 里之 先 望 近 明 流 皆 前 方 皆 遂 吾 懷 果 加 不 率 賞 是 之, 邕 矢 焚 皆 後 廖 如 不 衆 敏 此 不 知 外 州 死 能 合 青 曆 其 城 賊 敗 ? 披 敢 守 半

> 敗 棄 是 死 賞 其 時 而 將 罰 以 諸 權 不 不 校 肯 行 宜 멢 招 死 土 納 戰 卒 翰 占 既 林 故 許 學 敗 青 不 多 云 死 蔡 竄 自 襄 自 山 亦 廣 此 谷 H 川 軍 間 之 聞 多

於青者

如

此

南

豐

雜

識

初 是 副 能 輕 爲 制 南 日 樞密 狄 之副 之, 院 . 循 制 廣 偏 青 南 使 覆 也 屬 彼 武 副 裨 0 0 車 東 者 荆 視 使 0 人 E 之 西 湖 狄 青 今 人 E 以 路 軌 不 青 青 南 自 如 師 訪 足 賊 也 自 北 起 無 用 所 執 專 盜 路 請 於 以 政 事 任 青 青 遇 行 擊 官 屢 之 素 賊 智 伍 時 撫 固 敗 諫 名 號 或 龐 使、 高 請 若 官 善 **\$** 進 籍 皆 以 都 以 以 韓 戰,今以 復 或 獨 由 侍 侍 青 大 絡 不 退 爲 大 從 從 提 爲 得 相 將 之 文 言 力 舉 宣 行 臣 不 權 對 臣 經 徽

●「制一下、《涑水記聞》卷一三有「故」字。

九

八

械 不 给 邕 智 於 之, 城 撫 月 陷 則 賊 居 興 下 府 驛 使 輜 0 進 高 是 轄 州 賓 臣 未 之有 與 將 狄 使青先 將 麾下 重 陳 將 詔 幸 州 孫 大 某 見其 青 監 甚 + 某 至 至, 嶺 陛 兵 沔 敗 至 靖 押 荆 衆 討 , 將 等議 南 下 棄 沉 争 湖 以 涯 引 亦 湖 月 遁 萬 賊 用 勿 其 勇 先 ,不可不畏 南 威 兵 走 交 歸 兵皆 1 X 之。 以 有 若 城 江 出 立 齊 趾 諸 擊 申 爲 死 及芻 智略,若專以智 又 功。 衆 南 智 E 受青節 道 智 揚言 時 朔 者 憂 不 皆 高 德 兵皆 高 余 然後 糧 也 勝 余靖 智 復 可 0 政 靖 干 邀 2 請 憂 高 走保 度, 不 爲 會 軍 用 賊 餘 Ŀ 青昔 遣 龃 邕 出 矣 惟 于 七 之, 處 日 兵二 某 諸 留 廣 州 邕 嶺 賓 寨 置 在 . 戰 將 監 必 禍 棄 高 南 南 民 州 鄜 萬 闡 逗 + 智 能 捐 於 善 押 事 難 西 非 延 助 器 遛 路 高 0 金 盲 守 罪 辦 委 之 陛

> 之。 嚴 糧 己 燈 饋 月 下 西 交 收 舍 7,青至 西 憚 運 高 邊 趾 智 數 人文臣 狄 諸 未 會。 智高 蕃 兵。」 高 某 其 每 至 落 將 之 青 議 賓 敗 狄 先 青 聞 Ţ 廣 失 股 悉 事 州 軍 青 是 之, 軍 未 律 栗 集 初 鋭 9 之 奏 各執 旅 余靖、 諸 將佐 令備 由 近 詔 罪 : 之責, 亦 莫 將 是 交 靖 所 官 敢 於幕 并 視 懈 Ŧ 五 陳 趾 見 節 軍 仰 其 惰 軍 H 非 某 騎 毋 制 自 府 糧 視 喧 帥 不 校 所 皆 與 出 之 足 争 數 如 爲 任 立 來 俱。 兵。 既 罪 備 辨 不 僚 余 + 也 陳 ___ 迎 又 用 寀 賊 靖 人 某 青 備 青 上 五 謁 其 皆 於 起 於 年 + 無 又 無 元 命 請 是 拜 斬 庭 張 日 時 所 正 用

2

⁰ 涑 水 記 闡 作 慎 此 應 爲 避 孝 宗

某 同 前 書作「 「曙」, 本段内下 同 此 應 爲 避 英宗 諱

之,槍、 以 翼 城 獲 者 槍 卒 險 勒 追 驟 不 兵 出 騎 ()俟其 爲 其 高 遺 居 之,營其 利 出 崑 勝 兵 居 出 兵 侍 青 前 奔 官 前 戰 崙 mi 而 裨 V 長 輕 利 郎 登 關 大 軍 死 進 將 如 匿 官 兵 槍之 羸 平 黄 高 直 戊 理 且 束 于 城 騎 弱 疲 軍 將 地 步 丘 午, 帥 進 振 續 食 下 趣 悉 兵 後 騎 卒 執 捷 宓 不 宜 追 攻 其 盡 • 於 在 相 畏 軍 等。 書 之, 用 遣 五 夜 城 其 後 遇 萬 青 大 斷 擊之無 棄 兵 其 至 色旗 後 於 敗,殺 過 誉 令嚴 鑪 城 言。 智 守 智 歸 蠻 E 或 中 田 走 高 軍 崑 高 喜 其 使 驚 麾 仁 説 州 不 爲 青 一崙 走 獲三 聞 力 前 騎 驍 鋪 勝 謂 呼 儂 明 還 倍道 不 之, 開 戰 鋒 勇 者。」 龐 兵 智 千餘 日 及 城 蠻 旋 莫 者 青 爲 孫 狼 籍 勿 高 兼 而 聞 青 官 智 丽 左 節 執 使 敢 使 狽 E 行 軍 人 擊 右 退 戰 步 發 長 度 0

> 比 青 賞 『朕欲 事 爲 非 中 使 太 萬 功 嶺 大 徒 過 0 更立 以 緡 相 也 8 致 籍 南 70 將 便 此 而 位 安肯 是 今幸 以 日 非 於 狄青還 軍 官 己。 功, 卿 復 卿 ,封 或 「昔曹彬 府 復 爲 使 則 執 丽 將 今青雖 體 侯 使 爲 青 富 議 立 以 衆 立 朕 相 L 貴 之堅 亦 得 功 何 論 功, 然 欲 盡 9 爲 罪 極 平 官 有 紛 論 以 死 江 青 矣, 今外 漢 於 功 賞 然, 不 者 爲 力 南 衆 武 謀 之? 異 能 方 未 耶 樞 爲 太 帝 也 敵 人 H 息 若 平 ?」賜 密 也 或 尚 重 祖 復 彬之大,若 使、 且 昔 若 朝 **今** 封 多 謂 有 青 , 其 衛 未 臣 錢 日 又 同 之 寇 起 賞 子 青 有 平 皆 所 卿 爲 之 + 爲 己 此 軍 音 卿

^{■「}長」字、原缺、據《涑水記聞》卷一三

[「]外」字、原缺、據同前書補。

[「]爲」,同前書作「謂」。

諸 子。 復 青 侯 爲 子 護 争 青 官 陛 或 之 訟 軍 下 累 既 節 功 若 日 於 丽 度 謂 中 議 使 賞 上 者 書。 乃 功 樞 多 許之。 未 密 謂 五 副 虚 月 青 使 賞 Z 宜 二月癸 如 巳 薄 更官 故 竟 石 未, 其 以 仍 全 青 彬 遷 諸 加

狄

爲

楅

密

使。

記

行 青 儂 乃 奪 未 少 内 次 徹 州 率 出 智 崑 服 敢 曉 夜 久之, 宣 值 帳 高 以爲常。 崙 退 樂 燕 撫 也 受 上元節 乃 矣。 次 從 廣 衙 白 使 出 忽 軍 西 罷 過 夜 **筆** 及頓軍 桂 有 數數 命諸 人 官 時 ,令大張 林 談 諭 馳 鼓 使 儂 將 即 \bigvee 報 孫 崑崙關 時 智 坐 以 夜)又《東 者 辨 元 勸 高 飲 色 饗 <u>二</u> 乙 規 青 燈 酒 ŀ, 勞 守崑崙 時 軒 軍 燭 · 令 忽 先鋒 是 座 翊 筆 巵, 校 首 稱 録 H 夜 暫 客 行 小 ×. 疾 將 開銅 主 夜 先鋒 餐 首 度關 鼓 青一 席 燕 然 至 暫 狄 夜 既 青 將 曉, 青 行 後 起 樂 至賓 晨 行, 之征 中 酒 佐 起 已 如 飲 軍 青

公入邕 候至 遽人 諸將 同 先鋒 帳 H 詣 州 度 周 帳 嗣 視 立 官 獲 矣 甚 徽 則 久, 金 傳 不 0 貝 語 知 面 此 諸 青 青 巨 (事二書 官 所 尚 萬 在 請 未 坐。 畜 渦 不 諸 同 關 數 將 喫 殆 未 方 Ŧ 食。」 至 知 相 Ħ 孰 顧 一方知 悉分 高 是 驚 愕 親 青 俄 吏 戲 E 疑 微 有 之, 服

E, 多 領寇 青 大 亦 敢 其 城 賊 不從 處 、卒爲名將 之用兵,主 M (傍 欺 往 北 所 獲 也 往 賊 朝 俘 或或 公 户 免。 以 大敗 帥 廷 日 豞, **農智** 謂 有 言 天下 勝 趨 耶 . 皆 衣 智 此 譬 利 高 ?:」《神 而 皆罪 乘勢, 金 青 安 如 己, 慰 兵 高 之所 弈棋 敗 龍 知 遣 青 不求奇功,故 已 奔邕 之衣 不人 道 入不測之城 之。 其 戒 死 碑》〇又《筆 也。 州 非 勝 邕 亂 其下 者, 敵 州 詐 斂 翩 兵 脱 ηĴ 利 積 又 未 中 非 皆 止 IIII 智 嘗 P 得 欲 談》云: 矣 能 寧 大 高 大敗 當 爲 戒 窮 金 然 將 於 失 其 京 乃青之過 猶 事。 呗 龍 垂 窟 智 計 狄 攻 死 作 觀 穴, 楯 撃 青 功 智 高 於 于 奏 然 不 最 高

狄青爲樞密使,是時予爲諫官,人有相語童

記事 子 忍 此 謡 面 應之 爲 歌 有 般 云 爲 只只 刺 . 0 日 是人作也,爲 字, 在 適 漢 汾 以 不肯 似 此 河 啓 胡 唐][君 滅 兒 太宗 子 臣 去, 胡 不 畔 疑 似 疑矣。 殺 又 心 漢 以 李 姓 耳。」范蜀 君 爲 狄 改 羡 欲予言之。 青 爲 頭 汾 事 换 公《東 漢 河 上安 面 總 齊

其

公器度深遠。 其 招 益 奇 士 公於交遊,在亡 古今,匹夫之勇,不足爲也。」公於是晚 秋》授公曰 今,常稱 在 之日 討 喜 范文正公之爲 安 涇 書史,既 原 撫 公 也 使 此 「熟此 日 今相 國器 事 明 起 :「古之名 不渝 居 見 洙 西 國韓 也。」文 舍 時 口 有 帥 事 人 以 文 也, 公、故資 師 尹 成 斷 武 將 E 皆 魯後以貶死、公 洙 敗,尤好節 大事 才 嘗 隸 與公 無 略 以 其 政 以 泛左 節 殿 同 博 過 將 下 也。 大 經 通 不 氏 古 節 學 春 咸 略 知

> 徙 行 厚 毒 不 養 孝,遭父喪,雖衽 庭 水 至 以 遂 卹 母尤篤, 真 中 治 其 邕,會 定, 燕 兵 孤 故 飲者 道 事 瘴 征 老於纛 如 過 聞, 多 霧 至 南之日, 懼遺 故 之氣 死。 親 第云 鄉 金革之事,而 下, 焉。 謁 香 忽 奉 里中 縣 余襄公撰《墓 鬱 使 9 夕 中 江 先 築之。 其憂, 泉 人,或 表 下 哀 湧 車 而 誌 于 戚過人。 戒内 趨 謂 己。 公事親 郊 賊 至 外 始 **\$** 汲 流

狄 公之南征 青作 焉 讓 之政,公實專之。 孫 易性素疎計 公裁處。 真定 一,今觀 副 帥 文孫公沔 談者嘉其謙 嘗 ,時優人 至于 宴 公, 南 與 八以儒 夏經 公偕行,其軍 惟 挹。 劉 久之制 《墓誌 爲 易 戲 先 易勃 生 多 中 與

●「人有相語童謡云」、《東齋記事》卷三句作「人有相侵

之甘

洌

遂

濟

其衆。

《神

道

碑

造 别 然 自 口 録 劉 若 · 至 謂 易 不 擲 謝 11> 樽 黥 公於 動 俎 卒 以 敢 笑語 是 起 如 時 此 益 公是 Ē ! 温 知 其 時 詬 次 有 觀 置 量 日 武 武 襄 襄 武 韓 襄 不 氣 首 殊 絶 E

陝 易 之,易 發 求 不 魯 帥 易 間 西 於 得之 怒洗 平 善 也 豪 遇 韓 内 涼 作 士 之 不能堪 魏 郡 去。 劉 聞 即 亦 延 公宣 見 易 叫 魏公爲 厚 易 録 魏公欣 多 後 怒 府 撫 方 遊 每 無 第 設 每 邊 五 燕 禮 書 燕 尊 然 常 路 · 喜 集 石 設 禮 饌 再 邊 談 薦 終 之。 書不 易 城 或 兵。 之, 日 時 喜 不 無 唯 狄 稱 憚。 賜 食 之, 可 寶 武 狄 以 書 處 其 元 公 狄 此 襄 尹 馬 士 意 善 菜 公爲 代 康 師 號 定 制 陷 師 魯 則

狄 武 樞 密 襄 公 爲 或 告 范 以 文 當 IE 推 韓 狄 忠 梁 獻 公爲 諸 公 遠 所 祖 知 武 後 襄 位

> 禮 耳。 宗喻青 青謝 持梁公 拜 間 公哉 比 愧 之郭 待 字 于 謝 願 之 其子 廟 使去其 留 書 崇 日 則 一《筆 廷之下 以 像及告 韜 日 弟。 視 哭子 湟 . 青 軍 談 時 中, 身 青 儀 遭 出 ,, 青 其異 + 之墓 際 不 指 田 雖 餘 敢 其 狄 安 拜 通 家 貴 於 奉 青 面 敢 青 夫 不不 詣 詔 爲 日 人 白附梁 所得 少 人 樞 青 如 忘 獻之, 每 密 爲 甚 多矣。 臣 此 使, 公? 本 兵 恭 至 所 以 以 有 也 韓 , 至 安 以 厚 謂 聞 或 狄 公家 此 梁公之 青 贈 見 郎君 敢 勸 或 者 之 而 録 İ 去 祖 遠 還 以 之 必 之。 祖 梁 是

京 師 盛 開 報 爲 中 凡 傳 中 樞 夕 封 有 火 密 之後故 狄 知 醮 禁 夕 相 使。 祭 府 甚 驟 公家 者 嚴 到 有 也。 必必 將 宅 火 有 夕夜 先 則 光, 夜 光 至 嗣 火 分 怪 和 醮 探 滅 廂 燭 卒 即 嘉 久 吏 加 天者 馳 滅 矣 祐 旬 白 燭 當 其 間 廂 翊 時 故 焚 主 日 偶 劉 狄 楮 士 敞 又 失 都 武 幣 庶 告 爲 報 F 襄 家 在

微 乞陳 此 失火 出 爲 知 昔朱全忠居午溝 坦,青 辨 乎 制 ·士必指以 之者。 ? 州 而往救 許 去而 遂 聞 滅 売 語 《東軒筆録》〇 相誇。 之, 云。 ,則無之。 於 喧 語 鎮 於 青 夜, 權 縉 家嘗有犬生角。 ൬ 知 紳間)或云: 今日之異 夜醮 光怪 開 封 青在 之事 狄 出 府 不自安, 屋 樞 王 又時彗出 行得 府四 竟 鄰 素 無 無 里 年 日 遽 謂 類 紫 每

八之三 參政吴正肅公

計 年 進 爲 知 樞 太 土 拜 進 密 常 甲 公名育, 樞 翰 副 禮 科 密副 林 使, 院 舉 學 字春 使,數月 出 賢 改 士 典 良 一, 知 右 卿 數 方 正 開 沙改 州 正 言 建 封 州 多知 通 供 召 府 浦 判 職 0 爲 城 蘇 政事, • 翰林 慶 州 曆 知 侍 制 還 中 復 五

> 還 讀 河 路經略安撫使, 集 一判尚 八賢 南。 學 土 院 薨 辭 學 書都省 年 士 疾 判 五 請 十五 郡 西 以疾 除宣徽 得 京 留 辭 汝州 司 改 南 御 會 知 院 史 使,鄜 河 疾甚 臺 中 徙 以 延 召

公爲 誌》 可,守不發, 人明 敏 勁 已 果 發, 强 莫能 學博辨,能 屈 奪 自 歐 付 陽 公撰 度, 不

公爲 公輒 縣 思 敢 縣者,不 也。」由是皆 者 之。 政簡 縦 無 獵 不 虚 應。 知 嚴, · 敢以 襄 日 其 所 或夜 城 曰:「此 及 治 鷹 至 縣 旦,徐 開 犬 民 9 封 宗 犯 半 樂 府, 民 不可爲也。」凡 叫 室 其 告日 田 宦 縣 不 尤 門 官 擾 先豪 至它境, 往 牛 索 去 來 4 猾 雖 不 駕 9 久, 然後 過 可 冢 日 其 得 调 愈

●「供職」、《宋史》卷二九一《吳育傳》作「供諫職」。

墓 吾何 一誌 有 以 及 斯 去其 爲 害者 mj 己!

元昊初 其已 取 叛 以 師 荒 羞 謂 而 層 遣 忽 種 群 名 不常 元 使 落。 臣 號 E 昊雖 争言 書, 誇其 宜 第 可 有 示 名 因 堅 以 不 人, 蕃 之 子 不足責 順 臣 賜 勢 可 語 9 號 必 而 即 朝 若 實 不能自削, 誅 外外 廷 夷 滅 或 置之。 哌 狄 主 命 其 獨 將 者, 以 目 服 出 公

始 其 時 子 H 悔 爲 後 方 故 不 除 師 鋭 事 用 其 久 意 也。 公言, 罪 無 於 **卒** 彼 功 心 得 討 而 以 而 其 虚 爲 元 故 欲 弊 昊 夏 皆 中 國 宜 亦 以 或。 主。 不肯 歸 公言 過 草 妄 自 由 誌》。 爲不 是 動 新 議 义《龍 天 然 者

> 問 年, 既 備 深害矣。」奏人, 而 ,使年 力 世 和 盡 万 以 事 - 歲之間 求 和 春卿之言爲 絶, ,歲 元昊 鄧 ,戰守之計 增 公笑曰: 賂 入寇, 所至如 温,仍 立 「人言吴舍人心 改名「兀 ,則元昊雖欲 人無 卒 人之境 妄作 朝 風 廷 果 示 竟 後數 然。 亦 能 爲

公嘗與 因 早,賈丞相 多公直 公論 範》言「大臣 顧 「并罷: 力 貢 不 辨 公。 乃 能 派 不 勝 己 相 復以 《墓誌 罷 争 廷 矣。 既 去 事 争 爲 而 上 爲 御 願 樞 日 前 不 史 罷 密 肅 中 臣 殿 副 臣 丞高 職 使。 中 故 所 人 雨 不 争 若 皆恐 居 敢 不 者 訥 歲 時 争 用 餘 職 色 若 上 變, 也 洪

公知 捕 簡 妖 蔡州 其 者 賊 聚 法,民便安之,盗 + 人,使 確 ,蔡故多盜 Ш 者,上 者 欲 遣 ,公按令爲民 得 中 賊 兵 ·貴 爲 自 人 息。 馳 往 至蔡 取 京 y 之。 伍 師 保 有 公 名 告 而

憂。

旲

春

卿

時

爲諫

官

E

言

夷

狄

不

識

禮

義

宜

勿

與

絶

和

間

罪

時

西

邊

施

備

己

久,

人不

知

兵

0

識

者

以

爲

]]]

志》云:

寶

亢

初,

龙

吴慢書

始

闡

張

鄧

公爲

相

凯

議

較

,許其所

求

彼

將

無

詞

舉動

然後

陰

勑

邊

臣,密

修

戰

之飲 師 爾, 也 知 在 也 E 0 ,告者果伏 ? 此 ? 酒 此不 」使 雖 弓手召 使信 使者欲 不 者 而 過 敏 密 日 有之,今以 鄉 : 之可 辜。 藉 遣 然 人 兵立 人 欲 聚 相 致 墓 召 得 千 聚 威、欲 計 也 十人 妖 人 兵 爲 一。」乃館 人 于 往 佛 八者, 爾。」公曰 得妖 境 事 是 皆至, 内, 使者 以 趣 人 利 其 安 以 吾 送 得 還 錢 爲 日 京 亂 與 財 不 報

墓

一誌

龐 殺 論 事 於 水 个,皆以 、白草。 之。 驍 遽 相 將 經 以 略 郭 朝 此 利 公以 河 恩 廷 得罪 害 東,與 皆 牒 而 不 謂 龐 河 報。 約 夏 東 丞 不 人人争 府 相 移 先 己 遂 等 書 定 藤 而 與 夏 龐 而 州 其 《墓誌 人 公, 项 界, 將 果 城 校 目. 哌 犯 奏 必 築 邊 數 生 栅 疏

公在 言 廷,士大 二府,太保 「子班父前 夫 以 公以 爲 非 榮 列 所 卿 順 以 奉 公 示 朝 踧 人 請 踖 以 法, 不 父子 安, 顧 在 自 不

犯

遇

事

不

妄發,

發

即

莫

能

奪

其

辯

族 聽 敢 疎 以 遠 天子 人 子 者 數 私 至公之卒,子 推 亂 恩 朝 群 廷 之 臣 制 子 孫 弟 願 一、公每 未官者七人。 得 罷 先及宗 去。」不

公性 公在 臣 直 書 陽 東 御 臣 日 事 盜 • 諫職 心 一,而 史臺 明 日 判 民 非 不 Ш 果 盜 訟 狀 或 此 足 東 實 育 留 所 誠 教 時 爲 尾。 慮 盗 久不 家 剛 臺 賈 授 至 福 無 口 起,仁宗 惟 E 舊 内 昌 憂。」 堯 作 足 決 也 兖 叫 佐 不 侍 朝等數人, 慮 條 用 州 多 領 ,公奏罷 畏 E 乃 教 杜 遣 詣 民 加 恐 但 欲 止 簡 衍 中 小 事 嫉 奉 公者。 徙 疎 使 惡太 人 行。 後 鄆 時 名編 易行 察 乘 判 州 張 過 視, 上 公 時 淮 富 堯 西 爲 修 耳 嘗 爲 以 資 而 佐 京 南 還 參 弼 辨 傾 語 留 得 善 不 知 奏 知 口】 曲 堂 輔 加 司 大 Ш 政

...〇六

安 明 在 撫 台 政 府 使, 河 東, 因 人 白 聽 有 事 之不疑。 奏請, 數數 之。 與 多 仲 爲 初 淹 任 尹 作。 事 開 者 封 既 所 范 而 沮 仲 仲 淹 淹

王鞏 育之 臺。 難 顧 召 問:「誰 取 赴 大用,仁宗非棄材之主也。 拊 <u>二</u> 乙, 可 不 以 床 闕 行 其 相 此 呼 者 可代卿者?」 父仲儀言 會乾 觀 其 固 命 執 之, 從 矣夫! 行 元節 者。 執 中 侍 雖 宴,偶 愕 執 陳 然 俗 然, 執 中 晚 吏, 中 節 舉 醉 即 《東坡志林 罷 吴 有 亦 坐 除 育 心 可 相, 睡 西 疾 賢 1-忽 京 也 亦 即 宗 留 驚

八之四 參政王文忠公

入爲 人。 舉 右 公名 進 可 士 諫 堯臣,字伯 第 知 制 通 誥 判 庸 同 明 知 應 州 天 通 知 府 進 光 銀 虞 州 城 臺

> 乃請 之。 光 公曰:「此飢 使,權 州,歲大旱,群盜 使, 建儲之議,贈 司 歐陽 以 拜 減 公撰 翰 三 樞 謚 死 可 林 密 墓 文 論 民求食爾,荒政之所恤 使,遷 爲 副 誌 安。 太 學士。 使、 其 師 後 發民 翰 參 元 中 遂 豐 林 知 爲 以 書令,改今謚 倉廪,吏法當 中 學 政 陜 著令, 土 事 西 詔 承旨, 以 體 薨 至 公 量 今用 嘗 也。 年 群 安 死 與 五 牧 撫

知

遷右 文應 及后 頗 哀 司 矜之。 有 疾,文應又主監醫,后 諫。 奸謀。 郭 方后 皇后 公請 廢 廢、居瑶 時 付其 宮者閻 事 華宮,有疾,上 御 且 卒,議 史,考按 文 應有 者 虚 疑

^{●「}右」。原作「左」。據《居士集》卷三三《尚書户部侍郎

燈 實 死 天 用 子 0 事 后 公言 后 無 猶 也 敢 天下之疑。 在 指言 張 殯 郭 燈 有 者 氏 可 司 幸 廢 事 以 得 後 雖 歲 文 E 厚 正 不行 恩 應 遽 月 卒 爲 復 之 以 然 用 位 恣 故 自 號 横 事 文 應 乃 張 斥

元 忠 使。 律 於 昊 將 日 使 誌 <u>一</u> 兵 至 義 范文 一於諸 若 任 好 反 由 餘 智 公因言 水 福 干 公 西 是 勇, 任 視 將 由 IE 某 邊 迕 材 違 兀 名 公亦 後皆 福 路 室 用 節 . 能 路 等 動 賊 相 兵, 度 長 Ш 此 4 戰 夷 爲 所 意 以 短 川 兩 移 死 以 狄 名 不 并 致 盡 險 今韓 書 人,天下 公 將 攻, 敗 不 識 易 其 元 爲 宜 尤 之, 某 。 還 他 昊, 是 陝 派 以 路 議 言 不 薦 之選 皆 時 西 相 小故 宜 多 口 邊 其 某 體 奪 丛 格 急 深 路 量 也 兵 主 可 招 置 爲 責 用 宜 討 新 安 帥 行 之。 備 主 其 副 敗 者 益 失 撫

> 以 幸 使 乃 口 從 明 原 而 能 甚。 公指 其 以 事 路 前 年 0 地 經 所 軍 賊 言 益 禮 略 上 格 然 公 將 副 募 以 爲 E 議 涇 弓 置 使 悉 備 不 爲 . 原 箭 德 處, 中 然。 以 見 ,戰定川 陛 手 御 順 重 施 由 下 軍 因 將 兵 是 行 復 於 芦 墓 權 始 法 用 因 誌 籠 0 殺 也 以 韓 復 竿 加 公言 大 誻 城 琦 遣 偏 願 將 路 將 許 公安 范 葛 廢 爲 都 見 以 誉 仲 懷 叮 招 部 便 撫 信 淹 田 敏 署 宜 涇

公使 事 非 也 以 閉 「公奉 。」公日 叛 招 城 還 爲 者。 貴 叛 行 使 朝 至 廷 且 且 今不 公 涇 患 還 發 止 貴 州 歸 乘 近 道 貴 侕 土 報 其 兵 左 果 德 豪 討 天 未 出 解 也 勝 子 定 之。 降 裝 寨 頗 爾 速 兵 爲 招 初 得 貴 墓 牓 迫 降 誌 士 叛 其 吏 射 心 後 非 白 將 城 然 公 姚 必 曰 事 初

二〇七

自

朝

借 錢 者 不 用 根 末 乃 任 干 六 命 者 爲 數 推 臣 · 下 加 也 皆 者 萬 條 者 + 百 賦 見 則 至 厚 計 萬 Ŧi. 目 斥 財 如 而 果 而 賦 日 何 其 用 利 使 菜 其妄 所 暴 0 又 足。 緩 出 在 就 皆 更 斂 由 明 今 急 計 人 薦 流 法 加 是 年 或 明 甚 先 盈 庸 用 度 小 税 天子 與 年 後 者 利 材 縮 其 稍 民 而 借 之 罷 且 以 餘 復 而 用 皆 内 副 害 賢 其 其 而 去 : 聽 益 弊 者 使 藏 大 其 業。 餘 積 公所 不 此 矣 體 於 償 蠹 判 率 足 者 木 春 《墓 官 弊 在 内 富 有 爲。 也 年 之 然 陛 司 藏 公 不 人 9 者 有 所 後 彼 始 民 下 出 口

爲 理。 宗 樞 日 益 L. 自 是 口 自 往 見 日 裁 感 絶 若 愈 室 讒 請 1 樞 密 餘 絶 其 密 勵 知 X 副 也 萬 抑 墓 非 宦 之,至 公 使,持 誌 益 而 短 臣 公 官 及公既 京 爲 者。 怨, 濫 之能 在 臣 亦 師 忠,爲 位 醫 恩 恐 其 法 造 以 數 倖 上 六 師 不 大 守 爲 爲 爲 惟 罷 年 能 者 下 E 請 不 飛 樂 陛 飛 切 勝 **\$** 下 隨 口 T. 語 書 則 廢 以 不 捕 衆 慰 0 信 皆著 其 以 身 職 嬖 間 及 怨 勞之,公頓 爲 而 用 害 事 任 修 習 書 上 權 臣 III 公。 願 爲 天 舉 之 之 者 口 倖 网 公爲 定 得 下 甚 損 賤 左 因 皆 公得 令。 罷 急, 損 右 緣 有 之 首 去 墓 條 公 不 亦 書 由 凡 謝 往

樞 以 多 密 爲 屬 使 疑 目 狄 青 往 而 以 往 青 軍 造 色 功 作 一頗 起 自 言 行 語 得 伍 以 居 公嘗 相 大 扇 位 以 動 語 而 衆 士 情 折 卒 初

宜

者張

永

和

方

用

事

請

收

民

房

錢

+

之三

以

佐國

事

下

司

永

和

陰

遣

人

以

利

動

公

一、公執

以

爲

不

叮

度

支

副

使

林

濰

附

永

和

議

不

奏

罷

濰

乃

止

益

利

夔

路

轉

運

使皆請

增

民

鹽

井

課

歲

미

爲

錢

青 而 不 能 陳 誌 保 禍 首 福 領 言 者 古 可 將 以 帥 爲 起 鹽 微賤 戒 • 青 至 稍 富 沮 貴

公在 儲 所 下 於 相 事, 設 府 利 是 政 見文潞公、富韓公、范蜀公事中。 也 施 害 事 而 其 甚多, 後 與 論議 1 體 在 自 樞 至 不 有所 宜. 密 施 爲 如 時 行 不 獨 特 之,亦 是邪? 同,必反復切劘 見 異 0 在 未嘗 贵 《墓誌》〇公有 上 政 前 自 事者 所 名 陳 派 其 至 天

八之五 樞密包孝肅公

進 制 北 御 轉 史, 土 知 運 公名拯,字希仁, 諫院? 歷 知 使,三司 天長 司 復爲 户 縣 户 部 徙 泂 部 判 北 知 官 副 廬州合 都 端 使,擢 ,京東、陝 轉運 州 人爲 肥 天 使 人。 章 西 徙 閣 監 知 待 察 舉 河

> 遷 瀛 諫 揚、 議 廬 大 夫 州 權 江 御 寧 府 史 中 召 派 權 爲 知 開 디 封 府,

包孝 足 貢,率數十倍 者驚伏。 歸 日 貢 屠 肅 拜 數 其 公知 樞 何 歲 密 牛鬻之。 爲 大長 副 徙 滿 割 使 知 不持 某 以 縣,有訴 端 薨 遺 家 既 州 牛 權貴人。 而 硯 舌 州 有 歸 盗 歲 告 割牛 而 貢 私 公命 又 硯 告 殺 舌者,公使 之? 牛者 製者 前 守 緣 盜 纔

之,遽: 許 用 報 知 漏 拯 居 院 公夷簡 《巵史》 朝 同 見 使人 班 辭 里巷,意以 次 聞 追 乃 有 包 還, 就 包 拯 部 拯 之才,欲 遂薦 拯欲 注 名, 對 頗 便於求 知 除 見之。 喜。 縣 裹 行 而 見。 及 自 出 歸 日 無 尤 此 又問 待 奇

禁止。至今天下皆呼「包待制」,又曰「包包孝肅在言路,極言時事。復爲京尹,令行

0

家 皆 指 馬 你 笑之日 家」。 市 井 窗 小 **~**吕 可 民 氏家 馬 你 及 塾 家 田 記 箇 1 野之人, 一天下 包家 ! 稱 凡徇 見 司 馬 貪 私 污 公 者

司

王

包孝 包孝肅公立 之日 吏責 罪 責 手 謂 決 脊, 吏受賕 徑 坐 童 杖 稚 其 狀 肅尹京,號 使 0 門,先收 狀, 汝 至前 市 我 舊 婦 從 0 權 制 女,亦知 囚 第 亦 杖 朝 但受脊杖 ,捽吏於庭 決 如吏言,分辯 自言曲 ,與之約 呼 狀 坐, 凡 剛 |杖。| 既 爲 號 牒, 訟 嚴 以 明 其 自 訴 謂 察。 直 沮 名 聞者皆憚之,至 辨 出 日 一,吏民 不 之 吏勢。 而 貴 杖 去,何 . 得 我 牌 包引 有編 今 不已。 戚、 之 與 徑 司 不敢 + 造 汝 見 用 囚 民 宦官,爲 不 七,特 公開 庭 多言 分 間 尹 犯 知 欺 吏大聲 下 畢 此 法 乃 於 罪 E 爲 寬 果 付 當 府 之 閶 門, 前 付 杖 吏 所 人 包 汝 我 斂 里

> 笑 賣 肅 比 ,卒如素約 天 性 黄 河 峭 清 嚴 未 《筆 小 嘗 談 人 有 爲 笑 姦 容 固 難 謂 防 包 也 0 孝

白 之 親 撻 闐 民 開 親 禹 番然從之。 畏 「喜面 語 封 老 之,自是親 舊 玉 服 侍 府 多 日 養,不 爲 遠 乘 . 折 勢擾 包 辱人, 近 舅 人 希 剛 稱 仕 舊 節 剛 仁 而 官 之。 皆 宦 嚴 不 知 不 然 府 且 屏 到 不 廬 愎,此 其 一十年 爲 息。 州 所言若 可 有 長 有 干 閻 從 吏 希 廬 人所難 人稱 羅 以 仁 舅 州 僚 中於 犯 私 始及第, 即 包 佐 其 法 鄉 老。」 孝。 也。 京 有 理 里 師 所 也 亦 吏 關 爲 知

包 孝 内 肅 降 曲 知 諫 恩。 院 又 數 列 論 上 斥 唐 大 魏 臣 鄭 權 公三疏 倖 請 請 切 置

是 者 公曰 坐右 立 福 有 下 及 根本, 疑臣 者 後 ,爲宗廟 ,未審聖意 以 禍 爲 孰 也 唯 中 臣 大 爲 而 一,群 陛 丞 太子 萬 非 焉 龜 臣 下 世計 持 臣 才 ?」仁宗 奏 鑑 行 裁 者,天下 久 數 備 年七 察。」 耳。 不 有 别 位, . 決 言者 條 十, 仁 日 東 所 陛 何也? 七 根 . 宗 宫 且 下 以 事 卒 本 虚 喜 問 卿 無 乞 , 未 也 位 多 臣 子 欲 日 豫 夫 闡 欲 : H 見 誰 建 非 萬 根 有 誰 久 采 <u>\frac{1}{2}</u> 太子 徐 物 邀 本 所 ? 立 納 後 皆 處 天

公性 之。 官 作 以 爲 議 時 敦 之。 恕。 私 峭直 書 厚。 云 居 家 不 然 爲 儉 雖 至 奏議 於 嫉 約 荷 合,未 衣 悪 干 平允, 甚至 . 請 服 器 嘗 無 常惡 人 用 故 僞 情 飲 色 人 俗 辭 食 親 所 吏苛 黨 以 不 雖 悦 及 貴 刻 皆 如 即 絶 推 初 不 務

八之六 樞密使魯國王武恭公

位 年 父 師 朝 軍 上 罷 密 前 軍 頭 以 至六 一, 徙 致 請 節 將 爲 院 父 魯 副 拜 仕 軍 武 都 出 任 武 度 事 公名 樞 冀 寧 使, 指 爲 爲 康 七,乃 遷 判 州 密 復 知 軍 官 邢 公 德 揮 使 隨 副 相 , 以 知 節 召 超 用 使 使 州 以 州 澶 使 洺 度 封 以 爲 , 御 事 字 相 州 徙 使 魯 爲 知 拜 侍 礠 拜 前 太 元 起 國 知 院 景靈 徙定、 檢 衛 平 赴 宗、 忠 輔 判 曹 公, 相 親 校 章 鎮 加 鄭 佐 州 巡 真 宫使,五 太 軍 鄭 事 凡三 宣 州 陳 爲 降 檢 保,簽 宗 都 州 徽 馬 以 州 起 右 虞候 歲 有 管 南 爲 知 軍 太 千 至 勞 院 城 書 日 求 都 子 4 人 保 廣 和 使。 太 奉 衛 殿 信 公 去 静 樞 元 軍

朝,給扶者以子若孫一人。明年,薨,

至 道 康 將 鐵 近 險 愛し 門 公亦 失 年 争 行 武 期 爲 年 必 者 -, 遣五 十九 康 爲 先鋒 亂 不 斬 公 之 ! 得 嘆 按 乃 殺 進 將 轡 日 由 以 獲 討 2 是 公 甚 兵 繼 士 追 王 前 告 衆。 遷。 卒 兵 其 氏 守 無 望 有 溢 父 軍 公從 敢 其 至 子 日 **\$** 先 : 鳥 軍 矣 武 其 後 整 白 歸 康 軍 池 歐 不 雖 公出 師 E 陽 諸 敢 武 调 小

邢 氊 洺 中 賊 車 盗 載 出 黨 勇 争 士 前 爲 州 邀 間 婦 劫 人 歷 遂 年 服 皆 盛 吏 就 飾 不 擒 誘 能 由 之 捕 是 邯 知 鄲 公 道 以

神

道

碑

子

以

公可

任

大

事

0

神

道

碑

事

無

爲

太

后

嗖

坐

甲,

又

不

奉

詔

於

是

天

及

太后

上

仙

有

司

請

衛

士

坐

甲

一、公以

爲

故

撰《神》

道

碑

真宗 飲 詔 E 賜 后 僊 坐 以 甲 時 問 衛 雖 德 士 仲 用 酒 春 德 而 獨 大 用 F 雪 泣 德 苦 日 用 寒 **\$** 衛 莊 所 土 轄 獻 荷 不 太 先 得 后

> 自 奮 矧 帝 是 臂 嗣 恩 有 狂 君 德 意 呼 尚 厚 大 矣。 少 得 用 不 未 0 今率 《澠 親 動 人 萬 水 土 燕 機 心 崩 談 耶 不 心 ? 幸 安 后 忍 大 夫 縦 歎 四 飲

章 先 獻 是, 罷 吏,軍 無 進 不 之。 太后 口 所 軍 容 騎 得。 政 中 太 臨 其 1 也 選 公典 后 私 請 朝 補 馬 固 敢 有 不 王 禁 欲 集 挾 詔 禹 以 軍 與 詔 玉 於 補 公, 一撰《墓 , 之, 親 書 廷 其 爲 公不 以 軍 中 貧 干 按 吏。 混 L 吾 籍 奉 ൬ 貨, 軍 公 詔 以 給 日 勞 雖 乃 : 舊 當 项 止 請 補 第 吏 補

公善 等 至 因 夷 撫 事 狄 士 以 皆 狀 爲言 知 貌 其 雄 乃 名 偉 罷 氏 動 樞 人 密 御 出 雖 中 鎮 里 中 兒 又 派 巷 貶 孔 婦 官 道 知 輔 外

公狀貌 臣。 惟 北 公爲 岡 道 遠 以 公 隋 夷君 輔等言 虜 日 不接 職 州 O 常 朝 於 有 言 魁 呼 長 狂 賓客 是 事 其 其 偉 所 皆 此 一宅 名以驚 賜 而 言 皆爲之懼、公舉 ,豈害我 知 害公者 面 《神道 者終 貌 枕 其 ௱ 色 乾 名 類 小 己。 Œ 岡 蓺 兒 碑》〇 黑, 識 身 祖 其, 者 也。」 貌 與 雖 久之, 、父母 以 類 不 匹 爲 又《澠 1 戎 藝 識 一夫下 爲 一公愀 所 狄畏 可 祖 媿 稱 道 止言 水 生 __ 卒, 惜 之 服 燕 云 輔 然 公 曰 間 而 朝 如 談 卒 色 奏 日 巷 此。 \exists 士 廷 黑 E 如 小 : 大 E 客 宅 兒 蘇 平 相 E 夫 孔 有 紳 公。 外 時 枕 武 直 謂 公 服 乾 fL 至 恭

契 丹 家 皆 中 契 矣 丹 警。 ,使者竦 國 聚 使 乃 多 兵 者 賢 乃 灶 得 過 士大 拜 聽 見於 涿 澶 公 《神 夫, 州 遣 保 此 使 静 道 耶?」公爲言已衰 因 見公, 碑 者 軍 指 有 節 坐 喜 所 度 客 求, 日 使 歷 自 聞 知 陳 河 澶 公名 其 以 老, 州 世 北

> 公在定州, 貴 得 聲,視 歸,是 議 之。 肅 郊、公執 蒙 人問 然 和 公曰 恩 解 無 吾 屈 徙 公欲 聲。 桴 徙 契 旗 内 . 丹 鼓 知 所 兵 地 見 乃 吾 誓 使人 陳 繒 以 不不 否 下 軍 師 州 不 敢 整 視 **\$** 謝 契 號 戰 道 見。」 其 面 丹 日 日 今簡 也。」 過 軍 和 聞 . 京 可或 「備 神 之 使 明 具 明 師 道 震 覘 勸 天子 糗 邊 日 進 者 恐。 公執 糧 無 退 大 得 功 坐 會 聽 閲 實 遣 而 戮 中 復 鼓 以 幸 于

叔 時 禮 未 六 E 嘗 萬 契 爲 有 丹 人 余 吾 言 主 一 人 輩 皆 在 : 各 寓 昔 燕 敢 當 居 京 通 諳 逆 務 判 呼 旅 朝 斂 定 暴 及 廷 土 州 横 民 發 卒, 者 家 佐 兵 勿 屯 E 闐 \$ 將 定 德 塞 擾 校 州 用 城 我 相 者 市 書 幾 戒 是

0 公奏 日 至 父 母 所 生 云二十 字 今 本《 澠 水 燕 談

能 者 得 拜 又 不 汝 米 專 汝 分 乃 謯 薩 見 處 流 叱 知 何 杖 何 亦 副 米 往 德 譁 黑米、八分白米乎?」曰: 事 汗 有 公 專 腐 不 敢 紛 對 召 用 2 黑 專副 ,乃捨之。 八 乃 家 副 先給白米,後給黑米? 擾 日 E 《記聞 日 分白 以以 倉中 爾 物, . 如 監 人二十。 . 謹 問 此 然。 爲所 官懼 不給 給 米 譁 汝 欲 日 軍 故 1 從 求 . 倉 某 給 糧 與 耳。 」四卒相 我,當 逃 決 中 又呼 之罪 昨 盡 (汝曹, 匿 配 肅 軍 如 日 某等 然, 乎 四 也 是,故諠 我 有 自 ? 以 顧 卒 0 當 僚 死 不 四 「然。」 人 日 : 謂 此 所給米 棄之 罪。」 佐皆 指 德 令汝 倉 卒 日 用 輩 以 揮 視 「「 耳。」 乎 服 使 德 然 給 之。 黑 叱 見 黑 者 黑 米 其 ? 百 用 從 所 則 貢

> 之。 嘗自 施 敵 畏愛,而 奈何 用 而 其 勝 請 紛 《神道碑 在外, 之 臨 怯者勇,勇 紛? 爾,豈 邊,不 則 兵 遣中 多言 許。 法 者 不 貴 哉 凡 不 如 人韶問,其 ! 驕,以 大 是 謀 其 也 議 在 吾 1 樞 可勝 言多 必 使 密 以 土 見 諮 亦 因 知

皇祐六年,復爲 爲 常 公御 再三論之,乃手二矢,再拜, 而 公與之射,使者 天 侍 用 下 弓 E 富 所視,臣 射 公爲相 矢五 辭 樞 目 老矣,恐不能勝弓矢。」上 密使。 + 得 : 日 「幸得 0.0 人 「天子以 矣。一語 公善射,至 是歲 備 位 契丹 聞 公 發中之,遂 大臣,舉止 老 典 使者 不衰。 喜, 樞 來 賜

●「諠」下、《凍水記聞》卷四有「譁」字、較勝

自寶

元、慶曆之間

元

昊

叛

河

西

, 兵

久

無

功

8

士

大夫争進

計

策,

多

所

改

作。

公笑

日

衙官汝何敢」十九字"語意較準確、完整"或是。 "叱」下,同前書有、從者亦人杖之二十召指揮使罵曰

左 將 右 釋 皆 復 驩 位 呯 賜 固 以 勉 襲 之, 衣 金 再 帶 發 又 神 中 道 碑 由 是

之, 言 言 先 議 哉 使 遣 故 也 宜 朔 長 _ ° [問 於兵 日 使 L 地 生 朝 一臣 卒 公邊 府 慶曆 剛 此 所 示 全 朝 願 廷 以 情 烈 避 愚 舊 陛 廷 飭 意 而 當 事 公以 中 有 公 患之。 邊 無 此 好 下 其 不 公公 团 日 在 契丹 備 狀 學孫 大 即 殆 南 謂 奴 樞 日 志 牧,議 後 過 不 「戎 . 願 常若寇 果背 臣 公方 府 卒 貪 忍 善得 陛 吴兵 契 不勝 時 狄 如 漢 咸 勞 下 者 丹 出 約 公言 平 餌 民 士心 假 虎 會 至 以 法 大 必 帥 爾。 遣 一,猶 契 臣 狼 景 真 通 願 欲 姑 使 德 Ŀ 丹 一十萬 也 遇 内 定 好 公遂 以 恐 上 欲 平 閲 中 寇 事 日 金 其 詔 V 其 求 生 不 馬 慷 嘗 繒 邊 論 不 關 不 口 公 雲 慨 遣 兵 啗 奏 宜 及 信 不 會 南 議

> 捄 賜 處 ? 致虜 + 諸 將 餘 至於敗 陣 萬 兵 圖 軼 皆 境 屯 誠 皆 定 遽 願 武 死 有 不 守 澶 不 以 淵 戰 陣 能 之 法 圖 分 師 賜 緩 挖 諸 急 要 又 不 害 當 使 之 相 時

得

應

變出奇立

功

墓誌

寶 公益 之。 章還 日: 元 初 或欲因 以 節 趙 第 爲 留 元昊欲 因 不 貢 所 守素 可 羊 貢 0 馬 僭 塞 人 墓 等, 稱 傳 下 誌 號 舍 朝 遣 廷 壓 守 其 欲 壞 素 校 拒 垣 至 楊 弗 死 闕 内 守 其 徐 素 公 奉

公天 公問 合,雖 白 娱 吾 燕 性 清忠二 約 不忘,公恩 孝 貧 禄 所 友 賜 賤 遺 一字,藏 多 不 事 幾 遺 賙 後 何 其 施 母 于 敢 故 諸 廼 盡 家 私 族。 人 出 力 市 金 爲 居 邪 與 慕 厚 人 家 人 謝 、奸,進 約 交 之日 不 易, 嘗 於 荷 賜 不 故 16 既 事

韓忠獻公、宋景文公同召試中選,王德用帶

平章事,例當謝,二公有「空疎」之謙言。 平章事,例當謝,二公有「空疎」之謙言。 不可忘也。」《聞見後録》

公自白

衣,

已有

意於風化,

L

書闕

下

請

復

五朝名臣言行録卷第九

九之一 諫議大夫田公

還,再 路轉 州。 第。 出 官。 諫 土 知 議大夫。 翰 泰 運 太 未 公名 掌銀 林 平 州 幾 知 副 學 錫,字表 制 興 使 臺,遷 召 士 六年,卒, 咸平 或 浩 還 承旨 徙 中 知 出 侍 中 知 爲 聖 宋 知 相 , 御 通 右 嘉 詔 年六十 白 陳 州 史 拾 進 舉 州 以以 以 州 知 遺 銀 賢 人。 公 雜 臺 四 又 論 良 出 應 事 封 方正 坐 事 爲 中 詔 駮 法 移 擢 進 河 司 之 召 貶 北 睦

切於時 星文示 内 秦、隴 之功 宗既 詔 真宗皇帝嘉其 夏之役,朝廷爲之慼然。 及 興 章 天 讒忌,公曰:「事君之誠,惟恐不竭。 鄉 論 一嘉之。 (殖其 帑錢 在 學。 論 賜之、還其紙。 諫 飲 西掖 邊 取 、籍田禮 迴,上三章,言 中外 理 變,拜 政 表請 事 性 五十萬。 太原,范 及還 意 京畿大旱 0 故 囂 豈 深 知 人 有宛 0 疏請 然, 切。 一賞 一,眷 紙 睦 意 陽未 及在朝廷, 或 州 加 僚友謂公宜 丘 遇 屢 降 聞 帝 而 莫敢 子 下 一之行。 诗 愈隆。 陜 禁中 感悟, 召 下, 詔 奪 學 西 車 對 責 ·, 印 耶 言者。 祠 帝怒 出 數 建孔 -火,~ ?! 在 便 躬 無 知無不言 興 海 + 經 咸 上書 殿 應, 書褒 拜 陵 州 少晦,以 ,不賞平 上 平 籍 子 獨 之初, 及 奉 章 苦 遂 請 給 祠 河 初 公上 行 答 天 抗 教 于 極 朔, 諸 封 出 誡 靈 言 禪。 言 生, 以 使 遠 降 民 累 矧 賜 書 晉 太

盐

太宗嘗與 勸 容 狀 勳 嘉 罷 載 卹 中 王之道 尤 之。 上 厚 一, 既 當 納 交 未 使 謝 州 以 馬 或 撫 弱 非 賞 念玉 「宜 待 慈 戍 微微 安 皆 尊 軍 臺 趙 臣 兵, 壺 儉 仍 尼罷 事 妙 王 憲 功 清 普 論 納 之 損 曠 話 之。 加 免 之 , '當 諫 皇王之道 願 闊 體 檢。 寵 風 驅 國 爲 因 賚。 ; 錫 生 意 郊 今師 諫 今群 錫 皆 將 民 籍 范文正公撰 官 謁 絶 卒 不 爲 章 臣 平 之 田 便。」 瘴 無 議 自 書奏, 疏 太 日 錫 私 嶺 功 草 **令** 原 :「公以 奏 世 之 請。 們 遺 日 引 閣 先 鬼。」 逮兹 之。 表 經 咎 門 厚 猶 元 上 乞 皇 填 中 IE

 \blacksquare 益 錫 日 重之。 好 直 陛 諫 下 《聖政 日 太 往 宗 録 月 或 來 時 不 養 能 成 堪 聖 性 錫 從 容 説 奏

 \mathbb{H} 者 錫 太宗 四。 時 太宗 上 當言 言 軍 錫 或 有 要 機 文行,敢言。 者 , 朝 廷 真 大 體

> 六十 至 朝 沆 屏 即 矣。」 風》十 廷 位 E 每 卷, : 屢 有 日 召 卷, 田 小 求 · 對言 覽 錫 缺 以 失, 便 卷, 直 事 觀 嘗 方 臣 又采 覽。 在 也 請 思 0 經 抄 及卒,真宗 慮 何 略 史要言,爲《 錫 天 御 奪 之章 之 謂 奏 速 御 白 劉

真宗見田 也 。」《名臣 錫 傳 色 必必 莊 嘗目 之日 朕 之汲 黯

田 救 錫 以 非 之,且曰:「朕 優 之,無 祈 贈 或 疾 澤宗 典 家 亟 爲 及矣。 進 慮 族 掇 遺 遺 則 而 自臨 表。 俄 做 希 恩子 于 召宰 真 大寶 朕 宗 者。」興歎久之, 孫 相 宣 、未有 閲 對 御 是表 器 袖 賫 如 出 者多矣, 錫生死 其 上 表 藥 示 馳

-嘗 親 疏 署 幸 也。」已而愴然久之。 鐍 龍 者 圖 閣 謂學 閱 書 陳 指 堯 東 《掇 咨 北 曰 隅 遺 架 此 漆 H 錫 函 章 F

公 動 出 處 必 以禮,言 + 年, 未 必 嘗 有 法,賢 趨 權 貴 不 之門。 肖 咸 憚 在 伏 貶 之。 廢

中

- , 樂得

其

正

」,●晏

如

也

《墓誌

范文正公銘公之墓 見 疑 下之正人也,言甚 之。」 ,終身而 無 違。 嗚呼 危,] 命甚奇, 鳴 哉 呼 ! 盡 吾 田 不 心 公, 得 而 弗 天 mi

蘇 夫 咸 載 有 時 必 明 何 公之言,常若 E 易其 有 主 哉 口 平,可謂 序公奏議曰:「自太平興 刑 痛 ? 絶 有 天 措 哭者。一後 民,此君子 人之資,必 絶 下 古之君 不 人之資, 有 天 用 下大治,千載 有 可 兵 子,必 長 不 世 之所 革 太 輕 測之憂, 而 不 息 不 其 治 憂 以 者 甚 臣, 試 世 治 是 懼 一時 少 無 世 有 無 近 或 而 也 漢 在 一以來, 可 可 口 賈 Mi 矣。 文, 畏 畏 流 朝 危 誼 方漢文 之防, 之 涕 夕者 明 之言 亦不 至 而 防 主 \mathbb{H} 于

> 以 而 是 事 甚 明 賈 主 誼 法 當 由 如 此 是 觀之, 也 君子 之 遇 治 世

公耿 然性 魏 未 徴 嘗 介 不敏 、李絳 寡 有 合 懈 悟,治郡 容。 之爲 嚴 恭 自 好 人, 幼 禮 無 以 至 稱 居公庭,危 老,手 盡 云 規 獻 不釋 替 爲 坐 卷。 己 終 任。 日 慕

九之二 内翰王公

誥 擢 商 召 試 進 州 專 拜 士 至 公名 道 練 第 右 元 使, 禹 拾 解 年, 偁,字元 召 遺 褐 入翰林 還 て、直 成 武 拜 | 史館 之,濟 主 左 爲學士 簿 正言 , 知 知 州 制 長 鉅 知 再 誥 野 洲 知 審 縣 官 貶 制

0 本二)田 正」,影 錫《咸平 印 文 淵 集 閣 《》附 四 墓誌作「心 庫 全 書》本(以 下 簡 稱 四

T. 揚 院 州 初 兼 麗 通 真宗 進 知 黄 銀 即 臺 州 位 柱 召 駮 四 還 年 司 0 徙 復 出 蘄 知 知 州 制 滁 卒 誥 州 年 咸 移

王 息 鳳 之書其 無 元 時 事 日 聞 小 磨》詩,元之不 企坐 見後録 。」文簡 愁 ,始知之。 日 之年七八 友」。 四 太守席 + 眼 客皆 下 下遲。 經綸之才 至 : 大奇 上 文簡 歲, 未 蜘 間 出 有 之, 若 蛛 己 其 · 思 詩 人相,元之已 對。 也 能 雖 人 家 留 以 旬 <u>_</u> 以 文,畢文簡 巧 輕 於 對 . 文 遂 磨 不 "「但 子 著 簡 加 鸚 麵 如 弟 力, 寫 以 爲 鵡 蠶。」文簡 中 之 存 掌 衣 生 便 能 講 公爲 屏 冠 心 書 为 因 是 言 學 間 裹 呼 命 争 轉 0 令作 郡 矣。 IE 歎 似 身 從 元

王 禹 召 拜 偁 右拾遺、 能 屬 文, 直 太 一史館 宗 方 賜 獎 拔 緋。 文 士 故 事 闡 . 其 賜 緋

王

内

翰

禹

偁

因

北

戎

犯

邊

獻

書

建

和

議

太宗

賞

之。

宰

相

趙

普

尤

加

器

重

至

景

德

間

卒用其議

與與

虜

通

好

又與

夏

侯

嘉

E

問 境 獻 知 禹 政 即 仍 州 貶 謪 者 大 蘄 偁 有 疑 位 命 團 官 司 商 理 《端 給 寺 宰 州 F 銀 天 禹 練 州 召 禹 拱 三 王 官 疏 相 帶 虎 專 偁 副 爲 箴 散 偁 尋 使 以「 練 0 輕 闘 引 翰 騎 禹 對 上 召 副 以 上 重 林 剛 常 偁 以 疏 洪 食 還 E 使 爲 特 其 學 文 直 侍 守 訟 其 朝 範 思其才,復召 誡 命 間 章 土 不容物」戒之。 無 徐 之, 臣 馬 ×/ • 以 當當 陳 ,修《太宗 禄 鉉 任 落 尋 文 請 偁 戒, 爲 冬雷 其 職 今天 犀 種 知 已卒。 反 妖 咎 出 且 蔬 帶 制 坐 巫 下 知 自 自 誥 賜 群 實 爲 尼 道 上乃 劾。 黄 獨 《記記 給 之。 鷄 罪 左 安 録 真宗 州 步 E 夜 IE 所 上 命 0 徙 由 0 嘗 禹 鳴。 言 以 移 州 執 初 是 判 解 稱 偁

黄 此 服 詔 以 用 鉉 處 太祖 遷梓 州 直 0 舊 貶 約 内翰 禮 社 官 言 聞 實 移 :宫于 0 見 應 録 召 鎬 與客言 蘄 録 罪 詔 \forall 爲 同 州 以 故 校 翰 與 召 謗 燕 死 宰 林 三史,多 . 爲 國 相 學士。 於 責 知 后 長 論 官 知 制 公主 嘗 滁 不 所是正 浩 。 母 合, 州 孝章皇后上 其 儀 第,群臣 平 又以 咸 天 真 生 平 下 宗 大 謗 坐 初 即 節 救 不 責 當 仙 位 爲 如 知 修 遵 徐

王 改 累 禹 命 偁 《記 執 性 政 剛 聞 狷 召 至 數 中 件 書 權 戒 貴, 諭 宦官尤 之, 禹 偁 悪 終不 之。 能 上

王元 當 潤 潤 納 送 筆 之 筆 者 物 物 在 借 稍 數 往 翰 事 往 後 倍 林 體 時 於常 不 嘗 也 者, 送 草 必 然 夏 近 相 遣 州 時 用 承 院 李 舍 啓 既 子 繼 人 頭 詣 久,今索者 院 遷 書 門 草 送 制 催索 制 拒 繼 有 遷 而 送 送 送 不 m

者,皆恬然不以爲怪也。《歸田録》

太宗 若 聞》 美 符 誄 肯 價 愛其 之。 馬 土 第 中 此 切 己 者 五 時 日 爲 直 ·, 真 有 虧 及出 + : 儒 太宗 禹 價哉 江 疋 雅 事 宗 因 嫉 偁 都 守 以 及别, 訪 上 觀 惡 曰 爲 尉 滁 備 其 不 書 過 0 翰 州 濡 禹 後 即 回 龍 仇 林學 爲 聞 潤 彼 幸 偁之卒, 召 邪,居下 圖 讎 買 能 對 人鄭 土 閣 相 禹 却 世 擢 馬。 稱 偁 得 繼 嘗草 褒 以 諫 大 其 以 不諂 遷五 禹 徒 爲 理 子 或言 狀 議 偁 繼 步 評 嘉言 知 大夫 不 章 佞 + 遷 謁 言 買 事 如 奏, 馬 制 戚 見 以 馬 式 禹 念記 祥 綸 進 嘆 善 送 顧 虧 偁 却

偁爲諫官,上《禦戎十策》,

大旨

以

謂

E

禹

勢 離 外 任 其 以 心 重 人 將權 内 遣 修 保 罷 德 忠、 小臣 則 御 可 卿 詗 以 率 邏 弭 所 邊 之。 部 事 以 行 外 張 間 則 掎 諜 合 角 以 兵

刑 冬旱, 虚 文 民 下 一士以 0 名 非 詔 以 感 禹 激武 聞 戒 勵 其 偁 無 邊 土地 上 夫,信用大臣 益 人, 疏 禁游 請 取 内 節 燕 則 惰 薊 用 省 以 舊 以資 官官 省 厚 疆 以 役、 民 其 寬 蓋 力。 薄 謀 經 弔 賦 不 費 端 晉 拱 緩 遺 抑

太宗末,王禹 員太 强 官不濫。 不 下 嗣 上 諸胡殺之。 恩 疑 減 内 統 疏 由 冗, 設官 開 附 之 冗 陳 所 兵,併 寶 慶 五 畜 且 先朝登第僅萬人,宜 前 宜 事 之 至 赦 使 真宗即 偁上言, 皆 0 兵 簡 諸 冗 天 繼 經 鋭 或 吏。 下 遷 制 日 而 而 未 罪 知 位, 謹 請 事 不 平 使 屈 \equiv 皆 復 邊 衆 明數繼 詔 Щ 己 而 日 舉 與 防 群 澤之饒 ௱ 所 難 夏臺 財 臣 爲 通 用 遷罪 選 賦 糾 興 論 之將 人 盟 舉,使 足, 以 或 事 彼 稍 也 好 舊 後 狀 馬 流 兵 必 專 制 於 感 增 威 而 因 偁

> 尼。 躬親 還舉 載 于家,至今行之。 而 羅 疑 臣 歲限 支射 , 姦 容容 遠 之事 塲 自 小 險傾巧 恐其 度僧尼之數,及病 死 於 銷 人。 繼 宜 有 鑠 驚 遷,平 司 之徒, 使忠 亦亦 駭 依 0 月 格 念記 救弊之一 吏 良蹇諤之士 夏款 敕 知 部 罷 聞 注 退 度 銓 附 擬 而 人、修 擇 囚 端。 有 卒 官 輕 懼 四 如 繫,得養治 , 寺 亦 日 知 五 禹 其 非 進 澄 日 偁 後 親 汰 帝 而 + 潘 大 僧 不 王

E 之路 文。 禹 者之文也。 偁 ,彰爲誥命, 禹 在 偁 翰 奏 林,真 至於彫 日 施 宗 夫進 之四 纖之言,豈 初 即 賢 海 位 黜 延 不 暇 足 肖 利 日 以 萬 召 闢 軫 世 與 諫 一, 王 慮 論 諍

較完整。

❷ 「尼」下,《涑水記聞》卷三有「使疲民無耗」一句,語意❶ 「員」,原作「損」,據武英殿聚珍本《涑水記聞》卷三改。

者。」《掇 較 輕 誠宗社 重 於 遺 瑣 之 瑣 福 Ź 儒 上 哉 顧 日 . 願 棄 卿 其 愛 小, 朕 之 務 其

王 元 之,卒如元之言 但 時 一府乞 之當 難 臣 見 其 以 客, 以 率 私 請 不許 也 宰 宰 朝 相 相 退 遂 本 於 於 聚 寢 廳 政 政 廳 澠 私 事 事 水 或以 見 接 燕 堂 堂 客 談 共 元 議 樞 以 之所 見 者 密 杜 耳 以 於 請 請 都 爲 謁 其 爲 是 堂 後 從 疑 同

T

Ŧ. 器 元 其 卒 之 而 章 何 練 行之。」 虧 出 Ė 軍 知 士。 黄 屈 吾當 又 州,作 于 E 奏 嘉 守正 身 請 納 而 ^ 令州 \equiv 直 不 屈 朏 而 郡 賦 于 佩 修 道 **>** 以 城 . 兮, 見 池 兮, 雖 志 除 惟 百 終 械 謪 其

禹 偁 所 世 推 事 詞 臧 讓 學 敏 否 贍 遇 人 事 物 時 敢 所 以 推 直 重 雖 躬 履 行 鋒 危 道 氣 困 爲 俊 己 厲 封 任 奏 極 無 小 談

> 累 昔 崔 輟 士 1,多涉 謂 ,後進 。嘗云 登文翰之 群 輩 間 多 有 規 斯 : 遊 詞 諷 無 吾若 職 其 愧 藝 尋 以 門 者 矣。」又 生 是 下 即 極 元 頗 罷 和 意 爲 爲 去。 時 稱 流 文 揚 俗 著 從 交遊 之, 所 書 事 不 於 如 多儒 師 容, 李 孫 絳、 何 故 雅

蘇 世 故 張 未 朝 義 流 子 内 廷 吴 清 一,足以 形 則 其 翰 禹 張 涕 翰 招 明 林 太 昭 贊 胡 救 豺 之 能 息 王公元 公 追 無 危 狼 或 廣 不 唐 也 畫 乎 大 於 配 狐 來, 魏 雖 ? 像 狸 姦 此 將 鄭 累 之, 如 自 麾之不 日 慝 六 Ļ 一余嘗 干 公、 漢 : 君 以 百 相 汲 狄 然 使 子 雄 \wedge 吞 \equiv 黯 傳 去, 緩 皆 公 者 文 噬 復斯言 \leq 急 蕭 傑 猶 直 如 一,故 日 Œ 豈 望之、李 公孫 不 方 : 道 色 皆 能 可 容 是 獨 以 不 未 消 而 望 於 時 丞 身 嘗 哉 文 有 立 禍 固 9 當 朝 於 徇 于 不 君

公像。 之,不能已之。 其 山 後 惟 筲穿 墓 想其 乎 之際,則公之所爲,必 以 耿 時之屈 一一一一一 時 爲 碑 -死 然 雖 徐 遺風 示 窬之流,心 如 余始 死 何 帝 賢 余 州,而 有 秋 靡 以占 , 餘烈, 欲 如 霜 乃追 過 萬世之信。 患 憾 不幸而 用公,公不 夏 蘇 莫 公之曾孫 茫茫九原,愛莫起之。 之, 日 爲之贊,以 願 州 己 咸 破 爲 虎 有 平 知 膽 不 居 執 丘 0 泚 裂 以 將 可 於 紛紛鄙 寺,見公之畫 鞭 公 汾 · 贵 來 狎 其 少 衆 驚 M 爲 遇太宗, 附其 世 邪 玩 顙 貶。 特 獨 不可得。 兖州 絶俗,使 之間,安 如此 至 夫,亦 爲 公能 家傳云 = 於 名 朏 允 以公 圃 像 泚 拜 窮 也 其 斗 危 己 黑出

九之三 侍讀孫宣公

仕 宗即 拜 院 父老 糾 太常 及第,爲國子 卒。 工部尚 在 判 禮院 位 京 清 公名 爽, 或 刑 歸田 子監 召 書,復知兖州, 獄 爲 或 里,不 以 字宗古 子 監 翰 出 監 直 年 林 知 許。 擢 一講 踰 侍 河 七十,固 讀 博 陽 諸 龍 出 以 平人。 學 圕 王 徙兖 太子少傅 知 士, 閣 府 密 清 待 侍 知 州。 州 以 致 讀 制 審 九 仕 還, 致 官 判 經

孫 服 獨 潤 書 奭 ,帝稱善 不 爲 念記 得 説 國子監 聞 邪?! 命 因 直講,太宗幸 因 篇, 嘆 以 日 奭 切 . 年 勵 少 天 輔 以 位 監 臣 下 良 然 弼 詔 賜 賚 奭 奭 音 講《 緋 讀 章 朕 尚

永 興 朱 安 下 孫 云 ் 得得 不 能 醎 軍 「得 其 果 知耳,乞斬 上 有 知 敗。 言 書 質 河 來 ? 朱 直 陽 **②記** 唯 能 如 天 自 得 聞 此 朱能 下 於 疏 天 皆 切 朱 書 以以 知朱 諫 能 亦 真宗 崇 謝天下 以 不之責。 能 爲 信 所 自 爲 天 拜 只 0 惟 且 迎 聞 其 頃 無 於 辭 L 之, Ħ 宫 陛 有

真宗將 乎 爲 使 幸 不 漢 굸 武 恤 尉 ?」上乃自 西 數 民, 祀 西 諭 普 刻 賦 焉 祀 有十不可 [秦多 而 石 斂, ,龍圖 黄 念記 頌 繇 製《 安 巢 德 聞 役 閣 因 辨 知 , 誇 待 於 而 疑 天 陛 制 曜 飢 劉 論 下 下 孫 後 歲。 項 無 不 以 奭 世 起 過 E 解 劉 耳 今陛下 於徒 之,仍 "、項、 欲 疏 ____ 效 切 其 中 秦 諫 黄 遣 辭 好 皇 巢 中 行 唐 有

孫 繹 奭 每 上 當 前 避 説 諱 經 因 及 以 亂 規 諷 君 亡 又 或 掇 事 五五 万 反 怒 復 切 申

> 宗同 之,每 畫《無 萬 治 未 時 機 莊 有 道 者 曠 聽 憲 進 逸》爲 奏留 政 爲 明 日 見,常. 肅 不 五 奭 中 圖 皇太后 朝 + 因 乞 加 不 篇 言 禮 報 陛 施 : 號 每 0 下 古古 便 《記 五 然 宜 經 华 聞 上 日 每 帝 典 爲 與 日 王 徽 御 勸 太 朝 言 御 殿 鑒 后 殿 朝 ? ❷與仁 之 雅 上 助。 愛 以 夕 之, 覽 重

孫 定《論 禪 言 論 奭累表 日 諫 1,符瑞 議 争 有 無 語 根 令我 聽 毅 屢 \approx 柢,不肯詭 致 降 然 爾 仕 死 有 雅 群 污病 婦 × 古 臣 人之手。」奭 孝 甚 風 皆 隨 一,戒 采 經 歌 雷 IE. 3 誦 其 義 同。 精 子 盛 不 舉 德 力 請 真宗已 於 内 動 以 獨 學 方 婢 7 奭 重 封 同 阃 正

^{■「}勸」、《凍水記聞》卷四作「觀」。

^{2 「}太」字,原無,據同前書補。

③ 「古」下,同前書有「人」字。

樂 書 亦 鏤 板 多 所 復 是 鄭 E 氏 云。 所 注 念記 \sim 聞 月令》, 於 郊 廟 禮

孫 終 宴 缶 禁中二十餘 宣公以太子少保致仕 復 到 曰 E 全德,近世少 . 顧 T 御 ,不興大耋之嗟。」公以醇德 白 詩 石 不 樂以忘憂,自 守 曾歸。』●今老夫歸 廳,仁宗嘗賜詩 .傅有言:『多少 道 年, 諷 比 易 晚 節 得小人之志; • 刻石 澠水燕談 勇 離 居居 朱 退,優游 卦》九 所 於 矣。」喜動 門鎖空宅,主人 居 鄆 之廳 奥 三爻辭 人學,勸 壁。 里 歌 中 于色。 日 語 而 始 講 鼓 月. 客 置

宋尚 非 名 矣。」及公之卒, 奇之,遂 日 1,故世 古 書祁 「近謚 也 爲 稱 爲 布 石 用 宣 知 衣 死 兩 一公知 닎 時 字 得 、未爲 宋 溢 人。 後 2 方 而 宋 文臣 人知 爲 公嘗語 $\overline{}$ 舉 宣 禮 進 孫 必謚 官 若 士 其 宣 爲 遂 戴 門 驟 公 文, 謚 下 有 足 皆 客 見 日 時

宣」,成其志也。《歸田録》

孫 言 貮 彝 中,凡 行 宣 王沂公言行録 煩煩 法 公、 卿 求 事 孫 朝 於 馮 丁, 類 廣博 八 廷 執 章 座 典 加 奏。」 靖 , 不 所 陳 禮 之, 專 閲 事 以 俱 典 以 是二君之優 並 則政府 故 以 典正爲 二公討 必必 鴻 碩 奉行 以 意,故 重 前 論 望 代 之。 無 劣 中 勸 政 疑 分矣。 府 正 公嘗 講 奉 馮 合 禁

九之四 御史中丞李恭惠公

官 徙 鄭 知 州 公名及,字幼 興 化 中 軍 進 ·, 通 上 第 判 幾,其 曹 再 州 調 先 昇 擢 范 州 知 陽 觀 隴 州。 推 後

「了一、《澠水燕談録》卷四作、老」。

0

② 「近」下、《歸田録》有「世」字。

官 知 初 秦 、杭、 除 提 點 司 鄆 刑 户 州 獄 部 應 副 以 天 使 公 使 'nſ 爲 南 陝 淮 府 西 南 轉 召 特 運 遷 拜 使 御

史

中

· 派,卒

曹 達 計 守 及 吏執 瑋 知 H. 復 代 會 日 知 有 於 不 觀 間 ,旦不答。 邊之才,不足 秦 瑋 日 久 之 勝 京 其 以 屯 州 者 在 書 明 其 聞 秦州。 駐禁軍 師 如 向 人 日 任 也 衆 故 者 服 薦 及方 ,今及材 億 議 相 罪 累 樞 及至 日 聞 白 皆 將 公 章 密 以 笑 及 坐 之,復 書 吏皆 謂 初 求代 直 秦 繼 不 觀 掣婦 日 及 器 學 用 州 瑋 復 書 驚 雖 及, 乃 見 士李及 真宗問 下 將 服 謹 外 如 人 召之 日, 楊 外廷 吏 銀 吏 廷 厚 此 億 具 心 有 不 釵 使 信 顶 之議 以 Ŧ 上 道 於 亦 行 日 前 命 衆言 乎 即 日 其 檢 市 輕 斬 聲 何 皆 略 誰 相 以 之。 中 告 恐 加 其 非 及 口

> 矣。」 之已 多 知 主 日 之 所 秦 將 得 但 億 盡 變 用 州 也 斬 以 之 其 由 七 及 及重 、宜矣。 是 事 年 者 夫 敗 益 以 厚 之 羌 壞 其 服 禁 常 瑋 意 人 必 使 日 軍 也 聾 非 之 之 他 能 戍 服 識 成 爲 謹 鳥 邊 人 度 績 往 此 守 足 邊 白 瑋 也 以 境 必 《記 之 日 爲 之 矜其 爲 所 聞 規 夫 異 事 盗 摹 以 以 政 聰 於 用 曹 瑋 M 乎 明 市 及 P 瑋 ? 處

章 獻 意者 精 當 如 及 益 州 下 - , 其弟 是足 鋭 今 太后 曰 待之 明 無 僚 ,復不在 矣, 公雖 比 佐 臨 及 德 占 朝 待 又 榮 如 明 不 H 何 人下,明公待之, 枯 江 常 内 求 奉 : 使 加 大 侍 福 時 使 江 馬 者 臣 省 獨 中 调 使 不 都 杭 人 如 者 不 敢 知 既 奉 州 反 ・畏其 之兄 慢, 江 而 使 掌 時 德 德 者 耳 亦 禮 居 爲 李 元 明 不 中 無 禍 及 謂 權 而 無 敢 加 用 乎 使 知 及 所 傾 ? 者 過 寮 者 杭 加 天

闡 逸 也 僚 處 佐 而 0 一,庸 德 佐走 前 日 及 明 久居 何 亦 笑 告 李 傷 不能 及 日 ? 餘 公 曰 杭 高 傷 「及老 待之 . 繁劇之 年, 「果然,使者之言 也。 如 何 矣 時 前 不 地 人服其 誠 求 贵 得 無 能 小 小 操 所 辨 郡 郡 守。 加 甚 耶 以 以 可 《記 自 自 既 懼

李公於杭 歸 郊 至 加 暮 0 屏 ,衆皆謂 導從 而 吴兒自是 返。 州 步 當 每 逋 置 人 訪 耻 死,公以 先 林 酒 其 生之 先 召 風 生 客 俗之薄 廬 逋 喪 乃 於 服 獨 孤 哭 造 也 日 Ш 送 逋 拜 冒 望 ^ 晁 清 墓 雪 林 以 談 乃 出 麓 消

蔡君 節 士女環左右,終三年 謨嘗 可 集》一部, 爲 書 世 小 戒 吴 乃爲 張 牋 乖 云:「李及 終身之恨。 未 崖 嘗回 鎮 蜀 當當 顧 知 此 此 滶 杭 君 君 游 州 殊 時 殊 • 清 重 市

集

恨,近 厚, 崖之孫堯夫家。 筆談 可 以 於 爲 過 薄 激 末 9 荷 之檢押。」 子 其 以 性 謂 如 買 此 此 書 帖 而 亦 今在 爲 口 終身之 尚 張 也 乖

九之五 御史中丞孔公

孫。 州 知 年,召爲 左 源 縣 中中 泰、 正言。 舉 公名 道病 徐 奉 進 右諫 究 孔 出 土 道 子 卒,年 爲 輔 州 知 議 祠 字字 鄆 ŏ 大 寧 復 大夫,權 州 五 章 州 原 人 + 獻 軍 魯 爲 徙 四 太 事 青 孔 中 御 后 推 州 丞 子 史 臨 官 中 四 朝 出 明 派 改 + 知 道 召 知 五 代 出 仙 鄆 爲

公仕當今天子,天聖、寶元之間,以剛毅諒

多以 許 引 外 利 公撰《墓誌 大 御 直 太 介節 前 諫 憚之。 與與 后 藥 ,名聞天下。 如此 官 公不終於大位 歸 羅 固争之,得罪然後已。 土 崇勳 政天子, 御 大 嘗爲 ,此其 史,伏 夫 罪 爲 御 所以 狀 嘗 而 市 閣 史 0 知 廷奏樞 爲 中 以 諫院 名聞 而 争之,求見 丞矣, 當 利 天 是 用 矣, 下惜 天 密 時 下, 皇 悍 使 蓋公事 上書 彊 曹 者 后 崇 加 上 利 郭 不 也 勳 土 言請 皆 遜 用 氏 0 大夫 君之 操 明 E 廢 肅 不 内 權 尚 加

2、莊獻太后 誤 與 直 語 E 後宫多 、之忿争。 ,②賞 后 一始得 查 不勝 一頸,上 爲 自 賜 縦 太后 無算 忿 稱 尚 制 一大怒。 起批 適 所 氏常 郭后 恩寵 美 禁 其 人 遏 於 傾 閻 一,不得 尚 頰 恃太后勢, F 京 文 氏 上自 師 前 應勸 父 進 有 自 起救之,后 郭 侵 上 所 后 頗 太 以爪 后 由 妬 后 驕 不 除 横 崩 痕 遜 屢 殿

初

知 諫 也。」 故 祕 淹 未 丞孔道 坐 云:「光 示 曰 净妃」,居别宫。 其 章奏。 許 閣 帥 . 廢 夷簡 大臣而謀之,上因 宣宜 事 夷 外外 校 況 簡 , 輔怪閤門不受章奏, 理 臺 武 奏請 人籍 傷 因 十二月 將 范 諫 早 一、漢之 乘 密 廢 仲 息 詣 興乎? 籍 ,未降詔 勸 后 淹 閤 此 乙卯 明 上 因 頗 門 右 議 奏 主 廢 登 有 諫 以 請 請 廢 后。 也 書。 對 不 聞 示吕 議 稱 對 勑 之未損 之者。 口 極 大 皇 9 有 郭 悶 上疑之, 丙 陳 夷簡 遣 夫 使 后 后 司 門 辰 其 吏詗之,始 權 人道 有 無 止 聖 與范 不 不 左 闡 得 德 且 以 御 爲 可, 司 於 史 賜 受 怨 夷 告之 奏。 諫 上 仲 中 外 且 懟 簡 號

即「尚」,原作「上」,據《臨川先生文集》卷九一《給事中

² 6 人一下,《涑水記 日 」字, 原 無 據 聞 同 前 》卷五 補 有 一尚氏 楊 氏 尤得 幸」七

官 武 宜 道 等 所 諳 宦 閻 罷 簡 効 獲 日 四 始還 失 譁 詣 者 宦 輔 諸 香 爲 罪 云。 文應所譖,●故廢之。 即 須 皇 奏之, 德,又足法 者 等 也 爲 君 中 君 相 有告 家, 更 主上 夷 書 闔 欲 上直 十 熟 所 公不 后 自 附 自 爲 簡 狀 扉 被 須 勑 詗 宣 躬 月戊子, 登 乎 奏。 拒 過引漢 廢 史, 以一 尋 貶 ? 堯 祐 對 之。 邪? 至 至 黜 有 奈 門 道 舜之資 力 夷 廢 時 是 道 旨 輔 何 遺 陳 人 光 道 簡 之 后 故 直 輔 等 自 趣 之。 不 武 人 輔 拱 自 念, 后 以 等。 既 悉 聽 内 押 餘 臺 勸 拊 立 有 而 郭 勑 m 道 計 且 出 廢 一諫 東 我 E 甲甲 典 氏薨。 除 故 相 悔之。 門 爲 城, 輔 后 耳, 中 曹 欲 : 故 銅 公 之。 事 吕 等 書 人諫 有 0 皆 鐶 宣 仍 此 更 纮 退, 所言 夷 后出 大 祐 漢 仲 中 事 勸 昏 論 下 后 道 簡 之 詔 輔 呼 監 之 君 光 淹 辨 丞 夷 明

> 賜之, 發其 之大 輿 居 獻 不 未 棺 而 班 后 夷簡 一斂之。 之黨 () 悽 從 聞聞 卒 瑶 耳 立 初 曹后。 崩 數日 懼 華 但 疾。 且 然傷之,作《慶金枝 獨 唱 宫 9 由 以 會后 Ė 其 不 曰:「當復召 悉 疾 是 E 先 與 后 章惠太 名, 附 久之, 罷 甚 伯 并 夷簡 禮 具 有 太 未 之。 庸 夷 大 葬 棺 小 后 時 絶,文應 駭 簡 疾 謀,以一 上遊 於 器 后 邪 退 爲 不 罷 文應 佛舍 請 亦 ? 告 諫 汝。」 之。 後園 逐楊、 知 推 夏竦等 官 郭 但 以 按起 使毉 其 夷 后 詞 多 是 不 上言 見郭 故 簡 尚二 機 日 救 遣 皆莊 郭 官 居狀。」 或日 巧 聞 故 文 小 夷 后 夷 后 美 黄 簡 應 故 簡 郭 善 獻 遽 以 肩 E 后 以 門 章 藥 聞 素 押 應 太

⁰ 七景祐二年十一月戊子條等改。 譖 原 作「贊」 據《凍 水 記 闡 卷 五 、《長編》 卷

此 然 豈容但 郭后之 時 記聞》,多出 與 記 記 後 論 之,乃 内 聞》〇公孫 來 者 所 侍 声 廢,不爲 范 止 乎 副 蜀 以 ,則是 知 一公、 爲文靖 洛中人家子 都 中 事 大 劉 無 知 書 姦 原 由 罪,文靖 閻 不 舍 父、 大惡 郭 合 人本中 文 吕 示 弟 后 應 知 罪 縉 力 增 一當言: 不 等相 争 加 不 叔 夷 可 皆 及 容 之僞 力争 簡 誅 罷 不 ^ 結 以 諸 温 由 而 當 文 諫 如 公日 是 使 遂 入靖 時 官 郭 已 公議 惡 爲 爲 后 録 爲 也。 》、《涑 非 之 不 郭 中 廢 美 分 若 蓋 后 詗 明 爾 當 如 知 水

公所 幾 是 公持 度 稍 消 圕 兖 公 人 閣 折 輔 至 ,果復召以 州 且 節 度公爲 直 也 官治 一言。」乃 學上。 不 節 以 近 得 待 以 臣 數 久居 遷 上 終 爲 有 以 一、公乃 以 ____ 所 身, 中 獻 争 中 公爲 日 思, 丞 詩 蓋 ,而公果出 職 -白 告以 且 未 龍 不 是詩 篇 而 不 嘗 阳 置 宰 者 不 久 自 閣 雖 相 或 能 於 直 朏 執 · 《墓誌 多 使 絀 外 學 政 也 或 於是 矣。 不 請 士 説 遷 如 其 除 公, 又 未 於 孔 龍 在 而

> 初 開 怒,既 死 此。」 勘馮 以 赦 士 中 退 交 故 士 \bigcirc 中 書,士 傅 遜 元 又《東坡志林》云: 私 謂 移 」道 路 張 士 通 日 封 貶 公見上, 其 ,汙朝廷 公爲大臣 士遜 姦利 元盡 輔 琳 遜 府 「公所 悵 獄 屏 法 亦 不喜道 然 吏 最 御 人與 不阿。 朏 以甚者宰 愧 馮 以 史, 道 語 而 上 士 致 輔 輔 道 ௱ 德之。 久之,因 此, 闡 劾 固 仁宗稱之,有 元 欲 道 所 相 地 之蘇子容 誰 士 怪 坐 輔 程 有 坐 之力 知 不 以 琳 故 兀 士 言 獄 數 止 中 爲 也 罪 出 元 日 也 之。 士 「公將 孔 如 語 道 止 ? 知 以 意 遜 L 輔 此 連 道 於 L 大用。 所 殿 鄆 小 非 既 大 輔 使道 賣 力救 杖 大 程 用。」 得 吏 爲 州 而 感 公,公 臣 其 御 琳。 輔 時 執 與 又 道 憤 情 史 數 送 大 政 多 中 大 得 矣, 墓 輔 不 劄 上 臣 喜 丞 誌 又 臣 更 大 至 子 而 與

已

公使 禮 令謝 戲 文 、公赩 契 相 丹, 公正 接,今俳 然徑 契 丹 色日 出 燕 優之徒 使 : 虜 者, 中 使 或 主 優 侮 與 客 人 慢 北 者 以 先 朝 邀 文 聖 還 通 宣 坐 好 圃 王 不 爲 目.

之禁,北朝之過也。道輔何謝!」虜君臣

公廉於財 真武 始 將以下皆 之,而蛇果出。 爲 默 妖 亦不得而略也。 福 而 神 知 無 尤 何足道 名 所 不 像,有蛇 擇, 州 好 、樂振 將 鬼 然余觀 大驚,已 哉 其 欲 神 穿其 智 -施, 公即 視驗 機 勇有過 世 《墓誌 公數 祥 遇故 前, 而又皆大服。公由 多以 以 事 舉笏擊蛇殺之, 處 數 聞,故率 人子, 人者。 此稱公者 出 朝廷大議 在 近 寧 人, 恩厚尤篤 州 勝 其 道 屬 人 故 蛇 視 自 往 傳 土 余 之 治 禍 此 拜 以 州

元祐 尚 宗時嘗 以 細 容 事 先聖爲 中,上元駕幸 有此 何足言者?」孔曰:「非爾所 有 ? : 語 戲 爲 刑 此 戲 付伶 部 凝 者 侍 祥 池 官于理。或曰 郎 詔 宴從 孔宗 斥 去之。 臣 翰 一,教坊 奏 今豊 二、一、此 唐 伶 知。 宜 文 人

> 天子 者嘆伏。 爾 褻 慢 春秋鼎盛 縱 《澠水燕談》。 而 不治 ,方且尊德樂道 豈 宗翰,道輔之子也 不累 聖德乎 一,而 賤 工 乃 聞

九之六 起居舍人尹公

閣。 爲 試 第, 税。 事 改 通 葛 知 判 經 懷 除館 調河 移 卒,年四十六。 涇 濠 略 敏 貶崇信 公名洙,字師魯, 知 州 州。 安 辟 南府 閣 、徙渭 慶 撫 爲 校 州。 韓 軍 副 經 勘 户 公知秦 節 使 略 ,貶監 曹參 州 遷 度 判 復以 起 兼 副 官 軍 、州,辟 領 郢 居 河南人。 使, 公爲 涇 知 舍 州 范 徙 光澤 原路經 酒 人, 通判 監 韓 判 税 官。 直 二公公 均 縣 中進 州 龍 略 大 州 出 將 降 公 酒 置 召 土

師魯,河南人,姓尹氏,諱洙。然天下之士,

歐陽公撰《墓 世 事 不 其 窮 其 世 識 有 師 者 議 爲 法 達 與 魯 與 無 人言 亦亦 荷 者 臨 難 ,博學彊 論 而 不 世之 易 止 未 識 所 禍 或 誌 必 何 是是 多 福 以 而 皆 知 妄 盡 記 其 取 勇 稱 師 隨 無 知 非 嫉 於 材 魯者 之 通 之。 愧 於 非 能 敢 日 而 知 於 爲 今古, 師 務 師 古 至 或 亦 魯, 故 窮 其 魯 君 推 其 罕 其 盡 忠 子 爲 長於《春 其 蓋 所 能 卒 文章 文學 道 義 其 則 以 過 理乃 之節 窮 名 見 天 也 以 秋 簡 下 稱 或 重 死。 當 於 遇 高 稱 處 而

范 言 公貶 饒 仲 州 淹 諫 臣 官 之 師 御 友 史 不 願 肯 得 言, 俱 貶 師 魯 貶 上 監 書

郢

州

酒

税。

墓

誌

康 定元 子 天 子 與 范公爲之副 命 年 夏 春 公開 , 夏人 府 寇 公公 永 延 爲 興 州 判 以 官 大 經 將 略 劉 未 平 幾 招 討 戰 之。 死 遣

> 計 專,徙 道 文 公詣 詔 任 議 防 奏 僞 而 翰 走鎮 慶 福 請 難 當 日 林 下 日 期 帥 之。 闕 切 學士晁公宗慤 和 . 禀算于 通 以 「今將 公時 9 奏之, 責 戎, 率 而大舉 將 判 歲 事 濠 其 在 月 俾 未 在 方 平之。」 朝 州 部 唯 軍 與 以 至 慶 寢 廷。」乃 兵 兵,0 將 Ŀ 進 州 雖 韓 寇 賊 劉 賊 兵 所 督 魏公撰 得 得 使 涇 引 政 復 擇 月 出 尚 以 還 原 涇 畫 去。 遣 日 兵 未 鋭 自 之 攻 墓 原 mi 詔 人 來 攻 習 便, 表 兵 守二 求 賊 Ш 夏公奏公爲 以 上 取 賊 練 數 復 外 援 書 攻 策, 千人, 書 合府 寇 策 攻 府 願 殺 印 鎮 謹 即 余 守 中 部 征 議 戎 便 移 大 復 邊 署 與 州 己

初, 道 朝 勒 廷 兵 之 綏 將 用 宥 攻 間 策 攻 也 賊 命 積 葛 聚 懷 招 敏 懷 出 種 鄜 族 延

●「與」、《琬琰集》中集卷三六《尹學士洙墓表》作「輿」。

ĮЩ

中 請 也 奪 飜 不不 參 罷 然 其 議 要 來 ·患將 害 懷 墓 服 表 敏 卒 而 則 行 無 堡 久 誉 勇 障 而 軍 之 患 易 事 賊 應 制 0 敵 有 知 寡 詔 公 朝 謀 廷之 日 如 耳 請 威 是 乃 而 自 行 事 必

涇 以 用 路 兵。 鄭 漏 原 田 或 中 遣 冀 日 帥 不 之衆,且 其 公 乘 開 公曰:「 給 秦 百 爲 之戰兵, 屬 公 葛 道 圃 援 里 矣。」乃奏罷之便,詔從之。 陝 夙 懷 董 援 敏 夜 西 土 引 由 白 師 覆 四 撫 廉 堡 常 賊 黄 安 里, 日之速, 路 軍之後, 革 屯 與 不 數 然 石 帥 修 師 登 滬 河 犯 以 道 水 0 路 於 主 塞 濟 洛 則 萬 坐 静 傷 來 章 0 以 必 吾 城 人, 耗 援 邊 夷][] 今 完。 併 兵 芻 殘 寨 堡 無 以 雖 脯 兵 愈分 糧 主 缺 南 時 故 當 通 遠 不 劉 宣 秦 奪 賊 千 水 道 勝計 滬 諸 會 諸 之 昊 徽 洛 而 罅 ~<u>,</u> 五 議 鄭 邊 羌 羌 路 舉 援 使 白

> 利 旁多生户 陜 集 極 部署鄭 築水洛 相 是 慶 順 滬 初。 改 比 言 害。 官 西 援 渭 州 奏 軍 滬 知 召滬者再,不至, 路 還 物 州 本道 永 城之利, 未至 二人者 戬 復 攝 秦 結 無 出 西 面 ,今奪 以 興 罷 公二 所 路巡 隴坻之内 一,尹 城 滬 狀 不受代。 沮 付 軍 川 聞 水洛 一城,以 洙 不 其 路 檢 滬等 七廉 遂 請 乃 召 地 命 劉 П 招 遂成 不 滬 滬 輒 討 滬 署 恐 焉 兵 功 及董士 建 罷 之。 下 奉 (戍之, 遠 上 以 前 城 部 策 乃命 恐 戩 獄, 未 詔 廉 《墓表》〇 朝 詔 帥 署 洙怒 不及 以 令還。 知 畢 緩 廉 廷 牒 爲 水 m 差官 狄 興 瓦 貞] 急以 以以二 董 事 秦、 興 溥 寇 公 副 亭 作 其 軍 滬 飭 至 請 渭 滬 又《記 役。 使 通 按 於 人違 寨 不 又言 滬 兩路 募 士 魚 請 援 等罪 熟户 問 是 己。 主 等 兵之路 罷 會 廉 周 節 闡 有 之。 以 韓 張 詢 親 督 於於 制 急 网 鼎 往 琦 徙 公 至 忠 役 而 户 命 視 戩 城 宣 Ш 發 代 公 德 遺 鄭 如 既 先 之 其 都 因 撫 外 兵

^{■「}引」、《琬琰集》中集卷三六作「列」。

是 **狄青** 戳 議 往 乃 「斬之。 徙 洙 慶 青械繁 州 滬 士 廉於德順 軍 及周 詢 還

其

范 既 罷 政 事 當 時 衆 賢 執 政 皆 指 爲

黨 書 欲 水 因 洛 事 事 斥 訟 逐之。 公, 且 董 誣 土 公在 廉 者 渭 即 有 詣 盗 闕 鰄 L 朋

公。 有 部 將 孫 用 者 出 于 軍 校, 嘗 自 京 取

制

使

承

風

指

, 按

驗

百

端

不

能

得

毫

以

汙

生

好善之心,過於嫉惡。

之翰以

謂

信然。」

材 民 ,乃分假公使 息錢至官 貧 錢 不 俾 能 償 . 償 其 公與 民, 丽 狄 公惜 月 取 其 其

俸 償 于官。 逮 按 問 加 錢 先已 輸 官 矣。

税 坐 此 貶公崇 墓 表》〇)又《南 信 軍 豐 節 雜 識 度 副 使 尹 洙 徙 當 監 慶 均 曆 中 州 與 酒 范

以 仲淹等友善 居 渭 州 時 一,仲 事 淹等 遂 置 既 獄 罷 遺 朝 劉 政 湜 洙 按 亦 之。 爲 人 希 日 時 謂 宰 洙 意 E 攻

龍 圖 得罪死 矣。」洙請 其 事 , 湜 日 0 龍 圖 以 銀 爲 偏 提

給銀 : 有記 圃 收 偏 提 無 籍 是 议 知 龍 圖 當 得 罪 死 也。」洙

附 日 某 此 不 可 足 取 以 視 致洙罪 湜 也 閲 籍 以 果 銀 然 爲 偏 知 提 不 用用 能 害 某 嘆 T. 息 校 注之, 加

> 之意,其希用 恨於湜乎 後洗 有 問 料 日 榻 言 在 語 !」甫深 隨 及 劉 幾 湜 州 事者意 湜 月 按 何 而 無 伏 師 孫 也 所 魯 其 、欲害洙 ? 甫 不 識 之翰 欲 洙 道 量。 致 日 知 廼 師 而 之翰 安 洙 魯 湜 州 湜 於 未嘗 又言: 不 與 死 過 能 洙 隨,二人皆 有 自 本 而 樹立耳 未 井 師 言 嘗 洙 魯 及湜 絶 有 自 洙 謂 好 口 不 足 何 未

嘗

甫

論

師 至,師 希文。 行, 矣。 卒。 革 此 范希文知 言盡矣,吾 終 魯 不 H 不 遂 而 在 顧 予 미 魯 《墓誌》〇 分 及 希文 信 隱 均 稚 E 俸 謂 鄧 其 几 不復 州 洙 以 師 子 州 而 H 魯日 私 濟 並 洙 得 卒。 在 往 帥 范公作《師 君 無 云。」翌日 今日必 視 疾 前 魯得 之家 整 所 其 見 又《記 將 冠 疾。 無 沿 疾 死 與 但 君 帶 再 甚 牒 即 矣。 韓 魯文集序 其 覺 往 闡 擅 公 憐 無 至 氣 旦 盤 $\stackrel{>}{\succeq}$ 去官 不 稚 人言將 憂。」 之 息 南 濯 遺 - 獲見 丰、 尹 龟 色, \geq 人 陽 怡 師 詣 師 奄 歐 招 死 魯 傳言 鄧 魯 訪 就 陽 與 希 者 然 謪 舉 州 師 盡 水 醫 賓 必 文 官 魯 手 耳 日 隱 以 叔 其 見 均 藥 來 客 日 後 述 E 鬼 遽 几 州 南 隱 事 君 神 陽 疾 別 君 而 之 屬 几 既 時

洛陽。 與 至 、希文語 廳 事,已 ○按:《涑水記 久之,謂 聞 其 家號哭。 希文曰 聞 》所 希文竭 「公可 載 如 此,與 出 力送 、洙將 范、 其 喪及 逝 歐二公所 矣。」 妻

文出

坐

歸

記

已不

同

前

沈氏《筆

談

》所

記

尤

詭

異,今不復

師 魯當 之策。 欲訓土兵代戍卒, 歲,未嘗不在其 息 戍》二篇 天下 皆 未 無 事 及 行 時, 施 于 間 爲, 以 世。 故 獨 矣。 減 喜 而 於 邊 自 論 《墓 元 西 用 西 兵, 昊 事 站 爲 兵 臣 爲《 尤習其 起 禦戎 凡 敘 西 **T**i. 燕 兵 長 久 解

公天 嚴 者 設 變 斷 意 條教 也 大事 容 性 師 接 慈 惻 魯亦 在軍 故 務 則 然 去 以實惠及下, 人 心 不 内 謙 人 而 如 忍, 剛 勤 得 願 金 愛士 外 發 罪 盡 石, 和, 見 其 顔 雖 雖 凡 力。 去 鼎 貌 悍 事 則人思之。 鑊 所 夫 有 前 及 至 冗 小 列 臨 郡 列 圃 不不 大節 邑, 皆 可 修 降 矜 口

> 文章 尚 柳 振 表》 詞鼓動之,於是後學大悟 0 ,力以古文爲 自唐之衰, 公仲 天聖初 塗始 日 以 ,公獨與 主,次 古 淪 淺 道 俗, 發 穆參軍伯長 得 寖 明 歐 之, 以 文風 陽 大 永 後 敝 叔 卒 變。 矯 不 以 時 本 《墓 能 雄 所 朝

師 精 魯 文正公撰《文集 ,章奏疏議,大 深於《春 秋》, 序 見 故 風 其 采,士林聳慕焉 文 謹 嚴, 辭 約 而 理 范

本朝 公爲 偶 退之文學之。 尹 洙師 古文,柳開 儷之文,及官河 與 古文則居 魯兄弟 師 魯約 仲 蓋 繼 分 師 塗、 其 撰。 公 魯 南, 後。 穆 與 後 其 修伯 始 也 師 後 歐 得 魯 陽 師 於 師 長 如 文忠公蚤 魯 首爲 ^ 文雖 魯, 五 死 乃 代史》, 之唱 不 無子。 出 同 韓

表

今歐 春 ? 有 果 秋》 法。」且謂 有 陽公《五 歐 師 可 陽 。 當 魯之文乎 公誌 代 人曰 則 史》頒之學官 師 歐 魯墓,論 ? 陽 「在 公於 抑 扎 歐 師 子 其 陽 盛 六 魯 文 公自爲之 經 行 不 日 薄 中 一「簡 於世 唯

也

而

内

下 不 云 知前輩文章 ,不足以 同 時 、望脩 有 尹 淵原,自 云。」蓋史官皆晚學 洙者,亦爲古文,然 有次第也。 小生 《聞 洙 見

録

崇

寧間

改

修《

神宗

E

史》、《歐

陽

公

傳

影乃

天聖、 言。 錢 成 命 爲 謝 掌 永 相 希 水叔 明道 書記, 深爲 叔 師 因 魯 府 服其簡 師 中,錢文僖公自 通 第 日 魯 梅聖 判 起 作 歐歐 雙桂 古。 記 洙 俞 陽 止 爲 樓 永 永 用 水 主 叔 叔 叔 五 西 簿 樞 爲 自此始爲古文。 文先 百 城 皆 密留 推 字 建 官 天下之士。 成 臨 口 凡 守 記。 袁 尹 西 驛, F 師 都 文 餘 魯

> 《聞 見 録

韓 報 尚 推 之光兮,亘 兮,是能安性 奔 壽 兮,此天之性。 魏公表公之墓 性 其後兮,宜 於邪徑。 兮,此天之命。 命。 歸于默定。 如公之文 一萬 故 命 嗣 古 公臨 而 人之蒙慶。」 位 而 昧者 -增鉴。 雖孔 歸 不 禍 武 嗚 大 正 不 福 顯 呼 傑 思 孟 生 唯 吾 !) 遭 丽 不 聞 大 死 妄求 能 自古聖賢,必 讒 而 善人 名 侕 以 而 貫 赫 曾 兮,徒 兼 跌 以 者 然 不 適 忠 É 天 日 少 必 自 不 義 月 變

韓 更顧 保。 魏 以 公日 師 魯爲 身。」公雖 師 魯以謂 愜 希文常勸 爾 重 不 《魏公别録 希 然 直 文之説 以 謂 身 臨 安 然性 或 而 家 後 事 之所喜, 或 ·, 不 家 口

師 魯 兄 源,字子 漸 與 師 魯俱 有名 於當 世

0 建 臨園 」、《邵氏聞見録》卷八作「 建閣 臨

及 君 爲 以 命 瓦 葛 干 矜 有 久 如 其 而 師 賊 范 涣 斬 敗 亭 懷 而 材 其 不 不 其 有 飾 魯 論 舉 之, 公 論 計 得 言 意 死 敏 益 口 所 好 議 其 能 與 以 直 利 發 發 加 篤 辯 文 以 利 或 已 自 韓 居 救 章 劉 害 涇 其 聞 得 而 果 則 而 晦 而 富 館 者。 趙 性 涣 9 原 後 博 於 復 此 藏 來 人 搉 閣 坐 兵 元 不 知 諸 動 學 有 其 必 知 其 專 且 昊 能 與 救 滄 其 召 驚 公皆罷 爲 彊 滄 所 情 殺 容常 吾 寇 之。 州 利 試 懷 伏。 記 州 以 僞 邊 居 降 軍 不不 不 敏 子漸 皆 數 杖 畏 知 君 在 計 童 其 不 久 范 用 密 敗 法 而 有以 遺 城 其 能 定 加 視 爲 而 卒 文 遂 也 師 州 懷 堡 見 用 善 成 Ш 世 莫 人 Æ 魯 過 敏 不 知 其 敵 敗 與 堡 事 知 剛 公當 宜 與 君 而 人。 書 言 服 必 一,大將 懷 簡 駐 E 後 若 至 兵 ---赴 州 時 薦 遂 書 兵 多 涣 法 不 其 不 m

> 滬之兄-賢 私 以 往 如 疾 往 士 此 卒 被 亦 也 酒 多 滬 歐 被 哀 嘗 陽 歌 誣 訟 公 洙 撰 泣 枉 文致 **◇** 基 下 得 一誌》 罪 其 朋 罪 友 君 又《名 而 皆 歎 源 乃 息 竊 臣 排雪 傳 怪 憂 À: 之, 悲 其兄 發 涣 已 其 憤 即 而 不 劉

九之七 尚書余襄公

將 州 知 祕 改 進 正 事 將 言 廣 軍 落 土 改 監 職 州 作 公名靖, 青 辭 試 修 1 貶 書 不 州 經 起 監 英 就 監 判 制 居 ,分司 宗 召 字 拔 筠 注 廣 爲 即 交,擢 安 知 州 南 廣 位 知 道 虔 南 酒 東 西 制 州 京 税 西 集 韶 拜 體 許 路 更 賢 I 州 量 慶 盗 授 父 曲 部 校 安 出 曆 賊 憂。 左神 理 江 尚 撫 知 中 人。 書 吉 使 武 知 起 除 坐言 州 代 移 潭 大 爲 右 舉

歸,道病卒,年六十五。

公爲 説 自 不 少博 通。 人 陰 質 陽 歐 學 重 律 陽 强 剛 公撰 曆 記 外 勁 神 至 暨 而 道 碑 言 浮 於 語 屠 歷 、老子之書, 代 恂 恂,不 史記 見喜怒。 雜 家 無 小 所

范文 去, 歐 戒。」書既 亦 爲常,不甚 史 陛下 ~ 緘 得罪遠 陽公脩 E 號 以 親 爲 言 避 政 四 謪 相 上 禍 事 賢。 以 重 繼 , 落 件 大 臣 一借 來,三逐言事者矣。 無 時 抗 蘇台文撰《行 職 敢言 天下 疏 恐 監 論 . 貶 鉗 筠 者 賢士大夫 列, 天下之口 州 知 狀 又以 酒 公 饒 税 獨 州, 書 相 上 諫 尹 讓 不 若習 與 書 公洙 官、 諫 僧 미 E 以 其 不 御 0

慶 端 言 曆 公姓名 門之右,公論之曰: 三年, 無所 除 口 1 避 右 增 正 置 言。 是 諫 年太 官 公感激 「金、火罰星 以 白 開 犯 廣 奮 歲 言 勵 星 路 于 遇 太 與 事 親 歲 微 軱 筆

大率 言 瘞舍利 此 慰 其 夫婦 兵以 朝廷 繒。 德,以 利 貨 中 爲 刑 相 民 育 亦 光 貴 將 能 惟 犯 一彼 類 公論 ,携手 所 미 怪 心 血 來、民苦 出 人 謝 迎 復營建,舉 金 皆 之餘, 此 以 也 宜 取 塔 光 入内 及 主 天變。」未幾, 不能 之日: 爲 一誡懼, 塔基 景 赴 臺城 《行狀》〇又《筆談》云: 兵 庭 鑒矣。」公之論 昔梁 誉 井 賦 自 自 傳言 吧 五 一舊瘞 衛, 死 建 役,不聊其 以 之敗,何 天子 及 行 武 「天火之致,本 京 者,其 何 頗 佛 答天意。 所 饑。 帝 師 舍 有 福 塔, 光怪 可 忌 至 造 利 火 王公大 及於 窮 蓋 于 非 開 長 入 能 將 事, 至矣。 願 木 民? 宫 禁中 干 所 生,至有 寶 復 致 且 陛 開 爲 塔 寺 以 姓 掖 建 不避忌 自 福 寶塔 下 凡 塔。 德 答天 是 塔, 亦有含 今復 莫 於 雜 腐 西 相 責 災 災 草 余 人? 父 唾 不 出 傳 上 金 躬 皆 襄公 得 諱 戒 信 以 子 遣 寶 用 以 修 爲

光,水 精 及 珠 之 圓 者, 夜 亦 有 光, 鳥 足 異 也. ? 二仁 宗

從之。

慶 之 公事 曆 媛 郡。」《記 此 過禍 差遣 自 世 元 興 年 父 有 於楊、 ·,才人 職 右 臣 方 IE 僚 員 堯 言 尚 張 奏 外 佐 余 氏 舉 郎 靖 不 進 , 堯 若 足 L 日 封 佐 物 爲 言 : 修 提 議 輕 8 媛。 朕 「堯 點 重 不 不 開 允 四 以 但 佐 桂 年 當 鑒 女 不 府 當 與 謁 郭 縣 以 用 得 鎮 修 后

慶 間 曆 所 問 其 奏 之, 所 事 年 書 于笏 盡 右 者 而後 IE 各 何, 言 己。 用 靖 余 以 靖 上之聽 字 實 奉 爲 對 使 目。 0 契 納 E 丹, 不 上 一指 倦 顧 人 其 辭 加 見 字 此 書

聞

慶 丹 曆 且 告 以 四 兵 師 年 期 臨 元 請 境 昊 上 止 納 毋 遣 誓 與 使 請 言 和 和 0 • 將 「爲 朝廷患之。 加 中 封 或 册 討 而 賊 欲 契

知

虔

州

J

父憂,

去官

而

蠻

一賊

儂

智

高

陷

邕

州

連

破

嶺

南

州

縣

重

廣

州

乃

即

廬

中

起

念記

聞

聽。」 北 公諫 矣 朝 析 庸 非 北 聽 此 廷 關 其 邊。 邊 ,往復數十, 9 重 遂 朝 亦 議 利 契 見 絶 無 發 議 廷 大 也, 丹之所幸。 虜 夏 夏 事 雖 未 夫 於 人, 册 決 0 是 故 以 九 臣 卒屈 公言 一、公獨 報 用 神 圃 + 道 0 此 兵 元 碑 其 九 公從 不 以 昊。 猶 以 議 泉, 得 留 撓 謂 H + 息 使 西 取 從 夏 我 . 餘 中 師 其 册 吾 ; 容 爾 息 不 既 騎 要 不 坐 或 聽 領 兵 遣 解 是 帳 馳 厭 嚴 養勇 而 不 中 出 兵 生 而 還 辯 居 假 而 口 事

慶 曆 丹, 吉 詩 至 能 虜 州 虜 四 主大喜 爲 中 年 胡 行 語 除 盡 狀》 爲 契丹愛 知 得 之願 制 情 又《 計 之。 觴。 實 劉 復 還 貢 及 坐 再 父 使 嘗 坐 詩 往 貶官 契 爲 話 虜 丹。 胡 情 益 語 親 公前 余 詩, 尚 余作 書 出 後 胡 使 知 語 契

援 疏 西 不 與 儂、 黄諸 公以 盜 公爲 聽 反 沮 智 志 桂 「委以 智 言 許 智高 助 高 乃趨 節 其 也。」天子嘉之, 州 公功 既 智 謂 祕 初 制 善 邕 高 諸 合足 高 丽 起 公奏 書 意 州 姓 後 走 廣 將 宣 監 多 或 一首豪 智高 與 事 人 交 州 班 矣。」 撫 乃 日 疑 加 交 累 知 海 趾 師 使 其 賞 以 皆 趾 疏 潭 遷 請 而 交 及 狄 便 邕 不 薄 論 以 即 賊 州 接 給 智 趾 出 縻 青 智 宜 9 可 州 智 境, 詔 即 之, 在 事 高 兵 叛 以 會 高 平。 用。 趣 高 東 公經 再 中 者 復 助 職 日 公兵, 不 今 交 人 尚 遷尚 而 討 西 馳 ·, 宜 邕 報。 不 諫 公 公 趾 在 與 制 徙 走 賊 請 州 Ó 官 納,必忿 日 會 聽 之誓約,使 臣 廣 書 敗 請 邕 在 兵,又 復 至是,公 詔 出 東、 西 賊 遂 御 留 州 道 終 兵 不 部 公廣 於 無 使 史 非 改 西 喪, 歸 外 不 募 而 列 自 毋 賊 臣 知

> 然。 郎 又遣 公 留留 人 廣 人 西 特 逾 磨 年 襲 撫 取 緝 智 完 高 復 母 嶺 及 其 海 肅 弟

人 獻 于京 師 斬之。 《神 道 碑

嘉祐 州 公至 以 死 0 爲 Ħ. 斬 嘉 廣 願 年,交趾 于 則 西 留 祐 界 移 體 取 惶 Ŀ 檄 首 量 恐 寇 交 安 惡 《神 對 邕 趾 撫 以 道 日 州, 使, 獻 碑 召 0 殺 悉 其 種 3 Ŧi. 發 臣 即 落 巡 荆 費 械 犯 檢, 湖 嘉 五 邊 兵 人 祐 驛 以從 送 罪 詰 召公 當 欽 責

廣之番舶 遠商 藥。 及公北歸 又請 裝船, 立 舊皆取 ,不載 法 戒 當 南 税,公奏罷之, 任 海 官 物云。 更,不 得 俞行 以 市 狀 南 徠

2 3

⁰ 馳 》有 上, 疾一字。 居士 二三《 贈 刑 部 尚 書 余 襄 公 神 道

公」字,原無,據同 前 補

留 余襄公神道碑銘》作「歸」,有校記云 周 必大刻本歐陽 脩《居 土 集》卷二三《 本作「留」。 贈 刑 部 尚

余靖. 公資 仝 己 薦 公之文武之材, 薦 舉 理 尾 斥 欲一忤人意。 帥 一坐違 」,据其 横 幾十 制 曲 特 邊 亦 性 本名希古, 議 莊 科 也 多 江 磨、 勑停 年 抵 重 罪 主 顯達 仝 任 皇 南 :,無所 觸 簿 以 亦 使 任 詔 寬 忌 恩 王 舉 及諫 賢 韶 ,希古杖臋二十。 之 可謂 諱 全善遇 間 信 圃 得 制 州 勇, 或 容 常 被 唯得 不 諍 科 人。 具矣。《行 衆, 各 接 于 皆 • 小 人 人,温 盡 之。 異 主 有 舉 回f 口 知 仝與希 其 域 一,論 避 知 以 進 州 時 材。 人 怒 士 狀 頤 容 如 列 之鑒 知 帥 古接 指 遜 交 時 全遂 嘗 以 未 韶 二廣 辭 氣 趾 政 爲 所 州 預 0 坐, 使。 者 首 閑 大 玩 解 排 稱 其

應其 孝。一 所 州 開 飛 爲 自詣 閣 營身 遂 兩 諷 在 直 以 於茶 即 官 視 諫 仝令避去 將 勸 求。 孝 計 竊 以 官 韶 學士,王仝數以 軍 標 全不 全對 篚 聞 州 銀 2 方 靖 分 中 孝標聞 由 而 攻范 密 司 從 託 L ,全辭以 致茶於仝,全大 詔 是 「當 求 O 言 下 獲 對 日 人餉之。 念記 黨 其 靖 虔 罪 : 接 稱 案,2 嘗 聞 深 孝 州 不希 坐者 貧 書干 孝 犯 標 問 不 刑,詐 得 恨 標 古即靖 以 靖 余 能 王 所 之。 靖 冒 仝,靖 其 怒 託 出 希古,今不 求貨,靖 哀 者怪 事 置 靖 靖 時 是也」,靖 求 語 應舉 及詔至 遷 陰 錢 置 仕 之,子 其 子 使 銀 龍 不 9 重 知 飛 人 能 圖 不

官

祕

書

丞茹孝標喪

服未除,入京

師

私

獲

罪

由

是

知名。

范

公人

參大

政

引

爲

諫

解

及

第

景

祐

中

爲

館

職

爲

范文

正

訟

冤

居

虔州

不

復

任

進

希古

更名靖

取

他

州

² 0 密 時 聞 知 作 同前書作 韶 州 「爲干 者 舉 知 制 韶州 科 仝 者 亦 舉 制科」。 制 科」十三字, 今本《涑

通 判 也 事 公助己,爲之加 少)。」宗旦雖屢 ? 公日: 蘇 待 觀 知 州 以 江 蔭 州 制 知 補官 陵府 起知 議 公名質,字 出 州 蔡 事, 守 知 州, 泰州, 黄宗旦 召 「受命 陝 同 則 屈 徙 試 判 州 日 折, 吏 徙 廬 賜 子野,文正 佐 部 負 年 荆 州 而 進 四 政 君 材 湖 少年乃 流 士及第。 常得 + 自 北 降監 内 事 五. 喜 銓 路 有當 卒。 公之姪 無 轉運使, 與 舒 頗 擢 失, 文人 州 以 天章 通 争 稍 新 靈 判 也 争 閣 德 職 進 權 仙 蘇

徙廬 知蔡州 黨,而 上 于法。 以 財 醜 乎 原 從之,于今號 徹元濟廟, 聽 之忠烈,又德 日 盗殺 ",又可 一,不能 自原。 州,盗· ,俾民 ?」宗旦 而 則公行 廟食耶? 君子也 蔡俗 開 其徒而自 大理 争。 以 其 何從 有殺 如 自 爲 贖 慙 建二公祠, 舊 此,盜 公 駮 罪, 新 !」歐公撰《神 盗 哉 爲 服,悉 其 加蔡人, 胡爲 袔 日 吾爲 歎 徒 吴元 雙 首者原之,所以 不 若殺 不 日 面 圃 廟 狄梁公、李太尉 「法當原。」 緩 獲 . 미 第 州 并 濟、公曰 0 率 則 出其獄,始大 殺 止 加 長,不能 吾不 其 :道碑 吏民 肆爲 范 不首 財 文正 非 人,既 不 勝 法意。」 者 拜祭, 盜 . 祠 : 既 公撰《墓 法法吏 公以 ,獲之, 正民 岢贵 ? 獲 疑 得 獲 皆 命 蔡 矣。 疏三 則 兼 壞 謂 之 有 稱 誌 而 引 其 唐 公 其 寘 亦 視 逆

261

之?」曰:「吾以術

鉤

出

之。」公愀

然

曰

仁者之政,以

紨

銄

人

貫之死

而

又喜

乃上書自劾

請

不

坐佐

吏。

公

坐

貶

監

朝名臣言行録卷第九

人,以託公,公曰:

事

發

無

跡

何

從

得

禮

宗

日

得

盜

鑄

錢

百

餘

言爲是。《神道碑》仙宫。其後,議者更定不首之罪,卒用公

遷 常法。 若。 荆 時 湖 《神 北 獨 道 故 路 不 碑 他 轉 進 路 運 羨餘 使 不 ()當用 勝 其 其 弊 賦 兵 斂 西 而 近寬 方 荆 湖之人 急於 平 治 財 自 以 用

權 之。」公爲之哀憐,取 婚 比 故 知 公爲 後 荆 獲盜 期 南 子 府 產 褔 問 民 人 其 《神道 有 衣 用 訟 者, 幾 碑 婚 衣 日 何 者 . 衣之, 遣去。 訴 以 「迫 俸 日 於 • 錢 飢 與 貧 寒 之, 無 荆 而 貲 人 爲 使

判 所 吏 法?」《神道 更易。 部 衡 流 在 内 執 銓 碑 者不 、或問 號 欺 爲 之, 其 稱 輕 公 職 重耳 日 丽 於 選 選 何 必 法 法 屢 未 具 備 嘗 更 其 有 如

范 神 扶 病 淹 率子 以言 弟 事 餞 貶 于 饒 州 東 門, 方 治 留 黨 連 人甚 數 日 急 大臣 獨

> 既 憤 質 坐 有以 年,出守 顧 陷 素 歎 貶 質 厚矣。」聞者爲公縮 朋 病 息 讓 廢者十餘 何敢望之! 黨?」公徐對 益 ,或終 公日 于陝。 以 . 酒 日 長 人,皆公素 遂卒。 不食, 又 者亦 然若得 明 : 年 因 頸。 爲 《神 「范公,天下賢者 小小 數 所賢 此 爲黨人,公之賜 道 劇 其爲待制之明 人 乎? 碑 飲 連 者 大 興 醉。 聞之悲 何 大 苦自 獄 公

公生 清 藏 過 作 顔 風 書 期 舍 相 魯公爲 門, 人 而 不 吾輩當 X 時 得 尚 其 M 輟 家 一类, 書 弗 奉 所 甚 時乞米 驕弗華, 而 召 乘 虚 不 家 ,嘗貸 馬 墜, 人示之日 以 于李 償 宜 以貧 之。 祕 金 大夫墨 爲 藏 以贍 公因 之。 寶。 一此 帖 昆弟, 又 文正 閲 前 得 刻 人 家

《王

待制質墓誌銘》改。
「生」。原作「在」。據《琬琰集》中集卷七范仲淹撰

石 以 摸 之, 遍 遺 親 友 間 其 雅 尚 如 此

公充職 故 不 動 終 ",惟求 身 館殿二十餘 不貪 外 · 所至 補 年 當國 有 冰 同 合其意 蘗聲。 舍皆 者 非 顯 戚 《墓 官 必 一、公介 誌 舊 一、公未 然

折

顔

色、

屈

語

論

以

《墓誌

年

公爲 學校 民 必 之 一緩 數 梗,雖 其 郡 而 獄 風 皆清 化之。 負勢不 水民 心 以 人有犯 之疾, 避 思 也 治 雖 ··; 行 法, 墓 處 己 誌 非 幺幺 一以率 害于物 不 遺 下 崇 去

公不 夫 非 治 風 生 義 業 高 畜 遠 書 ,弗與之游 萬 卷),樂 稱 《墓誌 人 (之善, 士 大

九之九 侍 讀 孫公

舉 州 進 觀 察 土 公名甫,字之 推 得 同 學究 知 絳 出 翰 州 身。 許 翼 州 城 再 陽 縣,辟永 舉 翟 及 興 華 初

> 安州 晉 理 軍 嘉 祐 州 司 録 元 爲 右 年 河 江 監 正 東、 以 東 言 益 天 轉 州 兩 知 章 運 交子務。 浙 諫 閣 使, 轉 院。 待 運 制 使, 司 出 兼 度 知 知 侍 爲 支 陝 鄧 讀 袐 副 州 州 閣 使。 徙 徙 校

公爲華州 繁猥 之 薦也 不 此, 自 紘皆 友。 士之賢而 寺丞,知絳 務 能 御 可以 歐陽公撰《墓誌 所 史中 以清 者, 者, ,數招致之。 推官 以 不 去矣 ·丞知 在 節 緩 敢 州 以 下者。 自 急 轉 煩 翼 委 高 永 先 運 公。 城 之。 興軍 祁公爲謝 後 尤 使李 縣 於是祁 見,大喜。 難 公乃 公歎 ,辟公司 施 於 紘薦其材,遷 故 設 取 從 丞 公自 之 日 土 相 容 顧 宜 : 録 杜 以 爲 事 聞 己 凡 待 爲 陳 非 祁 公 又 而 得 多 我 當 它 事 公 祁 紘 大 益 薦 吏 之 與 世 以 所 理

監 後 以 造 設 益 廢 卒 僞 乎 犯 法 州 ? 造 交 不 法 書 者 能 子 紙 錢 但 廢 多 務 代 嚴 亦 錢 治 欲 口 蜀 之, 廢 以 以 用 不 私 便 不 鐵 用。 鑄 當 市 錢 9 易 以 私 公 民 小 鑄 苦 轉 有 轉 . 運 廢 犯 貿 交 使 大 重 子 錢 以 利 僞 故 口 口

祁 矣。 公爲 古 猶 丽 賊 時 口 右 悔 諸 寵 公 數 婢 IE 時 而 0 獨 言 女 天 將 知 爾 樞 X 至 色 名 子 上 密 兵 居 州 言 貴 士 方 討 副 諫 縣 日 初 官 使 賤 鋭 靈 院 增 不 所 禁 殺 意 夏 有 制 置 薦 謂 事 用 吏 1 等, 更 諫 ጠ · 它人 于 久 物 后 好 卒 用 官 後 朝 者 用 無 在 納 不 吏 物 功 有 使 諫 得 猶 E 能 多 不 司 補 祕 諍 大 嫡 天 須 制 失 宜 闕 閣 臣 也 委 下 者 吾 職 未 调 失 校 曲 騒 恨 嘗 其 其 而 僭 乃 理 動 開 不 罷 禍 公 餘 極 民 諷 知 以 自 皆 選 盗 收 是 不

位

公

亦

在

論

中

而

辯

諍

愈

切

不

自

疑

臣

執

政

而

朋

黨

之

論

起

 \equiv

公

相

繼

去

由

是

罷

諫

職

以

右

司

諫

知

鄧

州

墓誌

爲 以 罷 洛 將 滬 上 所 密 前 在 下 爾 知 參 某 誅 難 城 有 難 諫 洙 通 使 可 也 之, 事 言 院 秦 告 公 知 之。 自 水 副 而 當 洛 若 者 日 政 當 釋 知 公 其 所言 渭 去者 事 滬 大 于 所 . 得 也 遂 大 0 渭 謂 於 臣 罪 世 補 求 人 臣 公又 州 洙 或 稍 E 前 謂 上 益 所 使 解 不 世 家 深 主 諫 叹 部 尤 公平 乃 難 職 時 言 女 利 嘉 洙 爲 多。 署 臣 發 處 杜 禍 執 納 議 罷 尹 耳 於 者 滬 之。 生 祁 者 中 之。 之, 是 洙 Ħ 是 所 公 不 不 公 官 載 以 小 公 因 善 其 也 可 口 者 以 保 滬 在 人 後 罪 因 者 所 以 用 謂 州 違 書 不 言 力言 其 邊 陳 也 以 兵 史 節 宰 由 將 便 由 達 執 度 是 大 中 相 人 是 樞 公 水 陛 图 不

四六

謂

有

先言

者

而

樞

密

院

不

以

時

下

不

口

既

丽

保

州

有

兵

變,

朝

廷

賞

先言

者。

公以

不

叮

使去

位

一公猶

固

請

議

其

罰

又

云

爲

杜

丞

相

所

知

慶

曆之間,二三

以

無

責

。」天子

日

-

某,吾

方

倚

以

治

也

贵

口

謂

知

所

先後

哉

二不

報

於

是極

論

且

兵

己

百

萬

矣,

不能

止盜

௱

但

欲

多

兵

廣

者

兵爲

甚。

今不能

損

又可

益

之

耶

日

一天

下

所

以

大

困

者

在

浮

費

而

浮

費

之

今養

兵多

少

之利

害以

聞

語

舐 大 臣

尤

切

知

諫

院

因

災

異言

應

天

在

誠

行愛民。」

遂

請

斥

浮

費、

出

宫

一女、除

别

庫之私

以

寬

賦

斂

初

李元

昊反

河

西

契丹亦

以

兵近

邊

謀

棄

約

任

事

者

於

西

方

益

禁兵二

+

萬

北

及

群

盗

張

海

等劫

京

西

江

淮

皆

警。

是

時

更

用

大

臣

矣,又令天

下

益

禁

兵。

公言

方

益

土

兵亦二十萬,

又

益

禁兵

四

+

指

揮

二四七

歸去養親。」《南豐雜識》

孫 罪 決。」 公、欲 杜公 等 柄 亦 淹 在 淹 弼 石 冒 方 則違杜公,是不 竊 請 此 悪 爲 翰言 介 亦 公言 韓 過 患之。」 今富 甫 去。 則 諫 過 異 皆 薄 琦 富 不不 欲 官 曰 之, 戮 . 其 范公 滕宗 任 公。 公患 : 致宗 欲 慶 力 富 能 罪 政 間 守守 甫 曆 自 公欲 則 更 曠 事 諒 問 介 迺 重 則 諒 道 中 効 欲 張 然 , 守 : : 罪 嘆 懼 以 重 丽 知有法 抵 薄 心 庶 慶 上 欲 宗 日 違 謂 法 富 以 宗 其 適 無 事 用 州 報 諒 杜 歐 如 何 諒 公 罪 適 杜 人 致 則 何 陽 法 公, 不 用 一何 許 ,而未嘗意在 重 莫 È 衍、 太 違 然, 者 脩 法 公 來 爲 患 之知。 平. 范 ? 范 不 使 ?」介言 甫 介 人主 是 則 蔡襄 則懼 之 錢 公, 仲 然 嘗家居 日 不 衍 功 介 坐 淹 薄 之 然 及 知 違 則 不 法 其 范 能 操 甫 介 所 好 富 仲 仲

> 事 哉 誤 謀 翰 必 得 而 主 者 者 去 屬 難 此 在 世 言 就 用 爲 此 自 其 則一 諸 於世 守 乎 後余多識之,不 此 而 ! 道 公牽挽, 今諸 人而 凡月餘 所 一是以 平 與 因 生 已矣。 公之言 謀 日 好 使備 退 者, . 不 議 爲《 能 論 甫 適 諫 南 黨 唐 如 寐 好 少 豐 官 自 史記 是, 而 雜 進 而 謂 識 慶 知 亦嘗 之 好 甫 正 》以 曆 其 人, 學 直 復 之 與 過 自見 間 如 何 遂 人 自 亦 之 見 自 度 任 望 安

知 晉 城 州 有 法 近 ,吾不 臣 過 晉 得 獨 夜 私 半 0 吅 終 城 不 欲 爲 開 門 公 日 行

狀》

初 今翰 洎 謝 甫 因 絳 林 相 爲 知 學 繼 創 鄧 土 守 三賢堂 州 賈 郡 需 有 皆 惠 一於百 鄧 號 政。 人 循 花 也 吏, 慶 嘗 洲 好 曆 《名臣 善三公之爲 教 中 育 傳 范 土 仲 類 淹

公素羸,

性澹然,寡所好欲,恂

恂

似不能

言

公 杭 下 公命 清 學 轉 紓 民 不 東 新 得 職 m 教民 雖 樂 能 州 運 西 破 其 内 貴 後 宜 儲 初 然公處 嚴 使 有 射 情 勁 否 衝 南 别 遂 臣 知 以 無 在 坐作 而 藏 果 所 陽 爲 所 吏苦 戰 所 大 也 朝 備 不 大 損 法。 望 臣 此 至 遇 廷 皆 官 順 害。 古 賊 益 陞 用 州 厨 事 吾 至 備 陽 而 或 法 張 爲 黓出 辦 縣 行 傳 精 屈 公 亦 顧 其 也 海 便 官 不 狀 精 公 9 於 莫 明 痛 問 在 <u>*</u> 0 視 宜 而 吏 兵 至 安 之 郭 此 裁 其 行 兩 前 乃 臨 J. 而 議 輯 貌 隣 毁 盗 節 而 浙 親 職 爲 事 則 州 疑 錢 者 山 也 賊 有 今遂 不 之, 閱 事 守 歲 獄 不 穀 范 謂 納 攻 方 爲 時 修 者 縣 公 滯 得 爲 過 文 劫 刀 公 毁 以 陜 息。 弓手 廢 法。 日 顧 訟 酒 伸 客 Œ 筆 道 譽 商 常 相 毁 於 公 畏 其 賴 陜 察 常 非 德 慶 日 譽, 鄧 彼 守 范 其 爲 問 其 遇 教 其 文 文

> 范公 遇 范 公不 遇 由 公 是 少下, 無 切 倦 繩 色, 然退 以 及 法 而 退 未嘗 而 而 常 不 不 以 能 稱 監 無 其 司 恨 賢 自 也。 處 公

《墓誌》

公 「雖貴 得 酣 不 能 其 樂 好 以 泊 而 勢 衣 如 而 利 食 客 也 及 薄 或 也 時 造 無 從 《行 其 妾媵 當 席 狀 世 者 不 處 9 與 土 飾 之言 講 玩 評 好 終 不 日 爲 與

公喜 撫 諸 接 孤 士 兒,教育 務 揚 人 如 善 己子 所 得 《墓誌 俸 廪 多 所 施 與

孫之翰, 用 以 硯 ??!竟 石 有 日 潤 何 人嘗 叫 爲 不受。 異 得 賢 與 而 一硯, **《筆** 此 檐 如 此 石 水 談 之 四日 , 直 纔 價 之 三十 直 則 也 ? \equiv 水 千。 錢 流 客 買 孫 孫 此 何 硯

公博 本 學 末 疆記 推 見 尤 喜言 當 時 唐 治 亂 事 能 每 詳 爲 其 君 説 臣 如 行 其 事

站 身 及 所 以 著《 成、公既 謂 履 其 唐 間 史記 終 卒,詔 歲 丽 讀 》七十五 聽 史, 者 取 曉 不 其 然 卷 如 書, 如 - ----論 藏 目 日 議 于 見。 闡 閎 祕 公論 贍 府。 故 書 學 也 《墓 未 者

可 於沼 火,0 亭 悦 間 馹 馬 在 每 然後啓之。 書 刀之急,它貨財 遽往 傳 江 公私 「甚自 。 餘 温公書公《 中 休 東 延 無所問。 一不暇 島 少間 及 止 爲 重 唐書 L 轉 轉 輒 一惜 謂 運 運 挈 則 唐史記 取 常常 家在 公在宣 解 使, 家 自 以 盡 修 增 舍,弟子 乎? 别 壯 人曰:「萬一有 之。 俱。 損 棄之,此笥 出 絾 年至于白首乃成,亦 改易, 》後云: 行 州 其 會宣 既行,於後金陵 察 部 藁 聞 察 對 未嘗 於笥, 亦 之 親 州 F 不 孫公昔 以 有 亟 負 一去手。 可 還,人 (其笥, 急變, 自 水 在 必 失 隨 火 也 盤 著 乃 門 其 避 大 乘 调 兵 丰 此

> 人,固 不 未 與, 以 示 不得見 但 人。 録 ^ 文 姚崇 也 潞 公 宋 執 璟 政 論 嘗 \leq 以 從 與 公借之,公 之,況

Hi.

蘇 人。 史 史 内 由 論》,僕不識 所 思 張 翰《答 明 説 至論 不及也。」 張 宣宗有 李 褚 巡之敗緣 之翰,今見此 馬書》云: 遂 良 小 不 善 酒 房 而 劉 無 琯 録 洎 李 書 人 示 君 光 太子 凛 孫 大 丽 然得其 之翰《 略, 瑛之 不 當 皆 唐 廢 爲 圖

歐 陽 志 義 公銘 則 惟 彊 簡 公之墓日 積之厚兮,發 而 無 欲 以以 惟 遂 學 也 其 光 而 剛 知 方,以 力 雖 弱兮, 行 其

0 於」,洪本、 張本均

五朝名臣言行録卷第十

十之一希夷陳先生穆脩、种放、李之才、魏野、

林逋附

後 師 山 賜 唐長 後 先 號 徙 生名 興 自 華 中舉進士,不中,隱 雲先生。 Щ 搏,字圖 二雲臺 觀 太宗朝 南,亳 周 世宗 州 再 真 召 居 召 源 武 至 賜 京 當 號

陳 摶 觀 巌 召 至 ,多閉門 ,辟穀練 長興末舉進 希 闕 夷先 下 生。 獨 令於禁中 氣二十 卧,至百 士不第 端拱二年卒 餘 扄 年。 ,0去隱 餘 户 日 以 後 不 試之。 居 起。 華 周 Щ 雲臺 月 世 九 餘 宗 室

> 聖之主,正 利 放還 行修練, 等問曰:「先生得玄默修養之道 爲 始 天人之表,洞 日 養之事 宰相宋琪等曰:「 人乎?」曰:「摶 召之,留闕 升天,何 ,真方外之士。」遺 念 開 Щ 豊 搏熟寐 摶 子。皆所 無 令長 宜 日 以 是 益 下 留 君 達 加 如故, 吏歲 不 數 於 「陛下爲天下君 意 此。 臣 知 今古治亂 治? 月, 於爲 遁 合德 陳 時 迹 甚 無 琪 多 摶獨 存問。 中使送 金乎?」世 Щ 異之。 聖上 口 延 等表上其言,上 以 野 傳 人 治天下之時, 之旨,真有道 善 授。 龍 宫中 無 其 太宗 至中 因 當 顏 用 身,不干 然 問 一可以 秀 於世 與 宗 即 E 以 以 異 語 位 不 使 蒼 黄 悦 勤 有 白 授 勢 生 白 練 琪 謂 再

陳 摶 譙郡真源 長 興 末 舉 進 與老聃 士不第」, 同鄉 里 《類 生 苑 曹舉 》卷 進 四 士 不第一。 引 作「陳

0

摶 負 之 甚 經 綸之才 未 幾 歷 放 五 還 季 Ш 亂 離 談 游 苑 行 四 方 志

貴 之初 青 聞 者 以 嘗見天日之表,知太平之有自矣。 不 曰 不 Ш : 「天下 ·, 瞪 後,每 遂 太 如 人夢 有詩云: 祖 目 貧 登 不 聞 武 頻。 極,驚 自 答。 當 愁 此 朝革 Щ 聞 紫 - 定矣。」太 日 喜大 陌 後 劍 命 年 縱 戟 隱 , 笑。 顰 蹤 榮 方 扶 居 蹙 乘 争 跡 危 祖 華 間 數 走 驢 及 主 方 Ш 其 日 遊 睡 紅 潛 悶 故 華 塵 龍 自 朱 見 人有 陰 又 時 笙 門 回 遯 笑 市 歌 雖 首 問 漢 跡 摶

般 聒 春 醉 ·。」 豈 淺 携 丈 取 夫哉 舊 書 歸 邵伯 舊 隱 温 〈易學 野 花 辨 啼 惑 鳥

陳 闕 摶 來 消 峰乞與君。」先 周 太 息 宗賜詩云: 世宗嘗召見。 杳 無 單 生 如 服 曾 今 太 華 若 巾 平 陽 肯 前 圃 巾 隨 朝 或 徵 草 出 初 白 召 屨 再 雲, 垂 總 召 把 後 赴

> 賜舘 暨 方欲 功。 止 以 澠 E 賓禮 水燕談》〇 征 於 師 會 百餘 建 再 河 軍 東,摶 隆觀 舉 見 已 果 日 肩 賜 又《辨惑 執 諫 興 方 止之。 坐。 劉 户 起 繼 熟 **\$** 元 <u>*</u> 寐 寢 上 恩 平. 九年,復來 月 方 禮 於 召至闕 并 餘 欲 州 御 特 方 起 征 異, 袁 求 朝 河 詔 始 兵 東 静 以 陳 之 逻, 室休 野 \n] 先 東 服 辭 果 生 息,乃 可 歸 取 無 諫

太宗問 致 剪,其迹 今之堯、舜也。」上 否? 摶 日 似 對 不可 日 . 昔 「堯、 及。 在 善之。 堯、 然能 舜 舜 土 之 堦 辨 以 爲 惑 清 \equiv 一尺,茅 天 静 下, 爲 茨 今 即 口

陳 落便宜是得 闡 摶 久 倦遊 得便宜事,不 落便宜 善言 戀 被 雜 得 詔 是得 録》〇又 至闕 志 以 便宜。一蓋可終身行之也 便宜 之 山 自 下 再 《辨 處 一。一故 規 作 間 勿 誨 惑》 康 有 得 再 À: 節 便 往 土 陳 詩 宜 康 \(\frac{1}{2}\) 大 日 處 節 夫 聞 珍珍 嘗 不 詣 者 「優 誦 可 重 希 以 再 其 至 好 夷之 去。」 謂 人嘗 所 之 至言 止 又 語 所 有 日 勿 願

端 後 月二 復 拱 銜 年 再 來 初 一臣 + 七 9 而 召 摶 月, 卒。 摶 片 摶 忽 日 大數 室 **筝** 辭 命 野 化形 成 録 弟 心 日 有 : 於 手 子 已 終, 蓮 書 於 九 被 花 聖 張 數 白 重 峰 雲 朝 仙 超 白 F 留 難 言 詔 谷 張 戀 鑿 住 爲 休 超 表 石 己 谷 教 爲 辨 於 其 中 丹 惑 室 今 略 鳳

摶 昌 好 象 仙 才 如 辨 學 術 挺 讀《易 期 惑 授 此 之,之才 善 种放 ×, 人 枝 以 倫 傳 數 授 風 放 於 學 整 康 授 南 授 節 ൬ 廬 方 穆 \Box 先 也 江 脩 9 生 許 非 伯 邵 世 堅 知 長 但 雍 , 圖 堅 脩 以 堯 南 授 爲 授 夫 者 范 學 李 也 諤 以 之 神

穆脩 廟 京 Щ 見 字 傳 洛間 之, 伯 其 長 學 深 汶陽 加 嘗 脩 歎 書 少 人, 賞 豪 其 後 詩 間 放 居 侍 旬 性 蔡 于 臣 褊 州 禁 日 少 中 . 合 師 壁 此 事 間 爲 多 圖 誰 真 游 南

詩 厚 梁 移 生 師 老 潁 判 公 公 有 前 長 仕 行 厶 數 者 益 固 1 有 州 竟 相 . 相 不 卿 ? 秋 遂 畫 或 貧 文學參軍 牓 後 不 逮 布 何 得 口 却 浦 遇 爲 或 寺 晉 文 以 登 衣 家 捃 見 會 訝 漢 至 金 以 揖 公 進 不 舊 設 其 募 有 遇 拾 其 E 有 穆 由 而 薦 貶 士 肆 肆 > · 晉 唐 I 虞 不 ? 脩 晉 故 詩 是 去 由 第 朱 鬻 鏤 相 木 刑 對 輒 是 公 F 公意 之。 崖 當 晉 自 T 板 韓 善 調 取 削 政 頃 不 公銜 時 敘 晉 也 閲 上 失 徙 籍 海 復 赴 欲 盯 柳 伯 呼 其 公 問 日 隸 道 州 伯 夔 數 集, 之, 伯 之 詳 長 在 四 伯 . 池 州 漕 理 長 白 日 長 坐 乃 側 長 M 蓋 州 由 掾 帙 先致 有 其 奪 後 丐 祥 伯 伯 日 何 穆 是 伯 取 文 旁 遇 . 於 參 事 携 以 符 長 長 其 短 E 禮 赦 如 軍 所 忤 怒 有 集 不 有 於 猶 人 與 此 是, 視 儒 親 伯 京 量 詩 年 敘 通 上 未 晉 中

聲 尹 部 謂 律 爲 源 未 贈 子 漸 。」自是 先 知 畫 洙 爲 師 占 能 然 讀 魯兄 文。 年 不 篇 弟 伯 售。 始 長 不 首爲 失一 從之學古文,又 時學者方 句 之唱 當 其 從 以 後 事

李之才字 情 \equiv 實 挺 太 挺 長。 傳 後 科 異時 城 之 忠獻 、守范 之左 事 不 任 其《春秋 故 范 我 忠 但 伯 送太 孟 獻 忠獻 吏 公 知 建 石 長 别 挺之,青州 州 節 承 始 無 性 于 守 》學。 加 司 移鎮 公以 順 嚴 稱嘆,遂受知 一人往 未 近 至 户 出 急, 幾 於 郊 如 疆 《辨 延 挺 此 忠 是。 事父兄,略 稍 遠 人, 安,郡 之坦 惑 衆 頗 者 不 送 獻 不 或 倜 且 如 獨 率 悦 責 爣 非 讓 僚 情 焉。 挺 意 守 情 挺 不 之,挺之 不 多 文 之 安 無 或 貴稱 群, 事 送至境 之自若 沿 又嘗 豈 陸 倦 至 儀 檄 過 敢 師 意 范 叫 矩 爲 往 以 事 日 也 叱 衛 省 不 伯 時 登

> 門 於是 得 教。」 學 門 書 舉 間 州 子知之乎?」先 願 先 義 之也。 ,受曆 澤 ,子知之乎 受教。」挺之曰:「義 進 先 祖 Ш 共 理之學,子知之乎?」先 先 挺之 州 取 君 白 城令,時先 判 君 之學耳。」挺 源 日 挺之聞 法 官 辨 傳 之上,布 子 惑 亦 廳 其 ? 公 先君 學。 爲 何 君 君 物 事 名 先 所 衣 康 ---理 之日 好 士, 挺 學?」先 節 君 蔬 . 之 學苦 澤 之後 理之外, 居 食三年 外, 人劉 未 易》 : 祖 「科 志 也。 君 終殿 有 母 君 學 羲 未 日 性 舉之外, 喪, 自 則 日 有物 躬 叟 願 也 中 命 造其 受教。」 唯 晚 未 爨以 築 - 丞,簽 之學 「爲 理之 先 出 願 室 也 其 受 有 君 科 蘇

种 放字 庭 生之風, 除 明逸 曰:「當有嘉客至。」 往 ,隱居終 見之。 南 希 山 夷 豹 先 林 一明逸 生 谷,聞 作 日 樵 希 **\$** 夫 夷 洒 拜 掃 先

希夷

先

生有

高

識

嘗

戒

門

人

种

放

0

子

他

日

遭

逢

明

主

不

假

進

取

迹

動

天

闕

名

馳

卒。 笑 古 林 後 之。」後真宗 不娶,無子。 不 圕 爾 庭 \Box 明 佳 谷 改 下 閣 日 + 娶,可得 皇帝王伯之道」云。 雖 が放 希夷 論 年後 ,安穴稍後 下,不定穴。 先是,希夷 工部侍郎。 晦 希 「人之 以 天下事 迹 夷 解 當 道 中壽。」 Ш 挽 化 朝 爲 自 義 貴 林 之 召 顯 明 其 來, 賤 爲 0 圃 爲 希夷 恐 世世當出 官 姪 既 逸 明 辭 明 司 官 上 莫不 竟 世 葬 立 逸 歸 名 9 諫。 逸從之, 禄 又 不 希· 碑 衡,至今爲將 日 1 Ш 聲 聞 非 能 有 謂 敘 . 上 見 9 夷見之,言「 聞 帝 所 名將」。 拜 命 安, 明 希夷之學 録 世 間 君 天 携 諫 逸 至 葬 君 異 豈 其 也 下 議 日 六 骨 地 0 手 日 樵 大 + 明 於 登 相 帥 自 希 者 明 9 夫。 逸 地 豹 歲 君 龍 當 有 知 夷 逸 ?

疎,才 者通 判以 放召 慢駡 之。 爲 得 第,名位不輕 歸 以 之。 産滿酆 寰 別狀元耳 顯 處 終 益 海 士 官 判 其 下 南 識 條 天 0 厚 以下 姪 召 群 Ш 無以 臣 口 見,拜 遂 出 拜 地 名 恃 恐 何 奏於 鎬間 拜 戒之。」放 拜 認 間 者 踰 足 ,胡爲不得坐受其拜?」放曰 恩 天 喪 君 嗣 人,專 諫 道 下 驕 放 無完名 宗 门門人 ,君扶之而 朝 清 竊笑, 官 也 倨 古 小 甚。2 ,真宗待 嗣 俛 節 飾 今之美 會 宗坐受之。 垂手 詐 益 嗣 至 戚屬 赦 巧、盗 ,子名將 宗怒, 長 E 己。 Æ 晚 接 以 方 澆 嗣可 嗣 之而 殊禮 節 此 虚 器 僞 止 宗 遂上 宗 亦 名。 之 白 放 時 E. 守京 侈 丁耳 怙 起 風 名 造 怒 知 念記 一疏言: 陛 長 勢 飾 動 嗣 物 嗣 下尊 必 聞 且 嗣宗狀 安, 海 宗内 兆 强 一君 過 示 陛 者 内 有 「放 放 禮 目 併 度 下 以 乘 深 不 物 放 至 召 實 手 後 种 元 平。 營 忌 曏 醉 歲 敗 魏 擢 空 博 及 通 放

●「之」字,原無、據《玉壺清話》卷八補。

②「恃」,原作「侍」,據《涑水記聞》卷六及四庫本《前集》

符 列 野 亦 放 陰 飲 八 奇 野 事 年,一 男子 取 閉 數 門 條。 澼 平. 也。 匿 生 日 F 而 雖 Ш 《玉壶 文 放 兩 齋 藁 陰 不 晚 結 清 之問 悉 權 話 起 焚 貴 丽 0 以 待 服 自 放之意 酒 道 薦 數 衣 達 行 寖衰 聚諸 因 M 抉 逝 擿 祥 生 言

种 賞之。 畫 泉 放 人圖 性 之勝 工 頗 别 之。 圖 嗜 業 之, 其 殊 酒 在 後 故 終 爲 開 躬 野 甘 南 出 耕 龍 有 棠 絶。 Щ 鄙 種 詩 魏 閣 秫 後 云 野 真宗聞之,遣 以 生 召 居 自 從之學者 輔 有 幽 西襄 臣 44 居 觀 致 帝 所 焉 畫 中 居 帝 甚 使 有 看 亦 上 遣 嘆 攜 林

處 1 多 草 汾 從 聞 陰,召之,辭 堂 魏 前 於 2 野 輔相 時。 有水竹之勝 字 皆 8 仲 頻 前 先, 疾 出 後 不 陜 郡 獨 至 州 守 在 女子 人。 中 皆 野 彈 書 琴 以 所 居 十五五 作 禮 詩 於 贅 遇 東 秋。 公 清 郊 苦 泰 祀 架 0

《澠水熊

林 拜太尉 其 逋 歸 功名蓋世,少有全者。」因 事》○《仁宗政要》云: 公集》云: 公遺扎, 之,喜形於色,以 嶽 來平地 字 名 汾 君 陰 賜 \pm 復 俱 作 野子閑 清昭應宮使。 有公自 號 神 禮 6 仙 畢 「。」及貶 居 和 ,亦不仕 , 杭 靖 寫 酒 日 這 州 處 始 义 得 此 與 茗 间 皇祐中 西 悔 士 日 詩 詩 詩 藥 好 不 感悟 湖 數 魏 用 物 伴 9 之 詔 賜 野 野 本。 爲 赤 好 號 以 謂 孤 之言云。 長 去上 答 松 疾 寇準 清 ~ E Ш 吏 屢 遊 逸處士 天 辭 歲 文正 素 真 辭 政 宗 時 É 公 編 又《 將 柄 公 聞 相 覽 先 遺 温 古 遂

- 0 日 山 齋 晚 起 《玉 壶 清 話 一》卷 N 作 蕨 旦 Ш 齋 曉
- 2 「架」。《 百 爲 避]1] 學 高 宗 海 Z 集 文 IE 王 公 遺 事 × 作 構

作

- 3 「多」,同前書作「名」。
- ◆ 「泰嶽汾陰俱禮畢」,同前書作「西祀東封今已畢」。
- 杭州 林 逋」至 九 西 引與 湖 之孤 勞 此 問 Ш 同 今 + 本《歸 字 田 宋 録 阮 》作 閲 一處 詩 士林 話 總 逋 居 後

6

「風 其廬 諸寺。 《歸田録》〇又《筆談》云:林逋隱孤山,畜兩鶴,縱之則 問。 〇又《青箱雜記》云: 籠縱鶴,良久,逋必棹 飛入雲霄,盤旋久之,復入籠中。 他 未 《梅花詩》云:「疎 動月黄昏。」評詩者謂 稱 索,雲木 俗因 誦 日 有 贈 逋工 求 此 有客至逋所居,則一童子出應門,延客坐,爲 逋詩 君厚,文章到老醇。」其激賞如此 自 遺 句 <u>п</u>Ц 藁 逋之卒,湖 也。 筆畫, ●善 曰:「巢由不願仕 鉤 猶喜 輈 又其臨 逋景祐 小 」,頗 影横斜 舡 初 而 爲詩, Ш 無 爲 初尚無恙,范文正公亦過 歸。 前世 終 寂 , 堯舜豈遺人? | 又曰 封 士大夫所 爲 水清淺,暗香浮 蓋常以鶴飛爲驗 逋常泛小艇,遊 禪 寥,未有 如 詠 句 書。」尤 草 云:「茂陵 梅者多矣, 泥 稱 繼者 爲 行 西 也 郭 又 開 湖

十之二 安定胡先生

先生名瑗,字翼之,泰州海陵人。

以 老於家而卒。 陝 對崇政殿,授祕 樂,詔求知音者。 累舉不第。 圃 太子中允,天章閣 光禄寺丞 疾 殿 西,辟丹州推官。 不能朝 中丞致仕。 一,兼國一 年四 以太常博士復致仕,歸 子監直 書省校 皇祐中, 十餘,景 侍講 范文正 改湖 講。 ,仍治太學。 書郎。 一薦先 祐 州州 復 嘉祐 召 初, 生,白 學教授, 議樂,授 范公使 更定雅 初 既 擢 衣

侍講 得家問,見上有平安二字,即投之澗 Ш 不復展讀。 布衣 ,攻苦食淡,終夜不 時,與 曾孫滌所記 孫 明復、 寢,一坐十 石 守道 同 年 讀 不歸 中, 泰

師,惟先生暨泰山孫明復、石守道三人,師道廢久矣。自明道、景祐以來,學者有

●「筆」《詩話總龜》引作「於」。

二五七

皆 **\$** 不 湖 天 教 去 而 學之 章 以 立 來 州 先 歐陽 學 閣 常 取 1 生 於於 法 之 先 義 數 公撰 與 生 禮 最 徒 百 是 大 《墓 之 樂 備 人 最 臣 建 表 行 法 爲 盛 太 講 各 以 學。 學 天下 之數 以 爲 其 于 其 慶 太 在 事 京 年 經 學 曆 湖 師 轉 始 法 東 州 四 , 慨 而 相 年 之 南 至 傳 然 有 之士, 學 一今爲 天 司 詔 授 子 弟 請 州 著 開 莫 縣 其 子

先 胡 之類。 者 安 生 視 定 諸 教 在 生 人 之於 嘗言 如 湖 有 其父兄,諸 州 法, 中 劉 置 科條 彝 治 如 善 治 道 纖 治 兵、治 齋 生亦信 悉 水 學 備具, 利 者 民 後 愛如 有欲 水 以 累 其子 爲 利 身先之。 明 政,皆 算 治 弟。 數 道

先 條 業 生 約 荷 尤 患 以 趨 隋 身先之,雖 禄 利 唐 以 及 來 爲 大暑 9 仕 蘇 進 小必 湖 尚 公服 文 州 詞 終 教 而 日 授 遺 嚴 以 經

興

水

利

有

功

《程

氏

遺

文不 元亨利 避 爲 者。 見諸 胡 軍 義 貇 太學。 氏 居 貇 **韓。**」上 必 蔡 以 學 爲 生 貞」不 以 湯明 、廣之。 徒 諸 理 嚴 四 意 義 千數 避 撰 生 方歸 勝。 遂 師 **%** 静。 墓 言 解 弟 0 五 誌 信 Ħ 其 1 之, 子 Ŏ 侍 經 與 月 之 其 所 左 又曾 異 邇 庠 禮 刮 師 以 右 論 英 舍 皆失色 孫 説 劘 治 講 滌 不 弟 爲 解 己 敦 記 能容 子 經 不 À. 而 尚 文 侍 記 至 以 後 章 講 行 侍 之, 有 徐 旁 諱 治 皆 講 實 要 讀 拓 傳 乎 忌 目 義 後 步 人 爲 爲 經

安定先 彝 學 胡 之力 者 何 瑗。」上 人 數 生 ? 爲 白 在 多。 人 湖 對 學 彝 日 時 原 : 爲 其 寧 , 福 高 臣 人 第 唐 年 少 文 图 從學於 召 章 凡 彝 對 與 綱 執 , 上 E 紀 中 安定 往 問 於 安 學者 從 石 先 「從 之, 孰 生

學,出 誰 者 明 失 薄 下 師 爲 也。 子 盟 諸 優 極 詩 之所知 范 明明 遂 者 本 之 生 聖人之道,有 ·•, 而 餘 臣 舉 其 功 純 對 夫 明 義 時 其 \sim 彝 前 書 年 師 也 聖 體 尚 用 門 E 禮 措 也 0 S, 瑗 安石 之 人 專 其 用 也 ___ 者 樂, . 之天下 史傳、 當 聲 直 切 之 上 體 無 若 其 胡 歷 學 學 寶 律 或 方 温 日 用 體 在 錢 瑗 以以 家 世 慮 校 元 浮 在 . 子 , 藻 外 錢 以 以 始 華 累 能 有 一千餘 不 場 集 授 明 之 其 明 公 爲 道 之詞 朝 潤 屋 口 用 , 自 諸 道 淵 體 輔 門 政 德 垂 取 澤 變 蘇 生 修 之 有 適 之 篤 教之本, 法 人 其 土 者 人。 是以 進 間 文, 簡 義 用 湖 後 民 今 夙 孫 不 + 其體 諒 終 世 故 夜 在 教 覺 尤 君 業。 風 歸 教 以 勤 者 于 皆 之 皆 今 臣 朝 于 俗 體 東 病 于 瘁 也 學 太 純 民 陛 皇 父 爲 臣 偷 文 臣 其 用 南

> 者 歎 者 一不可 美之不足 迨 數 + 勝 畫 數 者 也。」 其 此 餘 天 上悦。 政 下 事 兀 文 方 李 學, 之 廌 書 所 粗 共 出 知 於 而 人

侍 先 生 野 講 講 以 胡 弟 雅 日 之 習 子 一弟 古 公 飭 當 也。 人 爲 辭 ,其言談 子, 吾 召 ? 其 必 平 對 《墓 散 學者 失 , 閤 生 亦 在 表 例 儀。 門 所 不 舉 四 須 相 之强 奏, 讀 止 方 及 先 語 書 E 遇 隨 登 就 稱 卒許 之不 **\$** 對, 其 即 先 閤 就 事 生 人 門 乃 問 之。 舟 賢 君之禮 9 習 大 次 不 可 愚, 儀。 習之。 間 稱 人 知 皆謂 旨 占 可 爲 也 侍 先 循 知 侍 講 生 E 爲 Ш 何 循

曾孫滌所記

謂

左

右

日

1...

胡

瑗

進

退

周

旋

舉

合

古禮

安定先 諸 主 生 太 學。 生皇祐 執 經 生 座下,先 餘 至 千 和 人, 間 生每 先 爲 生 或 講 日 子 罷 講 直 《易 講 或 引 \approx 朝 當 子 廷 世 列 命

其 **\$** 聞。 用 中 之 祖 也 復 事 奏 **\$** 日 其 擲 乃 上 臣 H 以 上令擇 補 於 前 却 止 明 劄 地 之 君 所 之。 麈 上亦 中 史 碎 也 弗 己己 劄 用 至《 令輒 任 子 却 小 皇于 乃言 諫 異 之。 懷 畜 争 日 以 *, 上 及 臣 又 歸 如 _, 上 以 中 間 此 中 謂 乃 它 可 者三,仍碎 令具 趙 : 任 大 日 公 畜 悟 復 者, 名 相 問 卒 以 中 蓺 止

胡 聖 皆 先 氣 亦 先 日 初 食 於 生 生 望 氣 每 瑗 不 凡 乏 林 語 Ш 從 語 判 可 自 諸 有 安 或 知 爲 寢 傷。 生 定 子 也 博 不 先 0 監 士 「食 當習 声 生 或 9 其 之 闡 學 飽 子 射投 教 於朝 者 遺 未 監 育 舊 意 口 其 壶 諸 據 有 也 醇 徹去。 游 先 生 按 厚 息 皆 生 或 程 焉 和 久 有 祠 \wedge 易 伊 聞 坐 法 是 之 紹][[异.

公在

宗

朝,

嘗

上

書

請

興

武

學,

其

略

日

.

録

安定先 多 年,東 局 經 資辛 秀彦 事 者 義 賦 居之; 如如 齋、治 生 脩 獨 其 自 邊 弟 湖 慶 防 事 出 子 學 治 曆 前 齋。 而 以 水 事 中 筮 經 利 齋 後 教 經 仕 義 之 者 學 以 義 往 及 類。 數 于 齋者 人 時 蘇 千 往 各治 故 務 計 取 湖 擇 天 高 間 學 下謂 疏 是 第 事 通 中 時 及 有 故 + 湖 又 方 爲 學 兼 器 尚 有 餘

己 桁 注《孫 教習之, 義 兼 旨,臣曾任 不 頃 一撰 於武 莅 之道,講 久而 歲 吕原 武 成《 子 吴 學,每日 廢。 明 則 育 臣 ×, 武 念記 《 孫 子 邊 學 一 二 十 大 已 今 孫 明 陲 建 規 國 \approx 只講《 中 <u>~</u> 深 議 頗 矩 子 年 選 吴 義 **\sqrt{** 興 知 監 之間, 有 ×, 武 論 武 孫 直 卷 智 學, 使 語 事 講 復 進 必 略 知 \approx 但 内 而 是。」 者 制 若 有 使 官 下 \equiv 勝 知 使 成 梅 非 時 禦 皆 効 忠 堯 堯 其 議 百 敵 孝 明 臣 臣 等 難 臣 經 曾

諸 先 蜂 家 有 數 子,會于 明 末 令孫莘老覺説《孟 僑、顧子敦臨 收 有 政,多適 次整記 立 白 齋 生 年, 起,先生 未甚信服 先 ,詵詵弟子皆賢 召先 亦 在 生 ,衆方大 也 進 自 學時, 日 迄今三十 作 首善堂 天 生 於世用 歌詩 梁 歐 偃 升 章 爲 柱 陽 服 堂 然 閣 每 乃 或 吴元 公詩 奏琴瑟之聲徹于外。 講 不 使其 以 若 侍 子 合 公 餘 子》,中 然 才。」 顧 監 講 次 雅 私 年 長 易 老於吏事者 在 日 也, 徒之已仕 收 2枚輩 講 樂 猶 試 \leq 猶 列 王荆公詩 拾 書 歌 罷 「 吴 强 音 兼 用 者 都 一,分治 桷 詩 力 其 皆 韻 學 專 土 掌 興 與 不 管 政。 Z 規 不 高 人 儀 先 者盛晦 榱 倦 夜 喜 勾 橅 朗 職 率 日 稍 生 由 乃 其 太 事 不 諸 以 合吕 謗 指 稍 皇 富 講 散 廢 學 初, 之 先 學 卒 議 意 從 祐 習 道 又 氏

吕

往往 衷。 論 之 談 所 畏 之 士 寬 既 專 導 學者端 原 人 以 兵 好 也 服 掌 以 師 其 ,不遠萬 規 簡 明 專學政,遂推 7,類聚 (戦者 故 者 0 胡之徒也。 對 所 類 者 矩 侍 或 人 學 群 學 胡 爲 之 就 ,獎之激之,以 講爲 廌言: 子 爲 皆樂從 居 好 亦 道 之政。 事 其 而 爲 里, 先 미 甄别 藝, 0 别 相 定 中又擇其 文藝者 生 否 來就 胡 居之。 誠 與 其 稱 一必 李廌《記 之。 人 翼 而 文學、行 講 教育多士,身率天下之 理 弟子 求天下 物,擇其 師之。 之 頃仁 有 習。 9 當 勸 成 或 好 瑗 故 尤賢者 者 其志。 時 自 尚 皇時 初 胡 好 中心 · 賢士 義 方是時, 今朝 政 出 節 爲 尚 過 亦 事 義 直 時 經 人遠甚 真 悦 委專 太 又各因 ', 俾 者 廷名臣 術者 代 講 義 召 學 mj 미 肾 高之, 之, 使 游 之法 誠 有 掌 以 好 折 使 使 其 服 太 教 爲

客 然後 冀 调 竟 者 故 其 知 京 遺 有 記 病 回 知 亦 道 子 口 惴 養 也 · 日 其 師 甚 話 愛身 丽 穎 爲 __ 自 視 生 瘠 子 胡 : 取 惴 関 鋭 文, 乃 其 之 翼 新 來 改 聖 然 客 則 丽 是 善學 取 之 書 桁 就 過 賢 則 懼 于 口 不 宜 爲 學 胡 之 逆 汝 責 以 伐 乃 知 ,二三年 先 國 帙 知 書 無 旅 修 性 口 養 警 其 子 黄 携 其 書 懷 次次 身, 命 以 生 若 子 先 其 已 帝 其 昔 曰 之過 成 第 而 將 儇 生 自 心 子 悟 素 : 登 悔 名 讀 後 整 宕 H 今 間 謁 9 E 甚 汝 而 第 之, 召 口 焉。 以 \leq 第 胡 所 番 聖 讀 後 勉 也 以 而 始 悔 既 先 齎 馬 而 人 誘 事 是 誨 淮 偶 痛 生 通 歸 有 F 業 其 不 讀 之 學 之 口 其 其 自 大 金 貴 洗 告 以 以 矣 父 日 李 義 商 心 其 無 先 首 其 至 仍

安定 器 也。 也 之 吏言 然 杰 事 由 知 得 鄣 以 誉 堅 懈 備 授 其 百 稱 古 代 以 厮 \blacksquare 利 安定從 墮 能 此 製 監 之。 書耳 役 東 I 資 募 數 事 皆 9 某 作 其 兵之不 大非 以 然 竭 耐 土 開 督 處 利 帥 墓 後 己。 事 其 既 人 其 注 以 作 誌 害 府。 見 爲 前 計 力 觀 聞 説 程 院 任 今欲革 每 日 其 君 兵 之 課 以 輒 府 戦 \perp 既 成 之所 比 誠 龜 飲 事 多 吏 給 者 趣 之官 矣。 而 告 Ш 之 武 必 錢 欣 此 赴 爲, 定 日 酒 求 人, 然 敝 使 雖 令言 期 以 至今爲 精 不 赴 莫若 日 自 會 訪 軍 日 行 初 緻 器 以 功 市 備 校 録 力 謂 從 每 樂 異 不 蕃 勁 邊 作 名 仍 使 君 荷 容 精 事 馬 利 酋 院 數 簡 不 徒 T. 與 良 兵 使 各 老 能 於 亭 可 翕 漸

侍 兒 講 婦 治 雖 家 父 其 母 嚴 在 閨 非 門 節 整 朔 肅 不 尤 許 謹 歸 内 寧 外 之分。 先子

君

在

丹

州

建

議

更

陳

法

治

兵器

開

廢

地

爲

先 生

少

舉

進

士

不

中

退

居泰

Ш

之陽

學《

秋

著《

Ŧ

發

微

魯

多

學者,其尤

家 家 須 并 年 弱 有 ,則女之事人,必 不若吾家者。」或問其 則 遺 冠 婦之事舅姑,必執婦道。」曾孫滌所 訓 常常 侍 嫁 立 女 左 必 右 須 欽必 賓 勝 故 至 吾 戒 則 家 日 「嫁 者 供 婦 娶 億 不 茶 若 婦婦 勝 湯 ic 吾 吾 必

弟子

進

曰:「公卿不下士久矣,今丞

相

以

先生貧賤

而欲託

以子,是高

先

生

行

義

將以

其

弟之女妻之,先生疑焉

介

與

群

先

生

年

逾

四

+

家貧

不娶,李

派

相

迪

而

有

道

者

石

介,

自

介

加

下,

皆

以

弟

子

事

泰 山孫先生

許。

孔給事

道輔

爲

剛

直

嚴

重,不

妄

與

左

也,先生宜

因

以

成丞

相之賢名

於

是

乃

貶,監 薦 舉 直 衣 尊 銀魚 除 進 講 Ě 士 先 虔 或 發 卒,年六十六。 生 微》 州 召 子 名 中 監 税 爲 復, 十二篇。 直 後 调 退 講。 英 居 字明復 通 閤 泰 判 車 祇 山 陵 用 駕 候 州 學《春 范 晉 幸 未行 説 太學 仲 州平陽 淹 秋 坐 賜 富 留 緋 著 弼

陽,枯 《墓 孔給 識 謝 生 飲 歎 右 食生 固 霊誌》〇 也, 先 師弟子之禮,莫不嗟嘆之。 聞 解 槁 事, 「先生年五十,一 疾 亦然。 生 先 憔 又《澠 奈何? 文定日 悴, 坐則 生之風 亦 鬚鬢皓白。 以 水 魯 立 吾弟之女甚賢 此 「吾女不妻先生,不 燕 人既素高 談 見 升 就 室獨居,誰事左右? × Z 稱 降 見之。 故 相李文定公守兖、就見之 於士大 拜 孫 則 明 可 此二人, 復 扶 介 以 先 過 奉先 夫。 之。 執 生 ጢ 杖 退 官人妻。 生箕箒。」 李 歐 不幸 居 由 及 屨 丞 陽 太 其 侍 公 相 風 山

之

撰

上先

र्का

先

往

0

賢之。 人 之。 相女不以妻公侯貴戚 生 一德高 相國之賢 其 天下,幸壻李氏,榮貴莫大於此。」先 女 亦 甘 ,古無有 淡 海, 也。 事 丽 先生 固 予不可 以 嫁 盡 Ш 禮,當 不成相國之賢。」遂 谷衰老、藜藿不 時 土 生 大夫莫不 日 充 字 之

先生治《春 時 經。 之者言 本 祖 韓公言 之盛 義 無 投爲多。 擇 其言簡 衰, 就 於 其説異先儒 秋 其 朝 而 \forall 易, 召爲· 家 推 選 不惑 得 明 見 書 直 其 王道 於 吏, 。罷之。 講 傳註,不 書 諸 給 + 之治 將以 侯 紙 有 大 筆 亂 夫 爲 五 及 爲 ,楊安國 得於 篇 侍 病 功 曲 命 罪 講 説 録 其 樞 也 以 以 之 門 經 密 而 之 亂 藏 考 使 嫉 人

張 先 生 堯 經 惡 封 不 從 胡 如 孫 先 瑗 生,而 之爲 人,在 教 養諸 太學常 生過之。 相 避。 瑗 治

于

祕

閣

《墓誌》〇按:

論罷孫公者

明 復 先 生學 於 南 京, 其 女子 常 東軒筆録

執

事

左右。

堯封

死,人禁中

爲貴妃,寵

遇

范文正 第 路?._ 文正 之終身。 若 文正 觀 喜。 得 畫 有 何 IE 高 日 子 夜,行 邁 三千以供養,子能安於學乎?」孫 孫 去 而 了 又贈· 贈 在 辭 得 睢 明 於是授以《春 孫 廢學多矣。 朝 數 錢 睢 復 陽 氣 百 生 廷 復 陽掌學,有孫 遣 錢 邵 孫 先生,以《春 十千。 非 戚 修謹 召 氏 干。 使 則 亦 乞客也、二年 然 後 至,乃昔 致 録 甘旨 辭 動 禮 明 文正 因問 秋 吾今補子 歸 色 年, 于 ***** 足矣。一文 日 秋》教 明 H 甚 秀才者索遊 後 而 孫 . 復, 索遊 愛 孫 + 生復道 何 僕 母 之。 爲 授 年 生 明 爲 老 僕 孫 學 篤 IE 學者,道 復 汲 闡 所 職,月 無 明 學, 秀才也 日 閉 睢 汲 泰 以 年 門 得 於 陽 生 不 Ш 謁 謁 拒 捨 大 幾 吾 道 德 口【 下 文

石 苦學 守道學士爲舉子 餐 便 亦 會 粗 客 り則 以 糲 介之願 院 諸 辟 進 官 爲 食還 世 出 或 爲 僞 主 上 明 以 人之常 一及第 子 或 簿,未至 先 無 通 日 盤 嘉 Ŧ 後,罷 也。 監 生 判 比 何 州 餐 直 名 咨 濮 者。 歷 情 以 遺 判 但 介,字 重之。 講, 州 以 鄆 官 爲 也 繼 之。 時, 日 E ,未至,卒,年四 州 乎? 鎮 擢 論 響之則 侍 寓 守道 介 石 0 南 T 赦 太 南 學 郎 《倦遊 所 外 掌 謝 書 子 京 朝 於 瀆 以 内 書 不當 推 日 中 響 可, 南 兖 聞 不 記 . 艱 官。 膏梁, 允 州 其 都 若 敢 求 H 其 服 勤 奉 直 -當 止 侍 五 御 符 脆 除 約 賜。 得 固 集 父 代 史臺 者 0 遠 厭 賢 及 窮 因

> 徂 學官 復行 之陽 説 燕談 愈尊 求 徠 後 洞 者 北 》以 世 師 石 則 道 耻 於 於是學者始知 久 守道常 面 喻學者。 爲 孔子 從 於求 郯 而 純 魯 子 師之,訪問 德備 升 學 師 語學者日 人所高 降 大聖人 ·琴於 學者 是時,孫 ,深於《春 拜 起 有師弟子之禮 講 之大蔽 師 也 因 則 : 解 襄, 執 明復 「古之學者,急於 猶學禮 人 秋》, 杖 日 矧 也。」乃 而 屨 夕 先生居 其下者乎 明 守 不 以 於老聃 道 復 侍 怠 爲《 之道 《澠 率 太 張 明 師 Ш -水

先 五 生丁 及 世之未葬者 爲 父憂, 垢 直 講 學 面 七十喪, 者 跣 從 足, 之甚 躬耕 以《易 衆, 徂 教 徠 太 授 Ш 學 于家。 下 由 此 葬

■ 「咨」、宋彭乘《墨客揮犀》、趙善璙《自警編》載此事作

益盛。

慶 公定 之, 知 等,大姦,斥 曆 求 拔 曆 也 蔡 弼 杜 維 人。 出 聖 仲 襄 衍 三年 可 韓 日 策 屬 淹 大 通 德 並 N 歌 章 琦 大 女妓 弼 判 詩 朝 事 爲 頌 冒 得 吕 子 濮 之去 ×, 措 , 諫 重 象 夷 時 夔 禍 竦 吾 州 略 天 厚 官。 簡 執 始 晏 下 如 也 職, , E 政 卨 罷 如 勃 於 於 0 殊 澠 : 其 先 相 太 距 衆 詩 歐 、賈 又 此 水 其 Щ 口 生 日 燕 矣。」 斯 後 陽 且 夏 一之安, 已乎 昌 0 談 賢 喜 富 脱 出 竦 脩 朝 涖 琦 Š. 之 先 罷 器 人 泰 余 爲 進 . 生 衆 范 樞 始 宋 魁 聖 靖 Ш 賢 乃作 不 仲 櫑 密 名 德 歎 此 如 先 先 臣 自 詩 王 使 豈 淹 茅 盛 謂 生 生 安 視 īīti 見 事 之 衍 斯 慶 富 m 魏 店

先 生 不 稱 非 其 隱 官 者 而 其 稱 仕 其 嘗 德 位 以 於 爲 朝 徂 矣。 徠,魯之望, 然 魯之人

> 忌。 吾言 调 指 發 言 爲 畝 先 安然,不惑 有 先 尤 憤 切 孟 不 生 生 德 爲 不 當 世 軻 作 用 用, 嫉惡之, 貌 之 魯 之 志 矣。 俗 世 稱 厚 爲 雖 功 人 無 天 頗 日 脯 之 不 賢 獲 文 利 下 歐 不 駭 變, 氣 章 禍 徂 所 相 愚 陽 施 至 其言 之 完 公撰 與 咎,至 善惡 徠 尊 於天下,不 一,不 憂。 極 日 出 先 學 故 . 墓 陳 力 由 在 生 計 死 以 篤 大 是 古 吾 是 其 必 者 謂 其 而 是 今治 而 道 謗 位 擠 不 必 所 志 非 固 議 魯人 之死 悔 出 居 則 大, 亂 如 非 喧 時 「。」其 乎 Ш 是, 然 行 之志 成 無 雖 無 以 己 敗 其 先 吾 在 而 所 遇 不 ; 配 言。 也 吾 勇 生 小 諱 以 事 口 畎 其

先 惟 生 日 篤 爲 於 文,博 「學者 自信者, 一學爲 辩 雄 偉 乃 1 可 義 而 以 也 憂 力行 惟 思 深 忠 也 遠 能 じ以 忘其 其 是行 爲

其言 心。 於 君 氏 湯、文、武 吾 ,皆爲周 者,未嘗 己 非 民爲堯、舜之民,亦未嘗一 推 至其 狂 亦以 其 癡 違 用 、孔之徒 者 周 日 是 世 心 也 公、 教 驚衆, 而 0 不 於 孔 哀其志。 是以 誦 以以 子、 於 人或笑之, 致 君 孟 所 其君 子 軻 《墓墓 謂 察 思 誌 堯、 楊 爲 日 其 與 堯、舜 雄 少 舜、 天 行 則 志 下 韓 而 禹 信 愈 8

天 聖以 之。 崑 大 亦 楊 害,作《怪 叔 年 億 始 不 否?」石介 敢 其 唱 來, 於是 談 爲 有 昌 穆伯 説 佛 古文,以變西 氏 楊 家 》二篇 新進 守道 老。 塾 長 劉 記 、尹 體 後 上篇 後 深疾 者, 師 學,不 歐 魯、 陽 之,以 崑 排 公、蘇 戲 蘇 體 敢 佛 之日 學者 子美、 爲 爲 、老,下 公復 楊 孔 • 門 翕 歐 劉 篇 之大 莫太 然 陽 體 排 從 水

石介既卒,夏英公言於仁宗曰:「介實不

保 并 檄 尋 大 軍 白 之人,又 應 是 使 中 不 淮 虚 死 有 證 以 令狀 召 至 中 朝 足 IXI 實。 使 日 又 北 旨 肆 至 旨 爲 以 廷 東 日 一於舉 出 走 以以 ? 軒 此 中 棺 然。 放 無 爲 是 . 若發 内 胡 中 筀 使 殮昇 酷。 時 故 介 録 保任之, 柩 誠 矣。」 劾 外 居 使 遂自 持 發 日 妻 棺 間 芝棺 簡 如 與 親 以 柩 萬 子 人 又 空 居 之, 尋 京 金 之 族 日 介 人 塚 조 還 而 簡 部 有 奏, 介屍 東 人,合數 親 亦 及 墓 苟 必 鄉 介果 爲 夏竦 言 旨 部 屬 足 會 介 用 仁宗 無 何 京 而 編 及門 在、未 咖 以 之死 葬 之 X 異 北 以 東 然 世 管 應 史 門 肆 死 説 亦 百 走,則 示 轉 以 則 發 介 也 詔 之人, 生 悟 狀,皆結 嘗 後 運 若 美潛 居 必 妻 即 也 介 竦之譖 使 世 叛 宗 簡 皆 無 之 有 子 雖 棺 去 耶 將 爲 中 今 慮 何 **\$** 棺 孥 於 以 謂 以 往 具 皆 使 數 江 殮 戮 以 即 驗 中

之。 然。 奠。 報 應 至其 世 旲 謂 奎 家 剖 言 澆 棺之與去面冪 於 奠 上 畢 躊 夏 蹰 竦 久 ,其爲人主之疑 之, 多 詐, 命 今亦 大 閹 死 去 矣。」仁 竦 也 面 亦 囂 宗 所 丽 謂 視 憮

張 張 其 之 與 下 辭 歐 安 在 弟 祖 較 喫 屬 略 至祖 見 ? 何 不 道 范 者 Î 者 望 云 辭 爲 拜 雅 邪 聞前 不 受義 羊, 與 : 不 此 所 父 石 足, 此 喜 内 書 書 繋 着 介 日 理 狂 至 也 狂 室 石 相 非 以 T 也 生 人目以 生以 中 介 書 ? 絹 輕 爲 遊?! 蘇 名 與 豈 案上見介 謂 羔鴈 曾祖 Æ 臣 袓 談 狂 山 任 又問 姦邪 父, 訓 子 譎 以 作 除 聘 容 盜 辭 怪 之 以 御 書, 爲 位 ? 不受, 「黄景 名 不 中 賢 爲 中 拜 日 何 所 H 廉? 子 爲 丞 足 謁 微 何 以 ·, 天 曾 與 何 固 吾 與 不

歐 陽 之道兮,愈遠 之德兮,魯 公銘 先生之墓 人之 而 所 彌 日 長。 瞻 徂 道 汶 之難 水 徠 之 之 巖 行 湯 兮,孔孟 巖 湯 與 與 子 子

> 皆然兮,噫,子雖毁 有 遑 命 遑 兮, 安 世之屯兮, 在 乎 桓 其 魋 萬 何 與 世 傷。 臧 之光 倉 自 古 日 聖 吾 賢 不

十之五 老蘇先生

常 主 篇 嘗 十 不 祐 簿。 至 因 韓 間 駆 一,遂除 贈 革 進 先 忠 歐 詔 禮 士 生 光 獻 陽 與 茂 \leq 一名洵 禄 祕 公復 文 材 陳 書 寺 書 忠 異 字 州 成 丞 省 薦 公上 等 方 項 之召 校 明 皆 城 奏, 書 其 允, **\$** 郎 試 不 所 未 姚 眉 朝 中 舍 報 著 闢 州 人院,辭 書 州 卒 司 眉 至 文安 修《 和 Щ + 年 太 縣 嘉 疾

職 書 方 + 君 而 職 三子, 君 方 少 君 獨 日 縱 不 澹 而 喜 不 日 學, 問 涣 鄉鄉 年 皆 已 閶 以 壯 親 文 戚 學 猶 皆 舉 不 怪 知 進

嘉

數 歐 以 志 深 生 爲 爲 退 舉 所 自 其 學 之, 微 F 進 往 也 文 文 THI 如 慤 者 言,其縱 辭 父 數 或 士 來 面 歎 也 慨 子 者 問 後 百 少 曰 皆 故 然 再 年 俱 止 . 其 Ħ. 篇 年 尊. 得 日 不 故 知 焚 横 此 閉 中 其 之 蓋 年 + 名 之, 上下 不 户 職 賢 精 , 其 口 七, 又 足 讀 涵 益 方 故 矣 禀 學 舉 畜 爲 書 號一老 自 君 閉 始 ! 出 也 其 茂 吾 充 來 户 大 笑 爲 厚 文, 材 由 學 溢 京 讀 發 而 馳 文 蘇 異 是下 也 故 以 師 書 驟 抑 憤 不 爵辛 等 0 發 以 爲 答 IIII , 筆 謝 必 悉 絶 之 别 不 師 不 歲 時 造 筆 君 頃 取 其 遲 中 法 發 餘 後 於 刻 不 素 亦 所 ;

論 祐 大 陽 稱 中 嘆 因 僕 以 領 目 盐 益 爲 先之於 荀 部 卿 得 7 蘇 翰 君 林 獻 所 其 歐 著《 書 陽 于 權 水 朝 叔 書 × 自 ^ 是 衡 見

> 知 先 爲 待 名 諫 從 也 稱 墓 其 生 變 表 琦 爲 動 賢 没 色 且 厚 初 天 不 嘗 老 下 再 早 然 調 作 與 韓 蘇 用 論 顧 發 昭 亦 上 陵 大 趣 天 至 争 頗 愧 時 下 義 · 禮 辨 傳 引 自 莫先於余者矣。」張安 相 事 華 誦 咎 爲 州 廢 韓 9 其 恨 稍 兀 闕 縣 亦 公 文, 不 琦 省 以 騒 琦 臣 然 爲 其 時 詩 爲 聞 賈 過 以 文 大 哭 責 誼 其 甚 先 爲 之, 禮 名 者 之。 生 不 使 以 能 丽 道 及 琦 書 调 厚 檉

嘉 祐 於 脩 先 大 人 夫 先 生 情 亦 初 皆 一、王安 既 生 善之、勸 者 没 吊 鮮 先生 三年 石 不 先 爲 先 名 生 生 始 天 獨 而 盛、黨 與 下 安 不 吾 之 患 石 往 知 遊 用 友 作 安 其 事 而 傾 人矣, 石 其 辨 安石 . 之 時。 姦 言 付 是 亦 乃 死 不 歐 願 篇 近 交

《邵

氏聞

見後録

》,謂

蘇

明

允

爲

戰

或

縱

横

也,其 無疑者,非特二子之比 主,好賢之相,猶當舉而用之,則其爲天下之患 今也不然,衣臣 出 爲大姦慝。 不得志之人,相與語言,私立名字,以 使晉無惠帝、雖衍百千,何從 之、王衍之爲人也、容貌言語 子孫無遺類矣。」自今言之,其 有人, 口 固足以敗國,然不學無文,非德宗之鄙 蒼生者,必此人也。」郭汾陽見盧杞,曰 詩》、《書》,此豈其情也哉! 墓表》〇《辨 ,而陰賊險很 由是言之,二公之料二子,亦容有未必然也。 禍 誦孔、老之言,身履夷、齊之行,收召好名之上, 可勝言哉 以 兹 蓋 ※略 虜之衣, 與 世 之名, 人異 Zi : 夫 也 羊叔子見 面 食犬彘之食, 趣,是王衍、 而 垢不忘澣,此 濟未形之惡,雖 周 而亂天下乎? 凡事之不近人情 理 有以欺世 古 王衍 有 、盧杞 可見者。 囚 爲顏 , **①** ⊟ 暗,亦何從 「此人得志,吾 首 人之至情 而盗名者,然 合 淵 喪 盧杞之姦 有 而 面 者 必 一誤 願 姤 以 爲 鮮 然而 治 軻復 III 吾 天 愐 也 今 人 之 不 談 用 觀 下

0 因 所 論蘇明允《衡書》、《權 景帝削地之策,曰『今日 汲汲於用兵? 如此所見,安得不爲荆 之名已非, 豈有 之學」云。 -天下不可 後修《英宗實録 國之勢」,其意蓋欲 薄,曰『大蘇

爲」。

又

其《

審

敵

篇》引晁

錯

説

以當

時不去二虜之患

則

公

Ш

林逸民,立言垂世

一,乃

論

>

曰:「觀其著

書

生寧馨兒? 射羊枯 濤字巨源。 衍傳》: 九作「山巨源」。 「羊叔子」,洪、張本作,王叔子」,宋蘇洵《嘉 山濤,濤嗟嘆良久。 王叔子」,其人未聞。 「衍字夷甫、神情明秀、風姿詳 然無「誤天下蒼生」之語。 《王衍傳》又云「衍年十四時在京師 然誤天下蒼生者。未必非 按 既去,目而送之曰: 《晉書》卷四三《王戎傳 據此 當以《嘉祐集》爲是。 雅。 羊祜字叔子。 此 「何物老嫗 人也。」 總角當造 》附《從 祐 造僕 Ш

東坡

#

制

科

E

荆

公問

吕

申公:

見

蘇

軾

制

策

否

1?!申

公稱

之。

荆

公

日

全

類

戰

國

文章。

若安石爲考官,必黜

之。」故

荆

公

掃蕩二虜,

然後

致

夷

狄

之勢,是

亦

世視二虜,豈不勝如戰國時? 名而受實敝乎? 在戰國時所論,全不以兵爲先,豈以崇虚 擾,●何時見天下息肩時節? 太平耳。 曰「才以用兵爲事」,日 亦必有道矣。」《龜山語録》 以仁宗之 然而孟子 相搔

,只見」。

0

「日相」,四庫本宋楊時《龜山集》卷 一二《語録》三作

i.

三朝名臣言行録卷第一

一之一 丞相魏國韓忠獻王

祐 秦 安 陝 體 藏 天 知 通 州 撫 聖 西 量 制 庫 判 安 安 年 徙 五 副 淄 E 兼 撫 撫 使 年 名琦,字稚 州 秦隴 除 開 知 使 使 進 右 封 同 審 改 土 尋 府 都 管 司 太 刑 康 第 加 諫 總 推 常 勾 院 定 樞 供 圭, 官 管 都 丞 元 密 遷 職。 總 益 直 年 相 沿 直 管 度支判官。 授 州 邊 利 集 寶 學 西 司 安陽人。 將 招討 路 賢 邊 士 元二年 事 作 大 院 用 充 等使。 飢 監 s 監 兵 降 經 派。 略 爲 知 景 左 +

> 宗 府、定 勳 碑 徒 進 年 略 尚 年,復請 永 知 除資政殿學 爲 慶 之 即 ·, 拜 書 兼 昭 以 興 樞 曆 并 招 **令**, 賜之, 碑 軍 侍 位 文 密 州, 集賢 討 州 直 中 相 年 復 配饗 除 0 等使。 相 徙 學 徽宗 題 判 判 鎮 殿 皇 改 英宗 相 士。 土 碑 英宗 相 安、 八 相 除 祐 大學士、平章 州 朝 州 州 充 額 年 明年 秦 五 知 , 武 即 追 日 0 陜 薨,年 除 廟 年 州 楊 徙大名 勝 位 封 改 西 樞 庭 觀 州, 网 封封 等 授 魏 召 淮 四 密 察 朝 軍 武 拜 E 徙 路 南 使 六 魏 使 L 府 顧 節 事 康 樞 節 鄆 都 國公。 親 + 命 度 0 節 密 數 度 州 總 嘉 製 八。 定 熙 六年, 使 使 、真定 管, 月 度 副 祐 策 神 蟀 使, 使, 道 神 贈 判 山 經 復 元

公自 大志 幼 ,端重寡言, 而 孤 鞠 於 諸 不 兄。 ·好嬉 既 弄 長, 所學不用力 能 自 V/ 有

諸 而 兄 過 皆皆 性 不 淳 教 而 無 能 邪 李 曲 清 臣 撰《行 孝 于 狀 其 母 悌 事

天 聖 名 日 家 下 在 傳 五 第 五 年 色雲 宗 時 見 初 唱 臨 左 名 軒 右 第 試 從 進 官 甲 土 皆 方 賀 終,太 公 於殿 年 史奏 +

録

監 於 數 復 以 索 左 綱 合 獨 不 由 一不可 稽 日 舊 同 考 金 以 滯 藏 運 制 帛 驗 爲 至 於 不 庫 一,必 筦 至 司 卑 皆内 給 時 公奏 寶貨 詔 亢 公奏 庫 俟 方 關 從 監 後 臣 書具 職 衆 (罷之。 防 之。 日 、皆暴 相 秤 直 事 以 高 甚 . 習 批 爲 科 亦 嚴 始 舊 露 爲 聖 天 災 未 非 得 有 多 廊 弊 旨 官 禧 宜 嘗 傷 受 監 徑 廡 物 下 一、公處 中 荷 州 納 廢 秤 去 庫 非 嘗 郡 遠 且 而 内 爲 得 專 内 所 方 無 不 臣 之 顯 置 禁 合 行 輸 衙 臣 印 自 職 中 傳 記 物 校 往 同 員, 若 苦 帛 往 憑 宣 願 須 田

> 開 前 府 不 尹 如 封 而 \pm 度 府 治 博 者 推 民 文 官 例 如 大器 猶 此 理 追 事 真 重 剥 不 之, 寀 倦 公 相 日 暑 請 器 蠲 月 也 此]。]《胡 汗 流 《家傳 要 浹 H 路 傳 背 在

徙

以 事 綬 得 右 編 會 抗 不 郊 未 災 親 議 亦亦 然, 骨 變 其 見 韓 疏乞出。 别 近 司 億 録 屢 人邪 納 忠 諫 人所 嘗 偃 發 直 云 供 乃 衆 石 所 ? 公 職 公常言 屬 放 罷 中 主 用 疏 又奏 以 若杜 望 宰 於 遠 立 勸 者 示 爲 也 邪 等 天下 臣 執 L 王 中 う。」章 曰: 忠 衍 佞 四 E 政 明 曾、 事 書, IE 隨 者 人 得 范 一世 不 + 之 時 吕 如 者 敕 非 失, 仲 陳 Ė 人望 災 陛 臣 夷 御 才 淹 堯 IE 異 下擇 簡 家傳 史 不 者 累言 可 佐 數 朝 孔 多 臺 報。 蔡 備 了,仁宗 道 見 廷 0 參 集 輔 齊 於 、公以 進 輔 紀 E 公乃 弼 知 白 朝 巌 綱 官 宋 宋 未 政 串 王

盡言。 之。 何! 天下 億、 慤參政,天下大失望。 隨 右 陳 及宣麻日 望在王沂 語 中立二 堯 公日 聞 佐 爲 遂 人參 輔 乃 寢 公、吕申 諫行 相 張 預 皆 足 又 老 一公、杜 矣 是 遜昭 頗 病 時 因 以 而 朝廷欲以 文,章得象集賢 取 祁 私 不 美官 公、范希文,而 意 和 害 中 非本意也 公爲知 書 公既 事 (宋庠 多 制 公亦 不 出 論 決 罷 其 引薦 寵 晁 其

時 求言, % 以 戒 行之。 論 凡 下 寢 祈 非 又 所 庸 陛 實 禱 異 IF. 安置 之法 (數見, 大 法 之人,繼 側身 聞 下 口 宫中宴飲, 慶 度 非 上安聖躬。 大 。」上嘉納之。 會 ൬ 避 行 必 慶 朝 則 尊 大禮 殿 徹 廷 日 殿 威 不 累 樂 但 建 始 能 神 被被 亦望 齋 月, 減 設 口 也 且 醮 膳 道 法 轉 至 喧 《家傳 大 節 禳 修 塲, 服 禍 于 今後 雜 慶 減 謝 爲 庭 德 公 于 殿 則 不獨 公既 福 設 · 豈 者 奏 上 理 未 醮 嘗 刑 . 容 或 仰 上 願 臨 望 之 非 僧 下 前 奉 法 疏 於 所 路 道 臣 天 詔 世 m 極

公又言 君 官 事 降,不可 臣,宜大用。」 切直 固 多畏 不負 「賞 有 避 不止。 所 本 爲自 罰 職,諫 末,喜謂 E 當 安計,不 Ŧ 納 從 官宜若此 曾、 其 中 説。 蔡 書 公 則 齊、 出 曰 王 激 . 。」沂公,天下 宋綬,當 今 沂 發近 比 公見 數 年 名。 聞 臺 公論 世 有 如 諫 名 内

民間 之,乃下 復用之。」《家傳 奏:「大 刑 復作 名未明 銷 中 詔 金 ·祥符 申 申 服 請 諭 玩 審 八 公公 年 刑 未 院 勑, 幾 請 議 以 犯 有 先 止 銷 犯 朝 徒 金者斬, 者 三年 舊 開 制 禁 封 公 以 絶

正

人,公得此益

自

信。

《行狀

詔 之偏 窮 民 日 日 物 作 詳 風洽 樂之 議 祖 定 變數 宗 阮 源 海 舊 逸、 朝 法 爲 内 胡 之定律。 擊 致 遵 瑗 壤 治 用 等 鼓 之 斯 所 本 腹 久, 臣 造 以 使 切 屬 鍾 歌 政 計之,不若 者 律。 令平 太平,斯 徇 公論 1

别

議 弛 與 乃 源 急 1 左右弼 邊 ,又當究 備 世 其 犬 所 臣 樂 今之所 急 戎之性 一、緩兹 可 在 得 理 求 急 以 贵 爲 樂 器 長 能 之誠 或 象 常 家 求 遂 保 方 平 移 夏 ? 訪 . 寧 安 既 願 邊 將 陛 達 之 來 其

發 録 解 録 司 開 司 以 封 府 示 開 舉 至公。 封 止 時 有 從 惟 封 之。 禮 彌 部 官 《家 貢 傳 院 公 置 請 封 並 彌 設 謄 謄

南

郊

且

用

和

峴

舊

樂

。」《家

侍 完 公謂 急 爲 今 御 相 至 具 景 私 戚 日 史 里 詔 實實 袁 家 祐 若 僕 之 公與 素言 年 景 爲 俟 隸 家 凡 德 浮 齊 張 百 費 在 集 多 以 若 乞 自 用 京 占 來, ൬ 谷、 度 依 議 不 六 口 歲 任 啻 賈 軍 較 裁 徒 月 昌 中 數 等 度 成 其 己 千 師 朝 E 淹 深, 出 耗 同 所 聞 久。 縣 奏 文 若 官 司 案 省 取 但 如 此 詳 衣 罷 考 必 景 故 類 糧 見 德 將 不

> 會 費 相 言 減 朝 司 今 何 問問 只只 欲 取 度 省 及 . 必 減 今 人 減 待 人 自 人 無 内 來 省 内 省 景 内 古 名 賜 内 浮 内 祐 報 内 圃 者 侍省 子 侍 費 文 詳 侍 儉 支費 省 書 定 莫 省 以 施 切 并 較 所。 勸 如 行 之 罷 御 御 計 。」《家 自 天 目 之。 樂 藥 其 邪 下 宫 院 院 臣 比 掖 傳 詔 必 僚 附 内 内 始 詔 : 以 支 酌 東 東 從 賜 身 中 禁 門 門 請 先 令 三 皆 即 中 司 司 先 從 又 許 支 冒

公爲 之美 藁》, 効 而 古 諫 以 至 自 人謹 官 乃 誠 序 集 將之。 於首 密 年 七十 之義 所 o 一《家 大 餘 存 略 章 然 諫 傳 爲 恐 藁 _____ 無 欲 卷, 以 諫 斂 見 主 而 於 焚 È 諫 之, 理 從 垣 存 諫 以

知 審 其 不 抵 \Box 刑 院 死 非 有自 公 先 是 新 改過 盜 此 殺 之心 但 冒 并 黨 有 無 既 其 足 已 矜 就 或 捕 就 請 滅 例

毋 更 得 議 原 其 法 家 傳 乃 詔 . 盜 殺 其 徒 而 不 首

以 七 傳 萬 以 益 粟 簡 活 爲 蠲 是錢 百 給 州 廂 減 後 利 蜀 六 艱 檄 禁 税 兀 糶 乃 路 等 人 + 食 軍 劍 以 賑 錢 人 人 以 爲 E 募 門 + 濟 飢 下 0 甚 人 舅 爲 六 之 户 人 爲 使 饘 明 餘 餘 民 , 充 粟 體 者之來 褓 道 逐 萬 流 軍 非 量 貪 招 中 活 移 歸 殘 官 數 安 募 飢 以 於 而 緡 撫 不 壯 更生 災 人 常 欲 之 也 職 者 使 傷 平。 東 家 吏, 我 白 等 嘗 者 發 公 也 九 第 罷 勸 得 公 庫 勿 至 0 + 誘 冗 以 刺 E 禁。 役 餘 盡 納 全 則 :

李 元 所 陝 1/2 頗 昊 闖 歸 恐 對 初 叛 土 事 上 大 便 兵 即 夫 殿 鋒 多 鋭 . F 避 其 間 朕 西 中 比 西 行 或 憂 兵 乏 形 公 久 人 勢 一使 不 公公 按 蜀 知 邊 道 戰 具 潼 卿 以

> 公 慶 戰 邊 用 私 無 欲 設 傑 選 其 公 誣 勇 + 力 奏 仲 人 其 烽 已 欲 爲 以 臣 練 氣 乃 非 與 皆 辨 叛 燧 陳 趙 自 E 淹 材 沮 朕 八之計 置 則 謀 : 叔 也 勸 白 去 以 効 振 武 往 傷 于 起 議 慶 代 候 0 范 僻 忠 議 馳 釋 遂 治 守 將 等 若 虜 范 授 仲 左 義 至 之。 錮 戰 吏 邊 陳 涉 公 雍 檄 陜 淹 憤 延 守 守 往 才。 實 邊 朋 奏 守 先 諸 西 爲 安 懣 V 器 録 往 是 比 防 延 羈 郡 安 미 妻子 戰 移 策 . 州 則 願 縻 爲 完 誤 慰 撫 0 大 死 羌 病 留 之, 或 安 城 使 既 臣 振 將 陛 朝 者 求 已 雍 獻 郭 具 居 爲 麄 而 下 廷 劉 非 罷 趣 解 計 以 賻 獄 平 人 補 或 勇 以 如 事 所 職 L 童 家 觀 戰 河 官 爲 恤 河 當 以 雖 收 口 道 去 後 憂, 賞 北 北 東 中 不 開 使 稍 族 召 公 南 効 能 贈 府 非 搏 示 收 豪 然 公 或 始 即

寬 誠 口 意 辨 民 力, 大 招 事 徠 及 0 人才 裁 [《]行 處 狀 它 也 0 利 害 又 甚 秦罷 悉。 率 1 馬令, 益 知 公 以

康 章 守二 得 乎 定 寇 攻 兵 劉 必 不 守 以 繼宗 '忠督 策 用 ? 暴 敗 則 公副 便 H 元 0 策,求 E, 宜 月 起 元 年 使 願 元元 吴聚 行 逆 來 出 之。 合 Ŧi. 今將 持 謹 m 之, 戦 月 L 府 兵 昊 中 執 闘 奏 未幾, 兵 攻 争 竊 漫。 決。 果 與 政 然大計 塞 天子 衆 出 賊 數 不 兵 以 復 以 而 不 公馳 州 未訓 利 爲 遺學 命 歲 意 公日 會 元 亦 0 夏 難 承 精 攻 議 月平之。」公所 昊掠 驛 不 詔 公竦 講 1: 平 兵 我 . 當 公不 奏 下 晁 不 久, 如如 其 . 鎮 遽。」 闕 我 宗 都 切 出 2 口 戏軍 不 得 下 責 詔 慤 倉 護 兀 深 軍 習 ', 上 3 己, 猝 意 西 五 俾 内 乃 事 戰 赴 爲 師 萬 許 偏 論 客 獨 畫 侍 以 雖 便 敵 羌 用 將 闘 攻 進 口 ጠ

> 者 能 衆 不 餘 + 口 臣 我散 皆婦 以 實 數 爲 不 萬 擊 勝。 痛 少,分戍數十 公説爲 重 之。 則 兵, 女老弱 ,故常寡 今不 願 惴 然。 願 不 然坐 究 更 疑 俞行 舉 命 此 、臣言 相 城 一守界 族 狀 近 失, 塞 遇 而 臣 0 , 6 乃 每 濠 行。 奏 觀 待 不 彼 不 雖 賊 賊 敵 聚 我 ,是以 之 敢 不 太 而 几 下 隙 過 與 來 路 故 虜 之兵 如 知 元 确 昊 兵 不

公往 出 按 來 屯 塞 下 至 涇 勤 原 苦 忘 聞 寢 元 昊 食 6 乞 和 期 有 公 以 諭 報 諸 將

3

[●] 招」字,原脱,據洪本補。

² 舊議 獻公琦行狀》《下簡 衆復會 公 日 議 日 則 此 琬 F 琰 爲 〈集》中 《韓 韓 琦 忠 語 集 獻 卷 琦 四 1 行 李 狀 清 作 臣 撰 韓 忠

[「]遽」、《韓忠獻公琦行狀》作「固拒」。

^{●「}四五」、《韓忠獻公琦行狀》作「五六」。

⑤ 塞」、《韓忠獻公琦行狀》作「寨」。

⑥ 「忘」,原作「志」,據《韓忠獻公琦行狀》及洪本、張本改。

二七八

擊 守 違 誘 Ш 懈 之。」 ",過 節 我 外。 施 度。 無 皆 此 公指 而 遽 約 必 無 公 裨 調 而 有 得 遣 圖 將 兵 降 伏 輒 授諸 府 任 瓦 者 出 或 吏 福 亭, 謀 致師 將 耿 王 待 兵 日 也 傳 仲 其 未 0 以 . 就 一山 寶 集 歸 怒 宜 計 狃 且 我 益 責 賊 間 憧 備 小 , 果 爲 狹 不 勝 也 溢 不 餌 人 從 數 邀 以 可 紗 口【

公在 兵以 户 益 秦,增 待賊 市 諸 廣 羌 州 訖 城 馬 公去,秦賊 以 討 保 殺 固 生 東 羌 不敢 西 之鈔 市 窺 邊 0 秦 招 者 塞 輯 爲 厲 屬

盜

介行

狀

《行

狀

廷

知

罪

在

一諸將

, 止

左遷右

山

諫

知

秦

州

封

Ŀ

之。

安

撫

使王

一公堯

臣

亦

以

實

奏

朝

大

罪

後

大

帥

使

收

餘

兵,

得

檄

福

衣

帶

間

猶

進

兵,

遇

伏

遂

戰

死。

嫉

公

者乞置公

則

又

檄

福

日

達

節

度,

有

功

亦

斬。」

福

.

慶 官 觀 暦 從 日 權 察 之名,協 辭 使, 年 之則 獨 不辭 陜 有 軍 西 可 旅 疑之迹,掇希求進 四 稱 吾 呼 帥 行 之便。」 君 皆 狀》○又《家傳》云: 憂 改 邊 觀 · 臣 察 用 使,公 之嫌; 子 何 公上 爲 受之則 口 以 秦 表 擇 州 有 謝

初 京京 各 于 增土 將 相 甲 蕭 又 之,目日 以 初 以 亦 械 通 絹 師 兵以 土 時 爲 習 籠竿 精 鳴 所 兵三萬 闘 堅 「東軍」, 沙 遣 公方 城 抗 視 識 諸 之 戍 據 賊 虜 形 城 道 兵, 建請 爲 衝 9 所 勢 皆 加 要, 而 脆 每 既 稍 不 軍 . 有 土 懦 乞 備 備 任 減 兵 出 於 建 不習勞苦, 軍 互 事 屯 勁悍善戰 賞 鄜 輒 雖 爲 久 戍, 出 罰 有 别 德 慶、渭 , 擣 信 内實 屯 功 歲 順 勇 前 于 補 軍 賊 三州 軍 京 月 破 氣倍 公奏 常 耳 以 完 中 師 其 目 蔽 輕

之人, 敵 支,我 與 和 范公定 市 ,亦斂兵不 下視興、 度 屠 横 其 謀 Ш 種 益 敢 **隳**則 落 靈 堅 輒 穴 困 平。 近 加 撓 塞 中兔尔。」章 元 其 夏兵 [《]行 昊 或 黠 素弱 狀 因 賊 以 既上, 知 必 招 不 横 不 能 Ш 又 口

水 納之。 相 帶 來? 此 千首 夏 首 公 判 國 安州 事 領 至 足矣。」 范公純 治 去。 围 四 Œ 日 某 此 時范 俄 路 用 内 事 . 來 省 言 遂 其 仁,治 有 事 招 爲 遽 殺 兄 守 取 張 人 討 也 得 褁 陴 帶 諫 相 純 日 體 幃 平. 卒 駐 祐 「某 而 公遣 議。 康 魏 帳 中 報 延 定 出 亦 蓋 公 爲 城 在 某 安。 間 行 又 魏 復 不 御 明 櫓 延 來。」 之則 元昊寇邊 間 公 就 忍 史,坐言 日 安 E 忽夜 起 枕 得 蓋 沮 願 坐 魏 謂 : 金 回 有人 是 得 或 公 魏 帶者 . 闦 誰 時 威。 事 亦 諫 公日 誰 張 遣 汝 携 韓 謪 不 議 何 携 治 汝 乃 金 元 魏 通

> 再 乃受其 嘆 帶, 服 是墮 日 0 非 計 琦 中 所 及。」 矣。」 魏 塵 史 公握 其手,

公與范公在 其事 公每 密 之,行召卿矣。」明年春, 密 稱 歸 兵 至 义 副 諭 之, 覆元昊。 爲 恨 使。 日日 傳于 與 樂 韓 齟 日 范 爲 公自 范 兵 **选五** . 世 公伸 之 間 會 功 用 卿 請 夏 最 《行狀 不 仁宗 前 孤 或 久,兩 就 捍 朝 議 邊,至 立 送款 知 廷 故 無 同 公 倚 公名重 作 公謀 與范公同 人 決 久 以 五 | 閲 援 策 勞 爲 表 薦 古 不不 于 重 上 不 堂 果 前 外 時 獨 故 聽 召 詩 用 期 朕 拜 遣 人 天 心 范 使 敘 既 以 知 下 樞

時 故 者 邊 與 可 晏丞 許 陪 欲 事 臣 自 雖 相 數 欲 爲 建 廷 至變色而起,公守所見不易 列 元, 講 議 0 解 爲 元 衆尚 父子 府 昊 遽 猶 不從,公 呼 欲 1 從 兀 書 之,公獨 卒, 邀 持 朝 及 之愈堅, 廷 **\$** 謂 我 其 使 不 車四

殺其禮如公言。《行狀》

初 之則 公説 公語 公宣 與范 傳》○又《別録》云: 議 蒲 朝 兵 廷 不 未 中 静 公俱 可 合 及 撫 卒不 但 方 人一騎。」范 公笑止之。 以 河 敢 退 議 公曰 者少 兵 東 出 發兵,范 於 講 從 按 爾。 殿 和 . 、公以 公嘗爲門 范 行 廬 加 公以 公 若 中 希文亦未免有 公 公 會 請 遂 爾 爲 色忿, 亦 范 杜 人語 則 益 命 謂 不 公猶 不 祁 琦 公 兵 邊 此 以 必 公、 乞自 宣 欲 數 備 事 請 争 爲 易 日 撫 再 萬 不 富 動 忤 以 兵 行 請 陝 口 屯 處 韓 國 爲 也 對 河 西 弛 家 公 不 非 上 事 陽 《家 贊 道 用 益 前 范 鎮

公既 薛 邵 郊 1 官 興 白 至 張 關 乘 揭 珙 海 牓 與 傳 陜 招 戰 郭 往 屬 料 誘 失 貌 歲 簡 利 商 Ш 大 之。 州 餘 邵 飢 錢 軍 興 其 監 群 衆 潰 舊 役 盗 散 數 係 兵 嘯 干 一、公遣 邊 藏 聚 兵, 置 商 Ш 即 屬 巡 虢 谷 官 檢 之 **\$**

> 亂 亂 軍 餘 堵 陞 發 罪 用 民 又 歸 Ш 者哉 <u>·</u> 則 朏 省 人。 度 相 遣 捕 隸 歸 之。 倉 是 率 張 舊 去 選 所 後 賑 賫 籍 冬大旱 東 海 年 禁軍 屬 一《家》 若 田 又 之。 徙 牓 韓 邵 餘 況 以 謂 出 招 琦 傳 不 仍 圃 並 乞 9 兵 又 兵 歸 致 汰 堪 召 河 等 押 選 蠲 數 上 邊 驕 征 中 揚 諸 赴 雖 皆 官 兵 賦 公 久 拙 戰 陜 路 同 即 萬 多 役 珙 9 相 者 等 府 軍 選 下 圃 餘 繼 華 將 察 停 不 日 雜 官 人,豈 散 等 殲 沿 填 官 堪 放 澄 以 分 諸 + 邊 軍 衂 吏 戰 汰 詣 疲老,耗 土 餘 軍 萬二 能 諭 聞 開 者 兵, 州 州 闕 恐 爲 有 否 輔 以 額 千 者 爲 致 廂 飢 按 免

時 衍 仁宗以 望 E 有 天下 朕 미 用 施 多事 行 韓 i, 宜 琦 急 范 以 于 時 仲 求 上 淹 治 之。」又 富 手 酮 詔 開 皆 宰 天 中 相 章 外 杜

下、公 存 獻 仲淹,皆公議人望之所歸, 所編《遺事》云:公言: 進 瞎 仁宗識之,日 書,公亦 西 也 有 府或合班 七 北 賜 心 能 事 坐,咨 選 協 對 退 力行之。」文正 將 議 E 不 訪 帥 奏 稍 指 絶 才、去冗 「韓 明 用 事,公必 陳 務。 按 其 . 琦 凡 廟 M 家藏 察 實 性 所議 御 小人 食、謹 公條 批 直 豐 盡 事,仰 同 本, 一一一个行 財 一朕用 言 已 九事 列 人官。 利、 一側目 章得象、杜 尤 韓 事 以與公,今尚 狀》〇又强 丁,大略 琦、富弼、 不悦 抑 雖 不安。 佞 屬 衍 中 備 以 至 范

蘇子美輩 陛 駭 對 夜 如 下 物 遺 日 此?」上色悔 即 中 聽 位 ·使散 爲 夜來 來,不 進 此 奏院事發,仁宗爲讒 事 人大臣 聞 但 久之。 ·曾做 遺宦 付 家 有 官 此 《别録 捕 遠京 等事 司 自 同 飲者。 城捕 何 有 故 行 館 者所惑 公明 今日 遺 職 陡 緣 甚

> 公云: 見。」上遂 張 得 狀言:「王 下 下 在右府,不 益 近臣 方平、 論 象 柔狂 诸 列, 、晏 ,今西邊用 宋祁 殊 吉 圃 釋然。 欲 益 與 不 同 以 何 柔作《傲歌》,罪當誅。」公時 1、王拱 此 . 狀 口〕 進 足深 《別録 事 否, 攻 奏 兵,有 院 計 辰 賈 因 王 皆 昌 校 事 兩 益 何 ? 同 傾 朝 府 限大 柔 力 參 IE 同 方 以 黨, 政 對, 其 平 事 排 陰 情 字 等 不 偶 主 至 亦 爲 皆 相 Ħ 陛 可 陛 列

富鄭公安撫 其罪 事 惜之。」累上,不報。 《行狀 日 陳 歸 ,曾無一人爲 於陛下之前,乃責 朝 奏, 廷 河 去京 聞 北還、至都 北 師 虜 弱 咫 點 言者 尺 兵, 補 門 弼 胸 閑 命守鄆。 中 以 郡 臣 籌 忠 切爲 四 策 義 方 不 請 陛 公奏 不 行, 得 下 聞

「絶」、《韓忠獻公琦行狀》作「急」。

前 更天 罪 役 洛 相 臣 罪 斬 此 爲 ? 以 0 繼 涇 陜 之佐 罷 下 會戬 徇 公 列 原 不 西 敝 去, + 日 守 帥 佑 罷 事 . 公 克, 事 將 鄭 兼 亦 又 辨 僥 尹 公 戩 涇 屬 析 懇 倖 洙 戩 原 人 論 求 公 者 路 狄 以 救 者 與 補 後 憚 • 劉 于 青 外。 當 實 + 之, 滬 謂 朝 人 廉 時 違 故 有 猶 非 行 詣 董 詔 朝 富 狀 便 城 名 闕 士 廷 公、 大 之, 訟 何 薄 詔 廉 臣 杜 可 青 輟 城 而 公 欲 改 無 其 柄 水

徙 爲 调 爲 被 知 天 刑 鄆 捕 下 者 限 州 者有 法 甚 限 京 衆。 至 免 中 東 刑 今 不 素 公請 之路 用 獲 多 之。 者 盗 獲 抵 故盜 《家傳 它盜 捕 罪 盜 多 者 之 盜 獲 法 未 聽 必 比 以 朝 得 折 廷 百 著 除 H 而

公自 愛 帑 慕之如父 廪,治 楊 徙 鄆 武 庫 自 母 鄆 勸 徙 農 定 鎮 興 州 定 學 久 用 所 武 至 人 將,治 設 樂 其 條 愷 教 兵 悌 無 葺

> 數 直 保 授 爲 兵平 韋 髞 不 有 威 中 法 敢 州 偏 既 度 百 叛 城 尤 亂 號 賻 復 者 將 信 人 0 下 H 至定,公 不 爲 賞 至 在 犯 贵 以 0 陵 既 可 道 其 于 口 H 則 往 公素 法 教 至 獨 用 可 月 倣 家 驕 竊 者 雜 留 定 而 教 古 即 不 取 冠 聞 涅 所 兵 以 不 習之。 兵 捽 用 口 河 其 府 其 留 邀賞 驕 遣 法, 使 首 兵 事 朔 衣 裨 孤 交 兵 律 斬 屨 佐 作 兒 戍 賚 未 以 由 裁 當 軍 京 方員 如 之? 出出 踰 爲 或 是 之。 使 門 明 師 狄 保 定 月 飯 定 繼 外 怨 公 發 青 鋭 亦 州 兵 詃 察其 兵 易 龍 衣 語 鎬 畫 皆 不治 極 素教 精 0 不 廪 引 猛 土 陣 就 塞 熟聞 横 與 卒 死 諸 勁 幾 律 者 嘗 戍 指 恩 將 齊 攻 軍 欲 州

^{1 「}出」字、原無、據《韓忠獻公琦行狀》及《宋史》卷三

著 俗 皆 防 得 居 公至, 遺人行視, 曰:「此 忻、代州 累,令民 公平日語,見。 口 公脩嘗奏乞耕之,爲 行 秋 户 爲 舊 令,使得 雜 預 狀 羌夷, 虜 迹猶存,今不耕,適留 知 兵 四 奚防 至 F 人有之矣。」遂奏募弓箭手居之, 内徙,空塞 、寧化、火 - ,墾地 河 葬於其中, 用火葬、公爲 外, 秋?」爲罷 0 九千六 潘 病 Ш 美 下 并 遠 軍 爲 人遂以 不 百 帥 餉 廢 買 帥 耕 不 公公日 頃 沮 \blacksquare 皆 以 田 復 避 撓 號 其 我 焚屍 , 封 資 遣 寇 屬 禁 廣 腴 虜 久 表 城 鈔爲 o 地 後 田 不 刻 河 寇 歲 歐 耻 且 石 來 發 東 民 陽 己 而

0

除 平定中 樞 文 吏 書 密使。 比 藏 或 于 紀 吏 公以皇朝 次之,多 舍, 臨 朽 制 蠹 四 得 百餘 散 夷 = 聖 年,祖 機 親 爲 事 筆 歸 可 宗以 惜 樞 見 征 其 奏 擇 府 伐 神

按 略。」昇欲勿受,公曰:「彼辭服矣,受之勿失。 使,使人蕭滬、吴湛來, 安静塹地立石限之,自此不敢耕山上。後 州陽武寨 守此土,勢必與爾辯。」契丹理屈 境上。召酋 經略安撫使。 倉。 地,何可得壞國信義,侵淫詆諫 售猶不失四 此!」餘人皆退,後出懷中米一裹曰: 有地界爲争端, 不法宦者廖浩然。 補出如下:皇祐年,受武 廷置此米,一斗約八鐶,内地不售一百。 事》作「郡」〕卒約十餘人,皆持米前訴,公曰:「米乃如 條:定卒惡米陳下,執籌不請。 飢人數[「數」,洪本、張本作「七」]百萬,韶 公凝然不動,一軍股慄。 (行狀)] 鄰城旁路,刺取其法,視中山隱然爲 今據《琬琰集》中集卷四 潘美爲帥」前,有大段闕文,今據《韓忠獻公琦行狀 「其施爲,後亦皆爲名將。 群【「群」、《百川學海》壬集宋强 原 又按:洪本、張本此 冒,如黄嵬山 豪與語 鐶。 缺 用黄嵬山麓爲界 入境,罷前帥所與不急之役,奏逐 此得以爲據。」昇受之。 適皆自汝扇摇 曰:「爾移文嘗借天池廟 契丹吞蝕邊地,公遣 以辭受館伴使張昇曰: 條應出自《韓 則 《遺事》 康軍節度便知并州,兼河 八及洪本、張本録其下 可,已置不 下 , 戎人侵不已, 公又遭 歲大歉,爲法賑 公時爲帥,聞之,馳入 我 又按:上文後,下文 有引自《遺事》的 遂 一命盡戮 邊臣也? 歸 雄 至《韓忠獻公遺 琦亦請 辩。 我冷泉村。 鎮。聲動 祖宗 將蘇安静抵 公琦 今雖陳下 十卒於前 公爲樞 則皆 爲天子 屬中。 怙 謹 南 文如 我 東 勢 朝

建 契 郭 便。 得 斷 禄令》、《 丹 靄 遣 弄 及 復 請 文 郝 夏國 兀 城 質 稍 移 方 驛 出 爲 浜要 相 爲 Ŧ 内 令》, 稽 通 豐 慶 帑 之道 根 州 民 故 錢 使 本 糴 財 度 有 與 爲 賄 [《]行 疄 藏 成 粟 六 自 法 府 狀 才 數 百 絶 -, --相 白 八 爲 族 萬 訖 司 + 羽 故 實 吏 今 卷 翼 地 邊 以 不 備 命 爲 復 瞰 制

溪 之等 合 投 後 往 方 何 洞 乞 許 議 以 議 辰 鑾 復 降 之, 來 遂 州 彭 《家傳 室 告 蠻 通 領 仕 子 先 相 仕 兵討 夷 貢 之, 羲 既 約 義 文 奉 納 也 還 勿 且言 乃 彦 之, 其 殺 却 聽 則 博 子 遂 自 欲 將 師 命 爲 師 呼 議 寶 得 是 謀 納 魚 寶 吏 遣 投 叛 款 人 内 俾 之 擬 殿 寇 來 矣 妻, 知 荆 中 奏 轉 子 不 龍 許 它 湖之間 丞 孫 己 運 師 賜 雷 之。 使 H 寶 州 朝 簡 仕 李 與 府 公 遂 然 夫 義 狂 肅 子

無

事

公推 中 錢 嘗 貸 官 宗室外官 要 必 者 之; 手 書 制 士。 $\overline{\pm}$ 五 自閲 給 於 不 **>** 行 廣 房 房 習 以 爲 而 如 顧 所 之。 錢 京 職 E 雖 史不 例 舊 懲 死 綱 金 樞 六 門 之仁 不 不 敝 者 者 廢 《家傳 密 錢 行 目 及 百 外 自 欲 得 暴 院 興 弛 惟 及 類 刑 每 德,使 其 兀 是 行 高 之風 學 露 意 幼 貴 次 事 禪 房 舉 人 下 後 校 於道 之, 或 所 者 必 臣 斷 院 督 始 于 及 頗 去 居 半 用 買 陰 挾 例 天 變 其 封 知 微 如 取 例 例 之, 地 消 恃 下 見 科 賞 間 其 縢 細 除 不 0 宦 吏 者 舉 放 罰 説 謹 以 後 所 其 見。 者 職 Ŧī. 縱 閔 又 掌 考 瘞 口 欲 冗 因 别 房 權 傷 編 否 嚴 尋 無 行 與 循 有 謬 考 公 史 狀 出 主 天 每 京 五. 中 乃 不 罪 \$ 不 白 又 操 宰 骸 禧 用 白 復 舉 路 試 書 無 可 删 舉 例 相 初 例 司 給 機 舊 所 補 用 取 用 在

公自 公 者 《春秋》存亡 學行 陷 摹 公議 疑 以 名 四 制 兀 所 院 大 讞 方,寬恤 方 廣 或或 作 年,下祫 爲 罪 尤異, 用之。 論 書 賑 ,差使授官 宰 其 忠厚 完 弛 議 相 恤 任 賦 補 茶 議 施 響赦 敦 即 民 口 藥 士莫 國、 禁,以 天 者 以 募 行 鎮 力, 遣 與 物, 下 以 耕 率 総 事 風 當 介 詣 自 事 謂 唐 籍 吏 便 以 立 俗 絶 時 京 狀 多 0 知 户 近 課。 東 柴 諸 救 世 0 鄧 師 便 出 列 于三代之仁義, 絶 一之義 氏 南之人,愚民 公 疾 所 廢 侍 何 民 裁定 館 田 後 同 病 汲 田 者 從 人門下。 租 于 爲 力 引 備 令勑 勸 崇義 太 爲 擇 守 多 命諸 學 課 廣 才 德 **÷** IE 農 惠 臣 諫, 試 治 得 以 嘉 直 路 謀 作 省 法 無 最 議 舉 祐 有 舍

宗春 有言 者 秋 高 丽 繼 大 臣 嗣 未 莫 立, 敢 爲 天 議 下 首 以 爲 公數 憂。 乘 雖 間 或

> 變故。 寺。 下 爲 伏 而 爲 無 慮 欲 父子之分明, 非非 危之。 皇 福 五 不 之聖, 日 就 不肯當 奏,乞選 太 年 英宗力辭 可 挾 館 流至 有它也。 H 子。 ^ 矣。」仁 無 孔 何 卿 名未 公復 繼 今, 蓋 光 立 其 難 成 嗣 皇子。 則 傳 毋 其 E 宜 于 帝 宗 惟 啓 浮 事 己 沉 亟 > 則 中 陛 此 感 進 日 官 議 猶 議 尚 遠 材 哉 . 悟 下 宫 對 上 豫 亦 立 後 常主 得 詳 1 以 妾 陛 日 顧 始 帝 不 不 誕 以 重 太 勢 太 下 決 以 復 日 辭 弟之子 育 猶 祖 未 * 祖 得摇 識 屬 英 漢 皆 能之, 名體 招 心 便, 爲天 宗 慮 之 成 皇 後 讒 爲 定 有 矣。」仁 以 判 中 帝 宫 女。 慝 Ļ, 宗 下 大 以 文 一定, 以 陶 外 生 長 任 公 過 皆 則 E 陛 E

● 「完補天下事」、《韓忠獻公琦行狀》作「完備天下士」。

久矣。 下 令宫 事 猶 幕 奏曰 後 宗 徐 下 其 意 賀!」又召學士爲詔 臣 呕 平 計 人親 進 有 開 請 或 文 廡 決 欣 人就 未 藁。 下 愕 爲 納 矣。」 皇太 E 日 , 追百官 「今既 客,或 臣 知 治喪,人情 先 皇 E 色曰 者。 子 入預大 子 諭 帝 英宗既爲皇子, 后 曰 : 何 旨 始 此 燕 13 班 爲 如 公性 預 及 乃 就 大 道 坐從容 宣 陛 此 議 馬。」 此仁宗 誠 事 召 内 慶 肅 遺 本 下 厚 ,英宗即 ·, 毋 則 助 樞 然。 寧 如 子, 制 官 書,學士 重 故一二大事 宜 之 密 語及立 官 此, 遽。」 一、未嘗 族 神 衛 何 力 乘 大 H 屬 尚 德 臣 士 明 所 臣 至 皇 會 敦 朝 堅卧。公 聖 一帝位 亦 堂 名 坐 間 巳 諭 敢 1 顧 皇子 廷 勸 斷 請 其 午 甲 哉 其 大 宗 爲 0 日 有 宫宫 對, 功, 禮 事 天下 . 天 爲 定 諸 棄 L 定 市 前 肆 又 然 天 策 其 門 如 F 朕 天 願 百

> 索議 公日 便若 知否 意動 謂: 宗終 F) 樞密使 莫 日 議 不預立,以繫天下心。 意 迫 ,更不暇 ,默存其 知 及次 贵. 後 幽 「朕亦有意多時。」時 可屬大計。」仁宗以英宗爲言,公即 無一言,不喜 急叩 此 其詳。《行 兩府 \^,時 厲 此 事與 不壞了事? H 其 殿 之,謂: 置 中。 仁宗 語 通簽御 人 相 内學。 上大言: 更不 思 公經 事未及 嗣 慮 亦 「二宗子陛下 未 劄 及 :狀》() 尚 來 不怒。 每 立 英宗。 張昇太尉見之懼 量來。一界下殿,至中書 ,不錯。」昇退,公笑日 「此事 語 行 進 公公 有一宗子, 嘗育宫中。 H 又《遺 對 、公秉政。 請 公患之。 益 罷 繁社 乞降 置 深切,前後不可 即 亦 事》云: 内 稷 聖 論 必自 學, 仁宗 旨 太子 陛 它日, 仁宗 教 下 劄 能 將 ,深罪公何 公自 深子, 倦 不 天下本, 子 順 見 以以 勤 Ή 其 權 勝 定 其 一若則之 义洁公 錯 孰 忽顧 數。仁 公乘其 判 彼 建 武 1: 聰 层水 勢漸 不素 不 儲 人 明 пΓ ıE 之 爲

英宗 獨 先 有 初爲 召 親 語 允 E 賀 弼 及 皇子,時 次次 即 人,稱 位 六 軍 或 允 「先 丽 次 朝 最 帝 制 見 度 尊 晏駕 百 屬 官 嗣 心 皇子即 天 公是 子 不 即 平,且 位 先

者? 上。 詔。 大王 無 禮 人。 一當 允 公叱下, 何 一左右 賀。」 酮 允 不立 日 酮 元 甲士 . 日 謂 尊 丽 . 焉 0 行 E 已至,遂 大 用 ? . 豈 宰 皇 E 有 公 一,人 相 子 惠 日 賀 ? 爲 練 臣 . 遂 誰 ___ 使 也 次 ? 先 循 爲 召 帝 天 諸 殿 不 親 得 有 子 阼 0

王

,見六軍百官,中外晏然。《遺

事》

英 然 之, 外 時 激 皆 用 疾 廟 亟 見 人 心 投 反 暴 惱官家? 即 徐 未 者 杖 作 歐 走 照管官家。」 位 徐 陽 有 於地 大臣 已數 日 大呼 方 永 知 0 來, 者。」 一今日 日 叔 輩 , 且 直 , 語言恐 歸 遂 當 駭 初 趨 復 以 再 擁 愕 掛 服 事 至 語 就 上 藥。」 癡 服 唯 前 人, 位 慰 所 以 于 V 某人見、 哭, 安 親 授 内 抱 所 柩 莫知 以 人 之 前 人 不 處之若 出 驚 簾 日 可 所 哀 某人 , 仍 • 散 聞 韓 措 未 公公 公遇 戒當 無 皆 左 發 見 誰 公 須 呼 右 而

事,真不可及。」《别録》

英宗 勝矣。 者數 居,猶 顧 顧 或 H 熟 0 率 也 初以 公或 視 同 四 若 然須公强之 驚疑 大王 僚 公 疾 太 跪 圃 自 者 得 汝 后 於 不 捧 疾, 自 榻 言 每 面 樂 勸 勞 L 壁 而 雖 或 以 _ 公 者 堅 後 平 進 取 及 移 日 即 服 前 藥覆 一:「相 大 時 公俯 疑 莫 王勸 别 未 受藥 公之 或 録 解 加 公 拜 之, 懇 亦 衣 於 潛 餌 告 尤 不 牀 而 晦 易 不 公 自 下 不 則

英宗遇貂 公意 仍 此 語 動 密 3者,雖 而 日 事 一昌言於 勑 送密 中 不 簾 貴 미 璫 大 人 前 札 俟 摇 少 衆 宫 亦 臣 與公, 恩禮 報 妄 亦 門, 屢 : 傳 心 以 左 公但 得 有「爲 感 語 此 豈有 許 右 言 其 爲 多 不 説。 者 對 媚 前 錯 悦 遂 殿不 婦 來 多多 自 公 領 作 稍 ? 聖旨。 獨 主之 曾 道 息 爾 差 琦 屹 禁 人 情 慈 深 然 中 T 公 疑 知 隱 不

以言

動

太

后

曰

:

臣

等

只

在

外

面

不

得

見

英宗 之,若 悦 未 公 獻 文字 預 聞 繼 加 與。 公又云: 太 以 聞 0 知 日 對 意 后 m Ш 蓋 樞 中 承奉, 力 須 也 既 家 陵 泄 恩 進呈 傳 後 及 密 書 富 見 適 有 院 公 則 中 意 泣 迨 事 聞 此 不 便 謂 間 對 書 力 訴 手 以 呈 得 文 只 自 口 E 遂 語 勸 英 E 書 太 字 簾 乞, 是 報。 無 日 開 宗 亦 得 后 太 出 臣 下 • 不 事 如 晚 之言 光 疾 后 所 卒 然 不 ___ 口 富 前 臨 獻 官 徹 中 説 難 敢 E 既 泄 公 旨 家 簾 爲 語 後 合 非 否 留 日 富 愕 還 不 不 言 然, E 矣。] ? 陛 不 天 公弼 幸 然, 政 起 得 殿 屬 下 敢 謹 而 宫 弼 它 居 之 今 因 諸 密 **\$** 中 奉 歸 退 則 之 日 親 日 此 富 院 咎 教 有 密 公 不 而 狀 不 猶 於 忍 謂 光 皆 公 焚 不 願

在 公潛 數 建 「太后 管,太 E 出 出 否 何言 具。」公曰 識 流 官 獨 議 察英 H 官 家 ?」公曰 解 汗 不 不 素 太 英 家 o 語 公 照管 可 后 内 先 廟 廟 既 ? 仗 后 亦 日 中 以 禀 : 已 上 日 而 成,上 不 未 保 一此 自 : 安, 不 則 此 不 然 久竟還 吴 護 安 家 可 衆 備 耶 之。 小 口 穩 而 奎 得 以 遂 ? 人 更 全 禮 事 。」太 曹 長 出 不 幸 自 在 是 儀 咨 政 出 后 孩 矣。」 如 朝 文 照 相 太 用 太 未 后 祈 兒 此 方 管。」 廷 后 或 日 心 后 有 驚 雨 别 太 寺 處 未 頤 . . ! 鍅 還 日 后 旨 若 别 太 使天下 司 喪, 安 政 莊 日 録 公 京 列 官 即 后 意 恐 素 不 辦 師 爲 相 怒 即 家 仗 未 之人 之 乃 太 縮 公 失 \Box 日 未 能 是 疑 不 主 先 過 頸 照

一 曹后初未還政,公力引古以動之,云:「前

英

廟

既

自

外

來

又

方

寢

疾

不

豫

人

情

傾

向

太

后

公慮宫中

有

不

測

者

日

因

對

深

遂 殿。 成 家 有 名 世 釋 之。 何 德 母 . 后 然。 請 公 敢 莫未否?」公日 望 閲 後 太 叹 更聰 《别 史書 后 賢 數 **\$** 鍅 若 人。」公察 日 捲 明 脱 , 者 簾 批 然復 多 徹 出 口 莫不 座 云 其 辟, 見。」太后 . 意 則 得親 以 乃 口 某 是 固 往 矣, 日 千 吝 韶矣。」 白 日 更 即 古 權 不 連 位 所 自 御 誊 未 敗

英宗 初 一曹后 名 議 Ш 重 之,方肯 后 既 「。」富 初 比 是是 允 儀 在 之,與之者 制 豊 即 難 公云: 藩 嘉祐末,仁宗不豫,大臣議選立宗 放 以 好 於 邸 Ш 下 事 諷 還 呼 ? 恭儉 上。 「何啻太 政 警 陛 IL 蹕 9 公日 下 公 如 上 好學,禮 益. 説 何 雞 日 衛 Ш 惜 :「臣等 卵 + 0 日 Ьì 此 . 相 放 百 下師 耶 一遂定。 人之類 當 下 公苦崇 1 呕 者 别 友, 若 以 乃 與 别 甚 此 獎 以 太 如 太 録 得 誘 輕 太 母 后 后

陽脩 之計 德 乃 尋 聖 温 動 病 議 今母子之間 流 室子 不 及仁宗晏駕 近 得諸 著於 進 兔 己 涕 樂。 習 不 請 成之寵, 兒。」 深助 惟宰 懌, 必 仁宗勉從 慈 多不 E 君知此,善矣。」脩 . 具 不 0 大 聖 「太后 天 道 爾 其議 臣 聞 垂 樂 下。 太后 . 相 不 太后 0 簾 有 帝 者 者。 韓 圃 遜 皇 子 不 不 驚 琦確 反 婦 事 即 衆 處 狀 親 病 要胡 帝 嘗 預 懼 不 帝 議 人 位 之裕 仁 輩 奏事 疾 立 能 母可 然 之性 憂 宗 皆 琦 皆 甚 思 皇 以 立 忍 不 懼 笑太 然, 數 時 退 亂 日 簾 子 憂 爲 變,參 不 耶?」太 + 數 鮮 量。 前 辭 者 皇 得 有 容之乎 何 后 年 步 此 避 子 心 不 不 此 慈聖 所 欲 陰 一,仁聖 知 少 , 妬 病 然左 疾 者 遜 事 獨 不 於 進 后 政 間 ? 忌, 久之。 大 故 語 容 琦 何 舊 嗚 事 廢 曰 耳 獨 昔 之 脩 渦 慈) 臣 右 不 明 歐 0

公曰 宗遺 帝 待 密 歐 但 惟 也? 少 婦 奉 脩 在 臣 而 人 説 大 陛 父 矣, 戴 我 罷 所 潁 陽 復 等 人 悟 無恩 信 E 邸 公 下事 母: 意,天下 嗣 進 知 父母 臣 然 古古 方 退 不 之, 傾身奉事慈聖。 ,自是不復言太后 後 君 服 等五 獨 。」公曰 居 之未至耳 慈 數 所 慈愛 中 故 無 稱 潁 而 日 謂 誰 1-情 六 外 舜 L 子 社 而 肯 人 · 宗 莫 獨 措 日 疑 爲 : 不 稷 轍 子孝,此 聽 不 晏 在 大 敢 ,父母 「自古聖帝 見英宗,帝 大孝, 豈 失孝, 一,公招 臣 從?」太后 知 往 駕 位 耳 異 韓 也 同者。 歲 天 見之, E 舉 短矣。 ·豈有 乃 久 常 公近之。 下 記 足 用其言 太 其 口 事 造事 室王 間 明 今太 禀 德 不 日 后 餘 不足 稱 默 言 熙 王 澤 慈者?! 承 意 盡 耳 然 大太 一,不 ·, 非 陶 遺 及 寧 在 稍 昔 不 后 久 道。 此 中 命 和 執 今 孝 爲 后 之 使 H

> 歸 家 心 人 , 而 禮 大計 至 親 始定 奉 几)。|《龍 案 進][[飲 志 食。 慈 聖 由 是

仁宗靈 堂 其不 心,臣 若 之。 堂 奈 闡 棟 何。 違 棟 時 公正 荷, 葬 損 駕 乃 諸 下 若苟 欲到、 期 有 不 何 處 使見公, 修断 色日: 可憂駭 損 以 事 直 永 當 掩 昭,葬 必 費, 遺 責?」一坐爲之 之,後 示不 盡 鈎 事 不 此 公指 可 Á 識 知 責 有 有日 1 且 所 猶 壞 及 皆 果 出 覆 口 遠 欲 道 損 當 八人主 0 公至 路 不 歎息 當 既 亦 問 忽 易之。 到 致 無 鄭 傳 ∭ 皇 服 皇 疑 始 口 掩

英宗 皆經國 白 出 侕 日 事 餘 卒 初 可 番 無 立 與 長 事 外外 不 俱 有 算大策,如 成, 缺 爲 六 英 落 班 宗 不 乃 有 不 過 考尋 即 完 謀變者,或言於公,公 族 政 取 一、公以 補 中 耳, 太 綴 書 原, 吾 祖 僅 其 不 下江 宗 能 懼 勇 御 識 也。」 智 南,伐 其 批 不 既 得 世

哭之 犬 列 袖 皆 戎 進 慟 謂 ,英宗 付付 公有 曰:「何事 中 書 不言教萬 見之,不 之類 不可 0 編 覺 乘 爲 成 避 事 十 御 餘 座 後 軸 録 上 是 僊 带 , H 同

英宗 少 死 子 歐 政 行 宫 頭 史, 有 0 勾任 緩 歐 敕 陽 人 即 韓公必自有説。」魏 凡十數章,請 宰相 填 責 陽 内 時 則 公 位 守忠者立 之, 蘄 公已簽 都 中 司 日 有 變矣。 韓 知 州 馬 差 疾 任 團 魏 温 何 使 書 守 練 公一 公 請 《聞 臣 如 矣, 忠者 庭 誅 知 光 副 ? 即 見 下, 日 之。 諫 使 獻 參 日 姦 歐 出 院 公坐 太 政 數之 蘄 押 英宗 吕吕 陽 空 后 趙 邪 行 州 頭 政 公 公 垂 F 反 諫 安 敕 雖 簾 事 概 復 日 其 議 置 「汝 堂 悟 難 同 意 爲 間 道 9 之, 聽 以 第 未 取 罪 諜 侍 以 政 謂 當 間 空 頭 書 施 御 兩

公爲宰相十年,當仁宗之末,英宗之初,朝

外 其 諫 公撰《祠堂記 語 勇 尚 惟 非 臣 無 廷 之警, 之人 如 示 多 者 身不自保,恐家 何 日 也 不 爲 故 此 成 :「公所 如 盡 遂 ,若湍 ,公臨 耳 餔 故 公歎 坐 力 置 啜 輟 能 以 爲 嬉 不爲 大節 天 光 至 事 水 日 如 之 下 遊 於 君 輔三后 : 哉 是 處處 自 無 赴 於太 成 死 此 一,誠善 若 ! 處 深 敗,天 危 生 何 所 壑 寧,公之力 曾 聞 疑 大 以 言 者愧 殆非 無 荷 無 濟 之, 也 也 萬 驚 所 艱 1 利 贵 顧 視 服 疑 明哲之 難 蹉跌 或 事 凡 口 傾 也 家 其 之 爲 豫 聽 使 所 是 豊 忠 或 知 中 竊 憂 温

孫 言 看 故 和 多 甫 看 中 嘉 昭 神意思 書 了 祐 陵 即 文 未 字 處 治 定 復 置 平 日 土 而 Ţ 間 盈 不亂 英 在 於 接 中 廟 前 静 書 未 更久 編 親 而 公 排 政 不 文字 煩 處 朝 從 廷 事 如 多 嘗 終 頭 重

治 平 凡 折 語 事 既 1 及 人 知 日 日 心、祝 八 某 受 其 。』」公笑曰:「豈有 議及十事 中 耶?」公乃 未 2 事 事 命 何 嘗 紙文字,精神 夏國泛使至 唯 樞密 ·, 先 IF. 事 觸 則 中 唯 也 事 見 以 公 何語?」 ,第云受命館伴,不 者 而 某 徐 樞 所 退。 時 料 府 辭 料 太 殊 意 將 對,辯 + 及宴使者,果及十事 常 日 己 不 思 祝如所教答之,夏人 事 止 以十 • 終日 似 少 而 主 某 卿 議 見 以 樞 一飲 事 事 祝 不 了 授 丞 府 聞 食 來 諮 相 祝 云 則 朝 敢 而 。」《别 件 主 韓 曰 以 廷 輒 不 二若 魏 館 事 某 及 及 未 録 公, 它 邊 彼 辭 使 讀

濮 禮 安 謹 聳 所 懿 伏 生 不 王 稱 兩 欲 以 皇伯,無經據, 制 澠 遽。 英宗踐 謂 水 燕談 當 既 封 踰 祚 大 大 或 例 祥 又封 當 稱 始 改 皇 爵須下浩, 封 詔 伯 英宗 M 中 制 議 書 尤 名 詳 疑 其

> 之則 詔罷 與 公?」士大夫嘆 陽公,諸公莫 日 • 人。 之, 未 此 《行 得 中 丽 狀 其 臺諫 書 中。 事 不 其平 官 皆 避 方下 攻 共 直 匿 中 議 三省 忠 自 書 諒 不已, 解 何 再 不 口 議 公 獨 肯 尤 獨 指 英 推 罪 宗 謂 歐 謗 切 歐 陽 復 以 人

公素知 奚 以一 人皆 官 日 爲 河 獨 亦争之,曰:「關 助 東有 身救二十萬 陜 服上之言簡 爲 ,因乞籍民 河 不 西苦屯戍,餽 北 義 可 ? 有 勇 乎 義 ? 勇 爲 論 而 人 乎 義 遂 盡 日 輔 ? 死。二二 勇 餉 決 前 : 民 頗 有 日 將 至 ___ 艱,當 亦多公之守也 .。」「然 府 驚 今 府 有 觸 以 駭 難 得 。」又 白 亡 輔 其 則 民 上,上 去, 爲 事 兵 陝 日 便 西 諫 願 以 .

0

日

上

同前書有「公」字、義較長。

310

[「]朝廷」、《澠水燕談録》作「於天子」。

夏 初,英宗卧 賊 其 宗感 過 敢 或 力 畢 表 日 寢 何 此 一昔 罪 舉 吅 疾 聞 次 望 、公叩 乃人子之職。」公曰 元 時 大 顧 公往詰 悟 寶 渠謂 軍 願 憂 大 昊? 屬 E 順 ௱ 事 元、 Ħ. 大王 疾 御 形 臣 英宗 去。 : 城 料 須 諒 久, 榻 於 諒 康 自 料 敵 詰 祚 公言 一早暮 色, 日 祚 定之 英宗自 Ė 文 彼此 如 之 狂 . 日 逾 且 丞 回 所 童 必 顧 . 在 觀 一、公問 喪 相 疾,二府 料 諒 月 服 公曰:「 渠 上 感 宜 或 悉 祚 今 師 . 而 0 左 所 疾 留 以 日 表云何 起 次公還,以 以 如 大 料 右。」 非 後 不 爲 歲 禦戎之備 居 動 所 臣 同 。」公卒 爲 附 賜 奈 不 退 不 料 F 或 神宗 此 然, ? 何?」公 一神宗 能 。一《行 意。 間 其 遣 私 也 語 左 使 英宗 勢 諒 起 建 相 0 E 狀 詰 遣 居 祚 何 語 神 凡

> 批 衆 疾 處 於後 不 乃 時 旨 高 嘘涕 初 制 只今晚宣學士降 見 分事 潁 英宗 心。 漸 居 日 視 ,令今晚宣學士依此 F 下 神宗侍側 云 E 朝 ,又設置 簡 革 下。 面 。皆 也, 「立大王爲皇太子。」公曰 上頷之、公請 色否? 於 中 既 1大王 文 前 書 許 煩聖 外 府 潞 於紙。 憂 建 東 聞 間 授 公退 儲 躬 惶 疾 宫 是 人至此, 以 麻。」 潁 處 「, 宜 官 命 更親書之。」英宗 罷 御 王某。」公 丽 治平 上親 屬 分 上領之。 札 早 辭 公 降 語 畢 建立 奏 於 於 \equiv 雖父子之間 之 日 制 筆 . 年 是 榻 0 顔 日 指揮 太子 十二月, 是晚 或 前 日 色 適 公召 座 : 悽 者 本 已 相 久之。 定 鎖 慘 以 大 得 御 欲 下 又 E 矣。 院 批 Ŧ 乃 安 適 聖 久 嘻 藥 亦

> > 311

0 云 一,原 作「大」,據洪本、 張本 改

朝

名臣

言

行

録卷第

可。《家專》 不能不動。」公曰:「國事至此,無可奈

上 英宗初晏駕 門至 神宗 以 則 厒 語 意 既 上 公愕 E 朝 廷 何 日 陶 賜 涉 數 有 班 以 即 0 疏 初 則 職 手 或 宰 位 不 所 其 然, 即 先 示 П 遜 魏 年 達 札 位. Ŧ. 相 觖 縛臣 己 帝 呕 ,諫官 慰 公亦 爲 權 望 日 陶 過 急召上 復 以去矣。一帝爲 陶 告 諭 故 知 公奏日 奏 言魏公不 由 奏 辰 生, 起之。 公, 事 變 遽 事 陰 介彈 東 IE 如 乞補 垂 乃 爲 宫官 未 欲 宰 此 陶 則 拱 臣 行 押 恊 止 相 憤 非 至 之動 常常 郡 御 比 人 太 《遺 召 退 跋 狀 朝 不 不 史 御 扈 英宗復 乃 班 上 詣 太 押 H 勝 臺 者 爲 1 史府 陶 义《 遣 皇 常常 子。 文 跋 陛 放 知 察 乃 聞 内 德 扈 朝 陳 F 班 其 肆 爲 手 見 侍 進 帝 殿 愈 公 州 班 録 姦 誣 行 中 動 遺 張 押 促 拒 × ... 小 近 詆 之, 丞 茂 罷 常 之 朝 黄 召 曾 侍

德 黨 贵 L 初 情 亦 自 E 何 妨 時 大 H 韓琦 近有 家傳》云: 旅 濮 得 口 敢 之上,人心 觀 外外 語 誠 不 朕 中 然納 議 爵 易處 安然服 察 憂 忘 及英宗 先 措 欲 則急 書 只 者欲 祖 使 懼 帝 是一 先 以 E 進 ? 以 遵 帝 二大 一公惶 於 陶 然 當 呈 皇親 求 樂。」 使 初 既 皇子 又 守 《家傳 於重 知 内 日 H 罷 必 當 相 即 典 太保耳。」亢聞 或 有 則 恐 如 勝 邵 E 位 封 以 禮 位 E 不 所 封 惟 元猶 何 謝 服 斂 郡 何 幸 差 獨 殊 濮 屬 於 ? 二公曰 不 藥 容 置 親 E 欲 太后 留 也 不 E 它 撼 敢 次 拱 内 奉 稱 官 顧 者, 公, 公。 此 日 第 爵 外 之 手 朝 屬 語 E 前 願 父, 邪 遂 訪 如 請 F: 日 惶 累 深 主 相 曰 安 懼 何 ? 對 察之。 謂 日 陛 丽 以 是 立 纀 自 久 陛 此 英 時 下 此 公 於 必 陛 之。 不 孝 是 公 必 下 宗 允 恩 不 下 是

韓 得 該 公爲 魏 西 字 公爲 廳 典 參 相 故 體 政 至 相 則 於 H 凡 《塵 大 事 曾公爲 史》 間 事 該 東 則 政 廳 亞 **�**, 自 相 決 該 則 之矣。 文 日 趙 學 康 問 靖 則 集 日 以 賢 歐 問 陽

公爲 議。一上 皆 嵬 州 聞。一上 當參議 決 位 世 興 兩 警 ,曾公亮 名 乃 軍 以 無 鎮 英 自 輟 待 Ш 有 節 宗 觀 今日 亟 請 召之,公既 • 族 公意 之。 度 家 Ш 等 乞 力 傳》 帳 使 與 公 奏 凌 藩 辭 確 數 往 會 日 日 使, 臣 判 府 遂 8 萬 种 也 經 改 公解, 同 對 相 罷 復 今 略 議 曾 淮 惟 議 即 州 Ħ 土 邊 奉 一府 奏 以 南 諒 事 0 韓 授 還 後 行 曰 兵 節 公 琦 陝 祚 44 朝 亢 朝 方 朝 取 度 是 豐 廷 以 奏 將 西 臣 臘 辭 命 中 使, 事 綏 前 以 兼 安 以 貶。 在 \$ 殿 H 昌 撫 州 領 疾 闁 兵 耳 備 F 虚 惠 E 外 辭 報 使 兩 員 卿 決 議 納 E 因 政 鎮 位 乞 除 不 邊 諭 相 降 判 西 府 與 敢 知 事 輔 之 近 除 永 邊 同 臣 延 預 自 未

> 等 城 用 地 降 贖 罪 公 口【 西 絶 中 安 辭 E 不 謀 易 羌 · 險 指 廢 0 其 軍 械 知 嘗記 爲 塞 未 時 ·肯 嵬 爲 歲 守 也 固 羌 送 預 亂 賜 見 名 ? 議 將 綏 韓 出 口 殺 中 始 聽 楊定, Ш 多 琦 以 守 州 討 安 宜 選 苦 知 楊 守之。 初 欲 老 要 術 , 虜 計 遠 增 則 定 將 飢 往 臣 害 棄 禽 築 陜 故 使 厲 者 殺之以 人 自 西, 又 取 綏 兵, 識 寨 圃 府 常 出 李 畀 後 負 體 諒 召 州 不 佐 恨 賊 崇 戮之,不 也 熟 至此 雖 具 罪 祚 劉 復 失之。 脅 合,卒 貴 朝 , 户 不 餴 死 方行 航 勢 怨。 下 與二 大 廷 取 糗 韓 驛 口 秉 已 脱一 器 酋 已 道 留 猶 府 奏。 狂 常 公 夏 以 屢 得 用 折 議 喜 爲 足 告 既 人 困 人 事 之 繼 趣 尉 綏 後 以 以 哀 移 誘 趨 再 世、 廢 寬 倉 德 果 易 何 É 謝 歸 師 奏 保 \equiv

■「輟」字、《韓忠獻公琦行狀》無

當,皆 禍亂 有詔 直論 壽既 不任 通 親 使 其 寨, 其 下 河 不 以 修 古 札 甚,公曰: 永昭後公不退爲問者,公 有 涇 注 南 藩 敢 方 由 與子,其於子母,不爲 以 騰 拓 云未定疊,未定疊人言 諭 É: 地 功 犯 誤 略 原 · 慈壽 衛 爲 此 英宗 秦 必起。 葉 太 遂爲 力 虜 皆 州 張 候 「只乞與曾公亮以 武 爕會爲 又 狂惑等事 懷二三。 沮 之塞 韓 中 奪 聲 后 城 事 琦 立人之子,皆知不若立己之子,然太后 壞之。 既 • 大 其 援 有 回 噴 無 字 地 招 序 親 時 珠 熈 問問 招 屯 琦 檄 横 利 在 出 堡, 不順。 《行狀 寧 弓 兵 是 則 子, 語何足怪?」它 永 日 時 Ш 栅 昭 箭 陳 扼 相 欲 包 據 下商量。」曾公輩果不敢 上 既 之衆 公如 》〇义《遗事 若更 向 屬 手 是 幸養 先 賊 畫 篳 使 日 口 時 背 羌 居 收 路 篥 圖 何? 懷猶豫 在 英宗 遺 之, 福 横 于 付]]] 宫 而 日 日 禍 其 中 畢 始 Щ 將 報 近 奏對 I 復 用 或 赴 ,聽讒 久 Ÿ. 璫 中 日 役 吏, 遺 者 牓 漸 便 甘 先帝 使見 有 小 疾 罷 佞 恐 塞 教 宜 谷 取 虜 慈 封 作 以

> À: 諭 此 是 既 相 不得安外,乞改之。」上不許,遂之相。 有 又盡持四 已有恩命、云 · · · 日 時 無子,不 「衮衣待還」之語 次改北 「只 党暇自顧 敢安位?」上 遂懇辭 人俟 方士人見責 西 門 得 帥 位。 不自 事 進 口 亦不久在 由 退之分?」未幾,英宗上 認 召 F. 此 又流涕 見。」琦 業。 分矣。 流 不 公復進 涕 退 慈壽 外, 謂 書 不 是 開 見 語 虚 由 時 陳 相 家 謂 此 E 公欲 席 請 以 語 知 益 以 謂 来 不 堅。 後 制 何之? 待 仙,今上 不 可 移 語 清議 復 2 它日 爲 太過 雍 故 出 堅 琦 E 除 不 一,使 即 忽 容 請 使 兩 _ 位 澴 喻 臣 如 日 琦 鎮

詔 復 Z: 或 從 E 之龜 容 ,爲治之本, 知 公自長安入觀 訪問 相 州 鑑 政 仍 朕 事 ***** 敢 公公 莫先 朝 赴 不從 廷 因 熨 欲 於 朝 留之,公陰 進 ! | 《家 此 言 覲 . L ◎傳》○ 陛 用 知 . 辭 日 時 之 事 义 當 · , 遂 日 侍 遺 辨 事 中 邪 上 請

至《韓

: 忠瀾

公

遺

事》補。

² 0 冢」字,原 騰 」。《韓 忠徽 脱 公 據《 琦 百 行 川 狀 學海 作 》壬集强 謄

至,實 類如 指先帝於 其心 公: 也。」蓋魏 後宮有就 石 議 則 相 H 聞見録 論 有異議 有 「方仁宗欲立先帝爲皇子 陛解 此 不 術,只爲一身, 餘 「何以 (自嫌 同 處 <u>*</u> 默 公有 閣者。」公 當 何 H 與與 何 識之?」公日 也 此 地? E. 魏 E 也?」魏公曰 公自永興 公請 以 地 間 謂 不 則 處 F 同 之矣。 不爲 册 不 之論 故 企 後宫 可。」上又不答,公便退 卿 英宗爲皇 也。」 陵 過 去, 天下,以 所 闕 何 然荆公終英宗之世 嘗讀金 誰 以 如? 帝 「仁宗立先帝 時,春 生子,所立 神宗 可 與 以 嗣 屬國者? 韓 此 魏 公日 時 陵《答楊 問 琦 知 秋末高 公之語 一、仁宗 曰 非 異 嗣 也。 宰 爲皇 一公引 -相器。」 爲 退 卿 忱 日 萬 問 翰 荆公强 與 居 荆 嗣 屢 E 後 舊 林 元 公、公 喜 少 有 時 安 0 老 召 뫲 有 EN. 俟 子 不 可 辯 安 石 又 間 窺 +

改 條 判 謂 將 外 中 例 無 大 不 書 司 便, 名 復 劄 疏 府 敢 子 難 言。 諫 頒 頒 時 官 行天下,公再奏曰 下,及令進 朝 公慨 凡言及者 廷 行 然 青 上 苗 奏官指 疏 皆 法 乞 以 衆 罷 罪 揮 議 其 本 斥, 臣詳 皆 院 中 以

> 價 者 或 物 布 辨 多 書 也 各從其 價買之物, 制 無 上 及 引《周 祭祀 其 與之,此 有 也 斂 復 以 從 置 列 物價 0 敢 欺 積 臣 删 可 市之不 抵。 滯 言 罔 按《 疏 謂 不 去 禮 無 示民,若有急求 「駁事 時 聖 其 ൬ 唐 過 所 》「國 周 唯 揭 買者 鄭 妨 聽 制 非 旬 謂 舉 售,貨之滯 禮 M 存 衆 民 , 者。 . 大 日 服 王 書之,以 . 即即 用者 謂 釋 民 以 概 道 爲 泉 喪 云 有 臣 急 愚 將 息』之説,文其 也 : 府》 用 紀 則 貨 不 求 臣 弄天下 無過 偏 待 勝 於 者 在 者 書 元 經 官 辭 市 民 痛 不 其 以 又云:『 也 奏要切 掌以 則 曲 三月。 憤 時 價 用 時 而 0 之人,將 以官 爲 者 價 無 加 抵 市 至 揭 阻 、謬妄, 之語 買 買 難 鄭 凡 元 故 著 以 之 再 之, 買 買 價 賒 其 9 征 有 使 其

1 一, 曲」下, 洪本、張本有「説」字。

若 彦 + 者 之, 貰 臣 Ŧi. 千 稍 + 爲 謂 釋 忧 其 利 受 一, 則 息 白 縣 所 從 謂 因 而 也 買 而 云 遠 園 _ 賈 如 都 官 物 而 Ŧi. 税 忧 IIII 以 春 郊 此 甸 廛 鄭 之 借 經 解 或 皆 賒 出 稍 鄭 唐 謂 之 於 康 或 又云: 本 服 則 無 息 近 縣 + 康 賈 地 或 賈 貰 沂 成 爲 須 所 郊 過 五 都 成 公彦 而 事 郊 Z 也 也 之息。」 貸 漆林之户 一凡 + -; 出 + 百 蓋 之民,萬 受 0 + 萬 0 爲 故 約 _ 者 園 疏 民 以 錢 以 9 臣 息 有 此 者, 唯 遠 鄭 祭 廛 之貸 궁 者 萬 謂 其 息 法 也 衆釋云 其 郊 之 祀 取貨,方出息二 錢 錢 萬 於 出 周 田 使 謂 漆 ()與其 賒 喪 朞 朞 或 錢 此 息 禮 + 民 紀 林 出 從官貸 與 朞 出 服 所 而 一二『貸 Ŧi. 之 弗 民 息二千。 而 息 園 故 貸 事 謂 有 出 白 征 不不 利 萬 息 之 廛 從 E 司 錢 千 甸 官 泉 税 首 以 辨 取

> 皆 急 官 爲 所言 就 千 今 四 則 錢 干 周 求 青 ·,秋 官 錢 0 多 干 是 元凡 不 Ŧī. 禮 若 貸 中 買 苗 百 比《 也。 能 則 再 春 × -借物 謂 亦 萬 在 取 也 所 辨 放 貸 依 《周 周 泉 是 利 錢者,不問遠近之 市 載 也 十千,至 十千 兀 禮》貸 府 然當 欺 不 限 尚 禮 買 有 ___ 且 售 图 》至遠 半 過《 旬 價 職,今可 不 時 及 今 聖 日 民 與 周 年終,又 未 口 古 年 民 聽 \equiv 之; 取 之地 禮 必 施 間 之 異 月 息 \leq 内 如 于今者 Ħ. 還 積 民 施 制 文 此 滯 謂 官 行 令納 倍 地,歲令出 定 止 有 便 貴 之貨, ,則上言 祭 天 分 出 則 今放 而 於 下 數 祀 息二千, 利二千 其 納 制 不 之人, 便 吧 候 事 取 利 青 置 己 紀 時 其 非 息 民 苗 以 司

[「]授」上又有「而」字。「辨」下,洪本、張本有「授」字。《十三經注疏‧周禮

安石 詞 出 之。 公疏 朝 在告 孫覺聞 誣 隙,至有舉晉陽之甲,以 非便,安石 石出 之意, 抃乃 息之利事,以詆天下之公言哉 利 盡 己。三既 大 制 廷亦當聽納。 申 明坐所因,公益皇恐,遂以疾上章,乞 未幾, 臣 遽 議之。」安石既出 ,意已大 明 唯參 置司 也。」公既 之日 m; 欲舉晉陽之甲, 曰:「只 M 又曰: 行之? 欲 御史中丞吕公著亦言 何不將此周公太平已試之法 知 日 一。此 、黜之。 悟,亟欲 政 : 此 以言 事 「公著言韓 自古執 此 пJ 豈可 言 趙 主 上曰:「須 以 忤 覺 抃等對。 寝罷。 ,執之益堅,聞 於安石,乞更 罷 逐 獨 嘗 逐 政 權 舉注 矣。」公著遂 知 與 君側之惡 奏之, 臣,又公著 琦 蔡 藩 王 近 三上 州 臣 别 安 疏 上 有章 今 若 青 諭 貸 坐 石 貶 後 者。」 生間 苗 諫 事 者 欲 引 始 錢 疏 告 惜 公 官 \$ 法 坐 安 罷 疾 得 取

> 今白 知 語 虎圖詩》詆之。 日 白 知荆公之賢,欲收之門下,荆公終 飲放逸。 H 楊州,王 「琦老臣也,義不敢默。」及不聽, 諭之,乃 琦 也 録 已高、急上府、多不及盥 棄。」荆公不答 徐州。 _ 0 髮, 》中短魏公爲多,每 郡守也,其敢不如令。」〇又《聞見 荆公初及第,爲簽判 傷 止。《家傳》○又《行狀 心 日,從容謂荆公曰。「君少年,無癈書 章 無 至魏公薨,荆公有挽 四 退 路 送 上,神宗 而 鰄 青 E 輌。 님 漱。 「韓公但 ,每讀書至達 「韓公非知我者。」魏 猶 遣 魏公見荆公少 不忘 不屈。 曉 内 × Z 詩 官 形 侍 魏 相 屬 録》云: 公「少 故荆公《熙 初,法下,日 李 好 亟 「幕府 旦 爾。」 奉 舜 略 行, 年 魏公知 舉慰 作《 不不 疑 假 少 公後 日 寐 夜 可

太宗、真宗嘗獵於大名之郊,賦 于班 賈魏公時 瑞 殿。 刻于 既 石。 成,客有 公留 守 勸公摹 日 詩 以 數十 本 其 以 詩 篇 進 藏

- ●「忘」,原作「志」,據文義改。
- 「殿」下,洪本、張本有「之壁」二字。

事 亦 者 嘆 莫 日 喻 公 當更導 公意 日 昔豈 . 之 修之 不 韓 爾。 知 絳 進 則已, 《别 來, 耶 録 遂 顧 安用 進 上 之。 方 進 鋭 爲 公 意 ? 聞 几 之 客 夷

公因 當 遺 御 其 事 語 軍 罪 華 自 相 雖 有 在 H 中 北 道 殺 門 • 白 嚴 人何害? 固 頗 不可,愛亦不可 姑 息三軍 人自不怨。」 十、公日 著

公曰: 卒 筆 安可 斬 公曰 己, 朝 長 如前 官 城令決 知 魏公、 一:「汝 從 如 信 知 縣 容 者,潞公震 此? 有 以 否 平 爲 ? 異。 潞 解 守把兵士,方二下, 和 禁兵, 即 公俱嘗鎮 府。 日 至 於 略 怒,問之,兵對如實 潞 魏公使 既 解 不 當 公時 差 狀 變 時 北門,方魏公時 在 判 色, 復 乘 前 彼, 忿 問 衆 領 有 便有 云 赴 但 實 外 輒悖 : 市 見 鎮 有 階 曹 其 之。 汝 駡 解 級 黒 亦 投 處

> 公所 使道 必問 守 去。 公。 學 朝 忠 獨 如 判 E . 彦 魏 術 魏 歷 處 則 識 館伴 舊 使 戎狄尤畏公名, 之 人 公 斬 諸 頗 名 韓 妙, 「韓 於生祠 則 幕 大 而 類。」 與 于 侍 楊 彼 鎮 擲 北 書。 京 侍 亦 中 踵 自 省 筆 乃 觀 天資之過 尹 中 虜 功 爲 犯 其 書 即 安 有遺愛, 塑像 遽 主 法 以 忠 副 否? 宴 問 以 皆押 彦 此 凡 吾 使 歲 坐, 告忠彦。 左 貌 便契 見二公之量 人 何怒之有 成 字不 右 今 類 人人 爾。 命 時 禹 父 何 丹 膽 畫 錫 **完**元 名 在 畫 否 及 奠, Τ. 孰 仍 北 ? ? 城 來 像 ? 圖 喻 及 屢 門 比狄 語 事之, 使者 不 之 其 來 或 使 公 不 爲 同 南 子 梁 惟 聘 介 mi

0 府。 相 百川 應 指 學 韓絳 海 ¥ 絳字子華 集《韓 忠 獻 神宗 公遗 時 事》 拜 相 作 曾 章」。 徙 大

富 以 韓 後 談》云: 口 撫陝 謂 侍 留 -韓公, 中 每 守 凸 公舊 以 境 南 引 乃非 父老有遠來觀 侍 有 來 前 中 無 德 也。」於 涉 比 於關 多 在 臨 須 此 欲 是 中、秦人愛之。 清 索也。」《行 得 相 於道 界 故 引以 其 特 傍 即 名 去。 者 名 誡 數 愕 狀》 後子華 其 然 强 及 下 相 公)又《澠 之, 日 謂 Ĥ 去 H : 派 交 水 魏 相 此 不 谯 H H

熙寧八 甚,代 朕 得 情 待 图 將 怒 兩 界 將 遇 奈 祖 無 不 朝 宗 之 甚 親 厭 在 何 年 北 通 覽。」公慨 勢未 要, 舊 ? E 明。 ____ 舊 好 地 室。 月 卿 備禦之 疆 垂 朕 能 決 厨 八 E 自 或 曲 己 難 著 + 遣 然 有 有 敦 忠 順 方 年 近 定 大 盟 今横 從 義 如 璫 封 . 政 好 沂 何 賫 歷 歲 事 若 使 比 ? 謀 古 江 事 至 再 以 事 亦 欲 及 書 卿 來 如 遭 出 來,意在 故 息 間 宜 朝 此 官 不 老。 民。 生 公 密 測 桜 乃 難 事 日 陳 行 爲 其 今 心 虜 爛 必 8

> 來,帝 F 之久 占 死 渠 官 欲 侵 日 分 春,契丹 從 IIII 因 横 拒之。 與 虜 執 畫。」❶神宗許 自 大 蕭 手 半 2大忠乞終 前議 之。 地。 使 臣受命以 忠 開 留留 禧 書 不安矣。」 塗 雖 遣汎 天 還、 忱 無 忱 H 家 間 貴 千 大 傲 鴈 出 矣。 艱 不 忠 图 使蕭禧 害 理 門 餘 奉 疆 不 來,在樞 明 召 亦 之,遺 者,古 詔 也 會 詔 肯 言 帝手 制 然。 比 起 執 別 來言: 去, 政 復 以 須 初, 太常少 録 使 帝 敕 名 執 宜 與 ,未行,忧 府考核文據,未見本 Č 對 遺 講 限 H 者 第 政 优、 以 復 中 寒 代北對)又《聞 知 所 祕 歸 勿 大 選 使 卿 不 書 虜 雖 又 忠 以 賜 恤 劉 使 ΠŢ 亦 派 理 朝 肆 面 見 富 忱 致 面 使 奪, 吕 境 屈 使 步 對 待 録 廷 韓 爲 П 語 之 有 大 則 不 罷 公、 使。 虜 論 E $\hat{\vec{\Delta}}$ 以 忠 侵 忿 П 由 忱 使 難 虜 就 韓 常 許 爲 卿 棄 地, 爲 朝 忱 久之。 配 又 者 魏 乃 副 議 禮 其 造 姑 請 有 寧 臣 對 公、 使, 미 尺 Ł 如 蕭 當 便 遣 地 則 使 0 忱 判 禧 命 所 殿 使

^{●「}使」下、《邵氏聞見録》卷四有「同」字。

[「]司」下、《邵氏聞見録》卷四有「鹽鐵」二字。

代北 各專 之成 其老弱 邊 淫 作 置 E 精 族 界 年 É 事 必 潞 榆 近 來 不許, 爲 前 ,於國 爲名 也 戰 公、 守 柳 四 不相君長, 謂 以 、卒願盟 軍 j. 來 謀者也 高 車 法 初 Щ 我 以 忽創 曾魯公手 麗 夫北 政 以數萬計 與 有圖 2 虜 檢視器械 得 朝 費 0 家 觀 制 臣 雄 州 好. 團 初 廷 財 增數之虚 地 虜 屬契 我 復燕 州 虜 遂持 保甲 勢高仰,不 平事 無損 殫 騎 未嘗爲邊 縣 應 今横 素爲 素 H 不 力 詔 丹 · 南之意 有定 之之實 此 得關 契 昔曾言青 先 益 使 則 ,於朝廷 敵 £ 也 間 以 名 丹 界 冉 或 自 也 道 似 而 以 爲 預 聞 患 пŢ 至, 四 困 紛 不以大敵 岩 義 契 如 故 計 己直 聲言出 因 之, 然 創 爲溏濼 弊 也 而 丹 勇 久絶 何 策 造此 優 苗 初 疑 都 當 强 謂 爾。 民 六 義勇人十 容 錢 起 亦 作 河 縱未 取 謂 朝 韓 以 也 兵 事,不 釁 事, 偃 闸 征 院 北 其 爲 行將 圖 其 [1] 貢 魏 端 蹇, 與 城 大舉 將 恤 地 而 置 頒 又深見 聞 所 我 公 之 池 乃 屢 虜 校 以 Ħ 降 得 去其 建 河 遺 及 疏 致 L 因 遺 甚 者 不然 弓 虜 探 北 使 我 人見 熙 日 勢 虜 使 也 商 整 部 也也 輒 情 伺 可 三十 刀 築 七 之 γnJ 必 以 舶 並 一,破 兵, 賜 無 朝 疑之形 新樣,大 形 亦 教 臣 疑 争 漸 吐 招 廷, 厚 興 路 生 厭 七 擾 其 習 徧 理 可 者 蕃 觀 諭 驱 將 疑 況 諸 沙 善 增 用 置 濞 殺 亦 部 地 + 沂 IIII

> 練 唐之故 彬 不 免役法 河 深 良 不 摇 不容 今農怨 無常,官吏違者坐徒,不以 因 不 非 入虜 顧國 盡 循荷 敢 陛 朔累歲災傷 、米信 若 ,特外恃驕 衆 論列。 誅。 知 下 驅重兵 心 於畎 疆 -之明 境 家利害 也。 簡 次第 離 ,名德宿將 則 然後 臣 ,治國之本,當先富强 怨 夫 畝 今親 幾 嘗切計 頓於堅城之下,糧 强 慢 取 此 欲 育 民 但 錢。 爾 劃 制 及大戮 被 則 攘 之地 力大乏,將官 得 旅 作禮樂,以 以 陛 始 詔 斥 猶 邊 嘆 又内外置市 陛 問 F 74 以 於 爲 事 F 始 夷, 此 將 陛 道 事 自 舉 神 赦 謀 致 作, 路, 下謀 係 此 降。 미 聖文武 以 者 文太平。 岐溝之敗 或 闡 道 復。 富貴 興 官 麓 大 易務。 則 以者,必 家安 新 不 太平, 監 誤 吏 勇 可 法 繼 此又未之思也 ,若擇將 pĵ] 寡 不 пΪ 也 以 危 督責 日 ,腹背受敵 謀 安其 圖 日 故 也 鞭笞 新 面 青 下, 又好 散 自 制 保 先 必 臣 職 以 青 辺 祖 及 實 臣 H 使 甲 日 進之人 刻 愚,今爲 下 苗 夷 宗 ൬ 澼 未 邦 恐 領 虜 爲明 錢 隱 以 嫌 大兵 雖 松花 勢 本 陛 更 杰 爲 罪 來 疑 曲 今 訓 困 F 改 復

② 「淫」下、《邵氏聞見録》卷四有「□」、《邵氏聞見録》卷四作「西」

可逗。 「淫」下、《邵氏聞見録》卷四有「日甚」二字,則「甚」下

以爲世 舉與 畀 以釋 宗遺意,卒致天下 必 公皆主不與之論 愛力,選賢 不平之心,雪祖宗累朝之憤矣。」富韓公、文潞 備 不 H. 乃 下計 固 日 隣國,又建以 口【 疆 修 之,蓋 [與之也。] 以筆畫 - 虜疑 充。 持 備 + 此 戒 之常 謂 造端 虜果敗 東 任 宜 萬 與與 西 能 遺 與 棄 北朝 隳累世之好。 使 如 盟 疎 聽 之亂 爲取之論,至後 地 舊界。 報 時 然 遠 服 聘 通 Ŧī. 其 姦諛, 王荆公再 後 百 則 好之久,自 荆公之罪 地圖 優 餘 口 請 致 里云。 進用 振 以 命 禮 命天章閣 如將 邊 威 遷 幣 人 忠 武 延 吏 , 可 **具** 世 相 占 祖宗 官 鯁,使天下 歲 姦 恢復故 退 ··•, 曰 所 勝 言朝 之類 月 臣 數 待 近 無 故 者侵 以 制韓 哉 延向 地 贵 陛 为 因 將 疆 伐 荆 F 有它意? 悦服, 縝 欲 公、曾魯 圃 占之地 來興 快 燕 益 具 公輕 奉使 取 罷 (載之 爲 忠 養 之 去 作 神 以 民

公器量過人,性渾厚,不 怡 天 飾 () 蹈 下,位冠 然有常, 不測 「其行 未嘗 之禍,身危 人臣,不 爲 事 事 丁, 進 見其 物 于累 爲 立于 遷 畔 喜 動 卵 畛 朝 峭 不 任 平 與 塹。 見其憂。 莫 生 士 大之 大 無 功 夫 蓋 僞

公氣 天下。 閎 於義 小 不敢 俊。 恭 無所 家」,故 氣 中 語 必 規摹閎大高遠,外視 究,表裏皆合,無 博 」, 則 貌 成 加 語 或從公數十 退 凡 少慢,但時呼爲 石 較 温 理 和 嚴 無 細故 息 平居 與同 石効 曼 計 易 뻾 重 所不 于室, 所 後止 卿 容容 初 及朝 小物,莫不各有 畏者 此 館 氣 爲 與 容。 雖 人過失,不 年,記 Ē 語。 豪 ,毅然終不可 館 與 人接,禮 廷 望 邁、多戲 拱 尊官, 職 家 自 一不 事 而 爲人 辰、 在 如 「韓 公言行 所 , 畏 則 館 甚 相 御 與 之, 下之, 則 敬 家」,蓋 守 以 閣 侮同 略, 應。 游 史 呼 服 其 及乎 奪。 品 爲 葉 者 出 E 厥 已而 相 如 所 間 其 己 處 舍,獨 皆 定 當 有 令行 此 與 于 姓 接 勞 所 當争, 忤,小大 基 故 重 詳 時 誠 反 物, 慰 措 時 器 市 見 有 口 觀 復 存 於 量 某 井 公 英 其 考 門 極

耶 己 安 者,然人意已自以公輔許之矣。 曰:公初入館 解 〈坐幕 言 !」公和 開 封 公室 中 府 閲 舉 時, 顔 一謂 人,拱 試 謝之。 年二十餘歲,亦未嘗 公曰:「此 卷, 辰、定 如 ^ 不聞 别 録 基 × \(\times \) 中 及公爲 時 習 拱 有 趙 有 宰 辰 事 良 喧 樞 相 跡 忿 規 争 著 賓 器 密 不 客嘗 于 度 助 公 副

公爲陝 於公處即 不静矣。《遺事》 魯,公皆納之,不形 西招討,時 論 英 公事 帥 魯 於言、遂無事。 ,英公於公處 與 英公不 相 與 亦 不然, 論 師 師 魯

矣。」天下傳之,以爲

知言

。《家傳

氣,而措天下於太山之安,可謂社稷之臣

公言:「在政府時,極有難處事。蓋天下事

處矣。」《别録》 無有盡如意,須索包惣,不然,不可一日

公言:「琦待罪 堅立 取 次 便放過 不動,反)。」《别 覆 中 論 書 録 列 時 須 事 有 Œ 而 不當然者, 後退,不 敢 必

慶 范、富、 也。 曆 公力也 因 更革 公惟務容小人,善惡黑白不太分,故小人忌之亦少。 黨中。」 去。 逸、 而下爲三人者排 小亦 諷 中 王拱 起。 既 一、公與 弊 是時二府許逐 歐 勸 而公亦 开 公對 公、奮手 事 方諸公斥逐,獨公安焉,後扶持諸公復起,皆 辰 援 ,常欲分君子小人,故小人 爲 杜 . 衍、 内 求 引 作 制 琦 富 去位。《家傳》○又《遺事》云: E 逐,指 跳 皆 惟 廳 弼、 人。 擲 義 見賓客,拱 歷 范仲 勢 之從 時 爲 中 日 朋 張 丞 : 淹 、忌怨 黨 故故 方 同 不 須 平 辰 心 相 知 是 杜 H 來 輔 至 有 繼 錢 躍 祁 見, 政 黨 罷 出 明 朋 如

: 〇 四

爲

宰相

歐

陽

水

叔

作

《相

州

畫

錦

堂

臨

大節

決

大事

垂

紳

正

笏,

不

動

聲

琦

琦

有

奇

骨?

可

屬

大

事,

敦

厚

如

勃

後

使,石

介

有《

慶

曆

聖德

頌

1: 「子」

早

識

公既

光

嘗,任大臣所不敢。」天下以爲名言。歐

德業兩全,謗讒自止,過周公遠矣。」《行狀

公在宰相,●作《久旱喜雨》詩,上句言:「雷

「須臾慰滿三農望,却斂神功寂似無。」人

動

風

行

雷

雨

作。」

2

解

之

事

3

斷

句

云

云 : 謂 此 「不羞 真做出 老 相業 圃 秋 也。 容 淡 在 北 且 門, 看 寒 重 花 陽 晚 有 詩 節

節 香。」公居常謂 事事 尤著 力 保 所 初 立 節 特完。 易 保保 晚 又 節 作《 難 (喜雪》 故 晩

詩 寒。」人謂公身 云: 危 石 蓋 雖 深 在 鹽 外, 虎陷。老 自 任 以 枝 天 擎 下 重 之 玉 重 龍

如此。公爲詩用意深,非詳味之莫見其

指,皆此類也。《遺事》

公雖在外,然其心常繫社稷,至身老而心益

别 度 録 雖 壞 病 朝 不 廷 忘 國 紀 家 綱 或 則 有 泣 時 血 聞 終 更 日 祖 不 宗 食

公曰: 非 以 如 事若慮得是,劄定脚做更不移,成敗則 琦 琦 死 孤 所 自 忠 琦 能 處 每 平 也。」《 賴 幸 生 神 仗 而 道 相 别 不 孤 助 録》○乂《遺事》云: 死 忠 4 以 幸而 皆 進,每 偶 多 有 成 任它 成 遇 耳 實 大 天 方 公 Ź: п∫ 扶 事 成 持 即 韶

公嘗 恐爲 謂 胡胡 廣、趙 大 臣 戒。 以 李 以 固 一、 杜 胡 趙 喬 自 爲 處 本 其 弊 弊 可 猶 知

3

^{■「}宰相」、《百川學海》壬集强至《韓忠獻公遺事》作「相

[「]雷動」,同前書作「雲動」。

閣《四 與 解之事」,按: 此 此 大異 條下文所引 庫 全書》本韓 此三字頗費 同 琦《安陽集 而首句作 (解,疑 》卷 何 假 有 八《喜 嗔 脱 雷 訛。 緊怒桴一云 雨 影 》詩 印 文

[「]道」、《百川學海》壬集强至《韓忠獻公遺事》作「明」。

也

。」《遺事

公曰:「昔與 計 叹 欲 多 希 展 ,必 文議 不可 邊事 保。」《别 , 唯 旋旋 録 小進爲 得

公言: 子,蓋 前争 也 未嘗争 。」《别録 「慶 事 其 議 也。 曆 心 中 論 主 當 各别,下殿 與 於 時 希 車,可行而已,不爲 相 文、彦國 善三人, 亚正 各不 同 失 在 和 西 如 府, 氣 推 己 1 車 如

公因説 道 難 行。」《别 康 定 以 録》「忠義」一作「中道 來 事 , 嘆 曰:「忠義 難 寸, 直

公因論 有 則易,放下 迹。」公每 進退 曰:「處去就之難者,不 聞 ·則難 新 執 。」《遺事 政 用 一人,歎曰: 可 猛 放 而

E

凡人 欲 必 傾 厲 語 ,唯公不然。 及 虚, 其所 辭 不平,則 和 氣 平,如 更説到 氣 道 必 小人忘恩背義 動, 尋常事 色必 變, 《别 録

公爲丞相,每

·見文字有攻人隱惡者,即

手自

封之,未嘗使人見。 《别録

歐 公因 誠 知其 不 色也。 陽永叔在政府時,每 人 皆以誠、往往 然,明足以 折之,故人多怨。 邪?」 如 論 欺己處,覺 口 何, 小 之理 君 《别録》〇又《遺事》云: 人, 隨 子 分 爲小 而已,未嘗 小人之際,皆當 照小人之欺,然每受之未嘗形 則 數 放之耳。 必 淺 人所欺奈何? 露 與之 公則 其 峻 有 明 接 豈 折 人 不 可 以 耳。 人有疑公待君子 之也。 公曰 然,從 不 以 破 以 爲 中 凡 之。公獨 誠 小 理者 「不然,亦 人至於 容喻 待 人,不 《語 之。 録 之以 輒 小人 小 但 不 峻 以 其

公謂:「 家、當求 處之,更不 小 處之之理。 人 口 不 校,如 可 求 遠, 校 知 之,則自 其 = 爲 家 小 村 小矣。 中 以 亦 小人 有

我 有 非 而 毁, 罪 在 但 彼 當 鳥 反 用 己 計 是 其 不 如 是, 何 己 ?」《遺 是 則 是 在

正使不能加諸人。」可謂善處矣。《遺事》公語:「小人害君子,猶蜂蠆之毒物,違之

公以 事嘗訐 即受之,事行其直者,不主己爲是。若禀 受其欺。 亦 恩及 深。 觸 平 人, 非 ·時 賤官因 無 非 加 求 不 却之, 德 事争 知 心,故所 人 之欺 於前,每及己之誤 異 日 終 復 及者 (禀,終 不 别 廣 白 不 所 能 感

孫和甫奉使虜中,過魏,請教于公。公曰:

勿以爲

夷

狄

而

鄙

薄之。」甚善。

前

日

芥

蔕

置

乎

色,

亦惟

是之從。

《遺事

公在 狀 尾 魏 忘 府 書 僚 名 屬 路 拯 即 者,就案呈 以 袖 覆之,仰 有 可 事 與 <u>下</u>,

禁卒 之以 有 私 見公, 逃 數 按 日 法當 而 負 死。 其 母 卒 以 至 者, 母 軍 老 中 且 執

稍

稍

潛

卷

一,從

容以

授

之。

《别

當 實 病 誅 近 即 在 以 得 數 便 ___ 舍間 見,死 宜 釋之。 常常 無 恐 恨。」 軍 不 中 公 復 感 惻 見 悦, 誠誠 然 有 考 知 垂 按 擅 涕 得 去

者。《别録》

色不覺有異。《别錄》
公性至仁,其臨事或誅一人,或笞一人,顏

仁宗朝,李都尉喜延士大夫盡聲色之樂,一 公,亦不以爲介也。 獨 時 耳。」公處之不失和 有 館 未 閣 强 嘗 清 之者, 造 流無 焉。 公日 不 李 往者、公於其 數 0 《別録 李莫 召, 固 ൬ 欲 能 公 往 致 , 但 數 怨,同 間最 以 未 事 年 時 有 少, 辭。 諸 名

公在大名日,有 也 召 客特 。」公以 壞 日 ,召漕使,且將用之酌 塚 設 而 白 得 一卓,覆以 金 人 答之, 表 獻 裹 玉 無 尤 錦 盏二 纖 爲 衣 瑕 寶 置 隻,云:「 酒 可 玩 指 勸 玉 坐客 盞 每 亦 其 開 耕 絶 者 寶

皆歎 吏且 爲 E E 凡 伏地 吏 服 汝 誤 公寬厚 設 物 待罪。 觸 之 也 倒 成 非 不 毁 玉 己。 故 公神 亦 盞 也 《遺事 一俱碎, 自 色不 何 有 罪 時 動 之有 坐客皆愕然 數。」 笑謂 ? 俄 坐 坐 顧 客 事

公帥 侍 作 己 公 恐 兵 書 定 解 它 主 武 持 如 燭 顧 時, 吏 故 矣 鞭 燭 夜作 之, 少 燃公鬚,公遽 頃 軍 亟 書,令一侍 П 中感服。 呼 視, 視 之 則 《别 曰 已 兵 以 . 易 袖 持 鍅 其 勿 燭 摩 之,而 於旁, 易 人 矣。

公姿貌 倦 圖 怪 象 帳 澽 蓋 雄 猝 劇 百百 繪 英 傑 對 傳 圃 吏 自 特 天 僮 意 遶 然 而 下 使, ,美鬚 不 包 前 也 亂 育 人 亦 處之安静 微 以 髯 平 攝 冗 細 謂 ,骨骼清 時 衣 劇 如 家 危 畜 IIII 高 居 泄 坐 才 Ш 裕 雲 聳, 無 有 雖 大 怠容。 雨 如 餘 祁 眉 岳 也 ●藏 寒 目 萬 望之氣 盛 森 遇 匿 E 兵 秀 侍 而 事 寶

> 吏民 養 檢 剖 嘗 徒 誣 事 重 忝三公,所 日 察研 安 一,年 決 哉 有 喪 . 吾 當有 所守? 大 窮達 - 耆艾, 皆就 幸 何 核, 緣 其 無 安 受敝 憑 禍 莫不 侍 切 條 自 親 哉 功 籍 理 守 者 勿 福 小 名 者。 躬 爲 如 公道 事 而 固 _ 如 勒于 此 親 公尤 也。 0 每 有 且 此 與 定分, 公 遭 《行狀 俸 吏 余以 神 左 朝 知 人 日 禄 職 右 明 廷 主 命, 日 孤 枉 而 或 賜 爲 2 己 萬 忠 道 簿 己 每 日 守 知 憚 矣, 錢 以 書 誡 鄉 自 水求之, 「公位 文檄 煩 其 信信 不 郡 焉 子 事 以 口

公之在 多 或 有 未 미 相 詢 嘗 位 識 也 聞 者 所 凡 稱 進 人 薦 用 亦 用 不 之不 知 惟 出 以 疑 公議 何 人 嘗訪 門 所 下。 在 於

⁰ 「勒」、《韓忠獻 畜 泄 雨 /《韓 公琦行狀》作「勤」,當是 忠爛 公琦行狀》作 雨

公屢 去 韓 公初 間 H 頌 副 也 乃 張 王 韓 除 惟 使 絳 因 處 頡 安 公語 欲 修 忠 罷 覺 E 所 皆 石 薦 既 用 注 直 有 相 薦 於 此 口 安 矣。」二公始 君 而 宣 引 館 用 往 有 石 有 諭 閣 於 以 問 謝 也 公 B 朕 排 上 -魯公避 孰 或 輔 任 . 贵 毁 前 時 一府,參 可 同 之 頡 可 絳 文 以 二人 者 器 僚 於 知 違?! 者 行 親 爲 談 省府。 公嘗 未 、皆常 政 則 嫌 執 E E 説 嘗 公既 孫 趙 政 日 遂 援 今 輒 者 人 覺 概 調 它皆 用 乃 己 罷 始 漏 公公 小 日 韓 爲 上 吏 也 去 聞 其 官 記 0 琦 力 此 事 樞 之。 吉吉 蘇 之 韓 薦 前 密 類 公 則 家

公喜 怨 H 亦 家 不 用 轉 仇 自 知 運 知 名 使 士 所 李 其 進 參 才 或 薦 沮 果 不 也 州 識 口 事 其 用 不 , 必 面 私 在 用 既 所 陜 之。 用 西 親 之, 以 守 嘗 官 楊 其 救 有 州 人 m

傳》

政,有 氏 大愧 神宗 擾, 諸將 不 遂 爲 理 師 擢 朝 加 衣,坐父緯 罪 悔 爲 朝 嘗 西 絶 知 罪 爲 中 ,當薦之, 李 率 將 乞 3 薦 罪 帥 服 深 元 諭 ? 方 兩 斬 師 請 相 孫 李 人 三見 規 而 公 兵 坐 制 H 自 中 勿 公 沔 隱 敗 緯 後 2 事 開 赴 害 欲 鎮 師 恨 悉 謝 見 日 元 遂 又 廢 寬 韓 爲 之 南宫 此 戎 戮 中 師 置 攻 陜 以 拜。 黜 琦 退 遺 其 之, 何 規 方 中 **令**行 御 减 西 書 不 試 此 陣 力 爲 待 領 愧 者 事》云: 問 服 史, 當斬 元 薦 報 公公 言 首 狀 琦 乃 服 而 日 遂 既 元 其 規 之不 卿 責 韓 》〇又《遺 緯 1: 規 擢 公 日 不 以 且. 人, 書 ,公馳至 顯 有 厥 書 深 公兄 恕 行 爲 0 深 子 問 才 之舉 西 廣 進 論公募 師 議 高 謝 平. 故 彼 師 後 未 事 公罪 然 之。 陽 之。 中 爲 日 鎮 是 也 事 嘗 當 中 願 委以 父 關 帥 詆 事 泰 戌 時 民 踰 有 公 在 安 中 不 倅 若 契 以 以 自 爲 公 勿 疑 時 方 又《家 終未之信。 撫 貸 知 如 子 琦 此 兵 人 甚 公 疑 使 賊 孫 李 不 面 中。 當 此 慊 救父,豈 往 。二元 衆 心 者皆 講 元 師 力 猶 你傅 言 公 賜 應 我 若 规 師 方 中 訟 對 賊 責 \mathbb{R} 寡 規 公 以 後 中 書 爲 請 爲 日 及 愧 于 疑 伯 問 後 亦 公 可 方 正 執 大 于 非 布

之,終 俯 慶 公。一〇又《家 日 伏 帥 謝罪,皇愧 過 韓 不 琦 闕 講 稱 書。 乃 卿 傳 泣 公秉 幾 有 見 無 邊 曰 所 帥 日 : 政 沔 容 才 頗 帥 沔 故 以 慶 真 公 復 州 小 用 有 卿。 人,公知 害 過 d 關 沔 心。 賜 退 對 沔 後 愐 英 沔 起 袖 宗 不 長 廢 書 諭 知 爲

有 以 又曰 次 逵 此, 問公: 之。」英宗 不 始 但二府論 人等事 (,英宗 謂 粗 安。 是, 之號。」《遺事 論 一此 大 勝質。」遂然之。 可 則 議 躐等,當 如 郭逵,衆人皆謂出公力。」曰 欲 非 將 卒 狄 道 沉 事 人 王 郝 順 紛 青 經 吟 惟 陶 臣 質 非 才業 邦 久, 然 趙 遂 近 得 在 地 而 下 少 見 專,須還 西 日 則 安 去。 爲 師 祕 府、公謂 : 開 既 排 黥 中 知 以 陳 阻 日 愛 名 之。 引 外 卒主之,恐 它主 其 如 Ħ 何 往 之 所 此 謂 是 一,又 仗,一 年 適 遂 時 之 質 琦 所 則 有 厮 同 固 力 阻 若 以 用 同 且 反 ? 議 役 得 簽 其 害 居 使 用 郭 用

公平日 公元 不 勳 及 獎進 也 盛 德 人物 如 别 録 此 極 聞 博, 人 至心 ____ 小 許者,不 善 則 日 過 . 琦

人。

多見

其

與

人長

志

人

短

丽

用

之謂

太

濫

其

實

胸

中

不

 雷 黑 白

遺

事

公平日論 事業。 才器 須周 今皆 時 望諸 可 口 當當 當 公, 一面 四 皆 面 不 才也。」《 人麄 以 經 綸 遺 細 許 事 之, 乃 經 謂

公論近世 豈 沂 謂 也 威 摘 盡 鵬 以 威克 公。 處。 晉 何 鶚,百 德 然 公 如? 有 厥 君 又 宰 不 一何 嘗 相 愛, 足 不 子 事 鳥望 獨許 成 云:「若晉 者 須 日 恨 允濟。」 人 必 以 : 而 之美,不 待 威 不 畏之; 裴晉公,本 待 威 而 得 如 威 能 公, 以 闡 潞 而 織馬 立 濟 也 公臨 可 點 後 鳳 事 者 前 檢 朝 百 濟 耶 或 大 著 也 惟 者 觀 問 0 事 鳥 亦 師 公意 古人 亦 全 公 不 服 有 是 而 是 知 未 王

愛之,其 服 則 一,其品 固相 遠矣。」《遺 事

廟 議 配 響 清 議 皆 與 沂 公,不

與 ,申公,誠意 不 可欺 如此 。」又曰 「頃 時

T 、寇立 朝,天下 聞 善 事 皆 歸 之萊公,

未 必 盡 出 萊 公也 , 聞 不 善 事 ,皆歸 之

晉公,未 必 盡 出 晉公也。 蓋 天下 之 善善 悪

争歸 焉。 人之修身養誠 意,不 口 不謹。」

又 日 :「沂公爲 相 論 其 事 則 無 口 數 者

論 其 人 則 天下 信 之爲 賢 宰 相 又 日

:

其籠 申 公以 絡 獨 進 歐 賢 范 自 任 尹 恩 旋 歸 心收旋 於己, 失之,終不 時 士 皆 受 出

其籠絡。」《遺 事

公謂 也。 身安, 挺 然 或 忠 家 義, 可 奮 保, 不 明 顧 消 身, 息 師 盈 魯 虚 之所 之 理, 存

希 文之所 存也。」 敢 問 二公, 日 寸 節

則 師 魯 미 也, 考其 終身, 不 免 終 亦 無 所

濟 若 成 就 大 事 以 濟 天 下, 則希

文

口 也

公言:「富公爲 鄆 体, 沂 公作安 撫 使,

日

謂 富 公日 即 日 當 曾 位。 富 不 敢 當

沂 公日 「然進 時 易, 退 時 難 』』《遺 事

或問 . 君 實 晦 叔, 天下 所 屬 望 9 它 日 大 晦

用 何 如 ? 公曰:「才偏 規 摹 小。 間

叔 平日,曰:「今日 廼是平日 。」《遺 事

孔 嗣宗任 河 北 憲, 司 農召 議 役 法, 别 公 請

言,公不 · 答。 請 益 堅、公 日 : 故 舊 不 當

此 行 但 爲 河 北 説 得 此 衆 不 敢 道

得,名節難 保。」 嗣宗 歸, 不懌者數日 終

意思足矣。」

嗣

宗臨

E

馬,

又

日

:

「富

貴

易

不 能自· 克 《遺 事

吴 長 文子璟 素 以 堅 挺 有 器 節 稱 公公 亦 稱

之。 及幕 府 有 闕 門下 有 以 璟 爲 言者,公

曰:「此人 氣雖壯,然 包蓄 不 深,發必暴,

且 不中節, 當以此敗。」置 ጠ 不言。 不踰

年 ·, 璟 敗 ,皆如 其 言。 遺 事

趙 它 君 對?」公曰: 正 事。 錫被 爲今日,若不錯,餘不錯矣。」終不語 召 又 别 請 「此則在廷評自 公請 「若上問 教,公曰 :「平日之學, 處。」《遺 某事 事》 以 何 及

李清臣 定則 力 「比來 論者, 耶?」公之善諭人如 不能 平日多於公前 清 臺閣,斥 臣 主善,公每然之。 頗持 逐紛紛,吾 兩端。公因 論 釋氏 此。 親 《遺 貴定力, 後朝 得 書問 事 不 ·少加 廷 之 斥 謂 曰 定 異 無

錢 明 怏 不足,獨不思所部十萬生 快, 逸 久 不事事。 在禁林,不滿 公聞之,語 意 出 靈 爲 耶?」《别 人 日 秦 州 己 居常 録 雖

公平日 謂 成大事在 膽,未常 以 膽 許人,往 往

自 許 也。 《遺事

公日 Ⅰ:「勇」 可 習。」《遺事》

潞公在西府,人有以公進退諷潞公者,潞公

彦博 人頗與潞公自知之明。 日 0 則有 「彦 博 些麓 豈 山 材 望 蒙蒙 韓 公? 朝 《遺 廷 事 擢 韓 備 公地 兩 府 位 耳。 别

韓 愈也 之以曉天下後世 及國,不特臣輩 相 魏公屢薦歐陽公,而仁宗不用。 唐,而談者至今以爲謗。 薦之,曰:「 前 ,而陛下不用,臣恐後之談者 竟不 用。 韓 愈,唐之名士,天 而 使 也?」上從之。 己。 愈爲之, 陛下何惜不一 歐 陽脩,今之韓 未 必 《談叢 下望以 它日, 有 ,●謗必 補 試 於 復

公言:歐、曾 龊, 公皆伏。 切不問,俟 毎議 《遺事 事 至厲 同 其氣定,徐 在 兩 聲 府, 相 以 攻 歐 性素 一言可否之,二 不 可 褊 解 曾 公一 則 齷

公晚與歐 陽永叔 相 知,而 相親最深。 永叔

書 敢 累年,未嘗與之言及也。《别 以 心 望 服 誠 ,又多不 公之德量,嘗 韓公?」公曰:「永 圃 已。」公知 以《文中子》爲 水叔 日:「累 不 以《繋 叔 可 相 百 録 取 知 歐陽脩 中 辭 無 》爲 它, 相 孔 會 子 琦 何

石守道編《三朝聖政 寢 鬟,視 其 事 於公、公指數事 復有嬖,將不 ,刺殺之。 溺之, 廼惡 守道服其 朝 晏, 群 公曰 其 清 勝其 臣 爲 溺 識。 一、此 有 非。 、録》,將上,一日, 而 言、太 《遺事 殺矣!」遂去此等數 殺之,彼 其一,太祖 豊 可爲 祖 悟 何 萬 罪? 伺 感 世 其 一宫 求 法 使 酣 質 ?

石守道 公言:「始 謂 范公適自陝 「天下事不 公曰:「爲 作《 學行 慶 미 曆聖德詩 西 如此, 此 己,當 來 怪 朝 鬼 道 如 如 輩 此 金 中得之,范公拊 忠邪 必 壞 玉 壞。」《别 了也。」公日 ,不受微 太明 白 、公與 塵 之 股

害者。不然無容矣。」《遺事》污,方是。及其成德,有所受,亦有所不

公嘗從容議及養兵事 公嘗謂:「忠義之心,皆有之,●惟其 世 世既 壕吏》 爲 歲,父子兄弟,有生離 固 雖 處,不爲不深。 非 而得之,未嘗語人,人亦未必信。 税 占,然積習已久,不 不如 ,勉之不力,是以 收 事 斂 一篇 漢、唐 良 拾 1 厚 强 又 調調 悍 其 圃 調 無 兵 終身保 昔者發 練習戰 兵 賴 於民,其弊 於 者, 不及於古人。」《遺 ,慨然曰: 民 死 可 骨 養之以 陣 獨 别之苦。 白 廢之,又自 肉 **而** 1姓,成 不見 相 乃 豪 聚 爲 至此 琦 兵,良 杜 勇 之樂,此 邊 議 執 養 有 可使, 甫 者 無 有 兵 所 事 民 石 後 利 但 虚 雖 思

0 皆上《 百 川 學 海 V £ 集 强 至 韓 忠 獻 公 遺 事 》有

公嘗謂 弓箭 置 頗 不自 安 也 弓,太原人貧,素只用 自 著心處之,下令籍爲部 。」《遺事 得 得 弓者, ·', 亦 社 然 與農民 「處 則擾。 可 人始 琦 寓 事 在 同 武 不可 太 日道 騒 太 備於其間 原,不禁 原 然 有 也 矣。 土 心,]!||《别 風 木弓,自 喜 有 此 亦 伍 射 心 蓋 後 録 不 故 故 則 驅,故 宋 出 仍 此 不 相 於 須 有 民 有、 自 繼 賣 用 間 政 然 信情 心 角 有 4

公重 既 急 俸畀其 者,常十數家。 與之,士 合宗族百口,衣食均等無所異,嫁孤女十 交舊之孫子, 視用 恩義,好樂士大夫,獎與後進,賙 乏,則捐 孤,爲 歸 財 \Box 趨 物 服 直 之 如 寒 其 用 少 無 窶 瓦 善 玩 冤 遠 礫 無 好,或 尹 于 糠 近。 所 朝 師 粺,不 託 魯 公 脱 仍 而 不 取 奏 以 師 依 厭 家 録 魯 慁 以 疎 人 其子。 其意。 L 爲 人之 簪 戚 割 生 與 珥

> 朴亦早 弟。 褓。 《行狀》〇又《聞見録》云: 賜 守 祖 孝祖考,恨不及養,奉塋 先及旁族,逮其終,子有褐 天子賜金帛,官 餘人,養育諸姪,比于己子。 視之。 于,及其殁也 冢皆訪 既 朴 長,韓魏公聞 少年有 貴顯 得之,買 才 所 五 於朝 爲 一,庫 出 + 或 田 過 葬資,喪事 车 尹 無 命 舉 師 其旁,植 以 ,身爲 羨錢,室 魯 魏 官 域 以 公掛 薦 貶 衣 甚厚,0自 爲屬 將 死,其子 未 師 所 得 松 無 相 魯之像哭之。 命者 教 累更 以 檟 得 奇 育之如 朴, 恩 無 玩 召 Ŧi. 方襁 賴 乏。 例 追 世

公天性清簡 書 無 家 札 所 端 好 素 愛 獨 重 至 剛 觀 顔 於 勁 書 魯 類類 圖 史, 公 畫、 書 其 畫 爲 博 夜 而 弈、 不 加 倦。 《行狀 以 聲伎之娱,一 遒 餘 健 暇 自 則 成 喜

上蔡語

録

韓 常 魏 以 夫 公在 令人 爲 人亡, 莫 年 相 心 府時,家有女樂二十餘輩,及 勞。 歡, 日 公日 盡 孰若吾簡 厚遣之。 . 「所 樂 静 同 之樂 能 列 幾 多 何? 也 勸 ! 且 崔 識 留 圃

者以

謂

過

人遠

矣。

《别録

崔 公孺 甚 乃 監 之物,故置她 也 地 宜法 嚴 司 置之於 憚之。 諫 有非其人者,公孺 性亮直,善面 造化 議 通 《記聞 大夫立之子,韓 衢,使爲 於藪澤,置虎 爲心。 折人。O 造 民 曰 : 化 害, 以 於 魏公夫人之弟 口 魏公執政 「公居陶鎔 虵 Щ 乎 虎 林 ? 者 魏 害 今公 介,用 之 公 人

論 或 間 韓 否 識 ? 魏 伊 進 ĴΠ 公、范文正公,皆是天資,不 日 識 進 量可學否?」 魏公是間 則 量 進。 氣。」《 曰 日 : 胡 : 氏傳家 可 如 魏 學。 由 公 講 口】 進 學。 , 則

王巖叟編魏公别録

乃張 益 以 中 此,人意不能必也。」 宗時,王隨 參政,天下大失望。 祁公、范希文,而公亦引薦之。 四 人者。 書 喧,公復上章乞廷辯。 私害公。 士遜 事多不 公嘗言 當時天下望在 昭文,章得象 、陳堯佐 公時爲諫官,屢 : 決,韓億、石 「天下事 一爲 公曰: 輔 不 集賢、宋庠、 相 王沂公、 中 上迫 能 "皆老 i 疏 事 必 於 一參 不 固 如 及 納 吕 E 病 不 政,又 宣 論,遂 後 申 而 晁宗 望 可 公、 麻 不 で上仁 知 物 日 和 杜 議 慤 麗 頗 如

」「善」、《凍水記聞》卷一○作「喜」。

三五五

燾《 續 通 鑑 長 編

考, 徙 傳 韓 府 時 本 月,不與 元 潤 聞 用 在 琦 遽筆之于書 年十 庠 翰 自言必 疑 按 猶 讒 偶 苑 似 士遜、得 未 落 王 致 オニ 以 復 天 月, 不 巖 此 讒 章 職 叟 差 年, 耳 止 閣 晁 象同 此 而 巖 驟 宗 待 庠 范仲 録 叟 更 遷 制 慤 實 謬 人 聽 政 參 誤 初 中 淹 去 之不 年 府 除 書 政 冬補 餘 年 翰 在 宋 明 恐 審 庠 前 卒 苑 甚 康 亦 外 定 又 權 用 參 無 方 之。 然 宗 不 知 元 政 此 E 自 慤 開 加 年 在 例 意 參 饒 封 或 此 九 寶

> 矣。 公, 靖 通 與 攻 略 録 圖 文 元 > 宋宣 以 守 年 莊 判 閣 安 所記 距 大資 淳 策 學 撫 公時 五 廬 寶 獻 熙 月 士 阊 舛 州 九 元 政 並 在 五 使 使, 誤 魏公爲 之 軍 月 罷 制 北 年 陜 初 使 文莊 州 文懿 門 李 \mathcal{F}_{1} 右, 亦 僅 事 事 貮 月 後 非 樞 還 會 公 卿 賜 + 已去 宋 密 又 歲 道 以 魏 緋 續 元 直 知 翰 公 拜 魚 日 河 位 憲。 學 通 開 與 林 參 袋 内 鑑 士 封 朝 夏 學 再 王 知 先 府 晁 英 奉 論 相吕 陝 士 公《 是 政 子 公議 郎 之 兼 康 西 事 闔 詳 别 龍 定 新 申 康 經

謹 題

子闔

竊

考《國

史》

寶

元

元

年

 \equiv

月,

魏

忠

者

乃

王

忠

穆、李

康

靖

也。

子

闔

五

世

祖

文

懿

昭

文、

章

文

簡

集

賢

同

日

參

大

政

獻

公

以

右

司

諫

論

罷

宰

執

四

人,

遂

拜

張

三朝名臣言行録卷第二

二之一 丞相韓國富文忠公

鄆 請 允,直 院 異 林學士,不 殿學士 改右正言, 府推官,擢 使 州。 爲 河 公名弼,字彦國 集賢院 判并州。 授將 北 、尚書户 移青、鄭、蔡州 宣 拜 知 知制誥。 作監 一撫使,道除資 諫 部侍郎 出 至和二年,召 三年 院,爲三司 丞。 通 判 慶曆二年,假資 , 召 拜樞 河南人。 河 鄆 使契丹 試 政 州 陽 鹽 密 殿學士 遷 召 拜同平章 除宣徽 。還除 鐵 副 太 舉茂 爲 判 使, 子 開 翰 自 政 材 知 封 中

富韓 禮部試 科 陝。 不足以 辭 取 以 公初遊場屋 以 使相 薨,年八 豐三年, 使, 事。 度使、平章 熙寧元年,移汝 以使相判河陽。 月 士,可 未嘗爲此學。 范文正公遣人追公曰: 至和與議建儲之功,拜司 同 ",復以 盡 下。時太師公官耀州,公西歸, 六年,丁母憂。 徙 平 子之才,當以大科名世。」公果 十。 亟還。」公復還 官制行,改授開府儀同三司。 汝 章 使相 事,進 州 事。 ,穆脩伯長 元祐 判 州 尋 踰 神宗即位 文正 封 初詔 河 請 年, 入覲 韓國 英宗 南 老, 以 配享神宗 府 謂之曰: 京 病 公、致仕。 拜司空,復節 即 師 一封鄭 改亳州 明年,復 「有旨以 「已同諸 位,拜 徒。 求 見文正 解 廟 六年, 國公。 機 進士 樞密 庭。 相 務 元 大 奪 次

必求 文 薦 愛重之, 往 聞 E 就 君 見 録 國 日 舘 矣 土 :「公女若 即 久爲 時晏元 議 無 如 婚 君 富 闢 獻 公遂以賢良 弼者。」元 嫁 公爲 室 官 人, 皆 相 求 仲 獻 大 淹 方 婚 科 見 不 IE 於 文 公、大 登第 字 敢 文 知 正 口

郭 仲 后 朝 淹 廢 廷 范神 以 舉 來 忠言 ௱ 淹 獲二 争之, 貶 蘇 過 内 , 翰撰 知 縱 睦州。 不 《神道 能 碑 復后 公上言: 宜 還

寶 以 用 部 元 腹 且言: 都 從 爲 心謀 市。 初 加 儀 趙 有 況 宰 又言 元 臣 物 元 艱 相 自 如 昊 遣 昊反,公時 難 器 :「夏守 請 契 之 行者。 丹, 使 《神 求 而 道 可 贇 割 詞 通 宜 爲 庸 甚 地 半|| 出 樞 人 倨 鄆 邀 其不意 平 密 州 金帛 乎 此 時 陳 必 猶 斬 八 元 議 使 不 事 者 者 當 之

> 禁。 論 宰 北 食 虜中 請 虜 日 相 而 罷 《神道》 悪 食,以爲 行 己 麗 燕 闡 之,爲 __ 燕。」如公言。 徹 碑 執 忠言, 樂, 政 應天變莫若通 朝 雖 以 下令 廷 爲 虜 羞 使 不 、禁越 一。」後 在 可 仁宗深悔之。 舘 職 使 下 公 言 虜 亦 情,遂 事。 宜 還 就 者 公因 除 萬 賜 云: 初, 其 飲

兀 昊 來 判 誣 死 以 劉 守懃閉 宜 都 援 平、 人,冀 寇 兵 重 鄜 以 監 石 卹 門 守 延 以自免,宜 元孫戦 其 女 ,竄之嶺 不救 其家。 , 家。 臣 殺二萬 不 (中貴 守懃、 救, 死 南 公言: 人, 竟 故 而 人黄 德 其 德 敗 延 雍、 和 獄。」樞密院 和 帥 德 誣 T 守 竟 皆 范 奏 和 懃歸 駡 自 中官 雍、鈐 平 引 環 賊 兵先 降 慶 罪 不 賊 奏方 怙 於 引 食 轄 走, 勢 兵 通 詔 而 盧

0 「久」,洪本、張本作「又」。

擢

知

諫

院

康定

元年,日

食正旦。

公言

用 獄 兵, 不可 獄 不 不 可 竟。」 遂。 時 公言 守懃 . 養 大 子 臣 爲 碑 附 御 下 藥 图

延 者。2 州 走元 几 敗 亦 方 奏罷之,德和竟 民二十人詣 有 昊,北走 狀。 公言: :敗耳。 執 政 契丹矣。」《神道 惡之,命遠 闕告急,上 民 此 有急不得訴 非 坐腰斬。 陛 下 意, 召 郡 《神 碑 問 幸 禁 之朝 道 相 民 具 惡 得 擅 則 赴 諸 1 闕 將 西 知

夏守 忠。 守 都 德 忠 贇 鈐 《神道 轄 鈐 爲 和 陝 轄 覆 公言 西 車 乃 都 之 與 總管, 轍 唐 用 中 可 守贇已爲天 又以 官監 復蹈 宦者 軍 乎?」詔 無 E 異, 下笑, 守 且 忠 守 而 爲

自 公言 用 局 兵 以 ·書考其 來, 吏民 知 制 誥 (所言, 此 本 上書者 宰相偷安,欲以 中書屬官 可用用之。」宰 甚 衆, 미 初 選 不 天 相 二人置 省 下 以 用 是 付

> 兼 以 耳 不 降,其家已族矣,當厚賞 補 兼 非 知 密 中 歸 知 樞 耶 所言送中書。 借 非 院 書 領 盡 中 密 ? 也。 書 奉 謂 樞 付 山 畏 使。 「,樞 職 臣 議 它人。」 密 更 奪 公嘆日 院。 奪 樞 極論 密 權 羈 神道 其 密 非 也 置 又引 權 院 古官 之。 碑 公見宰相,論之,宰 荆 . 事 宗 會 湖。 或 此 公 日 上 西 。」然未 從 贵 宰 初 日 夏首 以勸來者。」上 公言: 故 公言 小 相 軍 事 事 辭 欲 領二人 此 或 遽 日 宰 之 請 乃 而 二人之 廢 以 務 宰 相 使 來降 室 相 避 恐 即 當 宰 相 相 不 事 相 初 盡

2 0 蘇軾 養子」,宋 同前書作 文集》) 蘇 卷 軾 《蘇 八《富 軾 文集》(中華 鄭 公神道碑》作 書局 本, 「男昭序」。 下 簡

三一九

劉 也 給 得 從 舊 留 中 自 封 知 事 者。 中。 典,不樂。 鄭公始。 愿 鄭 出 中 妻 龍川 公繳還 得 張公 以 遂 富 内 志 此 國 封 鄭 廷, 安道 獲 夫 還詔 公 安道見日申 詞 罪,奪 人者 時 或 一公之不相喜, 頭 爲 書 知 云 諫 中中 得 制 封 封 0 官 譜 幸 王 命 麗 書舍人 蒙 公,申公猶 於 遂 朝 再 制 E 上, 寢。 以 謁 下 女也 疏 凡皆 外 繳 復遂國 唐 論列, 久之, 詞 0 制 無 此 以 頭 寶 類 之 皆 復 元 非 蓋 唯 不

契 丹 諸 甲 諸 殺 舉 略 將 躡 將 其 或 自 無 按 皆 驍 來 寧 其 晉 歲 兵 請 將 寇 後 天 縱 ,真宗用 ,凡六十有 以 順 殲 福 兵 或 虜歸 之。 以 會界 王 來,踐 撻 虜 寇準 覽 河 懼 虜 九年。 有 上, 自是 求 虜 計 出出 邀 懼 哀 薊 親 通好守約,不 其 遂 至景 於 歸 征 北 F 請 澶 鄙 德 徐以 和 淵 之警, 元 遂 年 詔 精 時 射

> 英等 莫敢 晉高 怯,且 復盜 也 輒 拜。 者告公,且曰:「可從,從之。 狄待之,英等遂去左右,密以 命 兵境上 不 ?:」❷英矍然 幸 決。 起 祖 相 邊 公日 拜 行。 厭 擇報 境 · 遣 所與 契 者 兵,遂教 丹 = 宰 今中 其 、聘者 吾 之 嗣 + 相 臣 遺 臣 起拜,公開 南 有 以 蕭 使 嘗 中使勞之,英託 + 其 公名 有 九 時 英 至 使北,病 縣。 主 貪 年。 虜 而 劉 設 而 聞 情 公不 六符 慶 喜 及 詞 懷與 不 乃 卧 元 曆 可 以 功 其主 起, 來聘。 不可 車 以 二年, 測,群 動 者 昊 語 公接 中 我 不 叛 足疾 見 所 從 何 聞 我 欲 以 聚 欲 臣 兵 伴。 皆 得 禮 命 不 爲 重 得 更 夷

「見」、《蘇軾文集》卷一八《富鄭公神道碑》作「此」。

⁰ 女也」,與此條下文相合。 宋史》卷 愿」、《長編 四六三《 》卷 一三三慶 劉 從 曆 傳 元年 謂 從 九月戊午條作「德」 德 妻 嘉 州王

之役 公 謀 若 此 充 下 末 禍 所 朝 約 命 賈 以 何 日 誰 公報 牣 離 帝 獲 遣 意 昌 日 與 非 塞 諸 叛 昏 故 中 若 使 事 任 也 朝 北 福 或 其 故 亂 若 臣 北 國 館 塞之。」公具 求 聘 朝 晉 從 計 門 禍 之 朝 用 好 伴 忘 地 諸 契 神 高 群 也 家, 諸 兵, 增 丹 章聖皇帝之大德乎 見 將 臣 人 祖 0 ___ 不 求 臣 塘 則 虜 棄之。 則 言 全 請 欺 許 虜 而 而 争 人 水 主 今中 利 師 舉 壯 天 割 主 以 北兵 不 勸 主 獨 兵 歸 + 叛 治 鷩 地 聞 獲, 虜 用 專 或 是 克。 臣 圃 君 健 9 城 0 曰 無 主 兵 其 時 提 下 而 南 舉 馬 隍 . 得 上 者, 許 日 而 利 封 中 雖 兵 脱 寡 命 而 : 萬 物 求 何 籍 增 虜 或 未 此 者 御 人 加 人 「南 ? 故 歲 里 助 謂 民 獲 狹 皆 主 晚 以 臣 史 太 於 兵 幣 金 也 小 朝 其 中 謂 所 任 澶 且 下 半 ? 北 在 身 淵 北 其 違 無 不 此 且 丞

> 久之。 當之 使 盧 舊 能 精 故 異 水 也。 歲 朝 臣 地 代 龍 籍 聚 人 幣 兵 欲 塘水 耳 歟 以 盡 事 公 用 特補 豊 勢 則 道 公又日 歸 日 百 兵 不 北 群 亦 有 賂 始 宋 萬 . 得 9 其 朝 臣 訶 人主當之 主 契 於 興 能 計 之利 就 缺 不 何 矣。 丹 何 更 臣 已 法 保 0 耳 增。 使 利 承 九 其 周 下 也 其 令修 焉 塞 非 矩 日 + 世宗 哉 所 城 ? 必 勝 . 歟 鴈 違 年 喤 得 事 -勝 ? 明, 約 門 朕 所 虜 皆修 復 在 乎 若 也 本 者 止 爲 若 亡 主 伐 ? 通 各 朝 奉 袓 士 大 下 通 舊 取 好 以 欲 皇帝 使者 宗守 悟 馬 好 關 前 曰 備 求 高 民 心 : 不絶 南 之命 異 祖 兵 首 群 歲 地 元 或 代 皆 亦 昊 肯 北 以 卑 不

字。「好」上、《蘇軾文集》卷一八《富鄭公神道碑》有「通

見 書 樂 擇 之 發 主 子 求 臨 得 其 再 不 得 必 地 書 聘 獲 出 壽 之。 故 ,宿學士院一夕,易 婚 鬼 地 口 獨 租 不 萬 受之, 哉 是 視 避 降 知 神 敢 賦 受 謂 屈 公曰 贵 今 用 之, 耳 以 書 齎 不 志 己 其 書 北 兵 其 可 虜 詞 卿 送 若 增 在 果 副 及 乎 0 朝 朕 欺 地 與 其 主 幣 不 歲 敗 不 ? 首 婚 世 不 與 過 遂 口 幣 傳 日 盟 同 以 哉 發 人。 欲 傳 姻 澶 以 + 之 之 代 吾爲 假 兵 者異 1 淵 易 以 誓 萬 堅 詞 書 卿 乃 賦 端 此 以 北 書 緡 之 地 久 于 H 而 馳 使 虜 爲 朝 生 盟 來 故 政 過 行。 也 歸 贵 則 還 者 隙 大 詞 所 一,天 多 若 吾 府 矣, 不 若 都 9 感 公 耳 欲 殺 聞 而 歲 本 人 在 事 地 北 歸 悟 再 見 以 既 朕 幣 命 敗 不 朝 朕 兩 不 鬼 朝 來 復 録 晡 遂 矣 見 行 無 長 神 亦 朝 過 修 小 $\vec{\mathcal{L}}$ 命 當 欲 或 次 人 窮 公 短 天 會 安 欲 赤 利

當 懼 頡 虜 或 民 無 我 幣 也 當令改 固 富 日 召 自 納 如 一,其 字 不忍 公 爲 主 當當 哉? 矣 0 利 肼 悔 何? 古 ___ 相 此 冉 (忠直 晏 日 乎?」公 爲 所 日 定。」 使 吕 欲 惟 何 以 殊 . 太宗 遺 公 殊 夷 姦 曲 若 使 如 以 惜 唐 置 富 曰 簡 邪 争 此 或 臣 南 或 卿 直 不 蹈 公益 高 此 面 所 書 於 黨 不 問 朝 稱 夷簡 得 勿 爲 鋒 日 衵 二字? 死 與 既 吕 擒 之, 辨 一、「本 可 勝 己 遺 古 借 鏑 夷簡以 至 獻 号 決 論 夷 傳 0 臣 我 負 執 而 不肯 兵 不 之 納 簡 死 故 虜 虜 復 書 平。 至 詞 於 從 欺陛 不 朝 古 非 若 屈 爲 於 主 當 有 不 容 足 不 突 皇帝 則 此,真 亦 使 1-己 我 下 袖 借 百 復 此 用 厥, 臣 宗 有 不 其 增 擁 杰 禮 求 : 兵 馳 間 富富 恐 兼 書 之。 之 獻 口 威 故臣 還 幣 哉 兵 婚 樞 誤 \Box 愛 南 事 知 所 則 公,晏公之婿 奏 耳 密 !」公聲 而 何 日 公 南 專 何 朝 憂 南 否 使 恐 事 南 富 晏 其 名 欲 北 既 日 也 北 則 是 之。 公怒 政 殊 後 爲 之 誤 敵 得 懼 增 府

其 幣 矣 納 仁. 議 日 通 色 納」矣 録》云 語 之。 好 俱 二十萬 先 可 厲 及六 公奏 守 用 勿 於 其 兵 復 公 虜 是 符 力 利 約 E 而 許 知 留 争「獻 以 害之所 契 不 不忍敗 所 虜 丹 臣 其 可 許 無 納一 國 平。 奪 既 能 增 在 誓 者, 以 幣 爲 字, 也。 契 書 死 誓 也 以 丹 來 及 《神 拒 其 還, 君 , 吾 Ħ. 道 <u>F.</u> 之,虜氣 心 臣 當 復 而 碑 求 從 曉 至今 晏 自 使 爲 公 然, 之, 遣 耶 已 温 誦 獻 知 增 折 律 人 稱 公

初,公糾察在 其言 故 吏,公白 事覺,乃 **湾** 引 公使 顔 公即 日 真 執 堂 卿 契 居 政 京 吏 丹 使 必 此 刑 爲 請 得 李 獄。 欲 之。 無 以 希烈 吏 因 爲 中 乃 時 事 開 近 付 事留 止 有 封 罪 名 獄 用 按 之。 公, 執 僞 公 餘 執 政 牒 歐 不 Œ 人 政 滋 爲 陽 色不 報 指 面 不 僧 脩 其 不 悦 者 受 E 及 使 丛

> 辭,曰 始 還 耳。」《神道 方 不 一徒 討 受 顧 亂 除 命 元 而 吏 人 昊, 行 意 聞 部 增 碑 0 郎 未 歲 得 中 女 尋 暇 幣 家 卒, 遷 與 樞 非 書, 翰 再 虜 密 臣 林學 直 受 角 不 本 學 命 發 志 故 + 土 也 而 聞 不 焚 懇 公見 敢 特 辭 之, 男 以 以 生 不 L 死 朝 受。 力 皆 争 廷

富 今之 未 費 宇 之。 鄭 中 中 功 物 之有 公慶 或 至 取 豊 生 或 困 緩 不 民 耳。 之非 取 民。 ? H 出 阚 曆 仁宗 也 财 财 於 中 但 王 若 生民 且 以 物非 能 拱 日 兵 拱 陛 日 知 之積 添 辰 辰 興 . 下 邪?」仁宗 制 言 金 所 調 曰 只有一女,萬一 許 惜 不 帛 於 發, 歲 使北 然。 之數 F 也 出 犬 歲 0 日 虜 戎 以 朕 出 拱 : 日 厚 還, 無 賜 所 不 辰 : 富 夷 貲 厭 夷 愛者 曰 仁宗 或 狄 弼 等非 狄 欲 家 好 而 亦 若 窺 亦 桦 嘉 經 財 何

下 塞 和 荷 能 月且 親 利 屈 知 社 則 己愛民 稷 譜 如 之不 朕 之何?」仁宗憫 如 亦 行 此 豈 也, 真 愛一女耶 録 堯、 遽 E . 舜之主 然動 臣 拱 不 也 色 辰 知 E 言 洒 哗

慶 受。 靖 力。 朝 班 修 下 曆 泣 衍 命 盟 好 政。」 爲 廷 乃 公。 思 議 、王素、 臣 再 三年三月,遂命公爲 特 時 夷 樞 拜 坐, 2 死 者 至七月 晏 用 因 狄 密 而 且 便 時 蔡襄 輕 殊爲相 使 以 出。《東軒 且 有 謂 非 元 告納 侮 使宰 韓 罪。 以 申申 無 昊 爲 中原之耻,坐薪 琦 使 事 使 ,范仲淹爲參知 諫 相 F 前 非 邊 虜故 與 筆 辭 前 官,皆天下之望。 章 命 獨 公副 備 得 而 臣 F 也。」公不 公言 樞 漸 象 罷 不 俟 之, 密 弛 諭 敢 公 歐 副 逾 當膽,不 受, 公 : 綴 虜 「虜 陽 政事 月, 使, 日 得 樞 亦 萬 脩 己 密 復 辭 既 願 余 杜 乃 此 院 忘 魯 以 敗 愈 阼 通

> 是小 諸 條 賢、退不肖、止 手詔 主 中 社 公等坐, 路監 稷爲 又自 北事。公遂與仲淹各上當世之務十 使二人更往督之,且命 石 人始 督 介作《慶 任 司 公等條 上河北 且給筆 之不 不悦矣。 ,而仁宗責 層聖德詩》以美之。 一僥倖、 才者 具 札 安邊十三策。 其 《神道 使 事 成於公與 去宿弊爲 使澄 書 碑 其 又 仲 汰 開 所 淹 所 仲 欲 本, 主 天 部 大 章 爲 西 淹 公 略 欲 吏。 事 者 閣 漸 以 數 既 9 於 進 餘 遣 以 易 召 以

元昊遣使以 天下,不可許。」 契丹臣 一元昊 書來,稱 而 我 乃却其使, 不 男 臣 而 則 契 不 卒臣之。 丹 臣。公言 爲 無 敵 四 年 於

②「以命公」,同前書作「除前命」。
字。字。
「離」下。《蘇軾文集》卷一八《富鄭公神道碑》有「之」

殺 族 能 國,今契丹背約 中 就 也 東 復 元 契 我 詔 虜 七 有 威 昊襲 合 也 使 0 嶮 由 於河 丹 出 月 使。 册 妄 受禮 塞 怨言,故 今兵 瘠 既 河 元 而 虜 契 元昊本 公日 東人 人, 我乎?」公曰 昊爲 動,當出 寇 雖 東 至 且 丹 出 雲 我 不 虜 爲 則 來 、寇者 虞我出 夏國 無 中 來 虜 哉 近。 恩 疑 一若 與 名, 築 我 ,結好於我 元 歸 一以河 H 猶 主 契 舉 虜 威 不意 L 昊使之,故 契 鎮、 契 發 欲 丹 或 使未 兵 使 塞 . 問 丹 丹矣。」從之。 兵 以 約 請 「虜 討 不不 將 州 定,搗 北平易富 公日 大 虚 以 至 調 元 行 相 會 或 應 自 獨 聲 備 昊。 丽 發 元 而 左 得 先言受禮 決 困 爲 燕、薊之 獲 之, 呆兒 行 止 昊伐 爲 右 虜 幺幺 我 是役 重幣 不爲 十二月 饒 之, 備。 以 則 得 薊 若 木 前 果 是 以 無 事 元 此 雲 虚 公 調 安 屢 中 兒 歲 俟 河 不 斑 自

> 既 發,正 不 動。 十 公 其 策, 謂 計 契 0 又 丹 臣 請 異 請 守一 H 任 之。 作 郡 難 行 Ŀ 其 必 乃 事。 於 止 河 虜 神 朔 卒 道

碑

初,石 遂教 平 仁宗雖 十五 京 僞 知 介《 東 會 鄆 作 女奴習 出 擇 萬 州 不 介 介 聖 宣 斛 信 爲 以 德 所 撫 益 自 介書 書 弼 詩 部 河 ൬ 鄆 與 撰 豐 以官 北 公懼 移 一改「伊 譽 公, 稔者 廢 青。 公等 立 廪 責 歸 不自 詔 0 及 以 、周」 隨 而 州 草。 會 或 伊 所 安, 詆 河 門 2 在 夏 飛 周 勸 朔 因 貯之。 不 竦 之 語 伊 民 大 保 得見 出 水、民 上 事 州 竦 聞 得 賊 竦 怨

又

得

流

除

⁰ E 自 鄆 有所本。 移 青」。 周 按 此句 霍 以 上文字《蘇軾文集》甚 立 詔 書 等 朱 熹 此 簡 略

三」、《蘇軾文集》卷 八《富 鄭 公 神 道 碑 》作「五

二二六

得粥 爲 災者,皆聚 於朝 皆 日 活 出 爲 寄 水。 1 年,麥大熟,流民 冢 公 病 因 Ш 聞 書其 :「救災,守臣 葬之,謂之「叢 生者 居者 私 疾 五 於至誠,人人爲 瘠者廪之。 記岩爲· 皆僵 之,遣 疫 十餘萬 澠 廬 反 率五 、勞約 ,聽流 「, 皆 窟 水 舍 燕談 室, 仆,名爲 + 民 給給 相 使 日 爲 人,募 × Ä 餘 民 城 蹈 勞公, 其 以 Щ 輒 奏請,使佗日 萬 取 禄 處 籍 郭 職 各因 各以 林 遣 流 盡 救之,而實殺之。 冢」,自爲文祭之。 間 之,其主不得 死 中 也。」辭不受。 丽 民。 河 使 人以 即 力。 坊 爲 散 或 煮 遠 泊 村擇寺廟 即 拜 官 兵 待 之利 處 粥 近 酒 民 流 禮 吏自 者 食之, 受 其 次 肉 所 民 部 得 及公私空 又 數 糧 有 糗 聚 死者,爲大 侍 一前 以 禁。 萬 日 而 飯勞之。 飢 前 選 以 郎。 次受賞 口 資 不食, 餘 歸 自公 此 官 民 取 老 待 便 屋 救 凡 明 聚 吏 弱 薪 以 關 ∇

待罪 官府。 不 千人,面 主其 級出 要路 疫隨 散以 公以 死者無幾,作叢冢葬之。 爲場,堀 給其食、令供簿 至,人人忻戴,爲之盡力。 聞》云:富公知青州 不 立 相 知 法 令飢 起、居 能 事 米以待之。 爲從來拯飢,多聚之州縣,人既猥多,倉廪 粥 乃 所 筒 公推 者 間 飯 得 刺 溝爲限 活者 欺 報。 持之不報,人爲公憂之。 人亦 「指揮二一字、奏乞撥充諸 有 民 便周至, 其 、弊百 健 散 法於境内 與與 書 自是天下流民處,多以青州 吏, 入村 致 民 幾千 病斃。 端 募 流 給 重公令,米穀大積 落 ,州歲穰, 納、 民約,三日一支,出 流 天下 萬 使 由 民 其 , 吏之所 守禦之役,借民 是 此 中 比麥熟,人給 富民 人 間 時 人多餓 · 傳以 有曾爲吏胥走 矣。 强 m 方春 不 壯 河 在,手 得 堪 死 朔 軍。 爲 《神道 公連 野 固 爲 ,分遣寄居閑官 大 ,死者氣 禁卒者 陂 有青菜,公出 法,至于今, 書 路 飢 時 E 倉 澤之利 納之詳 爲法。 酒 碑》〇又《記 朝 糧 以 章 隸 飢 炙之饋 中 遣 熏 狠 貯 者 不 民 有與 歸 募 清, 烝 能 東 得 皆 擇 而 供 流 倍 邵 目. 數 餓 H 如 地 往

内翰 州 伯 心 也 温 活 奉 四考矣。」公之所以自任 日 飢 詔 民 富公使 撰 四 公 + 墓 餘 虜 道 萬 功 之 則 甚 碑, 偉 每 自 首 而 者 言之日 論 每 世鳥 公 不自 使 得 以 虜 胹 過 爲 之功 窺之哉 於 功。 作 非 至 公之 書 知 蘇 4 青

王 則 使 嘉 時 詣 中 據 公告之,公以 無得 即 貴 貝 以 《神道 人 州 脱者 事 張 反 付 碑 從 從 齊 訓 且 訓 州 齊 銜 自 禁 非 使 命 劾 兵 所 馳 至 擅 欲 部 青 至 遣中使罪,仁宗 屠 、公度 郡, 恐 城 事 以 發史 泄 應 從 變 之, 卒 訓 生 或 取 口

記

富 至 韓 賢 得 和 之,謂侍 制之日 公爲 於夢 於夢 二年 1 相 1 召 臣 土 議 忧 拜 歐 大 今朕 哉 欲 集 陽 夫 稍 賢 脩 用二相,人 相 脩 由 相 E 慶 學校 頓 :「古之求 與 於 首 文彦博 朝 進 稱 情 賀 1 仁宗密 如 命侍 《神 並 相 此, 命。 道 覘 從 贵 碑 儒 或 宣 知

> 賦 學 論 同 經 臣 者已 行 升 講 列 奏 文 尤 左學,由 在於高 獨 法制 高 如 者 是 翰 則 林 比 左 太學諸 科矣。」事卒不行。 歐 通 學 及 經 升 陽 第 生經 者 上 永 人, 舍 未 叔 命 升 舍 明行修者, 之以 歲 於 人劉 終 左 擇上 官 學, **~**日 原 氏家塾 舍 父 既 由 而 異 簽 中 右

至 之制,至今行之。 場 法。 和 屋 間 相善,公作相, 蓋公與 9 富 公當國 河 南 《聞見 進 立 不欲 士 段 舉 私 希 之,故 元 + 年 魏 爲 推 升 平 恩 天 之 下 同

仁宗弗豫,大臣 監 後 與公等直 行 視 禁中 禳 禱 人問 爲名,乞留 肅 然。 不得 疾 《神道 見 内 宿 侍 中 碑 内 止 外 殿 之, 憂 事 恐。 不 皆 可 闘 文 彦 因 以 博 面

公之爲 心 於 其 相 守 間。 格法 故 百 行 官 故 任 事 職 丽 天 附 下 無 公議 無 以

三.七

裁 所 省 減 在 民 刑 謂 力 之寬 獄 木 、天下 弊 卹 賦 民 便之。 力。 役 不 又 均 《神 弛 道 遣 茶禁, 碑 使分 以 道 通 相 商 視

六年,丁 辭 矣。 又《龍 稍 魏 非 事 使起之,卒不從 不 有隙 朝廷 公數日 ·, 執 口 貼 黄言: 川 用 盛 日 政 秦 志》云: 事。」已 於平世。 語 遇 或 吾但以實言之,不料以爲怨。」自此二人稍 及故事 臣 喪皆起復,公以 太 在 而鄭公居母憂,朝廷 富 中書日 夫 鄭 · ,宰相: 命,天 公、韓魏公同 人憂,詔 仁宗待 。當與 有起 下 復視事 韓 稱 公 琦 爲 在中 焉。 (屢詔 謂 而 言之,決不當起。」 罷 者 爲 金 書, 魏 春 起之,上 革 政 神 公日 鄭 燕。 - 變禮 道 公母 뒴. 碑》〇 章二 遣 故 此 老

仁宗末年,富公自 英宗已即 ,以臣· 相 公辭 ,魏公已下皆 在憂服 位 一,魏公 日 相 無 切 已 位 可 遷 遷 聞 1 稱 制 官 左 太夫人憂。 道 辭 相 富 乃 敘 故 公亦 述 取 用 嘉 陛 遷 富 服 祐 公爲 户 下 除 部 中 即 書 上 致 相 轉

位

尚

書。

樞

密

宗尚 之深 臣 之中,未見形象,安得如 日 之 在 恩。 切著明也?」《聞 祕其請 中 書 嘉 H 其 嘗 祐 議 中 於陛下 建 雖 儲 嘗 見 録 汎 以 韓 則 議 此 琦 如 建 爲 等後 在 儲 効 茫 之 昧 來 而 事 功 杳 推 効 冥 今

英宗即 言甚危, 二日不報。 首議 之遽 英宗 太 一、欺韓 弼於族滅之地」之語。 知禮 怪 后 御 臺 追 幈 起。 垂 才 位之初,感疾 魏 法 簾 尊濮安懿王,富 康 一諫 公不 公耳。」富 尚 魏公急令儀 權 有章疏,請太后 復 所 見 后后 同 舅 以 其 聽 爲 報 衣 己下 政, 公 不 徹 此 也。 因 能 舉 后 簾 總馬 見英宗,面 手 辭 視 公日 者,忘 時 辭 事 司 歐 執 書 朝 富 早 之 陽 徹 有 政 大 :「歐陽公讀 韓 還 復 不 簾 仁宗,累 例 公爲參政, 韓 辟。 公 政。」后 獲 臣 遷官 爲 后 魏 奏 請 乃 魏 公 樞 猶 光 日 從 欲 疏 聞 密 未 公 獻

論 也。 己。 老病 絶。 此 以 寔 聞 意 富公皆不祭弔。❷ 堅,遂出 者尚多 策立英宗,與魏 報皇太后大功,先録臣之小勞,非 日 「仁宗之立陛下,皇太后之功也。 (痛之。 笏 也。 遠近,必遣使致書幣甚 ?」英宗俯 『無夫婦 也。 無無 指御 天下 後富公致政居洛 聞 一、必以 見 方仁宗之世,宗屬 今皇 判 書。 録 兩賢之。 牀 豈仁宗之所望 河 曰:「非 太 陛 人 躬 陽。 魏公之禮終 無 后 下爲子者 公絶, 日 《國 . 所告。』●至不 謂 魏公、 自 不 陛 臣 每 此 至此祭弔不通,非 史》著富 下有 與 敢。」富公求 與 於 歐陽公之薨 歲生日 恭,富公但 與 胡 以 魏公、 不替, 陛 孝德 陛 陛 宿、 下者哉 公以不 下 下 魏 忍聞, 孰 吴 歐 至 孝 親 陛 奎 薨 答以 陽公 宗之 公 德 去 相 可 下 也 益 預 乃 示 等 臣 未 居 等 彰

> 英宗一 等有 除目 今日 不 出 妄, 況今即天子位 下 曰 ˰ ! 九師 0 榻 」英宗爲 陛下之怒,不爲 日因公進 大 前 晁以 下。 以伐 過 日 惡 道《富公奏議序 陛 公慨 四 之霽 可怒者, 下 夷, 除 在 然 目 色 否 搢 而震 藩 温言 常事 則 竊 一笏,拾 邸 何 陳 以 怒,響滿 時 不 除 斧 天 公進 鉞 子 斬 目 除 喜 亦 目 也 以 臣 怒 記説 必必 誅 ,執之進 有 以 猶 猶 殿 大臣。 怒 謝 以 久 不 馬 之 臣 口 擲 天

英宗 遷官 輩 相 何 初 功 臨 富公日 日,韓公進擬 미 御 書?.」 韓 :「先帝 魏 韓公有愧 公爲相,富 數宣 以 神器 者策 色。 鄭公爲 付 立 後 陛 有勞,當 韓 下, 公帥 樞 此 密

[「]不」,同前書明鈔本作「有」。作"「【無夫婦人無所告訴。」其言至不忍聞。」1 [告」下、《邵氏聞見録》卷三有「訴其言」三字、則等

相 長 公也 安, 爲 。」。『邵 范 堯 氏後 夫言 録 其 事 E : 琦 便 怕 它 富

踰 密 年 臣 然,天下非之。 爲 輕 復 始 使 懇辭 地 以 Ŧi. 心不 罷者皆除 故 此 F 章 授 機 開 從。 辭 務,章二十上 此 使 《神道 例。 今陛 仁 使 相 宗 相,至 終 碑 且言 即 下 位 初 宗 不 三真 之初 即 以 之世 稱 使 位 職 宗以 相 執 有 願 室: 判 罪 V 政 相 前 河 一法自 者 欲 陽 亦 樞 白 不

神宗 前 空、侍· 左 使 且 疾 巸 僕射、 許 言災異皆天數, 留公、公 命 寧元 即 無 位 中、 肩 拜 年 平章 輿 以 昭 坐 力 至 移 集 文館 事 語 辭 殿 判 禧 0 從 汝 門,令公子紹 觀 大學 公既 赴 容, 州 使 非人事得 郡 召 至日 士, 且 至,未 赴 明 詔 不 闕 年 人 拜 公公 見。 失所致者。 ____ 隆 覲 又欲 月, 扶以 ,以公足 辭 復 有 不 於 以 除 以 至 E 觀 司

群 臣 情 言 之 輔 公聞 必 天 機 姦 行,何 請 物 拂 雜引《春 理 上 也, 諫 臣 之, 事 一,以明 欲 諍 尊 不 吾 歎 之臣 進 號 可 不 邪説 秋 及作樂,上以久旱不 其決不然者。 爲 미 **∀**, 人 者? 以 無 ,故先導 洪 不 所 君 範 復 速 去 所 ¥, 救 施 亂 畏 上以 及古 其 《神 Ì 惟 即 力 無 道 天 無 今傳 上 碑 幾 此 所畏,使 許 若 書 治 記 數 不 亂 干 畏 此

之枕 在愛 替今日之志,則天災不難弭,太平可 答 并 請。 徹 疏 臣 樂、恐 詔 願 罷 固 席 君 上壽 臣 請 益 : 以 銘 作 以同 志 畏 爲 樂,公又言 。」從之。 諸 義 天 存 此 天節 忠 戒 肺 E 盛 腑, 言 遠 室 德 虜使 親 終老是戒。 事 何 姦 即 . 理 以 佞 當 E H 故 臻 IE 當 L 而 近 文 事 此 壽 以 忠良。 雨 直 故 示 有 更 夷 公 苟 敢 願 災 未 狄, 又 立 非 E 公 不 變 斷 俟 不 置 親 E 意 乞 皆 其 群

怒爲 也 願 一。」公既 陛下待 用捨。」《神道 E 群 臣 疏 不 謝 碑 以 復 同 申 異 戒 八爲 不 喜怒,不 已, 且 以 云

熙 戰 寧 掠 陷 峽 結 威 問 竭 邊 先。」蓋是時王荆公已有寵 首 渝 用兵』二字。 民力, I當推 艦 之 高 四 盟 廉 事 生 初 「所先當 ,公日 州 艟 麗 韓魏 夷,於是用 於富良江 一、又用 而 以 恩,惠 ,又破邕州,殺守臣蘇 神 願勿首 去。 圖 : 公罷 共 一大遼, 如 劉 怒, 陛下 若干戈 又用 布 上,交趾偵知, 何?」公曰 彝、沈 政。富 E 先留 德 爲 韶 又 臨 郭逵、趙卨 澤,二十 應 取熙 意邊 用 御 起 公再 敵 章 興,上 窺 未 之計 河 「阜安宇 事 惇 久,0 交 相 年 以 勸 0 緘 先 取 趾 宣 貽 未 窺 屠 浮 萬 帝 可 湖 神宗 臣 聖 撫廣南 靈 也 口 海 北 用 愚 其 憂, 戎 武 人造 道 兵 載 内 首 以 城 夔、 9 上 兵 以 狄 著 間 下 爲

> 嘗 使直 孟 樂之舉, 宁慟哭,宰 F 不 交趾 徐 人 禧築 有 進 戦 決 , 死者十 言? 黄 日 元 扼 搗交趾 而 永樂 豐 : 富 死 河 無 者 水 四 良 臣 執 在 一人言 餘 城 數 年 江 櫃 内惟 嘗言之。」 不 萬 , 五路大進 + 以 ,兵不得 ,夏人以大兵破之,自禧 逵老將,與 敢仰視。 人。 萬 灌 其 吕公著, 人。 吾壘,兵將 不 報 帝 進 可者。」 夜至,帝早朝 又用吕 兵,取 、高議 漳 E 帝嘆息曰:「永 在 色 死 外 凍溺 論 日 右丞蒲 者十 靈武 惠 惟 不同 卿 「卿 趙 飢 餘 所 卨 餓 何 薦 夏 萬 爲 圃

2 0 卷五 臂,又結高麗起兵,欲圖大遼。」 王韶取 言『用兵』二字」數語。 於是用王 陛 T 僅 臨 熙 有「陛下即位 河 韶」至「大遼」十九字,同前書作。「初於用 至「宇 以 斷 西夏 内 之初, 爲 右臂,又欲 朱熹 先 當 派所引 六行, 布德行惠,願二十年不 取 此 應有所本。 靈 段 武 《邵 以斷 氏 闡 見

曾言 從 聞 自今更不 此 見 鬱 用 鬱 兵 不 用 不 樂, 是 兵 ()與 好 以 事。」 至 卿 大 等 既 漸 共 又 0 饗 謂 鳴 太 呼 平。 宰 痛 執 然 哉 E 帝

時 「王安 亳 合。 寧 可代 王安石參知 州 軍 公稱 録 卿 節 石 ?」公薦 度 何 病 使 如 求 政 ? 同 事 去, 文彦博 平 公亦默 議 章 章 數 改 事 法 判 上默 然。 理 河 財 南 然 八 上 與公意 良 府 月 問問 久 請 以 日 武 誰 不 改

公在 許之。 請 行 臣 新 不 所 法 則 亳 願 不 財 州 請者 除 《神道 曉 時 而 聚 左 提舉 於 不 一僕 皆 方 碑 上 行 可 貧 射 常平 人 以 青苗息錢法 民 判 復 散 倉 後 汝 治 趙 於 州。 不 郡 濟 下, 미 劾 願歸洛 公言: 復 且 公以 公以 得 富 故 養 大 民 謂 疾。」 新 持 臣 不 此 法 格 之 願 法

> 煕 寧二 見録 喜荆 姑 知 公徐 南 紛更之。 與之語也。」富 從之。 石 京 貢 一年,富芸 乎? 舉, 張 日 : 公,至得位亂天下, 安道 安石 或 方平惡其 薦 公自亳州 亦 古 留 安 豊 公俛 者既 守,富公來見, 難 石 難 知 有文學, 知 人,檄 首 來,凡一院 被劾, 也。」 者 有愧 方 以 張 知其 移 色。 宜 皇 出 公日 判 祐 辟 坐久之, 之事皆欲 女 自 蓋 汝 間 以 此 云 富 州 一謂 考校 未 公素 方 嘗 平 富 王 過 聞

富 失其 數字 公熙 幕 事 公早使强 府 一言裁 於 幕 所 憂 寧 紙 疑 府 中 疑 虜,以 尾 罷 處, 事 不能措手 者 ,莫不盡 須 相 徐語 禀 鎮 退 片言 命 亳 而 它 者, 者 常常 其 折 歎 事 相與 常 深 理。 伏 幕 狂 以 居 謀 以 府 求 或 狀 養 爲 見 尊 曉 事 白 疾 中 然, 不 公,公以 有 公, 罕 國、及 미 難 率常 公批 出 視

總大政,視天下事若不足爲者,矧退處一

郡乎?《澠水燕談》

公雖居家, 詔 退,以 遠,不 圃 맒 河 問公。公言:「熙河 叛, 東地界,決不可許。」《神道碑 可 全王師。」 詔 以 郭 而朝廷有大利害,知無不言。 責 逵等討之。公言: 其必 契 丹來 進。 争河 諸 願 郡,皆 詔 東 逵等 地 「海 不足守 界,上手 擇 嶠 利 交 進 嶮

故參知政事王堯臣子同老上言,至 言 公同 堯 見録》云: 日 仁宗弗豫,其父堯臣嘗與文彦博、劉 ,屢辭,今進司徒,一 與同 臣所 「有瘳 決大策,乞立 老合。 ,故緩其事,人 ,下韶以公爲 撰詔草上之。 富公之客李偲問 上嘉公等勳 辭而 一儲嗣 司 公曰:「公治平初進 拜,何也?」公曰:「治平 無 上以 徒。 ,仁宗許之。 復知者。 《神道 績 問彦博, 如 一碑》〇又《聞 此, 和三年, 以 户 其 彦 而 會 沆 部 博 父 及 終 翊 初 尚

自此眷禮復厚矣。也?」蓋潞公與荆公論政事不合,出判北京,七年不召,乃弼自辭官,今日潞公皆遷,❶弼豈敢堅辭妨佗人

公性至孝,恭儉好禮,與人言,雖幼賤 章 宰相 小人 並 而 善疾惡、蓋出 敬,氣色穆然,終身不見喜愠 如冰炭,決不可以 心,無一 處,其勢必不勝,君子不勝, 皆言 進退之,此天子之職 不測之虜廷,詰其君 必 及 勝。 判 語 河 一天 少屈 薰蕕 陽, 於天資。 子 所謂 最 無 雜 河器。 後 職 處,終必爲臭。」其 請 事 大勇者 臣 常言:「君子小人 也。 老家 若兼收並用,則 一,折 惟 君 辨 其 居,凡三 乎 則 子 君 然以 口 奉 與 子 而 身 小 小 必 其 單 服 E 前 爲 好 盡 人 人 其 車

●「公」下、《邵氏闡見録》卷三有「以下」二字。

道

無

悶

小

人

不

勝

則

交

結

構

扇

0

νц

肆 千 退 岐 毒 於 萬 善 轍 良 必 勝 無 而 所 後 不 己。 爲, 求 小 天下 人 復 不 勝 亂 必必 不 遂

可 得 也。」《神 道

平 生 其 流 維 弟 所 ,皆有 陳 素 薦 襄 甚衆, ,余靖 聞 E 於世 鼎 尤知 張 一,世 張温· 瓌 名 以 1者十餘· 石介、 之、 爲 知 杜 孫復、 杞、 人, 《神道 陳 如 吴 希 E 奎 碑 亮 質 之 韓 與

元 豐 論 朝 何 日 老 六年 事 君 臣 子 可 富 · 豈 小人 ,富公疾 令分析 弼 帝 有 可令分析?」 日 爲 章 ,孰爲 治 疏 病 言言 蜀 來。」章 矣,上書言 之本。 朕 小 左 人。」 左 惇 右 神 帝 多 丞 日 八 宗 E 日 小 事, 安 語 人 弼 禮 大 丽 所 宰 惇 抵 進 輔

丽

之言是

也

罷

朝

惇

責

安

禮

曰

H

日

誠

如

聖

諭

明

日

聖

學

非

臣

所

左

丞

對

上之言

失

矣。」安

禮

曰

吾

輩

厚。 聞 道 忠宣 公日 將 及一, 如 年 先公有自 計 碑 終 甲 五 ×, 震 來吊 也。 馬 安 政 月,大星 「當 府 悼 謂 聲 得 閏六月 方 ,公登 世 不 哭,公之子 封 出 不 遣 謂 啓 押章 一殞 莫 祭 之 封 於 知 文 天 奠 丙 小 公所 其 疏 以 光 而 申 人?! 遣 闡 所言 臺 己。 薨。 紹庭、 中 通,殆遺 居 使 焚 蘇 還 者 《聞 惇 設 香 内 政 司 是 紹 見 無 祭, 翰 堂 録 再 馬 表 京 也 以 作 温 拜 下 也。」 恩 泣 對 公《 公、 禮 神 知 0 H 神 范 其 其 中 是

富 公爲 復 識 熟 及 慮 人 深 其 温 遠 必 良 臨 過 萬 寬 大 全 人 厚, 節 遠 無 汎 E 失 甚 與 色 而 然 人語 康 後 事 慨 行 無 若 之。 莫之能 巨 無 細 所 宰 異 相 屈 反 同

⁰ 下逕改不出校 構」, 原作「御名」二小字, 此爲避宋高宗諱。 今逕改

公之出 若 空。 賢 以 疾。 FF 客 階 無 轎 亦 居 自 謁 拜 自 客坐 遠 過 知 人 千 愚 視 不 踧 字 唐 公始也。 見 其 踖 人 其 百 以來 近 天 禮 ,皆與之抗 所 出 其 相 識 得 「數,若 津 見之,吾 隨 心 親 起退。 貌 E 稍 平 橋 , 謂 不 人 間 晚 當 丽 無 久 立 馬 識 自 心 之 其 年 觀 會 怨 如 有 致 禮 也 及 故 乃 則 少 之, 相 衰 禮 府 也 見 賓 仕 公爲 還。 如 吏 垂 絶 見 0 中 疾,不 有 至於徽安門, 客 日 引 從 此。 歸 手 百 則 徙 嘗 吾 不 . 請 坐 自 僚,見 相 傍 扶 累世 西 欲 以言,不 市 見,非 能 , 語 見 凡 及違世 都 是 之, 唱 於 之老子 雖 堪也。」士大 者 待 + 群 橋 居 從 微 者 相 送 均 餘 側 洛 公稍 効之, 容, 亦 相 官 公 客 無 年, 祠 多 見 尊 士 無 及 未 親 長 市 市 送之及 之道 常深 則 大 爲 貴 謝 乘 舊 布 重 嘗 幼 夫 夫 喜 賤 以 之 蓋 皆 1 以 衣 下

> 又 更相 如 此 惻 吊 怛 鳴 · 唁,往 至 呼 誠 1 之心 往 苟 垂 非 9 泣 充 事 於 君 其 内 盡 得 而 忠 士 見於外 愛民 大 夫 盡 心

劉器 口 之云: 如 瓶 防 富 意 鄭 如 公年 城。」《晁 八十, 氏 客 書 語 座 屏 <u>一</u> 公

能

如

是乎

?

《記

聞

故 如賓 外 徒 平 事 公素喜 治家嚴整,子舍女僕 每 : 早作 皆不 使 時 客,子 宰 相 謝 相 潞 放中 致 客 受。 以 公, 仕 0 孫 使 居 文 門 公清 不 昔 相 洛 潞 冠 鑰 同 戒 致 帶 公 不 人, 朝 心 自三公俸一百二十千 仕 得 爲 不 學 9 者給 瞻 4 見 更 留 道 相 禮 拜 守 往 全俸。 家 《塵史》云: 其 獨 來, 9 廟 母, 時 居 閨 還 節 闁 每 公以 對 肅 政 往 富鄭 勸 夫人 如 堂 來。 其 也 司

⁰ 公行狀 徽 字 補 原 爲 墨 T, 范 純 仁 范忠宣 集》 卷 七《

六

不 之。 平 事 録 嘉 法 早 行青 之, 退 德 與 如 云 建 公 除 先 苗 中 公 兩 祠 辭 法 既 靖 無 婿 部 日 薨 得 或 恙 及 : 員 罪 ,公子紹 初 時 諸 外 熙 甥 擢 郎。 毫 臣 率 皆 爲 不 髮 變 冒 廷 河 崇 敢 不 法 字 居 北 爲 率 敢 之 公之 德 西路 中 此 變, 初 先 官 卒 9 第 鄉 先 提 能 0 《聞 上 舉 家 臣 里 守 益 常 以 稱 家 見

富 富 文 將 公 進 外 與 亦 無 伊 致 退 則 叔 以 職 未][] 忠 事 爲 先 斯 奏 主 事 辭 體 教 記 家 得 道 生 疾 惟 力 覺 于 於 居 也 歸 有 盛 斯 鄉 公日 第 ,專爲 留之 德 衰 民 以以 受之者 者居 一成己以成 爲之變哉 古之大人,當 . 而 佛老之 「大臨 其 無 之, 俸 請 固 券 内 學,故 口 聞 無 還 物 則 矣。」《程氏 之,古者三公 足 府 論 豊 議 是 今 文旦 任 道 府受之。 ·大道 然納 以 者 于 爵 大 遺 朝 未 臨 必 者 位 書

> 以 時 明 明 避 難 高萬 望 爲 世 矣。 以 之士、 於公者哉 未 道 趨 物 若夫移 盡 自任 異 憔 獨善其 學 悴 輕 禮 精 ! 振 不 此 || || || || 變 起 義 人 老 身者 氣 壞 于 爲 成 俗, 莊 不 之 務 大 足 所 在 求 則 人 學 好 公之力, 長 人 惻 年,此 于 致 隱 贵 釋 存 人 世 宜 倫 之 心 Ш 疑 所 谷 之 無 不 聖

蘇 鋒。 殘 爲 内 上 + ()帝命 帝 我 嬉 有 翰 以以 民。 孰 厭 軾 謂 君。 之,命我 作公《神 是 殺 民 六 爲儇。① 承 遠 聖 四 受 + 勿 我 祖 道 命 四 劓 聞 宗 碑 兵交兩 年 **>** 刵 其 維 畀 人 銘 呻 如 阚 其 日 絲 矧 河 寧 鑪 . 之 心 敢 腥聞 五. 爾 錘 棼。 好 往 代 小 敕 兵 忍 于天。 八 其 銷 以 姓 後 其 百 無

0

[「]儇」、原作「慢」、據《蘇軾文集》卷一八《富鄭公神道

泉流 藏 謂 然。 德 驕 三十 東。 配 萬 格其庭。云有 公,與萊 箠笞之。 民、公啓 記松高 公 維 元 百度 五 公之在 來, 瀕。 年, 帝 維 生, 年, 嶽 + 聞 其衷。 惟 相 隕 公手撫摩。 諱 始 降 ·萬 其 其 既 正 望。 盟 星 人,仰 兵 神 言 母,秦國 在 服 其 契丹。 與 折 四方, 既 天赦,已 今歸 北至 相 再 堂。 刑。 馴 我 聘 其 哺 (萌芽。 三宗, 于公。 「寤驚。 不留。 燕 于 自葉 則擾 公生 有 水 惟 然, 燕, 一而 墳 潦 彼 生公。 流 綏之。 重 南 北 是 其 荐 北 公之在内 篤 旌 臣 根。 華協 方以 至于 戎, 丘 飢 歲 一載 旗 生 天 ,公豈 | 萊公, 作頌 鶴 天欲 堂堂 謂 散 百 河 寧 明 鴈 官官 流 命 0 帝 以 尺 是 維 赦 帝 自 億 韓 我 降 則 而

二之二 參政歐陽文忠公

徙 校勘 進 事 拜 煛 州 運 河 通 起 + 禮 爲 土 東 居 青、蔡一 使。 判 潁 六。 治平 翰 還 注 滑 貶 補 部 公名脩, 州 侍 林 州 左遷 閲 峽 以 西京 四年 復 郎、 學 州, 州 龍 月, 慶 職 土 知 夷 字永叔,吉州永豐人。 留 樞 圖 拜 曆 知 以太子少師 制 以觀 陵 閣 守 密 知 應 右 初 令。 誥 推 副 直學士爲河 貢 天 IE 擢 文殿學 使,未 官, 舉、 言、 府 知 復 知 以 滁 權 召 知 諫 人 致 州 試 爲 幾,參知 士知亳州 知 母 制 院 仕 開 浩 , 憂 校 上,薨,年 北 徙 除 俄 去 勘 封 都 出 館 知 冒 政 閣 免 楊 轉 使 修 出 舉

公生四歲而孤,母韓國太夫人守節自誓,親

間 學士 下。 黄 俞 爲 甲 W 必 士 悟 教 借 門 遊 古 科 抗 有 爲 公 過 書讀 撰 一,爲 名 胥 讀 留 文, 或 神 補 守 書,家 子 於 公 ,或抄之,抄未畢 道 議 時 歌 西 所 Ē 世。 碑 監 時 京 偶 論 詩 覽 文 》〇又吴丞相 在 貧 留 儷 當 康 相 輒 館 漢 之文, 守 試 世 公 倡 至 能 陽, 之門下 推 事 禮 知 和 誦 以 ·•, 而 官。 撰《行 部 見 其賢 己 荻 迭 己 遂 一成 而j 絶 畫 比 0 皆 相 始 以 狀 誦 還 奇 地 出 公從 成 矣。 × Z 從 第 師 文 之, 學 倫 人 朝 友 # ---章 輩 書 公少 薦之。 之京 人, 師 日 名 將 與 魯 . 時 冠 梅 遂 舉 翰 公 一子 從 遊 師 天 聖 中 敏 林 進 蘇 甲

景 靖 祐 魯 結 無 上言 安道 朋 H 中 黨 避 范 乃 左 文 「靖 疏 落 正 右 論 與 天 公 不 救 付淹交淺, 章 便 知 閣 以 開 因 待 朋 桂 言 制 黨 府 公 臣 坐 出 離 忠 一於仲 貶 知 間 亮 饒 大 黨 淹 尹 州 直 臣 義 洙 言 兼 自 師 余

> 畏 復 至 訥 叔 師 四 慎 黿 텚 大 貽 友 賢 間 怒 0 師 書 當 繳 責 老 魯 布 不肖 從 婢 書 在 司 奏 坐。 諫 云: 世 》詩 其 亦 間 高 書, 貶 相 「五六十 以 若 監 歌 驚 降 訥 忽 怪 郢 之。 授 見 不 0 州 夷 吾 能 年 記 時 税 陵 畫 辨 來, 聞 蔡 縣 作 其 襄 此 歐 **\rightarrow** \(\cdot \) 非 此 君 輩 陽 事 辜 沉 謨 永 脩 默 叔 爲 下 永

公初 初 起 同 爲 其 論 坐論 環 進 范 公 可 慶 救 事 也 帥 范 0 公, 豈 辟 遂 以 公掌 遠 解 爲 貶 不 己利 牋 \equiv 往。 峽, 奏, 哉 ^令行 後 公 狀 元 嘆 同 昊 反, 日 其 . 退 吾 范 不

慶 層 韓 事 盗 ,始登 忠 賊 初 獻 蜂 西 公,分 起 進 師 范 或 未 公及 用 解 列 契 不 杜正 給 府 丹 初 獻 1. 增 復 宗 公、 舊 諫 知 約 員, 富 朝 文 京 取 臣 忠公、 東、 敢言 不 任 西

之 者 於 見 分 磨 具 服 惻 退 益 貶 相 + 百 F 朝 詳 饒 道 熾 逐,目 別 勘 + 疏 如 小 與 事 ,公首被 訪 了、又開 、公乃 騰 未幾, 盡 人 數 仇 爲 州 、任子等弊 于 邪 以 之 事 公性 讎 朋 前 TE. П 公與 之 政 爲 其 謗之。 勤 爲 黨 天章 事 選 小 修 圃 八後,諸 疾 朋 於是 諸 尹 力 起居 公 人 惡 朋 公皇 以 師 行 閣 用 L 以 愈 論論 中 有 太常 自 公知 黨 諸 再 公卒 君 魯、 奮 同 注 詔 外 召 是朋 恐 論 事 出 子之真 公之言。 萬 利 余安道皆以 對 悚 勸 其 派知 **>** 手詔 無 以 公每 爲 不 以 退 農 然 賜 黨之論 必 所 黨議 朋 顧 進,言「 而 桑 坐 爲 諫院 朋 而 П 勸 使 害 避 初 興 小人不 不 諸 時 E 起, 范 學校,革 紙 君 獨 得 君 所宜 其 直 常 延 賜 小 公 筆 深 人 子 爲 條 久 但 久 范 見 公之 五 便 視 留 當 而 先 以 諸 品 知 狠 -使 天

> 大 有旨 諫 其 目 逮公三人 用 公 院 忠,改右 而 日 不 試 故 不 . 果 事 9 M 如 Œ. 與 也 已 言 歐 近 知 0 《神 陽 制 世 知 嘗 脩 計 楊 道 制 因 碑 文 必 計 何 奏 試 公、 賜 處 事 論 得 陳 上 三品品 知 來 及 文 ? 惠 服 人 公之文 公比 物, 蓋 仍 欲 Ŀ 知

大臣 時 公請 温 壘 不宣 公言 寨 $\overline{\mathcal{H}}$ 裁 河 0 廢 寨 津 : 有 抑 成 言 今五 示 不 拒之,以 后 麟 或 則 미 澧 方 涧 于外。」 今四 清 夾 州 一寨存 東 有 守, 州 天 廢 河 芻 寵 進 防 皆 嶮 其 海 五 故 糧 淮 ,公言前 刻 柿 虜 五 騒 寨 不足 不 南 剥 木 巢穴 虜 寨, 然, 不 口 漕 成 在一三 守 命 [《]行 未 廢 請 臣 世 文 公往 河 獻 見 也 狀 女 9 則 廢 有 内 太 羨 百 麻料 寵 府 視 「太 脱类 州 餘 平 里 之戒 州 州 利 外 之象, 縣 州 + 遂 平」字。 徙 萬 廢 皆 若 爲 治 請 不 孤 則 合 加 五. 公

堪 持 常 急 安 且 租 軍 州 盗 〈居矣。 ,奏罷者十 之久乃 粟 盡 並 得 不 耕 失 爲 以 邊 不 耕, 虜 之。 民 廢 應 從 有 援 田 不 歲 若募 又言: 廢 若 數 可 加 議 凡 分其 事 得 V. 不 下 民 河 得 數 時 大太 計 《神 東 兵 忻 白 耕 口 賦 駐 П 道 原 萬 代 省 碑 斂 出 號 並 帥 斛 轉 州 Ţ 過 爲 河 臣 岢 輸 爲 重 不 禁 清 以 民 兵, 然 地 嵐 塞 爲 由 堡 不便 它目 所 量 火 而 是 不 虜 Ш 胜类 緩

保 兵皆 州 閳 帥 小 事 所 運 ,勿以 外外 欲 使 兵亂 以 不 如 言 招 鎮 官 0 意 以 中 壓 以公爲 越 言 陛 不 外 辭 士 輒 職 之。 死 爲 心 脅 而 É 既 意。」 龍 持 言 公 面 軍 圖 州 加 日 中 諭 河 罪 閣 郡 悉 乃 北諸 也 直 誅之,脅 定。 無 學 諫 公 上 ·士、河 軍 官 爲 奏乞 初 怙 久 日 得 亂 留 從 優 保 風 北 驕恣 計 闡 州 假 第 都 千 亂 將 以 有 轉

> 甥 慨 磁 州 E 乘 小 御 不 使 牛 從 諸 使 女 然 治 降 此 事 河 相 亦 況 中 欲 張嫁公族人晟,以 上 催 爲 州 州 與 分 加 書 官 并 綱 司 神 變不 都 公 脅從 隸 監 道 中 司 論 日 府 作 諸 相 碑》 公,遂 劾之,卒辨 之, 誅 院 細。」富 以 諸 乎? 遇 軍 之。 督 0 用 於 公 又《遺事》云: 以 2 糧 起 事 相 内 繕 既 公 富公 公 餉 詔 者 黄 繼 非 其 失行 悟 獄 益 以 路 邊 爲 夜 朝 誣 怒。 黨 乃 戎 州 命 富 窮 繋 半 宣 猶 禍 議 器 賴 止 公之議 獄 治 屏 撫 會 州 莫 降 罷 之。 張貲 言事者 使 公之外 公奏 官 去。 郡 大 河 誅 又置 於 知 北 有 恐 産 亂 置 殺 滁 方 欲 後

0 九《歐陽 後集》卷二三《歐陽 直 字 原 文忠公神道碑》及《宋史》卷三 轍 城 後 集 **※**以 F

2

軍」《樂城後集》卷二三作「州」,下文亦作「諸

州。

何等 爲監 獄 魏公别 擢。 不復 朝 公於大禍 其 又方條 讒言已人, 也,公時 脩至鎮 不成 禍 陳 富 語 勘 何 而 知 執 官 録 例 可 富 也 有 弼擅 州 中惡歐 使河 也。 公歸 朝 北 測 Ē 而 必 <u></u> 方 也 廷 歐 命 色日 北 富 利 ○又《墓 至 不 矣。 内官 陽 陽遂清脱 專 示不 公大 ,復被命 國門, 病 從 權 公、欲 然則 一於 命 「上令某 王昭 ,欲大爲錯 如 自 閲 是 。」富公不 鍛 志 公 密 作 權 因 河 京 明 ž 鍊就。」仍乞不録問 知 威福,已 知鎮 張 北 絶 言不獨活二千 鄆 師 監 氏 之兵,多 不 置 禁軍 州 勘 奏造 事 州 得 類内官 會罷 深治之,令蘇 向 己, ıE 收 既 苦遂 鎖 呕 欲盡 却 力 遂 所 不果。 栿 亦 加 ,往年執 沮 止 升 公道 船 擅 大 人命 北 其 黜 殺 閲 以 軍 議 是 絶侵盜 情 爾 一千人 ,亦免富 且 多 安 昭 政 譖 時 又《韓 一賈昌 所升 此 鍛 明 世 小 者 E 時 鍊 鞫 兵 人 因

慶。

《神

道

碑

至 和 爲 無 以 公奏,乞澄 罪 事中公, 初 上亦悟 判 流 自 遂 汰 内 滁 出 宦 銓 留 州 公 官 ,小人恐公且 刊 之貶,至是十二 知 修 冒 宦 唐 州 官 聞 圃 之, 言 大 俄 者 果 用 多謂 一年矣。 僞 翰 林 公 陰 爲

> 朝廷。 府 稱 H 臨 上 時 意 御 士 慶 既 大 曆 E 夫 思富 舊 遍 人, 知 閲 公、 上有致治之意,翕 惟 天 韓 下士 二公與公三人, 公之賢,復 一,群臣 未 召 有 皆 真 以 相 在

歐 公在 合吕 學官 陽 録 誣 日 乃悉取宫中諸帖閱之, 而 翰林 奏上 怪 公 愛之,問 切 氏 「舉筆 取 削 誇 在 一,時 去之, 諸經 翰 仁宗 經妨 林 木 執 左 Œ 忘規 日, 以 道 日日 政者不甚主之,事竟不行 右 義 無 建言 凡 所 諫,真侍從之臣 日 乘 誤 諸 引 間 後學。」仁宗 讖 書 見 見其篇篇 歐 緯 讖 及 御閣 陽 之説,逐 傳 緯 脩 之書 疏 春 之 所 有意 帖子 也。」 命 解 湾 旋 或 也 歎 請 俗 讀

公權 文體大壞、公患之,所 知 貢 、舉,是 時 進 士 爲 取 文,以 率 以 詞 詭 義 異 近 相 古爲

四

貴 復 怨 語 ,號太學 謗 比 古。 紛 《神道 以 然, 體 嶮 ,公云: 碑》 久之 怪 知 又《墓 乃 名 切黜 服 者 誌 去 朏 然 取 去 文 時 其 殆 伞 舉者 章 澹 盡 自 造 務 爲 是 理 榜 者 嶮 怪之 出 而

《行 年 易 至今行之。 苟 亦 長 勵 包 免者,必 任 循 孝 事 公者,公 狀 加 <u>×</u> <u>X</u> 吾 肅 理 無 龍 所 公, 真 公之尹 圕 〇又《遺 不 不 、於法 長 舉 閣 以 求 E 耳 威 學 赫 . 京, 雖 强 事》云: 嚴 土 韶 赫 凡 不 聞 其 命 御 之 事 權 人 有 所 者 風 F 譽 韓 所 知 材 采 短 稱 子 不從 名 開 華 性 善。 至 勢 有 謂 震 封 不一 寵 且 公 必 以 貴 都 府 請 日 神 犯 不 包公 加 , 邑 事 道 禁 本 用 逮。 外 |碑|| 令, 霏 之政 其 議 公簡 所 又 云 吾 所 代 求 又

公嘗 按醫 家 語 也 人 日 僕 述 馬 病 鮮 治 證 明 民 口 如 進 辨 治 退 如 病 有 傾 禮 彼 爲 聽 富 之可 人 醫之至 診脉,

餘

材

口

以

更

治

開

封

府

吾 爲 寬 縱 大 迹 治 病 然 民 兩 稱 無 爲 郡 之 寬 簡 便,既 月 便 人 兒 僕 病 吏民安之。 誌》云: 後,官 公至 所 者 服 兒 馬 以 求 而 即 碎 謂 舉 藥 服 略 事 聲 不 公之爲 去 是 耳。 寬 云 藥 譽 府 止 爲 不 間 三 民 良 滁 者,不爲 疾 生 間 K 簡 弛 五 吏 思。 、楊二州 政 吏。」 以 識 無 已愈矣, 疎 材 如 日 廢 寬 以 者 則 効 僧 者 間 能 如 鎮 簡 故 爲 以 皆 施 昔 舍。 静 楊 否 則 公 不 爲 人 事 何 生 爲 廢 急 州 則 擾 診 不 立 爲 本 知 設 也 己 而 或 耳 祠 便 ? 脉 如 青 爲 數 明 青 + 施 民 間 是 貧 不 意 郡 州 受 所 減 何 不 日 及 醫 良 「公爲 遺 如 察 謂 其 五 能 不 南 故 事》〇 六, 簡 弊 應 寬 以 京 見 貧 但 所 不 也 皆 治 凡 縦 醫 政 至 民

河 道 决 回 商 胡 河 .'使東。 賈 魏 公 有李仲昌者 留 守 北 京, 门,欲 欲 開 道 横 商 壠 胡 故 人

不便

鮮

不

以

爲

身害

請

出

之外藩

以

保

公言

武

臣

掌

機

密

而

得

軍

情

不

惟

於

國

中

服

其

威

名。

上

不

豫

, 諸

軍

訛

言

籍

患。 之 六 -린 恭公罷去,而 流 大 成 丰 水 不 北 河 性 而敗, 不 淤 塔 ,浚之人海 必 年之利也。」 知 能 避高 ,以全河注之,濱、棣、德、 有 河 不若因水 必 淤 河 復 0 決 力 河 從 決 決 詔 塞, 決之患。 於 北 根 下 兩 1 被 室 故 必 起, 本 陳 省 所 則 流 害 相 道 趨 恭 臺諫 以 趨 河 耳 下 者凡數千 復 # 下 公當國 爲 增增 六 無 0 以 流 不 集 . 塔狹 決 仲昌 横 能 以 既 治隄 議。 溢 壠 近 力 淤 ÌΠΫ́ 主 里。 功 散 小 事 復 之言爲然,行 水 防 公故 驗之, 漫 一横 大 重 博 不 《神道 但勢 之憂, 流 難 濁 壠 必 能 疏 奉 成 之議 必 其 被 容 決 不 使 理 決 受 數 其 能 雖 河 下 無 河

公在 之 : 官 数 戍 其 祐 憂 目 所 之政 3 終始 未 去 吏, 屯 兵 公嘗以 位 戍 少, 府 可 遇事不復求之有 財利之要, 一、公與 者,必加 。」狄公遂 必 地 與 世 祀假家居 力 曾 里 多 争 魯 韓 遠 以 蒐 韓 公考天下兵 近, 公 爲 中書 罷 ŀ. 補 公 同 遣 得。 知 更 中 亦 心 陳 司 所當 爲 貴 其 《神 開 輔 州 人就中書閣 圖 在 政 懷 道 時 知 籍 政 數 碑》 每每 者 富 神 不 府, 及三 道 凡 疑 公久 議 集 碑 义《行 邊 取 0 凡 爲 事 總總

以

母

總

兵

民

防

久

路

屯

公嘗 府,遂 子 ',以 因 嘉 與諸公協定大議,而 固 公進曰:「宗室不領 祐 天 水災, 下根 本,言 凡 再上 甚 疏 激 先 職 請 帝力 切 事 選 及 立 辭 忽 皇 有 宗 在 政 太 此 正

狄 武

襄

公爲

樞

密

使,

奮自

軍

伍

多

戰

功,

軍

而

閲之。

0 E 一、《樂城後集》卷二三作「久」。

三四三

狀

目

故

嘉

心

畢,未及有所 庭過 相 故 事 日 對 人。」余自爲校勘,及在諫垣 餘不爲外人所知者,不 復,自是言者常以國 議 丽 至和三年正月得疾,踰時 除 石之固,然後天下詠歌仁宗之聖與諸公之賢 事定矣。」仁宗以爲然,遂下詔。 得以不受。 (神道碑》云:及宫車晏駕,皇子嗣位,海 知 樞密 消 ,亦屢進 ,天下皆知陛 「宗室中孰爲可?」韓公皇恐對 東 如 劇從 釋無餘,至於小人,亦磨滅不復見矣。 此 州 府,忽見 副使包公拯,今翰林學士范景仁, 日 五六年,言者亦已稍怠。 仁宗既連失褒、豫、鄂三王、遂更無皇子。 容 誨 啓,仁宗遽曰 至 亦有 内降 今立爲皇子,則詔 雖 此 余亦 疏 始 本不可不急,交章論述 下意矣。 論述。 聞 封 嘗 пΓ 仁 勝數。 不能御殿 乃 因 宗 大水言之,然初 明日,奏事垂拱殿,二章讀 諫 朕 自 有 官 稱 今樞密富相 意多時 μĵ 嘉祐六年秋, ,中外憂恐。 朕 ,逮此二十年,每 日 馬 光言皇子事 動付 示不 所 矣,但 内 書 既 《行狀》〇又 一,每 H 泰然,有 〇乂公《奏 唯 ,而向之黨 無采 而 與 **尤激** | 輒留 閤 宗 左 未 余自楓 昭 既 出 室 納之 文韓 門 右 得 M 既 中。 其 前 Á 顧 推 其 康 盤

宗問: 日: 領職 正其名,命立爲皇子。 幾肯受。一曾公與余皆以爲然。 正其名,使其知 復。 日 出 知 等來日取旨。」明日 仁宗曰: Ĥ 又奏曰 官。」既退,遂議且判宗正。 曰:「此事至大,臣等未敢 「名某,今三十歲矣。」余等遂力贊之,議乃定。 也。」遂啓日 接外人, ·決無疑也。」余等奏言:「事當有漸,容臣等 中 内中批 服除,今上堅卧 今上再三解 「宗正之命始出 事,今外人忽見不次擢用 來日 書行可 如 臣等不 「此事若行,不可中 「宫中嘗養二子,小者甚純 出,臣等奉行。」仁宗日 將上,仁宗大喜,日 何?」韓公未對 :「其名謂 也。」余等喜 愈 知 避,有旨候服闋 讓 此 稱疾,前後 ,奏事崇政殿 脯 則外 事豈 緣誥勑降付 愈進 何?」仁宗即 躍 人皆 施行、請陛下今夕更思之,臣 , 余即 臣 時今上猶在濮王喪 ,示 稱賀。 止 下敢議 + 及將上,今上累讓表,仁 ,乞陛下斷在不疑 皆知將 朝廷 知必爲皇子也,不若 前 餘讓。 如如 取 ,因又啓之。 閣門. 奏 一一。 此甚好。」二公與 六年 「此事豈可令婦 ,然近不慧,大者可 有 日 道今上舊 不可 立爲皇子,不若 至七月 至七年二月 某得以堅 當 宗室自 亰 出 同 商 也 之意, 自 韓 乃 余又 量 名 聖 仍 ا迅 公議 來 所 命 議 擇。 起

公曰: 趙侍 最 皇子,仍 F 在 若立爲皇子,只 濮 郎白書,其改名劄子,余所書也 訓 無異寒上,有書數 邸 字,乃今名也。 如 更名某。 定矣,不 即 此莫亦 有賢名。 Ħ 自議 好否? 某受不受也。」仁宗沉 煩 及遷 是仁宗親點,今封在中書。 皇 陛 厨 子事,凡 一韓公力贊之、遂降詔 **F** 而已。 人内,良賤不及三十 命 EH, 中外聞者相 +: 所 作 ,初擇日旁十字 奏請 詔 思久之, ,皆余與 書、告 11 西 V 顧 報 其 廳 爲 韓 天

英宗即 臨 復 朝 明 辟 公公 位之初 「與諸 神道 以 公往 碑 疾 未 來二宫 親 政, 慈 煽 聖 縫 一光獻 其 間 太后 水

樞 密 其 相 力 進 「今天子諒陰,母 而 位 辭 後 擬 使 服 嘗 其 張 不 不 難 闕 拜。 康 以告公。 何 節 人,公當次 以示天下?」二公大 公去 公 (神道 再 位 辭 后 公覺其意,謂二公日 英宗 重位 垂 補 一 簾 諸 復 韓公、曾公議 而二三大臣 公不 將 用 ·喻其 服 公,公又 ៣ 自 將

> É 失爲 得,而 後 嘉 用 狹 召 得 祐 於其間 試 佳 公屢建 以 又難 中中 後 土 也。 選者 朝 知 言: 則 廷 則 遂 往 傑 務 當 詔 往 然 館 惜 博 閣 在 二府,各舉 出 名 採 清 爲 育 近, 而 名 材 圃 多 臣 之 進 朝廷稍 畜 矣,餘 地 五 人之 之, 材 人。 收 時 路 既 亦 其 冀 難 不

孫 代,無 侍 爲 改 改 邊 易?」臣 日 無 河 郎 若朝 進呈,0上 狀 東 長 過 都 卿 口 宜 廷 罷 轉 朏 加 脩 果 運 環 降 奏 使 是 厲 圃 慶 臑 日 臺 路 除 聲 諫 臺 總 授 日 中 管,拜 論 諫 不 臣 書 奏不 交章 當 等 已行之事 以 集 不 能 Ė 長 論 野 爲 用 卿 列 院 己 臺 六 歲 長 行 諫 月 滿 卿 何 難 得 미 守

● 「六」上,宋歐陽脩《奏事録》有「最後賈中丞二章」七

言 權 事 爲 於 调 難 臣 若 陛 當 理 亦 等能 改 則 「人言 豈 下言 IE 臺 使 是 安? 不 諫 默 曲 臣 足 者 遂 然, 無 從 等 以 過 非 職 諫 故 臺 好 上 却 也 前 可 奪 難 諫 事 是 彰 服 供矣。」《奏事 權 之言, 陛 行 失 朝 義 0 但 也 職 下 廷 改 臣 0 以 置 從 使 過 脩 Ŀ 長 苟 臺 諫 彼 奏 不 一然之。 卿 諫 以 録 銜 吝 う言 聖 除 官 冤 : 授 聖 事 專 受 L 爲 賢 爲 此 不 至 黑 又 奪 則 所 於

先 選 輔 蓺 天 時 朝 不 補 口 著 諫 爲 人 僧 而 請 未 補 **\$** 官 官 僧官 韓 上 御 有 内 僧 曾 至 史 闕 降 而 當與不當,至 是 職 累 **\$** 内 多 有 公 鑒 有 臣 與 因 闕 義 陳 論 鹽 陳 權 有 列 其 命 義 承 要 闕 0 事 兩 禮 清 先 爲 街 中 臣 謁 中 以 帝 小 各 寶 書 書 脩 事 選 深 内 己 執 相 亦 , 悟 降 院 下 奏 何 奏 其 補 僧 以 兩 H 事 利 爲 慶 街 較

> 請 官家 謂 陛 嘗 亦 所 事 啓 返 先 害 事 所 閑 爲 陛 與 奏, 其 朝 患 下 成 1 旣 豊 陳 從 事 F 難 漸 不 怨 著 下 只 不 但 甚多 公議 得 親 以 望。 於 **\(\phi\)** ? 行 外 必 中 爲 防 自 信 彼彼 邊 則 以 依 又 書 上 意 制 由 不 孰 盛 是 害政不 奏 朝 事 條 必 加 若 行 皆 今小 内 爲 勢 己 政 日 例 有 從 絶 嘉 得 臣 施 : 選 不 口 言 之, 事 之 納 事 干 失?」 從, 小 行 · 公 試 П ? 於 宦 若 也 彼 撓 矣。」 0 是 女 漸 蒙 必 萬 面 朝 陛 在 臣 近 而 初 聽 事 自 奏 用 政 下 上 陛 脩 事 韓 習 只 此 欲 許 内 張 試 下 遽 鍅 又 此 姑 於 降 由 曾 思 目 自 後 口 奏 事 小 息 中 外 從 前 中 有 前 何 日 衝 書 私 似 以 大 世 面 改 口

始,英宗 也 者 皆 中 書 贈 踐 以 官 祚 本 改 按 朝 封 祖 未 宗 有 濮 舊 故 安 典 事 懿 E 請 皇 付 族 英 宗 尊 有 屬 司 所 詳 之 生 處

朝

故

議

者指

遺

事

*

濮

議

初

不

出

言,欲

以

汙

公。

今上

卽

位

初

御

外。

後來

者

以

風

去。

上

數

敦

諭

説

欲

惑

衆

聽

議

定,

及

以

本

朝

已

一,遂持

此

斥公

有

司

徐求典故。

無

經

據

方

尤

爲

詳

悉。

0

又《蘇

氏

談

訓

臺諫

믑

微

仲、

范

堯夫

公平生不

甚留意禮經,當與

祖

生

何

嘗

「讀《儀

禮

偶

日

取

讀

,見『爲人後者,

爲

其

官

仁.聖

意

旦

測

然以

經

義

人

世宗父柴守禮

事,及《李

彦

詢

稱

伯

封

大

國

院

兩

制

官

日

議

其當

謙

恭

慎

則

韓

曾

公,

宜

有

愧

於

我。

後

善善

則

我

宜

愧

於一公。」又

撰

論

本

末

其

詳。

又於《五

代

史

公退伏

私

居

力

詔

詰

間

二人

者

延

瑜南

郊

赦

冀以

脱罪。

歐

儒

由是

怨之,

揚言

於

衆

Š

袍

以

人

臨

劉

庠

奏乞貶

貴,

陽

公拜

伏

面

謝。

〇又

広

郎中

薛

良

孺

歐

陽之妻

族

也

当 H

英宗之喪,

歐陽

公於

由

是破諸

異

議

Ħ

謂

柄

任

逐

以

三四 Ł

劾之,

仍

言

某

月

日

中

丞

彭

思

士以

濮

議

故

多

疾歐

陽,

由

是

以

紫

袍

事

劾

奏

歐

陽

朝

廷

以 字既悉 H 時 更 衆 起。 表曰 有文字,彈奏臣不合專主 公、故歐公遺令託魏公作墓誌、蓋欲令魏 歲,魏公諸 淵 *À*: 脩 臣,此 奏以 永 坐謫官 付密院 永爲臣言」,上 忽 愚 無 品 卿 伏 H 每日 蔣之奇 人,因 拙 ○乂《奏事 浦 E П 是 風 避。 顧左右 「未乾薦禰之墨,已關射羿之弓。」〇又《龍川 留中、清 矣。」上 敢不 ,仍敕榜朝堂。 知 見奏事 薦 ,於是永叔及沖卿皆上章自 漸 歐 爲 謂 人不喜 事 不 亦聞 彈 陽 如聖訓 頗 執政日 御 口 奏歐 明 問 以 從之。 史 者於是 録》云: 公與 長。」乃 臺 時 日 爲 也 既 或二相公有 以 「何故久不起?」之奇仰 易 諫 無是事,之奇伏地叩 韓 議 語 公、 [[]] 今後宜少戒此。一臣脩對 至議 「言事者以 命之奇、思永分析 稍息。」上 魏 先是,之奇盛稱 常因 事, 反攻 大 濮王之議、上荷 公同 英宗 (臣,京 往 推 脩 獨 尊濮安 往 :所異 在政 不聽,之奇因 ,脩尋亦外遷 對 面 님: 師 閇門曖昧之事中傷 奏 辨。 折 傳以 百 府,歐 日 懿 參 其 濮 便 後數 E 頭 短 爲 陛下 政 「近聞臺 相 議之是 皆無以 公承 公長 笑。 [ii] 固 性 日 折 若似 ,故其 H 拜 朝 請 難 直 保 温 伏 魏 但 「此所 復 以 全, 以以 對 奏 不 此 谏 又 其 公 地 謝 其 攻 取 問 ,俱 志 事 雅 馬 語 义 累 歐 事 不 媚 大 1: 其 奏

己,俄詔

以

本官知蔡州。

《行狀

除 知 青 錢,以 興 且 宣 願 、功利 徽 請 州 日 南 時諸 示不爲 院 不 時 而 報 使, 多喜 縣 臣 一欲 判 散青苗錢,公乞令民 利 《神 新 太 循 ,罷提舉管句官 道 奇,而 原 常常 碑 府 。」執 ,公辭,求 臣 政 思 知 守 其 拙 知 終不 聽 止 9 蔡州 衆 民 納 附 方 本

公在亳已六請致仕, 歐 完,處之怡然,不以爲意。 樂其 年,以 未 陽 未 承 以全晚節,豈 脩平生名節,爲後生描書 及謝 禧因 及 文忠公在蔡 風 引 觀文殿學士、太子 事,天下益以高公。 士, 間 年,豈 言 因 日 口 1 容 : 州,屢乞致仕。 更俟 居 「公德望爲 遽 比 焉。 去 驅 至蔡 也 逐 少師 及 ? 乎 《神道 逾 盡 歸, 公昔守潁上, ?」《倦遊 年 朝 歐 致仕 惟 廷 碑 加 公答 門 復 有蚤退 倚 居 下 重 雜 室未 公年 生 日 且 蔡 几

公自

云

學

道

三十

年

,所

得者平

心

無

怨惡

公平 六 録 醉 集 傳 局 翁 生 百 三代 。」《行 一於 家 晚 千卷 而 以 物 訛 常 年 來 少 謬之説 一,藏 自 置 金 有 號六一居士 酒 書 石 所 好 爲 刻 壺 萬 多 爲 獨 卷,有琴 吾老 好 在 Ŧ 收 曰: 於 滁 卷 畜 其 州 古 吾 以 間 張 時 文 校 圖 是 有 集 自 E 基 古 史 號

公天資 給 卒 篤 陰 爲 府 邪 其 于 被 嫉 稱 常以 又 朋 若 獎進 (剛勁) 讒 薦 (表其 家 讎 友 ,故賞 逐,公以 貧 平 敵,直 人物 孤 甚 見 加 心 識 于 一、公 # 義 爲 朝 道 之下,率 前 樂 帥 敢爲,襟懷 難 力 自 魯、 奮 善 悉 經 處 故 撃 不 録 誉 梅 怡 未 ', 不 倦 以 ·爲 之, 聖 嘗 官 怡 聞 問 俞 洞然, 挾 使 如 人。 Ę 權 私 皆 孫 也 之得 以 得 惟 明 無 爲 有 復 平. 後 視 以 自 既 喜 生 女好 雖 力 城

> 豈 釋私 乎 也 得 始被 解 以 爾。」公 我父 西事 堯 仇 一。」吾嘗聞 罪 爲 遠 ,兼其《 有父自 於昌 於 進 貶 不 憾 、朱善惡 至死 時 然 擢 初 地 [前] 日 言 與吕 派 峽 共 以 下 , 未 刻 相者 公擢 流流 無 范 力 及 范 異 公解 後 石 怨 嘗 於 希 也 公平生自 父子 溶 唯 用希文,盛稱公之賢 惡 則 或 爲 文 解 累 仇書》 輒 於 「家」。 事 范公作《神 其言 仇 之性 年。 削 得 人, 去 罪 公,取 公 言 見在《范 比 , 希文子純 相遠 于 歎 此 吕 無 而 吕 公 怨 其子 道 信 如 一罷 相 . 節 悪 集》中 於 碑 此 ", 云 相 於 後 我 坐 公公 信 使 世 亦

公知 賢 《遺 朝 力 行 潁 事 州 而 薦 ,時日: 深 自 晦 奏疏 公之子公著爲 默,時 見 集 中 未 由 甚 是 通 知 漸 判 見擢 爲 公後 用 有

三四九

陳 者 此 知 善 恭 本 自 + 移 丽 寄 人。」《 不 避 謂 亳 南 公 更 陳 變。 權 執 必 州 京 其 能 爲 勢 過 中 不 復遺事 首 門 罷 道 陳 素 以 得 陳 相 F 使 此 大 不 遠 其 公遂 客 相 拒 驚喜 喜 嫌 美 此 李 而 公 换 , 辭 得 中 不 不 處 觀 其 我 日 師 見 ·造其 至 : 事 文, 知 之 日 <u>조</u>: 執 實 . 陳 使 公 後 門。 心 州 當當 也 公 吾 텚 杜 時 0 還 不 恨 草 我 已 門 手 爲 朝 公 不 相 制 而 却 早 録 毁 自 知 作 陳 掃 識 譽 深 陳 出 學 潁

公於 諸 傳 其 而 爲 八論《詩 儒 者 勸 經 不 而 得 戒 通 妄 術 其 自 其 所 務究 > 末 爲 日 謂 木 之説 「先 聖人 大 丽 闕 察 本 通 其 儒 者 ·, 其 其 之志者, 其 所 於經 經經 末 美 疑 所 不不 刺 師 斯 可 發 也 之 善 本 明 知 能 0 末 矣。 也 其 無 簡 不 彻 善恶 失, 易 求 得 0 因 明 丽 其 異 今 其 以 於 所 木 夫 失

> 乎 篇 ^ 以 得 易》 其 論 古 多 多 IE 餘 矣, 所 則 狀 予 發 日 盡 非 明 0 其 好 説 毛 爲 爲 ^ 異 鄭 而 詩 論 之説 理 本 有 也 義 0 是 不 \forall 其 矣, 通 所 於 改 然 復 詩 百 後 何 餘 云 得

公嘗 附 名 前 紀, 而 會 世 被 事 之説 **五** 備 詔 禮樂之本 用《春 及 撰 行 泛唐 E 志》 其 秋》法。 書》, 前 論 出 不 史之失爲 著 於 書 又自 類 事 • 於《 此 應, 撰《五 Πij 唐 多。 盡 後 \wedge • 五 破 世 禮 代 介行 代 禮 樂 漢 史》, 狀 史》 樂 儒 志 幹 爲 \forall 其 災 空 異 約 明 爲

公於修《唐 於 修 列 己意?」於是一 兩 我 傳 爲 手 爲 則 體 前 體 宋尚 書 不 畫 ×, 能 公雖 書 且 最 祁 無 後置 人 受 修 遂 所 所 命 也 詔 易。 見 局 公 多 退 朝 專 看 及 不 丽 修 廷 書 詳 同 嘆 紀、 以 成奏 貴 列 日 傳 志 . 書 口 御 ൬ 悉 宋 \$ 出 Ξ, 公 删 吏 如 於

聞 古文人不 姓 自 未 志書公姓 久, 豈可 書。」公日 名, 也。」《遺 有,自公爲 制 掩 相讓 :「宋公於列傳, 名, 事 修 某等 其 始 列 名 書 9 圃 也。 傳 奉 丽 只 好 書 奪 勑 列 相凌掩,此 宋公聞 宋 其 撰 書 姓 功 局 名 中官 乎 用 而 ∭ 功深而 公官 喜 此 高 事 於是 日: 前 例 者 皆 爲 所 9 自 前 未 日 當

公修五 精 數 志 法。 用《 論 力 馳 倍 也 必 密 春秋》之法,師其 「昔孔子作《春 心以「鳴 議者 余述 代 則 相 書 史記 遷 本 E 減 以 呼 不 下 紀, 舊 謂 ٠, \forall 及也。 9 史 而 以治法 功 褒 之半, 無 不下 貶 : 秋》, 駮雜之説 意不 善惡, 亦 此 司 而 嘗自 而 亂 因 襲 馬 事 IF. 世 其 亂 其 遷。 迹 亂 之 法 世 文。 至 君 比 書 甚 於 而 又 舊 也, 精 其 我 立 紀 謂 此 史 作 論 其 治 吾 例 筀 添 發

> 自 自 初、公 儒 唐室之衰, 細 譬夫天 代,氣益 伶官傳》,豈 然, 以以 與大,不見 與 非 古 地之妙 尹 學 卑 道 文體 師 所 弱 興 痕 下《滑 魯 至, 起 造 專 跡 隳 或 之, 超 自 以 化 稽 初 加 古 學 然 萬 不 極 也 文 柳 獨 者 振 物 其 一! |《遺 相 鶩 公 • 卒 I 動 尚 仲 陵 不 衆 者 於是文 從 塗 夷 而 莫 植 至 公得之 者 能 景 時 于 及。 , 風 祐 大 Ŧi. 無

公之於文,天材 終不 不大聲 不 不 可 多得。 可 及。 有欲 色, 而 《神道 是 効之,不 有 義 以 理 餘 碑 獨 豐約 自 步 勝。 詭 當世,求之古人,亦 則 中度, 短章 俗 不 大 雍 淫 論 容 則 俯 施 哂 仰 無

■「隳」。原作「隨」、據宋韓琦《安陽集》卷五十《歐陽八

墓誌銘》改

i. fi. 變,時

人

競

爲

模

範

《墓

盐

鄭 多 公 死,今法多 公,2公終 所 嘗 平反,蓋 有 遺 雜 身 訓 行 0 鄭 犯 之。 公意也。 死罪 戒 慎 以 用 故 謂 《神道 死 死 漢 刑 罪 法 非 韓 惟 殺人者 殺 或 以 者 語

張 學,欲 昔 大底 然。 多教 舜 以 之,見其枉 先 論 無 事 枉 以 貶官 生 民 ,於行義文史爲多,唯 司馬公、王荆 爲直, 文 吾子 遣 ,莫不以道 既久之,不 遊 人 求 學 夷 以 日 京 皆 止 陵 師 史 吏 直 違 因 \ \\ \\ \\ 時 求謁 於 事 法 乖 彼 取 才,異 潤 所 錯 免 德文章 徇 非 架 漢 身, 公爲學者 情,滅 有 先達 人 不 閣 未 請: 境 政 日 可 陳 喻 爲 觀 之門。 也 事 臨 勝 年 親 也。 欲 「大凡學者之 歐 事 미 數 公 害義,無所 公 方 所 闡 陽 當 以 案,反 壯 公 私 以 趣 者,今先 公多 及物。 是 自 無 年 無 曰 : 諸 時 爲有 知 有 覆 未 談 歐 公之 之。 不不 也 不 觀 厭 五 生 見 吏 陽

> 之 爲 忝 不 有。 口 報 翰 塵 敢 知 忽 也。 墨 三事 也 且 也 以 致 當 3 夷 身; !」迨今三十餘年 以 見《張芸叟集 時 陵 此自將。 以 仰 荒 天 我 遠 誓 自 褊 觀 心 今日 小 日 尚 亮 9 如 以 是 9 出 此,天 自 人 當 望我 人 阚 時一 中 遇 下 小必 外, 古

公嘗 狀》 得 必 使 ,既得 履 誰 誦 危機 當 故 ? 相 而 说此 E 不患失之者,其 且 沂 古 日 公之言 人 之所 貧 賤 日 歎 : 常 也。 庶 思 恩 幾乎!」《行 富 欲 惟 貴, 歸 不 己, 思 富 貴 怨 而

公與其姪通理書云:「自南方多事以來,日

^{●「}鄭」上,洪本、張本有「公父」二字。

② 「國」下,洪本、張本有注「公母」二字,示韓國指歐

쥈 爲。 於外 尼 故 然 中 官 效 今又 戒 汝 也 得 陽 夕 但 於於 一憂汝。 獨 妖 靈 共 士 所 存 避 氏 也 異 大 此 官 以 尼 偶 被 自 除 昨 稱 心 事 何 歐 夫 。 **③** 内 于惠普,妄託佛法,言人禍 飲 下宜 書 此 궁: 爲 爲 盡 榮 江 所 多往問 陽公與其弟姪家 食 公,神 得 妖 多 翰 中言欲買朱 顯 南 「嘗有 神 不至? 至 守廉,何得買官 事 致 外,不曾買 昨 尼。 蘇 歸 於 尼 日 公題 LE O 明, 明 汝 臨 如 之,所言 遞 嘗 牽二 自 有 等 累 難 中 公既 惟 有 其 祐 並 差 死 世 砂 書 一牛過 名 考之其 後 汝 使, 列 一蒙 來,吾 節 可,頓 公,於 自 曰 物, 時 官品,②當思 書也。」《東坡 朝 慎 盡 少 : 尼前者,指 有 亦 解 下物? 汝 廷 不可 「凡 私 力 是 驗 心 憂 不 廣 官 可 想。 於是 汝 排 向 累 坐中 乃 思避 觀 人 禄 福 前 釋 此 榮 吾在 見 勉 0 此 集》 示 翕 稱 事 不 朝 真 强 爲 吾 報 歐

> 世,而 名,一 誤 是 獨 後 靈 又 不 人 能 户 折 殺 者 坐 日 ,其尤者 : 信 曉 之日 是 一牛皆應。」一 人,故皆罰 有 二牛 、皆屈 人言 罪 -醫 彼 爲 被罰 伏 人,官 而 前 聰 謂 牛 應 明 之牛, 世 《遺 尼 爲 乎 安 聖智, 坐聞 人當失 皆 有 牛。」因 事 能 人 靈 乃能 自 也 之, 且 皆 能 記 人 各 人 不 自 皆嘆 前 其 知 人 呼其 爲 能 牛 前 者 死 知乎?」 萬 自 其 前 罪 世 前 物 知 官 世 姓 之最 其 世 醫 名 於 前 尚 姓 藥

蘇 出 内 亡,梁以 於 翰 扎 軾 氏 序 佛亡,莫或正之。五 , 公之文曰 亂天下者多矣。 : 自 漢 以 一百餘 晉 來 道 以 年 老、 前 術 後 莊 不

蔡

0

8

[「]憂」、《蘇軾文集》卷六九《跋歐陽家書》作「遠」。

[[]官品]《歐陽文忠公集》卷一五三作「官裳」。

[「]得」、《蘇軾文集》卷六九《跋歐陽家書》作「能」。

之 之後 長 陽 高 於古,士 韓 故 韓 得 教之,至 而 功 子 育 以 愈 愈 韓 天 通 爲 成 出 也 下 愈 二百有 救 引 孟 多。」 就 一。」宋興 翕 學者 亦 物 時 天 天聖、景祐 子 然 固 至 以 連 行 下 餘 師 類 以 嘉 陋 達 道 争 七十餘 年 尊 守舊 祐 愈 於 爲 自 折 而 之, 末, 賢 配 孔 濯 之於 後 極 孟 氏 論卑 號 年 曰 : 得 磨 以 矣, 子 , 其 歐 稱 至 犯 , 民 以 「歐 而 陽 蓋 多 而 理 言 顔 不 通 斯 士。 子 氣 庶 陽 納 簡 知 以 經 文 弱 幾 諫 子 0 兵 加 服 學 終 歐 焉 其 富富 爲 明 人 陽子 今之 占 有 學 自 忠。 ١Ļ, 爲 信 歐 愧 推 愈 而

其 之所 用 在 章 此 欲 謂 書矣。」王公《塵 言 子 日 吾 . 知 性 永 學 叔 史 者 卒 之 貽 所 後 當 世 之 先 消者 聖人

孟子》一 善,永 其 隱、 性,收 平 足 説 君 萬 定 夫 之害 爲 化,只 羞惡、 則欲 下 者 叔 然 其 矣。 部 却言 説 格 後 其 則 放 辭 書 從 君 日 知 本 \sim 心。 「,只是」 讓、 聖人之教 生 心 大 性 只 心 一於其 之善。 之非,正 學 上 是 是 至 要 》之修 來, 非 IE 論 心, 正人心 之心 心 人 八,性 孟 誠 害 君 義 身、 能 子 爲 意 於 而 禮 Œ 遇 齊 非 國定。 其 之 而 教 智 心 家 端 人 已 政。 所 人 便 則 則 存 先 治 道 心 事 千 論 論 以 心 國 得 性 永 孿 惻 養 無 事 邪

爲妥。 跋》改 原作「三」,據《蘇軾 按: 由韓、 歐之生卒年推算, 文集》卷 以作「二百 0 六 居 士

歐

陽

文

忠公《答

李

詡

論

性

書

>

:

性

非

學

者

之

所

急

前

聖

人

之所罕言

或

因

而

及

非

爲

性

圃

言

也

_°

文

忠

雖

有

是

説

然

大

約

説

皆

爲

不

悖,此其大略

也。

臨

岐

計

都

官

慎

所

習

與

所

感

及率之者

以

孟

荷、

楊

0

私 率性 可添一 叔論 邊用計用數,假饒立得功業,只是人欲之 分之内,全無見處,更説 ,與聖賢作處,天地懸隔。 加 列是非利害,文字上儘 己。 物,堯、舜所以 所謂率性,循天理是 爲 萬世法, 不行,人 去得, ◎龜 山 語 性 亦 也。 但 録 只 上 於 是 外 不 性

三朝名臣言行録卷第三

三之一 太師潞國文忠烈公

宗怒 賊平, 事。 徙 中 至 之,久未 副 東 轉 和二年,再入爲 進 益 使, 皇祐三年,御 州 士 運 公名彦博,字寬夫, 介貶 除禮部 改 第。 副 克,公請 參 慶 使。 英 層 知 景 州 侍 政 七 祐 以 别 郎、 年 事 龍 中 相。 史唐 行,因以 駕 爲 圖 擢 同 貝 殿 公 閣 嘉 介 中 諫 州 亦 汾 學 中侍 論 議 祐三年,以 ·書門 爲 彲. 出 州 士 公語 大 宣 御 知 知 介 夫 下平 明 撫 史, 休 許 切,仁 秦 鎬 樞 使。 州 州 使 密 河

> 子少 號 五. 或 老,以守太師致 東、永興節 大名府。 熙寧六年,拜司 半,亦辭 原 上書明其父功,以公爲 相 年,復 司,復判 重 府 判 力 保。 事,六日 河 辭, Ţ 南 以 元豐三年,除 不受。 薨,年 母 得 府 太 度使,力辭,許之。 加 憂。 終 師 南 封 仕。 九 致 治 喪。 朝 空,建節判河陽,徙 潞 起 十 二 仕。 會 , 平二年, 或 復 元祐初,命平章軍 詔 王 公, 使 太尉 紹 證,於是詔 俸 堯 月 聖 相 歷 賜 臣 兩 爲 判 初 比 之子 加 開 六年? 赴 大名 樞 ,降授太 宰 府 兩 經筵。 密 臣 買 將 加 儀 使。 之 老 判 河 太 同 軍

姓文。至漢,復姓敬。人本朝,其大父避文潞公本姓敬,其曾大父避石晉高祖諱,更

^{● 「}一」字,原脱,據《宋史》卷三一三《文彦博傳》辨

其 翼 非 祖 其 偏 諱 力 切 偏 或 又 音棘 也 爲文 更 0 姓 聞 氏 非 文 見 荷 後 0 或爲 也 初 一,從 荷 敬 支, 氏 氏 避 非 然 諱 文 敬 也 字 各 俱 從 用

文潞 文潞 首 者 能 難 亦 檢 州 走 群 取 而 、公以 公謂 姓 治 有 翼 兒 後 已知二公之仁 不 公幼 結 幸公庇之。」又言 張 以 得 戲 城 能 IF. 奉 縣 因 救。 時 予言: 見之, 水 出 助 比 簿 灌 兒 與 潞 未 公取 之, 墮 群 尉 且 公 策 初 赴 本 大 兒 皆 言 及 至 文 任 毬 · 嘗 智不凡矣。 石 水 字 第 擊 云 : 浮 知 破 姓 有 甕 日 : 毬 出 其 其 授 皆 張 本 客 中 9 邑 甕 人 大 某 景 李 有 人 司 柱 户 本 理 已 事 等 跡 《聞 本 壻 兒 馬 非 評 没 六 者 人 在 爲 見 得 温 衆 中 敗 姓 獨 事 録 此 縣 群 出 公 奉 各 縣 不 兒 中 見 幼 知 猾 歲 未 其 驚 識 能 洲 訪 絳 龃

決 必 餘 配 辦 · 븘 之。 之矣。」於 無 過 邑 失 人 爲 皆 是 此 悚 公 畏。 人 盡 所 得 持 其 東 ? 齋記 女奴 狀 事 幸 君 之 于 來 州

寶元 不 談 章 出 大 御 次 面 有 有 知 第 郇 將 詢 史 稱 中 但 0 之。 公言 差 福 入 因 睥 河 時 相 委。 人 郇公喜之。 問 睨 東 明 吕 何 河 不 闕 明 許 日 趙 闡 所 東 己。 漕 年 康 公 縉 任 召 事 靖 使 E 公録 郇 至 紳 就 用 , 文退 0 日 堂 堂 間 遷 公 不 . E 待 强 恨 口 L 説 許 ? 彦 議 間 許 文 不 制 難 識 彦 博 其 0 公 遂自 公都 博 得 歎 鄉 不 鄉 也 者 出 里 미 曲 日 殿 不 미 + 任 中 任 召 無 交 磊 者 年 此 落 使 所 來

文 潞 院 凡 公 + 在 八 成 處 都 0 米 減 ·價 價 騰 糶 貴, 賣 因 仍 就 不 諸 限 城 其 門 數 相 張 近

■「院」上、《東齋記事》卷四有「寺」字。

焰 卧 術 榜 以 也 通 而 0 耀 衢 終 《東 不 或 齋 羽 能 記 抑 Н 事 平 市 其 米 井 價 價 價 遂 直 大 减 抵 滴 0 足 臨 前 事 以 此 當 增 或 須 其 限 有 氣 勝

文潞 寒, 遏 沮 不 公 無 可 知 軍 罷 以 拆 校白之,座 從 益 爲 與之。」神色自若,飲如 州 變。 卒 喜 輒 《記 遊 拆 聞 宴。 客 馬 股栗,公曰: 庌 嘗宴 爲 之薪 鈴 轄 故。 廨 不 一天 舍, 卒 미 氣 實 禁 夜

樞 則。 博 戰 密 覆。」上 使, 憂 凡 奏 鎬 直學士 監諸 間 八年正月 所奏請 初,彦博至貝 於兩 許之。 今在 將 明鎬 討 府, 軍 貝 多 閏 參 Ţ 討 從 州 中 月 知 貝 丑 、州,與 中 庚 政 州 請 時 沮 以 事 子 ,久未下 得 樞 彦 朔,克 明 文 惟 便 密 博 彦 鎬督諸 恐 宜 使 爲 博 其 從 貝 夏 河 請 成 上 事 凍 州 將築 北 功。 深 自 惡 不 擒 宣 往 以 鎬 彦 距 E 中 撫 督 爲

> 部 城 彦博 張 引 穴 成 臨 軍 餘 白 量 之,從之。 水 炳 総 署 追 者 創 軍士 城 人。 請 御 以 自 崖 外 E 不 攻 穴 河 -援 選 教 匿 信 之。 能 人 中 有 城 地 吉 槍 敀 場 穴 秀 恐 有病 城城 拒 帳 以 既 與 死 刺 旬 中 等 中, 則 則 前 攻 牛, 一百 其 中 出 頗 餘 出 猶 欬者 夜於岸下潛穿穴, 死 虞 城 城 驚 黨皆 引 穴,登 ,秀等以 不 無 著 牛 候 0 上不之見也。 却。 擾。 彦 下 却 數 以 花 楊 命指 突 , 辨 博許之。 幞 走 人,此 城 遂 有 楊 賊 畫 以以 頭 褐 殺 牢 賊 請 遂 以 使 走, 守 袍 城 身 不 遂 軍 火 行,許之。 將 力 者 之,銜 至 可去, 塞 卒 覆 戰 潰 牛 + 貝 村 其 突之, 之, 董 争 ,身被 棄 久 垂 州 上 舍, 王 秀、 趣 之 請 枚 走 土 絔 城 則、 千 遂 於 登 自 以 易 遂 南 劉

^{● 「}死一下、《涑水記聞》卷九有「士」字。

真 博 生 遂 擒 斬 之。 則 檻 於 車 北 送 一、古 京, 京 死 夏 師 於亂 竦 剮 奏言 於 兵,不 馬 所 市 獲 知 0 所 賊 重 魁 在 秀 恐 彦 图 非

文彦 之亂 之, 乞 不 盡 其 至 炳 如 家 一切 廢 和 博 以 並 争 此 鐵 縑 中 知 除 市 是 民 以 錢 帛 廢之。」 水 内 愈使 肆 多 鐵 湜 殿 阃 數 復安。 閉 上言 錢 勿 崇 軍 白 感 肆 以 買 班 朝 疋, 擾 物 銅 0 起 念記 廷 也。」乃 僚 錢 念記 使 居 賣 陝 雖 聞 屬 也 賣 闡 舍 者 西 不 請 90 之, 人 從 鐵 召 不 於 禁之,彦 毋 肯受, 錢 絲 日 是 其 湜 不 絹 衆 鄉 便於 行 鄠 納 長 知 人 博 人 其 鐵 安 多 曰 民 也 爲 錢 直 知 出 8

至 和 中 用 IF. 聽 衙 初 朝 其 宣 土 陳 麻 論 往 恭 之 議 往 公罷 際 相 而 賀 上遺 相 公久 9 黄 侕 小 並 門 黄 有 門 用 具奏,上大悦 人 文、 密 望 於 富 白 二公。 日 官 班

> 公言 所記 耶 賀 余時 1 晶 新 爲 ! H 除彦 ",從 苟不 銢 對。 、爲學士 至 一故余 博等, 中 以 -知 夢 作 外 一、後數 日 文 1 之人 : 外 公 뻬 當 「古之人 議 日 求 批 從 望」者, 如 1,奏事 賢。 答 人 何 Š 望, ? 君 孰 垂 具 永 若 夢 余 用 拱 述 惟 用 1 以 人 Ŀ 商 0 贵 搢 朝 或 E 莊 紳 周 足 以 士 問 也 之 之 憑 相 夢

唐質 文潞 若 民 莊 乃 紳 肅 者 薦 稍 多 敏 公 公爲 爲 六 時 務 E 旌 萬 安 爲 恬 奔 相 御 減 樞 退 石 競 因 史, 密 之人, 廪給 韓 非 進 使, 論 維 裁 對 公專 之半 公與 言 則 抑 張 躁 之 . 權植黨, 瓌 者 之 競 無 嘗 又二 同 皆 者 以 闡 議 擢 自 厚 萬 德 省 交結官 用 知 風 音 云 兵, 焉 愧 俗 汰 耻 以 禁。 爲 0 龐 莫 搢

●「拱」下、《歸田録》卷一有「殿」字

三丘九

嘉 怒 志 彦 作 簾 史 能 諭 未, 公 祐 加 公 密 會 庭 叱 聰等 志 左 博 親 使 跳 再 獨 宗 副 罪。」於是唐公既貶,而 元 契丹 E 者 聰 與 臨 禱 前 留留 人 怒 年 使 之日 右 暴 對 相 于天 宴, 遺大 召召 兩 <u>式</u> 夕 E 梁 再 鄧 感 扶 使 首 府 月甲 以 公適叱 風 者 . 保 大 拜 人 俟 禁 昨 薦唐公,復召 及 禁 眩 吉 府 雪 人 主 於 寅 中 夕宫 之疾 至 臣 日 . 等, 示 中 辭 殿 上 朔 事 唐公下 就 M 0 之 閣 御 暴 問 置 嚴 僅 驛 中 霽 疏 E 文彦 壓 史言 得 酒 密 E 久之, 賜 飲 御 官 百 能 殿 唐 疾, 紫 至 公亦罷 宴 酒 大 用 博 不 架 成 官 事 詔 公 禁 宸 過多 慶殿 焉 繫 遣 敢 召 仍 折 禮 就 語 中 殿 職 送 社 内 授 泄 人 列 而 相 益 起 臺 也 稷 侍 以 或 今 立 E 罷 E 切 居 劾 之安 彦 都 日 疾 E 書。 仗 既 在 願 其 狀 博 知 禁 後 不 又 己 卷 朝 不 樞

> 於 無 官 也 醮 留 我 書,③取 損 天 危 ? 壬 殿 門 ; 2 留 祈 宿 于 不 惟 起居 宿 之 白 宫 任 福 必 受 軍 殿 西 於 中 下 戌, 畫 其 令狀。 大 鎖 中 廡 TI 欲 得 慶 F 者。」 軍 無 何 出 志 見 **\$** o 殿 疾 志 名 爲 人 聰 白。 志 小 彦 聰 禁闥 兩 邪 聰 日 兩 間 等 博 辛 府 ? • 府 等 仍 0 白 西 畫 日 6 素謹 謀 豈 自 汝 命 . 夜 文 兩 4 故 今疾 以 曹 可 直 焚 今何 府 彦 E 愿 不 自 香 省 求 博 勢 躬 \$ 事 白 設 及 引 詣 論 建 宰 不 小 宰 夕 至 寢 故 議 寧 兩 幄 有 相 殿 設 諸 事 欲 府 宿 中 增 知

8

^{●「}大」,原誤作「太」,據《涑水記聞》卷五改。

^{2 「}小」,同前書作「稍」。

[「]省」下,同前書有「官」字。

^{● 「}白」,同前書作「日」。

⁶ 省去稍覺不妥,故校出之。 賜 間下, 在 京諸 司 軍特 前 書 :支錢 有 「暫 按 出 御 其 崇 間 政 事涉 殿 以 壬戌、癸亥兩日 安 癸 亥

先 欲判 者 博 沆 以靖 許 博 求 聰 見 洄 候 何 然則 如 ? 1。」彦 於 判 等 穿六漯渠, 是,富弼 欲 見 懷 口 Ŀ 狀 此 衆。」 F 狀 . 爲 夜 執 不 德 斬告變者 |懷德 此 志 博 開 尾 則 變者 敢 政 口:「陛 可 間 卒 聰 ,斬於 衆 以 違 張 白 保 有 用 等 日 沆 以 皇驚衆。 平?! 事 : 多政 朝 0 怨於彼 執 人 難 . 爲 判呈上 下 軍 横 政 旦,素入白有禁卒告 之,平 在 知開 然。 Ŧ. 文彦 都 李 違 門。 欲 雕 堯 日 軍 豫 仲 虞 收 封 臣 故 . 職 乃 彦 9 誣 昌策 章 及上 博 捏 時,彦博擅 E 可 府 候 捕 道 博 中 召 之 其 事 意 按 E 某 最 膝 乃 殿 耳 保。」 疾 富 乃 : 素 治,彦 北 請 自 爲 0 甲 前 乃 解 愈 夜 丽 京 此 謹 澶 請 當 平 者 都 彦 印官 責 劉 留 際 沆 斬 良 指 州 章 叹 博 博 相 初 之,志 守 告 誅 宫 都 三班 何 商 彦 事 揮 判 E E 門 之。 彦 之 虞 胡 反 彦 劉 如 使 門 博

> 狀 隆 昌 有 以 也 詰之日 同 上 廷 喜 執 一、令司 É 制 體 聽 朝 何 狀抗言: 色。 政 素 執 也 不安。」文彦博 彦 得 。 **2** , 政 恶 天官二人 博 亦 輒 一汝 日 弼 彦 繼 預 後 列 博 隆 數 或 陰 或 今 問 結 視 所 日 家 日 天 不 家 俟 教 内 大 而 有 文 一人 知 不 以告。 对 懷之, 侍 事 也。 變異 所言 其 ·當穿 府 ? 右 又上 意 聚 史 班 不 乎? 有 汝 河 處 志 既 汝 副 罪當 以示 言 所 於 於 聰等 職 丽 都 在 北 請 所 對 召二人 大 知 未 方, 族 同 當言 以 慶 皇 武 列 其 致 殿 有 繼

2

⁰ 府始 居。百官 志聰 兩 入福 等 Ŧī. 不 寧殿 E 敢 違 卧 内 句 奏事 下, 甲子, 涑 兩制 赦天下」等 水 近 單 臣 E 酒語 詣 Ŧ 内 有 按 東 是 F 其 E 間 問 起 事 兩

寧 公執 公宗臣 府 醮 耳。 之。 之則 H 也。 前 退,彦 耳,未 位 善。」 奴 悔 一,彦博 罪 人 一意博 不斬 敢 守 网 《記聞 乃 年 繼 戊辰以後,上神思 懼 門親 事 既 府 爾 博 欲 守 隆 彰 更言六 妄言 韶升之位公下。 潞 復 乃 而 始 治 門者、天子違豫、禁中 事官送開 色 默 日 遣 灼,於 以 公 議 分 义 汝 變。 . 不 三人 Š. 狀 爲 番 「彼 遣 罪 敢 何 示 漯 封府 μĴ 樞 歸 樞 彦 不 對。 中 不 往 自 密 在 百 密 天官定 第 薩之。 博 斬之?」 敢 宫不 使 列 今 東 使 £ 日 二人至 輒妄 浸清 不 武 無 北 德 日 門户 公言 陳 明 歸 安。」 繼 用 非正 一六漯 得 Н 列 升 声 開 彦 寧 者 隆 觀 贵 復 皆 謂 便 之 六 得 博 各 日 衆 汝 門 於 有 爾 同 憤 安開 漯 拜 壬申 北 列 宿 或 直 京 皆 人 怒 中 相 日 0 邪 朝 於 教 請 無 恐 師 狂 書 日 E 之 樞 以 罷 治 其 害 留 愚 方 斬 昨 潞 .

> 慶 州 事 爲 陛下即 爲,務 張 知 密 有 者,更張之過 理 源頹 此 廢墜 公言爲己發,故力排之。 軍亂 不不 使 知 白 無 將 敢 合人心, 如 位 位 上 不舉之 紊亂 以 宰相 西 卒取 以 府 去民之害,何 晉風,兹 來 耳。 人 朝 處 以静 議 著 禍 厲 者 耳。 敗。 祖宗法 精 上 獨 重爲 文潞 乃益 求治,而 王 從 臣 曹 爲 之。 未 荆 先, 忝 利 公 爵[不 公 必 文 用 日 也 不 可 臣 嘗 日 不 人情 温 宜 ? 公 口 在 蓋 朝 粗 日 偏 E 荆 若 所 未 録 廷 知 曾 但 安 義 萬 以 施

于 管在 尼 言 敬之者也。 全 輻 父師 彬 湊 事 以以 或 察。 富弼 有 旦,密人,本選人,屢 佛事之。 驗,遂爲尼,名惠 尼嘗適 李 柬之姪女二人事之,王樂道 東之、 人 嘗因宦者言 生 肅之宜 子 後 普 爲 爲 以 輔 贓 土 邵 相 鬼 失 庶 亢、 所憑, 官 皆 遠 石 近

熈

分謗。 詔 命 臣 下皆有之,文公獨 李 京 但 東 氏 不 差官按之, 甥 温 知耳 公日 爲 其 録 知之亦當 母 首 無 得 傳 諸 省妖 上問 公書, 有 書。」時 其 教,收 自 故 韓 人美 文 下 曾以 日 獄 其

韓 也 魏 慢 録 之,公着 庭 死 魏公留守北京,李稷以國子博士爲漕 絢 公爲 ,只八拜。」 訓之。」公至北京,李稷謁 失教至此。 ,我門下士 公不 留 道 守, 服 爲較,待之甚 也。 稷 未 吾視 出 不 至 闡 莊 獲 楊言 稷猶子 稷 己 之 敢 日 如 慢魏 云 禮 也,果不悛 數拜 一面 見,坐客次 公,必 李 俄 之。 父,吾 稷 潞 《聞 以 之 公代 客 將 父 頗 見

文潞 卞 公判北 上不 問 初 京 有 謁 汪 宅,久之乃 潞 輔 之者 公 方 坐 新 出 廳 除 事 運 輔 閲 判 之已 謁

> 禮 輔 之,輔之 寬之。」 北 檢 鑰 不 之。 上 白公,公不答。 舊 頃 不 許通。 日, 門,細 將 奏 按 不 例 令沐髮,●忘見, 堪。 付潞公, 也 可請 輔之移文定日 ,監司至之三日 會 别 監 既 皇 監 有 務 輔之坐都 鳥 密 見,公禮之甚 司 恐 處 不必勞心。 司 乎 | 劾潞 輔之怒,破架 皆 逃 置 有云「侍 日 1 愧 是日,公家宴, 歸 公不治 之語 神 老 謝 運 廳,吏白 檢按 託 宗 判 謬 中 眷 按 府 輔 因 勿訝 一簡 無 潞公得之不言 舊 府 部 之小 遇 閣 必 出 神宗 治 德 大 庫鎖 作 謂 侍 庫 以 御 臣、 狀,幸諸 臣, 出 中家宴, 會 輔 日 批 故 内 批 通 之 :「家人 以 沮 敢 公 外 煩 輔 亦 判 沮甚 未 示 抑 故 卧 之 無 事 爾 以 輔 君 匙 小 從 無 護 所 並 次

●「頃」,原作「須」,據《邵氏聞見録》明鈔本卷一〇改

如

此

可

謂

聖矣

聞

見

録

元 豐 緣 定 等 仁宗感) 功 論 卒 宰 仁宗 至 事 北 史官。」公乃 之 故 就 絶 前前 雖 相 和 都 椎 _____ 其 臣 功 輪 大 不 年 有 以 過過 文 彦博蓄 後 後 悟 豫, 内 ·, 王 子 事。 請 來 彦 於 不 闕 不 厥 止 明 博、富 至 開 相 事未 中 言 堯 人 申 有 其 蓋 和 納, 具 德 揜 外 外 覲 臣 前 攸 父 時 琦 中 奏其 果 之臣 神宗 寒心。 深 忧 子 大計遂定。 」會 弼 詔 在 勳 外 , 等功也。」神宗曰: 行。 厚, 發端 同 請 耳。 搢 乞立 詳 卿 嘉 始 老言 以 立英宗皇帝 善 紳 先臣 宜 至嘉祐 祐 得 爲 問 E 不自 皇嗣 盡 於 之 難 本 莫 . 公公 如 參 録 是 末 有 詔 伐 丙 者 預 至 本 末,韓 對 手 潞 知 古、 甚 和 末 朝 但 日 懷 詔 祖 公來 者 乃 衆 爲 政 宣 此 霍 中 知 將 意 琦 嗣 年 之 議 自 自 援 今 大 光 E 等 書 臣 付 與

之諸 則韓公之力,不可 英宗之譽布於諸公、 以 皆 堯 晏駕 堯臣之弟正臣, 嘗爲宗室説書 遺 嗣 出 辭。 公自北都 分其功,辨之不已。 臣 有 耳 未建 -0 歸 臣 瘳 相繼乞選立宗室子,乃定立十三 榮之。 ,神宗悦焉。 詩 子同 即 公。 老於洛。 ,皇子踐祚,賞定策之功,以韓公爲首。 遂 以 宴 宰相 岸 老上 諸公亦舊知之,乃定議草奏書 寵 餞 召對,上 加 ○≪龍 堯 文、富 其 瓊 公 書,繳進 會文公人助 故 臣 行 林 河 間 誣 私收奏本。 Ш ,有「報 則始於堯臣 也。 文公之罷平章重 時 東、 以 韓三公 志》云: 輔 諸 元奏。 至 臣 公、例皆被賞。 和 永 又《記 郊 方 繼嗣事 皆 至和三年,仁宗始不豫,皇 在 興 饗,神宗訪之,公具 時 後累年,❶ 官,知十三使之賢 議 不言 預 加 節 諸 所 聞 公惟文公、富 使爲皇子。 、公對 其爲 立。 *\frac{\times}{\times} 度 兩 事 功」之語 使 遣 皇子 參 圃 即 由 韓公當國 日 元 韓氏諸 知 欲 此 中 及 豐 公 政 故 上. 嗣 中 元豐末 謁 及仁宗 臣等備 事 也 而 復 公 寶 奏所 即 文 子 王 E 位 在 力 伙 公 疾

憮然有 位 輔 或 兩 府 當 間 守 而 澄之徒 此之際 善之。 用 議 事 繼嗣 於中 乃 ,故臣等得効其忠懇耳。」上 職分耳。 然亦 幸 值 時 無李

元 豐間 言 公謂 耶? 幾 以 監 河 有 日 吾未 先公爲 : 南 理 就 IE 司 中臣 問問 第 彦 義 知 微 博 視 姑 義 府 文潞 爲 博 問 府 廟 君 府 問 復 聽 臺 官 罪 見監 謪 坐 曰 當避 轉運 事 官 召 之。」明日 公以太尉 ",召 如 殆 官 見 還 0 常 有 監 司 之。 臣 判 相 彦 嘗 公見 失 矣。」 儀 可, 官 未 宗 博 位 言 於潞 焕 召 朝 府 留 亦 潞 退 義 或 即 庶 唐某,臣 日 守西 罷 官 謂 公,今 問 先 交 公 以 上言 僚 : 相 其客 參 間 府 也 聞 也。 京,未 唐 判 潞公所 政 之, 事 公、公 豊 許 不 尹 介參政之 ___ 爲 既 復謂 敢 唐 以 挾 焕 州 交印, 交印, H 某 爲 次 爲 日 諫 未 焕 見 必 所 恨

> 潞 此 用 帥 公之言 宗 荆 公爲平 與 南 用 闡 彦 見 彦 博 至感泣 録 烏 章 博 同 乎 重 芦 執 -事 起 自 政 參 潞 薦 此 相 政 公之德 義 出 知 通 問 人 爲 判 以 潞 深 潭 度 集 公門 州 絶 賢 義 人 殿 下 尋 間 蓋 修 聞 至 撰 後 如 大 潞

元 豐五 時富 乃集洛 公以 以 防 席 厦 十六、太常 洛 禦使馮 汝言皆七十七, 「耆 中 韓 可 年,文潞公以 公年 風 中 徒 英 致仕 公 俗 行己皆 少卿 堂。 七十 卿 尚 潞 大 监 趙 命 九, 夫 年七十五,天章 不 公慕 太 朝 内 閩 年 尚 尉留 議 文 祕 官 德 唐白 潞 大 鄭 書 高 守西 夫王 就資 公 奂 者 監 樂 與 繪 爲 劉 天 都,時富 聖院 尚 司 耆 像 几、 九 閣 恭 封 堂 英 老 待 建大 衛 年 郎 會 中 制 七 韓 州 中

■「公」、《邵氏聞見録》卷一〇作「君」。

過 言 偉 水 出 富 其 傳 富 故 未 公, + 會 中 禁 pî [Ŧi. 馬 每 竹 公宅 温 事 当 建 會者凡十二人。 二公之後。 七十,潞公素重其 大 可 願預其 行 林 請 夫 公與數公又爲 餘 公像,又 時 中 宴集,都 丙 馬 皆 ,食不過五 亭 作 人會。 宣 張 午 朝 郎 次 第 徽 問 之 會,年七十 人 議 中 勝 爲 使王 也 之北 大 龍 日 人隨 温 潞 會。 會。 諸 夫 0 圕 亦 公辭 拱 公不 味, E 閣 京傳王 真 觀 老 潞公以 繪 程 洛 辰 至 (人,用 慎言 直 唯菜 率 之。 像 鬢 以 富 從 太 陽 留守北 0 學 於 會 中 眉 晚 多 公 皆年 一公像。 \$ 士張 2 資 地 獨 無 進 唐 潞公又爲 皓 珦 名 會 鄭 主 限 聖 不 九 司 有 白 袁 京 七 席 送 奂 続 院 攜 老 馬 約 万 貽 古 十二 敢 衣 羊 自 皆 楚 於 狄 可 妓 温 刹 班 冠 樂 是 幕 正 酒 其 封 司 兼 書 年 酒 公 文、 後 汝 甚 就 後 謨 潞 不 甲 有 不 預 年 太

> 之甚 竚 院 盛 違 瞻堂, 温 約 事 肅 也 增 公取 飲 塑公像 《聞 洛 食 神宗 見 之 之 録 數 土 送公 其 罰 庶 中 判 又 冠 生 河 會。 劍 南 祠 偉 詩 潞 皆 然, 公 洛 隸 於 都 陽 于 資 牓 太 聖 事 平.

元祐 倨 不 畏 道 吾 事 日 曰 以 去,時 之。 召召 自居,每 初 視潞 ",哲宗: 布 潞公三朝大臣 屢 程 潞 衣爲 公之恭,議 年九十矣。 日 IE 公對 幼沖, 侍 叔 E E 爲 師 太師 上 講 崇 傅, 恭 起文潞 政 甚 色 少 事 其 或 者 殿 甚 休。」公 進 敢 謂 以 幼 説 公 莊 士 不 爲 IE 主 書。 以 自 唱 繼 叔 未 平 頓 不 名 重 日 以 盡 章 正 首 得 「言「君· ? 諷 侍 叔 軍 謝 不恭 諫 E 吾 了 以 或 叔 Ý. 頣 終 師 重

② 「後」,原作「夜」,據《邵氏聞見録》卷一○改。 □ 「旦」,原誤作「且」,據《邵氏聞見録》卷一○改。

羌首 今,洽 服 奉 潞 於公,邊 拱 쪰 却 使 手 酢 立 詔 在 公 合者見 者。」 領 事 所 曰 改 館 朝 聞 有 物 容 以 客 更以 强 其 契 間 温 不 記 天 雖 容, 與 丹 谿 其 同 . 聞 下 精 使 使 雖 心 年 也 未 此 異 者 練 者 詔 耶 ___ 專 聞 潞 少 聽之。 請 人 門名 人 識 律 其 公 也 年 覲 永 者 語。 於 ! 也 何 有 昌 家 服 望 邊 《東坡 耶 壯 其言。 有 不 公既 其 見 劉 吏 ? 也 及 不 總 公 霄 -, 逮 所 願 歸 一殿 理 來 貫 。」使 獻 謂 聞 摊 洛 門 庶 聘 穿 見 良 以 \Box 録 古古 者 軾 馬 九 德

潞 公凝 位 秦州 如 兩 一府 體 恐 以 隆 太 簡 不 大 及 貴 莊 師 换 名 致 重 節 而 邵 仕 水 顧 平 鉞 雍 興 英 眄 居 位 程 傑 有 接 Ŧī. 將 顥 威 威 物 判 相 以 0 重 加 謙 道 五 逮 南 名 學名 挹 + 事 聞 尊 徧 餘 兀 四 世 德 歷 年 朝 夷 公 樂 居 荐 再 孤 善 雖 守 更

> 爲 陽 題 公與 其 墓 之游 爲 明 從 道 其 先 密 生云 及 顥 死 既 親

至 博 耶 又 人 始 左 色 燕 氏 至 和 如 執 日 口 等,外 問 . 用 右 ? 上日 中。 任 中 此 死 得 故 默 文彦 數 乃 宰 臺 卿 陳 非 獄 因 有 日 議 티 : 相 彦 意 議 官 執 所 思 問 久 博、 久 _ 博、 如 歐 : 不直 趙 中 如 代 思 上 不決。 翰林學 何 何 富 代 抃 爲 陽 此 慮, 執 ? 丽 ? 丽 宰 脩 老子 執 中 果 范 因 焦 相 脩 得 脩 中 者 士 如 左 言 師 勞 陛 人代之, 對 日 右怪 何? 具 却 者 乎 歐 其 道 0 見 下 ? 口 易 陽 嬖 以 極 於 上 執 比 朝 謾 仁宗 言 人 誠 得 脩 間 容 脩 上 中 憂 議 朝 張 如 人!! 久之, 耳 亦 執 . 色, 無 日 勞 議 禁 外 氏 爲 上 中 材 何 見 皆 居 議 對 新 中 書 誉 答 至 於 陛 除 少 謂 然 請 月 女 救 F 此 容 彦 得 餘 遊 隸 退 張 不

謹 意 前 顧 然不若守前志不變 好,今復來,恐多顧 日 有 深爲 畏,後因 慮 用彦博等,復問 「彦博 少所 所 左 人 建 右 所 有 郭 明 了**,** 上 中傷 才 申 Ó 然 錫、李 由 皆 , 其 今來 滌大; 如 此罷之。 也 慮。」良久,又曰: 如 所 0 修争 何,臣 亦焉 料。 既 丽 而 塞 弼 能 前 彦 所 南 河 豐 亦竟以 博 不 在 未 事 雜 果 政 顧 喻 識 彦 慮 府 不 多 博 能 E 弼 甚 ?

三之二 參政趙康靖公

察 滁 林 漣 中 在 爲學士。 州 進 水 京 軍 士 公名 刑 召 第 獄 ,授將 修 人 復出 知 爲 起 居 開 制 作 叔 知鄆 注 封 誥 監 平, 以以 府 丞 州,徙應天府,拜 應 推 出 天章 天 官 通 知 蘇 府 判 閣 知 海 虞 州 待 洪、 城 州 制 青 翰 知 糾

> 宗 十六。 以 御 太 即 史中丞,爲 子 位 少師 以 觀 致仕,後十五年卒,年八 文 樞 殿 密 副 學 士知 使、参知 徐 州 政 事 明 神

公七歲 及。 時 顯 於 文 蘇内 時 人 加 • 劉 孤 翰 筠、 篤 撰 侕 神 其 戚 學自 道 器 綸 碑 識 黄宗 力。 宏遠 年 旦 十七舉 則皆 一皆稱 自 其文 進 以 土 爲 詞 當 必 不

天聖五 判海 至其 家。 州。 年 , 擢 곆 歸 進 道 見父老故人,幅巾 碑 士第三人,授將作監 徒 步,人人 丞 通

出 肆 知 故 爲 盜 洪 州 賊 不 配 法 屬 , 前 流 吏 已 守 有 而 莫 鄭 選 能 陶 充者 制 饒 奭 州 奭 者 有 與 歸 挾 郡 持 化 人 兵 郡 胡 事 皆 順

^{●「}文人」、《蘇軾文集》卷一八《趙康靖公神道碑》作「聞

具奏 笑不 之共 夜者 陳 悪 答。 (),徙 一、公即 有 造飛語 奭 怨言, 會歸 歙 斬 以 州 以 動 化 不 徇 卒 公,曰 更給 郡 有 收 股 自 陶 善 一二二歸 栗。 容 下 米, 獄 州 《神道 且 化 戍 得 有 所 兵 其 碑 變。」 得 逃 兹 還 廪 贓 犯 米

知 青 是 歲 州 夏 賦 税 税 先 未 À 月 中 辦 限 0 @神 勑 縣 道 碑 不 得 輒 催 科。

原 怒, 韓 時 從 韓 叔 乃 知 居 脩 一、范出 爲 子 除 注 制 _^ 獄 范 以文學爲 龍 晟 天章 浩, 是時 、
槩性 急 者 妻 趙 圖 群 皆 一, 與 乃 閣 槩 閣 重 欲 臣 復 待 與 直 近 韓 厚 人 文 除 制 無 歐 學 淫 范在· 臣 寡言, 敢言 致 知 ,緊澹然 陽 土、 亂 不 脩 制 脩 脩 河 事 計 。 可 者。 罪 中書,以槩爲不 百 以 覺, 意 北 不 在 閨 槩 會脩 輕之。 都 館 語 以 房 與 乃 轉 屑 連 及 曖 甥 上 甥嫁爲 意。① 運 及 亂。 昧之事 書言 及 同 僧 使, 脩 修 文, 及 除 L 疾 脩 脩 起 .

> 之。。 悦 先 服 輕 晓譬槩令求出 之,脩終坐降 亦 進, 翼 薄 加 汙 《記 除 皆 所 不 衊 翰 惜 聞 爲 可 林學士 之懼 者 超 臣 爲 朝 迺 與 越。 知 廷 脩 出 槩 2 制 大 槩 蹤 知 浩 亦 奏 體 復表 跡 蘇 澹 雖 知 耳。」 素 州 然 滁 不 讓 疎 如 報 州 書 遭 脩之 以 平 9 奏, 吧 時 歐 H 執 去官 陽脩 論 待 政 美 私 臣 不

會 郊 ±, 以 封 祀 ●當進 擬 母 郡 封 不 太 久矣。」公日 君 階 字 封, 相 且 爲 任 公 . 子 日 母 京官。 方方 八十二, 爲 公乞 學

^{●「}然」字,原脱,據《涑水記聞》卷三補。

② 「越」下,同前書有「爲學士」三字。

③ 「時」,原誤作「持」,據同前書改。

⁶ 0 「祀」。 爲 同 蘇軾文集》卷 前 書作「謂」。 一八《趙 日 康靖 同 前 書無。 公神道 碑

⁶ 方爲」二字,同前書無。

^{→ 「}母」下,同前書有「年」字。

三七0

請 聞 遂 訥 朝 少待也。」公不聽 郡 母 夕 同 以 以 爲 不 病 判 便 不得 流 例 可 親 内 期 銓 改 出 願 知 宰 幾 及 遂 審官 若 相謂:「 今 訥 不 除 以 院 言 能 蘇 爲 旦夕爲學士 生。」公矍 州。 判 「往 榮。」 祕 《神道 當 閣 許之。 與高 知 碑 然 貢 舉, 若 即 後 口

姦人冷清,●詐

稱皇子,遷之

江

南。

公日

.

以 太子 E : 朝 林》 著 士 廷 文 雖 一百二十卷,奏之。 爲高 「士大夫請老而 少師 一憂國愛君 退 休 致仕,居 Ш 得 林 卿 爲 未 所 事。 睢 嘗 奏 陽 去者,皆 書, 集 + H Ŧi. 古今諫 知 上甚喜,賜 志 年,猶 有 以 也。 志 聲 諍 當置 愛 迹 以讀 爲《 君 不 之 諫 坐 至 詔 書

> 公爲 公自 脩以 不能 徒云。 掩惡 實 下 獨公抗 爲 進 ·不可 無 人樂易 奏院 雕 故 平。 天下稱之, 揚 所 始,歐陽脩 善以 得 以 章 陽往從之游, 怨 深 全。 天下 怒, 言 及脩坐 以 中 群 德 非 「脩 公既老,脩 法爲 庶幾漢 恢 飲 報 特 累對詔 無罪,爲仇 躐公爲 怨,出 然 得 不 仇 偉 樂飲 罪。 形 人報 劉 人 於色 獄 於 知 寬 也 亦退 公言 旬 制 至 怨。」上 人莫敢爲言 日 唐婁 圃 一誠,非 誥,人謂公 平 、所傷 預 居 己。 生 汝陰, 會者 蘇 師 感悟 —與人, 舜 徳之 專 强 皆 欽 勉 務

右

以以

時

省閱。」《神道碑

^{●「}冷」,原作「冷」,據《蘇軾文集》卷一八改。又《宋史》

❷ 「公」字,原脱,據《蘇軾文集》卷一八《趙康靖公神道

母 「陰」,同前書作「南」。
③ 「所」下,同前書有「中」字。

《神道 償 案 至 海 公 朝 不 、浩侵 於 可。 官。 坐 Ė 廷 時 碑 敦 一,勞問 貶 福 名人,若舉而棄之,失士 以己 六年 尚 用 公曰:「浩,吾同年也,且 義 公使錢三十萬, 嘗舉張浩 賙 ', 2 舊,❸葬死 俸償之。 給之。 加 憐 , 0 浩以 浩終 代馮 養孤 公所 不 浩 當以 蓋 贓 爲 衰 爲 敗, 大 大 鄆 不 浩 間 大夫望 略 知 口 州,吏 竄 職 使 勝 如 其 海 人 田 數 非 此 貧 舉 至 租

蘇 計 内 百 成 無 謂 占 是 ,登進 翰 有 長者,絳 世 豈 親 餘 軾 載 近近 銘 効此子 其 嗇 於弱 清净 公之碑曰:「惟古任人、仁義 在 侯、 夫。 漢 義 無 相 孝文,發政 、喋喋 赫 有 爲, 如。 臣 赫 近 於迂。 釋之, 巧諛。 我 監 皆訥 宋 于 之初。 暴 以 實矢厥 於言 帝 課 秦。 聖 用 其 繼 感悟 功 有 歷 欲 神 謨 利 祀 以 П 若 世 老 是 於 利 四 歲

> 敦 跋。 授 愠 此 知 德不發。 以政立 銘詩 ()鄙夫 其 ,用之不懌。 、賢。 豈獨 公在朝廷,靖恭寡言。 祖 以 以 歷 如歲之春。 望其 左右,刑於 如 詔後 寬。 佐 圭 三葉。 容貌 如 昆。」 今其 帝嘉 壁, 亡矣,吾誰 有 其 庶 招 如 濟 民。 心 耻 金 于 延 長 丽 如 不忮 艱 朴 惟 悛。 錫。 者之傑。 難,不 忠,屏 時 與 不求, 趙公,含 薄 置之 存 夫 疐 遠 以 作 孰 遂 佞 不

三之三 參政吴文肅公

公名奎,字長 文, 濰 州 北 海 初

0

下文兩

處

浩」、《 概傳》亦作「誥」。 蘇 軾 文集》卷 八作 譜 同 《宋史》卷三一八

² 六」、《蘇軾文集》卷 八《趙康靖公神 道 碑

³ 同前書校《宋文鑑》引作 契一。

三七二

事。 林, 注 年五十八。 通 五 遷 同 拜 權 尋 經, 知 知 判 樞 發 以 諫 後 制 陳 遣 密 資 院 舉 州 誥 副 開 政 賢 使。 封 殿 良 出 人 知 府 大學 爲 方 知 壽 神 密 右 E 州 宗 出 + 州 司 人 守 初 知 等 諫 人爲 鄆 青 還,修 拜 改 擢 州 參 復 翰 起 太 林 知 人 起 居 常 政 學 翰 居 舍 博

始,公爲少吏,❶晝則治 失 臣 忘,作爲 大臣,交口 不寐者積二十 九 得言 事,又 事,於 文章 欲 稱 薦。 召 是 實實 餘 見 覈 年 及遷 疏 口 有 0 論 論 公事 法 性 太子 事 取 度。2 既 , 仁宗深器之。 士法 , 開 中 夜 輒 舍, 敏 及時 繇 讀 自 是 彊 書 政 中 記 以 得 嘗 朝 外 不

公始對 諫 官 遂 策, 專 極 以 論 禁 内 降 切 左右。 恩澤之爲蠹 於是近 政 也, 臣 有 及 承 在

劉

貢父撰

《墓誌

其 徽 宣 爲宣 度。 上 受,公奏言:「 然。 事 後莫有 廷用之救 容,容之,不 用 使,堯 徽 他 又著令,后 也。 僥 中 微 排 使。 又張 御 旨 倖 擊 使 E 以 史 ៣ 佐 雖 公連 非義 有 堯 立 事 過 不言者, 出 知 已得官 罷 言事 佐 能, 告 失, 知 妃 應 上 御 不 以 御 河 罪之可 救 之 天府 使其 間 後宫 史 非 疏 史者矣, 陽 坐 家 解 皆褫 擇 極 其 而 過 事 擇 是 不得 諫 戚 於 實 是 也。 下 失, ,數妄作 時 奪之。 之不詳, ,終之承 風 者, 屬,自一 -遷,及 後 是自 郭 聞 條 爲 若求 遂 詔 承 舉 執 不 以 蔽 詰 祐 群 朝 善 言 政 復遷官 主 祐 不 朝 j 間 以 寒 廷 臣 政, 官 事 奪 使 其 廷 中 舊 從 爲 有 云 顯 宣 爲 恩 能 朝 誰 法 耳 則 因 肅

² 0 實 少 覈一 劉 同前書作「覈實」、較長。 邠 ②彭

休 不 用 咎 從 才士,巨 而 舉 嘗 細 人 但 疏 事 己 密 也 消 一,荷 復之應,上 時 爲 因 有知,必言 天 變,爲 常常 聽受之。 F 一言之 推致

奉使契丹 《墓誌 許, 當。 州 往。 與 次之,其 賀。 虜 O 亦 使 至 虜 墓 是 遇 了,虜中 主 公自 殺 誌 與 /,虜 喪其 虜 其 漢 以 人紗 群 人衣 禮 使接, 守義 使 臣 0 事 冠 服 爲其主加 坐 甚 有 衣 以 是二 邀 職 服 重 金 漢 之。 賀 冠 重 使 事 爲 稱 無 輕 盛 及 號 重 預 皆 服 出 謁 前 還 也 有 知 公 不 以 公使 紗 中 壽 不 冠 相 路 爲

公明 誌 罪 息者,至 師 ,徙之遠方 富 於 從 人孫 政 評 氏,京 取 歷 物 兩 豪 産 師 郡 猾 及 大豪 斂手,聲聞 皆 其婦女。 著 辜権 治 稱 財 公發 赫 利 及 然。 其 負 領 《墓 宿 京 其

> 初,仁宗皇 禮部 言。 定計 勸。 係。」 諫 有 在 所 官 西 掖,有 其 侍 也 已 置 及 即 郎 加 後 爲 《墓誌 爲 帝 以 皇子曙 學士 因 公辭 上言 儲貳之言。」人乃知公嘗密 春 維 大 秋 大 水、 : 不拜,詔 高 因 遂定。❶ 本。」公 奏 日 天 而 事 月 下 皇 冉 報不許, 蝕 大 英宗 嗣 上 拜 之 計 未 留 賀 變, 立,公 即 語 願 位 日 因 又 早 : 自 復 以 再 有 謀 卿 遷 將 爲 爲 進 所

神宗 未幾 不 密 日 ·押文德 副 初 御 立 使 吴 史 陳 以 奎 殿 中 輔 升 公 班 之, 爲 派 立 王 先帝 參知 因 有 陶 肆 輔 論 言 , 其 政 宰 立 事 詆琦 功 相 陛 0 不 韓 下 執 以 又 琦 政 之 爲 大乎?」 言 、曾公亮 功 跋 扈, L 樞

●「曙」、原作「御名」二小字。 按英宗初名宗實、嘉祐

青州 公附室 在 翰 琦 苑 朝 待 廷,并 罪 公復 家居。 相 自 疏 乃 劾 陶 公 出 違 險 勸 陶 詔 躁, E 知 待 朏 陳 妄 罪。 州 陶 摧 前 辱 陶 E 大 手 亦 公 臣 詔 亦 上 出 疏 除 不 守 詆 宜 熘

神宗 或 陰,子者 但爲小人黨盛耳。」上不懌。《温公日 之陰,皆 問 政 府 父 誰 地震之 宜 之 爲 戒 陰 陰? 之。」上問 婦婦 變。 者 曾 夫之陰 公 曾 日 公 長文,長 : 日 : 臣 夷 者 陰 狄 文 者 君 盛 日 中 之

韓 知 魏公嘗云:「吴長 王安石 『王安 一,以 爲 石 必 必 叮 强 致 文 性 太 有 很 平, 識。 不 唯 方天 長 可 大 文 下 用。 獨 語 盛 其 推 所

公初 周 宦。 恤 與 鄉 其家,嫁其二女焉。 彭 年 人 客 E 死于 彭 年 京師,公使 善善 稱 道 及它姻 其 Ę 能 子 族,有不 主 爲 把 致 名

後

果

如

所言。」《魏公别

録

之貧 能自 萬 以 買 居。 乏者。 田 存 鳥 者, 北 乎 海 爲 終之日 1 號 畢 可謂 日 嫁 娶 義莊 家 篤 又數人。 義 無 」, 以 君子矣。 餘 財 賙 諸 以 親 錢 子 戚 無 朋 F. 宅 友

三之四 參政張文定公

爲 滁 池田 諫 T 出 知 二年 知 父憂 蘇 學 滑 除 知 州 中 南 土 州 州 ,以茂材異 選 公名方平, 翰 徙 承 京 移 崑 服 林 江 通 Щ 學士, 帥 除 益 寧 判 縣,又以 秦 府、 州 神 睦 入覲 等 字 州 宗 爲三 州 杭 擢 安道 以三司 即 州 英宗 爲 賢良方 知 位 司 召 宗宋城 祕 陳 使。 知 人 初, 除 書省 州 使 諫 判 參 召 正直言 坐事 召還翰 人。 院、 徙 知 流 校 還。 南 内 政 出 知 明 京 郎 復 林 制 極 道 知

徽 除 调 師 致 南 中 立 闕 仕 神宗 院 太 除 除 使 宣 官 十五 元祐六年 判 徽 使。 應 使、 字 天 久之, 進 知 府。 薨 遂 青 ,年八十 州 復 請 詔 老 請 歸 公以 去 本 以 五. 院 英宗 太 乃 供 子 易 職 官 所

公年 下 書 屬 E 得 奇 文 嘗 十三,人應 未 其 材 就 嘗起 詳 也 一。」共薦 矣。」凡 借 草 天 三史, 0 府 之。 書皆 宋綬、蔡齊 學 旬 蘇 穎 日 内 閲 輒 悟 翰 撰 絶 歸 終 見 墓 人。 之, 身 之 不 日 日 家 再 貧 吾 天 無

通 其 之 喪 民 契 嫚 判 患 丹 衆 書 師 不 睦 盟 蹶 知 求 州 當 勞 將 公以 天 大 時 含垢 之憂 蓋蓋 名 下忘 趙 謂 以 元 匿 . 怒 + 兵 備 昊 瑕 朝 朝 欲 年 **將** 連 廷, 矣。 廷 順 民 叛 不 自 適 疲 而 規 知兵,士不 若驟 其 景 未 得 必 意 德 有 譴 有 用之, 以 以 使 盜 絶 來 發 未 以 賊 知 有 必 既 激 意 則 有 以 外 與 使 爲

> 爲 及 既 深 時 破。 勝 虚 欲 叛 發,得 兵,天下 除 寇 0 民 察 敗 萬 發 器 而 邊 士大夫見天下 然賊 兵 我以 ,以二人之論 小 力之完 我 而 必必 兵 爲 歲 誅 圖 國 師 騷 城 出 月 自 不 之, 全制 之, 用 自 千 動 至 之 無 口〕 延、 兵,三年 麟 里,我 屯 則 惟 常 名 頃 勝 其 渭 公獻 府 重 老 以 公 以 後、必 吏 以 渡 爲 兵 師 與 全 待 分 士 其 M 平 河 河 費 出 擊 而 盛 吴 之。 而 不 間 夏 東 不 財 於姑 不 - 勝 前 育 戎 直 賊 州 選 見 之道 十日 雖 + 百 不 示 必 專 元昊 其 息,遂 將 巢 勝 策 議 元 以 口 , 敗之道 負 上 厲 穴 也。」 雖 昊 爲 미 形 小 之守 土 屯 難 勢。 大 決 議 不 終 己。 醜 方 兵 略 計 者 折 堅 於 以 也 必 此 賊 數 皆 是 宜 用 以 則 決 必 不 城

「夏」、《蘇軾文集》卷一四《張文定公墓誌銘》作「興」

0

相 所 矣。」 吕 謂 夷 攻 然 簡 其 不 見 所 果 之 必 用 救 謂 其 宋 形 策 綬 格 《墓 日 勢 . 禁 之 君 能 道 爲 也 或 宰

方 從。 困 用 元 毅 於 在 揀 墓 昊之 陝 睦 赴 誌 保捷 或 而 所 西 州 闕 宣 用 刺 叛也, 毅 指 條 郡 河 兵二十餘 、驕甚。 縣 使 東 上 空。 利 無 禁兵 ,0公連 京 害 備 識 所 東 乃 八 皆 者 至爲 西 萬 事 上 西 以 命 路 人,皆 疏 寇。 不 調 圃 及是 争之 刺 從 額 諸 弓 外 自是民 公言 市 路 箭 有旨 与手。 守兵, 甚 手 爲 力, 不 爲 力 遣 恨。 大 使 宣 多 不 可

元 昊 張 事 下 帥 公安道爲 既 居 而 几 叛 路 長 四 路 戰 安, 陝 負 守 西 諫官、言:「自 不 敗 出 臨 几 罰 路 邊 皆 終 置. 精 取 不 帥 兵 決 及 , 夏 古 勇 焉 總 英 將 元 帥 公 既 帥 得 竦 遠 無 留 知 制 真 爲 不 不 身 誥 麾 及 總

> 各任 便。」 通 爲 自 干 總 帥 路 至 之實。 義 它 失 大 於 帥 對 其 路 律, 朝 將 敵 也 將 使 事 者 廷 軍 佐 雖 四 乞據 從 馬 今夏竦 有 蓋 皆不 遞 齊 路 之。 敗 謖 始 相 相 帥 四 之敗 於 問, 舅 臣 元 路 端 晉 英 此 報 帥 敗 坐 文 公 自 有 必 降 事 長 霸 《龍 降 總 隨 任 任 安, 主 右 知 宜 戦 帥 Ш 加 將 其 志 守 之名 别 救 未 以 亦 責 軍 之 應 州 嘗 責 親 計 罰 臨 履 於 丽 諸 此 而 敵 行 古 事 有 無 葛 兀 而 陣 罷 諸 亮 事 總 今

慶 兵,而 曆 公慨 布 至 元 然 + 年 賊 E 餘 , 亦 西 疏 干。 困 方 弊, 用 元 : 兵已 昊 不 陛 得 欲 下 六年矣。 自 耕 猶 致, 牧 天 休 地 息, 其 父 母 道 虜 既 也 無 中 益 由 豊 疋 厭

②「致」,同前書作「通」。

年 稷 夷簡 赦 與 日 曲 勿 之福 是 絶其 元昊始 彼 此犬豕豺狼 引咎示 , 0 讀之,拱 善意 也。」是歲 雖 吾 天地 信 請 心 降。 也 手曰:「公之言及此,是社 開 若 較 鬼 。」命公以 《墓誌 其 猶 勝 , 神,必 赦 自新之 不悛 負乎? 書 開 將 疏 誅 亦 諭 路路 付 之。 足 如公意。 願 申 中 以 因今歲 敕 書。 怒我 仁宗喜 邊吏, 郊 明 而

權 知 欺。 《墓誌 事 1 開 ,2公獨 無遺忘,❸ 封府、 不 府 ·用,默 吏民大驚,以 事 至繁,爲尹 記 數 白 人,以 者皆置版 爲神,不敢復 次決 以記 遣

元昊遺使求 公上 束 隙 納 「則理 ,使來約我,請拒 元昊,①故 議 難 . 通,已在界上,而 拒 爲 書 絶 答 詞 書 仁宗以 如 絶 此 日 其 :「元昊若 是 使。 書示公與 拒 契 契 時 丹 丹 主 與 而 盡 者 元 宋 ノ昊構 欲 納 如 祁 約 遂 元

> 詔 之理 今聞 若 時 遣 乎 昊,得新附之小羌, 則 封 人 封 使 聽 ? 册 八爲 卿 矣。 伏 册 元昊,6而 侕 若 其 莫行 言 招 絶 朝 是一 不 誘 之, 精 廷 卿 聽 契丹 識 矣。」 則中 宜 納 舉 契丹 則 審 卿 邊 加 墓 如 契 或 誠款 處 户 誌 失二 此 之使 面 丹 無 其 ,失舅甥之歡,契丹 失久和 之 復信義 本 事 於 虜 再 恕, 西 9 也。 緣 但 至 北 必 之强 能 嫌 契丹之請, 當賜 爲 水 自 隙 終 斷 兩 是 虜 朝 不 得 元 招 除 始。 也。 昊 聽 0 懷

室 將 相 對 賈 昌 昌 朝 朝 與 使 參 人約 知 政 公,當以公代育。 事 · 吴育 忿争上 一前,公 公怒

8

^{●「}曲」、《蘇軾文集》卷一四作「怠」。

② 「置」,同前書作「書」

[「]了無遺忘」,同前書作「不遺毫釐」。

[「]主」,同前書作「議」。

^{□ 「}册」前,同前書有「若已」二字。

仁宗, 又《荆 朝 叫 極 論 遣 公日 求 爲 人 0 執 録》云: 邪 政。 罰 此 其 IE 衆。 言 荆 神宗嘗 曲 公言: 何 直 爲 言 方平爲御 至 然 方 於 育 ¥. 我 卒 11> 史 中 時 哉 罷 好 水 進 再 掌 墓 既 附 誌》 自 賈 F

前 宰 三司 報 老 仁宗大喜, 知 未 也 税 北 也 日 ? 上 相 伐 之,當直 下 相立罷之。」公曰 而 豊非 恩 率 使 周 仁宗 弛 父 拜 公見 王 世 老 其 迎 且 拱 再 宗 以 驚 命 遮 禁,世宗許之,今 於 搉 刻 辰請 上 手 搉 公 道 日 澶 詔 乎?! 仁宗大 詔 問 河 密 . 泣 州 搉 書 罷 北 日 撰 訴 :「法雖 河 北京,至今父老過 始 爲 鹽 手詔 不 北 ___ 立 佛 犯 願 口 河 鹽 法 老會者七日, 以 下 自 輒 既 北 未 悟 鹽 之。 兩 非 有 處 再 下, V 日 課 税 冉 司 死 搉 法 均 民 鹽 河 出 也 鹽 矣, 之 朔 也 已 卿 錢 世 其 宗 語 公 父 户 是 兩 何 而

生靈? 密 五行 意。」即 復推 勑 魏 計 慐 宜 復議 道場 今兩 且 得三十 地 F 人以 ,及其 狀 奏乞行 騎 不 鏕 日 聽 行 山 ,無它語 鹽以 税外 , 乞隨 搉法,未定 ,父老至今能道之。 民 必 民 此 萬緡。 樓 批 還 稽 賈 河 卿 刮 一時賈 深 推法,託 闲之。」 仁宗 驚日 食鹽錢 癭 置 朔 販 爲 兩 撇 首 木亭 牘 德 歲 朕 税 煎 唯收 賈公。 酒 魏公昌 後 民多犯法 流 向 有 譔 ,君貺去職。 納錢二十 鹽 邀之,中 1. 是 日 .顧見 以它事 數 河 涕 税 已。 不 堤 句 錢。 及賈 朝留守 0 買 石刻 朕 語 或 又《筆 是 而 墓 人議 極苦之。 恐 食 及仁宗朝 萬 與 信之勞 公再 朕 時 足 誌》〇 河 「朕 緡 知事 北 張安道繼之,具本末以 引 將 龍 用。 朔 尺 朝廷許之。 談 都 至 守 親 而 不 Ш 於澶 軍 比 Ė 又《 騎 魏 聖 知 批 藝 周 罷 志 亦 民 露 E Ш 諸 出 世 語 也 搉 龍 祖 云 间 州 而 遂 癭 復 至 道 君 法。 宗 柰 征 Ш 提 使 河 木 食 貺 不復 爲 常 太 河 志 賈公具 點 橋設 即 加了 何 亭 苦, 貴 東還 爲 祖 搉 刑 刻 朔 重 Ź: 議 祖 海 嘗 相 獄 石 恐 感 人 木 、父老 可 許 降 對 知 薛 於 所 知 河 不 河 事 使 恩 黑 酒 其 间 府 請 此 朔 宜 共 朔

慶曆中,衛士夜逾宫垣爲變。仁宗旦語

尊 倡言宜 必 娐 執 府 身當 ·貴妃,古無是 中 大萃於公,終身不可 以貴 木 猛 知 講 妃 潤 所 求 張 不 爲 所 氏 以 聞 禮 有扈蹕之功 尊 公見執 有所尊異,且 異 若果 貴 雪 妃 中,言: 行之,天下謗議 也。」執中聳 之禮 樞 皇后 密 漢 宰 使 在 馮 夏 相 竦 mi 婕 陳

自 急治。 陜 危 諫 之 以 任 舊 敬 布之言路 其 法 從 切 將 外外 來,萬事 右 亂矣。 7、大商 公言而 養兵,皆 取士、任 用 則監 一,自將 且比 兵,公私 ,違道干譽 司 数 惰 此 年以 罷。 子、磨 非 相 下 下 民, 弛 治 公卿 舊 《墓誌 ,務 困之。 來, 至 亂 乘 律 勘 吏胥 隙 盛 爲 宿 一,利 朝 0 廷頗 射 衰之本, 姑 貴之人,皆争 遷 或 僮 息,漸 利 公言: 補 用 爲 奴 引輕 之法 既 丽 賢。 窜 皆 不 茶 失祖宗 自 既 嶮之人, 口 口 内 鹽 則 壞, 以 屈 則 祥 以 香 政 之 符 體 構 臺 礬 不 H 前

> 既罷 喜,而 之人盛 往往爲之動 惴 自設六科以來,士之翹俊者,皆争論國政之長短。 術馭天下。 行。」既已官之,不患其不知政也。 士, 説不行,好奇喜事之人,不敢以事 民 誌》○又《龍川 事 以 ·將以愚之。」③國朝自 哉 收 焉 知爲 ,則輕鋭之士稍稍得 亦從 禮 惟 矣。 詩 後輩 恐 風 此 申公雖 摇 仁宗初年,王沂公、吕申公爲政 賦 不 靡 以 風 志》云: 矣。 有 免 廟堂之淺 取 不 復作 科 革 其 不 何 第, 張公安道 始 ·,天 相 然者, 暇 進 真 不 深 也 ,然不 宗以 展 漸爲 知 下 既 范 其 布 無 能 諷 可 前 當爲予言: 奇 則謗毁 它。 摇撼朝 得 昔之名宰相 守 時 心 論 扎 朝 愐 其 腹 道 諺 廷尊 而 以 舊 知 輔 廷 撼朝廷 日 俗 治 而好 猶 2 、范仲淹 隨之,惴 嚴 故 故 「道 也 爲 4 小水 持 ,皆以 名喜 天下 天下]。」《墓 意 國 此 到 雖 朝 非 論 立 不 事 红 此 魚 之 私 明

0

0

[「]之」、《蘇軾文集》卷一四《張文定公墓誌銘》作「乏」。

② 「腹」,同前書作「體」。

③ 「道」上、《龍川别志》卷上有「治道之要,罕有能知之

[「]俗」,同前書作「格」。

於重 則不在 生。 無以 **非横** 風。 助,乃 E 朝廷 謂不賢,至使賈誼、董 公,非諸公並攻其短,其害亦必有甚者。 臺練言事必 世 之勢,自此 事,多置諫官 通,此 朝 以 故曰 (議之, 哉 廷輕甚 輕矣。一 H. 用歐 才能 而 此。 以謙虚爲賢,下以傲誕爲高,於是私説遂 下 亦人主之深 張公得其 ·無由 陽 西 而朝廷重矣。 爲之稱 日 誠 聽, 然子以張公之論 ,故思曩日之重,然不知其 「漢之初,專任功臣侯者如絳 「, ●以 横。 脩、余靖 使正 能 ᆜ 首。 動 如 鄭公尤傾 廣 人在 一不得其二,由 患 其 Ł 、蔡襄 一仲舒皆老死不得用。 其後晏元獻爲政,富 也。 宗中 上,與 聽。 害亦不細也。 安在使下不得議战 口 年, ,得其一 身下士 上方嚮 孫沔等,並 則從之,否則違之,豈害 物 其 無 此 敗 私 之, 以 不得其二,徒見 言之也 已久 人敝也。 而 使丁晉公之時 求譽,2 圃 爲諫官。 蓋朝廷之重輕 、灌之流,不可 舉 矣。 晏公深 鄭公人參政 動 事 大臣恣爲 適當, 至於申 偏 下情 相 勝, 則 諫官 師 爲 下. 害 4 不 Щ 成

移鎮 以 斬 便宜 罷,帥 下 之,至是方以爲憂。 舉大兵爲智高 道 兵仗絡繹, 民大驚擾。 在 南夷有 南韶 嶮 西蜀。 令邛部 静鎮之。」道 一從事。 不 悉歸所調 不 通,其間皆雜 欲 IB 可爲也。」昇以 川 部 始,李 相望於道。 來寇蜀,攝守大驚 公言:「南 E : 朝廷聞之,發陝西 川首領者,妄言蠻 遇 寇 兵,罷築城之役。會上元 寇 順 戍卒兵仗, 我 哉 以 來吾自當之,妄言者 而轉運 種 甲午 故得 詔 詔 , 不 此 去 促 歲 輒 相 不 蜀二千餘里 公行,且許 必 使攝守事, 調調 役屬 叛 罷 遣還 妄 步 賊儂智高 騎 也 兵 蜀 《墓 安能 戊蜀 築城 臣 入境 誌 當 西

秦州

叛羌斷古渭

路,帥

張昪發兵討賊

前

副

力

解

曰:「涣

與昪有階級,今互言而

兩

總管劉涣不受命,皆罷之。

以公代昪,公

² 0 「尤」,同前書作「猶」。 官 富 公自西 鄭 按 公入 深疾許公 云云 多政事多置諫官」《龍川 留守 參 知 政 事, 疑乃朱熹有意刊落。 深 疾許 别志》卷 公、乞多置

召 欲 首 得 大 觀 還。 震 境 以 邛 燈 招 E 部 ,城門皆通 奏罷 先 智 川 而 之譯 是, 高 配 蜀 至是 朝 流 一横 夕不閉,蜀遂大安。 廷 其 賦 乃 始 獲 餘 四 智 爲 伏 黨 7 高 此 於 法。 萬 謀 母 湖 減 子 復 者 南 鑄 以 斬 留 鐵 西 之, 不 錢 南 已 可 + 使 夷 丽

公初 言 耳。 是 舊 爲 輟 行 地 杰 餘 之, 功 也 用 中 南 主 馬 萬 「京 河 計 蜀 汴 海 兵恃食, 粟 」遂 退謂 天 京 夫。 有 師 僅 日 人至今紀之。 畫 張 師,有三年糧 一湮塞。 足 無 聖 公 漕 其後 君 食恃 Ш 日 以 運 Ŧ. 河之 : 前 歲 者 + 淺 今仰 漕運 自 四 妄者, 歲 險 前 以 策 慶 發 而 特 前 疏 糧 河 曆 民 望河 導 争以 亦 控 依 宰 馬 以 浚之, 京 引江 減 重 相 粟 來 東 裁 半。 倍 富 非 兵 , 積 公論 淮 故 祖 減 以 之。 弼 水 宗 請 費 立 河 大 0 之 食 役 始 行 施 或 建 至 利

> 貨 詳矣。」其 後 未期 而 京師 有 五 年之蓄

墓 誌

知 曾公 有 秦 也 在 不 既 即 城 論張 秦州 0 之 敢 備 不 料 州 方平守 西 爲 亮 簡 至, 言者 而 貴 時 「壓秦 倨 先 將 賊 亮 下情 事 士 不 邊 : 祚 一輕易狀 之 至 境 聲言出 因 不 方 兵 備 通 則 上,屬 論 不 驕 矣。」《墓誌》〇 >, 1 i 以 公 臣罪 僭 出 塞, 輕 無 其 塞 户 其 閲 舉 (「姦儉・ 賊 素 實 皆 罪 土 無 何 面 按 逃 馬 備,不 之, 貪 名 輕 匿 軍 猥 按 爲 邊 舉 築 《温 不 Ш 電 H 0 輕 臣 堡 其 動 林 論 公 過 宰 篳 自 0 集 舉 共 爲 知 相 公 是 ? 賊 篥 備 有

《墓誌

英宗不豫, 寧殿。 學士王珪 憑 几 不言,賜 當直 公坐,出書一 一,不 召, 召公 赴 幅 福

0 是。 汴」字。 河 上 按 蘇 軾 後文 文 集 有 **** 「輟 卷 用 四 汴 ^ 夫 張 文 語 定 公墓 以 作 誌 汴 銘 河 》有

上 1:「必 力 字 太 疾 子 禮 書 穎 來 儀 以 王 使。 H 付 也,嫡 降 公。 《墓誌 詔 · · 公既 長 圃 皇太子」。 草 賢 請 制 尋 書 充 其 公抗 册 名 立 聲

神宗 例 之, 天子之孝 先 用 葬 公义奏:「百 足 嘉 口【 過 即 祐 矣。」從之,省費 損乎?」公日 禮 位 一、公私 近 召 比 見 恐 官遷 也。」上 騒 側 或 門。 然, 秩 力 ... 「遺制 請 十七八。《墓誌 恩 不 歎 公日 能 已 損 日 過 之。上 支, 乞追 . 固 : 「是 厚 仁 Z 若 以 吾 宗 日 先 錫 用 13 崩 . 志 乾 齊 也 復 奉 阃 厚

御 辨 史中 下 奎 代。」公力 奎 復奎位 · 奎 罷,竟以公代之。《墓誌》〇又《温公集》有 ·丞 王 免, 欲 麗 一手詔 必 陶 辭 奎 不 擊 E 且 復 宰 : 諭 諭 起。 相 「韓 琦 多知 公 以 琦 琦 全始終之分。」及 久 勳 政 在 奎 在 事吴 告, E 罷 室 意 當 奎 願 保 與 以 之 陛 全 卿

劄子,論方平姦邪貪猥,當爲包拯所論,事迹甚多。温

公由此罷臺職云。

御 史中 言僞 訪於大臣 石 不 丽 丞 可 辨,行 用。 缺 ,争稱 ,曾公亮欲 僞 《墓誌》〇又《記 舉之。 而 堅, 張安道 用 之必 用 時 聞》云: E 亂 爲 安 天 承旨, 下。 石 上 公公 由 獨 將 H 召 是 極 :「安石 用 介 論 介甫 甫 安 深

怨之。

知 甚 即 其 兵 陳 危 財 其言 猶 語 行 而 州 極 强 矣。」上 必 火 時方 兵。 有 也 日 : 不不 覆 置條 公因 亦 「水 舟 ·戢 能 悵 自 當 所 例 然。 陛 復 焚 自 司,行 以 . 辭 少留 之憂。」上 《墓 焚。 載 極 舟 乎?」公 若 新 論 法, 行 亦 其 雅 所 新 害,皆深言 率欲 敬 以 法 覆 公,不 不 以 舟 退退 己 豐

公在 賊 日 亂 陳 天下 民 州 築 趙 暇 嘉 日 犫 應 坐 以 侯 西 孤 張 軒 城 太 力 尉 聞 戰 廟 外 保 板 公曰 此 築 州 喧 捍 「巢 大

夷 患 其 者 廟 也 立 此 趙 而 侯 不 祠 祀 《墓 張 侯 志 何 爲 者 命

延 邊 謙 燕 其 和 明 豐 公 内 進 不 以 五 人 輾 皆 徙 守 納 萬 輒 禄 世 武 mi 曰 殿 薊 傅 大天下 擾 李 先 賜 款 威 西 襲 馮 賜 潛 自 彝 而 知 **\$** 故 Ш 暉 坐 等數 太 朝 寬 及 獲百 併 興、 是 -安樂。 澶 廷 祖 其 邊 李 河 間 千 歲 始 馮 兵禦之, 淵 文 漢 幸 間 不 西 萬之用,終太祖之世 . 有 戰 旰 之 法 諜 無 暉 超 勤 折 契 食 及太宗 祖 之族 克 事 精 保 遠 御 各亡 mi 丹 宗 矣。 略 歸 卿 戰 審 小 遂 之 禦 董 南 無 遣 土 與 致 虞 吏 皆 真宗 平 遵 如 戎 卒十 不克。 兵。 土 繼 皆 契 并 之 大 夏 誨 丹 遷 曹 用 州 + 之 其 州 策 捍 諸 餘 之 盟 彬 初 命 餘 李 環 酋 孰 欲 故 將 萬 變, 年 州 豪 彝 長 趙 至 邊 劉 遠 以 賊 財 9 興 德 漏 狂 取 + 所 許 又 優 郭 力

令大臣 以 歸 昔 試 廬 草 通 E 土 卿 任 拓 大 曰 問 略 河 竟 蕭 好 之 之 知 其 不 與 口 具 議 東 英、 識 患, 如 之乎? 語 以 安於豢養, 謂 臣 與 言 擲 皆 兵 此 疆 虜 年 英 舊 不 此 劉 時 議 革 本 事 意 德 事 得 六符 行 爲 亦 口 頗 , 末 虜 安在 爲 矣。 成 無 嶮 口 罪 聽 口 學 元 泄 使 辭 屈 僥 謂 則 昊 以 來 其 也 士 吏士驕 蕭 ?」公曰 上 時 帝 身蒙 倖 盛 今禧 鑒 初 ___ 情, E 9 扈 驚 尊 契 之人 德大 誓 矣。 臣 1 嘗言 復 宗 丹 日 其 與 六符變 譳 詔 惰 日 以 : 何 業 遣 虜 利 命 虜 近 欲 桂 之, 間 以 交 實 泛 爾 歲 虜 以 不 册 慶 待 公, 不 願 色 使 祖宗 口 府 朝 時 邊 天 自 成 之?! 欲 曆 如 蕭 目 皆 置 已 廷 公 下 臣 崩 則 禧 之事 故 之, 用 禧 以 討 酒 爲 臣 日 建 中 陛 安 兵。 來 英 公 論 危 殿 與 或 所 開 下

言。 説 禧當 之詳 H 録 目 使 . 其 公班 邊 辭, 條 矣 禧 即 吏 目 不 日 偃 以 次 命 行。 即 蹇 付 其 館 行 回 故 扈 伴 府, 墓 驛 檄 以 使 王 志 虜 中 歸 因 主 洙 中 不 者 朝 詰 可 起 因 H 謂 之, 也。 以 致 樞 執 洙 扈 餽 密 政 充啓用 藁 不 而 使 未 上 能 勿 吴 知 間 之。 對 其 充 爲

故 戰 神 事 也 熙 天子 宗 ? 0 戰 寧 . 惟 以問 公 中 歲 勝 脩 賜 獨 負 張 張 貢 公、公曰 契 幾 文定 齊 爲 丹 9 何?! 賢 序 金 公以 太 陛 而 . 繒 原 网 下 陛 服 之 官 宋 府 謂 下 器 徽 戰 與 八公皆 宋 神 , 使 才 契 召 武 與 賦 丹大小八 契 召 勝 口 莫 府 丹 耳 衆 觀 知 凡 戰 謂 焉 也 + 幾 勝 陛 .

> 則 朝 廷 無 措 足之 地 矣。」《墓誌

自 視二 麗 問 者, 邊 王 而 墓 使 嗣 安 安 誌 西 府 過 南 海 石 石 日 北 南 爲 早 舶 削 不 \equiv 政 京, 不 而 미 ,始罷 虜皆 復 累 除之,其意安在?」《墓誌 長吏當送迎。 爲 譏 朝 Щ 陪 錢之出 之令典, 銅 積。 臣 禁, 屈。 公極 姦 故 民 所 詔 公言: 中 論 日 以 獨 或 其 銷 保 遣 錢 錢 害,請詰 或 少 爲 日 臣 便 尹 耗 器 班 民

高

師 之南、 部 征 俗 財 八無功 與諸 安 黎桓 方, 南 夷 其 而 公以 李 不 還 患 公 類 則 謂 有 温 9 自 不 . 社 0 建 山 稷 舉 刀 隆 勝 之 西 易 言 以 福 北 姓 來, 者 也。 壯 矣,皆以 吴昌文、 上 若 月. 健 交趾 老 馬 大 師 校 T 費 風 棄

上數

欲

廢

易

汴

渠,公曰:「此

祖

宗

建

或

之

0

下

視

和

與

戰

孰

便

?

上善之。

《談

叢

本

不不

可

輕議

餉道一梗,兵安所

仰

食?

本 温 紀》等作「蘊」。 軾 文集 卷 四 作 温」、《宋史》卷 七《真

計破者也。」《墓誌》 篡立,有唐末五代藩鎮傾奪之風,此可以

新 公自念將老,無以報上,論事 慟。 於斯 無所 官既 死,見先帝 用兵起獄,尤爲反復深言。 爲 以 法既鬻 乎?一上震怒,批出 火 宋 王。 至永樂之敗,頗思其言。 !」於是天下祠廟皆不得鬻。 得錢,聽民爲賈區 始 不至。公言:「宋, 坊場、河渡、司農 封。 閼伯封於商丘,以 地 此二祠者,獨 下, 有 日 以 籍 王業 慢 又 廟 益 并 神 主 中 不 曰:「老臣 矣。 《墓誌》 切。 所 辱 祠 可 大火,微子 侮 國, 基 慢 廟 免 上爲 至於論 《墓誌 也,而 鬻之, 穢 於 無 踐, 感 且 灩鬲 甚

三朝名臣言行録卷第四章

四之一 樞密胡文恭公

學士。 以 使。 進 副 校 卒,年七十二。 使。 理 士 疾告,除太子 第,爲 一,通 召還,修起 公名宿,字 英宗 嘉 判 祐 真 宣 即 六年,拜左 州 州 位 武 楊 居注, 少 出出 知 子 平,常州 師 湖 尉。 知 致 知 州 杭 一諫 仕,命未 爲 制 議 召試 州 計 大夫、 兩 陵 神宗 爲 遷 浙 人。 至而 樞 翰 轉 館 初, 密 林 閣 中 運

> 言。 宗愈撰《行狀 平人以告也。 右復訊之,囚 歐之婦與吳姓 赴官,不知其 有人來告日 公正 衣 冠 0 由 「吴姓 姦,姦者殺 坐堂上思之, 公之精誠 也。」公取 :「旦將之田,縣 也。」公遽 格物蓋 其 獄 夫 辭 俄 窮治, 引 加 與 如 囚 假 吏 婦 此 寐 執 辟 謀 乃 以 左 執 被 胡

知 訖 湖州 觀 萬。 滕侯之謀 公於坐折之曰: 用錢有不明者,自 ,滕公罷去。 2 俟其 ,前守滕 安定先生胡公瑗 去 有 廼 不 公大興 非 群 臧 之,豈 奚 君 通 小 佐 判 斐然謗議 學 不 以 始教 滕 校, 早告? 古人分謗 侯 下不肯書其簿。 幾 授 費 於其間 時 以 民 矣? 陰 錢 爲滕公 之意 拱 數 未 假 以 F

● 「行」下,原有「後」字,今删。以下至卷七同

通

判

宣

一州,有

被

誣

以

殺

人者,

獄

成

議

法

將

抵

死,公疑之,呼囚以

訊

囚

帽筆

楚,

不

敢

❷「千」、《宋史》卷三一八《胡宿傳》作「十」。

幕

記

哉 得 學之東, 盛 於 東 坐大慙,爲公書。 增舍、益弟子 南, 東 南之士 員。 知 本經 安定 公 廼 術 先 闢 行 生 齋 之教 義 廳 以 於

時人比之孟獻子。《_{行狀》} 宋幾,丁母憂,毀瘠終制,逾三年不居於内,

爲

學者,公之力爲最多。

^②行

狀

入 内 左右 懷 辭 中 輿 敏 都 頭 !」其 得得 知 不 未 出 楊 草 不 幾 爲 懷 命 制 窮 和 召 敏 遂 州 治 論 復 坐 都 止 誅 故 監 衛 死,幸矣 0 歐 職 士 陽公撰《墓 衛 懷 夜 公 士 盗 敏 之 1 知 用 人 志 變, 制 事 禁 豈. 誥 久 宜 中 蹤 鷩 復 勢 跡 封 在 連 還 乘 動

公爲 發 必 譁 %,發 人清 思 獨 而 亦 正 儉 後 不 顔 對 謹 口 色, 默 回止, 故 温 内 其 温 剛 而 涖 不 外 其 官 動 和 趣要,歸於仁厚。 臨 聲 事 氣。 群 慎 居 與 重 笑 人言 不 語 輒 讙

朝議 皇 人, 之,請 皆 用 去 於常 祐 籍 言 親 立功之心,解守邊之體,非 十者衆 優 有 建 舉行。 之朝 二律 不 書 老 漸 ,在官年七十而 新 而 功 此 《墓誌》〇 可 祀 勸 樂 全 一,其間 舊之甄,宜 議 稱 更 會 , 難 其 功 朝 成 而 展以 同同 爲 近 曾 公 會 美 之 欲 並 非 議 間 詗 經)又《行 制 律 節 以 , 意。 用。 先 厚武 氣折公,公論不 者 行 歲 ൬ 0 切 謂 禮 陳 E 多 郊 Mi, 狀》 + 立 當 朝 以 部 不 ጠ 薦 異 議 廟 功 「養 今舊 ž 所 吏 廷 少 新 伐, 几 致仕者,有司 邊 上 論 仍 以 已定,公獨 嘉 緩 議 樂未 歲 防 公謂 爲 帝 廉 樂 用 偏 有 其 其 пŢ 國 旦下令, 從 耻 裨、 高 舊 養恩 奪,朝廷卒從公議 廉 言 配 貢 施 詔 事 事 樂。」 耻 京 於郊 厚 祖 是, 新 : 士 也。 之責,當先 師 使 殆 悉令告老, 風 議 樂 考之意 將 以 一公言 新 至 非 以 時 人 校, 下, 廟 俗 包公拯 爲 者 樂 得 所 時 年 不 患 先 相 自 用 宜 案 以 沮 Ł F

之制。 行 然 如 復 之數年,士子果以 用 . 《墓 使 炭 誌 士 之制 子 廢 也。」 業 爲 衆 不 而 便,而 皆 奔 以 走 公言 無 卒用三歲 寧 爲 歲 非 不

公學問 北 北 東、京 數 宋 説 必 也 圃 歲 祠 乘 有 官。 《災,宜修火祀。」 未 推之,日 商 德 所 内盜 虜 是 即 以 丘 南 而 該 東 謂 受 陰生於午 伏 自 王 京 博 中 司 者 龍 起於河 命 鴻 公始。 0 或 時 陽 也。 建 兼 戦之會 慶 之陰 地 猶 明年丁亥,歲之刑 號 通 官 震 微 ', 2 前 朔。 陰 災,公以 慶 事下 今不 也 加 陽 而 加 曆 大火主於 而 未 明 登、萊 五. 極 宜 太常, 其 領於祠官 六 一行、天 年,王 即 於 爲 位 年 謂 勝, 之備 亥,然陰 在 夏, 尤 : 歳以 商 乾。 此 人災 則 甚。 河 德 南 丘 所 以 長 而 今西 皆 北 不 京 公 貝 以 猶 國 異 吏 比 然, 以 州 震 彊 在 之 奉 家 河 年 聖

> 宜 郊 禮 陰 置 叛 節 \equiv 北 正 而 で、多个易 丘 聖 大 鎮 月 勝 金 用 也 一、公以 ?,會靈、 並坑,多 (害) 迭 並 並 公又 而 去歲 配 配 動。 配 可 • 之 如 以 即 宫災,是歲 聚 星土考之,日 艮 失 火 初 明 爲 禁 民 縣 **>** 圃 也 詔 年 少 止 以 : 官 ___ 今又旱,其 大旱,公曰: 陽之 鑿 人 以 即 其 登、 金,歲 冬至 Ш 寧 後 建言:「並 位 谷, 萊 地 . 也 并 祀 視 一昔 道。」皇祐五 幾 陽 應 • 州 京 氣損 天 何? 在 高 議 師 禮 五 南 配 辛 建 非古 一,此殆 郊,以 行 泄, 氏 州 軍 小 爲 之 爲 利 故 並 年 東

有

則

斷

3

⁰ 乘」下、《居士集》卷 三五 ≪贈 太子 太傅 胡 公墓 誌 銘

² 北下 午」,同 前書 同 前 書 本作「子」、洪本、張本亦作「子」。 "隅乃|二字 句不同。

易艮二二字 ,同前書無

⁶ 4 勝」。同 前書作「乘」。

參、商 火, 不 自 火 丽 墓 使 宋 德,又京 參爲晉 誌 而 列 興 仇 商 不 平 於 讎 爲 相 星 方鎮八 僭 之星,今欲崇晉 師 宋 能 偽 當 星 也 國 宋 家 十年 并 之分 遷 受 堯 最 實 命 遷 矣。」 後 野 沉 閼 服 始 於 伯 謂 非 而 於 臺 於商 宜 太 并 或 商 駘 宗 如 之 爲 丘 丘 舊 削 利 主 晉 主 王 之, 制 地 也 主 以

詳 惜 議 除 至 者 得 日 虧 詳 E 監 官 二人,此 課 公固 前 闕 議 税 彼 小 官 宗 悉白 泂 得 失,不 判 欲 0 日 北 與 院 白 日 之, . 不 人 者當擇 以 E 列 足 得 果 才 且 退 水 白 緣 得 智 災 日 上 人 誚 是 才 明 虧 詳 以 薦於上,公與 小小 公 不 法 課 議 此 累 日 得 無 官 累 人 才。」 : , <u>F</u> 同 耳 小 奈 何 詳 下。 列 公 累 何 恤 是 議 議 ? ? 不 才足 固 欲 同 E 口 得 遂 亦 列

涇 卒 髪 知 有 以 公 自 欺 命 折支不給 所 擇 君 也。 存 耳 以 宿 如 喪平生之節 낈 同 此 誠 ,出惡言,欲 列 一《行狀 事 驚 主,今白 日 某 爲 爲 從 之 首矣,不 亂。 公 開 久, 陳 其 後 忍 乃 聽 絲 主

遣 罪 所 公曰 三司 臣 謂 二人,黥 繋 吏 恐 耶 曲 就 ? È 吏不 法 積 威 申 獄 涇 陛 八 四人, 亂意乃 恩 不 時 下 + 卒 行 行 計 悖 以 五. 狀 而 度, 慢, 丽 包 日 拯 綱 拯 而 猶 \equiv 誠 紀 不 近 不 司 其 息 益 與 臣 自 使 罪 廢 不不 省,公 則 護 委 矣。」 然 三司 令置 公置 吏 折 不 拯 拒 豊 支 肯 對 獄 懼 制 軍 得 遣 命 情 治 立 口 無 斬

上命 太子 上 楚王、吴王、淮南 公爲 疏仁宗謂 ,是時 青詞 文帝 濤諸 漢 已 王皆 文帝二年 陵 有 山 元 秉德 <u>اال</u> 子, 以 以 猶 有 求 陪 對 司 儲 朕 有 請 嗣 豫 Ó 何 司 爲 建 稱 公

之,則 罷 非 捨 來 不 居 祈 未 魏 豫 禱 之 安 王 哉 儲 ? 有 思 而 《行狀 位 危 立 也 定 太宗, 太 之 而 陛 祖 道 人心 皇 下 其 帝 必 神 安矣。」仁宗感 願 待 感 察 武 昭 聖 宗室 英 嫡 憲 斷 然 一之賢 自自 太 後 后 開 悟 擬 遺 者 闢 遂 言 議 \ 以

公 言。 在翰 宗 妄隨 武 謂 群 嘉祐 厭 有 使,公既慎 臣 備 也 成 之, 多 方 林 法 六 然天子 契 ,善待 日 故 建 年八 地 十 丹 而 其言或用 年 利 與 夷 静 牧 徒 變法, 多 害, 月,拜公諫 察公之忠, 中 狄 而 馬 紛 或 多 者 所 當 著 紛 大任 護 更 補益 通 古 或不 虚 張 好 無 人 名 爲 庶 六 大 益 所 尤 備 於 欲 用 議 + 事 於 難 抵 籍 顧 · 而 ጠ 大 大 餘 以 治 不爲 借 己。 夫 用 革 年 後 不 口 也 大 者 弊,公 務 卒 乘 樞 荷 今 自 體 久矣。 又 守 密 如 古 而 止 祖 獨 副 其 戰 以 未 而 而

> 以 故 以 者 約,不宜 幕 爲 禦虜 記誌 乃 白 功。 城 無 ,0此 争 寨 在 _^ 小 È 位 今急務也。 利 0 吏之 六 而 又謂 年, 隳大信,深 職 其議 朝 若 滄 廷 其 州 論 宜 戒 界 宜 類 守 邊 分 F 皆 祖 交 臣 爲 如 宗 侵 生 此 事 之 路 小

公在 之意 遣 西 或 例, 蒲 策 指 耳。 撾 樞 彼 公訪 使楊 也。一 府 不 朝 不 公力争 今彊 與人,夏人以 ,夏人人貢 廷議 敀 知 則 定 去, 其 去之,徒 押 與 以 日 實,見 伴 富 而 定 西 以 派 至都 爲 定定 人 死 宣 相 使 富 舊 貪 人 争 其 人 門, 事 例 丞 貢, 狡 奏, 舍 曲 不 相 正 伴送者 多 人,委定 在 肯去,紛 日 因 許 慮 詐 我 獻 得 之。 爲 非 蒲 取 罪 以 或 經 横 争 不 延 綏 於 撾 懷 去 制 州 舊 生 Ш 本

謀 患 以 不宜 定 ,多受寶貨 領 前 藤加 職 進用。」其命遂寢。 知 西 保 人 安 責 軍 其 背 定 約, 果 與 誘 其 至 西 後 境 人 L 通 復

年,及死之後,天下不見其黨與偏私之迹公尤重章郇公之爲人,謂郇公爲宰相五六

而

殺之。

《行狀

公少曾 云。 志 勉 以 如 有 ? 此 祕 未 布 《行狀 術 善 衣 口 報 祕 時。 量 能 子。 __ 術 也 浮 《墓誌 非 化 圖 公日 吾 瓦 其 欲 石 其 篤 : 「爾之後 也。 爲 人 行 將 黄 自 浮圖 金 死 勵 一, 調調 , 至 歎 事, 其 於 公 日 葬 貴 日 吾 八顯,常 「子之 我 . 敢 不 我 我

客 有 易 色 造胡 帽 動 胡 文恭公者, 具公服鞾板, 而忘記 吕 公 氏 家塾記 與之對 語 盡 禮 而 退,終 未嘗 不

胡文恭公平生守道,不以進退爲意,在文館

嗤。」 - 不 有 世 餘 命 以 ,七人當修 年, 爲名言。 每 語 後 身俟 進日 《澠水燕 時 : 談 無 富 爲 貴 造 貧 物 賤 者所 莫

四之二 端明蔡公

殿 運 疾 翰 知 兀 起 中 學 開 卒,年五十六。 林 使。 年, 居 進 土 學士、三司 封 注 士 公名 以 一,徙知 府 甲 丁父憂,服 親老出 政 科 襄 事 0 出 字字 應 知 有急者,至一 慶 天 使。 知 君 泉 曆 府,未行, 福 除, 謨 州 初 出 州,遂爲 復修注 除 興 再 知 化 知 杭 知 夕三上 T 諫 軍 州 福 福建路轉 母 院 遷端 仙 知 州 一憂,以 制 遊 兼修 召 計 疏。 爲 明

范 仲 百 貶 淹 貶 歐 知 陽 饒 脩 州 移 余靖 書 責 L 口 疏 諫 論 高 救 若 尹 訥 洙 皆 請 與 坐

之,頗 詩 張 於 貶 几 賢 壁 中 播 者。 謂 庸 于 獲 使 都 淹 襄 厚 《政 北 作 下, 靖 利 要》 出出 兀 上 洙 契 賢 州 人争 脩 丹 館 使 舍 不 傳 不 至 中 肖 肖 寫 **>** 有 密 謂 之, 詩 寫 市 若 以 霧鬲 歐 訥 以 記 書 陽 還 也 其 者 脩 事 其 詩 市 後

是 慶 時 詩 曆 度 世 難 相 以 叛 間 以 天 歡 賀 初 其詩 修 萬 F 必 師 永 太 當 無 事 有 叔、安道、 久 平。 事 年 薦 謀 俱 御 無 ,士大 於 猷 流 塵 筆 功 上 既 裨 土 落 新 帝 己 天 丹 夫 尋 除 E 留 排 右 子 心 施 亦 素 取 群 慨 在 除 於 直 諫 俱 功 議 然 諫官 須 官 除 久 名 自 厭 安 風 諫 進 久 古 唁 兵, 采 官 退 遠 忠 念記 伙 動 看 思 良 朝 君 闡 日 朝 0 IE 謨 得 野 端 大 元 路 競 以

以

遇之

甚

寵

公

以

材

名

在

選

中

遇

事

感

拔

奇異之才,

許臨

時

延

召

詔

旬

休

許

見

臣

又

詔

增

置

諫官

四

員,

使

拾

遺

補

闕

所

第

毋得

見

賓

客

了, 若

欲

詢

訪

天

下

之事

慶

曆

年

九

月

諫

官

蔡

襄

上

言

兩

府

私

芯 H 知 勸 激 而 農 上 不 E 無 之 進 桑 得 所 求 見 興 益 回 與大 治 (學校 避 ጠ 矣。 公之補 臣 權 於此 圕 倖 革 畏 議 弊 益 斂 之 修 爲 時 明 廢 不 尤 • 年 敢 多 戸 而 事 屢 撓 天下 之 歐 F 法 公撰 詔 干 竦 書 政 然 無

御 御 公益 知 職 史 史 屢 悟 無 合品景 有 意 唐 敢 除他官 命 除授 公 言 厚 解 特 初、 介 者 唐 賜 曰 以 吴中 非 公得 公 冠 直 當 公封 獨 言言 帔 有 者 復 改 論 午旨 以 英 還 子 其 寵 必 馬 州 辭 如 忠 之。 皆 遵 貶 頭 此 遂 封 坐 人 春 論 復 還 墓誌 不 皆 其 州 草 召 之。 梁 危 别 母 用 制 派 之, 駕 之 相 而 賢 其 罷 狂 H 墓 而 誌 後 遇 臺 臣 口

三九

义上 賓 客 言 至 和 构 制 年 以 七 E 月 毋 翰 得 林 詣 學 N 士 府 之 歐 第 陽 脩

詔

從

之。

記

聞

陳 意 JE. 任 襄 執 執 賊 極 功 以 執 E 使 言言 孫 中 爲 倫 以 中 傅 中 率民 永吉 政 授 執 能 水 起 以 乃 甫 謂 遂 臣 古 沂 中 前 朕 等 錢 命 天 對 超 以 菜 之 節 州 掩 K 欲 中 數 下 争 日 遷 度 執 擊 相 美。 府 使 萬 用 人青 上 不 . 閤 中 知 賫 臣 盡 卿 言 貫 幸。」 參 門 青 . 臣 上 勑 奉 獲 修 州 . 知 使。 州 舉 益 非 陳 行 之。 告 城 境 上 政 朝 執 多 能 執 則 之,幸有 兼 不 事 民 皆 人 中 永 執 青 有 中 E 青、 間 見 聽 吉 以 剛 所 中 聞 州 在 於 占 齊 之 爲 愎 遣 授 青 成 之, 諫 是 成 之。 讓 青 不 之, 不 州 忧 官 稱 路 諫 嘉 耳 口 才 久 争 .0 美 官 皆 目 而 齊 水 會 安 若 因 諭 朕 不 蔡 口 腎 陳 其 捉 撫 賊

忠。」 日日 出 知 仍 臣 顧 衍 象 即 乞 與 賈 殿 邪 不 執 覺 之立 既 且 昌 鄧 即 召 ? 取 中 惑 當復 其 人 署 州 明 劄 H 留 下 人 吏 朝 既 朕 作 情 發 出 異 Ħ 日 子 中 頣 至 荷 奏,何 執 已 色 頃 劄 遣 人 執 書 中 壞 遂 欲 衍 中 之, 逆 力 召 供 子 蔡 中 焚 9 書 **\$** 取 賈 左 中 不 謂 得遽 職 襄 參 久 用 之。 得 劄 其 昌 **\$** 遷 肯 書 是 0 矣。」 之 卿 知 象 襄、 孫 子 在 尚 朝 署 共 時 既 \$ 政 日 耳 執 亦 焚 甫 諫 書 爲 9 奏 甫 杜 諫 ் 奏 事 如 : 中 之 日 署 所言 出 左 相 云 衍 此 H 官 明 遂 以 景 知 凡 派 ? 欺 供 日 襄 乃 奏 滅 章 陳 議 頷 既 非 曏 職 当 云: 諫 得 不 知 出 吏 州 之。 迹 不 論 者 論 諫 擅 還 院 敢 知 福 用 象 官 E 執 懷 陳 權 衍 執 兖 白 闕 爲 復 退 州 衍 無 復 中 姦 及 大 執 中 歸 衍 相 声 黨 水 遂 不 及 明 得 甫 名 中 1

爲相。《記聞》

公爲 禮 學 烈 以 深 奉 稱 而 其 賴 終 必 往 殺 耶 賢 政 自 浮 尊 舍 急 破 往 子 鄉 經 專 人之類,皆 身 術 勸 精 圖 用 至 愧 里,公皆折 時 産 困 幸而 即 以 執 學 傳 阴 賦 數 恨 辦 會 經 下 不 賤 師 `,除 授 以 具, 白 講 令禁 禮 貪 賓 而 能 爲 買 千人。 應 學 間 其 飲 於 痛 客 償。 鄉 其 而 而 科 者 甚 閩 食 節 斷 止 里 後 H 爲諸 以 陳 舉。 常 下 害。 人 絶之,然後擇民之聰 公 羞 宅, 敢 利 至有 虚 襄、 至 之。 尤 至於 發 生率。 曰 錢 公 力 而 數 往 知 鄭 而 喪 . 財 親 豐 得 貧 閩 時 巫 百 其 穆 者。 姦 È 先 侈 者 閩 覡 弊 來 俗 人,公爲 風 方 民、 延 生 爲 袐 者 士 立 主 重 俗 有 有 以 見 周 多 孝 游 不 券 病 無 X 大 德 力 處 至 好學, 希 舉 手、 舉 事 限 於 否 親 者 行 土 蠱 孟 哭, 極 著 則 無 則 陳 至 此 乘 m 明 毒

> 教 者 請 之,閩人 之 以 令者, 公善政 德 爲 教以 。」《墓 公立 醫 大 條 德 私 誌 藥 便。 其 政 刻 事 使 碑 于 作 公既去, 治 石 吏 疾 五 以 病。 戒 : 法 閩 不 俾 以 其 人 許 子 教 我 相 謝 諭 民 弟 來 之。 不 即 有 詣 忘公 不 退 州 率 而

三司 完 喜 皆 較 法。 剗 有 剔 天 破 间 開 下 女妓 能 E 墓 久之, 封 發 名。 誌 給 盈 隱, 0 虚 世 下 其治京 出 稱 簿 吏不 暨 省 書 白 纖 能 府, 量 師 司 悉 力 欺 談 爲 大 以 紀 難 笑 習 至 制 綱 治 無 商 蠹 用 條 留 公 弊 財 目 心 居 事 利 皆 切 使 磨 下 則 口

蔡侍郎襄自給事中、三司使,除禮部侍郎、

●「於」、《歐陽文忠公集》卷三五《端明殿學士蔡公墓誌

發 意 端 書 真 害 流 言 未 之否?」上 命 始 中 T 可 E 之。 右 僞 知 言 韓 及 親 有 母 外 明 叮 0 憂 介 其 政, 殿 知 異 忠 相 或 難以 · 曾二公因 蔡公終以 必 服 書 往 議 賴仁宗 慶 學 聞 良 每 無。」 翼 者, 時 就 土 字 事。 蔡 者 必信 語 日 知 使 夏 襄文字 及三司 指蔡公爲一人。 大 初 歲 知 聖明, 臣 竦 陛 可 書未 「文字 還 計 杭 餘 此 奏 欲 下 以 爲 前 朝 州。 已定矣。 學 日 疑 陷 曾 上言 爲 尚 事,便 弼 及上,爲言 世 : 成 即 懼 有 富 見 驗 人 得 在 若 初, : 嫉 弼 文 不 禁 主 免 乃 也 請 有 曾見, 字, 忌 中 一,以 禍 無文字, 上人爲皇子, 僞 乃 蔡 既 出 忿然 臣 及 臣 作 者 先 襄 猶 而 陛 疑 者 上 至 脩 稍 介 **\$** 無 既 似 事 廉 須 不 F 即 如 樂之 乃 與 婢 則 有 稍 曾 亦 之 出 知 更 則 位 僞 辨 除 觀 嫌 傳 子 啓 而 丽 事 不 於

> 言 字 保 閹 撰 ',猶 臣 全,得至今日。 何 是時家家有 可 須 劄子,言乞沙汰内 更辨 爲信?」 真僞 本, 上 由 何況 日 中 是 : 而 外 止 官家若 官 言 喧 是 傳, 欲 傳 陛 亦 聞 下 以 信 激 賴 疑 曾 傳 見 怒 似 之 文 群

蔡

、襄豈・

有

此

命

」」歐陽

公《奏

事

録

公於朋 公爲文章,清遒粹美,工 \wedge 西王 謝 位 妄爲人書。 喧 有 温 然。 以 射 ,終不自 成 矢誤 、哭,盡 碑 友 皇 》文,詔 事 重信義 后 既 中 辨 哀 碑》 仁宗尤愛稱 傷 闡 乃 退 公書 文,又勑 1 聞 L 者 亦 其 未 客 以 嘗 之。 喪, 於 嘗 問 遽 飲 以 之, 書 公, 公 則 指 其 會 語 畫 書 不 御 爲 靈 後 公 人。 9 製《元 御 頗 公 東 即 命 則 自 《 墓 矢 酒 袁 學 再 辭 借 肉 訖 舅 士 拜 京 坐 , 隴 撰 客 爲 不 愧 師

「意」、《歐陽脩集·奏事録·辨蔡襄異議》作「色」

0

「此待詔職也。」《墓誌》

蘇 君謨 所 子容云 能 不 也。」《蘇氏 一「歐 言 政 事 公不言 談 0 訓 而 喜論文 文 章 , 而 喜 各 談 不 政 矜 事 其 9

襄 之累 其 章 性 事 喪 所 械 拱 不 忮 爲 詣 送 之 在 刻 前 置 式 欮 獄 用 訟 假 酒 士亦以此少之。 刑 拱 冤, 作 通 殘 之 樂。 酷 久之, 判 华 黄 是 襄 泪 知泉 除 乃得 陰 攝 名 怒之, 州 州 事。 竄 時 事 流 嘗 朝 即 與 捃 廷 其 码 以 弟 不 拱 叔 江 之 望 今 母

四之三 尚書王懿敏公

官 州 南 都 召 召 轉 公名 試 還 運 按 賜 素,字仲 知 察 同 諫 使。 進 院 士 擢 儀, 徙 出 天 知 身。 以 章 渭 父 閣 州 歷 日 待 知 遺 坐 濮 制 事 恩 落 鄂 淮 補

> 方留 府 六 知 改 以 職 + 太 澶 端 精 原 出 州 知 明 政 觀 汝 府 知 殿 事 察 定 州 0 图 使。 州 以 士 思 以 I 聞 再 樞 成 知 部 朝 知 都 密 成 廷 尚 渭 直 府 德 得 書 州 學士 復 軍 失 致 乞 人 仕 復 權 御 换 爲 卒 以 知 筀 武 京 [] 開 親 職 尹 年 土 除 封

仁宗 術,稍 應 取 用。 諫 會 司 今 内 務。 士,不詢 官 外 公起 近三代 而 生,議 請 無 成 歐 少 郡 名 采行 所 陽 年 之費, 或 里選之法。 脩、 欲 人 , 置 其 因 實 遇 蔡 學, 赦 事 數 用 顧 襄、 感 擇 非 倍 百 文 余 發 急 明 官 于 辭 自 靖 者皆 嘗 進官, 前 師, 漫 景 與 青 漶, 德 使 請 公 省 以 置 大賞 通 不 去之。」 相 來, 官 足 知 禮 次 齊 較 以 經 部 進

●「不」字、原脱、據四庫本補。

等皆 服 爲 革 謹 御 求 0 戒 弊 官 所 天 軍 之方 章 E 朕 難 爵 官 禹 H 所 它 閣 以 公又言 財 K 者,末 自 、公又 日 賞 撰 出 用 擇, 戦 墓 曲 手 不 勞。」 . 記 召 數 大 以 詔 足 公 方元 論 疏 間 非 等 宜 事 時 兩 其 知 留 四 昊 無 政 府 議 之 金 姑 叛 所 大 艱 爲 繒 面 息 避 臣 公 契 行 + 以 諭 所 特 止 丹 之 佐 餘 曰 以 皆 數 惟 事 邊 興 有 賜 艱 費 宗 治 卿 所

矣。」《聞 富 名者 既 者 或 姑言之。」 密 弼 問 大 以 耳 E 可 懿 見 聞 懿 庭 充 敏 後 懿 相 敏 帝 懿 其 日 敏 富 日 益 選。」 敏 下 . 公, 喜 拜 下 . 帝 大 十. 臣 日 僚 憮 唯 大 其 中 吾 然 宦 夫 敢 陛 孰 官 有 之舉賢於夢 皆 言 下 官 口 間 舉 得 妾 命 笏 日 人 不 帝 以 相 矣。」 知 相 口 賀 1 唯 姓 事

> 慶 清 帝 初 駕 帝 日 西 意 近 誠 帝 禱 曆 曰 , 特 光 以 太 問 玉 出 動 也 中 日 猶 者衆 色不 公曰 虞 郊 故 則 明 召 外 京 非 宫。」公日 不 不 耳 公以 H 太 朝 公 師 耳 誠 常 預 赤 禱 史言 早 也 日 不 · 今 出口 臣 無 Ė 從 雨 耳 至瓊 岁 諫 非 虞 久 卿 醴 미 月二 已 陛 憚 官 太 太 也 泉 動 日 不 盡 林 下 暑 0 王 史, 平, 乞 觀 天, 知 色 赤 苑 日 幸 公素 不 諫 傳 0 典 甚 然 預 臣 當 其 遠 官 厲 公 口 旨 故 熾 告 故 是 當 FF 故 乞 出 聲 望 但 知 日 埃 邪 雨 親 不 公 西 帝 曰 百 不 必 ? 霧 扈 太 以 行 . 日 E 醴泉 日 姓 不 雨 從 禱 漲 禱 當 瞻 帝 欲 雨 宫 天 雨 禱 帝 明 之 0 望 或 車 伍 出 不

0 公素墓誌 謹 原 闕 據 補 琬 洪 琰集》中集卷二七 本、 張本作「 E 珪 撰 《王 懿

當 腦 甚。 明 至 上 陛 慎 香 日 有 何慎 下 又曰 帝 雲 十七斤, 事 召公對 帝 却 氣 也 天 逍 日 如 。」《聞見 當 遥 0 昨 香 至 恭畏 帝喜 輦 即 煙 念 中 殿 御 夜 以 然 不 録 日 : 庭 平 起 R 舉 陰 雨 辇 少 體 氣 朕 立 欲 徹 盡 時 足 自 百 自 蓋 濕 以 拜 卿 以 雷 還 0 致 得 身 焚 電 官 公 疾 雨 生 雨 日 9 犧 龍 幸 亦 又 其

公言 若 從 下 押 實 卿 命 E 一一一 見 既 宫 知 進 王 出 E 、公不 其 德 不 臣 旦之子, 内 女口 人 用 棄 東 之憂, 賜 留 進 臣 門。 E 屈 已 戀 言 女 德 有 IE 服 不 訖 用 世 亦 帝 恐 肯去, 事 奏 事 所 舊, 笑 何 在 朕 進 帝 陛下 帝 日 澽 豈 女 左 恐亦 也 泣 初 它人 右 ? 左右 計 下 朕 錢 不 以 何 各三 真 帝 比 公 能 宫 耳 宗 如 日 出 禁 ? 之子 百 矣。」 帝 事 德 陛 朕 即 用 何

> 起 少 時 聞 官官 見 奏宫女 録 E 出 内 東 門 帝 動 容 M

權 公爲 知 皆 劾 曰 都 開 以 淮 去 方方 者。 背 城 南 封 爲 密密 府 都 E 轉 明 墓 不 詔 至 一誌 獨 運 豫 軍 和 按察使, 吏障 公爲 二年秋, 軍 民 不 朱雀門 廬 苛 時 舍 大 初 然貪吏有 多 置按 ,公違詔 雨 覆 壞 壓 察, 蔡 河 奈 諸 投 路 何 水

知 捄 其 傳 成 年 亦 稱嘉之。 止 之費 費 加 都 民 故 而 過 困 府 得 錢 物 半。 價 前 無 車型 而 公爲政 先是, 流 以 貨 後 不 鐵 徙 平。 重 能 日 錢 牙 勝、公 加 在 商 唯 詔 利 校 世, 旅 便 行 歲 滴 州 不 人 爲 於 而 路 下 輸 行。 情, 兩 ___ 不 而 饑 洒 切 川 知 坊 公奏至 蜀人録 公 公 裁 約 錢 遣 爲 歲 約 發 罷 加 故 以 之, 公所 廪 鑄 鑄 供 輸 省 數 賑 + 不 厨

障

門

再

以

動

衆

耶

墓

行爲《王公異斷》。《墓誌》

治 明 官 其 耶 得 所 至 法 渭 故 將 公 平 來 是 西 土 部 馳 番 一憂,以 自 ,老幼多焚死,公爲築八 獻 之 卒 珠 撫 ! ,身自督教之。 塞 元 使 氣 、公悉 西 有 東 至 滅 下 酋 年秋 便 悉 故 臧 范 勇 恩 西 南 戍 使 公爲 則 公 老 悍 伺 仲 兩 城 常 散 無 虜 募 虜 間 路 淹 少 日 耕 端 皆 不 它 解 濬 置 寇 要 築 巡 . 田 得 路 歡 明 華 隍 静 擊 而 弓 堡大 檢, 其居 里, 殿 莫能 其 去 呼 之,偕 此 箭 積 邊 矣。 歡 學 皆分領 越 周 粟 寨 遇 豊 手 蟲 舊 境 心 士 及。 0 至 9 有 前 巉 皆穿 輒 韋 公屢 其 屬 警 堡,使足 --望 又 從 H 又善 童 弓 行 堡 羌 原 餘 則 知 公之來。 間 家 募 帥 土 箭 未 陣 州 間 發 年 渭 道 堡 爲 料 涇 民 手 完 蔣 之。 出 以 州 自 室、寇 一,天 遁 原 敵 , 兵 偕 嘗 丽 人 士 歸 保 情 説 意 之 爲 故 不 馭 於 子 地 廣 比

> 當 之,後 君 内 嘗 還 羌 管 亦 以 酋 偕 上 伏 且 從 邊 敢 本 爲 完完 往 狄 也 庭 邨 輕人, 内之。 十族 族 公 而 青 下, 而 民 必 嘗 所 日 青 無 日 築 爲 當 悉 爲 既 . 洲 謀 計 彼 堡 鷩 賊 必 邊 以 而 古 檢 若 不 賊 厮 丽 往 軍 走 用 將 患。」公 叛 知 及下 還 得 拒 哥 方 必 法 人 舉 去。 虜 之東 行 何 至 始 據 論 城 mi 不 番官 爲 公議 敗 險 日 ,公貰, 諸 内 敢 諸 州 偕 也 : 去, 設 應 將 犯 ! 欲 將 公 密 卒 覆 7 我 吾 勢 日 即 羈 日 不 厮 能 日 公一 令復往 在 以 必 聲 縻 : 若 哥 0 此 以 邊, 摇 其 待 之, 不 必 拒 使 日 偕 死 本 官 關 罪 有 之 女妓 虜 重 因 燕 致 天 死 中 軍 姦 弗 堂 械 請 水 人 購 其 總 未 則

0 素墓誌 皆 原作「比 據 王 珪 華 陽 集》 卷 五 \bigwedge 王 懿 敏

公

言 者 斬 動 之 者。」乃下 有 頃 候 騎 \$ 從 日 西 . 來 敢 其 復 傳 有言 果 妄 虜 也 至

公少 知 公勸 太 留 淹 敢 盡 狂 及 城 諸 仁宗嘗命公悉 論 遂 皆有 感 者 更前 患 在 將 以 將 觀 原 爲言 皆 政 殿 朝 概 大 灌 皆 府 夕, 中 指 姓 之所 事 有 州 會 服 重望,宜 敢言天 因 大 出 以 城。」乃 公常獨言: 汾 《墓誌 水果至 爲 爲 循 志 粟 墓 河 上 活 朋 日久,二三大臣 誌 而 、下事 大溢 人 爲 黨。 復 命 間 殍 不 一,人 御 先 召 ,數擊 者 至 敢 一、公日 及大臣 史、 用, 具 一於不 得 富富 + 以 舟 諫 無 貴 餘 處之 姦 丽 栰 恐 官 次 游 萬 者 佞。 韓 人。 若 時 用 因 子 以 去 築 所言 晉 壞平 琦 與 人, 弟 0 是 堤 不 \wedge 共 遇 墓 荐 疑。」 於是 范 時 以 人 事 之。 飢 莫 仲 扞 朝

> 素奏, 求 朝 素 督 鄙 事 兩 知 求 弼 相 察盜 廷 捕 之。 州 多 開 素頗 外 引 . 皆 莽 不 因 官 封 悉逐 獲。 開 賊 登 加 以 鹵 府 馬 有 遂 罷 封 兩 賄 不 累 之遠方。 力。 在 愈 出 之。 臺官言素不 治 府 府 闡 功 外 鬱 知 先 數 0 至 ◎記 鬱 定 丽 既 有 威 爲 班 出 既 不 州 散從 聞 不 福 人無志 於 行 遊 得 相 如 徙 是 自 宴。 , 志 才, 官 志 府 恣 素 京 知 馬 中 亦自 操,士大夫 知 素 益 師 厭 大 千、馬 大 賴 倦 開 盜 性 州 詆 爲 之。 乞外 繁 驕 封 賊 毁 姦 屢 劇 復 侈 府 弼 或 利 發 還 善 府 在 冀

素 自 少 交 時 長 結 當路要人, 席 富 又 貴 其 豪 爲 多 縦 吏 其 浮 知 父 侈 大 時 育 略 所 聲 引 少 妓 拔 時 誇 擊 素 斷 0 亦 善 然 敢

初

王

素

與

歐

陽

脩

數

譽

富

丽

於

F

一前

酮

人

靡 皆足 在 開 以 封 發 府 身。 施 慢 及 晚 節 不 官 在 顯 事 志 0 得 英 宗 益 嘗 頹

對

執

政

語

及之云

素自筮仕 愈 名賢詩 引 勁 去,公方 真 嘗與同 ,所至稱爲 御 史 也 論 列奏事 列 議 能 是 者目 非 吏。 上 一前 俟得旨 既 公爲「獨 事 升臺憲,風 有 乃 不合, 擊 退。 鶻 衆 帝 力

四之四 集賢學士劉公

糾 功 直 慶 永 興 集 曆六年進 知 軍 在 賢 公名敞,字原父,吉州臨 制 京 院 誥 嘉 刑 判 一士甲 祐 獄 出 登 八 知 年,召 聞 科 以 楊 翰 鼓 州 通 林 院 判 判 侍 徙 蔡 吏 讀學 鄆 班院、太常 州 部 江 州 南 土 人。 召 召 出 還 考 中 知

> 直 材學 參其 集賢 也 而 寺。 顧 留 弟舍人攽撰《行 滿 事。 院 司 使 朝 是 御 出 若 公諫 史 知 趙 時方議定大樂,天子使中貴 辨 汝 談 論 闸 以 者 有 謂 熙 改 居 餘 寧 ・「王事 集 足 間 元 賢 年卒 臣 以 院 增 莫重於樂,今 學 恐 年 朝 爲 廷之光, 五 袁 判 + 盎 南 笑 京

秦州 留 其 地 幸 蔽 或 上 也 之,存之,孰利?」公時 奏,獨 雖 有 財 秦 與羌人争古渭 而 以 困 不 州 傾 秦州 有 窺 長 或 棄 民 請 中 力 争之可 明 地 棄之,以 無 或 坐是應接 信、 形 羌 非 捐 便 胡 規 士卒 也。 州, 計 利 之 小 謂 也 多 虞, 利 之 上以問 1 從三 今何 賊 事 之 命,以 時 能 雖 ,財 假 名 司 議 所 乘 傾 **\$** 左右 於 奏事 重輕, 用 者 之 貪咫 或 新 夷 貴 不 以 守 城 竭 同 狄 尺 之 擾 聞 而 足 之 竟 使 糜 邊 以 口 棄

《行狀》

公判考 守 職 事 止 此吾 矣。」 為爲 , 而 也 功 更其 陛 職 歐陽 且 下 也。」 夏 竦 . 侵 公撰《墓 謚 英 行 臣 曰「文 即 公薨 不 官。」 L 應法 誌 疏 莊」, 疏 賜 言 謚 凡三上, 今 : 公日 百司 文 謚 Œ 者, 各 天 姑 子 得 有 公 守 嘉 可 司 日 之 其 其

禮官莫

知

知

禮

院

事

吴

充

謪

罰

禮

生

而

坐

以

出

官。

公奏

以

謂

.

朝

廷

久

安,

吏習

廷

從禮

院

有

所

詢

間

禮

牛

擅

發

印

狀

以

報

便,

有

所

聞

當

語

朕

也

無

幾

何

朝

初,陳 至 恐 不立 許。 和 后 祖 元 丞 宗神 忌,柰何以 公奏言:「太 有 年 相 獻 IE 以 靈 議 月 公 不樂於此。」上 求 不 張 私 爲 附 貴 昵之愛, 祖 文 己 妃 以 論 忌 薨, 來 日 議 后 乃 而 追 禮 不 止 變古 號 能 廟 官 佑 [《]行 四 請 温 越禮 公, 室 對 狀 成 唯 猶 ? 不 皇

邪

?」公謝

日,上又

面

諭

日

:「外間

事

爲

E

不

聽

此

贵

計

官

資

日

:

故

叹

用

公知

制

誥

陳

丞

相

以

修注

未

0

天子

察公忠直

數

得

公奏議

開

納

無

疑 月 不 月 明 皆如公言。 食 下。 京,復 古 而 務 政 未 因 日 惡 都 將 唯 也? 知 循 止 地震之異。」居 下 今則不 有 如 順 其太直,不與含容耳。」公奏言: 百 吴 君之善,必且 以言 -雪後 聖德之美,排 何 人 充乃 請 司 主不 庶 追 而 事 公又密勸上 然,上意慈仁 是 累 使 府 止 奪 能容受直言,或 充以 荷 日 振 前 職 昏 職 命 五 感 且 此 逐言者 霾 日 動 已甚。 公因 馮 得 陰 收 太 地 京 好 罪 而 陽, 奏 覽 陽 果 意 諫 · 豈 稍 乃 修 事 威 震 亦 色 有 激 致竄 是 起 不 而 權 黄 無 鎮 風 厲 居 蔽 L 傷 中 濁 戎 霧、 振 無 謂 謪 注 君 書 事 軍 職 略 使 之 自 H 不 公 馮 害 臣 中

聰明蔽塞,法令不行,以消伏災變。上深

納之。《行狀》

兩 常 制 幸之心。」上 溱 不 無 臣 易進 宜 流 諸 進退之分:「正 蔡襄、歐 許 心 公、多求補 其外 而 論 難 議 悟 補 陽 退。 不 , 頗留 脩 使 郡者。 印 願 臣常 賈 四 執 陛下 **I**脩等。 方有 黯 政 難 公上疏 韓 ·参伍 有 以 進 上絳,皆 ^②行 益 窺 而 狀 當 觀 朝 易 論 之。 有直 廷 世 退 邪 者 邪 臣 誠 吕 臣 IF.

人益歎服

《墓誌

奉 宦 使 亭 北 公封 滿 者石全彬以 欲 何 趨 退而 以 不 契丹,公素知 還辭 道 或 柳 口 曲 地 彼 河 温 險 頭 而 千餘里至柳 甚 ,有言。 不 遠 勞遷宫苑使,領 道 直 誇 此 草 虜 圃 使 ?」蓋 制,其 山 近, 者 居三日][[河,公問 不 道 且 虜 命 數 謂 人 里,虜人道自 遂 j. 莫 常 觀 日 止。 介習其 故 미 除 察 日 《墓 至 使 迂 觀 「自松 で、意不 其 察使 山 中 誌]]]

> 馬, 不虞公之問 曰 此 「誠 所 而 謂 食 如 駮 虎 公言 也。」爲言其 豹, 也 虜 相 人 時 與 驚 不 順 形 顧 識 州 狀 羞 山 聲音皆是 以 媿 中 問 有 即 公日 異 吐 潤 其 實 虜 如

初,狄青自 信 家。」上頷之,曰 赴 不 青驟貴, 如 ,輒聚 要當 出 豫,青益 楊州,辭 之,以 觀 相 使 南 之,至 全始終。 爲 行 與 無 伐 都 推 見上,因言: 後 歸 . 人所指目 爲 説 憂。 壅 可可 路 誦 樞 今外説 語 寧 不得行。 詠 密 中 負 其 使, ,公憂之。 「陛下愛青, 青, 紛紛 材 。」公過 京 武 無 城 使 雖 自 青 小 會 見 不 負 民 IE 每 足 不 將 或 月 出 聞

⁰ 臺 伍」, 故朝散 劉公行狀 原 大夫給 誤 作 任 中 據 四 庫 院 本 學 宋 劉 權 放《彭 判 南京留 城 司 三五

職

有始

議

以

它

田

償之,

竟

無

與

也

然

塘

運

使

因

青 大 見 彗 都 李 判 師 大 日 唯 有 丞 日 息 服 邪 疑 而 没 大 陳 相 論》三篇,備 下 唯 口 惡之, 水 者 大 喧 州 云 !」公之建言 0 汲 謂 然。 自 青 朝 尚 疑 公 黯 介行 曰 皇 存。 者。 先 廷 既 謂 之 避 祐 執 狀 是 皆 忠, 至 所 水 政 今 上 言 具 末 向 知 官 親 有 徙 聞 有 不 以 者 所 爲 彗 家 拜 E 體 日 之,始 難 青 或 以 天 青 . 表, 相 星見,青 食之變,公嘗 復 下 防姦 於 事 以 發 劉 或 平、大 告之, 爲 有 也。 淮 又 懼 寺,行坐殿 舍 過 陽 禦變之術 可 徧 人以 以 計 去之 至 大 憂去 遺 水 而 熟狀出 八月, 9 憂 公 相 及 眷 此 獻《 夕 矣, 者 後 眷 卿 洗 應 青 救 青 京 乃 滌 而 於 對 書 而 又

都之雷陂 一數十 也, 舊 屬 民 自 公初 都 附 縣 壽 則 月 事 用 動 自 以 亦 承 之, 治楊, 命 世 聞之喜 朝 訟 假 張 不 不 朝 官 破 決。 月 無事 治 公公 莫 楊 道 廷, 決 廷 省。 中, 州 不 而 餘 市 前 乃 即 靳 公撥 0 種 修 民 遺 境 邑 日 守政 聽 判 留 乃 稻 及 大 漕 真 錢 内 攘 還 公。 之,公用 更 遣 和 公至, 舊 IE 敓 带 之。 運 約 簿 清 田 囊, 公公 ,更民 杜 未 束 良太守矣 書 及 主 公丞 發 持 嘗 一,決 盗 至 人 行 明 = 種 大 運 賴 耶, 耶 賊 不 賞 不 不 V. 白 稻 相 使 和 此 屏 敢 安,公以 一罰,下 禁 獄 人!! 」《行時 餘 事 衍 猶 年 息。 訟 取 訟 比 口 致 證 發 以 契 易守 皆

0 附」、《彭城集》卷三五作「拊 楊

州

雷

塘

即

漢

江

以

備

漕

運,

舊

田主二十六家,

皆奪

業

失

唐

以

來

耕

種

其

中。

往

歲

官

取

蓄

水

以

告耆

使

客

行

吏

奔

走

寬

簡

仕

居

南

狀

明

其

無

漕

運

事

書

詣

府

飢

寒

或

至

累

政

不

數

日

境 長 西 遺 長 路 物 而 久 市 R 爲守視 早 中 至 - ,麥 者, 州 頃 不 數 日 登 日 往 之客還 9 取 鄆 蝗 故 州 自 尤 取得之。 出 在 多 境 其 蝗 亡去 所 虫。 又有 先是, 公人 歲 以

有

年。

行

狀

召 還 等 得 得 讓 乃 此 行 建言 皆 天 讓 名 衆 朝 狀 初 了, 宜 挾 益 除 子 亦予 僞 是 高 吏 嘗 求 時 其 諸 亦 以 優 名, 譲 活 故 讓 讓 容 大 端 事 賜 退 官 之。 要 夫 無 舊 之 或 上 之 稍 典 窮 稱 下 迷 ____ 粟 矜 爲 讓 衆 至 帛 或 虚 準 讓 布 亦 四 其 或 名, 不 以 衣 讓 再 五 漸 失 每 福 防 譲 讓 始 不 得 未 公 州 口 利 至 濁[或 以 官 陳 不 爲 烈 輒 而

是 歳 公説 號。 ,天子將 公 止 之日 以 禮 親 部 大 兼 陛 祫 領 下 于 太 自 名 寶 廟 表 元 丞 丞 以 相 相 來 欲 請 ,不受徽 加 撰 表 尊

縻之, 賢 矜。 欽文 權 富 德 子 然 號 報 下 繼 遂 欲 日 前 持盈 : 不 門 永 有 阚 則 上 丞 ,至今且二十年, 肖 今百 聰 執 增 讓 疏 · 贵 相 吾 不 前 非 好謙。 混 武 加 至 兀 日 不 而 備 可 不 口 美並 畏 數字 道 姓 聖 . 夷 淆 怡 不 足 使 位 止 威 多 居 雖 神 陛 主 也 獄 增 沂 棄, 日 慕 今復 困 孝德 粗 下 未足 當 0 臣 訟 光 於 : 義 定, 誠 尊 天 受 當當 公日 聖 繁 倉 者 適 • 天 M, 加 發揚 號 亦 虚 心 多 廪 德 然 獻 也 下之人, 브 數 盡 日 名 口 既 . 本 不 彌 必 至 奏 字 一諾。」 惜 善 可 光 己 面 實, 以 有 高 未 替 聞 賊 極 輝 棄 治 Z 既 矣。 重 願 口 風 美 否, 群 實 莫 賂 乃 謙 體 退 不 加 丽 謂 輩 俗 矣, 美耶 有 寧 謂 是 不 足 臣 厚 天 深 反 四 未 至 若 得 謂 盡 知 累 益 復 法 利 水 子 上 思 ? 治 阜 之 聖 陛 弟 意 0 道 罪 天 加

當 奏 陛 道 傷 章 伊 異 + 下 尹 害 表 深 年 顧 日 求 有言 昭 不 戒 自 廣 侍臣 受。 諸 遠 升 挹 商 損 遜 之 道 E 地 公於 日 以 · 贵 于 美。 震 而 : 禮 : _ 己。 汝 口 是 我 雨 論 志,必 又 有 於 雷 忤 意 之, 章 人 言 此 時 本 凡 今 大 逆 陛 時 求 謂 相 兀 歲 雪 於 下 加 諸 當 L 以 汝 寅 上 非 飛 如 行 畏 來 尊 心 天 狀 道 此 蝗 天 號 子 0 0 必 頗 命 涌 得 誠 求 遂 有 水 Ē % 斷 公 望

禮 公之 官 食, 書 復 别 稱 傳 其 夫 請 廟 而 議 祔 又 者 號 無 郭皇 :『祭從 日 9 請 帝 而 而 . $\overline{ }$ 毋 后 郭 不 后 禮 合 之限 春 許 於 氏 先 於 食。 廟 以 秋 其 祖。」宜 祫 廢 **>** 益 自 之義 且 事 薨 未 孝章 與 下 祖 按 毁 袝 不不 如 議 宗 景 以 廟 故。」於是 以 薨 議 祐 下 謂 之 來 于 者 之 主 宜 兀 寢 用 詔 紛 皆 如 后 不不 皆 合 詔 在

公治

長

安,

豪

猾

斂

手,

良

民

得

職

大

姓

范

偉,積産

數

Ē

萬

F

武

功

縣

令范

祚

爲

其

如公言。《墓誌》

蜀 周 皇 非 陛下 辯 詆 識 矣, 밆 都 與 人 州 臣 公,臣 之士 懼 服 毁周 龍 同 聖 學 又 按 毁 文派 ·哀其 不 列 昌 人者 何 昌 非 棄 帛 敢 窺 平 公, 期 相 所 賞 期之 板 而 受 百 衰 朝 者 奏 本。」 不 無 博 薦 雜 焉 正 賜 老 狂 . 曉 法。」 諸 書, ? 著 用 未 , 淺 是 中 事 也 朝 佛 昌 書 深 行 E 違 昔 使 未 外 而 説 傳 0 期 以 狀 古 制 乞 服 孔 行 朝 疑 詞 經 非 所 之 畔 追 子 少 廷 擁 駭。 極 著 而 聖 道 不 還 以 正 作 顧 弟 切 昌 書 不 詔 聽 詭 卯 多 所 ^ 公 子 期 示 經 孝 書 之 而 僻 昌 謂 + 拜 用 网 誅 經 刑 眩 言 期 請 數 昌 毌 薦 疏 制 者 之 期 使 則 僞 賜 下 人 E 也 毁 幸 益 亦 有 公 至 而 五 至

狀 言 謂 皇 判 更 會 公 年 以 簡 也 盗 年 祖 一,窮治 言 大 大赦 當 太 卿 太 贖 夫 0 扣 □是後 朝 吏 持 常 赦 后 雷 以 去。 間 祚 更 廷 受 使 祚 嘗 宫 寺, , 杖 未 簡 義 墓 兀 以 爲 持 賕 爲 臨 夫以 連 斷 長 不 偉 事 理 以 之 委 墓 府 兼 者 \$ 朝 安 歡 從 五 伏 調 縣 而 碑 己 禮 御 而 時 處 獄 發 人 容 罪 己 輒 短 祖 上 史 公 儀 諫 黄 以 1 皆 感 疾 爲 長, 母 證 去 者 事 下 長 信 登 勑 乃 知 長 合 諷 愈 逮 偉 0 雍 或 户 安 數 其 用 9 不 安 偉 葬 兀 家 蔽 訐 上 0 乃 木 中 僞 能 不 犯 人恨之。 得 罔 之,謾 五. 不 初 偉 署 敝 歸 而 法 謹 口 冒 變, 百 爲 傜 即 因 過 政 偉 呼 П 文 而 至 謀 役 位 公 直 畏 圃 因 舌 云 稱 徒 詞 偉 因 者 [《]行 及 偉 適 偉 此 祚 展 争 有 神 自 流 公以 有 變 事 偉 亦 轉 不 出 繼 五 狀 也 若 明 前 + 小 以 賂 室 發 敢 輒

聞

之 無 竦 善 是 惟 因 之, 體 父 以 其 時 不 陳 嗟 改容 孝 母 方 位 前 亦 喜 爲 友 説 進 大 天 知知 孝, 讀 動 之德,光 喜。 地 ^ 色 善 史記 其 響 9 兄弟 之, 以 舜 行 即 狀 \approx 諷 于 至 H 白 諫 爲 至 Ŀ 傳 側 姓 友。」 堯 也 下。 微 其 戴 授 吉吉 之, 堯 辭 舜 左 於 何 右 越 以 氣 非 外 謂 屬 明 天 四 有 孝 聽 暢, 它 嶽 下 慈 友 者 道 壽 ? 襢

公前 荷 議 人磊落 受之,非 辭 後 之。 拜官 明 未 其 以 白 誠 邀 嘗 心 名 推 輒 以 誠 也 讓 謂 自 唯 所 信 行 初 狀 不 拜 不 宜 爲 侍 處 讀 防 則 及 慮 除 0 不 欲 至 諫

公爲 其 無 中 屢 餘 見 財 居 家 侵 與 不 害 其 間 皆 弟 有 置 攽 無 友 mi 喜 愛 不 尤 賙 較 宗 篤 族 亦 《墓 不 既 誌 介 卒 于 家 胸

徙

0 及一、《 彭 城 卷三五作[反] 」,於義 爲

公學問 安 公主。 也。 同, 代 銘 語 禮 謂 州 吾 夫 不 知 Ш 時 觀 沿 識 防 乃得女。」 善 制 大 經 其 八皆當 公與 其推 之,當 度 文字 禦 者 略 廣 地 ,得三代 夜 所 使人 又嘗 求 誌 博 歲 用 視 言 亦 進 就 人 奇占。 星 有 ·其意: 迤 無 陰 填 不 者 交,不 居 齋 館 繼 齊 時 往 敦 興 書 陽 星 廢 數 日 甚 衆, 大 太一宫, 鍾 黄 於 來 簠 義合於聖人者 不 1 指 也 日 統 求 鼎 公案讀 齊 虚 簋 相 同 通 筮 日 器 其 者 視 使 與與 冕 ൬ 遂 嘗 : 危 自 醫藥 備 笑。 者 Ш. 與 與 與 登大位 間 前 浮 此 之, 歲 來 數十、皆 八昌 江 亦 内 得 世 屠 於 天 餘 色甚 數 第王 休 書 溱 學 因 因言宫 英宗 法 文, 一,而 月, 老 復 傳 善 者 云。 濟 以 當 子 明 欽 鄰 有 所 考 果 略 則 世 所 叔 得 盛 篆 臣 幾 在 皆 中 不 説 以 生 人 稱 知 同 以 土 最 所 刻 長 道 載 齊 以 前 夜 兩 NA KA 及 不 在 究

> 之, 求之古· 狀 及 爲人書銘 公不發封 果,公爲成 也 既 善 鄰 卒,其家 以致 嘗 聖俞 幾 人 死, 意 : 嘗 阮 特 焉 盡 之。 不 歐 鄰 籍 欲 此 能 以 陽 幾 書《 梅 陶 程 自 膊 永 和 事 堯 潛 梅 程 存 氏 mj 叔 之倫 臣 氏。 喜 ,公哀之, 丞 以 爲 不 聖 相 流 經營二友云。 誌 餉 俞 也。 公平 神 墓 白 柔 與 道 石,公爲 金. 公親 薦 而 生未 碑 未 Ŧi. 之於 不 \forall 有 百 且 犯 嘗 病 以 舊 朝 兩 書 輕 不 當 助

三朝名臣言行録卷第五

五之一 參政唐質肅公

院 三可 府 駕 殿 遂 出 召 上,歷官 數則 中侍 爲 知 推 知 度 殿 出 太 官。 公名介,字子方,荆 中 政 支 知 原 御 州縣,召爲 事 府 侍 洪 出 副 徙 史裹行。 御 監 使 知 州 薨 神 史,除 楊 郴 英 除天 宗 州 年六十。 州 宗 即 監 以言 税 直 歷 位 辛 召 察御 集賢 轉 通 遷 閣 爲 事貶 南 運、 半川 待 薩權 御 院、權 史裏行 潭 人。 制 史 發 英 州 司 中 運 州 知 舉 開 使 丞 使, 諫 遷 復 進 封 别

> 公爲岳州沅江令,州民李氏,以高 州 不得 喜 忠肅公撰《神道碑 守又奏以爲未 所 去,偕以 ,卒用公所具 擊 漁 奏專以 斷 擾 ,或者一 活 則 死 逮 者得官。 屬 不 繋 盡。 公。 厭 其 獄 家 詔 不 因告其 公考閲 白 遺御 能 公終不自言 П 變, 史方 祠 實非 極 州 鬼 獄 吏皆 偕 貲 用 之慘,情 殺人者, 移 (爲上 人。 也。 华 劾 澧 罪 守 下 劉

知莫 實 還 莫敢 繁急。 息。 民 L 至 中 下 一,親 自 州任 而毁失者,移文取其償。 《神 便之。 何 高 人主之,州 坐驛門給之,一以 辨。 道 其下因 陽 丘 碑 縣, 起 公爲 塘水歲浸邑田 堤, 縣當國信, 緣 縣畏 亘十 爲 作 显 女奴 其勢, 餘 畫 利 異 , 預 里蔽 法令從事 驛 故 + 不 頓往 居 時 之,其 敢 過者皆戢 其 俛 村, 拒 返, 物 首 趣 患遂 誅索 而 應 每 募 復 塘 使

四〇九

通 水菑 行 按 爲 判 其 德 F Ŧ 留 存 公 州 民 禹 牒 民 即 玉 木 轉 者 撰 不 移 運 不 即 書 蒽 使 不 聊 下 誌 安 在 崔 轉 公終 撫 安 艦 運 司 撫 以 使 不 日 庫 司 從 不 帛 平 ? 爲 配 加 巏 之 民 北 嘘 亦 卹 闡 仍 不 而 能 然 年 调 果 則 被 估

爲 聖 殿 是 輿 院 服 中 詔 侍 故 公言 罷 御 喧 之。 瀆 史 裹 其 行 神 此 中 道 太宗 碑 内 又 侍 飾 神 督 金 御 作 玉 所 龍 调 在 鳳 制 爲 車 皆 後 于 宫 非 啓

張 欲 爲 媛 靈 郎 堯 論 以 戒 佐 群 堯 知 庭 者 開 佐 列 牧 不 争。 殿 遂 兀 州 報 以 使 驟 L 卒奪 進 遷 , 又 會 又 + 御 其 與 堯 擢 白 史 姪 日 諫 佐 第 御 唐 女 宣 官 中 9 史 介 累 有 徽 除 包 中 <u></u> 官 寵 官 拯 景 丞 疏 於 至 徽 留 靈 旲 屯 引 節 百 兩 奎 宗 \blacksquare 楊 官 使, 度 等 爲 員 或 班 特 七 景 忠 修 外

衆 使下 恶。 質 召二 官 媚 全 却 堯 奪。 耶 官 官 日 極 加 恐 彦 謂 ? 其 貴 吴 佐 徽 徽 介 言 彦 殿 禍 博 彦 府 妃 仁宗 奎 使 六 奏 臣 而 同 博 博 請 밆 出 觀 日 不 室 忠 介 假 以 知 加 列 不 拜 因 服 逐 諭 望 視 静 義 相 河 致 河 疏 - 測,是 依 貴 謝 彦 挾 憤 日 愈 彦 文 以 位 陽 陽 違 示 不 妃 且 姦 博 激 彦 切 博 旌 之 宰 爲 己。 不 言 得 0 時 而 博 宜 除 唐 敢 前 相 名 日 執 雖 將 語 相 蔡襄修起 知 言 介介 自 謂 擬 宗 樞 鼎 耳 政 貶 唐 其 富 益 省 今 百 初 大 密 鑊 竄 遂 弼 何 切 州 我 文 未 出 列 怒 副 不 言 即 直 言 獨 日 曹 幾 以 中 避 使 它 有 介 居 玉 又言 也 争 贵 宣 書。」 梁 也 以 彝 之, 事 注 之, 音 徐 徽 口 適 燈 是 佐 · , 上 宗 乃 甚 讀 介 使 介 叱 不 中 籠 不 欲 復 口 厲 怒 畢 殿 急 口 介 諫 面 結 遂 錦 能 已 與 除

志

往

往

作

爲

文

章

以

頌

詠

其美。

自是

公怡

然

南

去,

絶

口

不

爲

道

當

此

之時

天

下

士大

夫識

與

不

識

聞

風

歎

慕

聳

然

有

文

道云: 者,潞公夫人遺張貴妃,公不知 彦博以 上元 也? 辰所 閣 像,置之便殿。 吴 駕 E 陛 殿 主 全之,無令道 見 奎 舉 廬 之美德 宴於端門 獻 即 定州 因 一,而 草 仁宗貶 復取 IE 陛下眷妾,故 爲 進 以 對 制 救 所 紅 遣 日 必必 持 其奏以入。 , 貶 甆 唐 解 帝怒 中 : 服 器 柱斧碎之、妃愧謝久之乃已。 〇又《聞 介領 之, 介介 死 春 望 使護送 所 帝 謂 有此 一全貨 0 州 南 怪 E 誠 燈 「嘗戒 《名 别 問 見 將 亦 獻。上終 籠 狂 録 錦 駕 臣 介至貶 行, 直 又 中 汝 傳》及 者,上亦 遂 Ě 「安得此 也 遺 勿 明 悔 . 然 翊 召 中 通 仁. 不 日 《碑誌 臣 使 所 當 納 樂。 宗 日 改 怪 賜 罷 僚 物? 諫 制 問 爲 介 饋 御 H H 或 妃 金 彦博 容言, 妃 舍 遺 英 云燈 妃又嘗 幸 戒 史 0 不,不 日 張 又 以 又 以 州 中 籠 貴 畫 晁 聽 E 文 就 必 臘 别 派 侍 錦 何 拱 妃 其 以

> 事官 以 畏 嘿 爲 耻 9 而 大 臣 亦 知 所 鑒 戒 云

《神道碑》

潭 言 州 之果然。 近 而 侍 事 下 巨 輕 謪 日 賈 其 潭 私 倅 估 湘 唐 Ш 藏蚌 介 悉 分 野 必 銊 珠 自 胎,爲 不 獄 售 肯 發 焉 買 關 0 奏 唐質 吏 方 案 介 具 肅 搜。 奏 公 覆 宗 時 太 守 以

改 以 史,特 殿 公 前。《墓誌》、《神 矣。」公頓首 至 中侍 來,未嘗 不不 遣 御 以 内 史, 以 侍 謝 私 語 道 齎 知 碑 書 自 告 復 退 至 明 州, 勑 就 京 就 職 未至,召充言 師 帝 賜 声 曰 口 令乘 . 事 謂 無 知 不 驛 所 易 卿 赴 事 被 澼 所 朝 守 御 如 謫

出 公言 知 如 頃 中 楊 爲 路 州 復言召之」。 御 史, 徙江 時 所言 潞 東 或 轉 皆 文公再 《神道 運 中 使, 臣 碑 病 當 御 史 國 而 吴 責 亦 中 言 太 復 重 唐 請 還 願 介

爲 議 絶 與 堡 河 其 限 事 戰 東 之,而 轉 互. 而 平, 没。 市 運 多如 使 产 盛 朝 戎 州 公册 兵 廷 人 守 境 罷 盜 將 上 易 0 耕 輕 帥 河 神道 出 戎 臣。 乃 按 人 碑 視 經 懼 公 略 攝 賊 乃 使 事 奄 來 令築 至 請 即

仁宗 立 澤 深 音 無 不 不 有 可 朝 地 罷 其 所 赦 經 所 責 ··; 可 至 口 願 以 和後 者。 宜 縦 勿 以 委 與 命 否 必 交 貴 遣 有。 造, 古 大臣,進 不 政 行 泰 諸 賤 繇 律 以 事 御 仍 爲 路 請 輕 則 中書 以以 朝 意 權 著 治 走 裁 崇 重 淵 異 歸 爲 敦朴忠 馬 放 幸天下。」又 信 如 嘿。 監 願 法。 宜 後 承 此 矣。」 孫 可 時 受 **\$** 宫 占 公言 沔、 又言 延 使 厚之士,稍 有 冗 所 論 天下 訪 臣 司 數 謂 宫 ~,罷 凌 群 差 言 斜 溱 杰 配 君 下 其 擾 侈 封 : 士 H 軍 祈 臣 「賞 郡 重 縱, 節 抑 至 禳 非 丐 發 如 弗 之 劉 聚 死 德 盛 恩 宜 天

> 道碑》 城 議 地 陵 斂 門 與 賜 在 文 入禁中 錢 水 保 法 改 吏, 州 非 100 尊 自 以 言 祖 楊 銷 公言: 重 之道。」兖 懷 刻 責守者,以 薄 敏 遷 浮 廣 塘 競 久安之神 或 水 之 嚴 公主 風 稍 官 稍 夜 省 或 以以 侵 開 朝 近 皇 其 祖 神

嘉 横 祐 開 例 蚌 未 覆之,門 承 燦然 無無 封 "; 凡 天 得 中 門一 -,仁宗 方 擅 有 由 鞠劾次 行 搜欄 不 吏搜之,乃 禁 寬衣老兵,持 次 知 自 止 更不 日 内 其 今 執 閤 數 後 小璫 奏 降 中覆 金 應 定 密 禁 巨 馳 竹 内 口 勑 門 弁 騎 2 降 弊 否 . 舊 即 一枚, 器 「近 急傳旨令放 批 律 送 始 出 盡 以 所 事 數 E 以 依 女 pĵ] 日 外 綴 È 謁 敗 門 時 荷 巨 左 μĴ 縱

②「中」、《續湘山野録》作「申」。 ① 「册」,劉摯《忠肅集》卷一一《唐質肅神道碑》作「策」。

其 放 一劾之, 之。 物 仰 唐 進 仍 呈。 質 重 肅 0 貶 公 府 瓘 方 尹 以 在 魏 戒 諫 瓘 不 垣 不 虔, 用 疏 執 瓘 乞 奏 降 再 法 收 知 越 遂 犯

碑

州

湘

Ш

野

録

時 胡 卒 使 宜 補 辨 出 御 宿 罷 陳 處 其 史 室 等七 之。 升 外 曲 中 知 相 之 直 丞 乃留 荆 亦 人 與 而 劾 南 待 於 E 公 内 宰 罪 是 書 復 亦 侍 相 而 罷 懇 知 去 通 門 公 留 諫 御 未 姻 下 與諫 知 院 史 報 不 封 洪 不 中 報 還 乃 言 州 口 官 丞 制 自 大 新 書 御 神 去 任 翰 除 道 史, 官 , 屢 謂 亦 林 碑 樞 學 密 求 號 公 連 疏 副 外 不 不

治 平 德 右言也。」公言: 卿 安樂, · 元 則 在先 年, 爲 善 朝 唯 召 有直 繼 爲 治 御 川 一聲,今 史 丽 海 先帝 己。 中 蒙 出 丞 福 在 願 矣。 自 位 英 恢 朕 四 宗 聖 選 + 墓 面 度 許 餘 非 諭 年 繇 廣 神 H 天 左 恩 道

> 知 費,非 太 策 環 守 其 事 慶 以 所 原 莫 待 築 路 府、 初 至 如 之, 境 移 計 代 自 河 上 檄 遂 州 東 也 重 堡 ! 出 岢 不 經 奈 栅 嵐 略 兵 復 以 何 牽 使,至 軍 敢 2 事 以 又移 動 虜 制 L 小 數 一則首 聞 侵 公 文 其 擾 諭 故 詔 後 邊 戒 . 寇 以 公公 以 使 邊 諭 利 大 守 遣 鄰 將 害 順 西 邊 道 兵 毋 帥 城 之 嚴 撤 生

《神道碑》

召 公 雖 謂 拜 廟 疏 請 之 居 還 議 外 京 可 臺諫 起, 使 師 意 狃 言 未 官之謫 于 有 者 嘗 恩 可 多 不 不不 議 得 在 者 罪 增 朝 喜 《神 擾 廷。 官 公 道 屋 憂 唐 碑 於 僦 形 税 是 直 于 間 濮 架 公 王 以 密 景 可

● 「仰」、《續湘山野録》作「即」。

→《唐介傳》改。
→《唐介傳》改。
→《宋史》卷一一及《宋史》卷

四一二

以爲鑒,恐所得不當所損。」奏,卒罷之。

《神道碑》

拜 歸 慎 替 益 參 翕 頣 祖 宗 然 同 致 知 未嘗 想 雖 法 列 用 所 政 望 論 事 人 在 有 以 反 其 明 政 帝 事 所 顧 公自 言 風 事 君 前 更 采。 其 之 帝 反 近 必 以 才 義 復 以 究 進 臣 神 否 是益 再 道 繇 切 有 純 碑 不 直 辨 所 誠 敬) 未 道 杰 析 進 信 恩 嘗 退 公, 之, 感 要 SH 不 概 多 是 尤 而 屈 避 知 所 非 極 天 怨 遇 之 於 獻 下 其

E 及 安 荆 亦 主 未 \mathcal{H} 謂 人 嘗 就 此 公 此 少合 之 事 如 如 湯 龃 得 非 唐 諸 介 爲 五 純 質 佛 就 日 純 臣 荆 肅 苦 桀 臣 也 公 公 薩 者 ? 乎 道 雅 介 之行 爲 志 愛 同 質 宰 在 馮 爲 荆 肅 相 道 安 公 參 易 人 H 0 知 以 而 四 政 有 於 其 姓 事 伊 伊 E 能 豊 尹 前 議 尹 事 屈 之 嘗 語 身 論 口

> 唐 質 培 位 有 志 而 前 肅 命 政 名 則 府 公 致 口 惟 荆 0 相 棘 自 知 日 侵 荆 無 則 勉 自 公 不言 率 甚 而 政 爲 多 已 如 府 之 矣。 0 此 桃 歸 變 也 湘 李 色 然汝等 0 Ш 語 固 野 諸 東 銢 未 其 軒 子 嘗 筆 窮 論 日 銢 爲 達 議 . 汝 不 等 吾 合 栽 備

熙 當 幾 引 事 寧 生 顗 諫 政 H 肅 時 去。 事 章 公 歎 初 疽 程 自 謂 息 疏 是 介 宰 顥 發 富 中書 唐 是 攻 時 趙 之論 遇 干 執 鄭 時 擊 荆 質 背 少 同 公 鄭 者 公方 有 肅 師 事 m 尤 列 弼 公 生 無 屢 再 抃 死 極 以 無 得 曾 争 虚 改 詆 老、 病 E 君 魯 日 訾 趙 於 足, 即 荆 病、 人議 公公亮 F 小 鋭 昌 聲 天下 公安石 魯 前 師 死 意 誨 苦 論 公以 力 苦 之人 新 者 不 范 爲 稍 不 美天 數 爲 能 純 勝 年 合 相 言 。皆 + 冬 勝 老 介 旧 下 知 唐 圃 甫 皆 未 錢 之 终 臺 故 爲 政 質

也

0

《東軒筆録》生,明仲老,彦國病,子方死,悦道苦

公端 碑》 終 恂 事 勁 有 文 屬 禮 之質, 斷 其 初 子 自 無 以一 出 奉 留 於 修 簡 思。 天資 約 身持 未 而 立 門 邃 嘗 朝 户 於 問 風 學 家 加 間 格 有 己 凛 待 無 0 然 神 將 恂 遇 道

介爲 聲 皆 大 名 人 用 以 簡 介 减 然 於 宜 伉 諫 居 處 以敢 官 之。 政 御 府 言見憚, 史 神宗 遭 時 時 以 有 其 每 爲 有 言 , 少 直 事 所 名 官 建 缺 故卒 明 衆

孫 參政 史。 以 身 m 御 風 遽 抃 薦 史,今豈 人 力 吾 或 之, 爲 稱 何 問 御 功 於 何 日 史 以 求 天 也 中 : 輔 ? 識 下 丞 聞 政 面 0 孫 君 薦 臺 孫 唯 答 官 未 唐 薦 晚 嘗 日 介、 也 年 ! . 與 臺官 吴 執 二 人 昔 、中復 後二人 政 人 爲 相 嘗 耻 無 爲 識 皆 呈 娘 嘆 御

之二 參政趙清獻公

五

乞罷 學 未 雜 爲 睦 縣 進 學 幾 通 州 士 土 右 事 以以 知 爲 公名抃 山 擢 判 移 成 爲 諫 資 右 泗 武 知 梓 都 河 0 安 政 諫 州 成 州 府 出 北 字 軍 殿 議 都 路 擢 知 都 閲 學 節 大夫、 府 轉 神 爲 轉 虔 度 道 士 運 宗 殿 運 知 州 推 知 使 參 中 衢 即 使 越 杭 官 召 知 位 侍 州 州 改 以 爲 青 政 御 知 西 益 召 龍 侍 又 事 史。 安 建 知 州 徙 人。 州 圕 御 州 路 諫 知 累 閣 崇 史 出 院 進 杭 音 直 駆 知 召 知 安

0 悦 互互 見 四 庫 本 作 関 下 文《參 政 趙 清 獻 公》 閱

四丘

仕。薨,年七十七。州。元豐二年,告老,加太子少保致

公爲武 讞 赦 死 前 之,卒免 仕 公獨 安 不用 軍 ,赦後 推 日 死 官 不 造 有 僞 造,法皆 在 府 造 赦 皆 印 前 服。 者 不 圃 蘇 死。」遂 吏皆 用 内 在 翰 以 撰 赦 爲 以 神 當 疑 道

以 **今孝** 母 縣 碑》 榜 越 子 其 國 傳 太 所 夫 居 《神 人 里 、喪廬 道 爲 碑 孝弟」, 于墓,三年不 處土 一孫處 宿于家 爲

通 公獨 己出 判 泗 者 左 州 一,守得 右其 泗 守昏 政 以 善罷。 而 不 晦 事 其 事 《神 所 , 監 道 以 碑 然 山 欲 使若 罷 遣 權 之, 不

曾 公亮 子小 號 召 公 爲 人,以謂 殿 「鐵 爲 中 翰 面 侍 林 御 學 御 史。 小 史。 士, 人 未 其言常 雖 彈 識公, 小 劾 過 不 欲 當當 避 而 朝 權 以 力 廷 臺 幸 排 别 官 京 而 白 薦 絶 君 師

> 之, 持愛惜 人 不 後 厭 乃 無 以 神 患 成 道 , 就 碑 君子 其 德 木 幸 故 而 言 有 事 註 誤 雖 當 切 保 而

温 《神 复任 置顛 罷 役 桁 成 皇后 以以 及 道 情 且 倒 碑》 家聲 多 全 沆 引 方 用 或 過 爲 又《記 葬 狼 邪 體 失, 相 耤 佞 等 始 聞 招 章十一 八 復言 而 命 延 事 1 領 參 趙 祝 幸 事 知 抃 私 E 相 上 如 政 讎 言 故 事 陳 嫌隙 執 陳 執 劉 相 中 排 公 沆 不 中 卒 學亡 斥 論 不 監 善善 罷 學 其 護 良 紨 去 當 無 其

先是,吕 去,憂 脩 南。 絳 不 不 能 輩 守 去,一時名臣賴之以安。 公即上言:「近 河 諂 無 國之士,爲之寒心。 溱 事 幾, 陽 出 權 守 今皆 已 要, 徐,蔡 而 傷 欲 歐 之者 請 陽 襄 日 郡 守 脩 正 衆 者 泉,吴 乞 人 矣。」 《神道 蔡, 侍 以 賢 從 IE 奎守 士,紛紛 賈 脩 碑 之賢, 色立 等 監 壽 由 乞 荆 此 引 如 韓

知 籍 掃 州 有 茶 睦 税 歲 爲 m 無 杭 茶 市 羊 地 一、公爲 公公 爲 奏 移 蠲 文 却之。 之。 民 民 至

今

稱

焉

神

道

碑

西 竦。 行 蜀 相 帥 部 饋 以 地 遠 儉 無 餉 神 不 道 窮 而 所 衙 碑 民 城 不 從 前 小 弱 至 者 治 邑, 請 吏 厨 父 民 恣 以 傳 老 爲 或 違 鷩 破 不 生 制 家 喜 法 而 坐 相 相 之 不 州 屬 慰 識 蜀 郡 忧 使 女妓 風 以 者 吏 公 酒 爲 之 身 亦 食

宋 位 罪 庠 不 介 陳 其 以 爲 公與 詔 道 不 楅 誨 强 可 八言者 密 起之, 范 章 使 師 陳 亦 選 升 道 + 乃 罷 用 之 同 乞 餘 武 声 除 補 上 神 臣 升 道 桐 一, 不 外,二人 碑 之 密 多 省 交 副 不 結 如 使 即 皆 宦 舊 居 相 官 法 家 頣 次 待 去 進 唐

公得 欣 虔 然 過 州 家 地 Ŀ 遠 冢 而 而 民 去 好 訟 既 至 謂 遇 公 吏 不 民 樂 簡

> 授 北 郡 利 獄 自 嚴 肾移 以 0 以 無 任 M 舟 公間 虔當 屢 所 事 不 : 復 空。 岢 間 文 勿 仕 取 以 量 以 宦 餘 廣 改 令皆 悉 遣 給 事 修 之 材 之 召 當當 公 諉 家 鹽 衝 喜 諸 造 使 郡 具 , 法 縣 舟 物 有 行 争 舟 荷 得 疎 父 者 杰 載 歸 告 事 整 百 常常 兄 之。 力, 者 辦 艘 贛 没 自 相 虔 石 而 虔 至 而 移 繼 事 民 爲 者 易 不 民 於 爲 悦 能 舟 **\$** 既 賴 廣 道 悉 其 吾 歸 諸 而

神道碑》

賈 昌 募 吾 辦 則 何 朝 義 官 往 ?」公曰 事 遣 朝 者 視之。 其 勇 以 吏 公公 使 屬 當 调 相 來 「: 「捨 雖 坐 期 昌 告 判 者 欲 不 大 朝 舉 足 名 大 初 職 百 者 府 名 前 不 餘 徒 説 恐 公欲 此 則 事 也。 監 列 年 有 按 公被 司 郡 不 前 視 州 不 未 應 此 府 旨 郡 服 有 例 有 庫 督 矣。 按 不 詔 其 時 昌 視

請 事 而 募 寬 其 亦 言 罪 隨 足 以 河 俟 朔 昌 農 頫 朝 隙 歲 乃 豐 愧 從 熟 服 之。 日 故 募 坐 名 者 不 得 如 不 數 免 虚

手

詔

嘉之。

公

與

富

弼

曾

公

亮

唐

介

同

心

輔

政

率

以

公議

爲

主。

會

E

安

石

用

議

神 宗 還 碑 密 趙 論 苟 爲 得 慰 亦 几 院 將 鼎 稱 馬 欲 言 縉 吕 即 矣。」《神 是 用 事 紳 誨 人 位 馬 上 大 了,公議 蜀 之望。 耶 之, 默 日 用 傅 召 以以 ?」公知上 道 皆 何 : 堯 知 碑 必 傷 不允,公力言之,即罷 骨 俞 用 諫 E 更 琴 鯁 趙 納 院 范 省 敢 抃 其説 及 府 一意將 純 言, 龜 謝 爲 故 仁、 自 不 上 上 諫 事 久譴 用 吕 隨 官 爲 郭 其言 謂 近 爲 大 逵 諫 不 賴 公 防 臣 除 官 復 政 其 自 即 簽 ○《神 趙 簡 声 聞 無 成 大 書 阚 疏 都 以 卿 臣 樞 道

失

爲

重

青

苗

使

者

於

體

爲

小

而

禁

近

耳

重

體體

有

大小。

財

利

於事

爲

輕

加

民

心

得

從

多多

以

言

事

求

去。

公言

朝

廷

事

有

輕

論

不

協

既

而

司

馬

光

辭

樞

密

副

使,

臺

諫

侍

至 景仁 論 和 即 臣 心 而 目 神 中 之臣 知 恐 取 陳 道 不罷 恭 范 碑 輕 其爲人。」他 ,數訐之於上, 天 公事 用 下 景 失 青 捨 自 苗 大 有 爲 此 爲 使 而 隙 大。 不 者 諫 得 目,上 官 安矣。」言 而 小 煕 今不 且 輕 趙 盛 日 非 以 棄 悦 罷 0 中 宗 間 禁 道 財 陛 廟 悦 介 人, 近 爲 利 下 甫 社 道 耳 御 丽 即 間 稷 目 執 史 對 車平 求 趙 之 政 去 失 0 去。 福 恨 重 以 民

居 奮 月 面 擢 議 右 政 事 諫 ·,有 議 大 不 夫、 盡 參 者 知 輒 政 密 事 啓 聞 感 激 思

0

悦」、《涑水記聞》卷

四

作

関

下三「悦」字同

社 :「公不與景 稷 祐 臣 初 豊 _____ 非 忠 宗 8 乎 仁 違 卿 ? 有 豫 何 隙 既 鎮 以 乎 首 退 知 ?! 悦 請 其 介 忠 V. ? 道 甫 皇 日 謂 嗣 對 悦 以 不 安 道 .

E 趙 荆 其 悦 贈 趙 新 論 韶 故 使 水 敢 晦 清 公 言 之物 法 列。 E 獨 道 二人潛察府界 以 押班 叔 一、怒目 一堅行 初 獻 不 日 私害公。」《記 青 罷 參 叛 一介甫 同 苗 藍 小人首 常 中 政 Ē 參 諸 盛 元 實 丞 倍 事 政 至 振 崇 公日 不 之 舊 · 下 事 今 鼠 每 便 介 日 青 例 因 聞 未 有 視 兩 甫 9 苗 獨 能 但 E 端 中 廟 朏 陰 公輩 還皆 折 固 用之不 臣 諭 堂 也。」《 當 使 結 上之 之 先 執 宣 如 内 坐 朏 日 與 言 政 無 召 侍 温 不 之。』介 寵 疑 此 公日 民 及 都 讀 議 : 便樂之, 賜 君 知 書 録 E 又 ,不 予 言 甫 使 張 E 耳 H 日 失 子 若 争 德 敢 中 所

公素 讀 號 ? 寬 如 刑 厚 泉、 公 默 杭 夔、 然。 之 無 稷、 邵 賴子 氏 契 後 之 弟 録 時 以 , 此 有 逆公, 何

口

H. 年,成 都 爲 自 其 駢 爲 齊 H 他 日 陛 然 天 經 政 所愛信 來 俗 聚 州 坐 下 子 略 府 公乞以 ,及境 朴 悪 爲惡 吾 堂 有 都 意 撫 復 厚 與與 以 言 黨 Ł 而 公必辭 往 者 一方,汝 汝 戍 臨 燕 遇 即 7 相 公知 便宜 者 有 卒爲 勞 皆莫如公,遂 風 以 法 率 年 卒 暇 退 清 卿 也 遁 相 行 其意 亦宜 憂, 長 净。 如 能 及見 去。 若 飛 事 顧 在 他 爲 也 朝 墮 清 豊 堂 即 時 H 我 擇 未 水 廷 慎 吾 Ŀ ,兵民 有 日 行 Щ 下 幾 以 擇 重 而 畏 例 以 辭 日 東 乎 犯 大 遣 盡 徙 哉 戢 . 早 ?」公曰 公好 者率 學 晏然。 大 身 青 以 至蜀 蝗 土 近 臣 神 人蜀 州 帥 諭 道 黥 歲 知 自 爲 之 默 大 皆 蜀 淄 因 無 成 配

《神 知 比 公 戍 道 碑 有 還 善 得 餘 貲 轉 相 持 告 歸 語 爲 室 莫 家 敢 計 復 口 爲 也 非 人

吴

越

大

饑

民

死

者

调

半

公

杰

所

以

救

荒

之

術

發

廪

勸

分

而

以

家

貲

先

之

民

樂從焉

劍 吏,以 公 也 盟 將 明 州 取 得 度 命 90 具 帥 不 人 玉 民 使 等 爲 公 獄 兵 死 李 讙 意 至 討 閲 使 蠭 孝 決 呼 聚 之, 喧 之, 喻 忠, 已 之, 以 境 或 傳 之 繁 聽 夷 集 以 E, 處 京 日 婢 無 衆 人 謀 孝 師 ů 引 事 肆 驚 以 逆告 忠 訖 弓 爲 易 謂 百 人 潰 以 剽 公 餘 也 不 將 乞 不 私 獄 掠 脱 人, 射 降 殺 可 造 具 茂 逆 心 用 (,公不 符牒 私 願 公 州 黨 取 人。 造 \equiv 殺 蕃 顶 m. 符 《神 餘 牲 婢 遣 部 朝 畀 牒 部 聞 以 鹿 狂 皆 法 町 道

之。

神

道

碑

》〇《南豐

集》有

趙

公越

州

救

555

記

徙

治

杭

早

與

越

等,

其

民

尤

病

既

而

朝

廷

議

欲

築

其

城

公

曰

民

未

口

勞

也

罷

城

使民

食其

力,故

越

人

雖

饑

而

不

怨。

復

生

者得

食

病

者

得

藥

死

者

得

藏

下

令修

龜 再 公平 趙 鄉 己 民 \$ 衢 閲 凑 蝗 葬 生不 ,所至有 女。 詣 有 路 米 道 米者 越 煕 V ·價 暴 一、米價 治 在 寧 賞 骨 踊 産 任 官 聲,在 中 禁 貴 及 業。嫁 增 更賤 人增 以 爲 貧 餓 價 大資 人 無 成 糶之。 死 米價 兄弟之女以 嫁 都 者十 以 民 政 孤 杭 斂 無 女二 知 於是 五 且 餓 、越尤著 閲 越 六。 死 葬 道 州 + 者 諸 者 + 獨 餘 諸 州 數 牓 施 閲 米 州 兩 念記 衢 棺 皆 皆 道 商 浙 崩 給 居 治 牓 如 輻 旱

趙

清

獻

公

初

任

成

都

携

龜

鶴

以

行

其

碑

任

也

屏

去

龜

鶴

止

蒼

頭

執

事

張

裕

學

士送

以

詩

乙

馬

諳

舊

路

行

來

蓋

其

學

道

清

心

遇

物

而

應,

有

過

人

者

矣。

神

道

碑

至

一於治

杭

誅

鋤

强

惡

姦

民

屏

迹

不

敢

犯

都

尤爲

世

稱

道

, 0

要

之以

惠

利

爲

本

然

有

口

與與

之,

獄

有

口

出

出

之。

治

虔

與

成

趙 生不 碑 分 側 然 謹 知 大 薪 思 公真 别 者以 有 報 繩 理 不 、公與之訣 邪 評 畜 墨 其 高 知 聲伎 舉意 世人摽表,蓋以爲不可 事。 IE 爲 德 蹈 其 無意 慨 數。 規 公爲 將 晚 然 矩, 遷 將 詞 於 歲習爲 少 不 薨 侍 人 世 與 色 可 育 和 御 也。 不 人言, 晨 奪。 於長 易 史,乞不遷) 養 起 温 然 如 氣 字 安坐 兄振 如恐傷之。 厚 至論 平時 安心之術 相 周 及也。 韓 而 子屼 振 朝 旋 以以 琦 終。 廷 曲 既 嘗 《神 贈 事 没 稱 侍 平 不 翛 振 道

韓

趙 清 更不 趙 敢 爲 吾非 犯 獻 之,其政 清獻再守錢 能過 公平 畏汝, 慙 議 生 也。 者謂二公治 本於愷 日 《吕氏家塾記 所爲 見 塘、天下 侍 悌, 中耳 事,夜必 民 然 劇 ----不 郡 雖 嚴 清獻 衣 郡 西 冠 丽 幾 京 露香 肅 至 所 公從 無 稱 民 事 九 循 莫 容

忠獻公之守安

陽

人

將

闘

訟

輒

自

止

日

内 《聞 拜 翰銘公之碑曰: 手告于 見 後録 天 應不 , 可告者 「蕭望之爲 則 不 太傅,近 敢 爲 也

蘇 如清 師。 川 社稷臣 治 獻 其 行 一,其爲 公、② 在官守, 第 無 , 馮 適 其 驯 不 不 爲 專於寬 宜 民未有聞 丞 邦 相 之司 名 時 示 出 直 迨 黄霸 猛 民 片目 政 之父 爲 嚴 潁 孰

公爲吏,誠心愛人,所至崇學校,

禮

師

儒

民

0 所 世上下,《 蘇 文 集 卷 七《 趙 清 獻 公 神 道 碑 有

2 如」,原作「知」,據同前書改。

四

人,掩 有之,不幾於全乎!」 之賢,鄭 而 不 殘 其 子 疵 其 産 疾 在 一之政 言 蓋東 責, 日 郭 不專 叔 順 向之言 子之清 於直 一、公兼 爲 孟 或 獻 ௱ 子 愛

五之三 御史中丞吕公

復 宗 復 知翼 出 御 通 進 初 監 知 史 召 士 知 還 城 第 諫 ,召爲 知 鄧 公名誨,字獻 ,歷旌 院 臺。 縣,簽書定國軍 州 雜 召人爲 事 遷 鹽 提 英宗即 德、扶 諫 鐵 駆 殿 出 副 議 西 中 知 口 使,擢 京 大 位 風 侍 蘄 夫, 崇 主簿 御 IF. 州 節度 同 福 史, 惠公之孫。 天 權 知 官 徙 ,遷雲陽令, 章 御 出 判 諫 致 日日 閣 官 史 院 知 州 仕 中 待 一,知大 江 兼 州 制 丞。 熙 侍 登 神

> 獻 《墓 妄 口 (交遊 幼 誌 孤 、洛陽 自 力 爲 士人往往不之識 學,家於洛陽, 性 可 沉 馬 厚,不 温

同 召入爲殿中侍 當聽 都 留 獻 忠意,乘此 知 會 因 主,仁宗之愛女,下嫁 宿衛 有 知 諫 可 忿恚,夜開 ,章十七上 任 院 與 新 人。 不 守忠,●久用 時 其 除 可 僚 樞 并 上有 不嚴 與其徒間 御史, 直 劾 密 一、卒與 禁門,人 以衆言 副 奏 疾 一、公主 使 公主閣 彈 俱 太 事 者 劾無 搆 能 李 訴 后 於中,上之立 陳 夜 當當 兩宫、造播惡言 瑋 權 於 上前 巾门 《墓誌 宦者, 所 同 上。 時人有疑 禁門,門者不 薄其 避。 聽 政。 謂必不 獻 竄 夫家,嘗 兖國公 可 逐之。 非 内 奏 論 侍 미 守

率

四

年

卒

,年五十八。

[→] 大吕府君墓誌銘》作「内侍、都都知」。
→ 「内侍都知」、司馬光《司馬公文集》卷七七《右諫議十

執

政

建

言

•

欲

如

漢

氏

故

事

推

尊

濮

安

懿

E

言 宜 懼 謀 前 屢乞 日 疑 心 中 下 又 E 爵辛 亦 今雖 /請 後 不 釋 安 . 事 疾 情 外 敢專, 大 (佚 切縱 事 然 恟 巨 太 親 既 切 是 久 更 專 恶, 懼 后 未 至 萬 而 女妓 不 之大 巧 聽 捨 會 間 太 機 上 Y 可 已去,其 并 以 斷 由 爲 勿 小 數 獻 后 小 9 使 9 報 者, 其 是 念,以 諂 攬 獻 早 日 可 既 瘳 太 久 黨 盛 慈 諛, 連 威 可 猶 9 后 歸 處 因 德 謙 史 孝 請 E 御 福 餘 安反 宜 輔 政 左 請 0 求 昭 默 益 東 兩 9 白 蚤 嗣 佐 右 E 自 延 任 錫 獻 未 篤 殿 宫 建 H 側 先 白 親 守 近 人 竄 可 口 書, |《墓 憑 東 帝 咨 說 漸 亚 出 於 忠 臣 復 南 否 恃 宫 言 久 訪 禱 遠 開 謀 E 戸 言 方 事 以以 無 通 然後 E 庶 不 陳 雨 多関 不 於 禮 大義 得 務 下 獻 售 安 因 數 獻 使 E 者 行 情。 行 其 天 自 人 而 外 口 口 0

> 令就 官 聽 書 章 罪 獻 不 效 0 以 稱 敢 可率僚 積 本 職 直 懷 不 不 + 言,章 官出 知 敦 敢 餘 獻 雜 屬 居 奉 章, 知 口 御 極 其 留 詔 與 蘄 史 陳 不 位 中 僚 州 勑 其 古 0 聽 不 屬 告 不 請 《墓誌 E 下 具 納 乃 可 即 重 銢 求 還 F 罪 連 且 所 前 自 其 大 請 上 貶, 勑 Ł 臣 日 一奏草 治 不 告 . 又 執 又 得已 + 政 納 屢 嘉 臣. 之 中 訂 臺 餘

治平元 史吕 争 不 相 濮 用 對 誨、 年 Ξ 相 事 覺 吕 約 余與 9 過 大 以 不 余 謂 孫 防、 聽 言 言 覺 則 范 皆 日 小 決 純 事 編 去。」 仁等 不 校 單 足決 史 蓋 臺 館 官 與 是 去就 書 諫 時 以 籍 數 官 知 Fi 雜 當 直 司 馬 御 共 事 舍

0 議大夫吕府君墓誌 吕中丞誨 政 原 作「 墓誌銘》、《温國 事」, 據《琬 銘》改。 琰 文 集》中 īE 公文集》卷七七《右諫 集卷 二四四 司 馬 光

議 七 臺官 幃 間 捎 語 時 衆。 其 酒 知 不 以 蓋 之 光 八 沮 全言 太太 復 所 天 槩 尊 余 人 大 不 執 數 臣 對 供 1 論 能 謂 論 時 政 赧 凡 愈 章 后 濮 即 濮 一,不 E, 范 陰 臺 職 方 塞 之「訖 切 孫 驚 閣 悶 王 恃 王 諫 與 純 每 職 固 起 慙 賞 月 爲 中 丽 事 白 仁 官 計 權 而 爲 庸 初 坐 小 皇。 了。 用 遂 甚 欲 等 御 言 謀 執 慙 口 居 内 五 桃 之 急,至 占 史 言, 政 且 臣 蓋 故 愈 簡 • 王 納 日 方 范 因 憤 間 高 切 謂 禁 誨 堅 • 廣 與 勑 密 以 上元 純 輒 也 以 居 故 淵 中 等 御 此 上口 某 啓, 仁. 勸 以 阻 簡 樂 事 己 相 兹 也 事 言 太 後 二 進 求 後 **\$** 自 人 蘇 約 又訖 如 邪 臺 后 誇 呈 罷 數 者, 寒 禁 是 利 商 此 如 曾 吏 訖 去家 日 不 等 月 中 太 太 量 類 洗 T 此 而 个,亦 寢之, 當 自定 疏 H 從 后 后 果 者 也 居 用 有 則 爲 寢 0 己 聞 覺 者 其

> 皇太 之。 開 疾 以 字。 善 遂 吕 罷 可 至太 后 命 言 然 恶 皆 前 始 誨 0 濮 中 路 后 後 知 書 絀 太 故 后 太 日 E 在 故 矣。 后 尊 誨 所 后 稱 榻 位 使 雖 2 蓋 京 濮 上 等 酒 皇 力 前 久,熟 稱 耳 委 蓋 九 師 疏 未 争 王 拜 等 親 目 事 謂 諠 爲 自 疏 不 解 云 事 以 猶 無 大 此 然,下 知 乞 皇 己。 . 至 0 壅 書 不 臣 爲 也 等 人 付 和 范 蔽 蘇 知 吾 情 中 事 純 _____ 以 m 至 利 封 既 書 徒 僞 書 + 聽 後 大 間 明 涉 所 進 而 言 與 求 等 ___ 用 臣 巷 声 日 書 太 仁. 群 不 高 去。 欲 有 臺 H 遂 出 后 何 · 宗 用 臣 亦 居 諫 奉行 不 起 事 乃 以 簡 材 雖 也 乃 求 而 法 官 供 0 F 爲 性 嘗 誨 太 眩 遂 職 后 廣 詔 惑 從 之 屬 等 遂 不 太 押

^{● 「}利」字、原脱、據前文補。

惋

紜

不

然

公議 其 之 + 意 去之, 學之過 考,是也 制 者各率其 切 封 也 故 連 語 H 然 有 当 不 斤 還 宗 年 至 因 聽 所 人 辭 愈 E 祖 南 於 故 洶 而 用 新 È 屬 冉 厲 . 頭 無 此 或 故 制 任 E 即 洶 雜 一猶采 私 遂 擇 者 故 遂 田詩 者 識 絶 盡 遂 位 者 各 意 欲 至 亦 Fi 皆 雖 行 逐 絀 爲 市 有 物 蓋 濮 稱 封 事 臺 公 樞 專 而 0 得 無 不 執 論 還 E 由 王 者 官, 是 輔 密 不 臺 失。 豫 政 亦 声 之 爲 辭 知 時 朝 副 床 爲 官 不 自 不 事 路 伯 考 頭 逐 凡 任 廷 滁 使 0 然 用 留 能 不 據 臺 事 E 相 州 其 争 執 陋 又 好 知 自 通 諫 益 望 於 人 專 人。 蔽 罰 勝 論 矣。 政 制 肆 官 未 載 練 專 至 議 激 至 譜 無 面 三百 籍 盡 副 之使 情 蓋 於 京 擇 於 錢 始 稱 後 治 使 去 事 公 平 憤 紛 皆 兩 王 來 加 師 銅 欲 1 日 倫 院 以 臣 録 V

此

爲

 \equiv

知

輔

快

初

輒

言

爲

者

歐 論 獻 怨 行 中 負 邪 口 口 諸 歐 之 先 乎 陽 歟 \leq 議 口门 也 帝」者 ? 公 ? 陽 公 以 , 妄 以 司 ? 辨 馬 追 公之論 所 爲 歐 抑 引 尊. 文 書 誠 陽 以 經 獨 不 濮 凡 E 諫 H 歐 然, 公 證 歸 序 作 -袁 0 臣 晚 易 過 獻 序 事 獻 之 文 川 以 著《 公 獻 擊 口 事 Œ 章 可 枉 但 乃 口〕 濮 之 歐 之意 道 排 能 首 使 具 奏, 陽公, 議 歐 爲 悦 青 載 載 歐 **>** 陽 甚 又 之, 歐 陽 獻 以 公 主 矣 書 以 陽 如 獻 公 獻 可 爲 公《 爲 \wedge 無 以 專 口 可 奏 邪, 誠 邵 諫 首 與 實 得 能 近 議 氏 能 盡 利 開 獻 反 以 臣 後

素 獨 以 棄官 闡 遷 爲 天 其 諫 家 不 子 彊 議 然 引 居 直 大 者 ,衆莫不 參大政 夫 擢 朝 權 爲 野 御 天 怪之。 衆 稱 史 草 皆 其 中 閣 喜 材 丞 待 於 居 以 制 得 無 爲 是 何 古 復 時 獻 今 知 新 有 侍 爲 諫 小 口

出 E 理 下 能 時 更 政 遣 蒼 或 祖 者 得 知 宗 生 非 鄧 使 又 恃 乃 必 其 州 諭 日 法 其 抗 此 解 人, 材 專 章 人, 墓 天 獻 天 棄 悉 汲 誌 下 如 下 衆 口 汲 條 本 久 執 斂 大 任 其 無 居 之 己 失 调 民 事 廟 愈 9 望 失, 財 厭 堂 堅, 但 常 所 H. 獻 必 庸 乃 愛 爲 日 口 無 人 信 罷 奇 . 漫之。 安 屢 中丞, 引 静 誤 争 多 拔 之 天 不

彈 求 諳 講 將 復 遇 H 寧 文 於 對 坐 刻 治 對 間 濔 路 於崇 一,以次 既 英 欲 E 晏 閣 新 並 介 言 政, 日 費 亦 例 甫 參 行 何 引 帰 將 也 而 紫 初 而 事 0 ? 趨 司 登 出出 宸 拜 對 資 馬 時 參 温 早 獻 吕 温 官 善 知 温 公 朝 可 堂 於 獻 政 公 公 憚 舉 爲 密 後 事 口 然 以 府 手 殿 翰 問 任 日 俟 神 奏 林 日 御 • 日 須 宣 考 事 學 史 上 召 方 土 中 頗 今 更衣 袖 厲 丞 介 日 相 精 中

> 人 受其 追 夕所 乎 甫 爲 不 疏 未 在 人 间 人,奈何論之?」 心交,苟有 ? 及 侍 佞 此言 班 見有不 之文學 將 然好 願 弊 從 與 己。 敗 獻 乃 顧 先 矣。」 謀 耶? 猶 執 趨 或 可 進 口〕 善之迹 聽 行 議 所懷, 偏 事 而 緩 日 或 呈, 姑 温 其言 者 義, 去。 . 見, 邪 미 Ŧ 此 公又 E ? 容 安 ____ 命 不 乃 獻 不 則 留 温 似 新 石 下 通 置 語 心 敢 美 諭 可 公 是 傷 嗣 執 物 之 雖 腹 諸 E 之 退 未 不 事 施 匆 情 位 日 政 之 有 竟 宰 盡 色 自 日 遽。 於 時 疾,治 更 加 府 富 0 輕信 . 日 經 衆 閤 用 名, 筵 加 於 . 今日之論 皆 與 門 或 則 則 籌 春 難 苟 别 上 喜 之 公素 默 吏 君 天 疎 慮 秋 口 有 意 惟 非 抗 下 0 實 坐 於 9 若 玉 恐 其 章 必 喜 得 朝 口 所 亦

照

盲 於 緣兹 者,始 風 介 乃 始 過 能 輔 於 堂,終日思之,不得 H 甫 有 天 甫 能 僞 之門 變 奪 四 相 傳 弼 且 事 下久矣,士大夫 自 識 於是 而 大 方 更 未 其 與 愧 州 日 之, 小 辩 出出 臣 祖 講 幾 章 仰 縣 躁 官以至禁從,其 :宗 聞 異 妄 議 白 疏 雖 學 知 歎 監 進 朝 於 議 引《 法 者 姓 非 子 服 鄧 司 中書置 諂 廷不 局 不 貢 州 騒 奉 愐 專 諛 以 周 中 往 可 之賢 博 Ó 然 行 之士 務 官 爲 其 往 用 回 ? 識 鳴 微 三司 矣。 以 聚 順 \forall 不 説。 則 偶 呼 有 仵 與 經 臺 斂 , 非 蔽 口 己, 語 、學行 悉 不 然 其 綸 條 1 諫 及。 既 所 ൬ 其 識 造 竊 辟 意 例 後 天 用 從 澤」, 不 而 誅 名聲, 行 議 出 召 下 司 之 前 咸 官 知 則 而 縉 剥 僻 條 爲 爲 則 想 唯 獻 日 力 平. 也 譴 疑 紳 之 目 僚 而 己 必 聞 扎 之 暴 争 其 黑出 可 H 間 堅 任 屬 其 著 子 議 方 終 頒 隨 不 太 寖

> 聞 文, 見 無 ௱ 不 之命,退居洛 之先見者也。」獻 賀 出 面 推 吕 知機 傳 其説 天 自 及, 於 之勇決,得 考其 前 其 獻 於世 相 (所學, 世 雖亦成於公手,然止 下 心 其 口 獻 論 行事 俗 莫 誠 懼 之先 神乎。」 可 難之語,不 之 乃書 賢 有 服 以 獨 表, 知 之。」故作《范 陽,每 致 者之高 温 見 卒 不 者。 蜀公之傳後, 又 太 以 公之傳 如 可 何 范 日 爲 平。」及參大政,中外 所 有 以 論 景仁之勇 欲 予嘗從學 然 . 論 料 焉。 及 詳 當 ,衆莫不怪之。 遠 而 幾者 非 世 此 著 載 識 後 景 温 一故獻 明 人 其平生大節 -以 明。 仁傳 9 公既 遂 決, 物, 於 智 動之 ^ 貽樂善之 將 温 易 不 獻 》,蓋 皆 口 辭 必 微 惑 淪 公,親 **>** 之先 予 日 副 口 日 景 所 埋 傑 相 樞 己 0

❶ 「埋」,原作「理」,據《邵氏聞見録》卷二三改

獻 置 此 君 口 口 不 儉 故 也。」帝 미 因 雖 F 及。 昌 得 會 在 云 老宫 誨 始 E 有 外 中 安 有意主 疾, 丞 人言 图 石 遇 彈 諫 獨 章日 奏乞 議 朝 祖 青 日 集 宗 苗 廷 時 外外 陛 開 助 有 妃 又 下 役之法 示朴 官 《聞 大 果 嬪、公主, 能 歸 得 野 見 理 録 矣。 中 鄉 失, 財 懷 月 里, 安 雖 猶 狡 俸 石之 以 神宗 詐 至 言 朝 天 微 天資 旨 術 下 之 類 嘆 自 未 其 加 節

初,正 之。 可 下 道 者 所 而 分俸之 + 莫 載 以 疾 惠 之列 有 自 屢 女妓 非 前 口 公薨,其 爲 九。 半以給宗族之 暴 奉 視之,若 後 秉 言 養 傳 大 大 歷 職 至 逐,皆 權 垂 觀 抵 儉 家 天 其 無所 概 古 示 薄 日 奏草 後 人,有能 以 以 子 益 睹 孤 世 迕 公 所 其 貧 存 Ŀ, 犯 嫠者,室 平, 治 信 在 可 大 色直 繒 民 獻 得 獻 故 見 臣 主 其 口 所 者 氣 口【 一幹,指 於 既 無 曾 至 勢 凡 所 惠 仕 餘 軋 人 何 随 貲 利 數 百 安 敵 足 已 天

> 之不 者 前 處之 其 口 識 獻 爲 呼 夕 顧 而 1,曾不 哉 憤 一, 如 不 口 -陷 己 非 而 識 爲之, ·得位 自 者 嘆 矣。 不 穽 今之世,愛君 救 如 皆 以 惟 能 去 念其身之病,子孫 焚 墓 及 於 答 天下 誌 可 恐 幾 溺 不 平 朝 遇 墜 嗟 Ē, 己 人 ; 居 事 事 痛 馬 所 邪 而 容 旁 借, 爲 ? 不 不 不 荷 憂民,發 貌 側 憂, 晚 當 過 己, 義 彼 語言 故 爲 年 爲 以謹 其 過 所 其 始 之 病 心 於 當 没 畏 終 股 於 团 恂 之貧 厚長 世 在 爲 之 不 誠 避 栗 洛 恂 獨 位 日 變, 遠 心, 陽 和 疾 也 者 任 私 加 去 趨 天 名 於 有 無 其 猶 獻 之 獻 下 如 嗚 責 徑 所 如 使 日 ΠŢ

乃

乞致

仕

墓誌

獻 陽 值 投 叮 湯 醫 有 病 劑 者 逆 自 ,率任情意,差之指 順 用 草 術 診 章 乖 乞致 察 方, 有 殊 仕 標 不 本 日 知 治 脉 \neg 下 療 候 臣 禍 有 有 無 先 延 虚 宿 後 實 四 疾 枝, 妄 陰 偶

既 嘗 託 天 時 又 墓 所 墓未成,河 「天下事 病 寖 引 雖 目 又 • 良以 陰 全首 用 銘 將 申 成成 見其文, 也 年 然,一身之微,固 一語及其私也。 「成吾 厚 祝 虞 小 ,温公亟省之,已 ,皆天下國 而 風 更有 賂 獻 人 還 温 痺 心腹之變,勢已及 爲憂。 尚 遂艱 鐫 蔡 口 政。」 公、 以 南 遲 父美,可 口 諸 天 工 監 爲,君 見 康 口 申 子 蓋 屬 得 牧使劉 家 是思 行 節 不 ·爲 勿 以 乎 步。 本 敢 — 之事,憂憤 摹 京 乎 未足恤 實 ? 日 一身之 以 納 書。 ? 西 瞑 本,恐非三家 就 勉 航 非 獻 禄 察訪 獻 目 之! ,手書託 卧 仲 此 祇 代 以 仲 安石。 矣。 可 疾 一,其 内 憚 通 爲 書 偷 通之子安世 置 置 復 自請 問 践 不 温 之。 喻 生 如 温 之奈 張 能 可 天申 疾 盭之苦 • 公誌 九 温 朝 目 公呼之 之福 書 忘 西 仲 公以 族 何 獻 政 不 日 初 未 之 俟 之 通 其 可

可

見外》 爲言今日 温 士 之子由 矣,天下誦其言而 死 欲 謂 中 公相天下,再致 温 温 . 庚 公,安 公以「天下 君 作 再 實之文,西 昇 挽 石得之, 平。二記 詩 云:「地下若逢 悲之。 元祐之盛,獻 尚 其先人之言也。 可爲,當自 漢之文也。」 掛 壁間 至 温 公薨,獻 謂 可不及 愛」。 中 獻 其 執 闁 可 《聞 見 忍 下 口

馬 于是,可謂備 鳴 不 惠 呼 究,❸道 公之孫,以忠直 文正公銘公之墓 爲 則 人 不負 矣 臣 爲 一敢言, 年 人 曰 : 則 嗣 始 不 克 「有宋名臣 壽 紹 終

其

門。

位

則

名

則

不朽。

無

愧

能底

6 2

り、計画

E

⁰ 以一下,原 行「人」字, 據《邵氏聞見録 》卷

外」當作 「録」,以 上内容見 邵 氏聞 見録 》卷

銘》作「充」。 究一《琬琰集》中集卷二四司馬光撰《吕中丞誨 墓 誌

五之四 御史中丞彭公

宗 神 仕。 亳 閣 出 知 縣 中 宗 待 守 即 成 天 楊三 通 卒,年 初 宣 聖 都 位 制 公 判 名 充 府 州 五 降 徙 州 睦 陝 年 思 七 授 知 爲 州 召 西 永 進 + 熙 給 江 湖 還 都 寧 知 士 盛 事 北 字 0 轉 潮 \equiv 爲 中 第 府 季 益 年 運 州 户 長 知 歷 州 0 使, 部 召 以 黄 知 路 吉 召 權 副 户 知 州 南 爲 轉 州 御 使 部侍 瀛 侍 徙 海 史 運 廬 州 以 中 使 太 御 陵 分 郎 天 平 史, 派 致 英 章 權 寧

南

海

分寧,

素

號

難

治

前

\$

比

以

罪

去。

民

化

公之誠

相

戒

以

毋

犯

法

至

於

無

既

又

通

半1

睦

州

會

台

州

大

水

監

pĵ]

奉

詔

以

公

闕

員,

堯

佐

朝

暮

待

命

守

忠

亦

求

爲

節

度

攝

守

事

、公悉

心

救

養,

不

憚

勞

苦

至忘

寢

使

物

議

讙

動

公

帥

同

列

言

之,

皆

日

*

召 公方 堂 爲 州,潮 悦。 畢 者 族 益 桂 尤 勸 賑 食 郡 進 前 非 命工 侍 被 僥 功, 復, 飢 瀕 明 乏, 從 其 公 倖 御 盡 ____ E 民 民 海 道先生撰《行 駕 日 朝 害。 史 葬 守 歲 志 伐 去 而 安 宿 之事 溺 既 忠以 極 其勞 苦 有 無 盗 木 其 景 公爲之法 死 肆 論 城 傳 修 賊 以 者,爲 ,仁宗 靈 居 赦 親 城城 内 堤 撫 狀 助 赦 宫 此 0 侍 降 果 之 之。 語 成 水 公 羸 亟上 帷 文 授官賞之 役 然。 深 遂 所 視 白 弱 役 以 幄 然之。 數 爲 以 官 吏 故 Ħ 均 祭之。 被 時 月 民 爲 永 占 緣 城 寵 而 不 張 貧 利 而 害 爲 得 弊, 宜 費 庳 皇 堯 參 公 不 也 遷 女 濫 省 問 壞, 祐 私 0 能 佐 移 知 以 恩 秩 疾 祀 謂 貧 之 誉 政 以 民 程 知 舍 以 草 者 事 妃 明 斜 潮 役

當 御 佐 疏 獨 極 出 行 妃 宜 荷二人之命 史 、守忠之望 爲 狀 入,仁宗震 而 族 待 中 聽 堯 · 至 不 秉 命行。」公 ·丞郭勸 佐 納 可 政 E 救 守 . 不 内 遂格 不行 怒,人 忠 則 陛 宜 臣 諫官 爲 故 三 下 加 用 朝 一一一一一一 雖 行 皆 罪 取 事 公 吴奎皆爲 廷 0 赴 此 爲 悦 9 猶 失 皆 覃 恩, 鼎 衆 仁 公 以 以 矣 非 鑊 宗 危 人 先 泛 無 或 之。 耳。 怒 上言 事 恩 無 家 遂 恨。」於是 解 得 麗 意 公日 之 目 獨 罪 臺 其 孤 而 青 抗 福 職 忠 寒 堯 疏 命

公爲 成 都 緡 以 民 暴 荆 付付 闕 取 利 疲 守 賞 儒 誘 湖 獄 吾 北 者 諸 詔 路 路 各 不 公 轉 歲 忍 一權 使 運 人, 爲 領 以 猶 使 0 府 羨 丽 縱 , 遂 至 事 八 餘 其 無 部 州 爲 出 所 有 人 獻 奏 知 獻 自若 吏 勸 黜 公 盜 《行狀 守 官 令之 時 . 錢 大 農 公 千 裒 殘

> 間 誅 易 歲 者 使 中 命 不 取 之 有 遂 民 皆 疏 窮治之, 顧 中 其 珍 公命三 絶。 藏 病苦之。 貨 貴 黨 於 奇 行狀 類 腰 玩 省其二, 祠 9 罪 間 得 日 峨 例 而 公得 + 而 盗 嵋 至 人 餘 獄 善 數 常 使者 知 畫 其 具。 以 留 白 畏 狀 小 悉 萬 成 法 恨 蜀 刃 即 黥 錢 都 怒 人 取 蜀 捕 中 隸 之於 以 而 諸 獲 數 乃 出 交子 去。 大 軍 於 稠 H 治 民 公 貿 盜

洄 利 植 北 嚴 者 朔 鮮 IE 謀 歲 故 一,犯者 以 明 帥 歲 益 紀律, 桑 增 以 貧 麻 益 頗 公鎮 爲 以 而 公 令行 産 軍 高 奏更 籍 狀 法 陽。 舅 之 從 爲 其 高 事 時 甚 法 下 狃 驕 9 於承 自 公 民 兵 是 爲 懼 大 平 絲 帥 戢 不 績 敢 方 治 之 茲 河 重 兵

召 權 親 之議 御 史 中 諫 丞。 官 御 時 史 追 以 崇 典 濮 禮 袁 未 大 Ē 號 相 復 繼 有 論 稱 列

也。 Ħ 此豈陛下之私心哉! E 親,是有二親 之子,則 父、於屬爲伯 其不 者 固 地大義,生人大倫,如 廟 王生陛下,而仁宗皇帝以陛下 者多至 公因求 納 爲 『情厚 崱 非人意所能 ,陛下之皇考,陛下,仁廟之適子, 疏 不殊於臣 然而聖 미 七 極 行 幾 本宗,以 人,皆 一不記 解 且 狀》〇又《伊川先生 論 父、 施 意 憲職,以章言者五,進 其 ,則是 列 必 推 行 請 日 陛下,濮王 欲 濮王寔生聖躬 事 移。 ,思有 考、 召 以 非 稱 加 會英宗不 ,言益 還 罪 之者 之理 日 荷 乾 以尊 大臣持之甚 蓋大義 親 言事 亂 坤 去。 昭 出 大 大,使 豈 乃仁 定 切 然 倫,人 繼之子,於屬爲 集·代 非陛下大孝之心 位,不可 所當 爲嗣,承 者。 公始 自明,不 至。 扇也。 徐其 豫,公憂懼 伯則 理 典禮之正,天下之 濮王,陛下 . 彭中 Ŀ 拜 等 滅 英 得 力,故一 祖 無異於諸父,稱 若 - 待辯 矣。 倫 未之察, 中 IIII (宗深. 宗 見 必奏》云: 更 變易 大 司 如 稱 論 陛下仁 姪。 而 統 此 不 所 濮 间 者也 不 加 力 面 Щ 雖出 生之 果。 此 則 後 王 復 聽 陳 更 陳 見 爲 廟 天 1-濮

> 之法。 置 至恩 失,天理人心,滅爲允合,不獨正今日之事,可以 濮國大王」,自然在 異等倫,凡 襲爵奉祀,尊稱濮王 禮 失天下之心, 貽 公論 此陛下之心所以難安而 道,乃以非禮不 嗣襲、必 開 前 ,明尊崇之正 明大義 復恐議者以 執政 伸祭告、當日 百 [禮數 大臣 雖 正之號,上累濮王,致陛下於有過之地 亂 知稱親之非, ,必皆 一禮 不能將順 倫 濮 「大」字爲疑,此則不然,蓋繫於「濮 爲 之咎。 E 使 濮國大王, 重違 柳 姪 稱 濮 情 尊崇之道 嗣皇 王與 陛下大孝之心,不知 言事之臣,又不 也。 而不 請舉 諸父夷等,無 帝名敢昭 臣以爲當以濮王之子 如 知爲陛下推 此 ,於仁 則 以 爲 复然殊 告于 皇 率 能 無 有 借 爲 皇 嫌 所生之 詳 尊崇之 號, 殊 萬 伯 如 據 别 世 既 絶

國下, 自於大統無嫌矣。

御 乃曰 史蔣之奇奏發大臣 非 外 人 :「公嘗言之。」公亦 所知 誠 難 究詰, 陰 事、欲 謂: 然 亦 扳公爲 有 帷 以 箔之私 取之, 助,

0 傳》作「挽 扳」,洪 本、 張 本 作 「援」、《宋史》卷三二〇《彭 思

永

家 罪 者 非 所 執 袁 故 行 開 從 朝 之,則後 政 以以 議 謗 狀 Ħ 至前 來 以 違 廷 廣 之奇 計 路之法。」 典禮 聰 興, 無 明 問 所 双 聞 也 以 而 IIII 論 日 矣。 犯 人 公奏 9 大 今必 冥 衆 降授 以 極 寧 昧 怒 益 爲信 陳 İ 間 不宜 不 給 急, 大 可 重 其 事 臣 質 謪 所 且 中 H. 更 朋 從 不 H 9 其 在 迫 黨 知 來 0 公言 首 敢 政 黄 專 爲 風 府 廢 因 恣 州 濮 或 聞 其 而

貲 受,日 之信 久之, 耶 書 外 围 厚 惟 誠 官 默 持 即 間 中 恕,出 岳 金 故 业 出付之。 我若 嘆 州 其 釧 果墜 駭 數 處 於 晨 而 欲 自 隻 以以 起 去。 之, 釵 吏 然。 棲 伺 者 將 訓 取 於 始 訪 就 也。 年八 以 釵 旅 者 就 學 數 不 舍 舉 公詰 舍 九 白 過 有 時 金、公笑 蒇 於 得 口 其 時 數 金 舉 貧 吏 狀 無 白 徘 者 釵 從 金 過 驗 餘 徊 於 尚

澄撓, 謂 待 所 情 之言 政 事 恭 公曰 者,公視之 巧 居 居 釧 之翫 物 不 悦 本 襮 謹 顯 母母 者 衆請 爲。」 耳 或疵 衆 仕 喪, 揖 . 飾 人莫見 見者皆知 動 0 揚 自 而舉 惠, 接 數 其 出 必 貧 又常教其子弟 其少言, 居 吾 己 人 氣 奉養不 甚 止 吏 不 釧 由 丰 憲 不爲 取 其 無 民 禮 守 此 言 爲 鄉 府,多 譽 貴 喜 畏 釧 愛之 高 耳 翫 未 人 它學,但 惟 常常 賤 重 怒之變。 改其素 墜 越 衆 0 嘗 争饋 非 謝之, 於 高 莫 客 如 所 議 有 有 下, 然 地 有 知 父 論 0 日 憧 之, 論 失 襟 墜其 母。 幼 終 平 也 奏,未嘗以 牢 慢 清 也 遇 度 衆 皆 不 皆 以 即 生無 0 吾 之 澹 竉 事 服 夷 惟 謝 學 忠信 自 數歲 之事 將 驚 明 色 曠 公之量。 於 平 聲 辨 不 去。 而 白 去, 求 喜 袖 不 戲 端 色 時 之。 奇 袖 矯 爲 不 後 口 侮 間 每 莊

若 其 移。 冬 者,公迄去未嘗問 勇於 源 此 誠 處 如 ,凛乎其丈夫也 潮州 斷 長 此 被 者。 放故 決 中 宅 則 則 至其 舊 不 恕之善,見於 知 傳 可 思 〈持守 多 其 以勢 天下之寒者矣。」 怪 有 剛 無。 利 前 勁,喜善嫉 誘 後 天下,而 守 其 不 臣 可 達 無 理 以 悪 守 其 寧 威 推 E 處 武 而 本

五之五 内翰蜀郡范忠文公

院 官 遷 勘 進 、改集 士第, 致 翰 除 仕。 林 公名鎮,字景仁,成 直 學士。 侍讀 賢 爲 祕 哲宗即 一般 新 閣 修 安主 知 出 撰 開 位 通 知 修修 封 一簿,召 ,遷光禄大 進 陳 府 起 銀 州 推 臺 居 都 試 官 復 注 華 司 耀 陽 夫, 知 翰 擢 尋 館 人。 制 拜 林 以 知 閣 語。 。 端 本 爲 諫 校 中

> 景仁 爲 無 者 擢 必抗 易修 猶 事 人,始唱 補 真 耻 少舉 不免從 或 崇 明 夫致仕。 殿 屢趣之使 言。 上列。 聲自 敕 福 殿 子 舊 廷 進士 宫 學 監 名及 薛 風 唱 衆皆 衆。 陳 土 生, 遂 第 簡 以 數月 以 ,善文賦,場屋師之。 元祐三年卒,年八十 絶 之。 自 過 肅 兼 吴 及 服 祈 景仁 陳 三人, 公、 侍 春 恩 貢 其 可 景仁 復告老 讀 安 卿、 院 馬公作 景仁 獨 宋 雖 恬 不 奏 景 則 固 歐 考 出 不 然 名 文 爲 校 辭 陽 以以 傳 拜 自 皆第 左 應,至七十九 公皆器重 在 奏名之首者 永 是 改 銀 退 叔之耿介, 下,天子必 右 始 青 提 就 爲 [與並 以 光 舉 0 列 自 嵩 禄 之。 陳 訖 文 和 故 大 Ш

0 部侍郎致仕彭公行狀》删 其 字 原重 文, 據 程 顥 《河 南 程 氏 文集 》卷 四

知 字 有 爲 校 爲 「霓」不 霓 景仁 勘 美 校 學 政 一爲 勘 才, 事 士以 憤 人 兀 미 殊 王公薦 不 聲 年 讀 不 沈 汲 爲 知 應 約 謂 圃 汲 平 遷 召 約 景 景仁 郊 於進 試 聲 校 賦 居 學 也。 理,丞 爲 處 但 賦 土 取, 失韻 之 取 當時 院 晏 相 聲 雌 特 然 詩 龐 由 霓 除 律 有 用 是 公薦景仁 連 直 便 學 不 除 蜷 美, 祕 者 自 彩 館 閣 辨 霓 皆 非 讀 閣

E 運 密 疏 請 兵,三司 經 酌 古者 益 費 使 論 取 或 中 兵 其 民 判 冢 而 書 無 中 力 主 户 宰 儲 窮, 爲 困 樞 財 部 其三 制 弊, 定 密 各不 度支, 或 制 民 請 通 以 用 己 知 約 以 備 今 相 木 兵 唐 祖 今 水 中 知 宗 民 而 以 賦 早 書 財 宰 以 故 人 非 主 利 百 來官 之數 相 財 常。 民 大 取 兼 已 計 財 吏 貴 鹽 十七爲 樞 又言 兵數 不 與三 鐵 密 而 己。 樞 主 轉

司同制國用。」蘇内翰撰《墓誌》

議 文彦 葬 減 之以 詣 舞 使。 温 下 補 而 焚 袁 宰 謂 外 博 禮 除 陵。 任 瘞 成 虚禮 公言:「嘗 朕 相 錦 也。 官 謁 子 皇 富 居第, 禁,以 及 室 不 繡 后 丽 間 不不 珠 請 能 仁 相 9 人 太 詰 歲 玉 宗 劉 睦 百 若開之以至 相 通天下之情。」《墓誌 常 取 以 問 沆 族 日 聞 白 官 議 前 士,③又乞令宗室 耳。」公曰: 前 紓 法 不得間 禮 官郊 後 爲 吏舞 或 卿 議 用。 前 監 言是 迎。 異 護 謂 誠。 法 見。 同 從 矣, 使 之 也。 狀。 時 之。 公言 袁 乞罷郊 陛 後 未 兩 下 顧 制 又 後 屬 《墓 聞 爲 清請 恐 甄 不 禮 謂 疎 袁 誌 迎 者 隆 得 罷 天 官 陵 之 别

「傳」,原作大字連正文,今改作小字注。

0

- ② 「兵」字,原脱,據《蘇軾文集》卷一四《范景仁墓誌銘
- ③ 「間」,同前書作「每」。

傳

言 獄 宗 嬖妾 所 私 相 其 也 、公獨 犴 賢 以 ,公嘗論 性 「今陰 答 責 充 者 寬 雖 宰 斥 殺 顯 不 容 引 相 行 婢 陽 用 執 其 言 大 之, 無學術 中 不 至 體 識 御 者 當 和 熈 者 不 9 務 史 財財 任 略 寧 韙之。 劾 没 訐 其 初 細 貴 非 其 奏, 以 咎 故 民 卒 宰 爲 能 《墓誌 欲 如 木 相 名 闡 時 公言 乃 逐 器 門 盜 陳 去 或 所 之私 賊 之。 及 執 誣 以 滋 執 中 人 墓 睦 熾 公 誌 非 中 爲 陰 族

仁宗 試 行 疾 此 也 天 之 真 天 即 下 中 祖 宗 政 周 下 位三十 事 捨 外 E 事 之 故 尚 其 危 大 既 事 以 有 子 恐 薨 慮 五. 擇 大 繫天下 而 9 ,真宗取宗室子 也 年, 宗 於 不 立太宗, 此 知 室 未有 願 者 賢 所 心。」章累上 陛 乎 者 爲。 繼 下 ? 此 異 嗣 以 天 公 即 其 太 養之宫中 下 嘉 獨 L 禮 祖 之大公 祐 奮 疏 之 不 物 初 F E 心 報 Mi 得

兵之憂 擇 則 政 陛 公言 今間言 史 死 中 臣 也。 日 有 疏 以 因 謂 下 濟 知 而 而 如 變之 竊 前 闔 不 公:「上之不 雜 審 已 天 欲 臣 料 門 事 原 緩 以 處 哉 象 禍 已人,爲 事 爲 兩 其 當 請 則 死 留 兵 或 馬 至 所 宗 意 論 罪 孰 且 不 中 本 公以 中 告急兵之憂, 廟 其 及 急 過 有 夫 而 未 特 聞 書, 是 社 之 會 於 中 付 罪 於 文 者 恐 此 言 非 豫, 大 有 稷 變之 中 甚 此 9 死 行 爲 聖 若 不 願 臣 者 書 計 星 難 不 之 之 賢 大 從 以 變 皆設 而 乎? 是 變, 0 禍 當 股 所 臣 此 而 而 起 或 公 固 則 間 栗 欲 嘗 死 陛 大 其 以 本 示 倉 辭 其 今 復 辭 使大 其 貴 建 臣 大 占 下 卒 丽 不 以 移 禍 除 陛 不 難 此策 機 爲 臣 無 中 不 拒 立 受。 書 臣 禍 易 兼 下 會 愧 變 欲 急 臣 執 侍 使 獨 萬 奉 得 不 也。 耳 也 兵 速 政 執 自 急 行 御 口

計 宗 甥 公 泣 諸 H H 兄 先 琦 殿 爲 心 日 是,E 當 也 伯 有 卒 春 白 雖 修 Ħ . 0 公言今日 字字 以 皇 庸 定 年。」 乎 罷 撰 朝 明 及 秋 洮 且 陛 后 0 洮 純 策 年 洮 分。 日 言 益 爲 洮 下 臣 廷 判 嫁某,吾 . 立 凡 朕 爲 職 高 許 又 知 凡 既 幼 流 不 某 潤 英宗。 章 知 難 長 亦 見 幼 大 制 王宫 臣 内 能 而 每 + 在 卿 於 時 二 人 治享, 上 銓 出 浩 奪 ·官爲 無 Ŀ 因 今 九 教 忠 前 官 《墓誌》〇 歲 相 授 修 養 事 上 復 面 養女。 IE 乃 遂 H 崩 之如 卿 獻 數 不 起 成 及 陳 \equiv 罷 爲 待罪 謝 學濮 言 言 昏 姻 安 者 之, 居 賦 年 子 知 1: 知 家。」又 是 儲 又《温 其 注 三、公泣 以 若 嘗 王之子某之賢, 矣, 諫 殿 百 冀 他 也。 嗣 除 妃 諷 勸 戲 0 院 餘 以 公 願 L 謂 高 事 日 日 建 氏 日 知 日 后 當 早 感 改 0 其 面 不 以 録 制 洮 定 論 以 動 鬚 後 集 難 更 F 爲 × . 洮 后 嗣 大 之 賢 髮 俟 韓 -亦 於 於 他 之 異

> 自語 勢易 求外 太子 意。 景 幾,乃有 及家居 何 景仁數 六七章,不報。 仁. 在 ? 之。 補。 謀 兩 助 置 問文公,文公曰 待罪,乞落 府 也 日 修撰之命 此 E 富公曰 共 E 菩薩於 許之。 議 曲 「炳之矣。」於是 初 其 甚 是 及 事 政 開 出 諫 景 何 樞 府 納 復録 職 L 地? 仁乞使 皆 。 己 不 除 密 屬 用 使 前 圃 心 事 己 由 嘉 E 中 後 爲 蜀 景 不 是 謀 德 宦 · 使 所 文公又使 誻 仁. 用 議 官 上 又 傳 矣。」 郡 凡 亦 舉 官 章, 乞對 出 宣 手 上 六 不 時 妾 中 景 諫 加 合 八 1F. 所 官 書 仁. E J頁 月 乃 事 間 草 面 \Box 日 不 F 孚 也 陳之, 浸 浸 叮 令景仁 往 「若 不 沮 奏 又 有 來 報 壞 L 未 Ħ. 疏 Ÿ. 難 與

英宗 争言 禮 議 非 以 執 即 闡 位 其 政 爲 意 不 宜 中 口 • 公 稱 時 更下 乃下 皇 奏 判 伯 清 尚 太 詔 追 高 常 書 罷 尊 省 官 寺, 議 濮 集 大 安 率 國 \$ 議 懿 禮 禮 王 極 官 官 已 其 下 上 檢 而 尊祭 言 詳 臺 兩 典 諫 制

1 「非」,原作「詠」,據《蘇軾文集》卷一四《范景仁墓:

議 昭 宗,又考濮 武之比矣。 以 其父容 漢 穆,皆非是。」於是具列儀禮 小宗而 魏 宣 明 帝 可 帝 於 以 合大宗之 詔 安懿 昭 凡 稱 爲 帝 稱 皇考,然議 五篇奏之。 爲孫 王, 帝 統 若 則 也。 光 皇考, 其 失 武 者猶非 今陛 《墓誌 非 於 平帝 立 特 及 下 漢 寢 之,謂 漢 既 宣 爲 廟, 儒 考仁 祖 論 論 光 其

以 急 草 貸悉還,陳人至今思之。《墓誌 發 庫 制 、公上 違 · 廪 三 萬 故 書自 事 貫 出 劾,詔 石 知 以 陳 州 貸,不及奏、監 原之。 。 2 陳飢 是 歲 ,公至 大 司 、熟,所 繩 之 日

王 時,視 安 步 Ħ. 不 與 陛 미 石爲 公上 改。 五 下 穀貴 十步之間耳。今有二人坐市賈,❸ 疾 政,始變 疏 富 脯 賤 青 民 日 發斂,以 苗 . 之多 「常平之法,始於 行 更法令, 於唐之衰亂,不足法。 取 便農末,最爲 而 少 改 取之,此 常 平 漢 爲 近古 之盛 E 青 白 苗

> 餘。當 公奏:「由臣 上知公不 行,不敢就 如 韓 因 不 令常分析,公皆封還 司 可 預 論 初。 疏 琦 以 人 報 買 駮 L 朝 下 舊 并 亦 司 之。 疏, 其 法 邇 廷 預買 敝 可奪 馬 預 英 直 而 極論 法 職, 閤 以 光 諫 行 買 也。 不 去之,奈何 相 以以 除 紬 進 市 官 詔 才, 新法之害,安石使送 傾 道 讀 絹 樞 李 若 許 詔 奪, 之所惡乎?」 使 常 亦 密 其 陛 與 辭 直 陛 青 乞罷 副 下 吕 則 免,公 詔 付光,不 出 下 使 更以 躬 惠 人皆知 之 廢 光 青苗 節 詔 卿 法,有 比。 再 爲 Ŧ. 儉 争 以 封 錢, 由門下。 比 下, 論 疏三上, 惡之,其 所言 府 公 還之。 乎? 安 條 司 公執 庫有 日 前 失 不 例

賈」,

同前書作「貿易」。

[「]若」下、《蘇軾文集》卷一四有「皇若」二字。

[「]草制違故事」五字,同前書作「翰林侍讀學士」六字。

公既

謝

蘇

軾

往

賀

之曰:「公雖

退

而

名

益

忘 公上 林 之 罰 言 之深,人 養 諫 耳 公上 公 仕 極 軾 職 學 術 之計 0 和 憂 目 流論 罪 以 乞 且 一疏五 以以 士 0 巨 國 平之福。」天下聞 表 蘇 疏 新 日 解 之心。 安 謝 9 争之, 法之害。 公又舉孔 軾 (更以 言不 除 銀 以 陛 石 L 應 0 臺 壅蔽之姦 其 本 大 下 詔 陛下 爲榮焉。 最後 又 司 略 、怒,自 行 官 不 有 0 日 致 報 安石 而 文 愛 日 有 許 指 無 . 御 仲 仕 民 . 草 納 之。 , Ħ 顔 史 《墓 爲 而 時 怒 之性 雖 任老 制 諫之資, 望 安 復 知 壯之。 罪能 賢 年 聞 誌 日 極 會 陛 石 雜 文 良 者 乞身 六 成 文 有 П 下 以 大 謝 於 皆 + 爲腹 詆 文 仲 詔 集 臣 安石 喜 景 大 朝 而 爲 = 公,落 仲 歸 舉 群 怒 用 臣 温 去, 公 諫官 對 故 請 議 雖 即 殘 彈 進 爲 懼 官 敢 賞 L 詆 以 爲 翰 民 拒 致

> 從 使 名 重 矣。一 天下 消 無 患 勇 受其害 公愀 於 功 未 然 萌 吾 而 不 吾 獨 使 樂, 享 不 天 其 得 下 日 名 爲 陰 · <u>后</u>. 此, 受 君 其 何心哉! 子 命 賜 言 也 聽 夫 無 計 智 1

軾

慙

而

退

2

《墓

誌

景仁 貴 遠 彊 然 賑 謝 自 不 後 近 召 娱 既 施 蒙 嗚 其 皆 則 故 返 退 屈 呼 貧 往 客 居 不 人 辱, 者 有園 年 往 至 或 嘗乘 無貴 益 任 見 爲 曏 周 憂 老 之。 使 具 第 覽 籃 賤 患 而 景 召 在 ÝĽ 皆 輿 視 或 之, 京 贵 Ш 歸 時 聽 野 枉 帥 有 蜀 雖 乘 窮 聰 道 服 今日 專 權 希 明 興 極 見 與 以 貴 勝 世 出 之 親 之 支 讀 賞 遊 不 舊 樂 體 以 不 書 拒 樂 邪 則 得 期 復 尤 詩 飲 也 富 堅 年 無 報 賦

2 0 且 蘇 軾文集》卷 四 作 事」, 則 可可 屬 上 讀

而退」三字,同前書作「以是愧公」四 字。

四 三九

初 英宗 伐 嘗 奏,先 位 當 仁宗 祖 君 位 即 其 誌》云: 則 加 以語 一。」時 善,介子推 復還。 九 ,公又言: 子 起 位 景 天 一、復還 疏 朝 宋州,有天 何 愷 帝 即 或 遐 年幾 首 人,人亦莫敢 上之,拜 勸公稱疾杜門,公曰: 悌 所 追 位 不 _ [i] 開 乞下百 君 失 僖 録 ,附仁宗主 眉 天節乞隨 建 八 「乞遷僖 子 不言 祖 甚 壽 其言,存没皆推 十矣。 儲 端端 下, 少 而 神 之議 禄,不 官議。」不 明 遷 景 班 所 與漢 所 殿 順 上語 勞 爲言者 而 學士。 其 祖 韓 得 祖 矣。」 有 遷僖 能 ,許之。 死 維 高 殊 正 後 焉 過 公上 生 上言 祖 報 又 多 大臣 太 《墓誌 也 祖 禍 同,僖 恩 遂若爲今。 《傳》〇 日 矣。 祖 福,天-雖 言 及 悉 顔 而 繼 東 及 也。 \wedge 上 公 神宗)又《墓 鎮 繒 以 子 祖 樂只 有 詩 在 之 太 論 不 未 即 不 吾

初,仁宗命李照改定大樂,下王 皇祐 神宗 萬言 此 將 九 辭 大 紹聖初 上將 無 來 不合,得罪 以 疏 非 而 加 日 或 歸 中, 憚 自 論 追 爲利?」故公卒不 9 Ш 復 起公矣。」公正 黨也。」惇、卞乃已。 「六十三而 漢 律尺之法, 贬,蔡京 ,章惇、蔡卞欲 勤 陵,公會葬 來,豈 以 又使 一。」天 室 爲 先帝。 一 卑 胡 獨 굸 下 詞 得 瑗 曰:「京 中 望 等考正 於 求 又 四 禮 公與 陵 心。 日 與 去, 臣 色曰:「鎮 ? | 卒不 下,蔡京 并 先 光 爲 親 蓋 元 温 斥公爲 一、公與 帝 侍 往 元 聞蜀公之言 聞 以 公 豐三年, 復 棄天 祐 見 引 同 論 朴 起。 爲 以論 見 司 年 升 樂二 元 聖 下 我 難 馬 公 矣。 先 祐 一起。 强 神宗 其 凡 光 新 日 黨 起 數 皆 法 如

元

祐

初

,首以詔起公曰

.

西西

伯善養,二老

^{● 「}韶」下、《邵氏聞見録》卷一二有「特」字。

之, 合。 常 先 提 公 詔 -5 带 斗 律 作 和 乃 用 真 律 往 公已 清 ,君實 殿 成 舉崇 訓 ·、 豆 黍 東 公 兀 詔 往 不 候之,不持 齋 與與 清 致 日 在 召 品 能 不 記 屬疾 聲 日 福 館 比 仕 劉 勝 定 省 事 執 正 閣 李 宫 圃 几 乃 時 黄 此 政 日 鬴 五 他 照 奏, 侍從、 既 定。 定 然。 樂奏 鍾 決 書 欲 劉 音。」 同 樂 君 得 樂。 斛 於 樂 惟 其 觀 造 几 實 下 謝 同 後二 雖 持 ----成 ,予 圃 公作 臺 樂 樂 欲 舍 賜 所 公 有 請 劉 日 閣 獻 莫逆之交 圖 + 也 律 詔 撰 同 詔 几 師 年, 太 而 之臣 《樂 之, 含莫能 上 律 罷 有 臣 嘉 府 曠 薨。 即 君實 之。 尺、 論 奇 局 「定 獎, 自 何 之 用 銅 也 決 在 皆 以 與 龠 聰 李 賜 爲 樂 墓 篇 以 又 西 遂 惟 往 馬 爲 之, 志 照 查 亦 京 乞訪 當 弈 議 樂 聖 合 不 之,争 ? Š 爲 觀 樂 嫌 有 基 樂 以六 先 下 御 留 逾 又公 升 以 爲 加 臺 太 及 求 乃 正 延 年 加 決 不

> 邪 者數夕, 大樂還 ? 將 英 戲 魂 矣! 謔 能 邪 決。 凡 又 抑遂 半 投 月 並 其 卒 以 所 木 決之,予 執 得要領 不欲 改之邪 不 间 勝 歸 君 份. 實 俱 所 讙 不 見 E 火

得

III

知

也。

是

必

戲

謔

矣

公清 常 其 先 乳 腹 必 常 鄉 所 默 和 年 均。 女 生 ,以公蔭,今爲 是兒 子 + 人 屈 明 而 方 爲 龐 有 餘 語 在 坦 不 直 得 篤 壯 孫 外 不 人, 兄 夷 i 亦 克婚葬 於行 公公 婦 温 之, 兹 常 必 雖 表 人 直 卒 欲 然。」 養 時 僦 過 日 裹 義 于 温 繼之以 其 . 未 居 洞 承 者 奏 隴 之子 妻子終身。 己 仕, 及 達 哂 議 吾 城 輒 補 巷 臨 ľſſ 9 郎 兄 徒 遇 昉 爲 先 死 果 大 無 異 席 卒於 光 人 主 族 然。 節 子。 雖 公少受學 於 以 求 地 之,客其 在 人, 之 誠 決 京 而 而後子 名 其 聞 萬 兩 師 大 坐 學 之 體 其 恭 乘 議 蜀 家 本 公 飲 前 於 有 有 儉 間 孫 於 遺 者 娶 鄉 食 百 慎 無 色 四

仁 下 清慎 兄子 後 學者,惟 至死 使契 公文 大議 説。 六 ○李廌《談紀》云: 五. 者, 却 論 人 經 À; 減 性 不 白 丹 賦 翰 其 論 取 日 : 「自 范景仁與 日 節 佛法。 演虜 林 禄 文 義 嗜 做 未 有鬼神。」又却 悠, 豈 亦 少 清 身主,不得爲 相 嘗 四 有 使 時 麗 〇又《程氏遺書》云: 知 君 生 不 物不芥帶於 東坡 不 虜 嘗 簡 實 爲 貢 日 與。 道 爾。 賦 遠 此 舉。 云 . 虜 死 佛、 迷 人驅過 山此 然其 首 長 契 學 范 也 又却 凡 心,却真是學佛作 景仁平生不好 老、 間 丹 者 嘯 長 所 一去裏。 朝 公安 爲 却 以 嘯 執 申 高 被? 廷 今日 理 胡 公 爲 麗 有 有 否。 也。」 韓 騎 師 卓 出 又 儘 大 皆 異 於禪 然不 法 日 似 佛 述 端 其 及 知 見 家, 墓 學之 爲 范 晚 作 得 後 凡 奉 誦 之 此 伙 年

客 有 長 \Box 僅 問 者,其爲 五 今世之勇於迂叟者,叟曰 何 尺, 哉 循 勇,人莫之敵。」 循 而 如 所 不 謂 勝 勇者, 衣 奚 客 丽 其 一「有 日 以 勇 瞋 ? 景 范 目 叟 裂 景

吕 捨去。 所 以 畏 眥 人 衣 無 子 不 仁 欲聞 之,與倍 章不已,視身與宗 若景仁, 勇 獻 無恙 有 歸 跬 貪 争之, ..? 天 測 乎 髪 子與 之淵 所 或 ? 可之先見,范景仁之勇決,皆余所 ,終身不復 步之遠, 人言立 執 E 況景 不 圃 老 指 政 無 勇於 畔 是 能 無 執 繼 且 欲尊天子之父,而景仁引 無 勇 特 冠 仁身已 政? 嗣 爲之者 勇 ൬ 異。 以言 病 者 内 兀 萬 力曳 者能 前 者 起 能之乎? 夫之勇 或 親愛之至隆 不行, 而 也 族 一有言 通 無 九 無 則 能 景 之乎? 如 顯 勇 口 牛, 有 之, 仁. 自 耳 鴻 年 冀 者 矣, 有 之者 獨 唐 毛。 氣 無 六 禄 能 勇 聲 宣宗 唱言之, 猶 然景 陵 不 十三 之乎? 者,孰 與 於 望 後 戀 之 服 輒 位 外者 以 人見 視 情 仁. 焉 軍 戀 切 來,不 古 若父 上餘 皆 监 即 公 不 者 孰 凡 義 景 忍 不 如 拂 相 人 疾

熙 然至 懿 實、景 其 寧 同 所 則 得 E 劣之者。 同 及 E 0 : 不 誌 議 、元 王 志 歡 也 相 五五 君子是 於 如 及 死 稱 論 甚,皆自 其 豐間, 先 論 仁. 也。 余心 號 可 獻 墓 與 當 後 宗 二公既 鍾 否 景 可 同 其 神 以 律 如 誠 時 蓋二公用 士大 之 故 傳 道 宗 以 足 知二公非 論 左 服之,故 則 先 君 0 德 爲 以 時 兄 右 立 約 夫 反 見 實 뻾 莫 築 風 論 弟 皇 手。 更 論 復 爲《 天下之人 辱 流 及 新 景 嗣 捨 相 也 相 天 作 芍 天 英宗 法 大節 仁 爲 足 景 日: 故 下 范 非 同 但 下 之 傳, 以 賢 景 君 仁. 其 者。 終身 姓 勇 仁 者 師 實 言 傳 吾 皆 二公 時 亦 不 而 決 傳。 《墓 表 常 若 論 不 不 與 必 後 同 無 當 誌 能 謂 其 蓋 濮 謀 皆 子 耳 出 敢 死 日 世 傳》 相 安 君 者 生 而 子 略 優 相

三朝名臣言行録卷第六

六之一 太傅魯國曾宣靖公

内

翰撰

行

狀

傅 禧 拜 講 獻 拜 府 巾 拜 兼 吏部 文召 進 觀 司 出 歷 侍 使 士 空 公名公亮, 參 知 史 中 第 侍 試 知 館 鄭 Ŧi. 河 致 郎 知 政 陽 授 日 州 檢 仕 事 越 0 集 口口 討 0 字 州 俄 賢 朝 平 城 薨, 樞 明 修 會 還 節 章 校 密 年 稽 仲 起 舊 理, 久 度 事 使 八 縣 居 之 使 0 職 泉 兼 + 注 納 兼 熙 嘉 州 坐 權 天 寧 侍 節 祐 事 晉 翰 章 詔 知 中 謪 六 江 林 閣 配 開 以 年 年 官 享 集 學 侍 太 封

> 知 泄 反 越 湖 爲 英宗 州 策 水 亞 H 會 入江 病 勳 稽 廟 之 縣 庭 公爲 9 碑 田 縣 篆 以 有 其 則 不 鑑 碑 曹 病, 湖 首 娥 民 溉 江 至 堤 民 兩 今賴 疏 田 朝 爲 湖 顧 之。 斗 溢 命 門, 定 則

之 問 徭 畜 侍楚國 六 不 窺 憎 制 郡 役 患 邊 、公條六事 兵馬,使主 日 不 無 良 似 以 家子 專 取之得其 召 人。 太夫人疾,謁 忠 明 在 執 以 今 政 農 爲 損 兵者 以 明 宿 侍從之臣 則 宿 冗 獻 要, 聽 衛 兵,汰 衛 久 耕 其 之 言 告家 於 任之盡 者 及 知 失 略 其 勸。」 府 冗 策訪 人 以 居, 任 官 兵 言 之 謂 其 又 番 則 叹 政 難 狂 則 材 陳 上十 一以手 元完 事 夷 者 財 古 Mi 0 則 狄 似 用 堡 消 者 詔 將 時 不 衛 讒 取 帥 就 敢 公

諛 之 者 患 0 蓋 説 皆 云。 取 當 世 扩 狀 之所 先 急 丽 便 於

異 時 施 領 行 省 寺者 爲 多 以 貴 達 , 且 數 遷 徙, 類

省事,吏得並緣爲姦。公周覽詔條,考校異時領省寺者,多以貴達,且數遷徙,類不

簿書,分別是非可否,不爲苟簡,故所至

舉職,皆有能名。歐陽文忠公不妄許人,

至三班, 嘗以不敢易公舊事爲言。 其爲

世所服如此。《行狀》

知 鄭 之 於 除 應 州 害 接 鄭 興 尠 居 利。 能 數 及 路要 轉 民 運 事 衝 使 0 歲 冠蓋 公獨 多 無 詢 旁午,州 名 訪 率 間 斂 里 將 爲 疲 而

者 輔 郡 ,使民以常賦代之。 尤 甚。 公至 切不 民 以 報,有 不擾,至 不 得 一今思 己

姦盗。那故多逡襄,公至,悉竄也竟。路之。公爲政惠和,而尤能鈎考情僞,禁戢

不含貴,民外內不閉,至號公爲「曾開姦盜。郡故多寇攘,公至,悉竄他境。路

門 不 拾 遺 常 有 民 使 外 客 户 亡 不 橐 閉 中 物,移 至 號 公 文 爲「 (求盗 曾 開

然。使客慙服,以爲神明。《行狀》輸以境内無盜,必從者自爲也。索之,思

公嘗 公在 禁,歸 倉 納 於 公戮 戍 天 多 更 至是 下 與 以 去 衆 制 樞 原食 萬 民 力 韓 以 寡 府 使 圖 之於民,籍 謂 世 忠 修 所 客 感 地 心 一之本。 窮獨。 疾苦 獻 慙 政 悟、儲 里 以 紀 服 事 公 更 遠 周 綱 力 , (1) 以 唱 以 近 知 貮 其 除 費 户 前 四 迭 爲 補 乃定。 他 弊 絶 民 此 神 和 及 方 助 施設 事 爲先, 宗 田,收 古 明 其 在 兵 其 ,數 有 蚤 相 數 介 窮 所 言 建 亦多 登 裁 位 其租 乏。 故 狀 事 者 皇 耗 損 其 革 與 此 子 冗 罷 未 爲 志 韓 廢 類 兵, 之開 弛 忠 路 以 廣 尤 駆 爲 茶 急 尤 獻 又 屯

0 疑爲朱熹 而 》尚有「人君得其 下, 脱 琬 漏 又同 》中 言 則 書「患」作「風」。 當 五 審 覆 而後 行 太

公 在 言 議 而 自 地 物 以 理 带 綑 當 È 是 産 謂 法 有 紀 刀 位 比 於 金 無 間 以 方 而 久 劫 平 銀 密 己 死 疆 以 熟 禁 此 恕 者 盜 獄 州 固 禁 坐 物 於 公 來 銀 争 類 物 應 朝 疆 法 蓋 得 發 H 不 皆 死 廷 取 也 者 公 民 奏 盜 決 如 者 政 推 讞 執 \blacksquare 得 取 委 此 事 多 遂 析 中 政 之 不 必 成 抵 律 皆 尤 俞 下 雖 死 盜 有 躬 死 意 欲 矜 有 狀 疆 往 自 司 從 慎 繇 先 司 不 省 疆 與 折 是 差 公 取 覽 議 盜 府 獄 毫 之, 公 東 如 民 原 總 釐 言 州 獨 公 家 大 情 異 領

公嘗 疆 事 獨 印 丹 縱 勇 舟 以 口 公 謂 有 委 邊 益 之 謀 人 日 漁 患 疅 夷 口 界 之。 不 狄 任 河 驕 0 可 或 且 邊 於 因 因 謂 姑 吏 諭 循 趙 : 不 息 不 以 滋 能 禁, 風 與 屈 守 禁 , 指 之 於 後 雄 後 理 校 將 州 滋 又 折 爲 果 <u>H</u> ____ 其 數 患 能 人 生 契 通

言 使,皆 英宗 契丹 罪 未 又 飢 大 也 君 事 遠 明 日 舉 泛使 不不 欲 0 : 順 命 去 口 口 約 族 使 姑 信 率 或 賀 城 因 也 不 束 彼 如 人 就 非 而 絶 豫 IE 諜 他 其 日 雖 公言 設 來, E. 席 誓 處 朝 其 命 使 告 謀 族 戎 欲 之 約 方 廷 歲 決 È 在 虜 招 内 夷 0 公責 宰 得 棄 略 安乎」? 憂之。 賜 非 館 雖 欲 致 附 不 羌 相 綏 賜 古 詐 他 至 絶 豫 遣 酋 州 就 故 以 尚 遣 能 族 种 其 不 泛 嵬 館 綏 事 爾 使 擇 公 必 諤 賜 名 宴 敢 使 鹽 上 州 計 遂 利 以 待 況 宴 賜 或 之, 舟 乘 上 以 Ш 拜 間 而 滋 爲 親 我 其 不 宴 絶 謂 聞 9 舉 間 賜 使 處 而 又 臨 紫 故 之 赴 0 勢 族 夷 公 必 者 也 沮 漁 乎 宸 卒 地 狄 取 來 窘 彼 夏 非 是 公言 者 以 之 ? 殿 不 也 歸 懷 綏 急 方 體 人 不 非 亦 E 詐 至。 州 H. 既 荐 遺 公 謝 犯 或 虔 故 時 皆

曾 魯 蹲 得 惟 雖 後 我 而 之,何 李復 公自 素 去。 不 甚 遣 去 高 習邊事者計之,不能易 無 主以 備 嘉 東 可 饑 丽 軒 祐 非 精 不信?• 鳥 筆 秉 爲不可 臺 倉卒可 録 力不衰,故 政 至 噤 作詩 熙 爲 然遂欲招致 無聲。」 一、未宜 寧 臺 中 日 公説 諫 尚 : 魯公亦 摇 無 在 老 動 他族 非 中 鳳 ^②行 其衆。」 之者 ·書,年 致 池 狀 仕 邊 則

六之二 丞相荆國王文公

獨 判 慶 州 縣 通 官 無 曆 提 所 廳 公名 點 判 獻 公 年 舒 江 特特 事。 登 安石 南 州 進 召試 東 代還 召爲 士甲 路 字 1,亦固 刑 介 例 群牧 科 獄 甫 簽 當獻 辭。 判 撫 人爲 書 官 州 文求試 淮 知 臨 出 明 南 川 司 州 節 知 度 常 鄞 度

> 爲 觀 郎、 薨 觀 夫、 宗朝累 就 封 年,以使 寧府,召 同 <u></u> 古 支判官、除 首相 一不許 文領 荆 職 文殿大學士 知 年 同 或 嘉祐 六十 平 不 知 公。 集禧 嘉 ,以《三 召 爲 遂 相 拜。 章 政 祐 八 不 翰林 六。 判 直 事 事 哲 除 年 觀 五 起。 汇寧 + 集賢院 宗即 0 年 使。 經義》成 9 貢 知 學士。 知 紹 七 熙 四 舉。 制 神宗 江 聖 ,公懇辭 年 月, 月 位 寧 譜 元豐 寧 初 拜 除 J 即 累 以 未幾 申 糾 府 9 拜 母 三年,改 年, 賜 早 位 辭 前 司 察 同 憂, 左僕射。 益 求 除 不 空。 命 修 明 在 拜 就 遂復以 獲 9 避 年 服 起 京 禮 除 章 配 諫 命,始 特 明 位 居注 除 刑 享 再 議 知 又五 部 年 進, 英 獄 大 神 九 侍 拜 大

「信」、《琬琰集》中集卷五二作「守」

0

宗 神 祀 大 政 夫 宗 和 廟 楊 建 廟 庭 炎 時 年 庭 言, 中 崇 追 寧三 停 用 封 員 文 舒 年 宣 外 王 郎 詔 王 趙 廟 靖 配 鼎 配 康 祀 言 享 文 初 宣 罷 列 用 王 配 于 諫 廟 享 從 議

始 議 皆 者, 安 維 潞 屬 讀 輒 人 論 文 登 石 刀口 公 爲 服 書 盡 爲 科 動 舉 人 小 高 爲 其 讀 能 諸 宰 官 恬 奇 精 筆 進 過 强 初 退,乞 弟 土 相 妙 如 不 能 署 記 輒 所 一,有 飛 急 薦 楊 成 以 費 友 朝 雖 名 安 急 辨 州 初 誦 (愛諸 用 延 後 於 石 於 家道 若 判 博 在 不 進 時。 官 及 仕 濟 不 \Box 弟 次 投 進 措 張 其 2 0 進 屢 俸 慶 贄 説 瓌 意, 終 後 0 空 用 禄 曆 及 身 知 曾 文 人 , 皇 程 以 不 鄞 公定、 莫 成, 家, 祐 年 不問 試 激 忘 縣 能 中 有 見 僥 數 第 屈 韓 文 競 者 其 美 好 H 五 3

> 門 多 常 許 去 是 館 州 而 命 館 7,不當 一,安石 欲授 拜之, 吏 名重 乃 修 職 徙 職 賣敕就 提 起 固 就 天下 點 以 居 使人 安石 超 司 職 辭 美 江 注 處 度 不 官 9 南 三司授之, 追 其右,章十 支 就 避之 士 懇 辭 東 呵 判 惟 大 求 以 路 乃 與之。 官 於 夫 患 外 新 除 刑 厠 恨 補 其 人 獄 群 固 0 安 • 不 不 餘 館 牧 賢辛 朝 6 石 吏 肯 識 得 E 判 廷 不 嘉 館 置 0 不 官 就 其 知 卒不 祐 許 中 敕 受。 有旨 常 也 面 中 又 先 於 州 能 辭 未 吏 進 案 **\$** 召 自 朝 幾 閣 常 除 而 隨 其 廷 由 不

E

2

4

6

想 上

同

前

書有

少少

時」二字。

風

有

占

皆

籍記

其

名。

至

和

中

召

試

9

^{● 「}初」下、《涑水記聞》附録三《温公瑣語》有「簽」字。

[「]一讀過」,同前書作「讀一周

③ 「一不」,同前書作「不一」。

[「]急急」,同前書作「汲汲」。

亦作「東」。原作「西」、據同前書改。本書卷前王安石小傳

口 《聞 馬 歲 除 判 飲 相 群 勸 牧 餘 官 見録 知 温 包公不能强 光素 復申 可牡 制 公 包孝 誥 嘗 丹 日 不 前 肅 盛 自 . 命, 喜 公爲 開 此 昔 也。 酒 不 安 包公置 與王 使, 復辭官矣。 石 亦强 光以 辭 時 介 七八章, 飲 號 酒賞之,公舉 此 甫 清 知 介 同 **%**温 嚴 其 甫 爲 ①乃受, 公瑣 終 不 群 席 牧 屈 語 日 不 酒 司

不問

•

介甫

亦竟不謝

0

《瑣言

嘉 與 其 之 主 鶉 祐 爲 乃 有 捕 日 人 而 主 少年 死 追及之,踢 末,王 罪 盗 彼 . 不 罪當償 得 0 許 强携以 也 按律、公取、竊 一介甫 一,借者: 府官 9 鬭 雖 鶉 死。 其 死 去,乃 其 以 不 侍 當 脅 知 伏 及 冒 與 勿 制 糾 之 盜 儕 論 事 許 察司 狎 觀之,包 也。 取 死 下 糾察在 眤, 皆爲 府 審 録問 此 開 司 遂 刑 追 因 失 盜 封 持 京 而 就乞之, 大 人 介 府 去。 殿之, 刑 此 平人 理 捕 甫 獄 鶉 駁 按

> 罪 定, 制 不 不謝 肯謝 放 以 罪 府 者 斷 臺 御 計 爲 司 史臺 是。 殿 大 門 劾 有旨, 及 謝 奏之, 閣 門 介 王安石 執 累 甫 政 移 自 牒 F 以 放 其 . 趣 罪 名重 之,終 我 舊 無

仁宗朝,王 詐 宴,内 盡 食之 録 不情 也。 盡 厭薄祖宗,仁宗尤甚,6 侍 各以 安石 也。」常 使誤 明 日 爲 金 食釣 , 楪 知 不樂之。 帝 制 盛 謂 餌 誥 釣 宰 餌 輔 後安 粒 藥 日 日 則 置 每 . ,賞花釣魚 石 止 几上,安石 謂漢文帝 自 王 矣,食之 |著《 安石 日

●「醉」上。《凍水記聞》附録三《温公瑣語》有「又」字。

② 「觀」上,同前書有「借」字。

3 「脅」下,同前書有「下」字。

◆ 「不」上,同前書有「遂」字。

6 温 瑣言」, 公瑣 語》, 按 前有引《温 疑「言」當作「語 公瑣語 者 經 查 此 條 亦 出 自

6 「仁」上、《邵氏聞見録》卷二有「於」字。

四四九

録 丽 不 足取 韓琦、 真 文彦博 心 薄 仁 學皆爲 宗 也。 其 故 毁 詆 時 云 大 《聞 臣 富 見.

初 公猶 公 復 録》云: 起 爲 用 不 介 事 不 知 多 古字 從 甫 之,其意欲 輕 在 魏公知 三 爲 此 魏 當國,介甫遂 數引古義争 介甫怨忌韓 韓 公雖 韓公所沮。 其 介甫 魏公知 由 韓 是 楊 人 公笑 秩 重 怨之。 州 頗 以 楊 滿 其 州 排 識 M 公事 公, 文學, 去 介 王荆 韓 留 難 謂 會 甫 及介 公耳 乃 字。」 會 金陵,不 僚 ,其言 公爲 遭 以 力薦 有 而 屬 母 新 甫 簽 介 1 不 喪,服 進 《記 判。 迁 介 甫 以 知 韓 0 朝參。 士簽 聞》〇又《聞 甫 制 闊 聞 「惜 吏事許之。 公書者,多 每 於 除 譜 讀 書 以 魏公多 E 書 言 E 曾 時 判官 韓 廷 達 日 强 惫 韓 事 評 公 見

> 過闕 之語 眷 石有異 論 府 草 誣 法。 爲多、每 召館 者。」魏公後知荆公之賢, 至荆公作相 廢 不同 禮魏 吕 少年今白髮。 申 書 申 E 公謫 也。 荆公怒甚 職不就之類 不 一殿。 議 何 公、終始 公有言藩 可 〇又日 詞 也? 與 自 王 草 行新法 棄。」荆 臣 明 荆 ,傷心 ,取魏公之章送條例 不替。 不 著 公但 魏公曰 公方用 鎮大臣將興 是也。❸ 其 同 熙 無 公不 故 事 形 寧二年, 魏公言其 路 • 及 也。」帝以 事 相 欲 送 魏 答 「仁宗立 故 ·神宗問 好耳。」 因 靈 公薨 收之門下 荆 晉陽之師 以 韓 退 輌。」猶 八公《熙 (不便, 摇 魏公自 而 魏 一作《青 先 荆 魏 言 E 司 公之語 公。 帝 公有 神宗 寧 疏 日 不 除 荆 爲 永興 駁 日 : 卿與 忘魏公「少年 虎 公終 皇 賴 録 挽 感 君 圖 韓 頒 問 移 神 嗣 学中 側之惡,自 詩 悟 E 詩 天下。 公 荆 宗之 判 時 不 Z 安 》紙之。 欲罷 非 短 北 屈 E 石 魏 知 明 京 安 議 又 其 公 如 我

少,意其

夜飲

放

逸

H

、從容謂荆

公日

「君少年

册

明」,同前書

作

:「昭」。

略

假

H

己高

呕

F:

府

多

不

及

燃

漱。

魏

公見

荆

公年

² 0 每 博」下,同前書有「而 儉 謂 爲不足取 漢文帝不足取」。《 者」。 邵 氏 聞 見録 》作 每 以 漢 文

[「]召」下。同前書卷九有「試」字

也。」蓋 措先 評 往 府 祐 後 類 疏争舍人院職分,其 曰:「方仁宗欲立 斷 官 近代宰相 甚 末,魏公爲 如 多。 争 有 帝於何 此 魏公固 就閣 鶴鶉公事 當魏 及荆公秉 地 者。」公日 即 相 公公 有以 日 了, 而 荆 請 先 臣 「韓公德量 公知 政 處之矣。0 册英宗爲 魏公以 言 帝爲皇子 之論 頗 又 「後宮生子 制 侵執 與 所 計 常 以 開 才智 皇 時 政 因 平 龃 封 〇又《東 嗣 論 ,又爲糾察刑 府 韓 議 春 , 所 時, 心 蕭注 爲 秋 琦 不 期高遠 合。 仁. 直。 立 異 未高,萬 、軒筆 降 宗 也。一荆 嗣 官 然 自 退 日 銢 詞 諸 是 獄 而 居 頭 少少 文字還 公皆莫 駮 公强辯 荆 舊 有 公每 開 遂 邸 子, 俟 挂 F 嘉 叮

交韓、 安 學,本遠人,未爲 安 氏 也,天下之士 不合,故 及 也 石 兄弟,絳字子 石 在 居 吕二家 金 不 宗 陵 敢 時 9 不不 兄弟。 初 人朝。 論 華 除 出 中 \ 母 英宗 朝 與 於 韓、 喪, 安 安 韓 士 大夫 石 爲 吕 石 英 即 雖 宗 皇 同 朝 出 高 子 所 年 屢 廷 於 科 高 服 召 之巨 與 吕 科 不 有 乃 韓 至 韓 維 室 深 文 公

> 神宗 間 之士 字 朝 至 王 爲 館 5,安石 持 大 安石之説。」至神宗即 同 ,神宗爲 用 稱 吕氏 國,學術尤高 年 如 善持 進 之名 司 公著,字 士。 潁 馬 王 君 始 國 子 實 盛 日 持 華 畫 非非 晦 ,不出 國 皆 安 叔 持 翊 相 石 位 善、每 或 維 仕 最 善 又 ,乃召安石, 之説 賢 晦 結 用 講 先 叔 大 亦 維 論 是, 争 時 與 臣 經義 之 治 薦 名 安 揚 友 平 德 人 於 石

治 詣 平 分 司 四 府 衆 視 年, 事 謂 以 介 《温 介 甫 甫 公日 必 知 不 録 江 肯 寧 起。 府。 既 時 而 介 詔 甫 到 方 乞 即

王

今治當何先?」公對曰:「擇術爲先。」上荆公召爲翰林學士,初入對,神宗問:「方

25

 \mathcal{H}

❷ 「諸」字,原重文,據《東軒筆録》卷六删。 ■ 「固有以」三字,《邵氏聞見録》卷九作「有所」二字。

説。 誅 時 足道 變、 然 者 先 問 此 堯 治 小 至 上 不不 之, 世 道 恐 不 至 王,不 日 則 稷 舜 所 能 魏 哉 此 豊 能 雖 無 要 唐 爲 敝 鄭 . ? 通 卨 乃 能 有 卿 而 足 法 無 以 太 知, 公、 日 陛 咎 因 所 副 可 不 道 宗 陛 几 使 但 太 侍 下 「、夔、 以 卷 諸 卿 謂 X 故 迂 也 恐 F 朝 如 宗 上 誠 爲 意 懷 · 至 責 常 葛 狂 陛 何 誠 所 稷、 能 堯、 ? 公 堯 亮 難 而 語 以 無 下 能 易 知 爲 去 可 日 於 爲 及 舜 小 卨 擇 爲 皆 舜 公 而 不 耳。 堯、舜, 悉 諸 君 高 世 高 桁 有 之 傅 不 遠 日 意 ? 葛 矣。 而 唯 宗 道 未 難 道 . 上 説 輔 所 亮、 若 不 能 明 雖 之賢 者 則 朕 日 則 朕 唑 使 口 但 至 爲 辨 堯、 所 魏 必 推 必 下 庶 自 末 簡 及 几 不 兀 羞 有 鄭 自 有 當 舜 亦 誠 耳。 視 世 杰 M 冒 而 [X] 咎、 公。 傅 之 古 濟 學 得 爲 未 何 眇 合 以 不 侕

> 荆 公 苗 位 領之。 制 甲 以 儒 肆 方 知 禄 口 日 既 法 何 施 者 其 置三司 今所急 卿 以 保馬、導洛、 爲 ,乞罷諸 大 終 讒 於 爲 E 經 以 爲 抵皆 參 身 中 世 慝 先?]公日 桁 爲 出 務 知 乎 條 也。一於是, 派 則 卿 IF. ? 吕 耳。 庸 吕 政 例 路 咎 所 但 公。 人,①故 公誨 事 司 免役 未幾 提 知 以 夔、 上 舉 E 經 經 與 問 而 論 青苗 官。 之 遂 稷 術 謂 知 世 變 韓 世 公十 政 不 之日 樞 風 參 務 魏 俗 曲 然 奏至,公稱 大 公亦 密 俗 皆 曉 市 相 亦 事 則 院 但 政 安 易 世 繼 以 公公 立 卿 (肯 後 陳 爲 1 人 務 並 坊 法 所 力 皆 升 經 世 荷 疏 興。 場 度 施 求 之 論 桁 所 公 疾 不 食 設 求 保 去 設 最 謂 對 其 青 山 能 不

^{● 「}儒」字、原脱、據《琬琰集》下集卷一四《王荆公安石

之權 道 紛 權 分司 至 不 歸 流 下 者與 紛 微 一,以 過 俗 欲 流 '; 上不 也 銖 俗 適争輕重之時 相 以 泪 M 物 先 爲 3 兩 陛 天下之權 上 陛 相 輕 王 而 許。 下之所爲。 以 下 爲 正 重 移 爲然、公乃視 權 輕 道 0 公人 重 重 流 變天 今 E 俗 女女 雖 則 加 歸 謝 下 權 銖 千 天 人 是 流 重,則 流 因 下 欲 鈞 兩之力 於 俗 事 之物 俗 爲 之人歸 敗 陛 矣。 上言 先 F 天下之人 故 E 與 此 則 所 與 陛 所 之 天 用 流 加 下。 Œ 陛 以 力 損 俗

王 之 諫 荆 也 行 諫 荊荆 職 。」《吕氏 官 公 也 隨 在 公不 二人者 及人 幸 臺 家塾 相 閣 可 司 人閣 侍 記 熟 政 從 日 荆 最 事 時, 公 此 圃 切 是 每 於 論 孫 又 爲 莘老、 政 益 人言 遂 道,後 兩 列 參 唐 李 奏 知 請 公 世 太 宗 擇 政 舉 所 當 事 在 **\$**

王荆公知制誥,吴夫人爲買一妾,荆公見之

聲 公辟 將 除 中。」冀公一 H 妾以償。」公愀 知之,對 婦 汝?」曰:「九十萬。」公呼 右 夫人出,汝安得至此?」 色,不 部 修 ,教其妾: 妾,①公殊 如 注 爲 初 日 何 米 皆 太 愛 運 僚 物 盡 原 汝 辭 失 官 屬 以 女子?! 府 顧 不 舟 誰 至六七,不獲已方受。 職 答 錢 「俟 通 顧 然 也。 家 氏 其 賜 判 不 ? 日 賢。 我 之。 資 尚 夫 : 殖 日 妾 出 「夫人 日 盡 : 貨 如 未 : 荆 司 「夫人令執 疑 没 利 其 汝 有子 「妾之夫爲 馬 公、 亟遣之。 ,猶不足, 有 其 言,公訝 自 用錢 皆同 温 所 温公, 夫, 飾 公 忌 夫 至 幾 從 也 人 書 不 潁 爲 爲 何 又 事 温 龐 軍 日 公 好 公 院 買 賣 得 左 潁 夫

■「夫人爲買一妾」。《邵氏聞見録》卷一一作「潁公夫

法 兄 賓 虚 制 除 客 不 郎 不 知 合 外 間 荆 中 制 公官 始 爲 誥 輒 温 户 著 不 以 浸 公 書絶 請 不 顯 故 通 善 判 交 俸 晚 公平 作 太 矣。 禄 居 辭 原 人 洛 《聞 門 **\$** 時 生 屢 買 見 相 月 任 録 遠 辭 善 給 諸 免 宅 至 酒 弟 議 猶 饋 改 取 待 待 以 去 新

其 荆 政 校 穀 縣 費 至 遣 口 弊 勝 (), 至 決 新 于 事 邑 公 嚴 益 則 民 知 十之七 法 紀 ÝΠ[行 保 使 起 爲 明 繁。 口 之 伍 立 青 堤 者 州 H 法 不 息 八。 苗 堰 鄞 保 邑 壞 多 皆 知 以 縣 雖 甲 決 人 刻 本 行 償 又 取 墳 便 陂 讀 薄 於 於 保 公吏 之。 墓 俾 塘 書 天 小 此 馬 分之 室 爲 新 人, 下 冒 爲 尤 文章 廬 故 然 陳 不 水 民 有 利 急 膏 熈 荆 陸 可 相 害, 於 新 腴 民 寧 易 之利 公 也 之 功 舊 天下 請 初 知 日 利 相 地 納 又 爲 興 行 因 之 遂 學 貸 治 不 所 於 執

> 役 役 有 雇 役。 荆 然, 復 不 曉 差 周 以 役 以 夜 役 公 雇 法 吏 私 知 日 議 子 0 不 治 差 於 爲 爲 與 四 役 新 之不 厚 得 蘇 害 所 方 役 未 未 爲 舊 司 兼 議 休 内 主 便 馬 風 代 盡 差 便 詳 知 息。 日 翰 如 温 俗 募 雇 南 秦、 元 役 章 故 范 行 公皆早貴 役 蓋 北 子 祐 法 保 人 忠 議 之 晉 荆 風 祖 當 厚 則 宣 甲 初 雖 太 公主 俱 之 宗 俗 熙 詳 速 賢 有 温 荆 民 温 保 之 寧 議 其 弊 否 公 公復 公門 雇 少 故 馬 法 初 熟 以 門 不 役 所 歷 吴、 壹 後 以 講 差 論 差 百 州 下 下 温 有 雇 變 日 蜀 役 甚 縣 役 士 士 皆 庶 公 役 矣 弊 不 之 爲 改 公, 不 0 幾 代 聰 主 復 復 便。 今 差 雇 差 能 獨 以 以 明 口

王

^{●「}役」下、《邵氏聞見録》卷一一有「雖舊典亦有弊」

翊

Ħ

進

擬

某

人

監

左

藏

庫

E

日

何

宿

直

非

便

願

易

勾

當

進

奏院

荆

公

許

諾

庫

柬

之

辭

日

-

左

帑

有

火

禁,

而

年

高

熙 寧

四

年

·, 王

荆

公當國,欲以

朱東之監左

藏

役 蔡 府 公 不 行 録 暴 法 復 制 至 后 遂定。 議 争 施 京 怒其 以 如 政事堂白温公,公喜 用 何患法之不 子 辯 爲 行 兼 以 而 五 不 之耳 至 限 厚,皆足 雇 然 提 日 遜 蔡京前 止 役 舉 限 言 子子 , 五 改差 子 盡 尚 日,太 厚 異 厚 行?」紹 以 改 何 子 後 役 對 罪 日 畿 欺 講 厚 觀 太 次之,真 難 速 去 縣 爲? 置 望 日 皇太 0 以 雇 ,後必有弊。」 日 . 司 聖 反 奉 役之法 :「使人人如待 講 復 初 小 蔡京者知 子 取 陪 后 論 子 賢 人 厚 熙 簾 喫 也 信 「爲差 寧 下 如 久 厚 劍 元元 温 之, 不 人 __ 温 \wedge 開 與 閳 決 相 役 公, 豐 雇 封 太 温 公 見

吐 囉 蕃 招 少 中 青 微 王 測 用 莫

朱 其 由 東之監 上 之 左 機 一藏 神 庫 미 臨 也 下 ? 多 荆 知 公 外 震 事 駭 雖 纖 莫

可

隱

世

0

《東

軒

筆

録

相 執 乃 茂、黎、雅 **唃家位** 冗, 已 置 時 政 唐 士人多言其利 在 用 族 府 亦欲結客 唐 言開 始 洮 爲 最 第 最 仁宗皇帝 有 一,歲貢 藩 ·,俾 盛 岷 州 盛 開 邊 翰。 · 至 · 雖 以 夷 者皆 邊 修 人,皆 至階、利、文、政、 以 之議 奉 本 西 制 陜 朝 害 取 木 不 朝 夏亦畏之, 科 西 納 韓 雖 絶。 始衰,今河 其 州 至 范 張 琦 王 遺 縣 登 文 韶 横 熙 未 種 富 特 進 Œ 者 渠 開 寧 也 朝 丽 置 士 公 先 初 熙 罷 二公公 綿 湟、 廷 驛, 第 帥 生 河 獨 新 王 封 州 延 之 前 邈 其 謂 爲 安 荆 西 唃 安, 威 Ш 縣 志 公 宰 關 之 平 厮

0 罪」。 邵 氏聞 見 録 》明鈔 本 作 罷

四 五 五

之。 里骨 之地 瞎 氊已 舉 之。 州 韶 耗 尺 領 自 主 邊 征 兵 之 開 布 簿 建 事 瞎 爲 死 紹 勢 爲 攻 唃 熙 初 潭 唃 唯 遊 中 聖 强 奇 征 瞎 止 厮 河 河 乃 其 唃 仰 邊 厮 靖國初,韓忠彦 遂 囉 秦 以 謀 臣 征 初 能 受之, 州 子 得 陜 囉 厮 乞納 諸 來 州 懦 取 311 囉 瞎 其 章 死 西 乃 遂 子 屬 里 河 弱 分 説 陝 惇 州 征 有 送于朝 有 唯董 骨 諸 縣 土 州 處 西 郡 立 作 熙 欲 踏 遂 所 歸 子 有 0 諸 民 相 河 爲 檀者 白 朝 上 朝 皆 賦 或 篡 韶 子 H 之 開 廷 僧 曾 之 衰 税 暫 廷 人 爲 封 於 木 或 役 在 帑 河 敗 布 思 弱 人 相 官 煕 或 0 其 人畏之。 湟 湟 朝 藏 故主 作 安安 朝 爵, 景 人 時 故 餘 獨 之 河 狂 供 樞 鄯 又 一燾 思 遺 童 鬼 韶 無 策 財 岷 給 不不 密 洮、 最 欲 立 爲 居 貫 章 能 用 邱 州 0 樞 熙 殺 輔 死 故 粟 初 四 董 己 取 岷 白 益 荆

> 者 賜 河 彦 康 帥 之, 乃 罷 姚 初,言者乞求 即 遂 師 己 朝 求 棄 雄 廷 塱 京 塱 及 下 作 至 鄯 凡 鄯 熙 相 金 舊 議 河 青 族 人 復 求 棄 帥 唐 唃 陷 塱 者 盡 議 種 陜 氏 以 鄯 以 族 邊 苗 之六 其 聞 事 裔 責 以 地 復 立 無 安 路 與 塱 之。 燾 興 敢 兵 鄯 矣 任 與 之 其 巸 韓 聞 熙 靖 責 地 忠 見 河

録》

上 之? 一以 復 介 君 介 日 以 甫 甫 臣 外 密 推 不 由 事 陛 上 肯 是 心 事 間 F 日 惡 之道 對 質 介 與 : 評 於 甫 他 乎?! 上 卿 E 竟擠 人 日 介 何 爲 F . 甫 必 L 加 密 問 間 日 朕 逐 日 而 所 無 之。 . 獨 於 從 隱 陛 得 隱 誰 他 來 於 之李 下 於 卿 得 日 從 之? 臣 評。」 介甫 介 誰 卿 豊 甫 得 獨

旁 講 引弟 時 沈 親 之 甫 有 E 代 問 道 爲 妹 ,多捨經 . 暱 隱 對 以 升 原 臣 夫 置之左右 於 安石 對,上 經 卿 也 言之。」 朕 念記 事 乎 爲 更有 而 ? 及 聞 侍 談 **9** 即 介 升 ●薦明之爲侍講 E 講 妹 財 以 介 甫 由 卿 夫 升 穀 道 甫 出 不 爲 是 利 原 不 卿 能 鎮 惡 誰 害、 爲 得 素 對 ?」吉甫 金 明 侍 營繕 己, 無 陵, 之。 輒 講 學 日 吉甫 目 等 上不許 術 明 . 道 吉 事 以 之, 原 直 欲 朱 甫 每 從 講 引 進 又 介 明

熙 寧 者 然 居 法。」介甫 欲 雨 一、豈足 之答 六 ,法不行。」上曰: 深罪之,上不可。 數 年 亦 日 + 顧 無 日 E 也 邪 月, 0 遣 ! ? 使 祈 3 上 尉 介 吏 寒 日 甫 勞之,乃 有 介 暑 : 聞 不 不 甫 1 悦 民 贵 附 古 争 間 若 新 民 出 退 之 猶 亦 法 并 而 日 頗 • 其 有 祈 屬 苦 黨 怨 疾 寒 介 咨 新 甫 家 暑 不

> 之謀 等,上喜 暴 介 進 甫 從之。 用 之, 其 則 今 出, 既 權 不 勉 出 輕 取 强 門 即 將 一從之。 下 有 奏 上 擢 人 上 窺 章 由 所 間 惇 是 素 隙 權 趙 者 不 益 子 矣。」 喜 幾 者

《記聞》

介甫 遂 事 甫 室 ,定爲 一及諸 移疾,卧 欲 請 并 罷 軍 京 浮言 之。 不 師 不 樂 行 出 所 介 有 陝 移, 甫 西 怨 Ŀ 如 怒 所 言。 使 此 日 鑄 人論 何 . 折 E 事 聞 之曰:「 朝 可 錢 之, 廷 爲 每 既 以 ?」退, 朕 舉 問 而 無 介 宗

- ■「引」下、《涑水記聞》卷一六有「介甫」二字。
- ■「事」,同前書作「義」。
- 蹟統類 卷二七〇熙寧八年十 七《王安石 六」、《涑水記聞 》卷 傳》均 一三《神宗任 》卷 作八八一。 一六鄧 月 用 丙 王安石》及《宋史》卷三二 廣 戌 條 銘、 張 宋彭 希 清 百川《太平治 校、《 長 編
- ① 「法」下、《長編》卷二七○熙寧八年十一月丙戌條有

日

E 紊 其 實 逢 附 淚 泣 易 荆 外 故 土 論 間 堅乞罷 記記 、熙寧 供 之獄 他 見 要權 ,公慰之曰:「已薦 議 公 於 聞 加 天 其 及惠 家 夤 時 秉 不 卿 編 吕 子 既 得 相 緣 又 財 政 叶 政 勑 莫 參 天 挾 君 卿 斷 事 簿 而 事 素不 政 非 荆 人參, 既 更 李 謂 3 意 故 鄧 , 指 不 新 公 新 便, 潤 出 士 非 口 又 可 再 爲 日 遂 進 寧之事 天 議 甫 鑒 欲 乞重 有 吕 以 召 之 皆 選 沮 下 枉 前 給 射羿 傾 嘉 何 荆 吕 + 舉 之 宰 狀 法 用 編 間 田 奪 公 務 遽 者 惠 也。 新 廢 以 募 荆 而 修,及令百 荆公矣, 之意,而 秉 如 甚 撼 王 卿 張 進 役 公信 兩 而 衆 安 洎 此 政 荆 矣。」二子 諤 以 待 禁 宿 ? 公, 國 持 • 破 臺 以 以 德 鄧 • 司 遂 荆 綱 役 爲 乃 閣 舊 不 姓 綰 時 又言 公而 紀 論 更 而 法 然 次 起 人, 之 懼 手 收 幾 李 朋 内 市

> 荆 皆 表有 指 陵。 是 列 義 吕 有 驗 不 公無 貳。 荆 自 不 其 以 也 薦 惠 足 公兄 安 故 罪 事 卿 「忠不足以 引 詩 以 與 上 去。 既 欲 匪 有 共 封 弟 而 勝 諤 朝 弭 惠 置 之 然 兹 惠 猶 廷 紛 前 事 卿 自 失 於 俾 卿 欲 紛 取信 故 迹 者,又 出 是 所言 是 張 凡 掩 易 人 亳 門 數 諤 遂 變浮 惠 覆 人與之立 州 故 下 爲 發 以 事 卿 復 而 事 之 雲白 自 張 示 林 鄧 面 請 鄧 事 荆 若 人 浙 綰 奏 知 去 綰 欲 皆 公, 不 路 濟 敵 落 張 意 復 其 而 無 安, 事 察 落 諤 故 欲 觀 再 自 固 之 蓋 難 鎮 荆 -乃 望 返 明 志 徒 金 意 鍾 公 條 意 以 攻 ;

財」下

同前書有「以

後上二

夤」,原誤作「寅」,據同前書改

⁰ 而 F 原誤作 東 「扶」,據同前 五 書改 鄧

⁴⁷⁶

獄具 子世 熟。 又能言 其情 甚 無以 權 熙寧七年,王 衆。 ,謀遂不 栢 慮荆公復進 居, 對。 及 , 世 遽問 青」者,●蓋 吕 人休咎。 吕 起 居 〇又日 惠 爲 行 賜 獄 E 此 卿 推 死,逢、育棄市,士寧決 荆公初 獄 執 治,劾者言士寧嘗預 为 因 Ŧ 政 引 王 「李士寧者 安石去不以罪 郊禮薦 士 荆 會 罷 謂 寧 公與之有 Ш 相 者 是也 東告李 薦 荆公爲使 意欲 吕 蜀 惠卿 舊, 逢 人 《東軒筆 有 何故 (杖,流 人相,方 此 得 爲 所 劉 每 一參政。 謀 延 巫 育之變,事 導 用 於東 衊 永州 敕天下 氣養生之術 赦復官 進 録 熟,上 Ö 會荆 吕得 府, 連 又云: -捕之。 連宗 坐者 公 迹 君 察 日日 再 其 見 怙

 Ξ 幾 練 諛 荆 制 上 可留 亨甫 公再 媚 ,婿姪皆 亦 以 領 丞 也。 者 自 秉 之而 相 安。 政 館 謂 之子雱爲 綰 己 既 職 中 如 面 逐 丞 荆 所 京 鄧 吕 公求 師 戒言之, 日 樞 惠 綰 賜 密 卿 日 退 荆公復於 第 使 . 告 門 宅田 上察 諸 公 去 下 弟 何 之 尤 邸 E 知 皆 人 不 切 一前 其 復 則 爲 求 Sp 庶 於 有 爲 兩

> 者 僻 校 姦 鹵 章 揚 不答。 欲 之,其實 去, 遽表言: 臣 「、志在 公,遂落 書,爲 0 莽,乞不行前 荊 爲臺官, 賦 有 但 E 朕之待 性 公即 何 未 翊 於邪 姦 漳 綰 意 臣 欲 有 日 2 乞推 П 州 中 在 ? 卿 懼 汝 素不知 推 荆 丞 揚 穩 勉 且 蓋 者 不 狀 官。 公懇 論 劾 也。 便第宅耳。」 爲 以 厭 何 謂 義 士 本 朕 爲 是 即 汝 人望, 薦 先 請 綰《 無 形 留 官 也 此 圃 是 礪之爲 其 何 於 制 知 賜 , 綰 由 當 乃 色; 不 > 虢 第?」 E 事 東 9 日 并 循 荆 欲 --軒 州 朏 人,昨 : 汝 分 彭 筆 出 用 公 汝 録 之 守 察 上 亨 操 汝 如 其 駭 綰 礪 事 甫 見 所 所 笑 卿 礪 黨 心 日 朕 其 又 頗 奪 舉 薦 綰 方 而 所

●「鍾」、《東軒筆録》卷五作「終」。

② 「爲」字,原缺,據同前書卷六補。

初 畫 罷 憂 卿 以 起 公去 吕 一按之, 去 憤 華 所 鄧 惠 亭 詔 中 綰 M) 惠 卿 所 卒。 語 惠 卿 爲 獄 條 連 卿 遂 荆 惠 荆 荆 情 而 背 公 公憂 卿 公子 使徐僖、 不 之。 所 事 得。 知 交 傷 雱, 雱時 洎 9 鬭 驟 益 練 荆 E 其 引 不 亨甫、 公再 古 間, 至 堪, 已病 蹇 執 0 相 遂 復 吕 周 政 再 嘉 於 坐 爲 輔 求 此 問 惠 \equiv 是 荆

熈 豐癸 道 後 鍾 忽颦 寧 山 未 平昔之事 再 Ш 寺,投老歸 謝 庚 丑. 罷 蹙久之,取筆 戌 ,②皆不見之,獨 憇 春 相 冬, 法 歸 雲 0 荆公拜 及 余謁 寺 金 歟 誦 陵, 寄 偶 書 公於 書 相 築第 此 坐 窗 與 窗 百百 生。 第 於 之 余 日 、公遽 詩 僧 於白門 官皆 坐 . 放 房 公公 西 霜 筆 賀 廡 余 邀 憮 筠雪竹鍾 外。 揖 之小 荆公以 因 余 然 爲 同 日 閣 公 元 遊

> 元 言,故今敘此 字 力 疾瘳,乃 此言。」曰:「生死無常,吾恐時至不 世 合 蔡 豐 不 曰 尚 ,深自悔 間 能 0 耳,不須它念, 元 七 言語。 淺 言。」語吳國 度 年 君 書 春 聰 或者未死 自 明,宜 日 責。」吴國 悔 公 安 . 日 有 時 石 : 風 疾 至 强 夫 博 生 疾 應 則 雖 爲 人 讀 來 兩 勉之曰: 暴 尚 行 善而 識 日 佛 多 日 作, 竭 何 : 盡 書 枉 不 力修 己。」執 「夫婦之情 費 天 言 心 用 慎 下 「公未 力, 君 雖 爲。」 勿 理 勸 明 少 作 徒 葉濤 蘇 了 能 宜 陳 閑 勞 而 定 子 作 發 出 文 偶 手 與

2

謝」下、《東軒筆録

》卷

有「恩」字

據改。

有是乎?」微笑而已。《東軒筆録

⁰ 緣」字 練」上,《 琬 琰 集》 下 集 卷 四《王 荆 公 安 石 有

⁸ 白」,同前書作「南

元豐 一癸丑 春 元豐無癸丑 ,疑當作 癸

軒」。原誤作「坡」。按此條出自《東軒筆録》卷

聞 乎 ? 之 圃 不 疑 口 日 疑 也 贵 -0 現 判 行 公 無 語 常 録 現 身 有 疾 者

元 費 安 安石 誤 者 豐末 藥 詭 中 韶 師 朕於 : 之 院 本 音, 既 石 顔 激 使 實 分 牒 甘 畔 約 因 矯 罷 獨 非 復 是 創 安 於 黨 吕 江 不 厲 師 陛 陛 乎 去 日 此 爲 顔 石 E 寧 惠 敢 之 愧 下 祖 . 下 户 韶 賜 府 受 卿 行 「文彦 亦 意 以 馬 於文彦博矣 事 + 馬 安 於於 常 無 安 7? 以 也 其 監 之 年 即 石 令上 例 安 石 安 帖 説。 以 金 2 必 博 神 石 喻 L 石 是 口 思 金 五 知 宗聞 頃 家 韶 復 言 之。 王 具 神 + 施 臣 年 取 不 上之。 歎 奏 安 宗 兩。 言 之 帖 安 争 甘 必 上 日 石 之。 Ŧ 俯 定 國 石 盡 師 . 間 堅請 惠 安石好 珪 首 之貧 林 馬 晁 數 顔 珪 安 熙 卿 E 等 歎 以 僧 常 以 不 石 既 因 諭 行 河 請 道 H 勝 對 例 歲 爲 與 御 相 之 奏 宣 命 論

神廟配享劄子》

王

之。 收 若 馬 公, 案 今居 若 字 荆 悔 曰 日 之。 有 上 蓋蓋 : 狂 爲 公 適報 録 一、公屢 後 所愧 者 閑復欲 惠 晚 吾 》以 悔 作 公 朝 卿 年 昔 恨 司 進 也。 廷 病 相 田 所 於 欲 好 馬 於 ,下方作史,乃 用 作 矣。」 畫 誤 甚 鍾 交 下筆 吕 温 蔡卞 書 公既 承 也 游 Щ 惠 公 **\$** 公 相 君 書 作 甚 拜 卿 請 防 問 所 病 云: 每 院 多 書 者 相 0 下 焚 謂 Ш 多 和 荆 防 江 去 皆 輒 行 恨 公 寫 日 甫 假 公嘗謂 寧 忻 以 多 悵 長 爲 防 録 府 以 然 或 H 歎 恍 福 惠 然 以 邸 \leq 爲 王 者 事 惚 建 録 卿 而 日 他 吏 設 其 防 >> 子 止 相 所 減 狀 獨 家 書 命 紙 姪 陷 絶 落 代 言 視 意 防 取 筆 防 口

- ■「不」,洪本、張本作「大」。
- ② 「祖」,洪本、張本作「宗」。

見 遇 史》。 此 拗 中 以 事 同 於世 耳 壓宗 之禮甚 實 故 聞 聞 之, 以 蓋 文 見 贈 廟」者也 止 後《日 荆 致 録 七十 厚 簡 卹 女好 公 之 初 僞 餘 再 申 録 典 相 相 卷, 公 学下 盡 宜 至 日 以 改 厚。」 荆 帝 陳 欺 . 師 元 公薨 瑩 滋 哲宗 祐 介 中 臣 不 温 温 自 甫 所 所 公之 悦 匿 修 謂 居 無 公在 議 之。 ^ 他 「尊 盛 論 神 神 德 0 但 多 宗 宗 私 病 執 異 如 告 待 史 今 正

E 荆 究 蓋 變 學 誦 舉 公 子 究 改 注 專 疏 爲 科 誦 爾 秀 舉 王 才, 莫 氏 談 年 章 不 叢 謂 乃 句 變 覺 而 秀 其 不 才 失 解義 爲 日 學 IE 究 如 也 本 欲 學

王 荆 與 意 此 乎 公 先帝議之二年 在 及 聞 金 良 罷 陵 役 聞 日 法 . 朝 · 乃 行 愕 廷 此 變 然 法 其 失 無 終 法 聲 不 不 日 曲 可 夷 盡 罷 然 亦 不 後 安 罷 以 果 至 爲

與

大

臣

有

怫

然

悦

之

當

時

如 其 言 《巵 史》

先 王 慈治 之法 生 曾 朝 讀 多 舒 固 法 叛 丞 有 緩 書 後 廷. 與 布 相 何 僕 附 文字 州 至 委 未 嘗 天下,至 也 也]; 言 或出 見 神 縣 論 論 云 ? 靡 有 便 變 議 名 廟 論 無 不 不 舒 解 即 法之初 先 列。 於 敝 或 振 自 可 大旨 位 緩 生 人。 嘉 者 議 行 , 富 當 然 ___ 日 祐 不 者 新 時 是 其 祖 僕 末 及 於 司司 法, 不 土 時 實 年 宗 春 漢 日 蓋 馬 始 -,天下 大夫亦自 見 : 於 以 秋 有 光 唐 終 兩 天下 來 色。 説 神 天 言 也 全 蕃 之事 以 矣 廟 盛 資 미 不 根 忠 餘 必 時 絶 行 服 厭 本 皆前 似 厚 天 欲 之, 及 牢 每 執 平 下 變

⁰ 下 邵 氏 闡 見 録》卷 作「卞」 「哲」, 同 作

當 蓋 妾樸 虚 諫、侍從 后 治 切奮 度。 自 凌 富 下之人,群 改法之初 政 用 名 字?」先生曰:「虚 之朝 此八箇字,吾友宜記之。」僕 外則 家 侮 從 時 充 官中 也 做 一,不 上下 天 怒之言 獨 魯 足。 下 金 得 遲 八州縣 免歲 顧 之論 平 有識 了以天下公論謂之流 神 如 但 凌 鈍 起 命 和 揣 生 廟 屋 此 時 睦 而 大 以 不 者,以 行 以以 乎 宇 知 遂 以 攻 臣 敢 動 ? 日 ル 上 \blacksquare 金 物 不 等, 之, 作 得 上 意 設 袁 陵 祇 贈之。 謂 敢 無 意。 過。 名實行, 以以 之,以爲 飾 開 而 尚 增 不 承 方今天下,正 闢 金 不 當 作 點 其 器 遂 但 陵 能 身當之, 涴 執 勢 上意,改革 其來已久,非 屋 用 以 | 有 强 不 口 俗 千 政 爾 舍 日 少 仁 論者 鄰 辯 載 爲 미 , 内 精 牢 . 廟 舍 何 堅 動 壯 會 屈 巧 何 則太 以 來 雖 爲 況 雖 如 此 遇。 等 欲 激 僕 天 法 不 相 財 大

> 己。 非 尊 之前 得 志 死 辩。 誣之,人主信 仰 君 堅 禍 與 必 之 熙 將 及元豐之 貫 前 志。 福 面 等, 順 初, 恐 世 折 穿經 之不 之得 初 大 因 之, 與 比 臣 此 乎? 史今古 人主若 暇 初,人 回 也 欲 反 八 一, 此 天 。」《元城 覆 字, 任 此 詰 容 主 老實 意 此 實 朋 不 難 毅 之德 行 語 行 友,一 法 口 然 録 不 使 也。 所 窮 已 事 E 可 以 成 言 詰, 君 或或 以 主 論 必行 臣 此 ,又大臣 不合 伏 議 故 可 一之分, 動 弱 人 以 也 乃 己 故 主 生 强

问: 智不 破 表 君 事 荆公「勿使 · 使之 姦」此則 云「忠不 미 荆 也 足以破姦,故 公 辨 可 然荆 明 謂 足以 未然,若 也 E 得 公之智 ? 知 君 信上,故 舉 乎 之語 人與之爲 此 ? 君 識 臣 日 信 亦亦 事 事 深 : 乎 必 便 相 自 ? 敵 待 後 可 知 能 見。」 於 世 也。 知 日 何 謂 自 得 待 明 日 得 須 事 不 如

氏 未 勿 如 看 遺 令上 見 事 何 他 書 始 未 當 更 知 甚 末 時 須 9 切當,更 因 詳 更 岩 其 切子 審 此 事 類 未 説 須 細 不 要 此 如 反 成 **\$** 話 何 覆 是 E 商 推 欺 知 H. 量體 究 之 君 如 方 作 也 察 可 0 又 此 0 凡 今 事 如 事 且 當 説 程

介 若 甫 此 调 乃 之 聖 息 之 用 其 事 大 功 分 臣 之 無 天 不 之事 段 子 賢 皆是 故 也 知 知 無 事 不 禮 事 乃 窮 親 得 ? 常 意 君 知 樂 如 介 之際 9 用 思 甫 理 E 道 事 云 凡 大 人 表言 常要己 理 平 君 有 明 何 臣 , 想 居 所 觀 至 周 方 所 . 大 亦 事 爲 他 公 如 不 升 在 凡 洋 親 秋 此 意 有 得 皆 人臣 洋 最 豈 ? 水 思 用 人 是 主 自 孝 宜 既 之 臣 臣 只 又 身上, 得 至 爝 禮 觀 所 是 職 觀 樂。」 火 以 其 自 要 所 不 其 因 爲 言 當 贵 能 之 樂 説 古 知 孝 此 爲 有 如 爲 魯 主 海

> 己 謂 事 所 子 不 有 `,後 爲 言 知 難 餘 之, 得 程 也 有 蓋 無 0 氏 矣 説 聞 餘 不 遺 ! 臣 焉 曾 出 子 亦自 誠 子只言 只言「可 先 身 意。 生 上 以 曰 皆 嘉 事 爲 : 矣」。 無 仲 報 親 陳 渦 日 君 若 分 瓘 唐 足 曾 事 却 子 陳 矣。 子 未 方 瓘 惟 可 見 當 作 矣 亦 是 時 其 口 孟

Ŧ 平 劄 神 便 宰 荆 除 子 宗 生 去 相 公 不 不 得 平 擬 就 只 不 ? 屈 喫 生 除 自 允 魚 養 在 下 也 對 羹 得 奇 殿 神 日 飯 氣完, 嘗 特。 出 宗 . 得 上 來,便乞去, 亦 上 SH 殿 受 爲 不 除 進 用 蔡 他 允, 語 不 ----低 不 鍅 得 劄 又 不 好 更留 受 子 做 日 擬 用 官 又 緣 不 除 職 進 四日 省 也 作

論 流 及 己 者 荆 俗」之説 爲 公 是, 勝 起 異 流 於方特立有爲之前 己 俗 者 一之説 爲 流 俗 人 多 切 謂 謂 荆 荆 非 公 以 解 勝 於 同

之 能 也 不 行 都 是 細 ,不亦善 用 新 之於 無此。」《上 否 法之後, 爾 蕭 此 謂 乎?」又云: . 先 何 先 一祭語 生 能 所 日 生 録 不 用 . 有 此 可 點 ? 以 俗 荆 鐵 行 不 但 公却 成 其 善 不 所學,爲 金之語 而 知 養 能 荆 氣 勝 公 勝 之 補

倍 . 論 故 之人,不及鄉民 散 且 民 미 民 藏 間 官 謂 今鄉民 間 萬 於 役於官,其得 荆公法云 M 中 舉債 民 輕 緡 不 亦 -易得 之道。 復 矣 則 不 多乏於 口 其 奪 覺 而 得 . 息 人徒 其爲 不 民二千緡 如 「青苗、 矣。 此錢 鄉 少者亦 見 財 青苗 知 利 害。」曰 也 民 免役 用 目 1 6 於 惟 免役, 者 須 取 前之利 入官 百 知 法, 青苗 五 息 姓 蓋 輸 亦 七分,多者 雖 取 皆 而 惟 既 何 是法 不 二分之息, 州 民 不 而 其 也 人官 多 得 間 不 縣 利 ? 用, 顧 市 錢 然 然非 後 或 今 井 雇 則 歲

> 官 吏 小 青 以 私 户 州 異 分之息。 患 不 白 1,往往 間 追 有害 之
> 脂
> 遺 縣 得 蓋 苗 端 不急之物,只使二百錢,已 呼 間 E 雖 要勒 不 小 以 m, 9 用之。 之煩,非 同 名 沿 民既 樂請 無 至 又請 , 取二分之息,其 ,得之極 須 此 而 利 有 遂破 有 少 民 也 納時 酒 且 貨 非 亦 若 之畏 一。」或云:「官 如 不行 食 難 蕩産業者固 不 不下 民 請 之費 往來之用 得 故 間 法 錢 已 白 舉 者, 而 人 干 而 錢。 實 不 債 公家 得 請 至 然 或 亦 口 已 中 多 者 則 舉 與 期 況 比 遇 與 亦 H. 息 矣, 利 債 官 民 限 親 又 民 須 又 己。 車型 重 此 以 有 中 間 間 置 舊 有 又 , 民 所 輸 與 胥 門 無 又 小 於 非 又 兀

因

2

語

》卷三補

⁰ 鄉 民」 原 不 重 文 據洪 本、 張 本及 宋 時 龜 Ш 先

[「]間」,原作「問」,據洪本、張本及同前書改。

官 指 散 得 乎 此 乎 出 ?: ______ ? 中 準 私 而 之 是 錢 配 難 口 其 無 龜 之,請 爲 蓋 集 以 患豈 Ш 事 息 未之思也。 自 語 正公家 圃 録 輸 不 爲 細 侵擾 之官 得已, ? 經 期 誉, 之 往 乃 逼 也 請 若 年 歲 無 而 富 卒 用 岢 何 患。 藏 之 家 收 無 名 之, 商 知 不 二分 補 夫 聚 販 比 此 助 使 及 患 之 之 民 失 則 期 也 政 如 息 所 錢

謂 與季 德, 是 季常日: 須 道之以 他 有 齊 依 常常 會做 以 本 言 德,齊之以 「細 禮』 分會低 、只爲 之事 思之,實 王 氏 必必 耐 只 於 有道 今 禮』之事 是 如 不 今 公言。 以 理 用 如 一〇一《龜 政 着 何 全 刑 此 做 無 但「 等 ?! 日 治 Щ 語 人,若 天 道 録 他 下 以 . H

或

Ē

心

於此,安得天下便平

治

? 三 曰

正

心

事

, 自人未常

深

知之。

若

深

知

而

體之,自有其効。

觀

後世治天下,皆

未

嘗

0

度。」 得 無 乎 IE 身之潔,宜 所 識 如 有 麟 一、吕晦 誠 此。 聖 其 忿 此 意 趾 蓋 然 意 人 乎 懥 正 深達乎 之 其 恐 此 之意 故 叔、司 此 治 効 懼 者 自 也。 足 亦 天 非 著 隨 好 惟 以 此。」《龜 然 下 馬 聖人,必 明 耳。 樂 其 聖 化 後 君 道 專 憂 淺 人 民 實 可 觀 常 講 深 患 力 矣,然 Ш 諸 王 以 日 , 做 語 求 須 氏 必 行 人者,以 : 法 得 有不正 毫 之學 有 \wedge 卒不 度。 徹 周 有 見 少 官 \wedge 差, 効 關 逮 其 蓋 如 蓋 處 **>** 之 即 王 雎 所 未 但 心 彼 法 爲 文 修 造 然 不 有 不

荆公在 素 且 之素行,亦不 有 論 廉 事 上前争論 耻 當 問 劫 事 至 人使信 之 無 或 是 廉 爲 非 耻 己 E 也? 利 0 所 害 如 疑 如 何 夫 何 不 則 廉 足信?! 日 豈 耻 在 可 常 臣 以

蓋 人 我 、足道 廉 固 耻 不 自 ,若君子更自 受 君 贓 子 所當 不 爲 受贓 一矜其 者 廉 贵 如 耻 分 人 亦 守 外 官 事 淺 乎 日 ?

鄭 方。」 善 季 年 録 矣。」季常良 如 不 龜 其 常常 能 何 山 今日學 ? 善人 日 語 心。 作 録 太 日 由由 心。 今殊 學博 法 : 久 今之道, 日 荆 荆 日 失此意 士,言: 一:「使 公 . 公之法 爲 如是 雖賢 相 荆 「養 未 i, 其 也 公當 , 知 者爲 如 己 士之道 道 所 是。」《龜 此 蓋 不 以善之之 教官, 職 能 行 不 當 善 乎 Ш 之 先 當 知 語

神 宗 住 無 蓋 所 自 難 義 賜 2 其 理 金 了 眼 其 翁 0 實 古 孔 云 荆 能 者 淺 公 人 有 耳 君 . _ 即 多 嘗 賜 少 時 日 見 之果, 物 : 人 送 ? 説 蔣 荆 公 尚 山 以 作 所 懷 僧 此 其 此 以 寺 爲 核 事 難 爲 曠 之, 懷 常 古 絶

> 王 荆 於義 蒲 甚 壞之。」上 爲 矣。 盡 諸 賤。 乎 當 H 核 宗孟 字 ? 公天資 不 昆 所 右丞,氣豪玩世,在人主前 辭 無 諸弟 當受, 以 弟之貧 則 執 〈書》曰 問。 以 是 對 敬 辭 爲 同 賤 (孝友 不語 君 亦皆有文學,安禮者字 日 對 其子 圃 其 君 者 賜 : 家 『人不 賜 可 也。 俸 則 人 '雱既 上 IE 已足, 有 也。 名 合 復 禄 材 視 無 爲 所 易 禮 半 人 宗 長 曰 受之, 金 賜 不 物 矣。」《龜 門, . 人材」之歎 爲 孟 金 可 專 願 司 蒲 久 諸 一義 唯 賤 家 藏 而 之。 馬 宗 不 弟 德 之家 政 Ш 當受則受, 君 施 光 孟 其 屈 輒 語 和 宗 賜 之 物。」 乃 以 則 録 用 也 甫 僧 不 左 之 孟 邪 不 不 則 嘗 懼 説 丞 然 若 取 至 班 可

- ●「金」下、《龜山語録》卷四有「荆公」二字。
- ❷ 「時送」,原重出,據同前書删。又同前書「送」作「賜」。

淳 荆 荆 遣 總馬 窮 安 與 御 恩 不 -奏 密 人 司 賢 昌 國 0 近 公 公 . 人 以 書 則 死 史 司 馬 置 一罷 者 諭 獄 者 宗 節 士 人 惠 小 請 光 雖 願 情 雱者 條 竟 字 恐不 故 孟 朕 卿 迫 耶 官 日 小 相 1? 者皆 平 未 論 又 之 例 屬 日 公 爲 自 人勸 字元 ·預。 」 甫 引 答 使 司 新 恩 盛 遠 請 惠 即 司 雾 例 去, 法 學 尤 馬 暑 佞 卿 上 位 初 E 澤 所 E 安 書 士 光 正 平 殺 用 所 人 以 爲 亦 教 禮 局 日 荆 性 直 者 放 陷 甫 程 之,安禮 來 吕 之笑。 不 進 公與 險 有文。 未 儀 鄭 肯 顥 惠 吹 日 所 放 唯 惡 總 惠 論 聲 笛 伯 卿 矣。」宗 伯 歸 修 見 卿 司 别 淳 深 于 凡 方蘇子瞻 淳 言 修 書 等 此 輩 田 事 平 爲 荆 銜 内 對 書謬 里 其 謬 奴 當 日 之。 甫 公所 屬 孟 只 卒 語 事 甚 不 賜 荆 荆 即 又 辭 可 、儀 伯 爲 應 公 公 以 後 下 因 他 無 樞

死 謂 荆 遂 木 罷 從 荆 Ш 制 樂,去。 與 者 人沮 日 一,當恍 官 多政 公病 摧 公遽 相 施 囚 日 宰 韓 或云 所 首 所言 録 之詩 哀 然 相 琦 與 論 瘡 居 跣 学者 惚 悼 雾 伯 程 之 又 良 半 或 . 富 足, 見 不 何 子 淳 君 E 有 事 苦 蓋 丽 山 事 雾 忘 兒 議 病 無 自 手 所 姪 子子 之 ? 袁 當語 誤 荷 以 0 帶 此 有 見 紿 携 宅 不 頭 比 弟 鐵 矣。」 雾 職 與 荆 公, 也 婦 能 爲 于 孔 不 箕 枷 其 公日 荆 者 寺 朝 焚 日 伯 市 杻 《聞 口 姪 子 踞 公不 冠 他 矣。 鳳 預 淳 如 日 也 以 神 則 見 以 以 鳥 姑 姑 録 0.0 重 正 宗特 坐 薦 合。 新 以 代 去,千 雱 出 囚 色 荆 其 退 法 顶 新 大 之,公乃 者 死 公 日 一。」雾 焚 祖 命 問 福 行 言 法 宗 吾 在 荆 年 荆 雾 矣。」 荆 數 日 方方 所 後 梁 爲 之 爲 公 鍾 公 公

王安國常非其兄所爲,爲西京國子監教授

平

也 甫 相,更 延 以 遠 命 秉 日 爲家禍 知 L 溺 一吾家 卿 宜 發 變法 教授 天 政 殿 佞 於 放 學 下 不 消時 丞相 久之,乃 聲 人也。」官滿 丞 **愛法** 掘 物論 鄭 滅 間 恟 ·明耳 • 色。 西 相 聲。」 F 人 門 通 介 恟 由 京 壟 令,布 何 以 如 矣 古 甫 _! 汝之故, 或 一,豈得 得 一安國 預 何 不 爲 不 今, 甫 子 上 足下 樂 館 必 也。 日 聽,安國 對 至 又嘗 默 在 監 職 以 復 新 除 : 不 日 京 然 相 代 書 漢 足足 法 侍 事?:_ 一:「但 預 殺 丞 師 責 位 安 不 .講 日 文 我 身 相 還 皆 下 國 悦 曾 哭 . 事 Ó E 破 以 何 之父, 召 歸 安 人之子 於於 嘗 恨 布 邪 上 以 家, 安 書 主 由 咎 對 力諫 聚 或 影 ? 以 間 介 是 或 戒 也 於公, 堂, 日 一《記 斂 僇 即 勃 誤 以 甫 别 ? 上 亦 之 太急 弟, 其 及 然 吾 惑 其 無恩 故 願 日 FI 聞 兄 先 怒 恐 兄 對 父 朝 派 召 兄

> 下 苻 願 則 義 人 猛 曰 : 群 命,恐無才者不及是。 變故於俄 E 文帝自 ,幾致 堅, 文帝 專 爲 睚 之大,而不 臣 8 以 事 眦 有 但 三代 堯、舜、三代 之忿 節 加 以 惜 此 代 刑 頃之際,諸 有 蕞 其 以 來,夜 必 措 專 必 才 爾 才 能 後 小 務 報 或 使 不 賢 一等矣。」上 使 臣 以 , 能 人 主 專 人,何也?」對 刻 爲 圃 德 未 時 將 V. 教 薄 令必行。 法 未 化 法 然能 央 故 苻堅 風 有 民 宫 有 更 理 武 俗 如 制 日 於於 以 夫,皆 順 用賈誼言 以 海 文帝 誤 耻 爾 . 而 今朕 内 峻 擾 言 陛 勢 曰: E 刑 興 7 攘 者 對 利 F 息 於 猛 法 以 時 者 過 殺 待 定 則 王 天 佐 待

0

[「]廷」,原作「延」,據《涑水記聞》卷一六改。

❷ 「苻」,原作「符」字同。❷ 「苻」,原作「符」,據四庫本及《宋史》卷三二七《王

王 若 乎 其 荆 安 自 館 小 初 故 311 工 大 批 邵 下 西 ? 遠 爲 兄 時 文 公 京 臣 稱 亢 或 職 詞 異 豈 荆 之 之 時 章 有 佞 在 或 美,令召 爲 著《序言》 有 而 公爲 平 猶 遂 子 好 人 平 坐 執 不喜之者 樞 不 笑 父 引 通 因 從 , 惡 監 密 也 政 1 日 日 參 古 以 事 者 1.1日 得 教 , 副 遽 : 試 雖 今, 平 爲 知 乎?」上 逐 授。 以 2 使 Ŧi. 學 日 與 父 推 政 之,天 中 十篇 亦 達 . 爲 0 止 士 荆 同 大 事 恩 E 傷 偶 治 得 院 宰 後 公 以 爲 以 太 色 深 然 道 將 兩 時 《序 論 中 相 下 加 政 爲 重 然之。 使 爾 , 大 言 議 丞 初即 人 而 譏 勁 不 必 0 言》 職 閲 亦亦 吕 事 次 皆 己, 作 放 平 直 官 放 吕 晏元 者 誨 進 位 進 以 鄭 艷 寡 甫 不 自 鄭 惠 謂 彈 從 用 爲 聲 荷 合 博 詞 韓 是 聲 獻 卿 非 奏 辟 0 E 9 合 冤 絳 遂 況 公 毁 御 不 爲 Ŧ 爲 口 m

> 載 頣 不 平 同 父 *; 相 知 失 孰 是 云 0 東 軒 筆 録》 案 鄭 聲 事 書 肵

鄭 討 數 嘗 俠 恶 來, 青 法 宦 佪 + 京 苗 師 從學 高 得 門, 以 俠 介 本求 須 俠 會 夫者 下 介 書論之, 免役 改 辭 荆 又 也。 僻 執 得 辭 荆 後 不 公又使 如 習。 用 福 經 之。 公 舉 不 此 京 亦 丞 州 進 秉 意 兵之害,公不 ? 不報。 公問 相 官 政 福 公 土 人 丞 門 清 然 使 喻 俠 相 俠 調 下 以 人 對 人 後 見 光 耳 所 將 久之,得 荆 日 謂 之, 州 日 口 , 聞 以 公 初 當 . 之 以 答。 司 爲 公喻 俠 居 不 路 法 别 曰:「凡 俠 經 監 知 憂 因 圖 俠 發言 罷 使 官 義 在 爲 秩 金 差 退 官 有 京 具言 局 試 滿 陵 , 仕 美 無 而 檢 安 又 刑 至 時

8

「吕」上,同前

書

有

一時

[『]時因」,同前書作「閒日」。
「從」、《東軒筆録》卷五作「卷

⁴⁸⁸

爲 糜 月 給之。 劾 月 粥 H 而 大 公、得損其尤甚者 及 使 果 非 司 販 、 或掘 入人京 擅 書,勾 負 俠 賦 鬻。 收 不 不雨,至于三月, 亦取之,其末 欲 以官 提茶之類,□皆有免行錢,不輸者 瓦 發 雨 食錢,每正 市 進 援 市道、 馬 利 揭木,賣 師 逮法之行 爵 俠 而 馬 草 即 錢法 遞 無 爲 而 遞 根、采 乞 與 待 愧 先 進 斬 門 以 城 罪, 殊 之, 税 臣 聞 司 京 不 反 妻 外 木 、税院 數事。 日 則 〈鬻子 師 百 亦 重 時 俠 非 河 以 實 飢 錢 正 善 細 熙 於 之 俠 议 東 IE 民 税不 乎? 民,負 寧 以 食、或 本。 所 所 「如行臣之言,十 則 欺 ,並行倉 會大旱,自 河 償官。 市 七 言 望 罔 收 及十錢者 北 麻 年 俠 之罪。」 行 市 時 也 水、拾髮、 身 籸 陝 又言 三月二十 利 初行 法 被 其 俠 麥 且. 西 + 鎖 畫 又自 麩 於 流 + 錢 專 毋 免 丞 械 置 爲 民 荆 擔 相 有 以 欄 得 役

> 皆沮 遂力 罪。 越三 取 方 倉 詔 寐 出 呼 利 勘 一、錢二十文以下,青苗、免 圖 田 相 放 曾 日 求 縮 是 狀 日 、保甲並罷 布 也 慶。 뀾 商 大雨 時 去 日 日 體 示 0 税務及諸 加 **9** 士 ,於是其 有旨放 宰 量 四 姦 遂 神 庶 क्त 執 月 人託 詔 宗 欲 易 + 韓 皇帝 且 應 俠 法 門税 H 徒争言俠罪 凡此類 名 維 責 詔 擅 日 爲 又 之, 遂 覽 言 發 早早 孫 錢三十文以下,市 書, 詔 下 疏 事 馬 永 一十八 丞 司 詔 歎 日 者 遞之罪 役 體 朝 相 農 息,終 一,韶送 旨 甚 責 權 事 賀 量 以 寺 衆 ,民間 斬 躬 罷追 免 雨 下 發常平 獻 求 行 夕不 闡 荆 皆 開 神 言。 此 封 讙 公 謝

^{●「}拾」、《宋史》卷三二一《鄭俠傳》作「拴

[「]七」字、原脱、據洪本、張本補。

③ 「十一」,洪本、張本作「七」。

奏捷 宗社 路 取 等: 未戮 若 誤 捷 乞 臣 所 殺 異 逾 以 至 此 乞勘 至 環 北 流 勘 爲 寸 代己,命下之日, 群 留 功。 計 此 泣 早 擅 民 勒 荆 今後只 殺 人以爲 小 一發馬 皆 則 今復 停 會三路之民,自去冬流 俠又上書言: L 又上 因 戮 昔唐 南 於 一前 守 甚 得 爲 遞 俠 是 務 南 疏 賊 衆 相 南 人其言 新 天 事 又上 惠 已 招 荒 諫 本 法 北 板援,以 下 寶之亂 而 卿 上 降 尚 又 用 下 刑 等益 而 爲 京 荆 書言: 兵,語: 北 在 各 未 部,定合罰 吕惠 治 「安石 惻 師 公卒 有 征 俠 惡之, 然 遂 大 或 今日 此 田 餘 甚 「大臣 卿 罪 前 去 風 皆 忠 , 名 手 黨 本 切 位 之 非 雨 Ē 移,至今不 誣 鄧 爲 詔 哌 , 會 燕 誅 罔 事 綰 銅十斤 不 奏以二 薦 取 屬 惠 土 諭 熈 毋 子 之徒 E 何 貴 翳 開 熙 復 惠 以 卿 王 河 聽 田 多 席 封 韶 以 妃 所 卿 河 爲 小

> 上方 盾 禁 衆 詔 惠 以 甲 已 兄不寤,故 州 京,京奏: 京 亦 京惶 、又以 中 爲 登殿 卿 編 付臺推勘 ,導之使言 并 何 疑之。 管 謗 對 密 詆 人 訕 等 事 日 諂 駭 是 臺 及 既 朝 事 事 併 諫 南 對 政 大 俠 行 御 遣 耳 此 皆 方 荆 中 日 臣 追 上問 行 奏 史 ___ 皆 奉 如 有 之。 公, 奏對 未 人, 禮 知 惠 馮 一毀出 芻 田 臣 遠, 爲安國 郎 雜 京 靈 者 卿 執 己 惠 之言 與 舒 身以 手 ? 張 與 木 乞追 政 而 鄭 卿 亶追 京 録 偶 琥 上 -大 俠 它 所 , 使 同 來文字,送汀 何 遂 還 以 怒,言於上 素 又言 語 疾 自 鄭 俠,及諸 列 以 對 惠 王 不 譏 俠 聞 辨 屢 禁中 俠 卿 議 安 相 大 之? 小 0 事 語 諷 多 或 臣 識 臣 太 持 遂 被 甚 劾 青 其 矛

之 下 家 九 爲 留 舉 忠 安 安 檢 所 康 至 俠 御 不意 信 國 語 院 搜 州 人 或 所 對 言 史 鞭 而 臣 之言 居 俠 之 目 投 新 安國言 相 其 派 有 : 子不 求 及 知 軝 怨 揖 實 法 日 相 衣 嘗 四 罷 班 0 是 不 盡 日 不 亦 觀 ___ 判 應 海 : 楊 局 當 識 便 何 日 得 不 歸 院 前 未 ____ 四 九 時 忠 避 亦 京 奏 爲 爲 聽 賢 於 聞 後 月 州 信 E 四 藁 小 見 遇 小 奏 口 諷 己 但 堯 之 克 所 海 而 人 所 安 人 謂 草 兩 輒 每 怨。」 日 贈 臣 況 九 所 方 舜 與 或 所 帙 獨 爲 遺 韓 所 詔 州 誤 是 誤 公 家 於 在 俠 7 無 門 贐 安 遂 之 1 乎 兄 范 途 臣 答 E 不 至 人吴 以 銀 或 逮 ? 怨, 書 子 言 以 懼 道 家 安 至 司 夔、 赴 以 新 盡 使 兄 未 + 家 於 京 無 或 俠 馬 爲 詔 法 忠 契 嘗 自 此 大 至 諸 四 兄 馬 稱 兩 日 獄 不 0 詣 公 在 或 海 以 雖 存 隋 -歏 0 0

> 管, 芳所 耶 導 諷 不言 便。 在 日 凡 ? 落職, 省 監 對制 忠信 中 以以 告 門 公公 因 安 天 語 也 謂 而 此 安國 使 地 或 無 0 俠 不當 臺 爲 監 鬼 凡 乃 至皆 日 安 追 中 神, 正 所 門 伏 : 或 毁告身 無 人 論 爾 真 有 皆 赴 御 人 助。」 乃 獄 决 隱 在 乃 對 史 也 鄰 編 成 左 上 職 不 京 居 放 管 右 書 承 所 俠 在 探 未 内 歸 湖 言者 不 諫 改 懷 學 嘗 殿 外 俠 田 争 送 中 士 崇 使 里 責 京 英 欲 安 安 書 是 皆 班 之 罷 言 俠 州 誰 得 或 授 楊 緘 政 徒 傳 責 編 欺 諱 俠 默 永 :

坐 時 傳 王 克 一安國、 鄭 奪官一云云 》有 傳 俠以上 「熙 有 洪 T 同 本、 寧 諷 書 鄧 張 中 内内 王 綰 鼠嶺表 本 作 爲 處所敘不同 堯臣 張 開 堯」。 琥 封 克臣 於 治 罪 度 鄭 支二 俠 當 华 似以作王 獄 薦 語 深致 判 俠 史》 卷二 官 且 其文, 克臣爲 五 餽 遷 之白 鹽 〇《王克 四 鐵 是。 金, 馮 副 鄧 京 又 潤

君之心 實 閨 停,尋 嗇 槃》之義 布 得 除 使 極 極 此 日 步 弗過」者,弗 年 門 恩霈 用 衣 放 泉 得 是 再 ,嘗論 赴 者 怡 糲 生還 還 任 貶 廣 州 復 亦 不不 然, 食終其身。 州 放 居 施 將 俠 曰 : 發 後 薦 復 還, 元 學 + 仕郎。 可。 不 誰 當世之士, 於 戒 鄉 爲 教授 符 年, 過 用 復 忠 之 肅 里 : 泉 元 君 蘇 暇 弗 爲 敬 義 日 樞 而 學 鄭 年 之朝 • 宣和 軾 諼 日 俠言者 密密 之。 治 平居進止 教 秩 , 非 俠 再貶 直 孫覺、 滿 自 方 授。 者 聞 陛 小 初卒。 喜 中 學 諸 司 子 謀 『弗告』者 1?. 」尋 下 臣 弗 表 賓 英 土 馬 崇 姪 矜憐 虞大寧等 生借 志 有 愚 客 州 陳 一,必 公 誦 仕 寧 俠 君之 應 直 以 襄 而 初 樂 以 性 其 留 詩 舉 己 徽 哲宗 敢 在 下 教 禮 清 州 志 弗告 有 又 宗 惡 不 言 \equiv . 經 訓 法 儉 考 勒 以 登 欺 登 筵 9 如 而

> 介夫言行 覩 落 君 者,弗以告他 君 見 故 古之人 政 用 頓挫 也 永 以 役繁 矢 善。 加 之餘 録 忿 在 以 弗過一者 興 戾若是 畎 碩人之於君,有 絶 畝 之。」公嘆 民 人也。」其存 不 物嗷 話一 弗 哉 忘 其 以 嗷 言,未 君 君 蓋 日 但 爲 心 卷卷之不忍 『弗諼』者, 況於賢者, 颦 過 嘗 「是何言 如 顣 也; 此 不在君父, 而 力,故雖 已。 『弗告 弗忘 與 一不 也 流

錢 孟 禮 景 百 時 度 相 王 一,授經 刑 諶 子之言不言。 ,彼爲太 支書》, 人之中。 絶,終身爲 公善。 者 論 忠 自 常博 文, 懿 是 後 序 外官。 王 荆 後 非 甚 1 孫 及 日 詳 用 僕 帝 主 遊 師 其 云: 事 Ţ 其 三王 别 家 事 ,家難, 門, 頭 康 集 論 試 節 新 始 有 之 執 先生 《答 法 僕 聞 道 取 師 不合 其參大 僕 爲 弟 兖 孔 子之 於 進 舊 守 數 趙 土 遂 與

彼 僕 矣 新 度 於 淺 僧 私 敢 則 及 民 何 政 三代之風,一 了,專以 喜 天 智緣 以 對 之 ? 其 法 必 淺 事 了,天下之人 袒 調 僕 以『居 患」。 其 下 事 他 露 來 一僕 非 而 官 必必 之 京 者 乖 而 聚 對 前 天 來, 來京 師 並 卒 坐 亂 有 吧 斂 彼 日 以 下 又 於 卧 3 然 之所 奇 不交人事 因 無 苛 不 门間 致 令先 好 、師、當: 傍, 利 於地,又與其 見 樂。 謀遠業 見之於 不 刻 太 曰 進 及 少 問 講 懽 「孰 見 爲政、務爲 平。 之人,紛 歸 脯 顧 其 僕 喜 其 而 日 許, 害 2 私 前 僕 作 聞 鼓 私 : 弟 是 爲 多 _ 脱 相 第。 者 自 舞, 出 見 平 時 知 青 可 帽 , 又往見之。 謂 紛 人 其 甫 後 日 僕 謂 人之難 苗 新奇, 用之人?」 方盛 意 褫 又二三年, 然 變 日 最 大賢 自 其 表, 服 祖 平 以 助 必 親 許 必 夏 甫 謂 宗 利 者 爲 爲 尤 役 昌 能 亦 初 之 法 古 非 進 政 平 如 與 以 不 復

> 言。 益 戍、 戍 甫 君 百 願 百白 故 無 姓 任 擇知兵愛人者 雖 人知 瀘 瀘 事皆可 而 愁 政 以 及見彼,首言 不爲僕 用 蠻 任 僕爲 書 我 用 事 兵 以 事 所 見 繫 事 而 太方,6然擊 委。 朝 寒 ្នំ 亦 郡 而 不 心 喜 廷 僕 縣 知 僕 欲 舉 者。 日 代 者 吏 彼 戲 僕 以 : 大怒。 動 惴 成 新 與 治 不 後僕官繁、鄧, 惴 書 相 平 法 節 知 峽 君 無 甫 憂 路 賞 役 路 峽 時 欲 懼 相 一二存 歎 生 路 役 法 坐 以 誚 以以 靈 民 書 耳 虞 一客數 館 休 情 以 又 爲 以 閣 戚 彼 罪 知 平 謂 處 而

2

四七五

[「]業」,同前書元鈔本作「策」「日」,《邵氏聞見録》卷一二

[「]乖」,同前書作「無」。

[「]相」下,同前書有「當國」二字。

^{□ 「}方」,同前書元鈔本作「戆」。

邵 僕 惶 道。 經, 俟貧老之兄生事粗足,愛幼而 施 耻 有 爲,必本於道德性命,而一歸於仁義。 聖賢事業,專以《春秋》爲之主,皆大 以 去。 正 統紀者,謂之時文。 者,謂之時學,而《春秋》 而 爲 然 詩 堯 時 於官者, ,三綱五常之道。 者,謂之時官。 不用。又以荒唐誕怪,非昔是今,無 夫 自顧 高 無 $\frac{-}{\Box}$ 文邀時官。 且. 入於虚 先 陽 所 不 写年 容 不 生 帥 但 則 其 合於時,而學之又不能,方惶 亦 幕 |變其 光空去 無 又 迹。 有 到 忠 牽 書招 僕 法 官已逾一年矣。 驅 厚愛 合 而 既 傾險趨利,殘民 制 也 其所爲文,學六經 天下之人,務時學, 故人 臆 我爲 預 而 人 人,兼善天下之 説 (仕籍) 己, 事 、張諫 洛中之游,兼 王之法,獨 作爲 乃 轉 孤 而 以 者 議 蕭 《字字 穿鑿 所 有分有 IE 然。」止 今春 中 學者 或 而 辟 其 至 無 不 廢 而 所

> 歸, 洛之表,吾願畢矣。」《閩 亦 西 歸 洛 中, 守先 人墳 見 録 墓 徜 徉 于 有

[「]貧老之兄」,同前書作「貧而老者」。

三朝名臣言行録卷第七

七之一 丞相温國司馬文正公

宗 書武 使 授 龐 召 以 史 百 中 試 初 天 父任 知 莊 辭 擢 章 丞。 除 敏 成 諫 公名光,字君 公辟 閣 院 爲 軍 爲翰 館 拜, 遷 將作監 待 判 閣 除 通 翰 官 以 制 林 校勘 知 判 林 事。 兼 端 學 制 并 主 侍 侍 土 實,陝 明 皓 州 同 簿,舉進 讀 人爲 講 殿 事 力辭,不許,爲 知太常禮院。 學 學 力 仍 州 士 國 擢修 辭 1 知 夏 子監 至 士 拜 出 諫 縣 八九 起 甲 知 樞 直 居 科 永 密 改 注 簽 從 御 副 神 興 初

> 爲 碑 公。 時 射 見 士。 年。 軍 黨 朱 移 年,遂詔 方 兼 則拜 門下 崖 祀 以 籍。 哲 官 元 紹 知許 軍 宗 明堂,禮 制 歸 豐 門下 聖 靖 侍 司 行 親 八 配 初 州,不赴,乞判西京 户 又提 康 郎。 年, 饗 篆 侍 改 奪 參 初, 哲 郎。 碑 成不 贈謚 除 太 軍 舉崇福 「廟云。 九月,薨,年六十八。 額 詔 知 中 元祐元 質,贈. 復 日 仆 陳 大 崇 贈證 夫、 州, 宫, 寧元 清 所 太 年 立 忠 詔 資 居 年, 拜 師、 碑 粹 至 過 政 洛 留 建 德 除 温 殿 再 左 闕 + 司 一僕 炎 名 之 學 或 五 御 貶

公自 春秋 義 [成童 自 是 • 大愛之,退爲 手 凛 不 然 釋 如 成 書, 人。 至 家 不 人 七 講 知 歲 飢 闡 即 渴 講 寒暑 其 左 大 氏

●「成」、《蘇軾文集》卷一六《司馬温公行狀》作「兒」。

Ш 一谷言: 或在馬 言 危 所精 語 光 女兄 云: 兒擊 死。 每 矣 年 温公幼 中 童 風 日 一稚 見其 !」光自是不敢 温 坐,久率以爲常,竟莫識其意。 獨 去,一 "光年五六歲,弄 · 甕 圖 蓋其活人手段,已見龆 誦 時 公事。 下帷 兒皆棄去,公則 蘇内翰撰《行 五 自 時 上 與 乃 即 一,或中 頃 群 患記問 · 書 婢子以 終身 絶 脱 兒戲 與 齋 編 也。」先公適 又《邵 無 ·夜不寢時,詠其文,思其 不忘 方公初官 范 中, 迨能 於庭 不若人,群居講習 謾語。」〇又《吕氏家塾記》云: 湯脱之。 所 内 狀》○又《冷齋夜話 也。 氏 不通, 忽 倍諷乃止。 青 以 庭 翰 後 胡 蹶 石 温公嘗言:「書 有大甕,一 録 純 見,訶 桃, 擊 女兄 此中。 起,着 時,年 * X 甫 甕, 文 女兄欲 復 同 之日 詞 水 用 予見 ,衆兄弟既成 來 至今京洛間 因穴而 公服 力多者收 兒登之,足 局, 尚 醇 問問 爲脱其皮,不得 義,所得多矣。 * * * 温 深, 少,家人 小小 不可 純 脱 公親 執執 进, 胡 子 有 純 甫 司 示 功 桃 何 多爲 兒 多能 誦 書 跌 馬 甫 手 遠,其 西 成 皮者 得 得 游 司 温 没 常 版 每 誦 漢 謾 帖 息 馬 小 不 水 公

> 耶? 事。」 從容 問之,答曰 夫人以天下安危爲念,豈 《冷齋夜話 : 「吾時 忽念 天 口 下 不 安 敬 危

知禮院 之美者,極於文正,竦 贈三公,給鹵簿,其爲繁纓,不 書再上,改謚 故相夏竦卒, 詔 功,特給鹵簿。 今允言近習之臣,非 時 中 官麥允言 「文莊 公言: 賜 謚「文正」,公言: 死, 何 《行狀 「孔子不 人,可 有元 詔 以 以 勳 亦大乎? 以 允 當當 大 名器 言 勞,而 此 有 ? 一溢 假 軍

公之召試 州,徙并 己,爲盡力。 樞 州, 密 皆 時趙 副 辟 使龐 公 元 通 昊始 籍 判 之薦 事,四公 臣, 也。 河 東 感 籍 貧 籍 爲 甚, 知 鄆

「判」下、《蘇軾文集》卷一六有「州」字。

9

昆

事

使

戰

夜

籍

無

耕

虛

廂

書

俯

中

西

咎。 官 有 弟 備 開 移 能 書 所 窟 兵 五 多 不 窺 不 始 知 籍 得 策 麟 耕 鹏 貴 城 野 敢 五 良 時 青 遇 報 禁 既 門 州 糴, 河 麟 田 百 州 . 田 敵 州 而 田 没 州 西 兩 糴 築 宜 死 爲 引 籍 如 則 河 皆 而 升 閑 者 賢 之。 公守 公 自 千 大 河 初 州 西 民 故 田 堂 言 賤, 堡 餘 長 州 東 者 西 疲 不 者 漢 拜 議 闕 復之, 河 憂。 中 人 六 於 以 《行 可以 地 虜 者 復 其 三上 西 渡 加 舊 + 遠 望 狀 乃 兵官 妻 歸 其 籍 公 河 兵, 里 輸 漸 公, 可 耕 得 罪 如 税 請 私 無 紓 使 書 載 者 益 於 稍 母 郭 役 公案 而 雜 鹏 虜 河東之民。」 堡外三 心衆, 酒 籍 + 智 恩 禁兵三千, 公 乞 州 撫 矣。 耕 食 罷 勇 五 視 食 深 獨 其 窟 且 年 其 ,公爲 官 子 以 節 募 坐 天 不 野 狂 地 其 爲 如 自 里 度 雖 能 民 聖 河 蘇 有 交

官 切 養 左 罷 不 轍 方 滿 笑。 使 趾 而 相 不 司 下 右 直 當 舉 當 皆 見 奏 其 宴 王 以 亦 分,或京 貢 收。 六 飲 陶 直 有 直 京 小 以 賀 異 真 知 願 皆不 臣 安安 同 言 師 月 潤 棄之,天 爲 厚 而 愛君 非 公言 上 詔 當 策 朝 不 朔 賜 宜 養 賜 師 謂 疏 自 從 廷 黜 見,天意人君 日 而 人 憂 數 神 不 子 之麟,公言 至 之。 獨 當 第 還之。」 仁 見,皆 御 下 氣 國之心 有 不 食。 不 四 其 轍 願 宗 節 後 後 知 等, 爲 爲 謂 於 不 公言 宫 遂 [賀。 因 其 厚 嘉 瑞 宗 不不 朕 同 許, 而 以 奏 嬪 味 0 納 科 廟 何 爲 爲 9 考官 賦 可 爲 御 臣 之。 腊 若 社 四人 % 真 1 陰 日 常 不 以爲 以 毒 禝 故 進 僞 當 僞 邪 公遂 胡 諷 《行狀 收 中 自 見 益 所 介行 事 不 求 宿 無 爲 日 有 重 蔽 甚 俞 口 益 言 狀 直 以 與 時 食 食 遠 知 奉 狀 卻 諫 皆 室 最 爲 天 兀 不 夷

初

選 并 反? 公時 不 爲 寒心 不 而 及 典 貳,以待皇 至 公公爲 宗 禮》 意 敢 己。 州 宿 之子 和 陛 時 室 其 衛 通 爲 及 圃 此 願 大宗 下 諫 也。 聞 判 爾 爲 并 不 公以 大 年 尹 宗簡 開 所 繼 公言, 官,復上疏, 敢 京邑、 州 一、仁宗 事 留 嗣之生,退 嗣 納。」上 公 願 無 言 ,不言則 涌 上三章 死争之。」於是鎮言之益 中,其二 默 者 陛 日 其 判 沈 乎 亦 不 始 下 子 惟 , 思久之, 吉 ? 足 曰:「此 不 擇宗 聞 諫 臣 則 己,言 付 願 豫 · 雖 以 居 官 且. 而 此 言 小宗 陛 中 繫天下 藩 繼 室賢者 范 執 面 國 忠臣之言,但 此 下果 書。 之, 何害,古今皆 日 言 服。 鎮 政 嗣 --爲 自 奏 出 首 未 之後 上 斷 之望。」 公乂與 一臣 謂 岁 不然 使 事 發 立 得 疏 而 其 必 昔 非 首 攝 口 言 力 死 爲 欲 鎮 疏 復 則 儲

復言。 子 寂 復言 不可 近 事 問 者 八 也 此 陳 公從容謂 日 有 日者大饗明堂 進 月 建言立 ', 不 公 之。 孫 無 議 洙 :「所言宗 説 當 也 同 欲 江 所 無自 口 「 今) 陛下 聞 洙見公達 後 千 詳 淮 大 不 願 嗣事 洙 + 億 至九月,公復 定 鹽 令公 此 陛 發之。」行 使 日 餘 行 事 欣 廟 必 下 琦 何 復 日 户 闡 社 有 然 恨 自 以 遽 知 詣 此 韓 何 利 君 禝 無 不 小 以 所 有旨 爲 中 意 公攝 所 害,洙 思 大計 人言 難 與 户 以 意 言 此 書 爾 言?'」公 所 利 所 可 E 喻 令公 白 不 付 意謂 太 言 也。」 以 陛 馬 害 疏 宰 祥之事。 時 之。 中 與 尉 君 廣 下 送 相 面 與 即 嘉 非 公屏 中書 琦 春秋 實 洙 上 声 默 行矣。 御 宰 祐 所 善 爲 喻 意 是 計 史裏 相 公 六 以 語 監 意 日 臣 年 欲 君 此 韓 煩 日 日 實 向 里 不 公 發 即 大 公 琦

命 父 相 不 定 豊 責 凡 以 爾 H 不 嗣 無 召 知 争 就 盡 了, 則 議 遠 皇子,宜必人。」英宗遂受命。《行狀 召皇子,内 不受命,其賢於人遠矣。 미 至有 受詞 陛 奪。 無 公復 公至中書, 力。」後月餘,詔英宗判宗正寺, 異 唐 慮 職 勝言哉!」上大感 天下莫 諾 下 特 自文宗以 日 稱定策國老、門生天子者 皇子 之聖,能 今皇子辭 明 君 欲 夜 一疏言 年, 臣 命 倉 敢 半, 不 皆乞責 卒之際, 召 違。」 見琦 遂立爲 :「凡人争絲 後, 當 禁 不 爲天下得人。 不貲之富,至三百 避 中 俟 等 琦 V 6 降,且以 出 等皆 駕 嗣皆 皇子。 援 悟, 使者不當徒反。 0 諸 1 而 立 有識聞之, 禮 紙 出 唯 其 曰:「送 毫之利 3 以 公不 臣子大義 於 所 4使者 然臣 稱 某 . 左 厚 疾 及 此 人 右 固 善 餘 聞 足 爲 中 至 不 辭 敢 禍 之 者

> 兖 公主 於 天下 入,問 諫。 言 召 少 坦 而 之子,真宗之妹,陛 或 李氏 坦 故 瑋 公主 事 稱其賢。 慰勉之。 左右 母 太宗 知 欝 起 夫, 以 詔 楊 下 爲 居狀。 欝 教 時 歸 嫁 瑋 此 成 E 其 出 獻 李 願 疾 詐 姚 齊 汝 乳母 兄 穆 知 陛 瑋 疾 耳。」太宗 田 或 畫 爲 璋 衛 下 下 獻 教 爲 踰 以 , 法。」已而公主不安 之姑 日 州,公主入居禁 教子,以太宗爲法 穆 之。 兖 散 月, 驕 大 王 遣 恣 太宗 王 怒 長 杖 翊 其家 加 聞 善 乳 無 謙 日 公主,太宗 召王 疾 恭 母 公 有 率禮 數 王 以 乳 過 +, 公 年 疏 姚 母 必

3

^{■「}等」下、《蘇軾文集》卷一六有「日」字、於意較完足。

② 「唯」字,同前書重文。

[「]皇」下,同前書有「太」字。

[「]禮」,同前書作「行」。

^{5 「}避」上,同前書有「辭」字。

得 感 言 母 氏 子 恩禮 無罪。」上 ,悽惻之 離 陛 不 析 下 衰 心乎? 追念 家 感悟,詔 《行狀 事 母 流 家, 落 瑋 公主降 既 陛 使 責 下 瑋 降, 封 獨 尚 沂 公主 無 主 或 , 2 雨 亦 露 待 今 之 乃 李 不

除 知 侍 但 也。」以 顔爲之,不惟取 . 華夷,豈可使假手答書啓者爲之邪? 不免假手於人。 修之藩,徒使其言 性分素薄,又 牽合,終不甚 不爲 制 浩 朝廷及世人所諒耳 是觀之,光之不授知制 按《文集》,公有《上龐丞 辭 (懶爲之, 當應舉 Ę 至 今知 身没齒之羞,亦 Œ 頗慕作古文,又不 八九, 解鄙 制誥之職掌,爲天子作詔 俚,不 乃改 時 浩 ,强作科 益世 非 相 出 天章閣 所以 於赤誠 啓》云: 能 用。 若苟 刻 場 增 意 雖 文字,雖 非 朝廷之光 待 光 貪祭利, 致 親 文,宣 飾讓 力 於屬 制 舊 書 闚 僅 文 也 啓 兼 强 布 前 能

充 媛 本 定 微 益 董 '病革之日'方拜充媛。 行 氏 册 薨, 禮 贈 葬 淑 給 妃 図 輟朝 簿。 成 公言 服, 古者婦 白 董 官 奉 氏 無 秩 慰

> 仁宗崩,英宗以哀毁致疾,慈聖光 用 聽政。 袁盎 代。 妃主 謚 剛 佑先帝進賢退姦, 有 高 未 大 郊 、太妃 政 外外 嘗 近近 祖定天下之功, IE 司 大臣 公言 葬 施 戚 引 新 如 制 公首上 定後 小 却 日皆給鼓 於婦 魯宗 止贈二代,而 惟皇后 人,故 慎 忠 官 人,惟唐 夫 道, 别 厚 疏言: 人坐, 封 有之。 嫌 負 如 質 吹,非 贈 有大 乃 明 謗 王 直 法, 得 微 曾 正 天 平陽公主 況 如 功 鹵 令典,不 給,至韋 章 皇后 下。 妃 爲 薛 妃 清 於 簿 獻 乎 此 奎 不 純 趙 本 今太 明 與 !」《行狀 耳。 者,當 當 如 氏 以 有 肅 獻 妃 庶 足 賞 張 與 皆 人始 后 太 太 舉兵 特 天 法。」 后 知 軍 信 聖 后 后 贈 初 以 同 功 佐 **\$** 用 親 保 親 時 攝 百

② 「使」上,同前書有「故」字。
■ 「母家」、《蘇軾文集》卷一六作「章懿皇后

祖 之。 安、桓、靈,皆自 後,●亦不追尊 疎遠之。 漢宣帝 孫 ,天下非之。 鄙 光 猥 爲 武 如馬季良,讒 則 昭 起 天下服。」又上 帝後,終 布 鉅 1旁親 願 鹿都 衣,得天 以 爲 入繼大 尉、南 不追尊衛太子、 戒。」《行 諂 下, 如 統 羅崇勳者,當 頓 疏 自以 追 狀 君。 英宗言 尊其父 爲景帝 惟 哀 史

公所得仁宗遺賜 從 用 上 以 所 以 乾 章言 得 F 興 進 珠 故 爲 金 事。 或 諫院公使錢,金以遺其舅氏 錢 有 若遺 珠 大 佐山 金直 憂, 賜 陵費。」不許。 不 中 百 口〕 外 餘 窘 辭 萬 乏, 率 則 宜 不 同 公乃 許 口 列 侍 專

英宗 太 身莫先 母 后 疾 子 既 有 間 所 於孝,治 平,皇太后 取 人 用 所 有 難 國莫先於公。」其言 言者。 還政。 司 奏 覆 時 公上 得 有 御 司 疏言 文 寶 乃 法 切 至 供。 「治 皇

義

不

藏

於

家。2

公極 文 一供 如 論 F 以 所 爲 取 不 ,已乃具數奏太后 可,當直下合同 司 移 以 防 所 矯 屬

僞。

介

狀

曹佾 先帝 皇子 以 安 得 兩 遷,公復 小 無 置 宫 臣 名 謝 使 除 ,非守忠意 小必 天下。」詔 不聽。 若 相 使 ,國之大賊,人之巨蠹,乞斬 天下快之。 唑 相 争 有 以 還 之, 覬 下 兩 及陛 以 望。」 政 府 以 因 皆遷。 慰 爲 沮 下 守忠爲 論 《行狀 母心 己 功 壞 嗣 而 「守忠· 位 大 則宿 爾 公言 都 一,反 策 節 知 度副 衛 大姦 離 覆 今兩 . 任守忠 將帥, 革 「佾 間 使,蘄 於都 府皆 百 面 陛 無 「交構 端 等皆 内侍 下 功 市 爲 州 賴 丽

- 「景」、《蘇軾文集》卷一六作「元」。按"《後漢書》卷一
- 按"此條亦出自《司馬温公行狀》,漏注「行狀」二字。

2

四八三

時 堂, 得二十 不過 其 爲 非 《行狀》〇又《龍川 西 兵紀律 刺義勇,凡三丁 手 此 不 有 害、云: 轉徙,①父老至今流涕也。 縣官知其坐食無 八情 無其 驟 ', !」章六上,不從。 可 詔 + 不不 益二十 魏公日 用,遇 陜 白 實 竦 ·餘萬人。 可復用 能復反 而 西 略 也 馬 西 康 人知其 刺 萬兵,豈 ,終不可 獨 君 刺 敵 「兵貴先聲後實,今諒祚方桀驁 爲 可 矣。 實 刺 定、 深 民 南 先 以 時 志》云: 保 ,每人支買弓箭 詳 Ш 今吾 欺之於 兵 用 慶 不 北 爲 畝 捷 ,不復懼矣。」魏公不能答 窮 用 震帽? 號義 諫 徒 Ē 曆 谷 雖 指 汰 官 治平中,韓魏公建 彊者 費官錢不貲,無 ,無得脱 間 益 揮 兵隨 極 日 勇,公上 乞 遣 君實日 籍 之間 青 「 爲 盗 民 歸 罷 者。 今義 萬兵 陜 不 之,每致 農,而 被 錢三貫 耳。 便, 諫 西 人情 弱 然實 其 「兵之用 官, 持 疏 勇 民 少 毒 驚撓 文省 劄 緩 人 者 議 何 惰 爲 極 不可 [,復 使 不 崩潰 子 敢 於 則 爲之 以異 游之 兵終 論 鄉 先 , **2** 言 陜 敵 聞 至 而 日 用 聲 其 马 知 陝 中 其 共 西 民

> 膀爲信 邊,率以爲常,一如君實之言。 人在 信,但 矣。」君 憂今復 耳。」魏公默然,然竟不爲止。 邪?」君實曰: 此語之不信。」君 君但見 此,因 恐相公亦不能自 實出 雖 作 慶 爾 光 相 曆 耳。 亦 公見 間 「相公長在此 朝 陜 未 實曰:「光終不敢奉信 廷 今 免疑 西 成之兵, 屢 己 鄉 失信 信耳。」魏公怒曰 降 也。 兵 勑 初 遣 魏 刺 坐可 牓 民 其後不十年,義勇運 之運 手 公日 與 間皆憂 背,後 也,萬一 民 糧 約 一吾 戍 此 皆 永 邊, 事,未 均 在 刺 非 君 不 逸偃 此 面 獨 反 充 何 充 掌 光 君 敢 軍 相 潘,它 IE 糧 間 戍 不 無 以 兵 戍 事 其 敢 憂 邊 勑

王 廣 假 鎮 獨 近 一,昔漢 美 淵 澶 稱 淵 除直 疾不行, 悉 景 張美 力應之,及即位,薄其爲人,不 集賢院,公言: 帝爲 及即位,待 掌州 太子,召 之錢穀,世宗 綰 上左 廣淵 有 加 右 姦 飲 私 周 邪 有 世 衛 不 求 宗 綰 可

^{■「}爲之轉徙」、《蘇軾文集》卷一六作「轉死」。

② 「三」、《龍川别志》卷下作「二」。

③ 「中」下,同前書有「書」字。

贵 用 忠 臣 今廣淵當仁 哉 願 朏 宗之世 之以 厲 天 私 下 自 。」《行 結 於陛 狀 下,

執 《行狀 公上 吕 祟 政 成 者 時 親 太 顧 奉 大 中 珪 尊 爲 常 建言濮 不 之子, 外 防 屬 濮 禮 疏 敢 即 院 洶 安 乞留 故 先 趙 敕 洶 安 懿 與 事 鼎 吏 不 公 懿 Ξ 兩 之, 御 以以 ガ趙 敢 獨 高 制 王 史吕誨 典 復 奮 不 瞻 公手 官 德 議 禮 顧 筆 大 盛 口 等皆争之, 宜 其 藁 0 爵 立 翰 位 私 議 傅 爲 林 隆 則 極 準 親 堯 學 , 宜 案,至 日 乞 其 先 土王 : 俞、 與之皆 有 相 0 尊 朝 今 范 今存 尊 繼 樂。」 爲 珪 挂 H 禮 降 純 之 等 贈 所 焉。 貶。 朏 議 以 後 詔 期 相

初 傲 殺 吕 西 其 略 誨 戎 使 吏士 乞 遣 者 加 使 宜 趙 侮 致 罪,不 其 滋 祭 國 爲 而 主。 從 雄 延 州 州 使 明 專 指 者 年 以 使 訴 猛 西 高 於 戎 悍 宜 朝 治 犯 、公與 押 邊 邊, 伴

> 《行狀 鰲,又 中祐 界 公亦 以 戒 高宜 代中祐, 戎 漸 文檄往 狄 河 故故 北 伐 論 附 爲 從 不 其 不 順 則 狄 邊 柳 口 加 反,若 不可。 材, 時 來者 姑 白 長 臣 之隙,起 息之。 選將代之。 溝之南 皆 好與 輕 必 宜 以 至 以 以 敕 生 之 計 於 是, 滋 近者西 者 矢 邊 事 趙滋 爲法 刃 吏, 爲 契 朝 較 公言 相 丹 能 廷 末 疆 戎之 加 之 呵 朝 以 節 埸 者 民 今若 廷 以 知 細 禍 及 中祐 方 或 有 雄 坐之。 故 選 賢 其 家 捕 生 州 此 徐 將 於 當 爲 傑 李 魚

神宗 許。 文 即 或文 上面 位 ,首擢公爲 而 諭 不學, 公 古古 惟 翰 董 之君 林 仲 學 舒、 士,公力辭 子 或或 楊 雄 學 兼 而 之。 不

補。「筆」字"原脱"據《蘇軾文集》卷一六《司馬温公行狀

0

除 爲,臣 之?」乃已。 執 重,今 趨公 過 下 臣 御 廷 取 卿 四六。」上 「本朝 可 一、然愛 欲 政 高 中 遣 史中丞。 有 宰相不從, 等,而 議 内 廣言路 人 文 陶 陶 願 以告置公懷中,不得已乃受。 故 臣 再 謝 學 字 禮 俟 既 復 事 日 至 貶 宰 存 云 出 以 不 日 王 何 《行狀 陶 閣 相 屈 羊 不 相 言 -知 可。上 陶 辭 陶 門,强公受告,拜而 不 能 如 公言 上 押 陳 爲? 宰 則 論宰相 争 一受陶 押 兩 班 四六,何也?」公趨 州 相 不 之力, 坐以待公。」公 漢 班 曰 罷 然 口 謝 公 制 己。 不 而 後 細 章 陶 詔 則 遂罷 幸 押 就 故 卿 詆 誠 可 : 中 常朝 相 自 職 也 也 宰 能 口 丞 臣 上 獨 頃 9 罪 相 舉 公既 不 陶 不 班 不 宰 公 《行狀 人,至 進 不 不 言 能 然 口 爲 能 相 日 受。 出 陛 容 之 繼 復 權 不 爲

> 公上 公在英宗 遠竄 得 其説 口 給 出 御 治 下。 亦 六言獻 H 藥院 國 補 。」至是又言之, 爲 疏 録》云: 非祖宗本意。 送備。 平 押 近 之 外。 論 章 歲 常 仁宗, 班。 時, 生力學所得,盡 要 修 壬午 五 居 用 未 = 與 心 上,上 此 且 供 延 幾 今除 吕 之 其後 位 奉 日 和 要三, 誨 復 官 登對,言鳥居簡 者,皆暗 : 又,故事,年未 官 因 張 爲 司 「臣昔 留 以 以 盡 論 茂則,止 論 二人, 獻英宗,今以 下 日 罷 在是矣。」《行狀 高 祖 曰 寄 宗之 爲 居 理 信 至 官資 資 簡 諫 賞 内 不宜在左右。 日 公復 四 内 女 官, 制 殿 明 十八,不 食食 邪 五 日 臣 崇 即 争之。 ",乞加 + 必 日 居簡 其 獻 班 勾 以 武 廪 當 唑 此 則 因

^{●「}留」下、《蘇軾文集》卷一六有「陳承禮、劉有方」二人

壬寅

延

和

登

對,言

.

張

方

平

參

政

姦

邪

之, 之。 簡 之實客 仁宗貶 歸 違 張。 州 則 矣。」光 難 請 臣 彼 $[\cdot]$ 祔 ,恐令陛下母子、兄弟、 知當 Π^{\uparrow} 以 兩 失 中 劉 廟 矣。 付 胜 先帝 留 若 L 其 正 甲, 不 涣 密院,上從之。 夫 [-] Г F 义言 無 非 手詔 调 意 . 登極 等 乞罷 可 Ĥ 初 而置 謗 「凡左右之臣,不 諂 當 ₩, 不 不爲 臣 中 1 歸 去。 肘 察。」《行狀 間 事 丞,除外任。 人言 不 陛 外頌 腋 不孝。 右 而 公所 中 H 近 尤 敢 下。 惕 癸巳,崇政登對 涣 美 IE 者 息 作 避妄言 夫婦皆 等 首 居 事 閘 從 , |大| E Ħ. 是 圃 須 簡 進 递 以 居 之 知。 中 才智, 狡 去 L 留 鄜 舜 小 擢 不寧 簡 有 Œ 日 猾 Εį 此 去四 之 以 舜 延 膽 174 無 公 譴 也。」上 滸 往 居 何 给 罪 当 人,不 人爲 朴 今 [X]Ĥ 日 陝 뒍 臣 簡 惟 轄 入,故 小 日 臣 Ш 不 失。 降 西 心 命 惟 陛 得 吴 已 萬 爲 缸 爱 留 黑出 4 不爲 離 晚 居 先 1: 臣 舜 不 下 知 劄 出 間 忠 年 簡 後 有 得 居 知 權 臣 涇 渦 外 光 勢 君 復

其

是

非

若

所言

公當

雖

制

命

已行

亦

當

狂

好

事

也

若

其

競

來

論

列

陛

下

口

以

察

堯

所

難

況

陛

下

新

即

位

萬

用

姦

邪

臺

事

光

日

此

乃

朝

廷

好

事

也

知

帝

0

平

内

登

制

科

在

内

府

久

矣。」上

作

色

日

朝

延

句

有

除

拜

衆言

輒

紛

紛

非

朝

廷

好

猥

不

叶

物

望

宗

知

之,故

不

用

不

然

方

諫

循

嘿

不言

陛

下

何

從

知

之?

此

乃

非

朝

言

光

在

臺

舉

職

不

宜

遽

罷

甫

非

光

之

其

暮

復以

劄

言

方

平。

癸

卯

闡

子

還

翰

林

兼

侍

讀

滕

亢

發

權

中

丞

晦

叔

封

駮

追

寢

, 若

挾

私

非

是

自

口

罪

言

者

既

退

光

奏

臣

論

張

方

平

若

當

方

平

當

麗

不

臣

當

貶

不

口

内

無

所

間

間

臣

更

加

比

0

+

· 月 丙

午朔

詔

閤

門

召

光

及

浦受

命。

0 有」, 原 倒 據 軾 文集》卷

六乙正

四

八

七

手詔 美 職 敦 心所 喻 光 未 上奏 安,不 謝 敢 祇 丁未,受勑告。 受。」晚際, L ○ 日 賜

甲 序》以 寅 爲 銢 録 諸 余 侯論》, 授 初 光 赴 光受 經筵。 上 顧 禹 讀 上 降, 自 玉等,稱美 製 自 再 拜 書 久之。 資 讀《三 治 通 ○ 日 家 鑑

詔 用官 厮 法 左右 或 也。 役爲之?」《行狀 初 邸 舊人爲 草 閤 門 直省 創 天 腹 祇 官 步 心 候 几 耳 尚 在 人 Ħ 艱 爲 文臣 閤 謂 故 門 爲 之 即 祇 館 隨 位 候。 職 之 龍 始, 非 豊 公言 平 必 可 使 H 以

邊 吏 諒 衆 利之有? E 祚 疏 取 上言 :,幸而 極 諒 論 祚 西 勝 若其不勝,必引衆歸我,不 以 以 戎部 之,滅一諒祚,生 爲 降 「名山 將 詔 嵬 邊 名 臣 之衆, 山 招 納 欲 未 其 以 諒 必 衆 横 祚 能 Ш 知 之 何 制 公

> 還 又將 矣。 州 乎 據 何 ? 北 費六 以 邊 《行狀 待之。 失信 城 不 上 以 可,人南 + 不 救其 於名 聽, 萬 臣 萬。 命 遣 Щ 恐 不受, 朝 將 矣。 陛 西 廷 种 下 方 諤 窮 若 不 獨 用 獨 發 無 名 不 兵,蓋 兵 所 Ш 失 見侯景 迎之, 信 歸 餘 衆 於 自 必 諒 尚 是 取 之 將 多 祚 始 突 綏 事

登州有 等,0 事 傷 吏疑 則 婦 是遵議。公言 于,不可 故 而 絞 與殺 前 問 自 不 不當絞。 成 首 分爲二。 詔 即 亦 婚婦, 者 貸 承 口 之。 知 得 詔 爲 . 謀 州 免 公與 京謀 若謀 遵 殺 事 所 邪?」自 上 許 其 殺 E 因 爲 (夫,傷) 議 遵 猶 安 之 所 讞之。 石 故 罪 準 因 宰 議之。 婦婦 殺 律 而 與 相 也, 不死 殺 當 文彦博 有 因 爲二, 皆一 安 減 司 犯 當 殺 石

^{●「}二」、《蘇軾文集》卷一六作「三」。

以下,皆附公議,然卒用安石言,至今天

下非之。《行狀》

百 官官 尊 言 朕 朕 郊 不 大 生 時 而 號 至 受 名 Ė 不 我 者 E 日 ,不受尊 1,國家 誠 聞 此 月 尊 獨 尊號,公當 以 號。 此 所 名。」 加 無 行 非 言, 狀 置 之 欺 與 以 號,天下莫 漢 匈 E 忧 契 衆 善爲 爲 文 奴 大 丹 邀 深 答詔 帝 大 悦 願 有往 名者。」遂終 答 耻 單 時,單于自 手 陛 詞 Ŀ, 不 于』,不聞 下 來 於是 詔 稱 使中 追 書信 疏 答 頌 用 言 群 公 外 先 稱『天 . 身不 文帝 臣 彼 末 一先 曉 帝 復 有 年 然 非 本 復 帝 復 地 以 尊 有 卿 受 知 爲 所 非 親 號 建

執 災,宜 政 兩 KK 府 以 府 不 河 所 賜 朔 減 賜 % 金 半。」公與 , 以 帛 傷 兀 送 或 兩 學 用 計 學 不 士 止 士 院 足,乞今歲 E 取旨。 萬,未 珪、王安石 公言 足 親 以 郊 救 同 .

禍 害 理 未 務。 末 太 不 在 加 或 不 或 以 辭 對,公言 M 年,盗 史公書之, 甚 民 ? 過 得 之 加 禄 用 爲 府 賦 昭 於 賦 善 福 頭 猶 衮 則 安石言 辭 不 加 帝未 天 理 賢 足,非 會 自 賜 加 而 在 L 賊 地 安 。」安 於持 E 箕 財 知 賦 官。 蜂 變法 用 所 一用 救災節 者 石 斂 非 不 起, 足。」 當今之急 以 生 足, 故 禄固 是。」安 能 此 石 日 譬 見武 財 以 幾至於亂 . 也 乃 日 則漢幾亡。」争議不已。 不 如 貨 公日 盡 當 「不然。 。」公日 位 用 . 桑 過 雨 白 帝之不 民 辭 宜 者 石 羊 設 常 澤, 務 物 財 位 . 日 欺 或 衮 自 法 也 • 不 . 夏 漢 止 民 陰 。」公公 天 善 辭 貴 用 當當 若 明 澇 武 有 窮 不 善 奪 下 理 賜 近 不 武帝 耳 辭 帝 則 爲 始 此 理 足,真 財 饌 民 足者,以 安 日 禄 之言 秋 數 者, 盜 利 財 有 至 時 口 早。 非 者 悔 其 其 此 急 衮 議 聽 H.

行

者得 或 後乃 意 安 E. 講 《行狀》〇案《文集》,公自 制 馬 Ŧ 自 讀罷 陛 遂 與 石 光 珪 14 兩 下 求省郊齊 光 言 言 進 强 府郊貨、能富國 引常 上獨留 不數日 裁 是 同 亦 日 省 然 是。 也 之則 衮 介父與 從 5, 參 事 姑 救 其請 然 惟 失 知 けった。 責 % 以 所 也 政 語 明 所以 不 節 兩 記 欲 今大臣 事。 費 兩 主 此 府,兩 允答之。」會 用 成其美 陛 府 無 事甚 裁 下 H 不敢 幾 宜 擇。 以 以 録 詳 河 ,何傷 此爲 义义 先 府 自 恐 又 北 出以 亦 貴 上 傷 4 Á 災 裁省之始 體之有? 不復辭 (俟之, 傷、憂公體 近 日 或 安石 臣 明 始 : 體 非 H 至 謂 邇 耳 朕 E 一晡 司 英

詔

公與

張

茂

則

同

相

視

股

河

及

新

堤

利

害。

公用

都

水

監

丞

宋昌

言策, 乞於二

股

之

西

王安石始爲政,創立 也。 進讀 爲真 青苗 得 君,常守禹、湯、文、 衣 餘 + 變,可乎?」公 公,而 疏 食滋 守 年 餘 逆 (宰相。 無無 陳其 成 蕭 員,行其法於 武王克 、助役、水 殖。 婦 之道,故孝惠、 何、曹參事 利 人孺 不如 雖 害, 商,日『乃 上 日 利 子,知 田 日 公言 日 父野 : ·、公曰 均 天 制 武 後 何 者。 下, 輸 置 漢 其 高 老, 反 之法,雖 獨 之政 三司 常 爲 當 后 :「參不變 謂之新 商 漢 皆號公「司 天 守 君實 時 如是。」行 政,政 下 也, 條 蕭 置 ,天下晏然 傳 例 使 也。 至 何 法。 提 誦 司, 由 今 三代之 之 舉 何 舊』, 法 公上 存 馬 之十 官 邇 以 建 英 相 兀

苦

卒從之。

後

皆

如

公言。

賜

詔

獎

諭

時

議

者

多

不

同

公

於

上

前

反

覆

論

難

甚

淺

9

薪

蒭

漸

備

乃

塞其

北

放

出

御

河

胡

置

土

一堤,約

水

東

流、若東流

日

深,

北

流

H

盧

河

下

流

以

紓

恩、

冀、深、

瀛

以

西

之

患。

^{● 「} 新」、《蘇軾文集》卷一六作「土」。

變禮 朔 魏 間 意 也 用 孝、兄友、弟 法 政 車平 明 制 法 口 先王之法,有 「象魏」 以諷 中 度 亂 紛 則 世 屬 , 布 而 更之, 典 刑 易 是是 也。」 重 雖 民 漢 舊 是 新 周 樂 舊 朝 惠卿 讀 章 是 是 始 也 亦 者, 法 廷 後 爲 法」,爲 或 盗 衰 彻 , 也 恭 用 也 數 i i 有 用 賊 H. • E 世. 是 漢 商 一年 日, 何 有 輕 譏 \equiv 有 半 由 巡 何 輕 也。 武 政 時 如 臣 + 典 名 此 五 天 狩 百 世 吕 變者 帝 也 ? 變月 爲 爲 年 年 年 言之, 下 重 則 前 惠 亂 0 用 變? 條 不 0 公 誅 卿 \wedge 或 • 張 日 變耶 書 變者 變者 變者 例 非 元 之, 光言 用 進 IE 祖 湯 帝 **>** 變 司 若 宗 月 言 講 重 ? E 王 官 、父慈、 改 也 非是, 始和 典 之法, 不 諸 刑 巡 宣 布 耳 因 取 無 四 ____ 言 平 自 罰 狩 且 侯 帝 高 孟 法 作 其 考 治 變 象 上 子 世 之 國 有 月 帝 布 聰 .

> 不 惠 以 事 更 **\$** 足 今二 耳 天 卿 也 日 天 徙户 矣。 言 下 卿 道 下 侍 何 事 ·礕 ? 不 佐 今爲 從 者 財 大 是 至 内 人主 不 皆 皆 能 如 壞 臣 言 是。」 今爲 制置 居室 對 在 無 而 之 才 左 朝 而 , 尚 此 有 更 罪 右 而 詾 講 則 看 不 ,弊則修之,非 造 安用 皆 也 詾 朏 從 詳 臣 畢 詆 願 司 避 可 中 陛 恐 公 非 何 條 何 賜 L 也 去。 例 書 曰 下 風 也? 得 例 坐 不 ? E 條 問 雨 不 良 司 去? 户 上 . 之。 之不 例 荷 口 斤 光 外。 王 日 何 使 相 用 山 大壞不 美 爲 珪 . 也 公 與 例 庇 兩 材 侍 將 何 日 作 論 朝 則 府 司 世 從 不 也 更造 是 胥 室 侵 廷 丽 使 成。 每 答 其 公 非 史 何 相

■「例」下、《蘇軾文集》卷一六有「而已」二字、「史」作

之青苗 昔 涼 借 法 行之久矣, 和 錢,草束 況 E 縣 民 Ш 疎 愚 官 爲 糴 其 有 也,見其 太宗平 縣 . 使 賤 民 願 不 之, 司 不 官 , 在 聞 坐倉 聞 弊 知 取 尚 强 解 法 之 八 則 猶 猶 尚 闕 取 則 能 糴 一錢,民 河 道 民 令之威 當言之。」公曰 病 能 門 加 遂 富 債 貪 與 以 米 東 東 不 路, 之利 不 爲 作 作 之 以 民 之,不願 病 何 之 以 外, 見 **医**罗 亦 河 樂 文 民 如 法 又 爲 不 其 和 乎 東 不 食 與 和 於貪 ?」坐者皆 朝 不 況 病 糴 利 强 世 下 官官 糴 知 廷 知 立 也。」 不 世 户 也 爲 惠 法 還 , 弊 . 之事 朝 法 公 其 强 患 市 債 許 廷 卿 至 E 青 日 時 虚 0 將 臣 也。」公日 之害, 之乎 初 飢 不 曲 起日 : 實 米 若 聞 臣 後 能 寒 不 出 物 斗 也 臣 恐 之 作 ? <u>L</u> 許 盡 流 息 青 貴 陝 陝 異 + 法 非 何 知 也 平 餘 於 獨 西 西 \blacksquare 而

> 介 惟有 則賞 坐倉 公曰 事 便, 無 起 有 南 以 然。 坐倉 不不 餘 錢 其 以 狀 荒荒 惠 錢 錢 可 「文王 有 足 得 取 己 「京 卿 之 圃 供 益 罪 煩 光 其 米 罷 之言 米 牧 京 乏, i 則 所 師 人 百 之,幸甚。」 狼戾,今不糴 图 夫。」公 師 主。 無 罰 萬 有七年之儲 米 不樂 攸 至 益 何 斛 農 此 兼 論 但 末皆 患 陳 乎 于 則 則 也 當 趨 ?!公 無 陛 0 庶 省 上 擇 奈 出 錢 病矣。」 下 言 公 東 米 日 何 ? 職 ? 南 日 日 E 丽 : 面 血 庶 也 公 . 錢常乏, 任 漕 . 日 百 獄 侍講 未 惠 . 錢, 萬 之, 日 此 罷 不 卿 之 庶 卿 皆 昊 敢 有 棄 也 慎 漕 得 若 其 東 _ 功 細 申

邇 英 從諫之美,拒諫 疏 言 留留 對 秦 皇 是 帝 日 居 滅 之禍 光 絶之 讀 ^ 資 中 1 治 不 自 通 鑑 知 舜 事 堲 賈 說 大 Ш 説 E

者 議 指 舉 著 陽 而 短 日 石 司 誠 輕 退 日 此 臺 之 安 平 爲 也 有 發 不 耳 復言 所 孫 安 官 石 罪 甲 相 好 居 乃 安 進 謂 若 留留 叔 爲 石 又 ,公著乃盡 與 表 官 爾 石 讀 一静 其 光 豊 臺 敖 不當 謀 姦 儕 裹, ? 誠 職 及 在 謂 非 非 諫 所 主 言 畫 邪 之 賢 及 今 外 讒 欺 使 日 謂 。 安 声 信 庸 此 也 耳 Ħ 自 説 罔 熾 違 任 但 所 舉 石 猶 或 0 奉 多 殄 吕 爲 性 張 ____ 時 吕 上 可 條 = 之 爲 者 向 行 疑 讒 養, 公 事 如 惠 不 罪 日 之 例 思 有 也 者 著言 其 也 臣 此 曉 卿 安 力 可 也 可 而 是 ? 朝 不 不 事 之人, 得 行 謂 發 今天 光 乃 惠 廷 然 藩 敢 衆 光 而 上 賢 始 委 故 卿 0 何 論 鎮 之所 愎 言 朏 : 者 下 真 公 逼 與 故 天 欲 也 E ? . 女妓 此 於 著 公 條 ___ 詾 下 E 圃 其 安 著 光 詾 并 公 光 邪 公 例 專 前 及 .

> 豈 吕 後 也 能 守 惠 之。 光 卿 獨 日 以 與 今 . 爲 此 是 條 然 天 例 0 可 共 陛 下 所 下 爲 皆 爲 當 天 以 審 下 獨 爲 察 邪 安 非 其 ? 石 也 是 遂 韓 非 陛 下 然

日

録

F 間 及 者 厚? 士 閩 外, 相 不 光 日 陛 能 : 獨 充 臣 下 光 臨 . 第言之。」光 上 升 雖言 近 塞 擢 大 日 之 王 閩 參 日 相 朝 用 節 陵 有 人 :「然今中 何 政 陳 室 廷 小 而 升 才 狡 益 皆 升 , 相 憩 之 天 不 智, 險 ? 之, 楚 日 臣 可 才 下 陳 L 曉 楚 :「今已 外 愚 智 奪 風 平 外 日 民 人 議 必 耳 賤 俗 可 大 輕 誠 政 將 云 以 臣 易 如 邊 何 宣 雖 何 昔 何 援 輔 聖 事 敢 然 ? 麻 漢 以 更 引 今 日 就 與 高 它 更 鄉 無 誕 光 ? 祖 但 得 黨 相 平 人 告 言。」 口 對 論 莫 恐 智 用 淳 中

<u>→</u> FÎ 事 尼 直 也 執 也 有 也 也 以 所 弼 上 有 亦 惠 ,賢於 之言 安 0 之人 老 欲 以 忠 拗 日 以 餘 卿 上 於 上 留 成 自 去 馬 E 耳 石 憸 然 爲 者 從旁 又 , \(\int \) 女好 之至矣, 有 因 或 知 然升之朕 巧 富 難 此 蓋 邪 相 . 家 節 歷 人望, 丽 獨 其 非 制之, 參之。 之 若 間 以 雖 則 任 實 佳 無 但 E 心 有 親 群 所 彼 毁 士 也 施 安石 木 其 所 Ħ 堅 固 之太 臣 此 真宗 但 爲 或 凡 强 去 使安石 施 欲 己 不 明 家 好 上 至 才 耳 何 唯 爲 用 去。」 口〕 誡 過 主 用 遂 事 吕 ______ 日 · 惜。 如 智之士 知 之。 朕 用 與 T ? 非 光 亦 但 負 惠 求 光 謂 不 同 人之法 滂 勿 不 去 L 卿 光 日 韓 光 日 此 從 列 與 於中 曉 . E 日 . 日 其 琦 彼 必 光 而 不 知 : 欽 事 . . 所 琦 敢 信 合 彼 也 得 去 日 <u>____</u> 若 外 故 實 朕 當 故 富 短 忠 又 于 所 口

庚 於治 葉半。 秦、 申 執 才, 皆 風 舉 人。 衆 日 日 目 不 . : 俗 政 端 陳 心 惠 張 何 延 光 之黨 薦 今言 卿 諫 秦、儀爲 惠 專 英 儀 以 陛 日 臣 讀 上 所 官 蘇 卿 以 進 掉 動 下 所 至 執 日 爲 難 讀 軾 辨 文 臣 更 蘇 臺 以 政 . 也 得 學 説 寸舌, 恐 徐 從 主 E 秦 存 諫 通 短 0 惠 辨 聰 ? 上 相 横之術,多 察之。 約 鑑 卿 元 其 E 天 近 卿 慧 高 明 規 更 **>** 六 事 乃 者 子 H 明 將 爲 或 皆 於 能 耳 誠 葉畢 不 趙彦若 因 辨 擇 有 從 君 書 江 斥 目 次 如 如 論 其 所 亦 事 充、 者 聖 委 逐 進 華 是 臺 陛 人。一 敝蒙 1 似 之, 旨 平 用 或 少 E 欲 諫 李 下 更 ≈ H 美 ? 實 而 日 天 訓 見 命 當 光 然 盡 也 才 大 録 聽 . 0 子 若 光 退 易 自 用 讀 無 不 對 益 蘇 時 光 Ŀ 以 擇 耳 無 心 合 丽

此 所 以 謂 利 之 覆 邦 家 者 也

疎 \Box 朕 無 聞 取 卿 卿 進 陛 准 讀 下 讀 每 每 終 過 存 H 形 幾 忘 獎 諫 倦 飾 0 光 不 光 對 勝 日 惶 . . 0 懼 非 臣 敢 空

然

也

一,欲

陳

著

述之本

意

耳

日

鍅

吕 諮 中 爲 晦 翰 派 叔 録 邪 林 日 **%** 學 ? . 司] 昨 日 士 馬 聞 録 使 兼 中 是 契 侍 派 人 丹 今 讀 甚 爲 學 虜 忠 何 亮 中 官 0 0 接 ? 虜 晦 伴 日 諮 間 叔 . 以 副 著 不 使 爲 於 今 狄

上 迁 願 免 何 ? 此 陛 晦 名 孟 晦 叔 ? 軻 更 叔 日 察之。 大賢, 大抵 日 : 司 慮 時 孔 日 馬 事 人 録 子 光 亦 深 Ė 遠 謂 方 聖 直 迁 則 子 闊 近 其 路 於 況 如 猶 迂 光 謂 迁 豈 之 鱪

韓 章 安 琦 力 石 辭 稱 疏 疾 論 至 求 青 去 苗 七 之害, 會 日 拜 公 F 感 樞 誠 悟 密 能 欲 副 罷 罷 使 制 其 置 公 法 條

下

者 者 合 矣仁 狀 惠 日 有 口 安 則 起 命 雖 例 命 有 石 . 憎 卿 順 以 視 職 不 司 勢傾 靡 則 適之快 彼 叛 後 之聽 書 E 用 意 事 覆 不 猶 追 不 安 遣 臣 喻 謂 王 忠信 爲 必 青 侍 當 還 利 石 人謂 安 而 氏 吕 臣 移 徐 苗 從 提 也 以它事 上 上 改也。 石 者 一受賜 舉 之士 也 惠 得 法 公:「 何 書 於於 官 旦 其 由 \equiv 卒 卿 必 所 多矣。 告 失 爲 是 力 於於 往 不 惠 事 不行 且 不 樞 勢 其 ; 天 辭。」公言:「臣 對 反 罷 無 卿 公當 至。」 諂 日 密 罪 下 公公 賓 必 青 也 不 開 . 兵 諛 不然 服 荷 客 有 可言 出 其 之人 路 喻 亦 巧言 公 賣 小人 事 口 時 後六年 切 卒 助 輒 先 公 者 終 以 也 至 不 役 指 知 本 \$ 以 於 雖 覆 不 受 等 言 以 色 安 自 猶 未 官 敢 王 今 龃 法 命 介 之 受 受 氏 龉 利 售 鮮 幸 而 誠

八 之身 苗 敢 安石 皆 佳 獨 疑 吟 臺 卖丸 Ħ 只 日 欲 F ?? 安 隱 欲 士 己 毁 政 不 申 或 垂 一,卿誤 之, 有 其 荷 其 石 舉公著 卿 能 安 何 違 何 拱 子 惡,乃 之黨 顈 全素 素 前 故 供, 石 忤 登對 前 E 日 監 効 履 命 ? 知之。 與 其 是 . 云 求 以爲 履。 一王 一、乞知 安 公 中 多 卿 後 光 上 光 何,後毀之云 E. 外 0 石 著 以 非 且受之。」 曰 : 日 安 日 與 臣 是 補 鮮 今忤 之至公也 危 如 必必 : 許 石 王 善 爾 于 法 膠 況 州 臣 安 安 素 有 卿 侁 弦 安 漆 或 敢 必 與 事 石 不 石 在遠 何 上 石 臣 光 西 當 不 素 及 卿 信 · 贵 天 」。 上 何? 得 日 者 不 日 京 敢 進 ,軾 下 其 善 善 者 : 敢 如 出 . 如 留 留 矣 一臣 有 用 外? 知 避 蘇 彼一 蘇 公著 但 卿 以 0 司 ! 罪 其 削 軾 軾 自 奏 何 舊 御 ", 不 非, 臘 畫 人 Ŀ 青 ? 藁 非 其 自 沉 E 職 朕 史

> 臺 服 去 情 鹽 傳 安 温 母 也 爲 石 及 之。 官。」《日 喪 鷹 蘇 素 軾 犬 惡 韓 販 木 且 禽 軾 使 軾 琦 獣 **е**器。」 雖 陛 之利 攻之,臣 贈 之不 不 銀 下 佳 贵 世 光 如, 贵 白 豊 不 日 能 安石喜之,欲 兩 能 不 知 : 及 而 勝 ? 自 所 凡 不 李 保 贈 責 以 受, 定? 之 不 人 姻 當 乃 銀 口 家 用 定 不 謝 乎 察 販 爲 不 早 景 其 私

公言: 懇辭 之古人。」《韓魏公語録》〇又魏公與 書 以 $\frac{-}{Z}$ 時 爵 行,然後 公在魏 書呈君 云: 引得 樞 主 可 弼 馬 ,必冀感悟上 F 君 去之 壞 君 實 實 倚 聞 了 實 名 之, 作 重 可 君 初 節,爲 事 之厚,庶 也。 實 顶 除 聽,大忠大義,充塞天地 云: 遣 樞 今人 似 不 人 密 不 賫 少矣。」後 副 所 幾 自 須 使,竟 書 不 行 古 堅 與潞 公書 道 口 被 讓 及 , 道 辭 云 這 得 公勉之 横 不 潞 須 般 或 一伏 寬 絶占 受。 求 公 夫 官 不 承

老先 得路 者 矣。 成 肯 也 今,竊與海内有志之上 H 行之,仁者守之。」 老先 9.2.介 生嘗 一雖悔 將 即 向 副 · 豈可 前 君子難進易 悔之。」介 當 逐之,却 謂 小 之亦 甫 因 金 去 人, 用 陵 無及 也 用老成者守之。 或 日 甫 ? 切 方 在 司 退 也。《元城先生 默 若欲 切 有 法 清 介 然。 傾慕 小人反是。 才力者 行 要, 甫 去,必 生日 之初 俱有執鞭之願 行 後 或 新 果 爲 . 成 法 語 有 候 舊 所 監 録 讎 賣 若 介 謂 法 時 乃 司 敵 金 甫 引 小 智 行 陵 誤 者 己 不 用 何

出 知 邠 城 調 戍 助 池 民 邊 役。 永 爲乾 選諸 樓 興 輔 櫓 宣 軍 騒 無使 如 糧 , 將驍 朝 邊 麨 辭 郡 下 飯 公上 勇, 進 90 雖 令,分義 對 E. 募 疏 遺 内 間 猶 就 極 郡 里 乞 勇 糧 惡 不 免 四 長 被 少 番 本 方方 安、 邊,皆修 爲奇兵 欲 路 凶 河 青 以 歲 苗 更

> 熙寧七年,上以 公私 水利。 苗 興,臣 樓櫓 詔 腐 何也 宰 相 一免役,三市易, 泣 棄之,宣 下,欲 昊 困 ?」《行狀 皆不急,乾 坐之。」於是 弊,不 充 此尤 . 撫 默 一天 病民者, 天下旱蝗 司 可 不忍,乃復陳六事 令,臣 子 糧 舉 麨 事。 路 聖 宜 飯 四 皆未 部部 獨 邊 昔 如 先 丽 得 罷 永 此 常 事,五保甲 求直言。 敢從。 免。 心又 興一 9 造 而公不言 《行狀 後 路 若乏 以書責 無 公讀 城 用 青 池 軍

神宗既 下 E 始紛然矣。 荆 公、盡變更祖 退 司馬温 公,一 帝一日侍 宗 法度 時正人皆引去, 太后 ()用兵 同 宣 祁 利 9 獨 至 用

^{■「}麨」,原作「麨」,據《蘇軾文集》卷一六《司馬温公行

② 「宣」、《邵氏聞見録》卷三作「輿」。

之 修《哲宗史》,爲《王安石傳》,至以 也 耶 不 日 中 之於外 怨之者 也 赦 太 亦 民 也 日 語 ? 思 惟 罷 當 間 90 :「太皇 。」太皇太后 皇 。一帝 疾苦, 如此 之。 帝 安 太 爾 吾 皆 汝 天 甚衆。 歲 日 后 石 聞 自 不 氣 帝 因 帝 能 宫, 太后之言,至言也 樂 餘 民 必以 面 爲 晴 不 發 日 横 然。」太皇太后 世 復 間 之! IIII 時 和 帝 曰:「王安石 懌, :「今無 怒, 身 無 召 罷 甚 告仁宗,常因 宗 欲愛惜 爲 知 用 書 行 日 祀 祁王 曰:「是 者。 或 温 可 青 禮 . 前 家 也 公常 苗 它 H 數 以 保 泣 崇 -當 事。」 亦 日 利 助 全,不若 誠 寧 我 帝 日 私 事 如 , 民,非 中 : 役 赦行之, 有才學,然 0 敗 日 太皇太 記 太 唑 耳 錢 吾 此 壞 皇 蔡 下 安石爲 富 何 天 暫 苦 宜 昔 太 群 不 祁 韓 至 大 京 之 等 下 慶 公 是 口 臣 出 因 后 單 王

熙

齊 御 寧 耶? 立 使 知 訪,妄作 也。 以 末 間 聖 而 石 班引 温公呼 史 蚤 初 帝 罷 見 人 可 删 班 臺 晚 烏乎 馬 上 相 也 抑 朝 屬 然 蓋 天 衙 光、 ? 因 廷 疾 天欲彰吾本朝 流 亦 威 申 待之甚恭 豈安石之罪, 知 念 朝 聖矣哉 涕 書 遣 帝退 尹 福 吕公著爲 立 慈 爲 班 以 謁 震 大 可 監竹木務官富贊善之下。 言安 聖 應 日 /理寺 下 安 以 動 天 光 0 不 • 石 託 院 獻 石 敢 《聞 丞蔡天申 師 引 聖子 時 路 + 神 母 變 后 蔡寺 雖 傅。 相 見 司 御 后之賢,自 亂 録 年 其 壓 宣 馬 也 河 殿 天下 不 、黨竟 丞歸 E 也 温 南 獨 爲 用 安 天 聖 公 # 日 京 石 本 既 不 申 烈 判 已 0 元 班 報 西 能 者 轉 不 不 留 而 后 豐 得 班 獨 預 將 運 察 文 安 因 司

● 「待」字,原闕,據《邵氏聞見録》元鈔本卷一一補。

蓋 朝 儀 位 著 以 官 爲 高 下 朝 謁 應 天 院 留

臺職也。天申即日行。《聞見録》

亢 豐 留 書 豫 作 司 五 范 緘 御 遺 年 祖 封 史 表 禹 置 公 臺 使 团 忽 大 上之。 四 内 得 略 任提 語 如 且 澁 六 死 舉 凡 疾 事 崇福 居 當 加 自 洛 以 詳 宫。 疑 + 授 盡 當 五 所 《行 年 中 感 善 狀 風 范 概 再 任 純 親 乃

孫 言 嘗 夏 君 殺 和 禹 時 無 持 被 實 傷 深 玉 王 成 甫 探 淺 一憂不 害 禹 功 日 雖 虜 者 攻之議 至於 玉 巢穴, 當 死 召 占 知 者 將 蔡 宁 所 在 非 西 無 持 太 邊 出 西 禹 以 不 雖 算 息、欲 正 玉 將 , 持 府 至 爲 0 並 帥 此 持 勝 蓋 正 親 在 自 議 召 習 密議 見 自 IE. 相 是 若 負 司 不 知 神 西 位 行 欲 馬 宗 西 歷 兵 邊 猶 師 相 君 外 事 用 晚 必不 於 不 ·, 亦 任 兵 實 顧 年 至 西 討 失 用 復 不 大 邊 無 神 以 , 之。 色。 肯 宗 有 深 夷 召 事

邊事,無敢開此議者。《龍川志》

元 攫取 豐 温 留 公 大 富、文二公之後。 故 不 夫 司 公 宴 守北 事 年 尚 年 五 馬 群 愧 懷 未七十 德 年 官 端 請 京,遣 謝 臣 高 , 之, 明 入會。 文 者爲 就 耶 伶 潞 有 潞 資 聞 ? 人 人 公與富 從 (聖院 耆 見 人 劇 公素重其 録 温 君 英 其 大 潞 戲 公辭 實 會 後 建 遼 公謂 韓 清 大 0 以 作 偵 公 名 以 以 厦 挺 衣 事 温 集 在 洛 晚 扑 冠 口 公日 洛 夷 用 耆 中 進 者 之 <u>-</u> 狄 唐 中 風 英 者 不 見 見 如 狄 堂 公 俗 「彦 此 物 虜 敢 兼 出 卿 日 博 必 主 班 喜 监 大 温 0

温 尊 賢 今 節 公 同 先 判 坊 居 生 西 以 洛 京 游。 年 「獨 留 德爲 即 樂」名之,始 嘗 司 鄉 御 曰 : 貴 史 也 (臺,遂 官 光 職 陜 有 不 與 居 人 足 如 伯 洛 先 先 道 温 生道學之 買 先 也。」公嘗 生 君 袁 衛 子 於 康 尊

間 録 脚 : 踏 康 實 節 君 地 日 實 人 九分人也。」其 也。」公深 光 何 如 人 以 ? 爲 重之如 康 知言。 節 此 . 康 節 君 聞 又 實 見

司 於平 矣。 題 輿 荆 馬 臨 轅 爲 中 字 、華諸 休 道 公,爲 温 遊 Ш 公既 穩 節 至 息之地 聞 日 中 Щ 灘 龍 見 之 其 亦 Щ 録 録 門, 居 地 登 乘 以 群 ***** 洛 凡 則 0 歸。 從 Ш 馬,路險,策杖 士 所 涉 不 時 嘗 鄉 有 大 經 伊 跌 多 往 道 X 同 夫争傳之。 從,多有 水, 遊 説 夏 范 慎 徐 壽 縣 景 書 至 之哉 行 仁 講 安 展 香 詩 則 以 一登嵩 墓 Ш 學 Щ 不 行 什 公 買 省 或 故故 困 憇 頂 其 其 不 瓮 自 乘 石 旨 嵩 措 喜 作 由 畲 兄 興 樓 遠 足 肩 序 Ш 輍 游 郎 畔

公 不 知 才,最出群臣之下。 永 興 軍 到 官 踰 月, 先 見 上 不 章 ·如吕 日 . [海,公 一臣 之

温

謂 此 事 右, 帝 仕 罪 直 來。」帝曰 用 馬 下 文 ,只辭 其 光 ",若 仲 不 左 詔 必 一人。」帝之眷禮於公不衰 人主 言, 若罪 丞蒲 欲 如 謂 卿 勇 臣 用 范 樞 自 監 光 度 罪 決 : 公, 重 純 宗 密 「未論 察 不 可 光 與 必 於 孟 召 無 御 來 如 來。 范 鎮 知 節 日 史 過 否 范 程 鎮 0 0 用 或 許 ? 0 裹 鎮 顥 不 同 朕 其言, 竄 州 公果 行 能 如 自 顥 敢 或 則 程 伏 令過 用 司 即 言 對 誅 乞 顥 辭 望 如 其 馬 位 不 曰 依 日 聖 光 召 如 闕 所 言 光 以 如 范 者 恩 此。 命 不 1 來 蘇 未 光 常 陛 朕 鎮 裁 敢 殿 軾 特 惟 論 帝 逃。 下 在 必 召 處 例 見 嘗 公 左 别 能 方 不 致 其 孔 司

2 0 作 封 買」下 輍 縣 「轘轅」爲是、 轅 西 北 《邵 同 前書 氏聞 觀上句 作 見 録 轘 「嘗同范景仁登嵩頂」云云, 》明 轅 鈔 按 卷 轘 轅 有「屋 山 名 在

河

南

登

似以

神宗 保 爲 數 其説 准 進 以 E 0 館 者 御 . 新 至 知公之深 職 : 法 來 官 御 修 時 來 至 不 或 制 書官 春 拜 中 罷 元 春 時 一公資 是 將 建 大 豐 帝 肾遷 方 義 儲 行 夫 如 七 月 定 初 政 非 不 欲 此 以 年 , 微 殿 秩 口 用 未 願 取 秋 司 學 感 起。 司 召 少 新 及 聞 馬 , 士 疾 范 俟 馬 見 舊 建 公、吕 資 録 元 光 之。 賜 人 祖 既 儲 治 豐官 帶 不 兩 禹 安 而 通 公著 E 及 如 口 用 帝 鑑 制 ____ 語 公子 之。 珪 升 > 成 爲 府 宰 書 蔡 亦 遐。 康 밆 又 帝 師 輔 成 確 助

神 宗 公, 洛。 千人 額 公無 崩 間 聚 太皇 所 歸 公赴 觀 當 洛 此 太后 之。 先 闕 山 留 者 馬 庭 公 相 聞 相 衛 天 懼 之, 公言 公 子 土 也 詰 會 見 活 _ 放 間 公入 民 百 近 主 辭 姓 蒇 遮 者 謝 9 皆 士 道 遣 遂 所 大 以 呼 夫 使 徑 手 在 勞 歸 數 加

夫,罷 希進 詔 侍 言 惟 此 從 憂勤 詔 公、公曰 所 m 合已行之令, 民 言爲 者 書 懷 之。 之無狀 新 坐 語 不言,言 無 而 一,下以 行 必 犯非 越 法 中 於 諱 知 減 太 不 職 罰 設 E 下 之天 皇太 : 歸 間 便者 贖 者三千 詔 而 六 無 此 眩 則人六事矣。」 其 閻 城 怨 銅 下 榜 事 赦 下。 惑 分分 愁苦於 F 内 后 先 數 者 無所 非 朝 以 流 覘 以 帝 一、公具 餘 己 千人。 堂 求 或 禁 從之。 太 俗 觀 者 有旨 0 人, 訴 諫, 扇 皇 之 切 下 望 宜 而 止 摇 言 戒 論 情 此 而 太 乃 朝 當 下 公方草 機 御 飭 散 於 其 者 以 上 罪 后 時 廷 拒 時 詔 前 事之重, 中 是 情 干 日 在 不 遣 之 封 有 有 諫 首 外 I : 四 群 之 取 修 詔 意 具 應 開 也 且. 不 作 方 虚 知 臣 京 若 詔 欲 草 言 無 所 請 以 吏 譽 Ì 城 當 以 敢 或 出 改 僥 陰 者 路 明 而 民 背 役 間 倖 近 行 賜 事 臣 迎 有 愚 主 於

Ŧi.

0

拜 英 卿 自 帝 辭 石 卿 调 稽 謝 寬 刻 而 先 之 之流 金 天 傑 位 保 悔 慢 下 暴 帝 唐太宗之上 陵,天 下 流 恨 絶 馬 耶?」公不 侍 斂 當 急 罪 新 病 以 限 人之資 郎 其 恐 於 棄天下 當當 今 廢 矣。 此 下 去 法 急 皆 功 萬 導 公力 得 變 欣然, 從 而 利 死。」《行 洛 務 先 志 ., 敢 身 復 矣。 中 司 帝 勵 辭 陛 小 危 復 用 出 物 後 子 明 精 意 人 下 辭。 也 貨 不 狀 者慕 聖,獨 而 持 沖 求 大 法 得 略 場 宰 許 之不 欲 幼 治 臣 必 乘 已 初 之, 相 稍 及 變, 不 行 間 覺 此 凛 數 肯 王 自 神 與。 民 争 其 而 何 一安石 雖 凛 賜 宗 改。 改 所 非 先 時 安 乎 皇 手 公 養 相 用 然 出 漢 石 帝 小 而 吕 H 詔 户 ൬ 高 先 惠 亦 心 惠 宣 以 安 君 疏 臣 馬

卿

亦

再

逐不

甪

元

豐之末,天下多

)故,及

帝

終

疑

之,

遂

退

安石

八

年

不

復

召

而

惠

衆議 之。 軍 也。 官 搉 及。 Mi 也。 説 五. 先 日 甚 五 一、公水 民 閲 坊 者 酤 百 帝 0 者 聖 一先 所 況 當 乃 小 昔 廢 者多 本 若安石 毛 以 嗣 均 欠 定。 兒 保 太 漢 時 意 市 爲 位 帝 輸 舉 賂 文帝 錢 皇 悦 暴 者, 易 馬 死 等法, 之法 · 數事 遺 民 横 皆 遂 服 太 法 不 年 改之當 惠 景 H 罷 除 除 后 後 復 德宗 無 鹽 所 ,其善者 卿 夜 保 昭 肉 以 其 買 以 帝 改 鐵 世 等 儲 引 甲 帝罷之。 刑 改之。 塞 息。 母 罷 於父 稱 使 如 所 物 見 團 領 人言。 改 之。 斬 頌 救 月 建 皆鬻之, 在 教 「, 雖 京 子,非 之 進 以 右 焚 爲 者 未 東 德宗 武 道 依 羨 拯 觀 趾 還 唐代宗縱 百 公慨 有 鑄 帝 餘 者 游 天下害 義 新 監 世 子 欲 或 爲宫 鐵 作 不 勇法 棄 猶 政 牧 非 改父。」 順 不 然 稍 錢 取 鹽 市 給 之者 宗 争 口 損 而 市 歲 罷 宦 河 笞 不 非 變 其 進

議 爲 之尚 詔 其 運 決 奪,遂詔 西 寧 疏 班 北 量 及寺監者,皆歸 相 四 之。 使及 甚衆 戎 以前 入以 論 公與 舊 視 再 江 患 大大 路 拜 書。 免役 去其 西 未 爲 提 又 法。 尚 獨 Ш 諸 獨 略 除, 州 出。 廢 己 福 點 書 凡昔之三司 川 將 甚 太 以 Ŧi. 有未 建、湖 免免 峽茶, 提 刑 吾 者。 左丞吕公著 兵 師 和 害,乞直 元祐元 縣 獄 舉 皆 死 文 戎 舞 户部 法。 便,州縣 常 0 隸 彦 爲 不 户 0 南 蹈 罷 平 以 博 部 州 瞑 鹽 便 0 詔 年正月,公始得 邊 使 降 青 使 司 縣 議 及 左 公 Ħ 用 即 用 苗 敕罷 朝 尚 事 軍 監 右 福 與公合,衆 矣。」 疾 以 兵 日 未 會 書 曹錢 建 司 益 其 政 有 爲 行 之, 周 節 茶 即 乃 甚 散 專 與 事 委 失。 之。 級 知 穀 罷 法 力 行 率 守 執 隸 歸 歎 其 以 甪 常 之 皆 4 疾 時 又 政 \overline{H} 皆 遣 不 F 聞 數 疾。 轉 通 能 論 異 曹 亚 E 復 異 匠巴 使 領

糶糴法。《行狀》

元祐 公奏以文學、 智力 求 千人。 行 初 修 天 所 下 可 -遺材、 能 馬 其後二 勝 德 温 如 耶 公輔 進 命 行 ? 吕 土 文臣 3 吏事 政 高 《談叢 繼之,歲 ,是歲一 選。 升 武 朝 皆從 略 以 常 天下 1: 等 數倍 之。 爲 斷 歲 + 舉 死 行 科 此 刑 經 凡 明 以

公曰 禍 吴居厚投之鑄冶 日 去,不然,賊 乎? 事 ,然仁人君子, 温 ? 公當 元豐之末 劉 先 揆 殺 生 譚 路 録 中 轉 H 如 京 賴 , 運 救 蓋 東 使,從官得 焚 居 知 劇 拯 厚覺 後 寇 溺 欲 必 蚤 有 取 何 晏 間 掊 反 暇 然 道 克 覆 論 之 遁 異 而 吏

●「峽」、《蘇軾文集》卷一六《司馬温公行狀》作「陝」。

② 「死刑凡千」、《後山談叢》卷四作「死罪凡十」。

③ 「智」,同前書作「人」。

公欲 惇 聞 不 IF. 疑 色 E 吕吕 改 日 新 則 惠 《聞 法 朋 卿 「天若祚 見 輩 黨 鍅 或 皆 之禍 謂 小人,它 公 宋, 作 日 矣。 必無 日日 元 不 此 有 豐 事。 口 以 舊 父 不 遂 懼 子 臣 I C 公 改 之 如 之 章

公忠信 其 臭 遇 中 出 古今之宜 來 \mathbf{H} 無 有 如 聖明 妙 一誠 以 吾 所 陝、 飢 不 僅 葬 書 孝 不 善 渴 庇 洛 心 (言聽計從,欲以 通 晚 之 友 其 自 間 風 節 ~,恭 惡 嗜 誕吾 然, · 皆 音 চা 不喜 尤 衣 飲 儉 樂、 好 天下 菲 君 化 食 不 E 有 禮 釋 食 律 實 其 信。」 直 田 老,曰 於 ,爲《冠 · 信 得 歷 德 以 出 、天文、書 財 無 之。 不事 頃 終 師 於 利 身徇天下, . 知 其 其 婚 天 「其 之乎 退 紛 喪 生 學 身。 喪祭法 性。 其 居 華 産 微 ? 數 夫 法 於 自 買 言 如 其 洛 皆皆 其 博 惡 第 躬 以 好 不 儉 親 遭 能 適 學 往 惡 洛 極 學

> 富者 焉 多食 語 庶 畫 八 爲之益 其 紙 務 ,然皆朝 像 不 上之,皆 四 少之語戒之,公日 力。 方 行 ·舍晝 刻 狀 皆 延大 印 病革,諄諄 遣 手 腾 夜。 人 事 札 之, 購 也。 賓 論 之京 家置 客 當 既 不 或 : 世 師 ____ 没 復 以 要 , 本 了,其家 自 死 時 諸 務 覺 生 飲 畫 葛 食 得 工 孔 如 命 京 有 必 夢 師 遺 明 也 祝 致 民 奏 中 事

晁 温 無 背 公奉 公 則 咎 間 日 與 其 言 之 曰 兄 如 衣 司 伯 嚴 得 得 馬 康 父, 無 無 温 友 薄 保 飢 愛尤篤 公有 乎 乎 之 ?:」《范太史集 ? 如 言 嬰兒 伯 天 吾 少 康 冷 無 每 年 過 將 食 則 人者, 少 八 拊 +, 頃 其

公又云 悉 以疑 事 司 問 馬 文 之。 E 有 對 賓 草簿數枚,常致 客 無問 賢 愚 坐 長 間 幼

但

平

生

所

爲

未嘗有

不可

對人言者耳。」

東

坡

集

苟 爲 常 有 其 可取 書 字字 隨 皆 手 真 記 謹。 録, 或 公見 對 客 時 即 E 書, 有 \equiv 率 + 以

餘

簿。

《劉先

生

谭

録

東都 叢》 枯 澤,豈其 故 瘦自 ,它亦不 曹生言: 如 胸 改,世· 中 范 非 亦 右 不 以 一未有 爲 相 以富貴 既貴、接 樂邪 也 (動其 ? 然 親 惟 體 心邪?」《談 舊 口 面 情 馬 肥 温 白 禮 潔 公 如

公初 詔 賢 卷。 主 恕、范祖 行狀 通 於 • 邇 患 志》 荷 書 英 遂 置 歷 成 讀 約 又《邵氏 悦 八 代 局 禹 **洋** 戰 卷 其 史 祕 親 爲 或 書 以 繁 資 閣 後 屬 爲 至秦二世,如《左 進。 録 官 重, 政 賜 製 以 × Z 殿 敘 潁 學者 其 英宗 神宗 學 邸 温 素 賜 公修 + 舊 所 不 名《 悦之,命公續 尤 書二 賢 能 賜 通 重 資 鑑 綜, 者 金 其 F 治 氏 成 帛 劉 書 況於 刀口 》體 通 甚 進 攽 百 鑑 以 御 盛 派 爲 爲 其 劉 人

> 其書 留。 觀書之所也 相 E 至政事 珪 又咨歎 、蔡確 堂 E 見 母葉縫合以 1: 「賢於荀悦 間 何 如, 1: 《漢紀 「睿思殿 \square 》遠 當 寶」章。 矣。 略 一能 降 ## 睿思 朝 中 不 殿 ш 使 久

遼人、夏人遣 必 神 問 道 碑》 中 公 或 起 相 居 使 司 入朝 馬 及 矣, 爲 與 相 慎 **石** 毋 遼 使 生 至 人 事 虜 敕 開 中 其 邊 者 隙 邊 虜 吏

公薨,京 親 葬。 侍 巷 州 父老 0 郎 哭 以 瞻 趙 四 師 相 方 等還言 膽 過 之民 來 率致祭,且 車 内 會 者 侍 罷 葬 省 蓋 一民 市 者, 押 以 而 、哭公 作 蓋 班 F 往 佛 馮 數 弔 萬 哀 宗道 事 萬 數 醬 甚 以 人 薦公者 衣 護 上 如 而 以 哭 其 嶺 命 致 其 蚆 户 南 其 部 封 私 歸

●「續」,原作「讀」,據《蘇軾文集》卷一六《司馬温公行

五〇五

詗 餘 人; 尤 哀。 而 炷 畫 香於手頂 像 以 祠 公者,天下皆是也。 以送公葬者,●凡百

《神道 碑

先 不怒, 堯 生 日 夫 每 十件 與 便是 君實只爲 司 事 馬 好處。」《程氏遺 君 只争得 實説話, 能受盡 言,❷儘 四 不 書 · 曾 件 便 放 己。 過。 逆,終 先 如 生 范

其惡

銢

伯 淳 未 自 甚 道 處 ,必是 時 「君實 口 用 有以 也, 之語 救之之術。」《遺書 病 自 甚 則 謂 非 如 所 人 參、甘 能 及。 草 觀 其 病

君 學。 實之能忠孝誠 是 而言之也 而 不 天資自美爾,皆非 或問 -知道 堯夫之坦 范祖 者。』信乎?」 禹 夷,無 實,只是天資,學則元 「或 祖 謂 禹 思慮 夫子有言: 學之功 E 「吾嘗聞之。」夫子有指 紛 也。 擾之患,亦 『人有篤學 《遺書》〇 不 力 只 知 行

> 宰相之才,所以 已,公以爲 。」蓋當 也。《劉先生譚 時 何如?」公曰: E 人多 畵 口 短 四 於才, 海 者 學術 未 所謂 敢 誠 愛 以 然,若 爲 圃 第 知

蘇 式。 内 西, 興授 相 徐。 不見公,莫 帝,子惠 子受命, 可 翰 公亦 聖神 馬。 之。 雄 馬二童。 作公《 我民。 如 無我,惟民 爾 其 無心,孰左 如 堯之初。 賈 相 我先。 神 于途,我耕 惟 孰堪 萬 道 何, 人環之, 碑 右之。 是度。 顧 一聖 太 神母 ×, 天,惟 師 銘 于野。 温 如 忘 詔 民自 民 曰 : 公。 渴 聖 己,惟 之, 赴 與 樂哉,既 擇 公來 IE 於 士 泉。 相 日 公是 皇上 项 時 我 聖 孰 自 F

0 「炷 道碑》改 原 作 注 據《蘇軾文集》卷 七《司馬温公

2 「盡」下,張本有「人」字。

或云: 二代以下,宰

相學術,温公一人而

思 年 服 哉 如 ·之思 麟 ,神考是懷。 既 爲 鳳 用 政 君 不 知公于異,識 實。 熱 年,疾病 不搏。 我後 天子 半之。 萬 子先,時 羽 年 公 毛 于 四 畢 功則 微 夷 不 朝 可 來 多矣。 雄 匪 失。 司 公之 狡 公 白 卒 薦

范太史祖 物 惠』者 東 衾。 水 公愛其文義, 公所服 止 于 堯 府 澹 中公在 清 夫銘 而 故其居 治 廟 先是,高平公作《布衾銘》 無 澄 端 之布 命 所 禹 ,神考之功。」 之不已 一者,右 斂 洛,蜀 好 作《布衾銘記》云: 明 處 衾 殿 取 唯 以 必必 ~,隸書 學 而 一公自 於 深 僕 有 3 書 土 其 德 衣 射 法 白 於衾之首 范 義 高 動 直 而 許 有十字。 蜀 若 平 覆 如 往 作 公所 公 利 以 矢, 訪 必 所 是 欲 之, 有禮 以 加 温 衾 贈 作 及 戒 端 日 贈 或 其 也 也 學者 寢 公於 以 之 清 其 景 文 • 疾 是 不 如 Œ 元 E

《范

之蠻 焉,一 屬 誠 爲 本 祖 爲 於 如 則 H 服 於至 祖 故 禹 此 天 枕 静 心 如 超 交,以 . 觀 禹 也。 夷 性 轉 陋 坐 起 絶 戎 序 其誠 公大節 一,泊如 自 誠 而覺, 巷之士,一 圃 古 狄,莫 其 公兄子宏,得公手澤紙 無 直 功 以 今。 (本末, 心 欲 乃 也 爲 被 道 與 終 起 0 適 不 天 相 居 天 始 其 讀 又 俾後 敬 下 室 與 洛 下 細 如 不 以 書。 , 内 其 蕭 信 行,雖 + 勉 以 圓 世師 德, 然, 之, 之 五. 而 忠 將 蓋 木 能 年, 服 嬰 告 圖 恭 爲 不 殁 故 公之儉云。 其 童 相 警 可 書 儉 若 丽 能 與二 名,唯 婦 益 枕 遽 猶 勤 盈 本于家 將 奮 女, 數, 不忘。 禮 几, 然 終 凡 范 皆 外 有 然 至 身 出 終 睡

五〇七

也。

公薨,執

吧

如

夫

人,哀

毁

有

加

焉

治

七之二● 諫議大夫司馬公

鑑 奏留 舉 贈 執 除,召爲著作郎,兼侍 書省正字,遷 叹 一,除直 明 右 政親嫌,不就 [諫議 或 奏充 經中第,授耀 公名康,字公休, 子 集賢院 大夫。 監 檢 閲 聽 校校 文字。 讀。 書 除 提 州 郎。 學崇 可 文正 富平主簿,文正 講,除 諫,未 元 丁文 文正公之子也。 福 豐 公修《資 宫 拜 八 左 E 而 年, 命 正言, 公憂,服 卒,特 一會疾 擢 治 以 袐 通

君幼

端

謹、性至孝,丁母夫人憂,勺飲

不人

口

者二日,杖而後能

起,見者哀之。文正

於公者

退

與君

語、未嘗

不有

得

塗之人

見其容

止,雖

不

識

,皆知其

司馬公之子

公居洛

十五五

年,

往

來

陝、洛間,士之

從

學

君爲講官,嘗上疏 初,文正公在 戚勉以 禁中 宗創業之艱難 付三省,而朝廷未 通 稍修官制 **嚮學**,守天 治療不愈而卒。 恩,悉以予族人。 喪皆用《禮 職 訓 事 草 導,其言切至。 肉食,終不肯,及免 下大 具 以 相 經 未 位 就 》家 ,積累之 一,與吕 Ė 器 歷 簡 范太史撰《墓誌 達有 法,不 以 陳 而 便, 蔬食 前 売。 又 IE. 令門 勤 所 世 又言:《孟 勸 爲 獻 勞,以 行 君 治 地 太 世 公及 喪、毀瘠 下、 也。 少而 即 F 皇 俗 其遺藁, 得 《墓誌 太 中 勸 同 事 亂 腹 后 書 上 列 子》爲 多 疾,親 羸 得遺 每 共議 及 省 於 祖 時 降

□ 「二」。原作「一」。按"原書目録卷七下作「七之一」 「二」。原作「一」。按"原書目録卷七下作「七之一」 「二」。原作「一」。按"原書目録卷七下作「七之一

之甚 恩 病, 諸 子節 詣醫告 日 無 力 書最 至 日 爲 則 所 所當言以 解《孟子》二卷。 願 「方讀《孟 厚。《墓誌 恨。 疾 恨 解》爲十四卷以 醇正,陳王道尤明白,所宜 速 不 矣。」 往。」來告者日 :「百姓受司馬公恩深,今其子 可 爲矣。 疾病, 聖 待, 子》。」尋韶 一嗟悼 日 召 没,語 會除 不 進。 一醫于 已,所 得 夕 諫 講筵官 君已病矣,猶 兖, 妻 不 職, 對 子 以 絶 鄉 極言 未 以 ,醫遂行, 優 觀覽。上 1編修《 受, 民聞之, 恤 不 而 報 贈 條 死 具 自 孟 賻 或

君篤行,内外淳備 欲 事 厲 大賓,動 E 前 君 嚴於 務 與 待 朋 責 静 友 族 難 祭祀,爲 有 非 忠信,久而 人委曲 矩 堯、 法 必 人潔廉,未嘗言 欲如古人。 舜仁義之道 周 望之色莊 旋,唯 益 親 恐不 《墓誌 氣 燕 得 不 居 和 財 其 陳 如 面 所 於 其 對

二朝名臣言行録卷第八

八之一 丞相申國吕正獻公

嵩 潁 月 神宗 閣 寺。 進 以 不 州 還 待 就 Ш 銀 恩 即 崇福宫。 制 補 臺 召試 公名公著, 翰林 E. 位 兼侍講。 皇 奉 山 年, · 召 知 知 祐 禮 初 郎 熙 爲 制 召 十年,起知河陽,召還, 寧 浩 年 翰林學士兼 判 還 字 中 治平元年,出 元 亦 吏部南 晦 經筵,辭疾,差提 進 拜 年, 士 叔,文靖公之子。 御 辭 第, 史 不 知 曹 中 就 開 侍 召 水, 同 封 講 試 知 除 判 蔡州 府 罷 館 知 天 太 職 章 駆 通 常 數 知

> 授左光 追 武 空,同 士丞旨 元 郎, 州 舉 副 提 E 詔 復 舉 符三年,復太子太保。 軍 徙 使, 中 純 拜 贈 節 太 中 誠 贈 平 楊 改同 尚 謚 度 太一 禄大夫,書名黨籍。 ,改端明殿學士 太 章 州 厚 書 宫, 云 副 (師、申 德之 軍 右 知 使, 宫。 哲宗 或 拜 僕 樞 又貶 碑 事。 尚 射。 密 或 元 -0 即 書 院。 公, 豐元 昌化 位 四 元 左 紹 御 年,薨,年 祐 丞, 五 聖 召 年 崇 軍 三年,拜 書墓碑 年, 三年, 中 兼 寧 山 遷 紹 除 侍 元 户 門 興 出 追 翰 參 年 講 初 Ż 拜 下 知 貶 樞 林 ·, 降 軍 侍 乃 建 提 定 密 學 司

公在 父回 爲 未 甚 相 潁 重 家 ,好古君子也,二人者皆寓潁,公日 逾 也 令子弟 年 ጠ 劉 歐 原 少少 陽 父 公脩 有 敞,博學有 時 爲 譽, 守。 待 公 高 初 (),脩 良 才, 厚 E 以 深 而 公

文 君 與 因 章 子 數 爲 相 之士, 之 爲 翰 從 風 朝 林 脩 學 廷 脩以 等 士 及 在 稍 ,薦 脩 位 公及王 稍 使 者 公文學行 愛公之 北 稱 公清 虜 刑 學 公安 虜 静 誼 識 間 寡 宜 中 石 欲 在 其 對 或 左 後 德 有 右 行 古 脩 家

歐 塾記 陽 公 傳 風 公當 及 俗 張 患 唐 又 薦 公、 士大夫少高 王 王 一荆 荆 公與 公、 正 韓 退之節 獻 持 公作 或 乃 欲 諫 薦 官 以 激 ıÉ. 勵 獻 家

公既 公 料 臨 及 公 所 業 謙 日 朝 領 中 獨 淵 个,令徑 南 避 第 被 默 知 褒 終 詔 卿 就 語 雖 大 無 敘 貴 恬 引 試 所 次 退 選 近 進 家 所 亦 傳 亦 人對 業 有 不 罕 朝 以 顔 赴 聞 便 廷 進 氏之節 殿 故 德音,公以 知 將 奏 其 召 事 宗 意 0 試 畢 ,不 心 時 重 館 小官 仁 帝 復 之。 職 索 謂

> 公爲 停之 傳 替 典 肅 決 毋 六 0 拘 民 郡, 郡 單 郡 訟 時 轉 率 庫 運 退 五 陋 以 以 司 鼓 雖 邦 就 爲 輦 故 符 起 也, 便 常 乳 郡 檄 坐 秉 公 無 香 督 後 燭 數 以 宴 留 迫 視 雖 愷 居 萬 事 竟 案 年 悌 , 斤 如 不 牘 而 高 齋 配 爲 爲 下 貴 政 賣 黎 賓 情 强 重 郡 明 不 寮 配。 通 中 不 嚴 至 出 者 凡 公 小 而 廳 家

宗在 微 講 淳 館 每 垂 會 同 尤 厚 論 以 紳 以 舍 月 日 餞 有 ·, 士 位 正色裁之, 文 爲 食 不 義 之。 出 久, 大 時 出 祕 任 流 天 廬 夫 賡 閣 外 然 舍 下 所 唱 不 下 官 際 皆信 敬 無 詩 喜 者 者 接 公 事 什 道 常 必 服 間 性 即 , 長 數 以 或 不 安 有 相 短 + 時 禮 設 笑 重 冰 以 英 棋 爲 謔 寡 就 平 爲 俊 言 踰 風 僧 酒 居 是 多 恨 波 度 以 舍 析 非 時 聚 者 相 爲 朝 老 着 理 風 於 娱 儒 公 精 盛 冒 夕 俗 文

玩 掌 ,公獨 禹 錫 被 未 服 嘗 不 以 潔 清 語 一言 戲 動樸 之, 《家 禹 野 傳 錫 多 至 爲 感 泣 所

貴 妃 醫 衆 事 察 引 張 亦 視 輴 氏 以 、公堅 薨 此 闡 益 追 有 稱公之盛 回 册 命 示 賜 即 起, 溢 歸 以 竟 德 家 獲 后 稱 免。 禮 疾 葬。 《家傳 中 使 公當 挾 太 攝

差 判 行。」以故 無 今天下雖 進 登 趨 聞 之意 鼓院 求 小 閑 公 康, 局 嘗 自 將 然 與 單 E 堯 以 州 介 遂其 舜之道 歸 甫 相 志。 益 對 研 《家傳 知 面 精 不 歎 講 口 曰 學 復

公既 之。 異,訓 者 事 事 危之要,聞 更 ,皆直言 侍 所 仁宗 經 以 子 詁 筵 深 之 得 嘗 之足 所 失, 戒 毋 時 詔 諱。」公因 後 不 仁 皆 講官 以 忍 世 宗 粗 言 戒者 人 春 陳 : 君 而 其 秋 進 凡 ,欲其防 仲 乃 略 高 講言 經 爲 尼 公 傳 書 F 至 於 所 於 反 微 「弑 經 復 治 載 杜 春 逆之 逆 傳 深 蜀 漸 秋 亂 陳 安 同

先是, 英宗不 公静 言 韓 故 將 觀 城 春 心。 不 嫡 居 日 正與 祀 至此 卓 ,恐君臣父子之間, 秋 魏 事 中 自 . 庶 安 無豐曜」之義。」不 上清宫火,壽 非 豫久,中 故《易 以 真 禁 辯 之分早 而 公於後閣 琦 當載之史册 公一 慮 宗 鎮 中 也 意合。」未幾,上 素 + 危 之, 己 迎 有 有 \approx 定, 日 有 真 侍 日 疾 外疑 使 則 九 大 アププ 讀 ()徐當 則 君 因 天下 年 禀 繪 星 以以 駭 神 劉 密 亂 臣 履 詔 殿 山 像 或 父子之道 白 御 原 臣 霜 報 垂 幸 人 自 陵 奉 建 獨 賊 父 後 堅 疾 0 甚 情 平。 謂 而 事 安 神 存 子 日 世 常 冰 有 便 朝 誉 9 波 御 瘳。 退 主 至 獨 因 魏 審 廷 無 不 公撰 建 素明 公 殿 ___ 謂 以 至 能 將 公 E 所 如 不 言 《家傳 於 神 爲 記 外 方 安 中 由 頷 行 荫 E 觀 道 壽 富 書 辩 永 其 長 , 碑 於 非 都 官 之 姦 唯 見 E 星 幼

詔 爲 講 者二五 始 内含、又滿歲、長貳學官 酒 獨 與 士 堂,立 科條 司 入學者爲 八員,分經 疏 可業舉任 馬 其 光 人,薦於 事 上之,不果行。 普 同定學制 一 外舍, 教授 略 太學官 專 欲請 朝 以 廷、覆 管 滿 學 IIII 錫 歲, __ 術 句 《家傳 光前 慶院 員, 試 官 行 「較内 較 及博 而 誼 其 專治 爲 已獻議 授 經行 無 太 舍之尤 以 十專委 規 鄭 拘 官 升 資 矩 增 公 考。 異 祭 即 于 博 置 具

英宗 嘉 以 統 奉母 納之。 造次廢 初 親 政,公言 后當極 禮 神道 則 碑 中 字 外 道 陛 瞻仰,天下幸甚。」上 雖 下 居深宫之中 以 宗 藩 選 繼 , 大

公每 爲 所慎 全安,多 進 天 地、宗廟 齊、戰、疾」。 講 不喜進藥 多 傳 、社稷之主,其於齋 經 義 以 會 公因 進 講《論 規。 言 語 「有 時 \approx F 天 戒祭祀 至「子之 躬 下者 猶 未

公於講讀尤精,衆謂 德,而 言: 講 世之 光 者亦 爲宗 間 怒則 深 德」,文王之『皇自恭德』是也。」上知公 政 任 慎。 必 又講「人不知而 同 令有 大守 須 切,每改容鞠 , 衆人之所忽, 聖人之 便覺己語 「在下 侍 冠。 有未 致 社 伏 至於人之疾病 不以 重,固 誠 所未孚,人心或 經 白愛, 尸 筵, 英宗嘗 見 盡恭,不可不慎。 流 加 愠 知 血 不 煩。」《神道 當節 怒 光 不 於 見 躬,如在 加之。 退 對 不 口 則 下 嗜欲 知 語 執 語 愠, 不 於 者 於上者多矣,然在 約 常 政 興 慎。」上 人 碑 也。 有 而 不亦君子乎」,公 在 車之式。 遠聲 所 稱 如 師 未 義 乎 其 舜 慎 動 故 服 明, 古之人君, 飲食起 善。 色,近 之 衆,不 欽 古之人君, 則反 況 每 口 納 《家傳 於 誕 闡 與 以 其言。 殿 晦 〈身修 可 敷 居 爲 司 君 樂 意 之 馬 當 文 不 叔

五三

自 從 術 之 若 之 公 下 臣 古 下 廣 月 或 開 一、乞候 以《尚 之。 類 虚 自 幸 願 宜 國家之術,非 聰 家 經 復 宗 甚 陛 E 親 置 筵 文 明 開 五 末, 疑 也。 下 究古今理 H 儒 近 進 至 至 率 儒 詔 開 惑 術之官 H 重陽 冬至 講 以 今陛 備 若 講 御 雅 即 ^ 從 濔 論 漸 徒 至 罷 罷 傳之四方 月 下 设設 帝 之。 英 語 亂 重 以 以 開 始 以 \equiv 陽 **>** 爲 歲 之 勸 公上 是 經 畢 初 \pm 後 循 要, 縉 講 祇 歲 月 筵, 清 日 之 講 先 之制 紳 。 詔 是 奏 猶 明 而 道 進 \wedge 帝 則 至 四 之美談 論 日 恐未 求 講 以 爲 故 重 勵 蓋 日 : 尤 語 Ē 九 \wedge 午 損 事 精 朝 尚 切 盡 身 月 將 臣 將 著 麗 不 圖 則 書 於 治 朝 以 竊 Ŧī. 細 治 治 聞 天 今 廷 開 Ħ 八 天 以

公爲 理 祭酒 舊 也 制 以 薦 太 舉學 學 爲 官 教 化 博 之 士 原 皆 故 嚴 穷 其 心 資 經

> 遣 名 臣 張載 即 土 條。 格 顯 家傳 博 於 命 即 限 駕 其 世 土 前 ; 皆 常 家 後 過 致 , 年齒。 之。 處 所薦 敦 秩 請 世 士 請 旲 於是 大 程 學 後 公 以 申、 儒 頤 官 王 數 爲 9 諸 陶 黄 隱 如 爲 太 王 生 用 履 居 論 學 王 存 始 孟 不 口 列 Ē 朱 知 醇 顧 仕 臨 冀 吴孜、姜 有 爲 臨 頤 公命衆 稍 聘 學 固 盛 爲元 寬 土 E 辭 僑 其 禮 9 祐 科 博 亦

南 言: 仁宗郊 興。」上皆遵 誠 郊 輅 學 郊、太僕 尚質,今之郊 土 與古之郊 立 英宗自 9 壇 無 下, 卿 雜 升 學 用焉 何 太 須 祀 輅授綏 士 如 廟 禮 盛 者。 徹 ?」公對 赴 成 儀 《家傳 南 黄 衛 至公始 詔 或 郊 道 事 朝 祝 以 中 日 物 陪 册 登 : 途 以 采 乘 官 虚 「古之郊 問 直 皆 ൬ 至 小 己。」 學 差 慎 今之 次 士 翰 因 貴 升 毋 林

執 政 本 Ŧ E 建 考 耶 ? 之 議 嫌 追 宗 及 宗濮 0 以 詔 班 太 下 安 濮 祖 稱 懿 E 爲 親 E 諱 皇伯 公言 於 或 考,豈 天 欲 F . 稱 9 皇伯 於 公 可 1 獨 加 考 宗 以 於 濮 謂 有

當

避

於

上

前

不當

與

七

廟

冒

諱

神

道

碑

御 誘 史 之不能 H 重 而 陛 9 一,未 誨 臺 下即 勿 F 等 官 太 遣 可 得 以 吕 位 去 内 迫 言 誨 以 乞 朝 侍 也 事 來 等 補 廷。 敦 去, 納納 六 外 諭 公 任 人 公 非 起 就 諫 以 復懇 所 職 之風 就 言 上 以 職 日 請 日 未 事 風 數 . 0 家 亦 麗 月 形 宜 居 學 四 於天下 徐 公言 又 者 方。」 土 乞 徐 朕 白 補 勸 争 餘 所

蔡 所 爲 時 水 泉 軍 + 統 誉 为 因 縣 + 皆 最 縣 爲 草 釃 於 汝 舍 水 陽 是 率 屬 宰 以 數 吏 政 溉 歲 人 事 民 修 人 田 一、公首 修 争 者 自 數 且多火災 T 飭 薦 頃。 之, 蔡 故 多 以

外

年

出

知

蔡

州

《神

道

碑

行 其 起,戭 孔 卒 事 公公 子 替 財 以 方 廟 爲 竟不 壯 命 材 固 殿宇 病 争之, 歲,棄官 用, 輟 起。 公至 其 圮 致 材 壞 《家傳 役 時 以 就 盡 所 公 會 修 養,公薦 變 己 事 前 之。 爲 被 集 守 瓦 召 度 而 郡 舍 之於 後 材 爲 去。 郝 畫 將 轉 朝 戭 夜 運 以 初 詔 構 督 使 有 至 僧 孝 復 声 廳

神宗 得 即 位 自 在 ,首召二公爲 瀋 뫲 即 熟 學 闡 公 士 與 朝 司 論 馬 翕 温 然 公名 稱 L 及及 之

御 批 得 因 又 史 知 日 言 公奏, 臣 安 盡 中 其 危 加 光 丞 廢,乞 利害 言 許 以 司 因 馬 言 不 邇 ? 陛 光 正 英 舉 由 下 於 臣 職 以 講 封 雖 一之罪 是 言 駮 獨 有 而 内 事 而 留 欲 賜 出 罷 出 以 公以 罷 治 光 正 公封 則 之 譜 則有 紀 心 諭 封 付 綱。」上 還 旨 駮 閤 責 何 之 門,公 其 公請 者 從 職 許 手 不 丽

不 己 竟 罷 封 駮 事 《神 道 碑

神宗 爲 明 善。」時 智言之。 Ŧ E 戒 睿 勇 初 智 智 御 仲 《家傳 上方 神 經 虺 然聖人之德,當. 筵, 武 上 方 富 而 稱 日 公進 於 不 成 : 春秋 殺 湯 講 何 能 者,然), 故公 以 尚 伐 獨 書 夏 如《易》 言 \approx 救 後 以 勇 民 至 好 口 智?. 一天 所 以 勇 故 謂 黷 爲 乃 以 武 盡 聰 勇 錫

知 開 之 後 覆 追 冒 奏。」 益 遣 取 者 封 堅 摘 府 仍 而 其 時時 不 詔 近 後 事 得 開 有 惲 遣 詔 己, 内 排 焉 使 侍 以 毋 復 人 持 《家傳 付 須 立 命 開 龍 覆 於 廳 奏。 封 鳳 禁 事 首 中 不 公言 少 飾 肯 竟 頃 人 去 覆 内 復 法 奏, 東 公持 遣 門 當 然 使

夏 秋 災者 以 至 淫 以或 誠待下, 雨 恐 京 懼 師 以 則 地 致 下 震,公言 思 福 盡 或 誠 簡 : 以 祁 應之。 自 以 昔 致 禍 人 上下 君 E 遇

貴

禮 皆非 官 唯先 易親 號。 遂 者 邪 偏 無 三代,何必 至 益 欲 説 1 聽 一誠 《神道》 古 Ē 尊 格王 之名?」上從之,遂竟神宗朝不受尊 用 唯 獨 不 所 八戒,蓋 而 號 陛 典,言曰 任 唐 亂 人唯 變異 碑 之弊 故 下 IE 於 公以 加 事 勉 厥 佞 顔 陰 恐 不消者,未之 至當之論 一,而 以 行 事 人 淵 長 不 之而 五 唯 問 之 五 不 蓋 合 陛 月 恐 月 爲 主 月 未 下 於義,則 朔 勉 不合於 朔 邦, 先人之語 爲 有 終 難 方 會 御 之。」《神道 事 越 朝 見。 有 孔 非 大 Ė 漢、 與 也 子 禮 其 君 慶殿 君 人君 而 唐,追 以 之 勢易 世 則 則 人 夫 會 受朝 碑 尊 遠 不 者 其 不 衆 疏 受 治 復 號 勢 爲 去 佞

拜 宜 御 E 奏 史 臣 日 中 竊 永 以 臣 夏國 早 對, 來 既 E X 不肯全 語 對 及 陛 西 下 歸 陲 論 二寨 事 及夏 ·, 公 故 或 退 地 事 而

家 幼 約 則 深 或 朝 患。 弱 廷 須 用 雖 唯 至 有 兵。 · 當 却 點 修 留 然 臣 嚴 綏 臣 爲 武 州 之 以 備 謀 事 向 來 主 勢 去 一, 亦 則 料 必 應 是 未 之, 能 難 秉 以 保 常 爲 誓 逸 或 年

待 勞, 保 無 失 利 若 臨 遣 大 臣 張 武

上

臨

軒

遂

以

策

試

進

士。

傳

事 仍 丁或議 慮 向 後 深 或 有 或 邊 境 求 急 奇 奏 功 乞 皆 朝 非 廷 或 静 家 至 鎮 無

宰 致 臣 驚 擾 臨 邊 其 後 而 公 西 去 征 位 無 未 功, 逾 士 年 卒 朝 · 内潰 廷 果 遣

爲之責 躬 肆 赦 ,皆如 公 所 料 云。 《家傳

公薦 知 邊 張 境 載 公又言: 修 利 身講 害 學,爲 E 載 特 老 召 矣, 歸 對 右 宜 土 以 任 人 爲 之 師 崇 以 表 文 事 院 且 不 校 深

報。 未幾 差 載 就 鞠 苗 振 於 越 州 0 亦 公 又

言 載 賢 者 獄 事 非 所 以 使 之。

公同 知 貢 舉 在 貢 院 密 E 奏 天 子 臨 軒

從。

《家傳

乞出 策 世 有 土 自 司 圃 宸 考 用 衷 較 詩 已 賦 唯 專 以 非 詔 用 舉 策 策 賢 咨 論 求 訪 治 今 治 之 來 道 意 廷 試 是 且 歲 欲 近

E 以 安 輕 議 詆 所 君 是。 法 又 便 賢 未 以 置 威、 石 詆 爲 用 (者,□ 公 流 便 提 秉 勝 有 其 ED 舉 俗 民 政 極 之 失 執 以 請 詖 今皆 常平官 論 置 人 其 以 政 下 罷 説 其 心 辯 實 反 四 河 而 以 司 不 而 謂 征 方 而 北 助 此 於 條 公有 能 可 利 能 之。 安 諸 舉 9 置 例 言 得 撫 爲 路 物 治 以 藩 者 會 使 0 議 非 者 商 心 爲 鎮 或 韓 , 沸 天下之 自 司 主 者。 斂 欲 謂 亦 琦 騰 占 農 議 散 除 未 大 論 昔 青 者 駁 有 以 君 臣 青 有 財 苗 側 H 脅 爲 琦 苗 爲 不 利 之 之 之 之 切 之 非 口 奏 不

0 所」下、《宋史》卷三三六《吕公著 傳 有 謂

ri] ° 待公素厚, 夫 心,每 公以 精 安 冀 以 悪 上,不見從。 碑》○又《家傳》云: 怨公,至以 叔 書於公 而 州 其 石 之語 識 又 見之矣。」又謂 所謂德人之容,使人之意 加 二年二月,公自 之罪 博辯 助己、公既 仕矣。」後安 四言 約 改 不 言 於 初 其 自 也。 訓 服 無譴怒意,顧公言愈切 有 E 治 險 勝,一 上奏乞 之。 文,同舍莫敢與之亢,獨公以 前 語 以 備 公初列 公自二年十月 命之, 莊 貢 以 中 客京 石秉政 除 安石出守 人 詣 院 公議 守情 傷 慮 遂 翰 職 長者,即 論 衆皆 師 館 林 面 極 晦 密。」安 10 冉 青 一、公爲 閣 公不 侍 曲 論 叔 即 常州 年 謂 乃論 上章待 錢 讀 也 其 爲 與安石友善 奏乞罷 法 安石 屈 學 廢 過 消 石 中 相 疵 執 前 T 也 上 · 吾於 然 失 至 水 政 派 吝 吾 後 欲 制 而 郡 贈 聽 然 章 置 積 輩 安 由 去 知 神 神宗 解言 +-條 反。 言, 此 於 石 可 晦 寓 潁 i首 數 例

制中 旨,使 覺語 行 郭? 事,且 今有此 브 忠 毁 公上 職。 初 士, 避 臣 其言,又不許 比 鏤 已曾 位. 亦 间 大臣之抗 且 固 知潁州。 加 奏日 無 圃 四 Ŀ 於制 一後二日 板 ř. 云駁 無 公。 去, 謂 命, T 面陳、實爲多病衰耗、兼 月 公亮 班 慮 覺 五日 執 決 則 1 難韓琦 設 天下,非 制 時 意 政 臣 节 敘 先是,三月十 於廉 亦 ,公人對 不敢 其 置 也。 當唐 除 舍 之義若既 古 韓 去 條例 因 人 非 耻 翰 以 琦 受。 然 陛 則 便 宋 末 事。 之節 爲 林學 是。一上 可 坐 既 下 於 五 敏 不 一公著、 復 於是 所以 取 之與 代藩 進 以 求 о П] 敏 當 、全然隳喪。 極 1: 韓 退 不 當 求 言 因 論青苗 兼 琦 日 肯 待勳 落 對 群 鎮 安石 孫 以 制 闸 責 侍 奏 因 ,諫官孫覺見上, 兩 行 覺皆 强 臣 爲 咎絳 講 疏 舊 執 學 論 乃 縣 之禮 mi 即 盛 H 事,而 士, 學 大臣之意。 列 巫 政 事 時 青 條 取 語 極 E 時 其 召 安 方鎮 · 步 其 不 黜 制 難 言 除 八或朝廷 亦 事 敏 見 覺 石 未嘗及 草 疎 寶 分 青 不爲國 翰 爲 , 乞補外任 水, 改之,有 明 謬 用 文 不當鏤 有 執 苗 差謬。 林 開 除 法 不當 侍 如 論 又 面 政 既 加 琦 學 思 受意 讀學 遂以 生事 青苗 不 不 琦 以 不 板 也 F: 載 況 聽 朴 嗤 能

矣。」上 政 條例 二 二 甫怒 公,謂 得罪 抃在中 若當唐 使之明 公日 七日 自以 日行 謀; 介甫因 叔 上言之。 事獨覺當言及 一 十 爲 「萃老嘗爲上言,今藩鎮 中 録 || 云: 深 「吕公著賞言韓 明 不 而 ,吾曹當引去。」公罷 不 四 希續 時 著其 · 便。 駭予 末 用 丞 罷 得 書 日 日 孫覺 五 及公力言青苗 忽有 記 一, 與 其 此 日 進 聞 以 代之際,必 語 爲 介 後歲餘 既 職 曾 尚 星, 爲 晦 甫 介 爾。」然後人乃知公未嘗言琦也 而 乖 即 丞相 艤 旨 甫 前 次道 晦 叔 以 天 改之。 舟 事 因 放 罪 與 目 叔 晦 下 琦 理之實一者,安石 希 平 朝 事 成 晦 紛 但 皆 也 將 叔 除 有 績 居 求 東,覺素忠厚,乃謂 辭不許 紛 叔 云 患 叛己,怨之尤深。 興晉陽之甲,以 法,二人乃 晦 興晉陽之甲 知 自 五 竊 罷 素親, 特 條 潁 叔 瀛 日 語 掌誥,從之。 「敷奏失實 大 又《聞 例 欲 州。 人對,令便赴本任。 州 ,趙公遂如 素 深 臣 患臺 司 罷 審 如 不悦 爲 發 次道當爲告 見 官 相 謹 民 此 以以 練多 兩 與 歸 録 邀 更 論 害 豝 陳升之所易 實 <u>></u> 除 援據非 除 過 日 耳。 張 初, 横 約 列 人日 無 ᆫ 晦 君側 君 議 北 事 而 再 側 趙 此 膩 叔 Ŧ 〇又 詞 亦亦 故 曹 都 上 須 之惡。」 之惡者 語 宜 清 F. 乃 宋 挫 見 表 獨 荆 介 語 復 用 間 獻 敏 韓 公即 折 凡 座 也 咸 甫 温 執 言 晦 魏 爲 公 求 公

> 半年 平。二 公也 與 君 而 如 側 吕 遭 此 挫折 申公 及薦申公爲中 之惡者矣。」上 所 蓋孫覺幸老當爲上言: 論不同 素 ,若當唐末五 相 厚。當 復 謂 丞 己 有 日 其 代之際,必 忘 ·驩兜、 辭 其 吕 以 人, 恭 謂 + 「今藩鎮 但 六不作 工之姦。 有 有興 記 八元 美鬚 大臣 晉 相, 陽 八凱之賢,未 荆公之喜 之甲 誤 天下 如此 以 不 爲 以 論 怒 申 除 太 列

公至潁 《家傳 搏 法 民 ,集郡官置局,公密爲 争陵鑠 爲己任。 時 部 舊 使者 會提 臣,公 皆 舉官 新 ___ 進 朱 不 申 年 紘 與 解 少 之 王 較 因 潁 輕 得 議 專 鋭 免 以 能 役 庇 擊

彗 前 土 此 有 星 治 欲 之 任 見,詔 H ,日已久,左右 舉 邪 事 治之心, 之臣 之,以爲天下之至賢,後 E 求直 賢 不肖 負 言,公 而 陛 無 前 蓋 下 致 素定 後 疏 也 治之實者, , 莫 也。 何以言 敢 陛 Œ 今 言 下 之? 日 則 臨 何 逐 陛 朝 下 願

乎 之爲 亦 陛 也。 以 而 下 ?: |《神 未 爲 政 常常 垂 天 異 年 拱 則 下之至 於 道 初 仰 而 碑 於 七 不 成 鄭 政 年 信 人 不 事 之前 七年于兹 民 怨之,三年 肖。 者 亦 有 亚 也。 其 之, 戾 於 矣, ௱ 陛 人 而 鄭 不審 才 輿 下 鄭 之 獨 人 人之誦 子産 矣。 既 、歌之。 不 反 察 是 古 覆

官 募 月 遷 以 年 爲 或 王 山 安石 未嘗 監 取 公至 人 家 水 居 羨 所 爲 月 倉 西 可 募 餘 間 差 都 庫 終焉 河 吕 謂 人,實以 人 陽 衆 惠 退 世 知 孟 等錢 時 之 人 卿 臣 河 就 所 計。 謂 陽。 相 閑 統 役 且 軍 繼罷 公 散 法 千 五 主 公曰 吏代役 不 初,公罷 贵 縣 已定,類 九 上 去 見 歲 待 吾 白 用 果 「不然。 吾 取 所 於時 復起公。 又有追償舊 潁 + 不 於民 欲 多張 薄,不 七 哉 當當 領 緡 者 崇 虚 吾 放 有 數, 福 及 幸 於 丽 懷

> 寬下 時 牙 盡 《家傳 公爲 前 校 重役 户 取 活其 之輸 於 錢 民者 數 五 錢 以 干 者。 告 遂 五 于 爲 白 詔 定 朝 緡 付 數, 請 司 然至 歲 農 切 輸 是 竟 之無 蠲 所 不 之,以 償 己。 E

熙 院 之罪 實引 公昌 歎 者,皆 宅 寧 往 袁 民 過 宅,不 也。 來 於 四 康 不 衡 申 白 薦 也。」十年 年 數言而已。 堪 新 節 康 師 至 率 公寡言, 申 甚 進 命 以 節 此 子巷 温 公以 險薄 矣 宏 疾 E 尚 公、 ! 壯 不 春 . 張 之士, 提 何言 一、公起 Ŧ 赴 程 時 見 文 舉 康 伯 荆 康 節 介 日 嵩 ?! 公 節 明 淳 甫 公 節 相 天 9 知 Ш 餞 對 日 用 温 者 下 宅 必 河 祟 於 康 騒 從 作 事 陽 公、 遠 西 伯 福 福 節 容 曰 : 然 人,公與 宫 淳 申 隨 推 先 河 長 居 語 寺 終 南 申 公 行 歎 高 「公著 洛 康 公 時 尹 新 日 下 F 君 所 節 東 爲 買 法 亦 相

知

此

而

常

以

知

人

安民

爲

志。」上又言

上

日

.

堯

舜

豊不

知

?」公曰

堯、

舜

雖

大喜 肯爲 門 二公出 云 以 自 也 樞 深 都 顥 H 一,不得 大學 意 下 密 門 . 以 侍 副 獨 在 詩 用 開 初 處爲有優 君 不歸 見録 郎 1 使。 蒼 IE 餞 解 實 故 人端 知 見上。 生 行 之 IF. 》〇又《出 朏 與 楊 0 獻 後 日 士 劣,先生云: 温 晦 公水 相 州 以 司 公 叔 6 繼 願 資 馬 申 屏 席 在京宫 並 TE 得 公, 哲宗 政 伏 公鎮 雜 上 相 龍 賢 争臣 Ē 殿學 É 志》云: 各 元 閑 人均 裥 即 意常不樂 γpJ 祐 卧 也,不得 不 位 以 如 土 陽 洛 或 明 出 拜 此。 如 間 知 歲 波 出 不 處 以 伯 不退 然, 定 餘 吕 左 清 , 程 淳 爲 公, 州 派 Ŀ 諸 處。 先 之詩 召 始 此 世 Ė 意 賢 生: 遷 又 拜 知 H 始 煮 不 臣 以

辯 論 處 不 澶 德 力。 弭。 群 伏 州 儼 惟 至 東 御 所 唐 一誠 疑 陛 聖 見 曹 然 以 久 遄 太宗能 下 以 昨 村 憂 雖 加 致 應 群 心 聖 功 此 Ė 敬 治 來 埽 民 側然 不遲 臣 信。 見 下 未 德 決 者 澶 進 以 仁

説 權 以 罕义 智 其 遇 能 能 臣 虚 出 下 己 E 從 意 公 至聞 諫 日 耳 : 0 公言 太宗 上 臨

愛物之心 天 竭 踰 州 爲 河 《神 力,遂 道 即 厚, 時 曹 復塞。 聰 議 道 人 而 村 出 碑 F 明 閉 有 埽 一, 濟登兹, 自 者 塞 成 決 H 公 天 相 潰 口 監 奮 因 患 性 神 不 自 在 進 不 全 實 助 臨 欽 下 獨 規 閲 由 河 下 畏? 斷 日 殆 棐 歲 衝 陛 御 非 忱 出 注 下 IIII 恭 輔 有 臣 人 尋 於 Ш

0 遊 此 在洛 E 都門 獨 餞 行」、《 邵 氏 聞 見 録 作 幾 歲 優

邇 英

進

讀

E

留

公論

治

道

遂

及

釋、

老

虚

寂

之旨。

公問

E

堯

舜

知

此

道

乎

?

- 2 賢」,同 前書作「二」。
- 始 知深意在」, 同前 作 時 同 起

慕 蓋 利 謂 六合 合 功 雍 貫 執 加 及 猶 決 能 有 有 古 將 泰 蔽 六 聖 萬 下 以 山 臆 H 推 多 藝 行 乏 人 以 和 世 陰 絶 心 極 度 月 詩 從 内 將 廣 之明 類 德 親 欺 焉 簡 於 則《易》 恕 而 末 美 所 然 以 而 賢 誣 有 鍛 以 虚 布 減 應 謂 盡 報 至 道 臣 士 上 練 及 天 以 德 雖 規 奉 近 高 願 干 受 所 地 人 光 昔于 拒 施 臣 群 之義 日 智 陛 天 百 禄 謂 物 人 大子 之量 惠 任 以 下 下 下 數 燭 下 王 ō 百 公,一 自 無 人, 起 無 輿 雖 于 古 雖 孫 福 惟 接 而 狀 天 詔 誠 情 聖 宜 不 以 必 威 0 陛下 謙 人, 子 祐 獄 非 震 性 郡 受 崇 獲 況 肅 有 不 孫 之,吉, 以 凡 恐 備 起 之 加 得 福 逮 群 萬 忍 財 得 干 自 庶 , 精 之, 獄 忠 口口 無 近 乘 幸。」 以 比 億 謂 庸 牧 厚, 列 致 之 吏 疆 頗 濟 猶 無 事 不 至 3 妄 者 尊 誠 耳 竊 學 保 臨 不 事 無 得 復 施 所

> 傳 得 嗣 月 一、公人 近 未 廣 臣 、公辭 盡 對 規 上 之 順 義 迎 面 謂 0 意 時 公 切 獄 E 故 犴 L 寖 覽 深 蕃 卿 納 所 焉 而 奏 上 《家 繼 深

初 敢 然 迕 馬 侍 德 既受 公還 命 日 集 慈 公 佞 執 之門 . 温 後 聖 史 出 内 自 「公之 公皆 竊 命 政 光 也。」司 知 朝 於 出 河 視 也 獻 賜 事 土 出 酒 陽 白 在 0 其 太 物 外 名 果 殿 大 人 姓 洛 中 器 皇 乃 馬 門 德 殽 夫 朝 之 謝 温 光 \prod 太 聞 饌 未 甚 聞 武 幸 日 后 都 公亦 獻 公登 欵 敢 驚 豐 于 夫 闡 也 人 意 有 識 遽 喜 0 腆 衛 天 環 公 樞 也 以 皆 司 望 珍異 卒 進 下 至 觀 富富 此 供 書 有 登 9 是 時 皆 得 具, 遺 尤 相 然 進 慶 公 富 土 就 於 歡 都 喜 嘗 謂 寓 諸 韓 輿論 抃 民 宴 下 日 宫字 忽 以 書 執 公、 賜 咨 相 友 直 爲 報 政 之。 慶。 嘆 道 慶 皆 非 拜 司 積 此

詔

以

程

顥

同

判

武

學

諫

官

李

定

以

顥

常

爲

御

職 其 \Box 0 猶 力 晦 傳 辭 叔 進 光 用 不 敢 天 下 致 当 書 喜 君 以 宜 爲 勸 治 之 表 早 就 聞

公既 非 排 來 榆 大 國 奏 格 就 朝 唯 家 , 指 職 然。 知 廷 之 後 拳 爲 論 利 當 拳 數 臣 泪 議 以 也 納 壞 日 老 不 次 忠 法 百 於 樞 收 願 度之人, 閑 以 臣 端 用之。」《家 陛 報 外 奏 人 下 事 恩 良 蒙 加 車 遇 不 士 陛 意 傳 可 獨 下 省 例 自 復 留 收 爲 煕 用 之 小 寧 謝 桑 此 以

E 繁,肉 則 村 充 政 初 議 議 死 肉 即 罪 復 位 刑 .辟 置 囚 遂 公 不可 韓 試 睘 以 行 絳 矣。」 土 爲 復 即 以 衆 建 劓 議 將 以 議 後 刖 竟 有 爲 復 世 得 公 踊 難 肉 禮 寢 貴 日 行 刑 教 屨 . 未 家 賤 至 王 刖 傳 備 珪 之 是 而 欲 譏 而 復 不 詔 取 刑 死 開 吴 獄 執

早 其 蒙 以 正 津 後 列 議 爲 而 見 未 其 日 輒 史 己。 熾 用 皆 自 知 陛 愛 公 擢 論 論 唱 論 加 兼 於聖世 盛 知 君 卿 下 和 及 在 新 辭 廣 小 所 久 而 之, 臣 所 法 雷 許 士 判 樞 益 則 狙 人 意 士 除 品 夫 言 照 同 或 别 府 守 齗 忠 其 亦 善 疏 武 一,其 區 嘗 者 忠 之 Ī 齗 厚 不 通 立 中 學 承 丽 所 邪 向 必 心, 於朝 奮身報 罷 身 可 蓋 謝 差 训 慮 不失臣 之道 其 以 公之士 且 忽 行 之。 之 附 遣, 亦 者 愈 所 爲 其 廷 己, 也 會 日 不 久 措 讒 在言 不 亦 或 法 公上 少 頗 子 素 圃 意 不 而 令有 可 説 況 未 0 蒙 愈 未 之 益 有 姦言 者 路 敢 殄 如 疏 爲 非 然 難 體 開 必 本 明 顥 行之徒, 日 所 縷 仕 E 特 直 則 自立 在 納 者 末 汙 者 陳 同 宦 欲 人 時 使 時 行 甚 否 細 深 之 輩 講 陛 固 蓋 得 有 臣 故 5 H 要 然 梗 復 學 向 論 下 卒

家 傳

初 公因 將 能 譏 能 事 弼 \Box 恐 自 掛 申 明 臛 罪 岢 治 吏議 主 直 理 不 乃 陳 獄 , 近 者 間 然 在 世 則 者 皆 當 儒 五日 在 例 兀 狃 自 隨 獄 不 而 帷 方 自 以 古 事 得 事 不 幄 疎 Ħ 承 在 公 其 自 被 之 服 强 遠 朝 卿 誣 時 承 間 之人, 廷 被 不 大 請 致 也 臣 也 罪 囑 朝 宜 者 日 今 廷 何 遭 或 有 被 望 吾 家 有 以 謂 枉 所 傳 誣 生 風 濫 自 濫 公 陳 畏 治 罰 以 明 加 而 却 世 公 之 ? 不 不 輔

諜 於 伐 告 以 是 與 或 爲 罪 或 確 刀 上。 時 E 如 躁 孫 素 謂 之。 義 詔 中 月 此 爲 元 E 夏 公公 然陛 帥 出出 切,乃除 乎 公 出 事 進 公 既 中 未 左 E ? 固 公下 IE 使 用 ? 公 日 右 宜 其 退 退 以 僕 日 . 下 TE 主 爾 未 薛 宋 公 韓公鎮爲 白 西 射 典 欲 員 秉 今 得 又 汗 日 用 遑 恭 師 刑 之 興 常 如 樞 其 官 流 臣 敏 : 加口 無 0 罗 制 弔 Ŀ, 諜 人, 浹 等 府 公 制 其 功 會 日 所 0 伐 背 者 三人, 方 任 白 對 他 新 公公 改官 則 謂 今公 之 奏 以二 所 歎 事 行 哉 不 大 師 日 <u></u> E 家 府 日 制 故 如 臣 遽 有 所 員 . 奏 傳 議 未 則 公 不 者 章 去 乞 溢 爲 用 以 外 大 公 舉 審 假 夏 総 員, 制 爲 解 王 奏 病 得 舉 以 乃 人 此 相 榅 珪 皆 不 E 毋 五 兵 而 何 誠 敢 以 務 能 以 蔡 謂 面 近 年 有 以 誳

E

以

慈

聖

既

升

袝

大

推

恩

於

曹

氏

凡

進

官

被

言

Œ

中

書

\$

自

宋

興

以

來

未

嘗除

況

不

帶

節

度

使

即

宰

相

也

非

所

以

寵

外

戚

0

乃

以

節

度

使

兼

中

書

今。

公

大

言

:

女謁

寵

外

戚等

數

事

൬

已。上上

深

以

爲

請

尤

資

政

殿

學士,出

爲定

州

路

安

自

舌

È

或

蜀

家

過

親

小

人,

任

宦

官

通

賞

者

目

餘

人,

且

欲

以

佾

爲

中

書

令。

之。 百百 李 政 定 無闘 出 昌 潞 之,亦不 如之何。 以 著 是 涇原築寨 閣 撫 記 州 憲牒 留 公上 師 晦 ١, ١, 爲 使。 闡 後 心心 叔 解 開 仍使 廷知 \$\frac{1}{2} 禹 朕言之,他 亦言 TÎ: Ed 會 州 都 無 能 中 玉 輔 七卒 内 倉 枷 間 轉 及 集。 人 西 迎 必 陜 稍 高遵裕既 侍 臣 庫 其 騒 知 運 亂。 師 顧 逼之,云: 前 西 永 以 不可 押 蓄 前 然 縣以督之、不能 司 之憂矣。」 不 命 木 直 一上始 積皆 好 班 樂 出 П 巡 復 於 抵 相 李舜 . 語 ,上不懌。 寒 檢 調 帏 聚 夫役,下 鹼州 城 罷 悦 竭 信之, 舉 凍 人 邊 夫 V. 受密 舉 縣 歸 之 陷 群 舜 以 未 餒 栅 0 尉 攻 É 民 天 死 舉 臣 於 饋 之可 召 逼之, 詔 涇 嘗 集。 奏 詔 晦 亢 f 莫 者 疲 Щ 日 晦 糧 原 諭 豐 及 叔 朝 澤, 遜 敀 什 至 弊 叔 來 民 以 若 以 Fi. 則 X 知 廷 Hi o 野 Ħ. 尉 必 也。」《家 岩 VЦ 乏軍 年,李 不 爲 州 和 更不調 請 執 以 **州勞之。** 謝 六,存者皆 E 取。 受調 郊 挺 雇 上泣 解 獨 邊 之。 此 通 3 特 興 爲 機 欲 事 西 判 詔 憲 山山 夫。 闘 名 務 H 舜 樞 開 屬 京 ψî 斬 獨 請 Ĥ 從 傳 此 押 舉 留 州 詣 之。 即 密 往 都 H 發 至 片 憚 天 必 守 卿 班 詣 除 副 縣 縣 輒 運 給 兵 行 是 章 公 大 及 文 先 知 使 無 督 歐 使 錢 Á 又

> 代 臣 夫之辱 禹 ıE 宜供 玉 發 也 禁 慙 庭 相 公當 洒 掃 國 之 職 ൬ 耳 以 登 邊 可 事 當 屬 將 帥 内 之任 臣 邪 可 平 闡 者 内

公至定 事 之意 爲 誦 者争 Z o 違 法 Ŀ 不 中 。」不 敢 誓 戰 新 屯 或 也,請 軍 州 法 行 是 獻 弛 約 遣 與 謝 北 時 備 邊 素 聲 被 契 朝 伐 以 表 人 L 有 邊 達 丹 時 之 廷 曠 日 切 習 委 皆 節 於 通 • 方 以 策、公至定 官 戰 罷 公 制 設 虜 好 經 教 進 法 去 處 教 久,邊 唯 武 保 人 虜 不 於境上 場 其 專 宜 甲 事 人 檄 敢 事 以 静 境 邊 傳 日 增 希 武 修 舊 以 晏然 鳴 郡 誦 公 功 修 城 弓 非 鎮之。 即 金 以 而 邊 池 即 箭 管 以 爲 鼓 無 爲 備 生 , L 手 7 爲 上言 生 事 建 奏 課 保 法 寓 摭 趨 大 以 從 **今** 甲 實 寒 時 退

- ●「罷」、《凍水記聞》卷一四作「敗」。
- 2 此條,洪本、張本至此完,下注「並家傳」。

者 蒸鬻 足 其 役 借 城 H 悟 間 期 以 市 倉 墓 於素慮 城 使 付 絲 中 漸 給 以 中 即 中使 即 持 城 歡 人 定 幾 然公素静重 就 緡 Ŧi. 詔 壞 故 持 中 呼 錢 州 萬 廢 機 吧 築 民 公寢 至 旁 者,猶 爨。 0 織 故 兩 者 挺 居 而 者多 垣 午 供尚 公之未 公上言:) 去。 其 若 於 民 皆彊 直 公命 毁 城 事 力 再 三百五十二 道 不 方, 寡 僧 界 四 其 猶 樂。 行 致之倉 擒 言 舍。 門, 公 其 至 所 中 收 E 口〕 中 也 域 預 占 日 辨 加 接 又受旨專 市 民 承 所 民 中。 戒 地 前 復 對 一,所以 有 受 中 有 遣 人將受害。」 煮 今已 有 所 獻 有 楹 受 以 陸 卒 世 民 市 廣 計 常 司 命 車 中 葬 號 矣, 供 盡 董 涉 者 增 禮 中 乘 經 被 於 謹 泣 皆 杖 陶 倉 夏, 市 然不 因 始 倉 中 無 勑 薪 帝 請 先 發 倉 詔 假 西 民 餼

> 之力 聰 熙于 定 唯 張 公 斂,八曰 四 益 别 定河 ",類出 坐是 明 州 州 也 所受已 度 講 差驍 也 光 。」奏罷 地 城 . 朔 學, 明 降 興 一省刑 衿 於 建 臣 武 不貲, 日 正 築 五 日 喉 邀 小倉 待 卒護 之。 畏 議 且 日 新 之要,●莫先於學。 功 罪 九日 天 大 任 四 以 生 又 又 講 送罪 中 夫。 一賢, 年 足之。 新 事 益 讀 既 去 曰 者之言, 人,違 蓮 數 僅 奢, 六 先 以至于大 愛民 倉 被 日 成 是 條 公日 + 徒 沮 納 上 所 日 朝 諫 + 多 費 面 降 六 無 狂 治者, 日 非 公私 議 公日 就 年 學有 今二 七 所 逸。」居 -,遂 修 公意 西己 以 日 欲 身, 法 薄 裨 學 緝 奏 大 申 無

按: 言日 洪 本、 「喉」下, 張本作 人君即位之始,當正始以正天下, 底 本 哲 闕 宗 即 位 「之要莫先於學」 公爲邇英侍讀。 修德以安百 始 前 至,上 闕文

0

之日, 何 或 事 薄斂之略 口 月 用 必曰 餘 周 於 徐鉉 記 武散之以 F. 當 利?」〇 除 書言 <u>*</u> 日 時 (質論 執 + 爲 今上 政 义《上 得 事 君 鹿臺 民 之道 即 初 皆 遂 位 成 據 蔡 之財 由 E 倚 毎 經 幾 語 是 篇數 直 獻 以 觀之, 録》ム 無 鉅 言, 公初 爲 出 千字 橋之粟 此 不 人主 相 自 爲 + 後 申 維 浮 篇 公初 當 删 揚 商 辭 神 務 改 召 미 紂 虚 召 道 仁. 還 極 爲 聚 説 還 碑 簡 義 松平 之以 人 而 筵 君 不 E 其 0 브 座 止 論 又

右

銘

太皇 之士 法, 侵 至 而 民 即 覆 民 太 力 位 民 或 爲 爲 ,使 愈 之 后 切斥 意, 先 遣 木 初 講 難 今 使 求 矣。」 去之,故 臣 其言 問問 网 陛 既 天 爲 省 下 公所 圃 下 學 又 不 諫 既 秉 ·之利 士, 日 便 欲 官 政 深 H 者 言,公奏 未 者 **\$** 知 久 害 備 唐 臣 其 建 而 指 上 德 弊 議 弊 草 以 下 宗 愈 變 詔 爲 院 誠 協 拒 舊 : 沮 御 得 以 力 法 諫 史 壞 中 法 寬 先 而 主 幾 爲 省 帝 IF. 新 以

> 察 施 者 行 不 許 神 道 言 碑 事 恐 未 合 先 帝 本 0 後 卒

官 初 遂 多不 執 下 制 取 政 臣 尚 爲 旨 事 也 政三五 與 故 省 IE 書 而 議 乞事 事 並 各行之。」遂定爲 如 「奉行 建 同 《神道 日一集都 干三 及公秉 , 舟 而 而 共 碑 一省者 中 己。 濟 政 書 堂、長 獨 自 當 公 非 令。 爲 有 一 心 日 今 取 官 . 故 執 《神 旨 「三省 並 專 日 政 之 決 道 力 聚 同 地 都 均 同 進 以 列 修 輔 門

公始 若 水 其 患 佐 蓋 早,而 之矣。 詰 詔 其 與 欲 費。 青 鞭 墨 司 笞 苗 馬 記 貪 故 有 光 之 四 言 散 欲 害 司 輔 夷 具 以 奉 更 政 在 求 以 則 行 而 於是 利 彊 , 失其 日 未 而 中 暇 口 至 共 或 考 + 常 與 本 推 之 者 平 旨 阜 已 本 七 泉 「先帝」 有 蕃 更而 先 八 若 穀 邦 帝 干 未 之 財 或 以 固 事 定 意 禦 嘗 以 失

傳》云: 讙 體 回 嘉 罪 則 保 圃 后 公 無 地 夫 拯 E 與與 甲 祐 緒 ",其 爲 疾 用 呼 利 救 死 朝 教選 去其 賜 之備 于 鼓 差 有 傷 戒 事 司 之 更新 太皇太 廷 責 家 役 志 舞 之 者, 用 弊 邊砦 不 以 不 以 參 者 異 以 小 兵之失 啓 官 得 后 輕 比白 而 議 便 改 爲 則 吏, 與 建 制 不 寵 間 民 農 、 募 役 不下 者 便 贖 日 數 今 諭 請 以以 任 四 蓋 之 作 亡 執 . 然 人 以 方 其咎。」 無 而 責 則 不 政 覈 者 民 除 罷 後 常 沮 罪 日 口 大 償 日 貽 + IE 一、「民 定。 議 市 保 平 置 同 勝 和 被 傷 : 譏 萬 吏治,至今 易 救 救 者 馬 舊 數 數 西 笞 漏 後 《神道 間 南 之令,寬茶 其 法 官 以 Ŀ + 有 戌。 箠 養 世。」於是 細 安 弊 則 復 改 制之 保 萬 司 司 者 碑 馬 監 大臣 青苗 西 有 於 馬 太 人 失 衆 滯 牧 師 甚 是 頒 於 損)又《家 光 皇 以 F 太 既 民 以 死 鹽 損 行 死 兵 則 或 責 爲

之風。 紙毁 至于 悉以 至公則 苦,宜 曉 叔 若此際復不廷 厚,天下 之,使觀聽不 H 病 屬,力疾 爲 自 公意以爲,法之害於民而不合於先帝本指者,當以 施 事 將 中與 矣。」〇 便, 行。 以當二官 百 身付醫 此 當 早 而喜遂非。 何 端 不 公簡 人無 吾 ·罷之。 人對 俟 仰 循 今方 义日 識 於大行 服 乎? 至公,豈可 晦 「家事 大任 光 日 不服。」又 改 争 意 矯 叔 意 匝 臣 圃 事 老 以 以 革 切 恐 母母 比 介甫 致 晦 付 民 實 其 謂 乃 爲 語 忠直 H 所言 子 蹉 叔 康 利 弊 峻 如 出 得 不改?」又曰 朝 文章 跌 以 也 自 日 及 不不 惟 何 來 土 疎 秉 廷 結 殂 民。 新 ? 則 未 大 國 庶 特 國 遠 節 髮 法之不 幸 謝 逾 物 人 行 事 所 宜 政 義 志 介 讒 ൬ 彼 年 未 論 無 所 £ 優 學 甫 平 温 佞 過 朋 而 頗 有 以 封 立之法。 便 加 壯 謝 公 幅 矣 更 人 所 譏 生 於民 自 事 厚 「爲 時 世 張 輳 付 所 處 晦 効 丽 禮 數 以敗 反 ᆫ 今 幾 藴 政 其 行 叔 萬 者 光 荷 於 病,不 以 盡 多 之, 莫 覆 壞 慎 通 自 É 不 是 民 亦 振 之 如 病 嘿 H 付 端 但 屬 施 奏 間 起 0 宜 度 太 能 至 徒 以 政 次 性 疏 浮 於 於 方 温 以 不 來 過 朝 府 必 以 薄 晦 忠 Œ 以 不 4 公 相 時

公與温公同奏舉河南處士程頤,乞特加召

郎 子 校 政 而 命 監 事 書郎 待 居 崇 褒貶 尊 不以 政 授 殿 亦 及 不不 次。 不 人 説 在 物 就 就 書, 朝 俗俗 门口 0 廷, 乃 以 己 又 士好 受 以 丽 以 爲 命 天 召 爲 潁 進 下 對 宣 州 2者,嫉 議 自 專 便 德 者 任 殿 郎 練 謎 之若 推 好 秘 拜 頤 論 通 書 辭 説 直 省 或 卑

公上 之盛 糧 之道 如 冒 輸 使, 何 共 以 粟 奏 此 河 廣作 塞 供之? 亦 日 北 攻 可 莫 : 訪 支 雖 沿 不 先 計 聞 m 臣 邊 不 過 於 置 算 足,守 西 竊 來 乞令陝 積 一,使沿 請 大 陲 年 以 則 穀 約 自 錢 o 禦之, 自 則 貨 有 兵 邊 若 古治 西 臣 有 於 + 興 皆 緩 經 嘗 去 餘 京 增增 後 年 急 戍之策, 略 任 則 師 糧 至 及 更 定 司 \sim 備 今, 9 9 添 兵 五 蓋 與 故 州 之。 屯 法 年之蓄 能 轉 所 路 \$ 雖 軍 \leq 運 儲 商 致 安 爲 馬 備 代 司 撫 軍 此 旅

爲弓

手、

執

賤

役

既

不

許

募

代,

甚

苦

之。

兩

蜀

諸

路

民

有

高

貨,

或

子

弟

業

儒

皆

當

東

南

及

先是, 公議 數人 定, 奪。 竊 舊 大 危。」乞賜 國 事 尋 法 專付 雖 司 以闡 凡 欲 故 也 詔 馬 大 役 望 當當 事 温 付 裁 人皆 詔 選差三 好 公 省 與 朝 酌 戰 省 L 樞 9 以吕大 廷 不 施 不 必 疏 施 密 有 行 數 T 許 復 論 共 行 大 。」從之。 雇 令密 ; 免 之。」公 防、 論 天 人 役 蔡 詳 議 韓 下 以 院 法 派 定 代 雖 維 預 五 《家 L 相 多 聞 平、忘 議 建 害,乞變 奏 選 然 范 傳 奏。 青 日 近

:

臣

從

此

戰

必

竟

不

能

自

容

III

去。

《家傳

温 者 温 公在門下省 舊 公意欲 皆 放 州郡 罪 建議 慎 無 聽 以 : 獄 懲 天 謬 而 下案 妄 官 吏 請 牘 荷 悉 有 避 勘 不 譴 應 劾 罰 讞 0

《家

傳

公聞

其

弊

即

令

切

聽

募

雇

民

情

大悦

,

初,

温

純

仍

擬

臣

定

請 自 家 官 傳 是 吏 雖 案 有 疑 後 案 帖 放 皆 如 不 舊 上 制 0 及 迄 公 今 爲 遵 侍 用 郎 乃

御 自 良 豐 民 爲 史 乃 終 事 官 用 IE 召 亦 種 得 獄 之 省 詩 試 中 天 彈 H 字 制 民 詔 奏 繁 學 罪 官 閉 數 下 任 無 賦 改 醜 曹 1 黜 簡 大 員 惡 臣 恐 盡 院 + 事 尚 爲 駕 爲 乃 理 亦 所 或 衆 廢 九員 書 官 通 部 職 唯 寢 懲 탪 案 而 ___ 所 省 判 員 被 事 前 策 者 牘 館 俸 爲 共 定 六 0 外 問 官 誣 小 命 賜 填 直 蔡 知 公 曹 爲 郎 古 委 均 官 確 至 三十 所 贾 遍 面 今 今治 門 等 奈 校 是 鷹 抵 損 奏 置 臣 種 下 何 理 乃 者 犬 公 暮 Fi. 郎 亂 民 在 日 韓 以 大 員。 以 杰 : 之 素 不 吏 纔 相 專 公著 公 爲 得 復 要, 位 無 校 方 非 中 奏 《家 而 舊 非 休 行 書 故 傷 所 種 不 不 ൬ F 傳 制 宜 郎 元 計 以 善 屈 民 或 復 種 0

> 内 新 治 安 此 出 既 至 民 朝 不 逐 希 豊 職 意 使 盡 功 手 而 廷 自餘干 去 而 業。」 作詔 群 賞 公議 又 札 宜 其 將 縉 言 以 云 有 使 太 失 紳 臨 ? 議 交 之自 甚 涉 布 誤 之士 有 者 江 攻 者 向 之人, 公 使 告 罪 僻 或 不 者 棄 耳 令, 復 中 9 9 遠 咎 爲 往 耶 E, 朝 外 爲 自 殘 公 往 ? 異 人 改 狂 請 其 今 一《家 民 持 成 不 才 日 蕭 知 蠹 更 罪 使 乃 實 心 原 患 求 通 傳 不 物 顯 改 除 難 太 朝 利 法 追 者 恕 调 公 軍 知 久 廷 度 當 劾 自 本 臨 益 日 已 今 使 務 意 家 新 江 知 之自 行 除 口 以 傳 弊 軍 爲 各 譴 悪 倣 速 愛

初 於 奉 自 疏 是 世 肆 無 聖 臺諫 虚 語 首 H 侵 意 從 交 寖 常 公 太 章 假 Ħ, 師 不 9 以 懌 借 文 闢 彦 爲 納 言 舜 博 會 用 路 民 御 焉 乃 自 史 不 罷 當 張 其 是 舜 罷 舜 臺 後 民 言 民 諫 臺 彈 者 官 職 益 劉 章 御

批

付

中

書

省

門

下

侍

郎

韓

維

嘗

面

奏

范

善

能

無

以

言

事

降

朏

者

0

家

傳

百

禄

任

刑

部

侍

郎

所

爲

不

IE

輔

臣

奏

劾

0

諍 恩 拏 行 民言 待 叟, 解 之 自 職 從 Mi 所 Fi 盛 罷 H 臨 基次 建 朝 中 司 朏 彦 職 尤 如 久 政 不 近 廷 舜 諫 派 此 博 以 喧 É 古 却 义 至 民 傅 更 來, 私 命 勃 不 未 難 光 駭 則 不 事 擇 堯 奉 執 0 陛 能 有 再 口 庭、 既 開 俞 動 有 世 政 保 下 除 多 廣 物 名 E L 召 諫 於言 全。 然臺 向 公前 御 9 而 聽 望 覿 言 議 奏 不 包 史。 奉 路 學 能 梁 官 欲 容 事 諫 世 御 自 識 : 憲 之臣 乞稍 盡 登 至 官 使 史 堯 是 恐 臣 忠 用 都 孫 數 夏 俞 堯 臣 侍 山 僚 直 堂 與 等 或 升 伏 俞 古 御 口 後 傻 臣 不 使 等 見 諭 各 史 以 例 非 不 愈 遷 受命 備 陛 皆 彦 全 口 各 納 以 E 更 居 岩 博 其 諫 \$ 紛 便 供 諫 F 舜 家

同 臣 以 安。 傷 密 以 謝 馬 女妖 僚 太 臣 用 每 以 久 9 皇 何 復 ? 以 論 奏 來 加 讒 當 故 不 以 忽 太 刻 以 臣 直 公 優禮 ? 慈仁 今來 然峻 曾 惑 亦 形 口 自 F 即 后 又 言 祖 未 麗 有 章 聖 維 保? 故 之 陛 竊 僚 Ŀ 廢 雖 嘗 寬 責 門 此 疏 聽 爲 政。 F 思 疏 棄 當 得 當 須 大 降 下 輔 訓 皇 明 罪 臣 日 雷 Ŀ 有 有 侍 朏 況 陛 半|| 以 論 若 狀 臣 帝 . 受陛 F 章 青 霆之怒, 郎 五 下 别 曲 仁. 大 陛 恐 未 安 疏 疏 臣 不 厚 六 忠邪 直 始 臣 下 中 明 分 下 樂, 伏 之道 Œ + 則 倉 春 初 外 山 厚 兼 豈 慮 思 H 人 如 年 清 驚 卒 不 秋 南 恩 於 但 維 陛 必 情 來 此 來 敢 被 駭 明 京 調 方 輔 口 有 下 與 大 悦 愛身 罪 富 平 有 弼 陳 子 常 執 人 方 臣 讎 自 仍 服 之臣 喜 人 蒙 情 造 則 政 臨 IE 嫌 放 何 何 怒, 望 若 小 賴 不 大 中 收 膝 政 辭 賴 異 辭 竄。」公又於便 奏 時 前 詔 頭 陷 日 大 • 責 頭 韓 陛 一:「近 作均 防 辭 維 下 此 肯命 繼 除 於 大 資 有 上 公 臣 事 勞逸之意。 辭 政 奏 過 乃 若 也 殿 之 殿 論之,舍人 與 然 ,更乞訪 更有營救者,必 大 地 爲上 中 E 學 書侍 意終未 土 伏 《家傳 詳言之, 間 望 知 曾肇 郎 太 少 回 鄧 日 П 師 州 乃得 大 當當 É 聖 亦 文 防 重 彦 批 再 然 慮 旨 行 大 還 博 同 猶 0 改 貶 防 爵辛 奏 用 乃

右 大 彦 逐 臺 欲 頤 司 不責易,此 臣 峻 博 諫 軾 諫 頤 爲 責 官 賈 軾 交惡 司 易。 所 易 太甚,不 知 言 以 降 樞 公言: 亦 靖 知 黨 密 ൬ 難 懷 朝 與 院 言者多素與 作。 口 廷。 州。 相 范 復 攻。 易 純 宗作切。 處 而 É 所 一 諫 易言 蘇 易 言 故 軾 列 獨 頗 程 公等自與 侵及太 剩 太皇太 以 建 切 頤 策 三百 直 善 后 題 唯 請 於 后 師 事 日 皇 詆 怒 文 併 是 爲

> 足言。 既 此 是 顧 諛之説 口 帝 右 ! 日 退, 諫 行。」争久之, 而 議之。」公日 」《家傳》 諍 中 歎 公謂諸公曰 書 顧主上 以 不 日 大 惑 口 防 上 預 : 一方富 吕 劉 使 心 乃 「不先逐 公仁者 左 者 止 : 人 於 丞 主 罷 諫 當 春 摯、 輕 諫 官 爾 秋 臣 之 E 厭 職 之 所 言 異 勇, 易責 右 時 論 出 時 者 派 知 乃 存 得 IE 命 也 有 懷 至 0 失 私 賴 進 亦 於 未 相 導 於 左 不

熙 景 遣 也 擒 蕃 河 思立 , [X] 近 人 西 蘭 臣 馬 蕃 會 悍 於 告永裕 大首 ,於今月 路 敢 河 奏 戰 州 領 熈 陵。 鬼 + 爲 洮 寧 章 九 東 邊 間 鬼 青 日 安 患者 嘗 章 宜 午 撫 者 覆 結 時 种 二十餘 官 攻 董 誼 百 軍 破 氊之大 等 官 洮 殺 部 年 入賀, 州 大 領 將 後 將 生 漢

0

言 議 遂 詔 嚴 守 議 月 今 惏 州 也 杰 貢 儻 師 來 0 據 先 西 陷 來 其 賜 守 無 棄之 遣 能 乃 事 公 備 所 帝 陲 乾 軍 洮 没 厭 西 宜 杰 因 以 以 事 者 以 境 請 德 蕃 器 州 以 先 捷 益 與之適 而 、待之, 主 諸公多 與夏人, 衆, 地 見 監 事 奏至。 恭 義 所 其 與 先 討 存 贵 派 非 每 得 不 大 夏 仍 朝 之, 漢 彼 宜 游 足 先 州 口【 城 略 ___^ 戢 所 示不 欲 亦 公 輕 師 念 從 以 屬 寨, 以 合 邊 以 舉 在 取 安能 送 以 雄 啓 此 夏 伐 如 從 酋 爲 彼 皆 煕 與 E 歸 諭 其 然 人 其 是 . 常 人? 此 中 寧 前 遽 無 中 朕 旨 將 侵 也 謀 則 用 各 或 爲 犯 或 前 諸 侮 獨 人 及 邊 元 舊 惻 不 疆 患 後 寇。 之心 今天 豐 將 公 以 況羌 與 境 2 然。 境 曾交還 ? 塞 用 水樂 復 龃 所 執 無 邊 修 0 兵 乃 子 戎 得 政 不 同 盛 則 m 之 汝 以 會 逾 臣 以 但 貪 嗣 地 職 蘭 列 朕 H

> 衆 特 必 寇 帑 别 鬻,汝可 破 浮 所 兵 商 中 軍 、即散 釋 降 0 費 得 賜 夫 熙 以 量 或 鬼章 濟之, 等, 加 絹 指 然 舊 之家。」 由 歲 隨 Ľ 是 寨 揮 夏 子 數 宜 就 雖 於 朝 疋, 及 分 據 又 擒 細 或 己 尺 人 + 一公既 廷 順 遣 爲 畫 詔 用 萬 訪 寸 傾 命 嘗 漢 而 省 部 給 計 兵 之 或 官 求 汝 預 建 氣 西 官官 賜 以 落 發 發 會之,行 以 地 戒 邊 索 議 藩 0 制 所 來 遣 遣 E 9 備 邊 加 制 復 置 匿 E 又 所 浸實 吏, 退 據 然 境 詔 更 藏 五 得 何 熙 半 念 年 送 外 加 寇 蘭 以 顧 地 以 爲 道 到 城 之 小永 惜 優 至 土 財 兵 主者 餘 及 賜 者 初 用 樂 聞 鬼 委 除 韋 臤 失 所 將 邊 當 洮 每 壁 鎮 章 發 以 所 元 守 係 議 將 轉 戎 州 省 内 給 人 吏 臣

●「惻」,原作「測」,據《長編》卷三八二改。

「儻」,原作「黨」,據同前書改。

2

Ні. Пі.

永 日 野 樂 以 無 所 待 所 陷 之, 得 漢 無 而 遁 與 《家 朝 戰 傳 廷 其 0 纔 後 至 是 以 乾 德 刀口 夏 寨 遂 人 還 X 頓 之, 貢 城 稍 而 下 還 數 西

上 所 助 意 唯 百 道 訓 陛 兀 賜 以 右 陲 尚 進 筆 段 臣 也 取 下 海 史 竟 在 濔 書 日 要 進 硯 明 不 御 坐 英 無 輒 睿 新 \approx 語 白 是 居 之 勞 筵 講 他 於 哲之性 典 間 數 翌日 於 ,已令皇 切 虞。 而 其 學, 書 論 日 聖人之言 資 於治道 治 以 中及《 皆 善善 語 誠 太 備 公上 **>** 聖 堂 將 出 帝 以 畢 皇 揮 者 人 孝 來 堯 於 即 染 太 奏 内 賜 之 經 舜、 天縱 依所 亦亦 庶 本 后 日 出 論 執 格言 ×/ 便 無 宣 御 内 語 政 日 奏,每 於 諭 口 書 節 就 而 臣 代 終 去 省 講 唐 爲 要 復 伏 月 帙 爲 覽 取 . 讀 人 君 語 將 内 H 思 法 詩 官 書 共 之 進 禀 吕 之 皇 或 臣 則 寫 慈 相 游 今 要 講 帝 分 左

> 看 覽 甚 有 益 於 塱 問 9 與 寫 詩 篇 不 市 彻 _

諫 感 范 數 當 議 易 竟 家傳 善 憤 嘉 繼 純 爲 就 大 晶 納 去 浮 公與 禮 職 夫 懼 焉。 薄 血 各 孔 讒 騰 丽 輩 文 同 文 求 説 而 仲 卒。 文 所 列 仲 者 補 不 使 仲 本 奏 言 日 外 《家傳 敢 以 辩 晚 自 益 以 朱 伉 甚 乃 安 公 勝 害 光 直 力, 自 ,於是 善良 庭 與 稱 非 悟 乃 除 執 朝 爲 然 寢 太 政 李 廷 小 自 意 其 常 之 常 面 人 程 奏 不 少 福 奏 所 杜 頤 曉 光 卿 也 日 紿 0 賈 庭 不

熙 謬 是 閤 西 死 河 鬼 門 路 夏 因言 檻 章 地 方 使 邊 就 鬼 面 鬼 獨 議 詰 章 擒 章 公 未 之。 以 宜 與 西 定 獻 優 日 賊 鬼 時 命 左 章 却 聖 近 以 相 請 退 臣 御 官 大 罪 崇 多 議 防 置之秦鳳 政 記 進 者 持 計 殿 釋 耻 不 受俘 縛 前 請 口 説 貨 盡 或 之 還 其 至

爲 言 有 鎮 ? 邊 戎 遂 聖待以不死 然 守 放 患二十年,先帝欲 況 有 《歸,以 禦之功 叫 勞 放 不 責 邪 報 其 皆 其 ? 恩 來 何 不 疆 固 効。 以 足 埸 獲之 己 賞。 使人?」上 之功, 厚 又言 矣,尚 而 公 不可 日 熙 雖 河 . 不可 何官之 納 得, 克捷 鬼章 焉。 過

《家傳

公在上 或 荷 倉 卹 每 氣 太宗貞 政,四方 爲 粟 ,終至富盛,豈 能 0 水旱災眚,分遣 幼 稚 饘 以 前 以 至 粥 濟 卹 四 觀 於 前 有 路 湯 年,米斗三文。 民爲心,極 之,又兑郡 元 以 後 藥以 者 年, 天下霜 災 論 皆 早 救 救 以 諫 設 聞 % 疾 力賑 不 官 上供 者,公 事 法收養之。 紙 足 省 最 爲 故 郎 儉,太宗悉心 衣以禦 濟,自然感召和 米, 詳。 爲 患 使 爲人父母 哉 以 諸 上 言 寒, 繼 路 於是 宫 乏 自 民 大發 初 者 絶, 四 有 後 救 唐 聽

乃愈於無災云。《家傳》方之人,知二聖以百姓爲心,人人愛戴

郎官 罪 然重 何洵 直 譴 失本 之 則 部 自 印,公日 今猾 吏皆 0 有 洵 以 直 制 主 誠 司 有

矣。」乃薄其

罪。

《家傳

初,公在仁 H 詩 讀 初, 其子雾,②其徒 貢舉,遂密啓臨 書》《周禮》義 廢 賦 青苗等事得罪 又獻 其 學 用 議 宗 學者 經義。 以 朝, 經 吕 模印 軒 嘗 桁 去,王 獨 不 惠 專 請 取 得 以《 頒 用 卿、 進 士 以 春秋》 安 天下,凡士子 策 土 應 升 石 試。 先 及 書 卿, 專 策 爲 知 政 未幾、公以 撰定《詩 安石 煕 論 殘 了,乃 寧 缺 應書 又與 \equiv 神 盡 不 宗 年 口

●「貞」,原作「正」,避宋仁宗趙禎諱,今回改。下文不

0

五三五

者 進 耳 矣 士 之。 者 者 經 世 術 制 遠 以 間 離 石 「。」司 習 一,於是 ? 析 相 不復 土 自 亦 最 必 惠 公日 初 見 字 高 又多 元 曲 特 先 卿 未 爲 場 馬 祐 是 經 畫 思索經意 學 語 稱 書 安 必 近 試 . 温 以 中 義 初 晚 者 精 以 石 頌 占 説 不 「先 經 議 尚 公 之 外 佛 E 時 熟 課 不 善 義 字 弊 亦 議 書 帝 者 者 政 復 試 字 次次 H. 學 非 以 者 證 唯 更 争 亦 忿 之 解 仲 至 對 輒 新 爲詩 言 賦 新 其 不 法 皆 懣 復 經 尼 者 數 得 義 經 詩 法 科 復 欲 爲 咎 以 不 六 天 上 不 賦 百 論 度 舉之 而 誦 人 字 謬 經 口 至 得 大 第 經 策 不 專 同 言 正 書 遏 義 全 耳 如 爲 用 可 弊 解 經 己 對經 何 造 去 去 用 而 諛 有 復, 乃 字 爲 安 負 松平 取 士 請 思 天 辭 唯 於 司 定 然 於 義 大 詩 石 以 意 14 往 天 復 以 發 誦 是 制 者 論 謬 解 後 經 舊 賦 益 往 下 語 應 策 安 舉

> 耳。 皆 息 耶 復 義 許 延 而 初 申 司 春秋》 ",進士 後 ? 詩 訕 不得 引 几 韓 乃仍 至是 己 賦 前 用 方 至公 至 刑 非 論 科 朝 於 古 於 貢 葉 名 將 以 舊 今諸 莊 公意 薨 對 士 太 祖 之 廷 阳 題。 試 者 學 詢 洽 學 老 當 試 加 策 也 是 儒 置《 譏 以 及 書 公 世 詩 之説 非 治 執 議 春 引 出 家 日 賦 其 因 邪 祖 道 政 ... 釋 秋 題 益 後 傳 IE 以 及 宗 又 **>** 氏 隆 豈 爲 天 論 博 己 程 以 則 書 自 子 策 士 非 科 文 見。 期 熙 在 後 臨 問 近 舉 不 仍 盡 考官 寧 員, 軒 對 叮 古 者 罷 得 復 又 廢 策 廢 發 良 亦 策 試 雜 詔 經 去 禁 者 策 未 取 之 義 法 律 立 用 有

中 批 之 臣 初 右 與 落 諫 並 Ŧ 議 諫 覿 不 大 議 曾 舊 夫 大 不 舉 E 夫 相 薦 覿 識 論 與 但 在 外 列 見 前 新 任 覿 朝 除 自 右 及 公 任 陛 E 丞 言 胡 下 奏 宗 責 臨 以 政 愈

言 直 位 潤 列 來 句 聲 親 事 州 胡宗愈 M 凡 多 去。 ,然自任 胡宗 更加 所言 其 不 薦之。」公日 《家傳 後 協 愈 便 裁 事 宗 衆 行 中 有 酌 愈 望 何 責 執 ____ 竟 罪 又 降 法, 穩 . 乃 以 ? 與 「宗 必 審 物 除 頗 未 司 論 覿 爲 愈 相 空 今來 協 直 浮 不 在 論 與 衆 與, 先 龍 議 於 若 情 司 圖 朝 所 簾 不 馬 止 惑 閣 前 能 誠 乞 丞 爲 安 知 所 相 與 有

宋 筵,三 條 事 蘇 興 南 不 以 故故 其所當 以 軾 出 時。 公家。 來 日 北 以 7、大臣 扉 歸 蓋 朝 公 以 異 者 草 留 以三公平 僕 便 禮 制 非 以 之。 執 射 之夕, 也 朝 爲 政 以 日 軍 詔 會 疾 神 不 章 或 E 道 建 議 求 至 事 軍 碑 府 御 去, 都 或 第 量 省、 堂 者 月 於 殿 不 四 其 ---見 樞 欲 東 題, 出 密 府 至 煩 院 之 也 經 以 士

> 初 侍 行 道 禄 王 大 判 水 之,蓋 高 大名府 郎 \$ 議 河 君錫 圖 仰 范 者 而 不 百 寢 還 論 給 皆 禄、 當 奏 者 韓 疾 事 以 開 前 復 絳 給 爲 . 中 治 不 建 事 案 不 見 日 議 中 河 耳 今北 也 圃 開 趙 行 使 執 澶 君 張 流 年 家 政 州 間 己 錫 深 傳 未 冬, 故 案 議 丽 能 道 視 開 都 乃 地 決 之。 詔 孫 水 Ι. 中 使 役 吏 村 故 部 者 減 浩 百

公自 習 佛 獨 書 然 利 容, 欲 學者,直 無 紛 少 益 凡 薄 爲方外人也 喜佛。 華 所 講 嬉 究 滋 好 學, 禪 聲 笑 味 貴 理。 伎 俚 公每 即 蓋 其 無 遊 近 以 0 得 心 疾 司 宴 之 勸 治 自 之天 言 術 馬 語 其 以 心 簡 以 温 遽 留 養 至 未 要 服 公博 然。 色, 意 性 嘗 于 儒 爾 爲 博 出 無 非 學 衣 且 晚 窘 諸 本 冠 有 弈 日 多 必 步 奇 至 讀 其 事 燕 行 玩 釋 於 寡 事 所 居 無 講 服 世 氏 淡 嗜 丽

甚 於 甚 第 潈 道 心 師 屬 精精 至,初 諭 厚 之言 無念爲宗。 未 纊 意 使, 神 ·嘗 、公對 不談 静定,手 人 掇 爲 《家傳 問 其 沙 之, 勞, 及 門 至 自 《身世 要 足安 機 屬 H 警 而 無 疾 再 徐 默 經 語 欣 \equiv 雖 識 戀 理 至 聲 子 之色。 之。 獨 後 孫滿 氣 於 又 事 不 0 先 遣 大 亂 前 率 佛 及 E 輔 以 疾 顧 親 及 臣 以 至 加 舊 祖 至 公 IE

IE 親堂舅 夏不排 實 之汗流 後 公内 獻 字器之將 夏 月 似 祭 公簡 公焉 陽 翰 不 浹背,正 正 窗 不揮 赴 公 淳 用 重 獻 鎮 於 長 夫 扇 一清 戎 《童蒙訓》〇又《雜志》云: 獻 西 扇、冬不 壻 軍 祖 静 聲 凝 窗 倅 趙 禹 然不 下 色 來辭 出 烈日中 仲 ,實公之壻 附 華 動。 於天性,冬月不附 長 火。 耀 器 演 E 、公裳對 視 之乃 獻 • H 之漠 退公,常坐堂 昌 盛 嚴 性性 坐 夏 氏 重 一,楊 甥 iΕ 飲 然 酷 有 獻 酒 視 大 也。 公居 法 似 夫 Œ 中 盃 獻 瓌 公, 火, 范 亦 器 應 爲 寶

> 物,不 接 婢 僕輩皆 坐。 間 何 在 物 堂外, 但 不 呈過 得 入堂 置之不 堂 復問 中 唯 使 傳 諸 宣 孫 中 使 每 未嘗 有 賜

正 《家塾記 獻 居 道 年 或 德 許 十 公 處、飲食、 性 數 燕 命 居 變 日 之 饌 不 凝 衣 學 洗 塵 嘗 服 日 滌 滿 言 不過 加 案,澹 亦 益 爲 不 自 問 弊 然 一公天 吾 哂 弗 也 友 顧 從 性 王 平 清 容 深 生 所 有常 父, 儉 每 用 然 半 硯 M

正 正 少 之。 博,日 獻 獻 而 時 後 公爲 公 蓋 攬 書 平 . 其 小官 轡。 于 生 勝 初 巫 未 則 時 自 平 右 嘗 傷仁, 每 懲 生未 較 日 艾 : 於中 曲 也 嘗 負 直 不 如 則 行 庭 善 聞 傷 草 此 試 加 謗 儉。 書 馬 己 未 至 」《家塾記 尤 必 嘗 和 直 不 具 中 辯 爲 冠 喜 也 受 手 帶 人

0 公即吕希哲 祭 原 漫 漶 爲吕公著長子。 作 火火, 據 童 訓 卷 上 補 按 滎 陽

書 人 東 詩 漢 延 好 篤 衣 不 與 近 李 節 文 士 德 體 書 \forall 粱 于 穀 座 似 右 怕 腹 又 書 中

吕

兩

句

于子

含

屏

風

《家

塾

記

IE. IE 祭 之, 之, 時 患 寺 獻 獻 成 IE 潔 IE 歷 __ (年) 獻 陽 於太 之 公 事 公每 丞 傳 猶 公之 公 對 爲 其 旲 兀 毋 正 以 相 六十餘 獨 簡 不 在 事 樞 朝 是 一、公所 公 敝 與 中正 密 朝 持 論 也 難 (講 爲 精 傳 無 副 重 廷 其 究 矣,位 難 神 IE. 蓋 獎 小小 獻 使, 近 問 本 年 能 於 安 前 望 進 之 厚 答當 中 不 也 年六十 不 蹇 詩 病 軰 其 年 9 後 爲 0 自 合 然 淺 己 Ē 切 風 否 執 思 纔 引 便 0 童 去 一之所 磋 俗 政 得 餘矣, 求 獻 就 脱 祭 而 訓 純 後 + 去。 清 之 然 陽 不 人 E 宜 來 餘 際 静 無 言 土 獻 公 常問 《家 修 所 9 留 不 習 皆 以 下 而 間 極 塾 作 意 無 間 與 傳 傳 公 爲 太 於 帥 記 也 性 見 爲 尊 爲 傳 僕 正 正 故 介

> 漢 言 戚 亦 劉 晦 曰 口 室 之 向 叔 裕 真 謂 卿 彊 而 好 陵 大臣, 不 不 聒 問 好 知命矣。 忍 此 而 而 問 去 語 不 裕 Ξ, 其 舍 口 言 則 且 謂 不 者 《龜 是 簡 日 若 忠 吕 也 聽 加 山 厚 語 晦 意 德 好 至 録 叔 足。 然 問 而 於 日 聰 巾 則 E . 之眷 裕 孫 變 苹 人 劉 論 有 老 山 晦 事 於 嘗 非 叔

公平 接 爲 欺 嘗 性 飾 屑 疏 知 意 難 密 謂 0 生 博 如 與 而 _0 執 土 以 取 雖 權 其 周 其 夫 政 人 衆 以 衡 所 澹 於 論 有 日 物 之 聞 至 人之善 於 慮 事 以 . 於 爲 參 公待之, 世 世 處 人 吕 稱 己 互 利 物 物 一考實 物。 任 公著之於 不 至 上 爲 而 前 好 其 雖 意 勇 其 以以 以 議 者 德 所 於 有 徇 於 待 一、公 樂 當 政 愛 人 舊 用 己 上 事 守 善 民 材 怨 爲 人, 必 求 , 9 悦 簡 其 毅 盡 間 出 亦 無 誠 從 言 然 於 不 遠 神 其 於 衆 宗 不 去 應 濔 所 天 以 不

可回奪也。《神道碑》

皇祐、至和間 公曰: 温 知 公隆 畏 而 「若君實 名蓋 愛之,而 一,司馬公名猶未甚 代,七無賢不 者,可 知之衆人未知之前者 調實 肖,無貴 過 其名也 輝 赫 賤 E 魔 獻 皆 後

不可使好賢之心少替。」公敬納焉。《^童蒙薦之意。伯淳曰:「願侍郎寧百受人欺,正獻公既薦常秩,後差改節,嘗對伯淳有悔

公自爲小官,不問生事,而 散至十之九,三公俸賜,率 顧 内 外 姻 戚 亦 益 多 初 夫人亦 以 爲 周 相 受賜 好施,仕 九族,家 所

無餘積,米不足,至糴以繼之。《家傳

八之二 學政殿説書祭陽吕公

尋奪 居 子,以恩補官。 中卒,年七十八。 州、召爲 紹聖初, 外郎,充崇政殿 和 職知 州 公名希哲,字原明,正獻公之長 光禄 出 相州、邢州、罷爲宫祠。 徽宗 知 少卿 太 元祐中,除尚 即 平 説 八以直 位 州 書,兼 降 稍 復 祕 官 判 舊 閣 登聞 分司 書兵部員 官 知 曹州 南 檢 政和 知單 院。 京,

正獻公居家簡重寡默,不以事物經心,而申

0 名臣言行録卷第八之一」,吕 一二,原作「一」。 IE 一」,於例不順,今據體例改。 公公著侍講 吕 按原書 公希哲附」, 目録卷八下作 希 而 哲條復 ĪĒ 文卷首作「三朝 丞 題作「八之 相 申 或

則

伏 之音 文 陽 事 外 大 則 教 無 不 長 相 色,未嘗 (, 先生 得 諸 得 者 夫 異 焦 對 忠公所 文忠公適 ,不命之坐,不 循 無 E 去巾 衆 嚴 先 獻 子 ,平居雖 蹈 人 未嘗 終 諸 茶 生 師 人。 公 規 性 方 日 化 襪 嚴 與 肆 友 矩 接 略 嚴 竟 生 導 縛 知 有 公嘗言 申 酒 於 經 降 而 夕 小 毅 天 甫 州 袴 如 法 或 肆 能 目。 於 詞 方 甚 有 敢 度 此 不 事 + 夫人 有 色。 耳 衣 過 IE 熱, 之篤 坐 歲 與 市 成者 0 服 雖 正 差, 焦先生 也 之語 Œ 在 教 井 時公 獻 祈 甚 人 不 唯 先 獻 父母 少少 訓 里 生 故 公 正 寒暑 愛 謹 日 生端 公招 巷 方十 内 如 通 之 公, 公 諸 干 矣。」《家傳 必 長者 之 無 德 此 判 書 行 雨 生恐 之伯强 冠 然 延之, 語 之 餘歲 坐 非非 步 賢 潁 器 帶 侍 教 嚴 之 州 出 父 成 懼 禮 以 V. 召 鄭 公 兄 内 側 就 外 之 事 畏 使 客 歐 見 終 崩 衛

或

 \mathbb{B}

公從 先 讀 略 覺 楊 其 胡 者 安 恕 明 富 大,然公亦 棄 石 ,自得 學 先 貴 石 先 安定 去枝 道 經 、李公常,皆與 公 科 爲 百 先 國 問 生 學。 生介、 書 專 舍 舉 貧 利 葉 居 居 胡 慕 生 淵 達 也 至 實 爲 平 先 ጢ 安石以爲,凡 曾 顥 源 李先 邢 本,躬行 未 並 相 直 意古 有 生 己, 及 子之學,盡 官矣。 意 嘗 簡 友 公恕皆以 非 舍,公少程 瑗 横 生觀 學者 善。 要, 學。 涵 專 它人比, 、公遊 於 渠 主一 養 爲實,不 太 不 張 圃 講 其 不 始 學 爲 直 先 復 公 後 讀 由 説 土 頣 力 由 先 首 辭 截 生 故 事 辯 遍 也 與 未官 程 乎 是 不 説 載 生 科 尚 勁 以 間 黄 從 從 先 其 知 捷 私 舉 兄 虚 公 師 程 一一歲 孫 公 生 而 以 又 内 見 言 弟 9 聞 禮 先 履 氏 頤 是 從 日益 事 知 者 以 門, 事 生復、 之, 學, 言 孫 俱 邢 僥 不 造 科 E 之。 公 爲 察 爲 公 遽 舉 其 聖 廣 事 倖 務 而

異 行 當 時 學 者 莫 能 測其 深 淺 也 家

學

自自

嘉

祐

間

内

外

事

多

不

甚治,

王

公

與

當

世

諸

賢

務

欲

變

更,

略

倣

前

代

别

立

法

制

登進

善善

人,修

建學校

其

所

施

設

者

公皆

預

殿

浸與

往

與

舊

傳

公 熙 常 與 子 渠 接 者 此 師 與 俠,後所 之。」公嘗言 以 甚 不謁 語 衆 弟 重 寧 不 事 · 交誠 ·,公不 見 張 共 平 公。 初 聊 大,率 監 耒 財 也 以 於 試 居 了《家 盡 陳 曰:「此 如 公爾 諫 未 蠻 爲 日 留 毫 年 遭 此 嘗 官 貊 動 與 税 傳 我 不 者 稍 侮 稱 之 公同 遇 取 少時性 慢 汪 章 長 子 邦 人 皆痛自 章 遷 皆 者 獨 輔 樞 不 之 行 坐 歎 轉 之少 事之,少 密 欺 短 推 矣, 於公敬 日 即 築 本豪縱,亦 遽 闇 矯 一、公公 與 居 有 方 於 峻 室。 衆。 揉 見 京 才 知 詞 吕 者畜 之力。」公 服 學 執 師 縣 色 誠 守官 原 IE 舊 政 一,折 事 名 之如 喜 有 獻 明 張 第 過 京 公 任 見 横 所 德 心

E

公安石

與

E

獻

公既

相

推

重,而 公又從之 公既 獻 以 事 聞 張 者 復 用 未 庫 父子 説 欲 之矣。 及行 略略 氏 獨 見 數 當 不 先 公嘗親 者幾十 不合,又愎諫自信 有賢 此 世 用 不 幅 引公,公固 變 爾 善 於 同 紙 紙 以 而 新 然自 年。 時 書 書當世 士,人之有 行,遽取 吾 正 則 法 遺 後 故 獻 而 所 邢 秉 公日 稍 欲 公召 辭 不 IE 書 名士 政, 恕 用 用 乃 得 獻 人 紙視之,笑曰 . 和 其 舊 施 用 0 公亦 姓名悉 姓 止 叔 動 子 人, 當世 善 元 設 既 名, 亦 雱 失 次 祐 《家傳 久 命 欲 從 無 侍 衆 善善 既 在 弟 初 用之矣。 也。」 進 宰 不 士, 講 外, Ļ, 往 而

用

公。

公

正

獻

公

廣

用

也

嘗

失之,

後

公

夫

人

是

亦

無

不

用

Œ

相

蔡

確

用

前

後

筦

未知其子矣。」《家傳》

公爲説書凡二年,日夕勸 下自化,不假它 本,修身以 且 不能 諭 E 況 心 天下乎 術 誠 意 身不 爲 1 導 主, 能 人主, 《家傳 修 心 E 雖 以修身 意 左右 誠 之 天 爲

志

公既 樂 嚴 獲 戲 公名重 險 竹石,必爲 詐 命 謂 除 也 ,猶争取之,公獨 自任 而 ,必以楊 公曰:「法筵 諫 《家傳 不答, 一時,在 官,累辭 頗 同 畏 爲 退 列 子 爲 邇 謂 未獲,蘇公子瞻在 首。」 争 瞻所厚,公故及之。 范 龍象,衆當 英 未嘗 求 直 公淳父 時畏 去,雖吴公安詩 舍,凡寫一字, 起 觀,蘇公亦 方在 日 觀 9 第一 「若辭 一言路 通英 義。」 以 蘇 不 畫 方 不

滎陽 淺 公建 其 在 輕 朝 中 左 靖 諷 遷 或 侍 光 間 御 禄 爲 史 少 袐 陳 卿 書 次 升言 少監,時 時 豐 之, 相 曾 之 以 初 布 爲 除 不

> 禮 静。 辭 部 云: 尚 所 「具 居 書,大不平之, 則躁 官吕希哲, 人化,聞 心 即 風 與 薦 則 道 滎公自代, 薄 潛 夫 敦。」《雜 湛 然 淵 薦

滎陽 笥 雜 乾蕈 公爲郡處,令公帑多畜 志 乾 以待賓客,以 減 鷄 鰒 魚 鴨等 諸 生命 乾物,及 也

公雖 豈 書 通 潞 私 在 懃 ,鄰州也,公之子疑 可 性 《家傳》 先 懇,公曰:「吾 至 邢 意 樂易,然未嘗假人詞色,悦 州 相 日 結, , 劉 私 公安 相 素 問 附 與 世 嘗 託 劉 適 勸 往 耶?」卒不 守 公與 還 潞 不熟, 劉 州 公書 人以 邢、 與 今

公晚 家 至 在 事 居 和 絶 州 宿 糧 切 數 州、真、楊間 嘗作詩 日者 不 問 公處 不 云 以 十餘年,衣食不給 除 之 毫 髮 晏 却 (然,静 事 借 託 書 州 沽 坐一 縣 酒 室, 其

釋,夜則 遍 重 考 無 古 事 今 與 諸 擾 子 公 儒 孫 私 之 評 説 論 閑 古 默 居 今, 坐 日 沉 商 讀 搉 思 ^ 易 得 隨 \forall 失, 事 爻, 久 解

滎陽 滎 喜。 陽 惟 哉吕公,文 公,以其 動 俱 自 悉 七十矣, 無 之方罷。 賢 ,從者 公在 墜浮 歷 公晚 不 几 有 陽 能 案 雜 於水, 德, 一淮陽 赴 具 志 年 (德 齒 作《 有 以 《家 處 單 習 神 在 溺 時 傳 守 静 我 其 之甚安,其 ,敬之愛之,何時 而 相 死 縛 東 敬 中, 祭 其 架 者 過 雖 詩 陽 萊 祉 上 山 驚 見 公爲 公 V 陽 置 時 恐 乎外者,古人之風 贈 何 安 徐 書 渡 簡 顛 以 公 曹官, 坐 仲 橋 册 沛 儉 祝 轎 車 • 如 公,勿 . 已 橋 未 上 先 此 器 所 嘗 壞 已 我 生 神 Ш 居 1 少 藥有 敬 之 年 轎 廨 色 雜 動 志 吕 美 幾 舍 屬 不

> 嘗 前。 中 言 時 今次 猶 + 覺 疾 餘 病 心 年 動 全 前 不 數 在 ·動矣。」 年 楚 前 州 大 其 橋 病 自 壞 力 墮 已 如 稍 在 此 勝 水

《家傳

公晚 仙 拜 范 未 源 由 上 年名 嘗言 揚 内 一,未 嘗 請 州 翰 嘗戲笑。」 問 見公,請 以 益 日 . 卑 爲 重,遠 有 與 恭 不 面 侍 可 赤 一滎陽 公危 如 講 近 及。 新 皆 爲 自 坐 公處 學 《雜 夫 師尊之。 堂 少 小 婦婦 志 至 上,爲 身 生。 老 相 如 處 此 然 公特 陳 雖 六 公瓘 見 衽 而 + 公 設 席 每 年, 夫 歎 之 松平

祭陽 舉 稽 薦 公與 或機 以 諸 爲 人云: 其 後 不 生 之戒。 求 「自少官守處 知者 仲 仲父對 父 舜 未 從 詞 守 嘗 甚 官會 干人 好,

亦

盡

敬

致

拜

焉

《家傳

公之行己,務自省察校量,以自進益。

晚

云『勤於職事,其他不敢不慎,乃所以求

知也」。」《童蒙訓》

祭陽 類 足 減 事 飲 道 ጠ 増苦 公爲 食 一,只如 一蒙訓 大半之苦。 養疾者 及作某親等書。 常 衣 所 裳 人 服 病 藥如 万乃 寒 故 處 中 公當 事,皆 熱之類 理 問 風 凡公爲 中 病 人,口 圓 所 教 之類 有長 者 欲 及 人 取 人處 常 不 每 病 常常 牌 久之計 能言, 所 事 者 子 作事 所 事 既 作 以 服 每 如 , 求方 手 示 藥 不 梳 牌 能 木 人 如 頭 常常 子, 答 是 能 洗手之 便之 則 所 也 適 可 作 如

滎陽嘗言 辭 謂 相 其子不肯受, 讓 自 曰:「亡父未 一以 久之。」公言 賊 白 者 世 金 也 人 願 白 喜言 嘗 召 包 兩 其 寄 孝 以 「無 子子之。」尹 觀 白 我 肅 此 者 金 尹 好 事 死 委 京 人二三 矣, 而 人 時 言 也 一字者 子 召 民 無 其子 其 有 好 内 子 自 口

> 者,亦 蓋 觀 於己 口 以 而 少 知之。」《 愧 矣。 重 人 蒙訓 皆 口 以 爲 堯、 舜,

公嘗言 得 聲 耕 如 親 禰 之使令也。」嘗説《 非 視 而 天,頃 之道。」又説: ,以供粢盛,王 ,不若以己 無良農工女也, 違。」《 於 一孝子 刻 無 雜 形一, 離 志 所 親 事 未嘗 自 親, 「『爲 則 以 后 穀 親 有 須 爲 親 者 頃 梁》, 人子 時 事 習 人之所盡 刻 也 而 事 言 離 以 者 違 躬 此 供 親 天,天 親 説 祭服 也 事 天 聽 不 最 子 事 於 其 杰 口 親 無 口 事 祖 或 親 委

滎陽公 人於此 止 氣 雜 輕輕 象 志 好 嘗 重 馬 時 言 疾 分, : 徐 白 足 亦貴 後 事 是 生 以 賤壽夭之所 當 初 見之矣。 學 9 氣 且 象 須 者 不 理 由 惟 辭 會 定 君 令、 氣 也。 子 象。 小 容

又嘗説:「「攻其惡,無攻人之惡。」蓋自攻

或問 滎陽公嘗言:「凡與交遊書問,其父祖知名 等人? 欵 焉 自 於 其 及書之於几, 於世者,須避 者爲詈,何者爲辱,自然無忿怒心也。 之?」公曰: 接, 心矣。 者且 處,忿心亦自消也。」《雜志 滎陽公: 恶, 日 一坐未嘗犯其父祖名諱。」《雜志》 一自思曰:『我 若是答他 夜 贵 且 有 E 然後 其名 自 爲 工 點 一夫點: 小 焉者知 却 作 諱。 檢, 人 是何等人? 書。 所置 檢他 與此人等也。」 絲 凡作 人與己本 毫 文潞 辱,當 人耶?」《雜志 書,須先思 盡 公與故 何 彼 即 以 如 爲 不 此 下 處 慊 何 何

史

介館

修

撰

管

勾

編

修

院

兼

判

太

常

寺。

元

五

年

四

月,

擢

試

中

書

舍人,

九

月,

丁母憂,明年四月卒,年六十五

朝名臣言行録卷第

九

九之一

中書舍人曾公

州 院 賢 州 歷 軍 中 校 召 知 檢 嘉 又 理,兼 召編 討 齊、 祐二年進士第,爲太平州司 公名鞏,字子固,建昌 徙 判 官, 太常寺,未至,改知 襄、洪 滄 校 州。 判 不 文史館 官語 踰 州,進直 入對, 書籍 月,罷, 院。 留 歷館 嘗 龍 出 判 爲 圖 通 \equiv 軍 明 閣 英宗實 閣 判 班 校勘、 南 州 豐 院 越 法 徙 知 州 遷 福 録 集 參

> 爲 以 有疾 通 種 有餘 居 文昭公撰《行述 實粟數 糧 子 野 判 使 栗 民 癘之虞。 處之人,不能皆至 歲 ?,總得 民 價 隨 飢 爲 得 歲 度常平不足仰 平。 賦 從 十五萬 前 便受粟, 期 官, 又出錢 喻 石,視常平價 屬 農事賴 城 縣,召 不 粟 郭 出 以 五 以不乏。 至 賑 萬 田 富 給 ,貸民 者 里, 八,使自 稍增 群 ጢ ൬ 爲 田 食 弟

爲 剽民 公與 鳴 察居 州 州 且 日 鼓 開 縣 :「爲人害者不去, 務 家 袍帶酒 相 人自言 人行旅,出入經宿,皆籍記。 未屬民爲保伍,公獨行之部 去民 以 援。 疾 名捕 食,假 「故盜 又設方略,明 苦, 不 急姦强 以 獲 發 騎從,輦 輒 則吾民 得 盜 日 (賞購, 賊 自 有葛 所 不 而 寧。」 購 急追 寬 告 友者 中,使幾 有盜 金帛 其 貧 是 黨 屢 捕 弱 隨 時 則

之不能 豪宗 之, 肅 力 清 兼 徇 大 人。」公外 諸 《行述 姓 復 部 合也。 斂 中 手 視 盗 莫 齊 童 聞 敢 俗 顯 動 悍 實 多 强 出 寇 欲 攘 喜 携 自 屏 攻 言 貢 劫 其 迹 . 「友 徒, 州 至 郡 是 智 使

公在 清 者 夫 路 爲,公、 閉 以 無名 方, + 省 爲 門 Ŧi. 抵 一,公括 齊當 民 萬 利 博 渡 遮 費 亦 用 會 留 計 錢 州 出 數 不 朝 不 至它 其 夜 聽 爲 夫二萬 倍 其 廷 擾。 餘 乘 達 也 橋 隱 變 力 州 間 于 以 又 法 漏 使 比 乃 縣 亦 魏 河 損 濟 者 次案 得 遣 然 後 北 往 役 視 初 或 使 去。 有 發 來 人 按 舊 希 牘 四 既 民 至 以以 籍 介 省六驛。 望 簿 徙 濬 出 罷 九丁出 1 1 -書, 傳 紓 私 述 河 州 公推 欲 舍 民 藏 X 調 力, 絶 之 人 自 Ţ 行 有 及 以 夫 皆 橋 長 它 弛 出 有 所

> 不堪 人備 人賴 以 品 加 費,責醫候 舍舍之,資 授 市 處 以 里 次 州 病 不 公獨不以 舍,井爨 生。 者 縣 知 視 其 暴 也 安 民 記 食飲 賦 南 若 什 急 [《]行 其 煩 軍 軍 器 衣 斂 全失 述 民 興 士 皆皆 衾之具 ()道 芻 不 前 多 有 能 粟 期 江 條 寡, 價 自 而 西 理 以 踴貴, 養 以 辦 者詔 兵 庫 者 又 爲 錢 殿 既 爲 白 爲 佐 以 最 之 姓 萬 官 其

福 禁婦· 至,不 左右 殆 以 賕 多 萬 次 請 佛 女毋 補之, 徼求之敝 公行。公俾其 寺 禁而 闔 爲 入寺舍。 自 授文 僧者 府 止 徼 據 利 賂 民 廢 [《]行 廷 寺二,皆 徒 其 出 至裒 中 述 富 家 自 饒 者 相 却 錢 推 其 争 = 囊 數 擇, 欲 橐 歲 私 T 謝 籍 爲 爲姦者 萬 附 主 其 守 名 絶

公所至 之期 出 期 教 未 事 盡 應 不 下 復 縣 責 移 書 其 督 屬 趣 度 期 緩 盡 急 與 不

在

洪

會

歲

大

疫

自

州

至

縣

鎮

亭

傳,

皆

儲

樂

公自

爲

小

官,

至

在

朝

廷,

挺

立

無

所

附

遠

迹

權

貴

繇

是

愛

公者少。

爲

編

校

書

籍

積

九

年

自

求

補

外

轉

徙

六

州

更

餘

年

公 條 省 是 甚 之,故不勞而 知 而 及公爲之,令行 有 不 别 報 E ,責成 朝 :程式 莫敢 其 文 細 按 皆安其政, 聽,公小 遣 與 所 夕 畢 移 之 其 舉,庭 數 操 視 慢 至 期 分任 而 罪 前 者 事 十倍。 事 則 己。 0 數 約 治 既 無 罰 案 僚 皆 縣 期 刻 H. 去, 也 留 禁止 與 蓋 屬 先 典 與 毋 要, 而 事 公所 事 期 吏, 期 遣 事 久 罷 因 吏民 在 者 丽 而 人 不 而 若 囹 吏莫 能 大 領州, 州 聰 集 彌 呼 相 吾 即 則 者 初或憚 無 M 思之。 明 其 當 屢空。 有 敢 民 并 使, 所用 威 門。 督 所 不 多 不 劾 聽 公總 信 察 追 自 介行 號 知 縣 公嚴,已 心 縣 人徒 足以 縣 勾 逮 者 盡 難 擾 官 自 述 攬 稽 初 言 濟 於 見 皆 不 政 絀 所 未 州

不

傷 出 既 慮 爲 于 3、公亦 患 時 與 己 知 防 任 慊 微 名 事 然 而 土 者不合, 爲 未 絶 而 一,往 嘗 之 人 公處 動 廢 往 遠 法 坐 也 甚 而 之 自 刺 小 自 政 用 人 譏 行 若 事 述 乘 辭 以 也 弛 間 語 其 張 廢 又 公於 故 操 欲 逐,公於 莫 縦 擠 能 是 之, 時 雖 中

天子察公賢,欲 事。」 新 屬 典 辭 諭 文學之士,以大臣 約 除 使 藁 獨 義 遂以 就 「曾鞏 吏日 付一人如公者。 會 盡 職 正 爲修撰。 以 論 官 至 時 史學 者 名 用 數 自 謂 公。 + 擢 見 有 人, 監 中 省 近 稱 三代之風 總,未 書 至 世 公夙 士 日 舍 百 舉 修 類 手 其 或 執 夜 有 詔 宜 討 史, 職 事 ,上亦數稱 不 以 典 中 事 俟 論 選 Ŧi. 必 五 書 以 授 朝 衆 門 未 朝 戒 謝 及 大 選 史 下

0 倍 原誤 作 陪 據洪 張本改

五四四 九

其典雅。《行述》

公性 受。 喜 述 可 己。 悦 懷 以 有 獎 常 乎?」罷之。 溥 以 不 勵 盡 謹 而 言 \equiv 福 在 過 嚴 去。 善之意 成 官 四 於 誤 就 州 雖 而 + 遇 之 門 有 無 抵 取 待 萬 所 僚 來 如 職 生 法 怨怒 物 屬 市易,取賈 者,俟之益 弗 田 故 者 坦 後至者 公日 盡 及。 力 然,不 吏, 示 歲 其 悔也。 鬻 . 以 爲 情,未嘗 與人接,必 亦 「太守 園 爲 幣 辩 必以 不 恭,至使 蔬 交者, 疑 理 於人 復 阻。 收 (厚,予 與 有 無 取 其 民 盡 有 所 事 也。 其 於朋 争 直 所 禮 按 無 賈 丽 人心 長 利 介订 謪 自 所 必 後 有 友

曾子 章。 六 也 經 古 閣 伯 歐 初 ,其爲之記。」子固 爲 陽 玉 太平 公、 殊 不 王 州 顧 荆 司 公諸 户 間 語 守 名 子 凡 張 士 固 膳藁六七,終 伯 共 玉 稱 吾 前 子 方 輩 古 作 文

> 子曾子 之謂。 行 皆在 日 不當 之。《談叢》 之。」其 衣之舊, 畏服,益自勵於學矣。 義,不 0 焉, 初見 伯 安石 安 書 玉 不書,尊經也。」云云。 減 安 神宗, 石 于 一之意。 輕 楊 石 紙 勇於有爲, 吝於改 富貴,非吝 雄 何 日 上 如 六六 然、 則 間 ? 吝 謂 日 《聞 對 經 子 : 也 所 見 閣 固 日 0 以 卿 後 者 對 録 不 與 過 及 安 諸 子 王 。 上 古 吾 石 安 固 子 人。 非 文 自 始 石 百 學 頷 此 布 大 家 爲

曾 子 訟。 高 曾 科 固 公知 曾易占 罷 它日將 檢 山 討 陰, 時 貴 以 0 在 젫 賤 錢 越 市 醇 幕 用 民 老 弦 説 田 事 代 數 守 敗 之。 倅 + 之可 頃 日 元 . 惜 爲 素 曾宰 父 所

^{●「}曾公」,四庫本作「曾公一爲曾鞏。

傳 喪, 子 荆公作墓誌,亦言「至 墅。 咎 民。」《温 及 所 往 州 猶 會 聞之悮 第 固 貶 英 縣 爲 以 時 介介 好依 守 鄉 州 會 宰 私 明 惟公在側,今《文集》有《 也 公日 赦 坐 倅 守, 坐 人作 因 甫 漕勢以 從 監當, 贓 死 録》○案: 爲 自 衰 之。 焉。 作《辨 感 出 英 老, 南 皇恩道場, 陵 深德易占。 州 會 俾 京 子 曾公父死南都 宜 州 編 由 病卒」, 曾子》以 子 古 與 依 管,亡 是 固 時 《謝 謀, 坐 州 訟 此云不奔喪者, 杜 不 公書 以 陵縣 贓 奔 冤。 俾 匿 後易 解 杜 爲 喪,爲 追 代 於曾 之。 \approx 祁 (依縣 去 停, 再 其 占 公爲 見 害 劾 公公 也 子 以 子 鄉 曾 治 也 温 陵 别 任 議 古 復 公 又 其

中 書 朝 文章名天下 含 氣 文章之慓鷙奔放,雄渾 ,猛獸之抉怒,❷江 人 王 震 久矣。 序公之文曰 異時 湖之波濤,煙雲之 监 : 瓌 |髪壯 偉,若三軍之 南 豐先 志 氣 生 以

> 觀 院 委,占 徙 姿狀 自 余 先 劉 同 本 舊 而 ·法意 成 始 時 吏上馬去。 生泊 舍 屬 世世 向 有人也。」 爲 人無 新 有 紙 一 頗 知先生之學,雖 不 原原 官 尚 如 肆 謂 何 新 知 制 也。 書 在 書, 奇 職 偃 以 趣 遂掌 者。 郎 也。 守, 蹇不偶。 韓 , 凡除郎、 初 晚還朝 而 掌 愈 若 丽 己 衍 書 方是 爲 付 不 試 爲 裕 命。 何 經 廷,天 制 老 之 即 御 時, 雅 如 意, 吏 訓敕 不 史 人 時 於 重 爾 先 衰,而 部 院 數 午 是 下 後 生 人者,人 方除 自 十人, 望用 漏 更置 生輩 自 中 成 盡 大手 日 間 負 其 鋒 白 人人不 所以 得 授 要似 目 學, 官 筆 盡 外 草 填

- ●「祁」,原作「祈」,據文義改。
- ② 「怒」、原脱、據洪本、張本補。

九之二 翰林學士曾文昭公

學 遷 除 州 侍 徙 郎 海 州 鄭 季 元 召 、定州 舒州靈 對 士 郎 陳 中 中 豐 州 弟 州 坐 兼 州 一元年, 公名 書 擢崇 遷 守 史 復出 徽 侍 中 舍 應 右 聞 事 宗 仙 進 肇 讀 崇寧 天府。 文院 奪 司 其 爲 觀 知 則 賢, 字子 0 以 或 第 奪 徐 位 出 元 元 校 官, 寶 史 州 知 薦 年 七 兩 書 祐 調 除 院 開 文 0 陳 官,徙 爲 知 年 台 初 中 閣 紹聖 編 落 兼 州 中 滁 州 州 書 待 還 修 職 擢 國 州 教 黄 居 徙 舍 官 制 初 朝 子 知 起 9 授。 舍 巌 除 岳州 南 徙 監 徙 守 和 人 知 居 人 簿 泰 直講 州 京 潁 舍 翰 知 禮 吏部 神 鞏 0 州 州 楊 林 瀛 宗 部 之 又 道 居

> 復 貶 卒,年六十 朝 濮 散 州 郎 事 練 還 副 居 使、 潤 州 汀 州 里 安置 第 , 徙 大觀 台 元 州 年

曾 王 同 肇 知 荆 多 遂 親 雖 各以 所 勑,會其兄論 論 不 盡 太常 希旨窺伺之者 莫 同 祠 爲集賢校 不 從學,以兄 公當國 一罷肇 合、後、 皇地 能 臆 前 禮院。 説 奪 公獨 其議。 主 祇 數數 亦卒 無 於北 判 理 市易 電對 引 所 稱 自 兼國 見 滯 經 稽據,公在 公於上 明 秦 郊、蓋自 衆 事 施 於 辨 堂 以 子 被 用 皆危之。 館 析 默 配 來 監 0 責,●執 下 前 饗 禮 然 楊文靖 直. 詞 公發之,雖 最 講,修將 旨 徧 職 上 文 入殘缺, 見公, 多 精 爲閑冷,又 公撰公《行 及 政怒未已, 曾處之恬 憨 所 五 釐 故故 帝 作 先儒 首 衆 E 述 監 議 間 異 初

^{●「}兄」下、《東軒筆録》卷五有「布」字。

行 然 狀 無 愠 既 丽 而 善之, 曾 魯 即 公公亮 日 有 旨 夢 除 肇 中 院 撰 次 編 其 修

哲 公、吕 宗 其 挺 官 然 0 有 嗣 常 不 位 東 申公爲宰相 爲 德 「宣仁 軒 筆 世 也 0 一變所 俞汀 太后 移 述 士多 垂 由 簾 是諸公益賢之, 傅 聽 時 政 自 効 用 ,0公 可 馬 獨 知 温

門

述》

字 既 F 參 别 草 耳 具 臣 有 與 出 白 奏 侍 制 非 無 顧 今陛 或 劾 明 邪 理 郎 所言 於 兩 文 論 事 IE. 臣 韓 下 寮 + 公 是 章 當 奏, 豈 何 臧 責 維 非 餘 與 異 論 當 否 維 件 , 不 面 、讒毁 公行 之, 人物, 真 口 ·當,行 奏 徒 簾 得 日 便 范 ? 具 中 大 . 謂 白 不必一一 奏 章 之人 怒 朏 臣 之 維 禄 而 疏 甚 知 體 欺 所 執 心 鄧 君 明 爲 政 以 雖 服 州 2 ? 論 爲 不 須 案 遂 爲 龃 E 曲 公不 謂 形 牘 朝 大 不 直 「輔 服 有 文 臣 狂 及 不

> 以 非 形 敢 陛 欺 不 它 大 迹 開 君 爲 下 舍 臣 之意,臣 無 以 論 人 恐 展 損 疑 行 非 議 布 似 執 之罪 下 陛 兀 臧 恐 政 下 體 事 否 命 大 推 逐大臣 雖 以 人 臣 下之日 赤 物 不 事 心 自 從,士 陛 一、恐於 待大臣 此 君 一人心 下 以 臣 之道 論 維 -陛 韙之。 一之誼 下,更 眩 爲 也。 下 惑, 戒, 盛 , 亦 爲 無 德 謂 行

諫 於 還 官 爲 耳 論 臺 詞 目 重 E 及 ,豈不 諫 執 覿 輕 頭 · , 政 青 而 執 殆 者 即 . 陛 政 哉 日 相 覿 下 仵 去之, 須 之 寄 旨 上悟 不 腹 身, 落 是 可 心 職 闕 何異愛 於 出 加 知 大 覿 人 0 潤 臣 直 内 腹 今 州 龍 外 寄 心 覿 晶 耳 圃 不 公 閣 言 封 塗 目 足

2

^{●「}傅」,原作「傳」,據楊時《楊龜山先生集》卷二九《曾

[「]口」字。原闕。據曾肇《曲阜集》卷四附録《行狀》等補

太 官 學 之 《行 后 年 聖 特 皇太后 此 林 執 外 契 太 事 省 制 建 土 以 克 意 謙 丹 兩 制 言之,受册 當當 朝 后 述 樞 議 院 制 非 特 定 故 德 聽 己 人 御 密 受册 於 降 復 皇太 事 不不 使 政 蓋 典 詔 文 崇 議 當當 院 詔 禮 外 朝 以 法 欲 有 德 政 朝 特 來, 然 見 后 受 臨 如 也 謙 司 殿 外 有 殿 耳 降 受 册 改 0 公所 御 天子之正 亦 止 朝 恭 司 o 上 朝旨 册 文 於 於 願 止 公 抑 檢 壽 切詳 以 於 殆 請 崇 德 F 御 延 奏 損 用 , 爲 崇 非 殿 用 明 崇 政 和 之 疏 引九年會慶 章 天下 故 政 太 宁,太 是 殿 詔 天 政 殿 日 盛 獻 此 事 殿 皇 聖三 歲 殿 . 垂 德 明 仰 蓋 後世法 屈 太后 天 坤 簾 仁宗 皇太 未 伏 肅 稱 從 人 年 聖二 成 視 中 È 天 嘗 太 太 見 之意 故 節 事 一殿上 批 聖 自 皇 后 出 太 后 年 出 推 崇 禮 **\$** 太 時 践 受 皇 故

> 太后 今 壽 后 此 ,從之。 昨 如 之意 舉 降 乾 似 詔 元 書 [《]行 與 節 特 前 之 以 述 執 後 儀 謂 政 本 不 大 末 公 敢 臣 不 奏 自 出 相 疏 司 於不 稱 於 日 章 思耳 殆 獻 太 非 太后 皇 太 皇 太 疏

四 時 之,會公除給 去。 變 謫 相 朝 姓 作 難 年 文,導迎 丞相 之時 新 公合, 民食未 確 論 之,公率 春,旱甚,中丞 州 安 事 先是,公與 州 異 范 數 乃 和 范、 詩 公純 意 與 相 充, 氣 彭 上 王二 時 者 事中未拜,彭公當制 與 公 者 正 仁、 忤 翼 飲 欲 彭 汝 君 李 公争之不 食 諫 日 盡 公約, 左 至 礪 公常 臣 燕 官 去之。 丞王公存 是 有 上 側 樂 交章 浸 旨 身 疏 請 當 罷 恐 不 畏 罷 能 日 制 , 會 容 無 宴。 懼 得 以 春 者 有 矣 論 以 爲 宴, 天 必 憂 以 議 消 日 謗 言 當 極 時 蔡 多 公 菑 復 恤 執 訕 甚 罷 在 與 是 論 丞 天 百 方 政

請 力。 公使之,誣 外。 諫官 章 多 四 以 上,除 前 賣 日 友,公不 與 寶文 公論 閣 自 異 待 辨 者, 制 固 言彭 知 辭 潁 新 州 實

9

《行 述

在 潁 就公,復移書 賴 水 於是知公非 頻 之。 濬 清 人素 部 河 百 使 以 餘 者 爲 折之。 私 里, 議 患,公拒 於 開 以 通 及徙 州 丈 東 其議 也 南 溝 陳, 《行述 物 →●使者以 執 疏 貨 論 陳 人至 益 蔡 積

移 導,養成 也 公 知 一。」乃積 日 應 天 府, 人 飾 公帑之餘 材爲多。《行述 宋 厨 傳 當 以 東 邀 南 大 孔 往 道 興 來 學 之 宴 校 譽 勞 無 吾 親 虚 不 加 日 爲 訓

哲宗 章 州 自 初 劾 公守前議 祀南 徙 述 郊, 刑 部 有詔合祭天 論 不 拜 語 請 甚 厲 去不已 地 不不 如 報 除 祖 宗 知 乃 徐 故 拜

> 哲 宗 問 留 其 多聞之士,置諸 政之本。 之聖質,必賴 所 稱 損 陳 公議 既 《行述 皆 益 與 親 、夫深 國 相 禮 政 宜於此時,慎選忠信端良 家 去 有 追 大體 守。 處法宫之中,親 萬 用 左右前後 萬 舊 左右,以 及公人 以謂 矣。」件貴 臣 盡 ,皆得其人, 對 復 參 不 熙 近 諷 近 主雖 意 議 褻 及 豐 故故 御 垂 一之法 以 有 之徒 不 博 以 自 備 得 古 然 顧

時元祐 公奏: 成 祖 叨賞典。」累辭 、公與 禹 等,以《實 諸公皆流 所遷官,在 臣 陸 佃 不 林 逮 録 竄 不 成 》機 希 領表, 許。 職。 書 以 訕 嘗 不 至 公耻 爲 最後 一是,希 在 叫 罪 局 因 自 謪 例 初 陳 爲 前史官 之功 轉 以 中 實 覬 書 官 録 范 幸 舍

0 拒 原 作 距, 據《楊 龜 Ш 先生集 九

當 守 州 免 滁 頣 遂 公同 御 與 史言 行述 佃 乃 俱 希 削 奪 木 佃 當與 官 職 公異, 除 降 公 小 集 郡 佃 賢 與 以 殿 奏 公 修 書 知 不 滁

元 之,且 言 宫 符 切 之金帛。 下 法 祖 氣 而 中 置之,不以爲 即即 六 不 時 行 日 \equiv 會 之,於 諱 政 願 以 年 報 嘗 目 之令, 陛下 日 來, 之以賞。 請 府 無 稱 F 蝕 其言不 熈 數 有 對 奏 皇 曾 迹神 四 寧 言: 明 詔 事 肇 即 月 所 之初, 罪 詔 · 簾 百 位 隱 朔 考之故 口 足採 大 官 百 故 庶 「治 用 欽 中 則 然 官 以 以 岩 使 聖太 宣 事當降 後 道 加 事 鼓 阃 召 狂 下 以 諭 以 擇 在 起 動 還 妄 及 修 次 后 爵 廣 日 其 天下 事 抵 民 對 權 詔 轉 声 秩 • 善 除 功 捂 庶 求直 對 路 同 者 神 中 神 敢言之 爲 者 之制 聽 而 書 得 宗 宗 則 後 而 己 斷 舍 錫 行 極 世 駆 在

納

用

《行

述

典

領

使

流

竄

廢

錮

之人

均

被

恩

施

0

肾

朝

每

大

赦

後

置

看

詳

編

四己

罪

可

命

官

元 還 祐 闡 枯 中 特 面 其 骴 外。 命 天 + 公奏: 下 公草 所 ,未被聖澤 大 奪 事 於 夫 詔 官 是 再 投 職 行 生 以 因 述 軌 及 者蒙恩 赦 具 請 本 者 著 甄 如 家 日 所 敘 寇 以 恩 已 以 準、 或 澤 千 厚 言 復 數 曹 矣 於 又乞如 故 舊 利 上 唯 職 用 Ŀ 是 故 得盡 祖 游 典 敷 事 宗 方 出

公嘗奏言 書 本 唐 者 觀 太宗; 德宗, 之治 於帝 雖 別 一代之文章 爲 善言 Ē 論 知 之道 「近 書 者 無 治 謂 世 不 謂 者 言 帝 必 庶 之 言 莫 實 稽 E 幾 貞 成 如 於 百 善 無 觀 六 王 唐 爲 康 不 政 之龜 藝之文。 陸 治者 杰 要 史官 要 鑑 其 莫 太 陸 掇 宗 如 伏 此 歸 贅 其 唐 事 必 大 貞

陛 了, 置 下 退 之 朝 坐 之 右 暇 留 神 紬 繹 省 覽 經 史 發言 之 餘 行 事 取 此 以 此

給 壞 書 守 事 故 爲 官 中 舍 中 淮 人書 制 書 相 庶 人 有 舍 於 侵 相 人不 讀 盛 損 踰 繼 行 治 德 兼 封 門 下 體 有 駮 0 下 給 補 除 公言 事 所 萬 行 目 中 以 述 -。」《行 駮 職 . 「三省各 事 正 省 中 進 述 恐 書 呈, 因 違 有 此 **\$** 源 職 中

諫 避 瓘 伴 瓘 不 昨 官 1 有 H 者 以 世之大 臣 虜 陳 纖 ,妄意 憂 雖 所 使 瓘 臣 君 毫 論 狂 以 所 事 功 青 口 其 謂 官 臣 畢 誠 以 及東 有 意 闡 還 狂 雖 指 陳 則 前 之 家 彻 不 議 朝 預 期 忠。 事 知 即 與 防 則 歸 皇太后 其 披 奏 政 之 於 政 何 詳 寫 書 事 戒 過 清 則 9 腹 以 被 躬 ? 兩 有援 欲 之 詔 不 心, 謫 官 瓘 以 爲 盛 旨 立 公 開 無 以 觀 德 無 適 悟 明 所 疎 累 瓘 聖 萬 聖 顧 遠 館

> 率 者 得 彼 『皇帝 容,特 率 所 有 心 一、公獨 · 豊不 此 狂 保 謂 ൬ 皇太后 類 言 忠 逐 恭 下 全 也。 之, 也 手 盡 美 盛 事 不 Fi 哉 美,忘 書 母
> 行 以 皇 功 以 儀 而 太 爲 德 請 述 臣 留之, 罪 后 復 初 身 巍 不 愚 爲 瓘 巍 以 容 計 瓘 其 舊 國 則 天 小 得 仁 而 皇 職 天 地 臣 罪 能 臣 如 帝 之量 下之人必 妄議 其 子 含 此 以 左 洪 犯 所 0 右 瓘 其 顔 光 難 隱 兩 所 無 嬰鱗 孝 言 敢 誼 忍 此 日 雖 包 俱 如 臣 狂

先 神 祖 故 室 是 則 廟 宗,父子 英宗祔 廟 國 禮 公獻 中 昭 朝 部 當 自 議 有 廟 議 穆 也 僖 哲 則 八 稱 袓 宗 合於 世 遷 . 如 而 升 順 $\overline{ }$ 禮 下 兀 典 祔 祖 書 至 昭 官 禮 ×, 1 宜 神 所 宗 宗 於 穆 議 今 禮 太 大 袝 始始 記 考 更 行 廟 廟 **>** 於 增 備 皆 皇 則 殿 典 遷 增 Z 帝 室 禮 世 七 於 翼

之誼 説 以《 堯 之 時 昭 温 且 年之喪 未 服。」 議 穆, 質於上前 益 爲 有 史記 舜 堯 合者。 者 進 同 上遷 時 喪 畢 公 言 又言 慢世 出 在 爲 三年 日 宣 益 次、《 禮 則 大行 因 邇 . . 祖 部 舜 言 英 $\overline{\ }$ 者, 語 上當 以 (禮記 者方 娶 皇帝 讀《 史記 : 塞。 舜嘗 合 堯 堯、 史記 爲 禮文七世 執 《行述 女 • 祔 **>** 哲 臣 祭法 爲 世 政,故公議 舜 廟 宗 堯 \approx 娶 次 同 服 至 當 *\ \!\ 從 故 不 出 三昭 「堯 與 期 祖 也。」侍 足 黄 大傳》之 從兄 姑。」公 神 信 帝 崩 見絀 宗 \equiv 若 弟 穆 讀 舜 爲

> 比 本 退 材 戒 朝 良,敦獎正 與 所 也 學 魯公言, 謂 士,弟 土 . 論榮之。 休息 直。 草兄 未 嘗 白 澄 《行述 制 不 姓 清 T 惟 風 總 寧 韓 俗 核 反 氏 庶 振 復 與 工 肅 公, 以 紀 此 無 綱 甄 也 敘

朝 廷 外,非 利 不可 更茶法,内 守義 爲。 弗 侍 渝 是 閻 時 無 守懃主之,公謂 守 敢 忤 懃 其 方 意 用 也 事 , 勢 與 傾 民 争 中

建 中 有 不肖 復生 之侈 誠 311 自。 云:「連年日食正月歲 蝕 不得 諛 懇激 靖 有 壅 意者陛下簡 ,聲色技 而 公請 國元 未辨 伸者與? 敝 閶 言 里有 竊 而 對 藝之好 弄 年 發 威 政 不安者與? 極 儉清净之化, 此 福 \$ 涕 太 言 之人 宜陛 賞罰 或或 下 史 旦,赤 萌 因 0 復 下反復循 有 而四 於 《行 陳 未 氣 奏, 不 心與 或衰於前 當 然 旦 天 [方萬 述》 與 天 四 人 則 察,萬一 ,變不 0 [里,銜 月 朝 精 抑 按 抑 廷上下 朔 刑 祲 3 公集 左 虚 冤失職 ጢ 獄 有之, 之説 右 生,必 官室 太 滋 此 前 忠 彰 陽 後, 古 之民 之 劄 邪 服 有 當 至 有 玩 所

時有

液 大

中至正」之論

者

以

元

祐

紹

均

爲

有

失,

魯公稱

上

命,

命

公

推

此

意

爲

詔

消

弭

朋

黨,

須先分君子

小

人,

賞

善

罰

不

口

偏

廢

0

開

説

甚

至。

己

而

詔

自

中

出

上

命

魯公相,公適視草禁中

因

舉

數

事

諭

天

下

公見上言

.

陛

下

欲

建

皇

極

祐 痛 聞 自 士 尅 大 責 延 夫 改 忠良 再 過 不 ,使之交儆 被 吝。 降 黜,公義 使皆 庶以答塞 無 之, 不 猶 須 獨 天變,轉災爲 戒 全 慎 不 請 睹 與 恐 祥。」 俱 懼

元

魯公已罷政,言 己。 焉。 求 言 述 秋 及 公名其 貶,言者繼之,落 言 ",治上 宫 排 年 詔 室 禁。」因 公, 不 内 間 封 迺 杜 貶 堪 僅 濮 言 事 門 坐 容 其 疏 州 異 路率公素所 不 奪 憂, 大 趣 專 榻, 與 職 兩 臣 元 者 練 加 知 官, 數 符 坐 千 公處 副 接 和 末 人 卧 使 餘 徙 州 嘗 有 其 不 日 之 居 汀 有 外 中 合者 ^个行 裕 閲 岳 因 州 是 臣 若 如 書 州 述 追 安 議 未 H 數 將 置 咎 也 書 終 卷 明 公 圃 敢 草 身 年 竄 議 而 在 誦 行

公天資 望之 知 其 若 爲 成 不 厚 德 口 , 而 犯 君 剛 子 而 大之氣 也 則 之 與 則 人 睟 温 交, 然 然 見 口 無 親 於 遠 顔 近 不 面 疎 間

> 受代 器 異。 嘗 更十 述 風 責 其 華 自 後 戚 衣 瀛 者 用 以 屑 之 英 少 進 素 州 爲 雕 茹 力學 質 殁之 意 救荒 間 所 至 己 則民 雖 繪 惟 州,若 實 有 處 藴 任 〈素敝 庸 組 不 恐 之政, 日 無 顯 積 , 夫 爲 挽 織 以 於 不 也 出 賤 惡 此 陳 留 爲 虚 畜 六 而 視 及 藩 隸皆 闔 全活 之,圮 類 辭 詞 其 無 經 以 其 故 不 于 章 飾 字 德 新 白 門 居 其 歎 者 外 而 貌 可 經 衣, 孤 氏 干 處 非 道 息, 在 悉 不 已 밂 之 振 指 則 薦 闔 如 朝 數 口 被 目 Z 書, 爲 以 無 門 無 所 世 經 以 服 之泣 爲 則 所 誠 完 至 儒 無 人 數 綸 家 而 飲 急 以 歸 意。 之業, 衾 素 有 不 計 人 所 食 徒 下 論 貧 得 成 自 不 帷 聞 無 思 摭 由 引 去。 績 究 好 未 之 掖 其 帳 其 其 1 布

曾子開端嚴可畏,有大臣之風,若其輩流,

語言 風 殊 雖 流 爲 位 者 假 崇 失 借 惟 體 望 此 其 重 人耳 慎 龜 少 重 Ш 爲 不 語 得 以 銊 大 言 臣 之 語 又 體 云 云 : 禮 於 貌 曾 今 子 牢 叮 開 以 籠 不 庶 人 以 幾 者 前 顏 色

九之三 内翰蘇文忠公

評 年 以 判 館 £ 中 即 杭 0 位 黄 事 召 翰 起 州 州 1 中 公 爲 林 簽 居 復 , 知 父 名 進 團 翰 朝 學 舍 書 憂, 士 軾 練 密、徐 林 奉 土 人。 鳳 第 副 服 字子 承 郎 兼 翔 使 再 旨 除, 元 侍 府 安 知 湖 中 瞻 祐 讀 判 出 登 置 攝 制 守 官 州 開 州 策 老 出 移 年 潁 封 蘇 優 知 召 汝 召 州 府 逮 等 先 遷 杭 爲 州 試 推 赴 生 復 中 禮 州 除 官 詔 哲宗 直 之 以 書 部 大 獄 舍 兵 郎 涌 中 理 長

> 部 度 紹 明 成 化 + 都 副 聖 殿 尚 軍 安置 使 府 書 兀 翰 年 玉 召 惠 林 還 局 徙 州 以 侍 觀 安 本 廉 兼 讀 置 官 州 侍 建 知 讀 再 學 中 英 又貶 徙 靖 士 州 尋 水 國 瓊 遷 州 貶 出 元 州 禮 寧 年 知 復 别 遠 部 官 駕 定 卒 軍 兼 州 年 監 昌 端 節

公生 爲 嘗 乎 侍 書。 滂 ? 讀 -側 母 聞 年,而先 日 太 東漢 耶?」弟黄門公撰 古今成 夫 史》,至《范滂 人 某 君 日 : 若 敗 爲 輒 汝 滂, 加方, 能 能 《墓 語 傳 夫 芯 爲 其 太 滂 人 慨 要。 夫 吾 亦 然 人親 太 許 太 顧 息, 之 夫 不 授 能 否 公 人 以

嘉祐二年,歐 以 事 文之詭 爲 得 異 公《論 人,欲以 異, 思 陽 刑 文忠公考試 有 賞 冠多士。 以 ∜,以 救 之。 示 文 疑曾 禮 梅 忠 部 聖俞 子 文 進 忠 土 固 時 疾 所 驚 與 爲 其 時

以《春 子 忠見之, 固 放 出 秋 文 》對 以 忠門下士也。 頭 書 義 地 語 居 聖俞 第 士 間, E 0 乃寘公第二。 : 始 以書謝諸公, 譁 老 不 夫當 厭 避 久 乃 此 文 復

E

信伏。

《墓誌

東 矣。」 /坡言: 史館 貼 隣 與 占 遠 必 朝 便 無 欲 授 修 以 復 廷 大 職予之,它日 未可 注 異 培 之 爲 朝 知 一李廌 然 辭 廷 東 器 如 養之,使天下之士莫 制 頃 遽授。 坡聞 何 進 《談 矣。 計 也 試 適 ? 用之,然後 記 足 制 相 之日 今驟用之,則天下之士 他 科中 擢 韓 以 不 或 日 用,亦未 累之也。」英宗 若 公 韓 : 自 程後,英宗皇帝 日 且 公日 一公可 當 取 . 於 三記 爲 ጠ -館 爲 天 用 不 謂 閣 晚。」 注 之,則 蘇 畏 下 愛 中 與 用 軾 慕 日 人 乃 擇 制 要在 降伏 之才, . 以 授 誥 即 近 二月. 德 直 未 欲 -爲

> 介 遠。 聽言· 殿 例 官,意以多事困之。 詳思之。」介甫之黨 避 議 變 異 病 丰 來, ①然後 是。 前 久之,乃 既 無 L 更科舉, 甫用事,多所 自 太 初 有 會上元, 即 還 公爲 是 策 廣 , 朝 日 不宜 論 進 進 應之。」上 Ŀ 召 日 事 士 考 真之官告院 有 人 見 疑焉,使 -以 舉 愈力,介甫 官 太 旨 建 玩 間 臣 鋭 子希合 退 市 好 立、公與 . 皆 竊 竦 公決 浙 擬 願 兩 示 不悦, 意 然 何 燈,公 陛 答 制 人。 陛 愈恨 斷 日 以 争言 下 以 三館議 下 四 精 . 助 介 命攝 安 進 即 求 年 密 敏 朕 浦議 卿 静 祖 9 有 《墓 治 聲 ?」公辭 疏 深 言 宗 開 之。 介 以 誌 旨 太 0 中 聞 封 朕 甫 論 法 待 急 罷 舊 當 公 制 推 欲 素 其 益 事

1 「物之」二字。 「物之」二字。 一个兄子瞻端明墓誌銘

》作

謝 官 失,其 士 及 時 甫 試 苗 進 景 介 噲 晉 斷 京, 人 者 詔 政 館 甫 雖 專 以以 1 不 温 多占 多 立以「晉 得 銜 職 便 見 任 兩 言 與 而 無 占 人 獨 專 之不 失, 之, 制 子之 景仁 言 介甫 信 若 軾 以 斷 兵 舟 舉 軾 傅 今春 未 任 士 向 不 丽 武 船 范 諫 悦 而 舉 尤 之。 轍 堯 有 叶 平 T 鎮 敗 官 販 軾 怒 介 俞 擬 吴, 以 憂 兄 舉 0 介 軾 私 齊 軾 甫 衆 進 發 眅 弟 乃 蘇 事 蘇 甫 弟 以 景 鹽 桓 爲 初 論 之。 士 私 故 定 同 軾 軾 温 使 轍 獨 專 開 爲 策 鹽 以 蘇 也 制 爲 而 辭 斷 恐 人 政 任 排 皆 軾 故 爲 木 策 蘇 功 諫 軾 召 條 管 而 府 當 鬼 又 軾 登 每 異 譏 之, 木等 官 克 爲 例 試 仲 數 堯 今 及 有 科 贊 刺 諫 司 官 何 而 宜 苻 俞 問 上章言 表 者 輔 服 E 事 官 介 霸 也 言 者 爲 弟 堅 軾 翼 向 不 策 以 甫 諫 選 攻 復 ? 燕 伐 介 调 青 間 獨 人

> 適 運 南 介 本 司 甫之短, 江南 體 州 量 迎 東 其 新 西 故 狀 守 以 荆 蓋 榜 軾 湖 語 軾 北 因 眉 力 帶 夔 排 州 以 州 之。 來 成 耳 其 介 都 甫 六 京 温 路 下 也 淮 轉 H

録 Ö

通 懼 子 判 慕 便 至 州 西 一,爲 ,公却之日 與 民 化 郡 兼 杭 不 鈐 而 州 行 之小戢。 押 民 至 來 轄 水 伴 是 賴 是 亢 利 理 時 使 以 也 禮 必 四 臣 鹽 小 **2** 恭 一高 使者發 方行 安。 皆 法 不 順 公使 本 悛 麗 公於其 青 路 高 於 幣 當 今 苗 人 筦 麗 本 於 爾 奏 謂 人 庫 免 朝 間 官 暴恣 之。 之日 貢 役、 吏 稱 乘 使 常 个,書 臣 勢 市 押 者 非 因 驕 易 伴 凌 遠 稱 法 而 汝 横 蔑 甲 者 導 夷 以 浙

0 H 原 作 E 」,據文義

0 作 》改 據《樂城後集》卷 二《亡 兄 子

墓

自密

徙

徐

是

歲

河

決

曹

村

泛

于

梁

山

泊

溢

禀 寧 Ē 然後 朔, 受之。 吾 安 敢受?! 時 以 爲 得 使 禮 者 呕 墓 易 誌 書 稱 熙

徙 幸。 若 提 知 以 誰 朝 又 下 定 廷 何 舉 密 敢 **《墓** ? 諸 户 常 亦 不 州 路,不 等, 誌 知 從? T. 使 時 手 官 者驚 又 方 實之害, 曰 : 今 時 使 行 出 施 手 人 於 違 實 行 得 罷之。 制 司 者 告 法 公姑 農, 之 以 其 使民 坐 違 不 徐 是 一,若 密 制 實 之。 擅 自 人 論 自 造 疏 私 司 未 律 朝 財 公謂 以 農 幾 也 廷, 産 爲 寺

郡 投 卒 嘗 少 安 其 殺 有 [X] 書 徐 暴 班 盗 人,畏罪 不 使 恣 竊 使 視, 臣 行 發 人 而 招 2 驚 日 以 領悍 未 :「必不 出 散 禁 獲 戮 欲 物 卒 之。 安 誣 數 爲 撫 民, 至此。」 + 亂 《墓誌 轉 人,人 運 其 民 司 潰 家 訴之,公 境 憂之, 卒聞 争闘 捕 之。 之 遣

> 之,雁 安。 城 出 禁 其 吾 驅 不 出 于 = 板。 火 卒 避 軍 使 誰 避 南 然 長,謂 堤成 築 ·, 宜 伍 塗 復 清 水 與 于 公廬 Ħ 東 潦 守 河 中 人,公履 爲 城 日 ? 南長堤, 公 之 下 水至堤 吾 我 率 於城 夜 城 日 日 盡 五日 其 儕 南 漲 不 . 力 屨 小 在 徒 F 止 不 兩 0 下, 富 人 杖 是 河 短 時 山 首 過 河 卒 水水 効 民 策 將 環 衣 洩 害 起 家 勢 長 若 命 害 繞, 徒 親 不 戲 決 益 城 不 呼 出 之 城 跣 及 馬 人 不 將 吕 暴 日 秋 城 武 民 臺 事 能 梁 . 敗 持 使官 城 也 急 衛 心 敗 0 民 畚 太 尾 富 白 不 誉 矣, 城 動 吏 心 執 守 步 沉 屬 鍤 民 摇 分 者 扼 乃 於 以 猶 雖 呼 梃

0

五.

[「]墓誌」。原作「志言」、據《樂城後集》卷二二改。

[「]東」,原作「未」,據同前書改。「一三班」三字,原作「三墓」二字,據同前書

徙 憂 難 復 於 誇, 知 之。 之,促其獄 浸 或 築故 巾 堵 吏,欲必寘之死,鍛 也 事 「蘇 東坡 - 芒屨, 不 有 潤 用,而 湖 而 有田 言 緣 訖 不便 城 不 守,卒完 遺 州 忍終棄。 者從 诗 事 止,至是不得 爲 官 以以 軾 自 與 在 言者 , 詔褒之,徐人至今思 人之義,託 於 逮 朏 ,以黄州 號 田 常 木岸,以虞水之再 表 而 赴 民者, 父野 居 東 城 沮 一未 謝 媒 御 願 思咎 (以聞, 坡 之。 上,言事者 、蘖之。 史獄 得 至,上書 老 居 煉 團 不敢言, 相從 事 居之,書朝 士。 已 F 練 久之,不決,上 閲 0 復 以 從其請。 手札 副 初,公 歲 上 請 溪谷之間 誳 三年,2上有 自言· 使安置。 滋深 初 調 亦 擿 庶 徙 薄 至 來 既 不 馬 其 有 幾 人 汝 朝 其 歲 補外 敢 既 飢 語 有 州 築 過 夫 夕報 公幅 付 材 寒之 默 終 墓 廷 補 以 一誌 實 略 意 憐 室 視 從 獄 於 見 爲 增 而

> 其疏 力。」 後子 見其 是 《元城語録》云: 果復 鼓院投進 書救之,欲附南京遞,府官不敢受。乃令其子恕至 所養,要令暴慢邪僻之氣不設於身體。 論事 東 必使言之者無罪,聞 無,如子瞻詩多所譏 敦厚之氣,對 口 激宣帝之怒爾。 坡詩,則言之安得無罪 0 由 副 或問其故,子由 有 ,多不循 用。 本,因 亦 Ž: 士大夫知上之卒喜公也, 一、恕徘徊 見之,云:「宜吾兄之吐舌也,此 『上無許、史之屬,下無金、張之托。』此 《墓誌》〇又《龜 理 吐舌色動久之。 人主 徊 ,惟是争氣 東坡下御 不敢投。 語言及 且寬饒正 曰 之者足以戒,此所以 玩 殊 獨 史 章 無惻 圃 而 久之, 東坡出獄。 山語録》云: 獄,張安道致仕在 不見鄭昌之救蓋寬饒 以犯許、史輩有此 疏 聞之豈足以 己。 人問其故,東坡 文字, 怛愛君之意。 何 以事君? 温 柔敦 〇又 爲文要有 會晏駕 尚 成形乎 事 譎 iΕ 厚 不答。 其 諫 日 荆 南 禍,今乃 後 得 尤 君子之 公在 也 京, 乎? 東 語 張 凡 登 \bigcirc 不 其 不 ıΕ 恕 坡 聞 又 詩 如 朝 口

2

^{↑ 「}擿」,原誤作「擲」,據《樂城後集》卷二二改。

[「]三年,神宗數有意復用」云云。「三」,同前書作「五」,《宋史》卷三三八《蘇軾傳》有

開 官 朝 大夫,必 切 再訐之,是 端 爲 0 廷 何説 争 獨 則 勝 援陛 是 激 耳。 殺 益 人主之怒乎? 先生 F t 其 今安 以 大夫 怒 目 爲 也 道 例。 白陛 「但言「本朝 之 且 F 疏 東 神宗好 始 僕 坡 乃 日 Z 何 而 罪 後 名而 未嘗殺上大夫 「其 然則 世子 ? 畏 獨 實 是時 孫 義 以 天 大 名 下 疑 救 而 太 之 пĴ 殺 東 , 今乃 高 奇 图 以 坡 此 者 材 與

蘇 鞏。」 幾 珪 東 之。」珪有 罷 坡 蔡確 鞏進《太 既 去。 貶 日 黄 難 聞 州 見 色。 \sim 祖 後 ,神宗殊念之,嘗 總論 或 又 史》 日 \leq 至 不 重, 當神宗之意, 掉 不 미 口 命 語 蘇 姑 宰 相 用 軾 曾 成 王

止之。」

王 介 款 爲 高 居 服 9 黄 恨 甫 母 輒間 劾 喪 與 州 子 (蘇 子 子 之。 瞻 子 後 瞻 瞻 日 瞻 移 中 作 以 初 汝 爲 丞李定,亦介 詩 軾 無 州 不孝,作詩詆之,●定 謗 欲 隙, 訕 過 有 吕 言於公。」介 金 遂 惠卿忌子 陵, F 甫 御 見 史獄 客 介 也 前 甫 瞻 色 甚 謪 以 才

> 之。」子 嘗 禮 卿 言 兆。 待公者非常禮 安 子 獨 西 言 動 日 乎! 爲 方 者, 「出在 敢 瞻 無 意子 在 恐 惠 用 祖宗 言 一言以救之乎?」介 外則 天 子 卿 ? 兵,連 瞻 介甫 瞻 F 膽 發 以 安石 日 不 辯 事 子 泄 其 仁 0 Ħ, 事 厲 年不解, 前 瞻 也 「無 公公 大大 其 厚治天下, 口,人 皆 0 聲 H 事 言 日 兵 惠 事 使 所 日 君 介 . 也 大獄 L 在 以 也。 卿 . 之 甫 東南 「安 固 啓 知 子瞻 事 常 色 介 子 也。 之, 漢 甫舉手 1 IE 禮 定, 石 數 私 甫 瞻 者 欲 耳。」蓋 耳 安石 書 須 起大獄, 又 然 日 豈 唐 日 O 革 説 . 莊 兩指 在 尚 滅 可 此。 上 在 畏 朝 È 子 介 姑 以 所 軾 瞻 示 公 之 惠 甫 又 常 以 今 言 則 所

^{1 「}作詩紙」三字、《邵氏聞見録》卷二一作「惡」。

② 「款」,同前書各本或作「歡」。

愐

子 天 争 下 弗 減 爲 半 須 车 是 乃 磨 知 可 勘 行 0 雖 子 不 殺 膽 義 人 戲 9 亦 殺 日 爲 之。」介 「今之 不 辜 甫 君 得

温 公不 公刺 堂 選 矣。 循 户 笑 切 遂 世 公 休息者。 使之,多以 條 高下 ~,獨 以 以 E 一,法 議 加 意 樂,公亦不 陜 差役代之。 温 病 不言。 改 陳 久 以 公知 西 出錢, 免 實 於 先帝. 多 不 若量出 義 告 役 口 弊,編 雇 破 免役之害, 勇 (聞見 一,而 爲 役 産 ጠ 温 知 ,公爲 差 實 録 無 顧 其 君 方差 爲 公 而 户 役。 費 執 然,故 忿 實 人 充 狹 之外 諫 軾 役之苦。 , 不 然,公曰 官 鄉 役 毋 而 差 官, 悦。 昔 置 之民 不習 爲免 多 役 不 , 闡 争 局, 取 取 知 行 嘗 公道其詳。 之 或或 錢 役,使 其 : 於 公亦 見之 行 於 官 甚 利 過 民 昔 法 祖 有 府 力 多 政 者 宗 韓 與 欲 民 則 不 又 其 足 得 魏 魏 民 不 以 虐 之

除 侍 豈 止 今日 讀 進 墓 作 誌 讀 相 至治亂 不 許 軾 盛 盡 衰,邪 言 耶 ? 正 得失之際 温 公笑

諫 恭默 太 政 治 俊 官言 幾萬 侍 未 事 方西流 今賞罰 皇 爲 爲 疏 E 嘗 事 每 人, 言 讀《 太 小 不 不 前 不 以 如 足 譏 幸 此 言 反 后 祖 帥 而 不 朝 覆 相 刺 内 恐 强 明 聞 宗 臣 若 謂 時 蔡 開 出 廷 寖 寶訓 公所 之使東。 掩 善惡 宜 深 若 導 事 持 手 成 蔽 **大**大臣 罪 皇 薄 IE. 詔 衰 論 \forall 覬 不 無 確 帝 知 確 亂 赦 説 因 以 L 所 安 降 之罪 之 之。 夏 則 及 闡 議 有 勸 輒肯 敕 州 漸 人寇 時 於 遷 所 沮 置 ¨, 則 。」《墓 朝 事 則 太 之 作 覺 首善之。 獄 廷 鎮 ,公歷 仁 皇 詩 於 嶺 又黄 悟 記 亦 逮 戎 孝 太后 皇 借 南 治 ? 殺掠 不 兩 帝 郝 河 言 得 孝 公 嘗 雖 而 處 勢

杭 衆 糶 牒 供 得 它 粥 州 常 黄 處 米 白 大 藥 公 平米,民 常多。」 ,易米 金 旱, 劑, 之 五 飢 + . 遣 以 疫 兩 乃 吏 杭 救 遂 故 並 以以 裒 挾 飢 免大 米 作 水 羨 作 醫 者。 不 陸 緡 公 病 旱之苦。 翔 分 之 請 得 坊, 明年 貴。 會 坊 於 稍 治 千 朝 方 因 復 畜 病 春 公 疫 得 復 錢 免 發 活 又 病 賜 本 糧 刨 者 作 路 以 私 死 減 度 待 橐 比 甚 僧 饘 價 L

杭 之利 本 中 Ŧ 西 廢 浚 二年 頃 五 湖 江 西 公始 湖 萬 水 海 取 之 餘 然湖水多葑 淤 作 給 地, 丈 至, 水 淘 於 井, 水 江 浚 而 爲 運 泉 民 潮 水 市 河 鹹 足 無 泂 久久 井 潮 • 苦 於 幾 濁 大 廢 自 以 矣。 水 唐 患 多 開 茅 河 刺 淤 治 山 人 運 而 及 中 田 白 李 六 河 河 至 洄 井 是 失 居 泌 行 所 湖 積 始 亦 景 溉 易 幾 復 引 費 水 至

> 潁 戟 遇 群 者 捕 有 修 潮 公 力 湖 不 通 「爲言 盜 獲 噤 湖 復完 刺 盗 宿 南 水 以 直 畜 北 所 不 吏 賊 而 君 亦 鹽 六井 於朝 方 在 杭 洩 敢 尹 兵 獲 能 以 橋 言。 有母 者 募 ,分命弓手 遇 人 之 之。 禽 不 名其 又 等 非 人 限 此,當力言於 請 職 河 年 數 種 公召 然 取 奏 以 受 九十 堤 人, 菱 然 葑 年 朝 小 免君矣。」直 湖 日 汝 湖 後 往 群 勞 廷 \blacksquare 不 水 陰 中 蘇 潮 積 改 母 捕 以 黨 雁 復 尉 公堤」云。 朝 子 其 名 驚 湖 不 朝 格 而 李 造 人 散 泣 黨 捕 劫 中 收 乞行優 推 直 市 堰 方退 爲 郎 别 不 其 殺 而 賞 方 階 獲 閘 長 而 利 變 且 躬 《墓 堤, 不 行 以 被 爲 緝 賞 謂 以 以 往 主 及。 手 直 之 備 捕 知 殺 及 以 餘 爲

之,至于今不

廢

墓

誌

●「放」、《樂城後集》卷二二《亡兄子瞻端明墓誌銘》作

《墓 方賞 以 符 一誌 會 考,①公自謂 朝 廷 不 從。 其 己 後 許 吏 直 部 方。 以 公 卒 京 當當 遷

元祐 整 言 主 外 諭 太 儀 使。 疏 丞 誰 東 仗 也。」 劾 職 夫 儀 坡 衛 何 七 忽有 衛 之。 當 仗 ? 呼 甚 東 人、3國婆婆,乃上之乳母。 上 年,上祀南 坡 使 東 肅 因 御 肅 敢 《談 赭 坡 五. 太廟 明 御 誉 日 政 爾 傘 記 史中 巡 日 曰: 「可 一使乘 不 亂 犢 , 宿 檢 軾 中 郊,公以 口 車 行 使 齋 丞李端 車 當 使 不 .__! 百 行 \ 以 至景靈 傳 自 聞 餘 狀 於 日 奏。」 命 禮 兵 兩 車 伯 來。」比 李 畢 部 9 申 之 前 即 某 皇 以 ·, 特 官 尚 敕 衝 純 於 或 中 后 東 書爲 有 突 至 至 * 日 青 宫 大 并 輻醒 青 圃 青 司 城 長 某 不 西 鹵 9 城 城 來。 嚴 敢 中 門 1 國 簿 來

> 乎?」不聽。 肯 曰 予,今高 漢 東平 《墓 麗 王 所 請 誌 諸 請 子及太史公書, 有 甚 於 此, 其 可 猶 子 不

知定州 不識 之。 戰 治則 房 卒史復 取 不 **禁止** 教 法,衆皆畏伏。 其 衆乃定。 貪汙 上下之分,公命舉 印, ,定久不 軍 以 飲 校蠶 汝若 贓訴 甚 博。 者 食 治 得 會春 其 軍 其 告, 配 軍 長。 然諸 中 凛 賜 大閲, 隸 政 軍 衣 遠 公 尤 舊 中 校 食稍足,乃 故 惡 弛 一典,元 軍 多不自安者 亂 不 禮 矣。」 然 武 敢 久 此 後 帥 衛 何 廢 亦 事 部 常 繕 卒 間 服 吾 修 將 決 勒 驕 有 答 自 主 吏 西己 以 公 墮

●「忽有赭傘犢車百餘兩」,洪本

高

麗

使

請

書

於朝

朝

廷

以

故事盡許之。

公

³ 「人」下,洪本、張本有「國婆婆」三字。 友談 車青蓋犢車百餘 記》全句 作 赭傘 輛 覆 百川 犢 車 本、張 學 並 青蓋 海 》戊 本 犢 作 集 車 忽有 百 濟 南先生 兩」。 赭

足

也

四

年,

復

以

瓊

州

别

駕

安置昌化,

昌

納之竁。

又率衆

爲

天

橋

以

濟

病

涉

者

•

惠

愛敬之。

後二

年,0大臣

以

流

竄

者爲

未

愚

,皆得

其

驩

心,

疾

苦者畀之

藥,

殞

敝

者

姬

所

侮

胸

中

泊

然,

無

所

芥

一帶

無

賢

用 以 口 至 作 祖 帳 口 大 使。 其 戰 用 . 奏 今矣。」北戎 自 中 故 (,將上,光祖 公奏 射 之憂,惟沿 定人言:「自韓 謂 0 俗 自 歲 老將 將 立 久 爲 衛 吏 法 耻 免 戎 隊 猶 弛 久 保 服 之, 伍 號 邊 和 申 震 奔 復爲 精 將 弓箭 邊兵 稱 走 及 恐 校, 鋭 魏公去,图 疾 執 内 而 保 社 不 事 出 出 税 不試 甲 故 兵, 出 訖 折 人賞罰, 所 相 副 變 撓 龐 與 事 不 公 臨 總 寇 科 漸 公守邊 見 無 管 召 事 西己 爲 緩急 有 此 敢 書 不 王 鄰 長 爲 禮 慢 光 吏

議者惜之。 《墓誌 公平 間。 見 有 亡,子孫 築 官 盡 化 口 樂,時從其父老遊 遺言。 善 蔭 0 屋 非 生篤於孝友,輕 室,昌化士人畚土運 稱 見 人不堪其憂,公食芋飲水,著書以 補,復以奏伯 以 人 義 之 所 庇 未立, 公既 如 勇 居, 風 於 恐 雨 食 敢 杜 不 除 飲 6 氏 爲 及, 喪, 一,亦 有 父之曾孫彭。 財 不

姑

卒未

葬。

先

君

没

好

施

伯

父太

早

無間

也

《墓誌

即

以

禮

葬

姑。

可

猶

謂

不

可

則

買

地

甓

以

助

之,

爲

屋

爲

具,

藥

石

無

有

所

僦

2 0 坐」。 主 魏」,原誤 欒 城 作「衛」 後集》卷二二《亡兄子 據《樂 城後 集 瞻 端 明 改 誌 作

公謫

惠

州

獨

以

少子

過

自

隨

瘴

癘

所侵,

蠻

吏

以

時

訓

勞

不

報

8 天」,同 前 書作「二」。

後」,同 前書作「居」。

同 前 書作「初」。

五六九

其於人,

見

不

善

斥

之

如

恐

而

不

顧

其

用

此

祖父嘗云: 怨 數 叔 齊,古之賢 木 於世 公實有焉。 子 一、然終 膽 人, 有 不 盛 日 以 《墓誌 「求 名 爲 於世 恨。 圃 孔 而 得 子 退 仁, 謂 無 伯 自 又 夷 何 矜

九之四 門下侍郎蘇公

之色,此爲過人。」《蘇氏談訓

遷 税 書記 省 官。 子 熙寧二年,上書召對,爲三司 官、乞養親 起 校 知 0 居 出 舉進 書 公 歙 簽 一爲 名 郎、 郎 州 書 河 士,復 轍 績 不 中書舍人、户部侍郎、 南 南 字字 明 溪 京 推 赴。 年, 縣 中 子 判 官 制科 至京 淮 由 官 復爲 哲 宗 陽 老 謪 師 除 大名 教授 即 蘇 監 商 除 位 筠 先 條 州 府推官 右 生 除 州 齊 軍 例 司 翰 之 祕 鹽 州 事 司 諫 林 掌 推 次 書 屬 洒

> 書 學 寧 居 汝 元 + 中 符 州 士。 住 右 餘 降 丞 降 末 遷門 薨。 朝 移 奉使契丹還,爲 又 授試 請 岳 貶 大 州 授 下 少府 大夫,居 散 · 侍郎。 復 官 太 監 題昌。 中 安置 分 元 御 大夫、宫觀 司 祐 史 循 南 末 中 政 雷 落 京, 丞 和 末 筠 職 拜 年 州。 崇 州 知 尚

轍 景仁 勤 爲 必 仁宗 年 會之言,吾愧 見黜 0 不遜 Ó 十九,舉進士,釋褐,二十三,舉直 親 難之,蔡君 轍 M 策 因 以直棄之,天下謂 然 力 所 之於 考官 請 間 之 朏 廷 極 而 謨 司 之。 言 不 馬 日 時 得 敢 . 君 上 上 失。 「吾三司 實 怨。」惟 春 日 我 第 : 秋 策 何 以三等。 ? 高 人 以 胡 使也, 直 武 宰 始 轍 言 平 相 倦 自 言 山 不 范 謂 召 以 於

^{● 「}人」、《鱳城後集》卷一二《潁濱遺老傳》上作「入」。

策 詰 有「 文 俊 永 蘇 通 語 圃 Ŧ. 盛 轍 愛 《潁 用 謂 德之 亦考 肯 真 君 濱遺 之, 臣 甫 之下 宰 撰 意 之言。 所 官 老傳 尚 事 相 詞 其 薦 也 第 以 也 不 右 一、乞宣 也 谷 宰 足 知 除 室 0 諫 永 相 用 其 商 相 陛 疑 官 韓 不 州 付 欲 專 之乎 下 魏 楊 然,故 軍 得 史 攻 赦 公 樂 事 ? 館 婁 人 哂 其 道 推 文 師 主 狂 見 官 知 德 通 0 直 比 制 上 悦 當 而 譜 郝 之 此 知 日 制 從 收 沈 處 谷 0 制

神 便 書 之 辭 執 宗 事 謀 即即 政 嗣 以 領 主 位 介 告 H 甫 既 轍 召 勿 此 急 司 議 對 疑 青 求 年 條 事 延 苗 財 矣,求 例 名 和 它 法 利 牾 殿 日 也 上 而 治 以 轍 諸 時 不 甚 轍 告 君 H 知 介 急。 爲 之 熟 本 甫 介 之屬 議 日 新 轍 甫 吕 得 出 以 惠 幸 以 不 有 書 卿 錢 卷 不 敢 爲

數 判 之 貸 責 也 必 有 見 X 鞭 用 能 或 貸 利 使民 非 千 官 貴 爲 糶 理 在 計 箠 及 民 也 劉 道 自 一當徐 賤 ? E 必 晏 其納 民 僥 未 使 而 爲 此 錢 然出 廣 以 用 之 晏之 之 知 患 倖 嘗 出 本 此 廉 逾 之未 議 功 便。 錢 不 得 息 有 州 錢 民 月 納 召 四 所言 雖 行 修, 錢 可 縣 所 之 手 議 方 於陝 嘗 之。 立 吾 不 分 事 假 際 非 富 公誠 事 無 竢 雖 雖 言 逾 貨 不 則 或 民 甚 本 西 時 未 後 也 有 吏 廣 青 勝 常 不 之 貴 有 漕 0 嘗 有 以 有 緣 良 廉 煩 免 平 福 意 甚 異 介 有 個 尤 救 民 司 爲 嘗 矣。 法 違 於 賤 貸 論 之 私 甫 賤 民 姦 會 奏 使 耳 不 限 民 之 之 行 者 必 日 乞 河 幸 唐 加 雖 吏 免 病 糴 困 今 度 舉 北 勿 倚 劉 刀 晏 如 非 有 苗 僧 轉 君 有 晏 相 此 安 方 法 此 圃 理 法 非 言 牒 運 外 行 法 用 貴 豐 爲 督 堂 則 不

初 院 害 本 退 侍 其 見 利 春 無 也 見 敢 桁 北 日 陳 言 路 遣 過 有 謝 散 言 所 不 亦 得徐思之。」後數 中 暘 何也?」 利 憂。」 八 者之不 在 自 卿 同 秋 未 暘 外 叔 日 害 人者 轍 此 斂 材 傳 叔 知 介 以 事 以 對 往 青 等 笑, 其 甫 樞 日 有 與 聞 對 苗 上 行 欲 見 八 . 所 密 實 名 介 ... ,至今未上。 遣 暘 法 即 知 日 人, 唱 副 所 何 件 甫 遂 位 往 叔 所 公 漫 使 如 遣 欲 暘 行 意 之 一誠 遣 諸 有 日 與 遣 而 暘 ? 果 於 合 遺 叔 初 路 必 知 疑 使 介 叔 出 賢 四 暘 之 不 生 暘 遣 甫 逆 即 命 往 外 不 欲 方 叔 深 今當 四 事 將 使 叔 共 間 請 天 按 審 間 召 和 方 迎 之 日 事 不 網 . 下 實 屬 而 公 公 也 遺 合 遣 不 肯 捕 搜 監 之 既 老 官 君 施 耳 使 便 傳 行 諸 之 君 耶 知 然 訪 人 於 獨 既 司 宜 具 近 密 姑 莫 遺 君 事 利 操 河 ? 來 召 而

> 傳》 以 覺 其 轍 得 罪 非 決 此 知 不 其 以 力 黨 議 미 暘 不 者 中 能 叔 意 止 救 可 且 草 之, 請 0 以 不 補 書 奏 劄 樂, 外。 抵 除 子 漫 介 河 介 甫 乞 具 南 甫 催 草 推 暘 大 之。 官 怒 叔 無 益 指 惠 將 遺 也 加 陳 卿

兀 阼 留 祐 改 新 外 韓 君 天 下 憂 實 縝 元 以 聖 思 照 聞聞 之。 年 合 知 吕 樞 慕 母 之, 9 前 聖 天 密 臨 晦 除 轍 事 使 意 叔 知 右 政 德 言 之失, 章 等 前 司 奉 繼 而 日 惇 諫 H 欲 : 此 承 之 皆 弊 親 革 宣 遺 志 以 在 先 事 發 弊 旨 不 泣 位 帝 德 事 后 皆 遂 罷 音 晚 0 窺 臨 是 先 年 導 奄 伺 舊 朝 以 帝 將 9 棄 得 相 之 皇 寢 洗 用 萬 失 蔡 所 疾 廢 帝 心 司 或 確 自 践 欲 彌 中 馬 市

吾 皆 鼓 以 耶 則 不 以 責 久,據位 Ш 下 罪 厚 易 修 安 今 一品 调 ? 謝 陵 則 舞 知 輕 有 也 城 損 吕 天 罪 也 愧 以 相 而 小 ? 池 日 則 雖 嘉 孝 青 不 下 後 賀 臣 之役 安 昔 最 則 問 廉 苗 去者 夫 貪冒 確 得 尊 H 大 則 猶 尺 八爲 謹 臣 等 蹇 宋 止 臣 大臣 安 不 童 偃 大臣 蓋 獲 復 愚 案 榮 誠 用 周 助 以 得 争 然 子 罪 茶 確 不 役 利 輔 臣 以 以 任 ? 蔽 不 所 忘 在 最 知 等受 奔 等。 爲 昔 言? 塞 重 鹽 職 共 賈 寬 朝 重 以 君 是 之 責 聰 知 競 青、 保 廷 鐵 不 皆先 昔 恩 徇 命 重 所 而 明, 甲 無 也 以 之 窮 最 肯 \$ E 之 己,不以身 有 行 0 耻 爲 小 逢 舊 究 深 所 子 帝 引 所 免 靦 爲 今 臣 凡 君 所 其 咎 京 至 買 面 行 任 確 朏 是 一者 之惡 此 以 爲 心 辭 目 馬 爲 事 等 吴 耶 任 張 誰 細 位 任 曾 最 均 非 所 非 ? 自 之 誠 輕 放 民 居 *

> 世 去 退 此 罪 之分, ,然卒不 ? 戾, 爲 乞出 而 恨 臣 歸 以 雖 臣 咎先帝, 遺老 其 萬 此 前 章 傳 死 後 , 不 宣 反 恨 不 示 復 也 忠 確 歸 。」三人竟 不 等, 咎先帝罪 孝 使 寧 自 皆 有 處 逐 過 進

以

山 吕 學者 方 之 馬 其 相 乃 便 世 其 惠 IIII 議 私 喜 半 害 以 不 元 君 後 卿 未 病 散官 悪 説 實 勢 始 徐 欲復 預 定, 之, 既 講之未 爲《 之。 鈞 諂 貶 而 安置 以 力 詩 事 君 疑 行 轍 竄 清 時 抗 介 懼, \approx 實 言 差 詳 德 建 惠 甫 書》 改 役 轍 : 則 君實 州 雅 卿 自 而 爲 A. 傾 倡 新 天 望 不 自 欲 新 一,專 疏 陷 行 義 不 罷 知 知 下 格 其 虐 信 介 差 差 韙之。 罪 以 日 任 、姦,請 甫 政 也 役 雇 考試 復 大, 乞宫 而 朝 勢 之 甚 之, 政 以 至今僅 王 弊 亦 天 於 害 遺 加 介 民 知 老 難 下 仇 深 天 其 觀 甫 雇 始 傳 行 譴 讎 下 實 自 聞 役

試 議 場 詩 幾 皆 支 弊 究 未 來 鄉 督 + 令天下 至 根 爲 0 首 0 年 於 便 數 賦 户 有 芽 年 或 而 0 晚 然 皆未 治 雖 今 尾 盤 年 司 出 切 議 吏 後 舉 也。」《遺 經 錯 號 州 又言 審 但 己 如 民 忽 不 人 可 使 若 徐 誦 議 縣 行 小 見 舊 皆 遽 時 施 知 既 且 役 技 差 議 讀 之 未 便 決 不 行 行 有 役 老傳 惟 錢 依 元 講 徐 習 行 而 進 定 專 經 欲 之後 趁 舊 祐 傳 例 緩 慣 解 比 + 義 論 雇 用 恐 五. 乞先降 今冬成 有 闡 次 尤 兼 來 役 乃 E 年 既 無 積 況 四 聲 年 得 氏 取 不 行 以 意 復 役 盡 年 方 律 學 注 可 秋 審 後 之後 指 爲 人言 今 寬 法 法 輕 詳 疏 科 揮 用 不 賦 學 仍 年 剩 舅 易。 來 及 舉格 免 來 功 涉 罷 而 日 諸 若 年 别 則 大 惶 衆 律 不 待 月 家 年 要 進 役 約 生 不 義 惑 淺 事 選 之 科 論 無 退 使 催 足 窮

初 是 議 使 增 降, 禮樂 歲 寨 議 官 將 遵 或 故 不 至 神宗以 棄 入 年 置 親 大饗 不不 用 爱 親 一合祭 今秋 溥 守未 界。 夏 郊 此 神 丘 蘭 祀 至 及 祀 將 始始 此 法 於 州 位 天 明 景 夏 天 必 轍 上 親 决 朝 地 明 國 於 用 丘 響 其 兼 來 地 夏 最 下 備 百 堂 廷 延 内 皇 饗 賀 或 ٥ 明 爲 意 位 轍 神 别 知 《遺 安 亂 或 天 堂 祐 登 雖 奏 以 得 政 言 故 行 其 路 老 明 恭 地 爲 屢 禮 極 人 用 府 他 也 傳 轍 日 有 堂 增 謝 遣 皇 , 0 兵 禮 從 言 請 使 置 不 乃 典 於 使 帝 臣 攻討 或或 臣 祀 還 頃 地 安 報 禮 大 與 愚 不 竊 白 之 者 未 彊 而 慶,皆 或 大雩於 諸 欲 口 庶 神 見 意 西 出 至 未 朝 公 米 乞 於 幾 皇 以 境 修 七 舊 然 共 用 若其 精 明 脂 熙 祐 _____ 雖 職 年 南 典 大 伸 詔 又 等 睘 加 誠 明 年 至 郊 遣 臣 路 堂 禮 \overline{H} E 陟 丘 有 冬 前 而

機 寨 守 思 使 聽 不 爲 子 廷 朝 m 之議 夏 慮 決 效 開 後 斷 疆 口 廷 則 情 得 早 斷 命 失 埸 悔 厭 人 將 畏 禍 得 以 ? 也 皆 之 兵 遂 誰 賜 帥 兵 難 勢 爲 事 彼 不 服 若 任 裁 吏 而 窮 無 確 重 況 若 初 得 其 士 予 斷 其 己 然 今 始 不 其 點 責 羽 恩 日 不 朝 不 自 無 來 便 ? 集 間 書 之 情 廷 復 請 言 使 0 請 兵 沓 不容 事 惟 爲 未 深 西 命 於 馬 欲 至 乞 接 恩 覺 戎 0 度 È 是 使 髪, 聖), 兵 其 勝 屯 别 不 其 朝 E 此 心 聚 失 意 致 負 交 E 予 狡 妙 廷 議 以 猖 紛 之 在 境 此 心 , 年 許 忍 此 則 發 然 狂 L 機 日 此 還 邊 自 母 蓋 反 而 時 棄 覆 舋 許 Ŧi. 臨 誰 后 必 不 朝 知

初 還 元 隄 防 因 豐 未立 導之北 中 河 歲 決 有 流 大 决 水 吴, 溢 性 之 先 己 患 帝 順 知 本 惟 非 故 河 道 深 道 害 不 未 口 深 至 復

> 難 是 也 狄。 從 起 歟 天 自 吕 淺 而 而 此 重 當 非 0 修 諸 ? 下 視 晦 事 諸 而 與 異 晦 而 其 公欲 得 且 智 故 和 叔 諸 公皆 對 叔 其 孰 中 日 失 未 河 勇 之, 時 亦 書 公 爲 ----與 或 決 完 口 孰 爲 以 籌 未 今 . 侍 責 先 從 始 自 力 之, 與 中 究 病 之。 郎 日 帝 世 14 河 謂 北 主 元 先 書 没 吕 悉 ? 是 重 無 豐 決 欲 界 河 日 帝 相 微 河 既 自 所 矣 ,導之 取 而 西 河 人 ? 晦 仲 事 遺 謂 而 預 北 -轍 之 而 海 流 老 叔 勢 智 計 間 樞 傳 回 加 人 北 晦 自 驚 則 河 諸 勇 力 見 之, 潞 密 泊 先 流 諸 叔 日 之 公 勢 隆 河 公 副 淀 帝 . 問 亦 唯 其 公 議 不 力 朔 欲 重 使 自 莫 不 唯 日 爲 因 紛 過 君 能 無 久 安 以 能 能 元 其 先 鼓 紛 力 何 必 厚 以 加 日 奪 П 舊 帝 公 禦 彻 舞 淤 卿 ௱ 爲

轍 遷 户 部 侍 郎 常 大 轉 對 9 言 日 願 明 詔

其 矣。 害 作 部 作 在 \equiv 有 遺 矣。」 之遲 民 費 監 院 老傳 I 司 之多 皆歸 一、皆兼 利 部 罷 朝 出 速。 部 外 則 少 廷 于 轉 水 隸 無 敗 , 而 以 運 荷 監 户 所 事 爲 9 可 司 丞 工 部 逃 而 乏用,工 然,從之。 否 部 舉 後 其 至 多 使定 任 天 責 於 河 少 其 矣。 下 都 北 其事 在 功 部 貧 水 河 惟 户 之 無 富 苟 事及諸 之可 部 良苦 都 軍器 所 良 可 水 責 辭 苦 則 仍舊 否, 將 之户 其 程 傷 路 遲 譴 裁 谏 財 其 作 都

轍 使,轍 之, 自 六 也 主 額 、曹條 一者苟 不 爲 事 命 難 中 之 兼 量 定 書 悦 例 領 事 煩 舍人, 子 也 群 事 裁 劇 吏, 減 功 吏 昔 莫過 與 領 比 É 有 之 范子 吏 舊 白 流 再 此 部 額 中 E 内 功、 矣。 乎 幾 再 銓 元 數 者,進 劉 却 豐 昔 今 倍 貢 矣。 所 銓 侍 父同詳定 定 日 : 吏 郎 子 朝 吏額 止 左 功 廷 + 選 患 吏 奉

> 若以 與之 應。 於 賂 數 故 執 紜 限 取 至 至 H 重 , 一則不 一數倍 生 前 死 無 逐 少 禄 請 分數 事 事 儀 獨 財財 釐 所 口 雖 據 今左選吏至數 者, 李 議 兩 以 逃 以 朝 實 欲 賂 何 爲人數,必 月 此 之, 之 矣。」 下 難 廷 勿 人多 文 也 比 事 吏 易分七等,重者 儀 亦 補 額 ? 日 舊 積若干分而 定 額 轍 對 將 以 : 爲 及 昔 多 竢 以 其 曰 分所 不 少 額 少 此 吏 其 無 大 . 分數,則 能 -----而 之大 之 言 群 則 重 有 得。 守。」 是 止,不 事 年 吏 法 遍 所 不 誠 爲 情 不 身計 滿 問 忌 重 損 今行 至 乃 人。 可 吏額多 加 也 禄 過 屬 轉 將 人 具 爲 舊 十年, 所 分, 出 官 多 重法, 以 大 也 吏 而 舊 係 白 少之 今若 致 皆 通 或 輕 而 用 法 也 宰 紛 羨 事 即 莫 者 給 幸 賕 吏

者,即 皆 於 壽 文字 汙 洶 上名所 復 意 财 復 額 再 吏,皆莫 司 微 刺 功 與 微 當 以 微 申 怨 不 兩 自寺丞監 利 配 仲 好 仲 即 補 矣 盡 壓 月 仲 仲悦 專 悪 者 具,至 省吏數 大 生 曉 既 膀 非 功 即 之 改易 諸 久之 喜 即 事 背 之, 爲 諸 雖 法 撥入省曹之類 爲撥出 公 0 不 御 是 行 有 前 欲 稍 口 以 微 諸 人典之。 於 諸 復 諸 之 史 成 緩 約, 攘 9 吏 爲 尚 上名於它 使 仲 所 經 書 司 司 日 以 , 局 然 以 書 知 而 知 吏 即 攻 \Rightarrow 吏 爲 以 次 7 是也 省 所 見 衆 任 省 遂 有 皆 己 永 申 小人 可 額 創 立 吏 不 永 申 減 疑 凡 功 壽 \equiv 閑 伏 H 吏 知 額 壽 法 凡奏 近 尚 損 懼 慢 無遠 省 亦 下吏 裁 非 額 出 者 書 可 也 以 竢它日 乃 以 分欲 莫 損 身 房, 省 上行下 人 間 使 中 慮 頗 次 左 肯 0 吏 牓 患 人 左 横 僕 外 \equiv 使 知 取 而 要 員 供 , 怒 射 省 見 永 贓 其 洶 不 地 爲

> 使 若 以 皆 政 契 修 大 衰 於 理。」諸 奏 吕 舊 司 「黨分 法 大 治 矣。 延 平 持 微 至 丹 再 宣 臣 還 舊 兩 仲 加 和 蘇 是 圃 詳定 公 端 Œ 轍 怨 與 布 轍 面 安民 祖 五 爲 己平 復 相從 爲 中 中 論 后 疑 謂 宗 年 御 奏 自 書 外 靖 其 吾 之 命 略依本議 矣, 綱 史 全計 心 和 侍 國之 君 幸 非 調 多 中 紀 之, . 郎 臣 亭。 無 執 具 起 丞 時 退 劉 桁 自 遂 遂 竊 於 生 邪 在 人 復 幸老 建言 見 此 兼 簾 宣 行 事 説 自 則 心 再 下。 要 州 方 前 用 参用邪 元 已 人 以 郡 以 功 今天下 后 欲 邪 讀 祐 定。 心自定。 之意 劄 人 摇 民 引 之, 疑 正 遺 初 老 物 言 子 尤 用 撼 不 Ī 仍 惟 革 論 畏 粗 在 決 其 一之説 因 雖 新 諭 極 兀 安。 之。 黨 之, 位 之 轍 豐 弊 雖 未 中 庶

● 「凡」,原作「凡」,據《樂城後集》卷一二改

失之。 置 以 此 腴 夏、青 穿鑿 間 功 審 元 争已先 存 執 理 心 有 之意 常 祐 雇 詳 0 蓋 不 異 議 遂 一、欲導 之 若遂 事 衙 有 從。 及陛 黨 唐 納 使 亦 形 者 曩者: 初 破 則 而 前 不 醇 河 誰 養 也 外 熙 産之患 下遣官按視 經 臣 務 民 之使東 足 忠 朔 成 皆 黄 不 朝 河 今累歲 所 於 間 慮 昔 生 邊 將 臣 γpſ 歸 3E 以 謂 復 不 矣。 嘉 釁 靈 吏, 北 順 心 雖 奪 宜 舊 復 熙 祐 ? 流 移 知 其 屬 創 E 朝 財 但 知 寧 以 П 其 節 下 築 陜 知 己 廷 正 力 向 患 有 以 前 例 河 非,終不 鉞 就 平 豊 招 得 不 俱 者 朝 衙 後 雖 復 一堡,以 高 鄉 來 心 可 復安居 水 異 困 前 狂 罷 差,官收 功 、之厚 出 差 爲 性 之苦 同 舉 無 汩 未 賣 衙 ·明白 今 減 侵 生 反 猶 事 五 而 口 坊 前 事 其 者 水 惟 覆 或 行 水 類 場, 覬 坊 膏 民 處 要 如 恐 西 尚 之 官 之 固 不

户 貫。 己 役 條 雇 等,則反爲 罷 沸 場 在 今差法既 役,今又出錢不多 下 並 又 歲 一爲 役 官 目 錢三貫, 不免咨 出 復 騰 行雇法, 户昔不 日 不 + 罷 三十 一役錢, 錢 差 , 尋 役 年 以 法 使百 便 知 民 此 行, 充役, 而 六 若 害 非 上户 上下二等, 怨。 不 出 較 歸 賦 貫 又 錢 諸 經 衙 口 之, 役 熙 寬 最 且 縣 + 以 亦 前 至 所 寧 旋 則 鄉 故 如 手 年 之 年 遣 家 爲 雇 於 雇 出, 差 又 得 畿 天 力, 費 産 出 役 輕 法 中 忻 爲 役 復 役 閑 縣 下 多 高 之行, 錢 費 等, 滿 最 錢 躍 之法,三等人户 雇 四 Ŧi. 中 皆 在 强 爲 方 年 年 然 \equiv 等 口 爲 昔 思 中 故 之費 + ·, 狹 輕 之 知 最 出 去 鷩 費 既 等。 雇 此 役 貫 家 錢 年 歲之用 爲 顧 役 已 七 鄉 唯 ·之秋 無 Щ 其 農 + 自 等人 倍 如 例 是 而 衆 不 己。 便 藝 餘 厭 此 於 及 民 差 # 議 中

哉 富 消 完 宣 造 乎 聞 因 同 不 差役,今五 ? 謗 貴 見 弊 喻宰執 去, 修之 志 陛 淺 修 議 然大 臣 如 在 下 狹 待 法 海 恐 臣 無 事有 反 端 内 臣 等 年矣。 時 不 如 爲 倦 覆 拱 輩 怙 蒙 而 能 此 安 以 發 猶 權 失 幸 刀口 盡 民 福 荷 享 當, 如 知 耻 事 或 知 靖 民 以 承 上 其 此 過 之失、 當 或 心 改之 摇 平 彼 非 下 ,終莫肯 今得 之 既 撼 , 己 事 所 術 大 衆 勿 而 得 一默 有 臣 失 況 者 同 聽 則 疑 識 則 以 逡 於 矣。 臣 也 改。 於 豊 藉 異 然 法 心 巛 所 心 不 議 或 伏 以 口 懷 謂 兀 臣 遺 休 自 未 乞 者 安 異 多 事 以 老 宜

傳》 省 給 爲 執 復 奏 事 執 除 中 如 政 蒲宗 范 初 祖 省 孟 禹 左 又 兵 E 封 部 還 奏 言 尚 詔 除 姚 書 書 李 勔 清 亦 進 轍謂 言 臣 是 不 吏 不 諸公:「且 當。 部 允 尚 0 祖 書 禹

轍

皆資 得 珪 静 見 無 事 互 用 執 及 何 H 候 一、蔡確 今尚 亦亦 進 異。 ? ? 宗 簾 邦 除 政。」上 如 淺 黨 李 直 孟 前 今日 此 恐 轍 書 此 清 未 微 命 類 朝 輩 用 曰 恐 共 臣 有 仲 = 下 用 並 廷 可 人 氣 不 闕 一, 給 奏 黽 人者,非 此二 然後 難 進, 用 9 勢 便。」 四 尚 : 臺 俛從 諫 耐 人,若 書 意 又不 諫 人, 紛然, 諸 議 何 合, 宣 闕 安得 思 之之意。 部 矣 此 有 IE 仁 與 官 可 非 並 - 1 久 與 争之未定。 大 如 后 今 已 闕 不言? 製 用 獨 何? E. 去 惡, 官 數 日 日 似 尚 臣 朝 年 年 聖 轍 此 等 但 須 廷 用 9 四人, 奏 皆 政 柰 昔 耐 臣 至 只 鄧 何 見 不合。 不 : 恐 貴 闕 今 何 與 嘗 用 温 在 應。 自 安 使 伯 前 前 王 闕 不 官 又 人

左 字 原 脱 據《 城 後 集》 一三《頻 濱 老 傳

0

補

微 静 意 仲 奏 奏 李 + 盲 太 狂 吏 儀 始 中 徐 此 八門客 之, 從 獨 后 部 親 人久 邦 之 又 州 制 鬧 請 邦 直 之。 家 酌 。 已 政 富 在 諸 E 口 矣 轍 直 上 在 減 公遂 其 也 人 爲 陵 0 尤力。 一付 皇 於 時 外 竇 中 邦直 下 口 此 宣 都 禮 太 年 皇太 凡 卷 也 書 氏 否 口 不 妃 堂 部 除 事 侍 月 之 而 爲 皇 得 堯 閣 舊 與 堯 后 妃之兄 郎 付 費 後 月 附 後 太 志 夫 中 法 邦 夫 持 曰 有 竢 費 會 行 法 妃 鄧 奏乞除 事 直 無 遂 下 8 司 母 内 宜 聖求 + 議 於 類 以元 0 今 朱 當 以 中 付 后 年 必 信 之。 體 如 裁 伯 姑 遺 遍 _'0 之家 批 户 以 爲 執 然 老 豐事 此 之。 與 材以 爲 議 出 部, 議 法 尚 轍 政 傳 0 之 便 之。 已定, 裁 書 不 奏 會 奏 門 口 激 + E 處 右 薦 薦 如 阳 客 怒 廷 即 也 日 年 車 派 策 奏 邦 皇 朝 付 服 E H 用 月. H

之政 之策 之舊 察 光 則 也。 害 役。 聽 父 練 民 終 進 宫 朝 聖 作 爲 室 間 廷 身 土 而 人之孝 之於 凡 將 明 轍 至 破 無 不 民 嚴 去 財 以 邦 元 受 論 如 慵 家 於 窮 煩 以 用 祐 重 不 直 制 尊 之 前 之 之 憧 其 此 讖 斮 禄 堪 貴 以 撰 西 一之兵。 費 號 日 患 也 類 他 之法, 決 命 竭 子 來 策 戎 漢 . 事 救 出 裁 一先 皆 事 題 於 ; 室 幾 罷 漢 天 之於 賣 損 是 有 先 收 禁 乃 至 武 下 置 朏 帝 即 宗 坊 下 定 帝 六 失 交 大 修 寄 帝 奉 諸 在 爲 後 場 室 謁 恐 亂 鹽 當 色 之 行 禄 外 科 位 邪 之私。 懼,人懷 光 之 鐵 睿 之官 前 誦 雇 恩 事 近二 説 何 未 武 昭 算 錢 數 後 募 止 搉 四 世 嘗 以 帝 之 + 顯 夷 相 衙 袒 酤 復六 扇 有 以 委 無 失 行 學 不 宗, 前 年 免 濟 之? 任 寬 惑 墜 利 淺 均 内 安 曹 訓 霍 者 雜 減 輸 此 無 攻 免 群 興 而

以 孽之,乃以本官出知汝州。 之事,擢任累歲不用之人,人懷私忿,而 再以劄子面論之,上不悦。 臣言,慎勿 政,後世稱焉。 章帝即位,深鑒其失,代之以寬厚愷 先帝爲詞, 輕事改易。 則大事去矣。」奏人,不報。 臣 不勝區區, 若輕變九年已行 《遺老傳 李、鄧從而 願 陛 下 悌之 反 媒 覆

蘇子由崇寧中居潁昌,方以元 所 日 深居自守,不復與人 難能 默 坐, 也。 如 是者幾十 《吕氏雜志 年, 相 見, 以 至於没 逍 祐黨籍 遥 自 亦亦 處, 爲罪, 人 終

三朝名臣言行録卷第十

十之一 丞相康國韓獻肅公

常禮 派。 南 甲科 可 土 知 使 河 可 饑 知 條 出 陽。 院 除 也。以父任爲大 公名絳,字子華,參 俄 成 出 例 知 歷開 太子中允,通 拜 都 爲 蔡 司 召 樞 體 府 拜 州 入 密 封 量 翰林 移 參 府 副 英宗 安 知 知 使。 推 撫。 爲學士, 慶 政 官 則 判 理 事。 神宗 州, 位 遗, 户 陳 知 評 加 部 州 政事 召 事 知 煕 初 權 端 判 還 , 制 寧二年 領 登 御 明 官 忠 召 計 殿 史 制 除 知 進 憲 置 學 中 太 出 江 +

> 公爲 清 置 至有 中 頗 以爲 遂伏 ·,生民間 近 開 空 知 門 鄧 府 河 拜 郡 南府。 許 改容禮 ,檢校太尉 儀 州 下 陝 封 誅 疑 州 同三司,判 平 西 府 徙 公上 章 河 推官, 於是 拜 劉貞父撰 哲宗即 知 吏收 之者 事 東 建 大 疏 宣 ,致仕。 雄 名 引 捕 自 男 撫 會 大名 軍 府。 介 位 驗問 成 稱皇太子,都 子 既 慶 使, 節 狀 方 冷清, 而 州 府。 進封 度 即 亦不 七 遂事 薨,年七十七。 果 卒 使 年, 軍 無 叛 屢 康 自 中 告老, 實,猶 知 復 論 敢迫,府官 或 謂 遂 拜 定 公, 爲 奏 人聚觀 母 罷 同 甚 州 相 娠 拜 止 加 中 相 切 羈 官 開 移 司 出 守 書

江 苦。 淮 家竭 路。 兩 縣 産 到 浙 部 邑 民 歲 以 則 至 飢 衙 發 有 前 倉 以 嫁 爲 廪, 公體量安撫 祖 重 役,一 振 母 與 貧 母 乏, 當 其 間 丽 江 役 析 南 百 生 東 姓 則 異 破 疾 西

溪湖 近 之,0民 居 民 以 少出 田 避 以 ៣ 役 爲 陂 税 者。 便。 池 以 溪 錮 公 又 湖 其利。 爲 兼 使 并 立 衆 、共之。 公使 之 則 家, 衙 前 《行 以 私 税 法 占 狀 奏 均 陂 行 所 池

使還 令未 議 處 斷 循 追 分 除 改 而 故 ",❷蓋 合 也 行 事 右]。 《行 諭 憲 臺 正 度 云 緣 公 言 諫 : 狀 或 便 供 官 家 屢 成 日 職 見 動 有 奏言: 過 有 有 人言 失 時 未 祖宗 大 便, 以 朕 臣 此 故 但言 少斷 政 佐佑 須 事 事 經 來 時 宜 荷 非 大 政 出 或 臣 不 不 憚 出 論 欲 聖 務

宣 御 諫 幸 祖 奉 神 非 先, 御 日 当 日 或 后 温 , 袁 謂 成 飭 也 袁 駕 因 一。」李邦直撰 陵 欲 使 皆 臨 諭 寓奉先寺。 后 公 袁 日 《神 . 道 公 碑 朕 預 欲 仁 以 宗 所 酌 將 神 闡

召 當 爲 草 翰 祝 林 詞,公因 學 士。 仁宗嘗 F 一疏言 遣 使祈 祈 嗣 嗣 顧 茅 禱 山 祠 何

> 絶 益 之福於上 百 人 ,詔有司裁定宦人養子令。 ? 之世者多 夫女御 也。」書奏,仁宗 閉 非 於 所 深 以 宫者衆,宦 順 天 即 地 《神道 日 7,致《 出 人 宫宫 養 螽 人數 斯》 子,

孫 公道 罪 沔、 氏 笑語者。 度牒、紫 及它不謹者 吕溱等守藩 一廢矣。」 公 日 方 公密 . 袍 遂 法 一十餘 并 發 歲 自 劾之。 犯 其 時 貴 人。 法, 事 内 者 , 上 宴, 《神道 從 始 宫 官 至 呕 人 更 碑 聯 爲 有 或 相 章 逐 與 納 救 請 典 伶 賂 援 掌 貰 官 請 劉 私 降 其 則

自公爲 多寢 其 母母 畜 初,張 不 中 於宫 削 下,公不 言 茂 中 實 事 母 後 甚 能 乳 壯 多, 堪, 悼 長 時 獻 條 浸貴, 富 太子 前 鄭 後 領親 茂 公爲 所 言 實 軍 幸 幼 極 相 從 以 論

●「立」,洪本、張本作「五」。

② 「處」,原作「康」,乃「處」字形變,據文義改

敢 足 主 掛 以 赴 兵 嫌 、公并 答 臺 議 供 上 出 恩 職 以 爲 塞 爲 外 而 群 言 官 諫 望 官 Ħ. 0 至 詆 論 大 是 公 其 請 鄭 中 畏 歸 公 傷 避 家 復 室 待 自 用 罪 相 私 茂 不 實 擅 不

知 户 詔 寺 給券 以 異 貨 疫 治 成 右 去 易 爲 時 額 蜀 内 都 官 致 自二 侍 公諭 患 内 爲 因 守 府 輒 度 醫 省 奏 據 臣 僧 藥。 蜀 附 由 著 每 公 奉 其 月 益 主 中 是 爲 使 三年 自 奏 客 惠 一管。 春 之, 罷 減 至 令,每 首 清 軍 貧 知 價 秋 蜀 視 其 加 貧 别 蔡 增 户 夏 糶 貧 費 禁 行 給 州 民 米 州 置 官 富 皆 心 約 郡 券 價 歲 學 米 死 申 出 久 迎 常 貧 行 校, , 者 易 八 飭 英 於 民 貴 狀 悦 質 葬之。 之。 焉 宗 減 月 酒 其 賣 凡 張 聞 蓝 場 糶 意 《行 民 七 悉 詠 之 官 鹽 冗 有 奏 歸 有 千 尚 狀 費 衆 立 所 豪 疾 餘 書

者 付 實。」 合 牾 室 鉤 憑 制 卿 法 ----例 在 E 一悉歸 之有 及 度 藩 言 校 同 由 條 司 勿 當 公 群 憑 取 事 뫲 上 例 慮 所 積 所 人皆疑 爲 執 由 之。 時 多與 臣 司 ,公未嘗 日 也 以 用 弊 卿 條 者 施 備 : _ 司 財 改 H 官 英 過 内 例 行 且 禁 它 知 聞 幣 甚 得 宗 半 省相 臣 奏 日 歲 日 中 卿 詭 群 後 以 禀 因 嘉 也 : 不 浮 常 9 臣 盡 有 隨 賴 會計 循 開 公 納 欲 數 費 以 公, 此 卿 即 請 又 上 顯 + 公一 凡 等 或 近 自 盡 矣。 有 不 不 以 言 名 習 賜 百 事 事 是 力, 肯 其 知 飛 者 萬 子 日 爲 日 有 費 其 放 行 宜 語 亦 . 我 之 人 奏 所 朕 用 乃 付 間 過 須 類 情 自 干 事 之 用 願 國 不 司 賜 事 有 執 諳 請 有 子 合 朝 隳 無 並 賜 知 奏 司 具 者 例 之 朕 以 壞 爲 由 覆 即 條 口

遷樞密副使,因進對,神宗問天下遺利,公

爲

司

使,

内

諸

司

吏有

干

恩

澤

詔

己

許

以收群策。」上嘉納之。初,公在三司時改一請委侍從臺省官集議。及聖詔博謀

議欲使官户量出免役錢,兼并之家,計田

頃承役,唯存鄉役及弓手之外,並與蠲

除。單丁女户在第一等者,亦量納役錢

 \mathbb{H} 其 餘 而 官 切 户 以 兼 免 并 役 之家, 錢 雇 不 召。 敢 過 如 制 此 以 即 貪 不 利 限

之,公具 中 無業之民 得 以 録 置 得 以 田 以 進 以 應 爲 募 上令學 生 矣。 品品 土 官 至 草 是 不 詔 必 上手 充 訪 間 役 札 既 取 而

道, bit 大大大人,是以走, 为大人,造进人, 上以未見哀痛惻怛之意, 手定切

藁 焉 ~,密 O 0 封 王 示 荆 公,令公潤 公 領 條 例 司 色 以 深 進 以 公言 爲 大 爲 小 訪

熙 寧 遂 推 年 廣 衙 五 前 月 之法 除 參 以 知 及它役 政 事 時 行 樞 狀 副

> 以 闕 司 員 馬 會 光 公獨 對 遂 奏 以 事 授光 神 宗 間 行 狀 誰 口 補 者 公

熙 千 囉 澗 詔 日 大 言 賜 將 殺 寧 加 陜 學 0 城 帛 吏。 許 略 撫 兀 西 行 獲 土 使 裹 宣 會 趨 除 數 年 繡 賜 公欲 公初 囉 銀 瘡 撫 千 補 九 旗 就 金 州 公 兀 0 使 所 月 木 拜 繒 邊 界。 行 遣 自 治 下 部 符 同 及 賜 將 夏 環 將 兵 高 官 領 中 織 空 羌 高 又 破 慶 出 鄜 奴 盧 書 文 名 敏 大 破 撫 麟 自 延 通 門 印 勞 袍 宣 戰 人 賊 寧 受 府 道 饗 下 使 告 慶 死 馬 命 公 平 河 開 蕃 纔 兵 偏 榆 州 户 初 東 至 光 即 章 漢 至 徑 將 境 林 川 至 諸 陛 軍 邊 事 士 虜 詔 种 邊 帳 傷 辭 中 韋 諤 斬 中 兼 悉 以 昭 賞 痍 七 裂 屯 出 凡 馘 文 河 分 功 寨 數 九 館 東 守 與 日

● 「爲大小」,洪本、張本作「用以咨」。

使

遂作亂 乞人。 棄之。 人陷 狀》云: 是 安 者 命蕃官 騒 亦 任 深 路 歸 御 居 知 軍 卷 咎宣 衆 其 兵 以 人 兵 公命种諤 撫寧 貢 公爲 9 廬 破 曠 置 乂奪 公駐 分七將之兵,爲淺攻擾擊之計 Ŧ 申 求 有 一文諒 數年 帳 罷 撫 土 敵 七 勑 又急攻囉兀 通 叛亡 延 騎 諸路 有 方方 將 者 口 城 H 節 州 相 驅 使 功, ,終不能 囉 馬 制 築 邊 者。 命 並 間 畜 知 + 兀,雪 為堅壁自守之計 環慶 以 DU 復 事 據 鄧 其 七 與 産 路 塞皆 之師 公命諸 蕃 召 州 摇 時 奪 無備 遁 戰 中 帥 部 爲 復,而 内 築撫寧 矣。 其 無 去,客 皆捷 自 厚 得 空, 其後 相 外 要害 路 犒賞之。 入陝 預 互 H 公 多 軍 保 無 使 出 師 食 城 招 西 事 既 與 牽制 神 以 賊 大 調 濤之。 寨 皆 而 道 河 降 不 公異 收 以 木 發 軍 有 火。 酋 慶 一碑》() 軍 聽 戌 外, 兵,羌 數 倉 辨 慶兵再出 不可 +: 中錢 於諤 數 將 虜 卒, 皆 以以 意 萬 餓)乂《行 守者, E 吅 失 至 怨 散 撫 是 保 於 死 人 身 争 nt. 夏 巾 벮 V

> 公之入相 去者 去位 F 賢士大夫或置 言,乃歎曰 耳。」又數 上 ()宰相 日 財用之數, 「古者 可 吾於 乃不 以 介 繼 與同 -全進退之分。」故 冢 E 狀 量 預 宰 光 荆 勢 列 不 聞 入以 豊 制 公之後,政 不 用。 論 有 或 能 事 始 爲 所 用, 公將 有 F 出 置 愛, 所 前 今天 局 不 裨 事 更 中 顧 援 補 易 年之間 有 書 用 下 光 得 矣, 未 振 可 財 未 盡 稽 馬 舉之, 便 肯 唯 用 行 攷 光 者 求 來 出 其 早 天

司 方 以 列 切 創 黨 下 欲 使 俠 獄 賈 論 發 爲 水 人免行錢,孫 市 重 图 易官 ПП 坐。 上,故不 執 政 罪, 公辨帝前,不 馮 而 公京 尚 實。 同 書 列 嘗 永議 上 佑 賙 書 之, 得 俠 有 人 直 異, 欲 鄭 同 弗 數 俠 列 耐 求 欲 絞 同

之, 爲設 河 就 後 興 收 騰 文 罷 疾 民 事 事 用 不 相 作 殿 葬 踴 位 乎 患 被 南 0 而 可 至 人以 辱 何 ? 一、公乃 法 溺 出 大 溺 府 上 幾 欲 用 丽 相 論 招 、學士 爲 死 者太半。 ,夏大雨 多 率府 寧 耶 F 復 月 位 L 來它州 者 逐 ? 不 留 直 息 起。 爲 前 而 · 禁 市 請 得 禮 僚 故 罷 未 成 亦 公奏 易官 從 食 止 救 部 賈 修完 平 後 佐 決 人, 公方 伊 、公發 此 盗 護, 尚 數 人 後 矣。 日 遣 辭 公 洛 賊 書 四 劉 \equiv 廬 月 稍 全 以 0 使 0 泛溢 再 近 佐 年, 又 舍 寬 訛 倉 知 濟 疾 持 坌集 古 小 E 拜 任 奏築 許 言 廪 者 伊 在 I 稱 手 愕 事 市 日 Ó 臣 甚 告 州 驚衆者 直 、公私 詔 以 疾 弗 易 冒 日 洛 長 者。 衆。 十倍 平 聞 公公 伸 城 臣 復 堤 乃 諭 神 之, 郭 物 道 漲 以 皆 物 拜 滋 言 固 刑 況 公 而 價 碑 虞 得 價 使 如 黥 力 居 觀 它 大 小 不

知

水 陵 得 提 以 奉 置 筒 戢 視 晚 自 前 陵 數 水 舉 所 視 事 馬 年 興 養 H 莫 人多 事 争 之 事 萬 留留 官欲 須 役, 馬 敢 期 賴 公爲 競 物 9 外 緩 及 守 暍 洛 會 堤 妄 每 公知 其 急 無 取 死 亦 既 丽 唯 都 圃 人言 作 條 速 先 第 修 宿 7 免。 I 增 急, 馬 奏, 成 其 詔 後 爲 奉 價 事 于 昭 五 H 爲 之序, 之 馬 未 置 IĖ 官 皆 平 外。 會 陵、 + 中 己 期 價 嘗 水 之如 司 行 辨 兀 功 乏 車 厚 不 不乏 保 洛 至 集 揭 吏 9 出 水 訾 期 數 陵 初 脅 馬 人 緣 榜 而 \$ 也 時 百 水 不 + 法, 趣 日 或 己。 擾 民 示 改常 狀 E. 州 言 遣 人 下 及 府 至 令保甲 年 闡 行 縣 洛 0 0 瓢 陵 使 内 破 吏 狀 數 度, 公 中 外 中 下 産 由 具 要 瓠 舊 足 使 是 措 竹 ¥ 思 早 以 家 夜 不

裕

■「洛」、原作「落」、據《宋史》卷三一五《韓絳傳》改

知有裕陵者,公之賜也。」《行狀》

判 等,減 者。 錢 大 條 募 宜 所 之, 弊 以 司 以 至 事 馬 所 名府 聞 農民 止 費 多 一廣 駮之,議之 丞 復其 行 第 謂 狀 相 也 遺 既 四 頗 雖 無 衙 舊 建 l 等 數 至 破 使 前 贏 不 爲 務 議 問 家之患,遂并 當 求 E 便。 連 役法 分, 役, 役 疏 贏 則 用 年 者 餘 以 以 天 以 熙 願 利 亦不 今所 謂 下 然亦多參用公所 謂 備 寧 得 害 速 法 非 納 之寬剩 得 它役。 公請 取 被聖澤 常 錢募 差役,公 初 免。 錢 論 計 免 到 役 矣 除 此 以 鎮 重 年 以 第 議 既 法 支 非 此 條 六 後 之 雇 析 $\overline{\pi}$ 所 論 用 行

公爲 弟勝 無 存 恤 人 宗 自 冠 嚴 仕 有 族 重 宦 好 遠 所 未達 禮 近 賀 丁,其 無 謝 時, 遺 居 必 已爲 家 推 具 燕 財 衣 族 處 子 冠 人之孤 無 之, 而 墮 後 不 容 使 特 計 者 有 子

嫁娶之凡十餘人矣。《行狀》

公兄弟友愛天至,自 前 朝 將 盛 公兄弟, 近 古 廷 歸 貪 許 所 世 未 惜賢德、未之許 同 未 而 有 時 兩 嘗 《行狀 爲 弟 有 真 時 也 忠 相 亦 憲公爲 近 皆 又 輔 也。 七 皆 者 + 眉 其 三人, 兩 壽 爲 同 府 高 樂盛 時 大臣 衣冠 年。 請 又 至

公自 樞 温 以 西,首薦今左右 力 至 미 非,不辨 必 之, 引吴 公 位 密 誠 朝 少 方 待 將 副 廷 氣 日 Œ 與 人, 相 使 事 節 IE 執 憲 嶷 無 不 不 剛 卿 政 然 公 至 所 己。 口 度 爲 件 IE. 忠 疑 丞 聞 屈 渾 光 宰 諒 相 推 其言, 而 撓 厚 面 相 來 口 爲 公 引 前 知 以 乎? 任 言 賢 又 判 人 私 見 於 薦 官 温 能, 大 常常 其 交 據 事 朕 之。 公 不 急於家 貌 親 當 吕 理 可 誤。 大防、 道 宣 代 神 皆 哌 以 宗 撫 己 論 召 司 知 范 盡 是 爲 其 陝 亦 馬

所 初 公建 英宗 募 1-前 大 既 甚 刑 行 免 見 嘉 所 宜 條 議 服 衙 才實 和 此 廣 祐 謂 辟 士大 常舉 於 一,第除 言 未果 六 前 謂 役 中 歲 進 遂率錢 温 事 () 勞最 自是始 衙 擢 吏, 凡不可募 省數千人。又言 人夫出 Ė 與陳 而 布 前 行, 用 速, 游 農及官户 羨數,免下户錢, 異 衣 疎 可 差 及下 至 温 手之民 秀公議茶法,官 躐 公言 其 募, 議 E 外 法 熙 衆 公議 門, 中 安 間 其 户 寧 詔 援 年 或 多 ,至多取 後乃 、單 初, 得 訪 其 者 能 指 偶 知 後皆 以 賢, 利害 貢 申 辭 存 丁 . 程 名 期 并及它役 應 士, 講 章, 文 鄉 爲 及 天 差役 參 一、公日 女户 惠 羨 户 議 前 占 下。 不失常 卿 而 程 取 澤 數 有 議 朝 F 輔 殺 周 簿 病 焉 業 頤 則 廷 始 選 其 : 初, 矣。」 及 以 矣。 民 率 有 所 -事 課 恩。 户 公 温 今 募 臣 錢 最 未 進 經

> 皆 將 神 關 錯 自 吏之不能 雖 下 生立 宗 旁宗 殁 謬 9 決 守 须猶 改官 不 襲 如 祠 奪 疎 唐 府 近 自 屬 制 所 季 聞 書 臣 存者, 慁 見 高 懇 乃 皆 約 未 乃 大 兼 有 惻 仰 及 用 俸 如 i 巷 政 判 六 嫁 更。 此 禄 哭者 中 0 天 娶衣 典 2 無 下 書 宜 所 多 祖 門 事 又 早論 食。 餘 如 宗 公撫 下 建 0 言 公 所 方 省 定。」 周 所 神 臨 養 . 耘 門 細 道 陳 孤 六 其 耡 官 生 碑 務 貧, 州, 故 後 多 制

十之二 門下侍郎韓公

公名維,字持國,忠憲公之子。以

⁰ 簿」, 韓獻 原 肅 公絳之碑》改。 作 薄」, 據《琬 琰 £ 集卷 \bigcirc 李 清 臣 撰

② 「慁」,原作「恩」,據同前書改。

③ 「耘」,原脱,據同前書補。

翰林 大夫 學 兼侍 庶子 父 翰 常 副 子 下 中 舉 封 注 蔭 居 侍 太 崇 駮 土 林 禮 使 小 兼 補 學士 院 郎 侍 講 ,薨,年 鄉 傅致仕 福 事 ___ 承 侍 將 均 宫, 旨 里,韶 讀 講 作 出 言。 判 州 二年 一, 知 學士。 知 爲淮 出 監 兼 知制 司 安置。 加大學 八十二。 汝州 哲宗 知 侍 主 開 農、太常、吏部 從之。 紹聖中 陽 海 讀 河 封 誥 出 一,召還 出 王 陽,除 即 學 府, 知 諸 除 士。元 通 府 知 位 士 鄧 元 子 國子監 繼 記 襄 進 責 州 ,修《英宗 乞 符 除 資 知 除 州 室 銀 授 盡 初 祐 參 潁 兼 政 制 臺 ,復人爲 御史中丞 (景信 流 ,復左朝 誥 歸 殿 主 侍 軍 元 司 内 其官 年 讀 學 簿, 府 修 銓 實 太 知 軍 提 爲 節 翰 録 起 以 通 子 知 議 聽 門 提 遷 太 舉 進 除 太 度 居 林

> 歐 饗上 禮 者 陽 或 措 父任 祖宗之意。」 則 主 録 宋 院 子監 以以 海 文忠公爲 庠等言公好古嗜學, 躁 紳 疏 執 求 奔 切 厚 先是,温 主 者 競 T 政 裁 風 「乞詔 簿。 外 不 諭 自 俗。 去 艱 史館修撰,薦 當 宰 近 就 [《]行 以 知 相 臣 廷試 成 服 召 有 狀 明 耻 陳 皇后 日 除 試學 司 陛 0 : 執 議 闔 乃 於是 下 安 江 恬 中 士 以 門 廟 不 於静 廟 公檢討 薨 退 院 父 不 制 宰 私 用 守 任 住 請 後 樂、公 辭 相 道 退 有 守 益 宫 文 不 , 乞加 者 不 仁宗 將 知 彦 赴 旌 公 太 專 加 作 因 博 擢 常 立 禮 祫 除 甄 患 奉 監

● 『所」,原作「以」,據《琬琰集》下集卷一七《韓侍

郎

薨

天

子

問

所

以

葬

祭之禮,

執

中

知

皇

儀

議

及

上

書,

以

謂

皇

祐

之末

貴

妃

張

氏

:

公弱

不

好

弄,

篤

志問學,嘗

以

進

土

一薦

禮

部

治 恭』,臣之議 應寵禄光大,不勒成名之法。」1 用 恭」、公連疏 樂 喪非 此 嬪 不忠之大者。 御 執 論 之禮 中 列 Ė 乃 以 以 不 謂 請 宜 恭 . 追 益 0 册 遂罷 責 位 『樂 難 朝 號 太 於 廷 靈 常 君 賜 建 禮 爲 益 以 廟

神宗 等,皆名儒厚德之上。 拜,王當效之。」一 軍 録》云: 封 ,至於拜起 淮 神宗遇公尤厚,每 神宗邸,②英宗命韓 陽郡 Ē 日侍坐, 進退之容 一出就 神宗内 近 外邸,以公爲記 魏 侍以弓 朝,拜 事諮 公擇 皆 宫寮 稍 陳 樣 訪,公悉心 急 其 靴 用 維 進 節 王 3 曰 0 陶 . 維 《聞 室 維下 韓 曰 以 參 維 見

神宗嘗與公論 聖人功名, 因 天 事 下 始見,不可 事 語 及 功 有功 名, 名 公 心 日 .

王

一安用

舞靴。」神宗有愧色

吸令毁去。

神宗拱 心 必 求 手 諸 稱 道 善 • 有 誦《 言 遜 書 于 》「有 汝志, 言 必 逆 求 于 汝

> 學,以 謂 色 古 重 所 神 非 至 善」之語爲 曰 -----一言諸 諸 加 致 納采問名之義,以 ,宜歷選 宗上章 道」,以 已。」《行狀 宜 臣之家,爲 潁王孝友 觀 王 召 成 爲 乞留 勳 至 贊 德。 聽 中 望之家, 孝 以 納 聰明, 書 日 獻 今合 之戒。 潁 將 褒 闡 王 去 禮成之,不宜苟取 諭。 慈聖垂 慎 族 動 擇 皆 E 擇 履法 公嘗 授 府, 妃。 卿 時 淑哲 室 等 禁 度 簾 採 引 • 公 慎 中 之媛, 疾 上 其 方 擇 東 遣 諭 請 嚮 繫 疏 宫 宰 平 使 郡 華 尤 泛 臣 臣 樂 考 以 巡

院

《行

除 起 簡 默 居注 不言。 一,侍 公上 邇英講筵, 一疏日 : 是時 邇英閣 英宗 者、陛 方 免喪,

4

^{●「}勒」、原誤作「勤」、據《琬琰集》下集卷一七改。

②「邸」上、《邵氏聞見録》卷三有「開穎」二字。

③ 「樣」,原重文,據同前書删。

[「]合」、《琬琰集》下集卷一七《韓侍郎維傳》作「卜」。

義 則 臣 俟。」《行 耳 彻 北 F 之 以 口 間 道 陳 聽 以 御 之 於 此 燕 玉 極 所 成 諮 間 前 音 世 其 敗 者 訪 則 之 時 ^ 侍 之 可 源 非 也 語 博 以 於 聖 **>** 留 側 日 臣 今禮 人 論 者 漏 . 雖 之 經 刻 不 制 時 經 皆 中 之 敏 終 然 則 則 獻 永 畢 後 口 歷 請 納 声 代 秉 臣 以 對 論 筆 下 窮 大 之 思 陛 1-臣 之 以 史 傾

御 言 史吕 降 追 下 用 不 鰮 還 變 大 心 誨 耳 夫 等 不 前 目 誨 誨 敕 而 等論 還 益 貪 詔 . 過 等 命 復 固 雍 欲 任 能 **\$** 不 内 濮 蔽 寵 陛 由 舊 白 審 牽 安懿 矣。 利 門 邪 職 官 下 禮 下 詳 0 盡 説 守 又 以 Ē 厚 封 議 如 職 求 全 稱 貶 賞 先 駮。 對 政 以 親 斥 或 嚴 王 體 得罪。 極 盡 之忠 E 罰 公言 之 論 法 猶 既 其 情 臣 0 而 恐 公上 失 自 而 , 止 , 罷 此 此 計 誨 復 耳 黑 等 召 請 陛 其 風 疏

> 復 等 以 有 之 御 諫 純 申 失 復 謂 有 之美。」 旨 議 史 有 舉 口 不 論 無 事 肯 已試 留之理?」《行 自 其 舅 蘇 就 官一 不 濮 於 政 之效, 寀除 職 從 此 體 王 人,公上 稱 御 今 面 願 宜 遂 親 中 用 不 狀 復 追 盟 知 蘇 逐 使 其 還 門 章 雜 寀 ----職 敕 有 待 日 御 公封 司 罪 則 0 以 銀 史 預 堯 盡 臺 乞 吕 還 聞 傅 俞 招 使 誨 解 詞 等 賢 堯 紀 臣 職 頭 俞 范 納 得 緇

霪 累 詔 守 臣 通 R 滯 有 爲 及言 委以 公罪 才 災 司 章 議 詔 雖 坐 奏, 私 求 一公罪 近 罪 直 事 制 之 言, 之有 有 私 時 口 可 言 罪 被 恕 害者 行 雖 事 責 者 行 者 輕 輒 之。 衆, 稍 稍 常 復 蠲 加 爲 公 义 升 留 困 請 請 仕 進 抑 礙 進 擇 擇 請 之 郡 以 近 臣

一, 宜

推

誠

加

禮

每

事

答

訪

以

盡

其

心

決

餘

闊

略

日

執

政

皆

兩

朝

顧

命

政

蓋

不

得

已

者

惟

大

事

急

務

時

賜

裁

日

百

執

事

各

有

其

職

惟

當

責

任

使

,

做慢吏。」《行狀》

時 莫 當 罪 英 當 爲 輔 作 彰 無 風 陛 中中 宗 知 俗 批 過 明 涿 納 其 下 容 答 差 賞 善 口 初 外 口 盡 所 不 從 刑 以 移 政 以 明 假 忠 謂 稱 諫 全 爲 īF. 如 以 公 者 旨 又 之美。」 近 陛 典 太 示 l°」《行 因 以 臣 刑 下 臣 出 重 天 便 爲 恐 體 誤 補 下 殿 狀 自 比 未 若 貌 郡 有 奏 此 幾 連 使 聖 其 處 事 各 人 退 賢 公言 分 陛 所 翰 9 懷 論 思 知 失 改 下 林 疑 近 慮 所 人 止 前 , 段 之 懼 臣 避 君 在 朏 鎮 則 士 不 文字 就 好 莫 錢 誠 范 能 足 而 衆 公 敢 有 鎮 以 全 則

> 體 皆 獻 注 盡 嘉 釋 君 其 大 其 納 施 能 推 滕 設 末 及 世 介 又 若 後 自 子 狀 日 Ŧ 世 有 間 . 禮 者 先 孟 文 代 天 後 子 之變 下 有 居 惟 大 司 喪 事 加 行 以 之 意 申 禮 事 不 慎 規 口 最 諷 重 猝 篇 爲 及 以 失

御 問 還 其 非 無 史 臣 御 班 翰 士 御 林 名 林 非 史 0 中 敦篤 使 以 公言 學 批 罷 是 中 判 丞 負 爲 去, 士, 丞之言是 王 持 罷 惡 中 跋 陶 重 疑 丞安得 知 名 是 扈 知 彈 惑遠 青 幸 遷 可 有 政 陶 擊 州 相 也 任 事 罷 不 方 止 宰 則 跋 以 吴 自 御 0 公 罷 宰 相 陛 扈 事 奎 安 史 以 願 下 臺 相 韓 之意 論 擢 E 中 爲 庭 職 安 琦 既 法 參 王 派 對 得 而 等 不 奎 陶 大 所 群 己 無 能 不 爲 又 政 遷 當 臣 罪 素 使 辨 押 翰 ? 誅 言 衆 有 使 今爲 常 明 林 也 若 學 封 是 學 大 朝

神

宗

踐

祚

公

陳

 \equiv

事

以

獻

:

從

權

聽

五九三

累 賞 位 此 降 旨 順 得 行狀 罰 H 朏 進 與 人。 便 所 奎 公援前言 E 神宗 加 今復 以 官官 今纔 猺 斥 爲 罷 逐。 召 遷官 級 天 中 奎 下 月 派 進 力 公日 之 m 清 面 則 止 退 耳 加 諭 郡 大 爲 因 : 翰 目 就 褒 臣 知 · 豈 林 執 職 進 事 潁 學 不 政 之 미 琦 州 當 土 罷 不 理 等各 何 如 免 改 慎 難 是。」 15 以 汝 ? 並 復 則 失 異 州 行 其 有 ?

所

未

安,宜

如

故

便。

一《行

狀

稷

契

事

之,

切

恐

於

古

雖

有

有

所

因

上

尋

世

系

不

知

所

始

僖

祖

雖

於

太

祖

高

祖

也

然

仰

孫

遵

業

萬

世

蒙

澤

爲

宋

太

祖

中 即 知 位 書 則 袝 奏: 數 僖 祖 宗 本 有 主 朝 廟 而 自 龃 論 遷 僖 稷 僖 祖 契 祖 以 際 等 及 今 世 神 宗 毁 次 婉 除 言 論。」 御 若 定 處 例 公著論 迹 無 而 之 功 大 於 司 史 以 口 地 業 又 中 今 所 亂 議 有 非 子 事

狀》 進 始 爲 及 置 不言則 司 八 任 廂 屢 使, 青 御 丞 繁 不 苗 面 史 分決 廢 劇 神 得 對 事 公以 中 公議,言 宗 無 皆 丞 輕 引 用 曰 嫌 兄 號 於 刑 義 此 : 康 稱 朝 堅 且 丽 之則 辇 公任 職 韓 廷 切 罷 無 轂 闕 維 可 以 清 傷 樞 失 臣 復 謂 吴 屈 肅 密 私 代 知 得 土 充 無 恩 副 開 其 大 時 以 所 使 封 任 文 吴 夫 E. 兼 不 府 學 充 之 自 當 吕 條

初

英宗

遷 對 翰 策 林 入等, 侍 讀 學士 已而 文仲 差考 試 麗龍 賢 歸 良 公言 方 E 孔 陛 文 仲

遂

爲

太

祖

,其所從來久矣。

太祖

皇

帝

戡

是

也

後

世有

天下

者

皆

特

起

無

所

因

故

下

迹

基

業之所

由

起

奉

以

爲

太

祖

稷

契

其

廟

而

藏

其

主

夾

室

非

是

0

因

復

還

僖

祖

而

遷

順

祖

公

上

疏

日

昔

先

王

既

有

天

不

口

得

即

位

除 際 翰 鋭 取 畿 公 分 賢 用 免 廣 先 行 神 明 Ì. 宗 0 足 求 格 於 内 俊 故 林 殿 以 至於 重 章 荒 諸 直 事 學 學 文 \pm 由 罹 和 至 窺 言 五 縣 仲 士 夷 IF. 土 此 蠲 陛 恐 此 伐 隙 承旨 上 之 厥 爲 久 解 翰 下 除 0 以 不 苦 情 桑 而 督 事 地 其言 體 不 憂 足 林 開 租 爲 進 賤 _ 「索青 侍 雨 早 以 税 雍 人 夫 後 薪 朝 忠 土 願 爲 對 益 讀 應 傷 蔽 動 數 朕 良 廷 陛 爾 寬 苗 學 禍 以 征 切 3 天 甲 日 夙 處 結 損 格 錢 下 士 黜 大 變。 和 易 兵, 不 9 堅 之 夜 舌 膳 逋 甚 痛 E 發 之 殿 錢 細 清 知 焦 不 負 危 急, 避 自 疏 恩 \wedge 何 貨 阳 襄 勞 便 書 疑 殿 士 **令**, 責 時 曰 損 諛 以 往 州 願 郡 民 己 . 奈 京 日 行 0 救 早 此 改 荷 往 有 何 師 愁 災 乃 合 之 F 除 匱 鞭 沂 賜 所 行 臣 ? 狀 甚 端 詔 惟 之 舉 財 撻 日 蠲 處 恐

言 待 所 之 到 事 與 歟 非 易 也 斷 東 曰 ? 言 命 臣 利 知 免 0 行 民 其 西 稍 未 因 以 害 開 行 情 川 朕 乃 詔 於 則 輔 幾 奏 涉 送 利 封 歟 市 在 之 E 出 遲 陛 對 害 阳 吕 府 ? **Ý** 易 调 聞 聽 遲 , 下 面 倚 嘉 人 吕 孫 嘉 而 納 權 而 賦 於 論 情 而 問 永 間 嘉 命 養 以 住 不 初 斂 阳 有 之下。 等 大 問 神宗 山 公 希 方 肯 潛 諛 失 悦 不 體 同 草 己 田 發 行 雍 其 得 猶 公 感 行 問 利 是 詔 蔽 節 於 編 上 體 悟 愈 年 臣 在 望 3 日 以 求 歟 排 六 間 理 雖 疏 於 未 京 陛 大 有 成 直 ? 保 + 歟 不 日 過 諸 旨 下 又 雨 其 言 才 甲 . 令 有 忠 未 行 而 自 私 根 嘗 先 陛 者 謀 其 罷 奮 以 利 又 獄 殺 究 有 訟 帝 間 命 衆 讞 議 下 害 略 人 英 市

「諸」字,原脱,據《琬琰集》下集卷一七補

0

章 韶 知 行 明 益 功 知 語 不 面 許 錢 引 殿 臤 還 防 日 熙 盡 學 州 咎 任 不 州 出 理 讀 乃 合 道 Ė, 士、 會 王 者 方 [《]行 不 禁 康公人 韶 落端 龍 竦 其 以 表 得 勉 狀 闥 赴 然。 待 損 敗 綏 圖 與 闕 聖 明 罪 時 閣 新 新 相 奏 公自 殿 懇 聰 學 援 附 淮 事 奏 卿 學 求 土 之衆 小 斬 適 以言 故 將 士。 去位 今於 臣 知 獲 在 事 領 爲 河 首 , 朝 乞補 多 0 踰 景 此 毋 陽 比 級 年 不 優 思 小 以 0 何 0 用 復 外 詔 V 事 多 嫌 臣 坐 公 職 敗 答之。 議 殺 草 以 求 復 而 處 績 徙 批 端 爲 免 去 E 置 何

車 焉 直 駕 任 幸 練 IIII 興 舊 達古 參、 中 禮 邸 書 樂 角 今, 舍 除 而 之間 先帝 資 勸 曾 農 政 , 鞏 桑 所 殿 韓 草 遺 學 以 延 制 追 以 壽 多于 稱 黄 輔 通 公 朕 霸 議 前烈? 躬 之 大 純 迹 夫 明 皆 亮 在 又 再

> 嵩 鞏 方 以 俗 宣 爾 化 藩 罔 素 Ш 贖 甚 崇 銅 뫲 E 學 害 0 福 + 今 舊恩,使 老不 好 宫。 斤,公請 辭 御 悪 批 命 革 《行 0 0 乖 守 心 口 狀 宫 戾, 便郡 韓 送 非 觀 維 中 不 所 不 書 乃 謂 中 又 知 省 非 以 本 純 事 改 爲 可 明 情 君 提 仗 辭 亮 - 9 之義 傳 舉 以 行 播 布 西 下 京 政 朋 姑 四

神宗 難 詔 矣; 凡 力 思 求 晏駕 所 通 貧 以 勞 高 常 則 遠 間 堪 己 以 、公赴 者 陛 思富 之心 公對 止 憂 去之, F 在 民 誠 臨 苦 一,推 審 爲 能 鷃 則 則 識 心 常 庭, 一治 勞 思 之情 以 則 樂, 情 困 太皇太 天 利 民 息 ൬ 下 樂 民 木 矣 則 己 之道 矣 爲 則 ; 后 口 本 思 法 識 遣 賦 見 息 則 使 矣。 不 役 非 情 降 非 民 鬱 必 富 則 调 大 不 手

情 詞 歲 求 不 宜 或 爵 坊 不 待 場 散 直 復 命 罷 所 煩 母 盡 又言 還 之 言 教 便 死 依 諭 市 誠 而 者 其 易 法 祖 而 而 秉 或 心 公 宗 蠲 故 : ; , 争 自 常 母 而 _____ 應 五 之, 地 法 宣 成 復 擅 先 行 E 詔 忠 聖 位 行 帝 之, 以 中 則 斂 免 言 力 德 囚 成 以 歲 鬱 所 保 役 矣。」 六 則 9 廢 夏 室 先 定 馬 除 爲 賢 事 神 國 帝 額 通 9 恭 故 寬 遂 : 土 孫 六 矣。 聖 主 不 順 興 剩 聞 出 觀 意 秉 之 兵 口 牓 有 陛 陛 0 推 常 禁 日 數 間 添 朝 下 下 藩 青 受 錢 因 此 罪 長 , 堂 之 之 臣 朝 苗 陳 幣 而 9 法 風 禮 詔 蠲 廣 兵 今 廷 出 四 B

濔 等 罪 英 讀 法 知 法 死 朝 殺 寶 真 之 宗 訓 則 \forall 皇 不 帝 至 忍 一天 惻 然怜 禧 捨 之 中 之, 則 有 日 無 以 人 犯 勵 此

之

不

可

不

息

者

有

=,

地

不

口

不

棄

者

有

五.

行

狀

因 衆 富 自 每 耳。 忍 心 澶 又 帝 殿 及 踐 及 曰 曰 一字日 奏言 好 學 履 行 禽 觳 庶 淵 以 百 是不殺 祀 乃 之役 及 見 獸 觫 生 姓 外 士 臣 汾 此 其 之牛 使 昆 恶 天 韓 人 而 : 今 陰 源 亦 則 人 皆 却 羊羔」。 蟲 不 下 殺 維 尚 月 此 日 蓋 天 ·, 以 持 及於 螻 狄之後 , 云 因 食 + 特 出 則 大 下 術 蟻 見 去 讀 殺 皇 爲 五 於 真 論 也 仁 幸 百 9 \wedge 笞 帝 違 資 其羔。』真宗慘 是 日 宗 皇 此 羊 不 姓 甚 侍 政 陛 + 心 而 而 帝 0 皇 朝 自 臣 可 0 豊 殿 足 九 遣 邇 過 下 昔 陛 願 勝 帝 擲 寶 軾 之, 學 之, 年 英 仁 以 不 孟 下 陛 訓 小 道 用 時 閣 孝 能 E 士 不言兵, 子 在 **>** 善 下 也 左 以 H 爲 ,今恩 發 韓 哉 論 官 推 爾 斬 切 勑 至 右 維 然 怪 於 真 真 此 齊 訖 中 左 蓋 見 問 史, 天 讀 不 宗 資 心 右 足 天 宗 奏」 推 王 不 不 性 樂, 之, 爲 自 其 以 下 忍 皇 政 奏 以 勿

心 又 增 踐 録 福 履 以 壽 蟲 廣 本 蟻 好 臣 E 其 生之德。 忝 進 言 備 深 意 位 切 右 望 臣 史 陛 可 不 下 以 謹 任 采 推 書 大 覽 明 其 願 聖 事 無 ()《東 德 於 忘 册 此 益 坡

元 言 祐 不 廷 古 簾 朝 口 八乃是 善 是 下 争 鑴 前 事 元 非 巌 簡 抗 年, 改 雖 而 議 若 叟 杜 F 臺 相 爲 分析 門 所言 官 御 以 率 諫 門 史 ·爲 均 爲 欲 不 下 張 是, 間 帝 通 善 有 侍 公 舜 所言 舜 間 王 郎 則 何 日 民 部 訊 民 折 害 : , 乞改 以言 令,傳 詔 事 簡 各 於 朝 臣 如 執 聚 理 事 廷 何 僚 詔 談 信 己 罷 但 不 語 四方 見論 語 王 王 若 論 得 更 洩 言 所 公於 相 其 巖 議 贵 督 所 朝 叟 先

初

公與

Ŧ

安

石

雅

相

厚

善

安

石

執

政

議

非

惟

或

事

無

補

亦

恐

人

情

雍

隔

0

行

狀

或

事

始

多

異

同

至

是

議

者

欲

廢

經

時 中 以 義 苟 並 同 耆 官 行 一 舊 進 梁 公以 人服 不當廢 惟 用 簡 爲 其 至 除 安 平。 人 石 臨 司 《行 内 事 馬 經 内 狀 未 公 義 侍 嘗 光 \approx 省 與 ___^ 宜 語 押 公 與 平 班 附 先 生 合, 范 儒 交, 務 純 説 爲 俱

公自 異。 之 眷 奏,可 等 僥 去,天下惜之。 大 不 内 後 用 重 禮 間 求 降 惟 嘉 累 恩澤, 及 祐 簡 奏, 優 0 人 庶 且言: 以 遷官 怨 異。 元 會 以 幾 寢 未 祐 僧僧 來 王 行 允 罷 宣 0 安 爲 公 蘇蘇 初 其 「仁宗寬仁 公公 0 諭 起 石 名 惟 俞 自 轍 所 臣 執 爲 用 臣 簡 以 於 狀 繳 知 備 神宗 門 罷 政 事 刀口 簾 還 美變 遷 位 下 : 朝 前 丽 詞 一,每言 侍 官。 執 「卿 舊 更 知 力 在 頭 政 郎 臣 舊 之尤深 位 《行狀 争 等 公 自 不 宣仁、哲 法、公言 近 但 身 因 許 習 踰 可 依 任 之。 面 貴 執 公執 天 屢 戚 多 遂 欲 論 下 其

先 與 持 云 或 0 韓 范 持 夷 或 叟泛 服 義 舟 9 最 於 不 潁 口 昌 得 西 湖 須 日 臾, 頤

客將云:「有一官員、上書謁見大資。」頭

將謂有甚急切公事,乃是求知己。 頤

云:「大資居位,却不求人,乃使人倒來

求己,是甚道理?」夷叟云:「只爲正叔

大執求薦章,常事也。」頤云:「不然。只

爲曾有不求者不與,來求者與之,遂致人

如此。」持國便服。《程氏遺書》

韓 持 或 罷 門 F 侍 郎 9 出 帥 南 陽, 已 出 或

程 來 見 子 往 我 見 乎 之。 ? 子 子 亦 時 危 在 矣 講 !」程子 筵 一、公驚 日 子 只

五· 「大方、京立、丁立?」、「三、知履安地,不知其危。」坐頃之,公不言,

惟 団 無 己 首 , 所 蕙 皆 怡 己 市 之 憂 耳 。 | 子子曰:「公 有 不 豫 色 ,何 也 ?」 公 曰:「 在

維 日 固 無 領 足道,所 帥 南 陽 慮 兄 姉 者 貽 何 所 兄 憂 姉 ?」公悟 之憂耳。」子

「正爲定力不固耳。」《程氏遺書》

十之三 中書侍郎傅獻簡公

郎 哲 丐 事 使。 昭 中 者 尚 給 和 未冠,登進士第,知蔡 宗 閑 文 爲 事 落 侍 書 州 在 中、 館 出 御 監 即 局 職 公名堯俞,字欽之,鄆 位 兼 位 知 史,遷右 神 察 奪 薨 得 吏 同 侍 江 宗 9 御 官, ,年六 部 召 提 判 讀 密 初, 史 侍 爲 舉 流 監 府 裹行 召還。 司 郎、 祕 西 + 元 内 衛 兩 諫 書 銓 八。 京 祐 州 御 歲 少 嵩 州 四 黎 同 英宗 史 間 遷 監 T Ш 知 新 年 陽 中 三司 凡 兼 憂, 崇 諫 息 縣 則 州 丞 五 爲 院。 福 縣 侍 位 倉 服 須 易 中 鹽 遷 宫。 .講 草 郡 除 城 鐵 書 吏 進 出 用 場。 部 擢 侍 遂 薦 副 直 殿 坐 知

公初登第,時徂徠先生石介每過公,公未嘗

遣。

公言:

臣

料

陛

下

必

不

惜

此

人,

意

恐

皆

實,乃

間

虚

盈

前

亦

付

有

司

其爲 之。 嬉爲 之賢者 H 不 性不憙囂 在 遠器 置 既 娱, 0 了, 皆 酒 仕 獨 介 論 折 益 雜 閉 問 范忠宣公撰 難 節 非 學 間 問。 與 : 不 有 各 交 出 君 它也。」介歎 《墓記 面 其 少 相 攻 何 在 課 年 其 也 洛、 治 登 ?」公對 短 孟 和 經 識 息 史, 擇 者 不 遂 每 其 大 以 日 奇 數 知 游

聞 忌 諱 御 於 天下。 史諫 抵 權 官 《墓 倖, 几 年 名 重 所 朝 L 廷。 白 六 + 而 風 節 凛 多 觸

究國 且 言 所 何 間 唑 公主嫁 詔還一 「逐主 不相 下 後 何 李瑋, 8 爲内臣 壻 人主 中。 以 而 誨 還 家 天子斥二人於外。 諸 隸 而 女乎?」《墓誌 臣 出 悖 瑋 梁懷吉、 禮 衛 州 爲 四 公上 張 方笑, 無 承 疏 照 幾

餘 章 仁宗春秋高,未立 於是詔 賢,以 今禮 使皇 既 供 辨其 將 何 則 所 以宗 饋 不 益 貨 以 遇 哉 子 賄 聞 是 復 繫天下望。 而仁宗未之知 有 有 ?:」《墓誌 非 社之重建皇嗣 朝 聞 行 外 司 闕 外 事 而 夕 而 非 供具甚 賞罰 也 是 侍 事 非 饍 耳。 所 嗣。 之,則 今縱之使言 亂 及英宗爲皇子,有 左 以 厚。 矣。 臣 隆 右 也。 公上疏 以 親 宜 事 《墓誌 以 雖 謂 上 親 公建言 通 切 刺 聞 陛 請建宗室 重 慈 告 以 者 不 下 或

0 2 璋」, 未」。原 原 作一御 作 「來」, 舊名」三小字, 據《宋史》卷三 爲避 四 一《傅堯俞傳 宋孝 宗諱 據同

皇城

司

卒密奏,言富

人嘗殺

人。

有

司

鞠

間

無

狀

願

得

卒

詰

所

從,而

内

侍

主

者

留

不

前

陛

下

司

闕

之

孝

之誠。

本

也。」

家

人

禮

書改。 下「瑋」字同。

内 憚焉。 法 陛 侍 之,未聽。 董 結 自 内 復 樞 汳 内 且 萬 夏 下 藏 淑 H. 选相 密 降 朱 口 汳 盡 至今,如 不亮,權倖之交日深,而 庫 都 而 妃 罪 之。 晦 《墓誌 廢 珠 子穎 故 歲 水 可 而 也。」 矣。」章各數上,每上 公言 私 越 興 罪 徇 則 都 示 次 士 朱穎 大 又 水 後 内 以 其 得 以 : 役, 又 曰:「忠義之言 人。 戒 既 盜 内 勾 士等已三 樞 安 責 欺 當 降監 罷 陛 公皆乞治其 密 知 罔。 亦 穎 下 天 院 其 甚 章 名 士 汳 既 内 口 一、公 器 重 閣 一犯法 П, 任 不 侍 益 陛 又 將 蔡 今 治 趙 m 丽 日 切 下不察。 内 罪。 屢 上 舉 穎 都 世 不 繼 切, 侍 請 之? 權 寧 但 士 水 下 寵 倖 省 治 取 求 監 而 以 相

時 弊 或 今度支 用乏, 陛 下 宜 言 歲 躬 利 用 自 者 不 儉 争獻 足, 刻,身先天下, 誠 計 不 富 口 國。 忽。 公奏 欲 無 奪 救 H 農 其

更,爲之無益,聚斂者用,則天下殆矣。」•時,勿害商旅,如是可矣。不然,徒欲紛

《墓誌

京師 明未 言爲 官言 請 今審刑 決 以 大 然,不 融,亦致異之一端 輒 政 事 雨 *, 大 事 踰 請 月 明 、理、匿 對 聽 過 郡 之。 舉 以 或 水災 又上書日 法 覺 大 多水災,公上 罔 法 理 歸 上,而 官 誤 也 之天 不得 [· o」《墓誌 斷 鄭 乾 陛 數 首 州 剛 下 書 而 誤 嚴 未 請 己。 不 奮 法 奕 以 詔 獄 也 陽 臣 臣 百

英宗 任 疾平, 后 守忠 請 初 即 還 公上 位 有 政 有 惎 書 間 天 請 疾,皇太后 語 子 天子 未 聽。 公 聽 又 政。 同 久之, 上 聽 疏 又 政。 再 太 頗 聞 ___ 至 后 是 内 疏 日 侍 -太

● 「殆」,原誤作「治」,據洪本、張本及《宋史》卷三四

側 其 太 無大 子,謂: 墓 天下 勤 后遂還政, 誌 則 勞 Ħ. 於受天下 之可 慈孝之聲,並 守 少少 「皇太后 忠既 加 信 恩 加 者 去,其 於 逐守 惠, 給 無 人。 以 事 隆 大 忠等。 餘 上 左 於天 於 殿 右 以 慰母后 下 切 之人, 天 公復 下矣。」於是, 今 不 下 日 問 與 誅 宜 奏 下 可 人, 疏 竄 安 頗 也 反 録 天 讒 亦

神宗 度 内 居 (,左右: 寢 中 爲 、著爲 禁, 淮 陽 前後 臣 E 定 願 , 規 ,皆用正 俾 公上言 之出 然 後飲 館 : 人。」《墓 王 稍 食 親 年 起 誌 踰 居 諸 必必 志 務 學, 有 間 常 安 尚

遷 言 之, 右 時 之柄安在 司 天子 可 諫,每 大 也 臣 雖 ? 之言 躬 對 審 臣 庶 輒 其 非 移 政 願 非 是 時 君 矣 而 7、從 臣之際,是是非非, 陛 或 猶 督 下 退 圃 便言 偶 託 徇 以 任 之, 爲 事。 大 則 然 臣 方 而 主 是 行

> 掃整1、食。1《墓誌》 毋相面從,總覽衆議,無所適莫,則威柄

嘗 公對 論 使 不 見 付之公議 正 歸 其 敢 臺 典 事 陛 ~。」《龜 罪。 諫言 曰 : 下 刑 矣。」《墓 責 |不從; 一若 臣 其罪, 臣 之,安用 Ш 語 身爲諫 但 襄有罪 録 因 誌 以 見蔡襄 日: 公議 官,使 臣 陛下 等言?」 「卿 辦 出 臣 何 Ш 之。」公 何 受旨言 陵 不言蔡 不 上 事 自朝 日 有 日 事 襄?」 功, 廷 若 意 欲

陝 等爲 之。 若 事 見 西言 從 愚 ^ 等, 公以 陝 近 墓誌 則 西 邊 邊 陛 謂 熟 四 帥 下 户 . 路 之 不信其言 鈐 頗 此 . 權 轄 逃 安撫 遂 失。 專 移 使 於 經 則 詔 招 四 略 如 以 納 人矣。」 使 内 不 職 歲 侍 用 • 也 李 言 尋 若 奏 必 愚 且

大 臣 此於人情禮文,皆大謬戾。 有 建言 濮 安 懿 王 宜 稱 皇 是必 考。 邪 公 人有 曰

宗 恩義 声 防、 務。 宗之廟 廟 等同 止 公還,五 父名之乎?」 子,當是之時,設 下 爲 是 墓 面 則 廷 恟 爲之。」 范純 果 願 留 俄 恟 辨 大端,存 F 不 水不 得 命 親 公,公言 + 邪 不 미 簡 拜 罪 公與 即 可 餘 正 留 上皆 潤 非 孰 去。」 疏 Ŀ 遏, 疏 甚焉 父母 也 下。 罷 論 0 又 趙 疏 ? 言 . 遂 因 又 大 瞻 争其非 復 濮 列 今以 也 而 易 與 不 極 再 水 使契丹, 誨 除 益 E 又 何 「考」 切 侍 得 拜 災 等 急,必 公侍 尚 陳 濮 ? 己, 先 至。 御 辭 上 已 無 + 王 帝 稱 史 且 亦 逐 御 書 恙 出 爲 而 事 求 既 知 願 主 F 不 「親 言 9 公知 史 皇 吕 皆當 議 罷 陛 愕 臣 以 雜 與 可 一考,於 知 : 誨 -0 義 陛 去。 下 者 事 建 然 也 雜 和 吕 簡 不 世 得 公 吕 議 下 知 州 事 當 英 宗 大 要 以 爲 之 夫 又 天 誨

> 公在 移 孰 朕。」 東 目 《墓誌 中 送之, 忠 英宗 廡 日日 孰 升 人之性,繫 邪?! 時 E 故言多 奏 傾 最 事 公 身 被 東 眷 殿 日 見 F 向 遇 中 聽 所 , 以 上 大 化 嘗雪 待。 忠 嘗 . E 大 日 中 每 敬 多 佞 奏 賜 納 士 事 對 卿 固 其言。 退, ,公自 盈 最 不 廷 口 常 知

熈 善者 諫院 判 公所謂 寧 日 母 流 0 喪 ____ 奉還 内 年 服 舉 安石 銓 新 朝 除 王 法 矣。」公謝 紛 至 安 者 大怒,乃 行 紛 京 石 相 狀 師 新 今 妨 用 耳 幸 以 公來, 安 _____ : 事 爲 「恩 方 且爲言 石 直 素 變 甚 己 昭文館 善 法 厚 議 新 公, **�**, 以 法 但 待 謂 權 之 恐 公 制 不 冒 與 公 以

傅堯俞權鹽鐵副使,堯俞初除服,人都,未

● 「辨」,原誤作「辨」,據上下文義改。

復 曾公 堯 降 及 見 面 人 正 閣 俞 弛 争之,上 除 此 介 即 門, 慢。」曾公請 除 以 副 以 甫 見 使。 爲 爲 命 介 弛 有旨復 堯 不 慢之狀。」《温 日 介甫 甫 介 俞 便, Ⅰ:「堯 屢 曾 甫 收 召 以 介 退 任 弛 人人,晚 之。 爲 甫 知 慢 俞 有密啓。 資 即 之 雜 知 公日 淺 不 既 狀 批 御 雜 且 悦 見 録 史, Ŀ, 出 不 與 到 **\$** 語 自 資 明 日 權 官 權 是 及 日 不 . 惡 青 淺 發 觀 且 曾 勑 之。 苗 遣 爲 其 乃

出 官 辭 許 爲 言天文休 局 州 所 州 河 得提 方 凡再 後 北 數 圃 獄 狂 轉 舉 月, 持 .咎,疑 大起,所連逮甚衆,或至 人 閲 運 崇 權 竟 歲 使,未 再 福 者 伏 除 爲變,公以 徙 宫。 欲 誅 江 五 行 困 ,公坐不 寧, 會 郡 公 改 在 以 移 知 公自 徐 奔 河 事 江 即 時 陽 走 未 寧 捕 或 知 Ė, 府, 惶 又 落 告 因 不 請 移 懼 不 爲 職 狂 又 受 自 徐 奪 閑 時 改

> 殺,而 官代公治 事 口 縣,公同邑官出 起 以 居舍人, 不 曠 少 公處之自 懈 職 出 監 雖 納 墓 衛 公不 祈 誌 迎,拜 如,家 州 寒隆暑 黎 山 陽 謁 人 未嘗 倉 甚 曰 必 草 恭 . 躬 場。 見 坐 居 郡 憂 庾 其 守 郡 色 官 中 檄 掾 不 治 品 復 行

哲 宗登 天 故 力 平 使 下 以以 庶政 臣 此 幸甚。」《墓誌 拾 極 非 死 遺 除 臣 舉 繼 補 一之志 直錯 御 之。 闕 史 也 中 枉 以 若 丞。 輔 以 夫 願 盛 窺 E 陛 即 德 大 人 下 L 之 臣 明 慎 疏 私 終 善 言 臣 E 如 擿 請 失, 始 陛 其 極 則 細 其 以 下

御 史張 狀 侍 史 郎 Ŧ 岩叟力争 舜 民 一受命, 論 事 之,章七上 語 求 及 外 大 補 臣 乃 不不 罷 出 去,公 報 知 陳 與 州 除 侍 吏 《行 部 御

召還,復爲中丞。會蔡確貶新州,自宰執侍

公性純厚

貌

重

氣

和

而

寡言

其

遇

人不

設

城

其

第

哭

之

慟

^

墓

誌

府

與

唯

恐

傷

之。

至

當

言

職論

事

變,

金

玉

君

子

人

也

0

嗟

惜

久

兩

宫

皆

諭

沂

臣

日

:

傅

侍

郎

清

直

節,

終

始

其

グ薦

引

3

得

吉

人良士。

及

薨,太皇太

后

進 刑 御 言 史 矣 日 府 然 爲 臣 確 之 右 E 爲 前 懼 亹 亹 MI 不 公益 · 窮, 正 安 直 徐 確 不 切 見 無 聽 所 終 不 隱

左

從

以

下

麗

去者凡七八

人,

而

自

絶

於天,

陛

下

既

屈

典

遣

使

押公就

職

公徐

恐

雖

聖

度

如

天

亦

或

有

所

未

能

平

平 生 自 奉 養 甚 約 室 無 媵妾, 食才脱粟 己。

家 肉 事 付 所 昆 用 弟 服 器 得 任 雖 子 敝 恩 敗 不 亦 易。 先 推 篤 與 於孝 之。 友

守 令,本 ·於豈 弟 而 能 擊 女 豪 以 安 良

其 在 徐,前 守 侵 用 公使錢,公寖 爲 償之,

緡 未 定 公竭 而 公罷 資 且 後 假 守 貸 反 償 以文 之。 久之, 移公, 當 鈎 償 攷 得 干

623

實 ,公蓋未嘗侵 用 也,公卒 不 辨。 其 容 物

直 不 勇二 校 類 德, 如 此 吾 於 故 欽 司 之 馬 畏焉。」洛之 温 公嘗 歎 日 君子 清

拜

中

書

侍

郎

論

事

率

由

大

公,

丽

未嘗容

安

反

側

則

天

下

幸

甚。」《行狀

黨之

尤

者

固

宜

貶

逐

其

餘

切

置

之,

以

則

E

下

之

氣

和

前

天

地

和

應

矣。

目

確

松平

意

者

此

所

以

養

至

誠

IIII

御

遐

福

也

夫

事

至

加

應之,

以

無

心

事

往

若

未

嘗

願

陛

下

寬聖心

省浮.

念。

誠

陛

下

之

氣

和

雍 至 勇 日 . 而 能 欽 温 之 9 此 至 爲 清 難 ൬ 阚 不 耀 人以 至 直 雅言 加 爲 不 激

墓 誌

公在 爲 E 前 吐 論 激 切,事 乘 已 間 則 問 終 曰: 不 -復言。 「公以

和 州 也 通 判 楊 洙

言斥 之闕 郡守、當宣 日 「前日言 政 居此,何爲言未嘗及御 與與 朝 誹謗何異 延美 職 也, 豈得已哉 意 ?」《行狀 而 反 心站站 史時 追言 事?」公 今日 前 爲 H

十之四 尚書彭公

初 郎 中 路 子中 府。 治 江 書舍 轉運 州。 ,徙刑部。 ,除權吏部尚書,尋以 平 允、監 除國 二年舉 公名汝礪,字器 判官。 至 人,落職守徐 郡數月,卒,年 子監直講,改大理寺丞,擢太 察 進 使契 御史裹行。 元 士第 祐 丹還,徙吏部。 初 一,調 資,饒 州。 除 五 實文閣 起居舍人,進 出 保信 召 + 州 爲江 權 四。 鄱 兵部 待制 武安 陽 南 紹 人。 聖 侍 知 西

> 丁外艱 撰《墓誌 + 歷保信軍節度 年,人 ,服除,復授 以爲 淹,而公處之澹如 推官,武安軍節度掌 漳州 軍 事 推 官 也。 ,●在選 書記 曾内

丞相王文公得公《詩義》,善之,留 黑出 誌 宗察其姦,怒甚,王文公亦以爲言,即 公御史, 直講 人所試,復自 綰 ,除公太子中允、監察御史裹行。 ,改大理寺丞。 召 公,不往。 陳失舉,且薦它官代之。 御 後雖 史中 薦 丞 之, 鄧 爲 **國子** 而 綰 爲 欲 監 H 神 小 舉

養民,六賑捄,七興事,八變法,九青苗、事。一正本,二任人,三守令,四理財,五公在言職,非唐、虞、三代不論。初對上十

銘》作「潭」、《宋史》卷三四六《彭汝礪傳》作「彰」。「漳」、《琬琰集》中集卷三一曾肇《彭待制汝礪墓誌

故

事

進士第一人無人吏部選者。

公釋褐

0

宗 奏罷 詔。 公事 願 E 斂 免 爲 廟 至 役 之。 宗室賣 又言 更 子 法意 使妻出 著 孫 神宗爲 鹽 如 因 婚 當當 此 不 言 婚 姻 拜 吕 미 至 : 法 非 寢 指 之,不當 嘉 一女娼 皇 使 臑 所 充 陳 間 間 王 族 得 以 命, 家 俞 領 閻 中 雖 失利 廣 子 除 充 市 而 下 正 服 聰 ·, 行 諂 檢 易 賤 究 屬 病 李 明 事 正 語 得 山 E 有日矣,公 0 憲 多 中 中 以 所 疎 不 用 專 人 人 貨 從 然皆 肯 兵 事 王 難 Ŧì. 取 陝 奉 房 中 聚

元 官 元 年 日 罷 復 爲 館 疏 閣 論 校 時 勘 事 江 南 且 西 言 路 轉 運 判

> 敢 患 爲 無 之臣 將 順 患 無 敢 患 言之臣。」神宗 無 諫 争之臣 ; 察其 不 患 無

慰諭久之。《墓誌》

元 行 於 祐 新 屈 是 之而士 舊 mj. 之 年 墓 己。 誌 政者,公 民 起 皆 今所更大 居 病 回 舍 未見其可。」 人 召, 者 政 取 無 既 彼 至 土 此 執執 及 執 之辨 差役 政不 政 有 法 能 間

踰 謗 論 年 太 丞 類 相 亦 以 一相 數 皇太后 佐 詩 爲 未 拜 諫 請 確 佑 賦 有 有 中 官交章請 安 古 去。 書 口 以 而 一、必欲 州 風。 舍 發。 河 是時 詩 人,賜 事 時 遇 寘之 上之,傅 尤 會 進 治, 大 事 力, 知 取 服 臣 不 極 又造爲 漢 者 金 有 主 荷 法 陽 紫 會 病 議 持 軍 多 解 之, 平者 者皆 危言 公日 詞 吴 所 釋 命 欲 處 建 不悦 雅 以 厚 排 頗 以 白 正 爲 此 激 得 去 與 其 其 怒 怨 蔡

公拱

立

不

動

伺

間

復

言。

帝卒

爲

之改

唐

禍

亂

之

事

神

宗

初若

不

出

語

詰

公

西

,公言:

示不

當

以

兵

付

中

人。」

因

及

漢

服

是

殿

廷

觀

者

始

皆爲

公懼

已

而

皆

歎

此 獄 矣。 繼 行 已 還 舍 又 相 争 論 織 后 Ŧi. 日 辨 不肯 益 去 異 除 人 之 下 日 列 以 賢 蔡 公在 位 ·, 而 趣 甚 漸 加 0 目 止 我 爲不 坐 之。 丞 蔡 公 切, 彻 汝 使 公亦 阳 辨 自 是 臺 相 派 人, 出 礪 可 又不 外 執 論 《墓 是 同 數 既 相 不 豊 + 政 落 愈 正 誰 誌 日 以 諫 嘗 當 貶 黨 年 聽 意 職 人 官指 出 切 既 É 任 謪 論 新 確 擠 知 蔡 其 道 則 執 丽 吕 州 者 臺 之, 至 御 公爲 徐 責 爲 壅 政 蔡 居 嘉 中 得 史 用 不不 州 者 有 亦 家 派 問 坐 而 ! 罪 臺 起 力。 爲 朋 待 相 奪 事 能 進 乃 自 居 空。 黨 朝 罪 有 即 捄 取 中 舍 且 後 廷 官 謪 者 大 公 治 與 丞 人 太 時 論 則 命 省 皇 得 臣 草 至 蔡 復 嘉 圃 中 -事 以 是 志 詞 太 力 間 相 爾 封 書 丞 疏 下

召權

兵

部

侍郎

徙

刑

部

會

有

具獄

執

政

以

0

紹 年 士 其 꾯 聖 言之者,於今 熙 公言: 之,公執 爲 不 文 如 史 且 曰 日 善 閣 亦 日 Ē . . 寧 元 非 不 口 地 元元 不 殺 能 年 月, 助 屬 待 陛 以 與 已 奉 -, 今上 能 罪 言 之言,遂 下 制 計 卿 豐 有 召 不 公 唯 者。 無 今 知 制 餘 聞 政 非 公于 下 以 其賢 自 賢 書 所 事 初 江 則 久 爲 或 劾 願 不 并 執 既 專 復者 而), 則 州 夫 江 别 當 問 請 肖。 拊 人 聽 其 政 有 而 州 也 貸 之, 去, 人 人 以 遺 斷 屬 怒, 不 _ _ 而 其 争 無 仁; 以 政 辭 免罰 表 章 便 日 能 而 間 召二三大臣 舍 獻 爲 不 唯 政 许 四 至 . 執 言 上 所 公 財 得 不 樞 其 所 上 政 之矣。」 在 論 其 矣。」《 勞 欲 加 用 能 聞 密 是 ,不 墓 以 前 奏, 略 言 間 罰 非 都 無 特 公 則 日 聽 以 者 甚 不 承 墓 是 法 其 以 政 居 修 則 饒 非 屬 也 之 無 寶 無 舉 御 殺

後 恤 願 9 節 河 忠言 北 以 流 禮 移 初 若可 察江 佞 人初 恶, 南 水旱,凡數 若 丽 其 口 利 悦 甚 而 博 白 其 言 以 患 至 在 慕

公爲 急。 芯 傅 至 監 有 經 《墓誌 典。 惠 司,務大體,不 爱, 故在 尤 以 京 興學養 西,多所 事細苛, 土 全宥 9 賑 而於議獄 乏 爲 恤 州 孤 必 爲 所

公居家孝友 宋 交,盡 貧 聞 子禮事之。 之,又葬其妻,又割 亦奇之。 官之。 (者,分 涣 公喪,即 未官 誠 又官其弟汝方, 敬。 俸 及官保信 事 丽 棄所居官 錢 天隱死,無子,公爲 死 少 寡嫂謹 賙 公公 時 給 師 經 俸資 迎天隱 甚,兄 事 歸,論者多之。 或 理 桐 爲 而 其 其 廬 置 後其 無子 女。 後 置于學,執 倪 義 天隱 不 ,爲 并其 子。 莊 同 啻 年 立 其 汝 天 與 進 母 族 隱 方 弟

人。蓋其篤行如此。《墓誌》

公平生好學喜問 幸 江 相, 名。 之士 孜 其 重 人始而駭,中而 無不言,言不行必 「姑徐進 州 ,而 圃 孜,常若不及。 心。 人謂 最 公死矣。 未數月, 也。」忌之者 於貧富 爲今范 至於憂國 彭 公必 汝 貴 《墓誌 礪。 用,既 上命 樂聞 丞 疑, 卒而 賤 愛君,推賢 則 故自 相 争,争而 召還 蓋 以 利 對, 其 純 己 爲 害 過 處 有 太 信 或日 得 好 顯 所 間 皇 自任 不得,必 異, 喪 於 揚 則 之者。 知 太 須 朝 善 日 或 后首 以 改歲 1:「名 廷, 范 以 不 聖 則 求 及 以 賢 公 爲 事 拳 H 出 節 之 累 再 近 知

六一〇

三朝名臣言行録卷第十一

十一之一 丞相范忠宣公

信 治平中 還, 州 史, 進 子。 知 出 土 陽 和 知 同 歷 遷 一第 軍 州 以 河 公名 京 侍 知 -,爲 恩 中 加 徙 西 知 御 諫 補 府 純 直 提 江 齊 汝 院 史。 徒 太常寺太 仁, 東 龍 點 州 州 修 轉 刑 圖 成 襄 字 出 管 運 獄 起 閣 都 城、 通 堯 判官 勾 , 陝 居 府 知 夫, 判 開 祝 西 注 路 慶 西 安 封 · 中 京 文 轉 擢 州 轉 判 州 府 留 E 皇 運 殿 運 國 襄 守 徙 公 使 祐 使。 中 奪 子 邑縣 之 御 職 知 侍 元 監 降 次 史 蘄 御 年 知 召

> 徽宗 使,永 陳 爲 士。 年 年 祐 慶 臺 太一宫使召 司 州 南 州 右 元 以 拜 書其 京 落 知 年 僕 再 州 觀 尚 不數 太 射。 召還,充侍 知 安置 職 拜 文 書 碑 原、 河 知 中大夫 殿 右 額 以 中府。 又罷 隨 月 河 學 僕 日 元 疾 州 南、 9 土 射 以觀 世 符 講 不 知 再 知 同 潁昌 元 濟 赴 兼 潁 貶 又除 潁 知 文殿 豐 忠直 年 , 薨, 年七十 中 昌 武 樞 昌 府 八 書 安 以 密 給 之碑 大學 府 河 年 軍 侍 光 院 事 , 南 召還,復 進 節 禄 郎 中 復 事 土 府 大 卿 度 職 五. 中 學 分 改 阊 明 知 元

文正公門下 勤 中,夜分不 李覯之徒, 頂 學燈 如墨 煙 色, 迹 多 . 寢。 時 與 也。」《言行 延 公從 以 賢 後 示 土 公公貴 諸 游 如如 子 書 録 胡 了,夫人 孫 夜 瑗 日 肄 孫復、石 猶 業,置燈 「爾父少時 收 其 帳 介、 帳

富

貴

有

命

行

再 贵 調 亦 不 官 可 重 皆 能 朝 於 不 夕 禄 赴,文正公遣之,公曰 在 食 側 前 、。」遂: 輕 去 終 養 父 焉 母 耶 《言行 雖 録 純仁 近

《言行録 文 憂 官 嫂 好 哀 弟 施 俸 IE. 内 捐 仍 公憂, 妹 毁 外 聚 借官 骨 館 無 族 之 四 文 間 七 日 方 屋 言 廬 + 「家惟 居 無 墓下 口 所 飲 於 歸 許 食 約 四 與 州 朝 壁,公居喪中 居 己 役 廷 處, 麤 夫 文正 特 糲 同 爲 等 不 上 一公平 給 加 堪 下 所 食 其 均 兄 牛 居

時

官也。

《言行録

知 襄 官 公責 校 事 藥 祕 嚴 出 飲 城 之日 閣 父 食 縣 常 書 調 居 伯 賈文元 籍,皆以 亦 處 兄 臺 難 衣 久 事 閣 服 病 守 清 兄 北 心 必 何 疾,公 病 資 都 躬 必 辭 辟 古 必 不赴。 豊 承 親 辭 易 機 事 ? 公 如 得 照 密 富 孝 管 文 召 子 日 忠 之 湯 編

> 襄 除 城之民,素 忘,至今號爲「著 多 罪 寡 隨 因 自 其 民 之有 罪 此 不 之 人 事 罪 得 輕 蠶 而 作 其 重 織 情 林」,「著作」,公宰 利。 後 輕 鮮 按 者 公去,民 有 其 植 使 所 桑者 植 植 懷 築 一、公患 於 之 茂 不 與

知 之暇 襄 又營 邑]縣,縣 (),時一 學 田 至 擇 宇 學校, 學 鄉 親 之賢 勸 倉 者 誘 廪 之。 以 驛 教 舍 《言行録 其 皆 新之。 聽 政

縣 之,而 有牧 縱 衛 敢 申 殿 L 下 士 刑 中 前 馬 地,每 ·, 白 牧 食 司 然 縣 殿 馬 田 日 姓 **\$** 養 者 圃 前 知 歲 不 兵 侵 非 衛 敢 出 司 公 公 食民 申 미 士 誰 不 於 捕 樞 賴 何。 縱牧馬踐 知 而 田 衛 税 密院,有旨 杖 公下 則 士 之。 日 非 税 民 車 税 畿 衛 民 田 出 將 邑小官所 劾 士 恩 有 於 使 百 校 訴 威 民 何從 長 姓 衛 著 田 公 申 於 病

早 久 境 以 時 商 舟 令畿 而 而 了, 召 吾 不雨 至 内之民 販 不 出 春首 恤 哉 邑兼管勾 其 爲 唯 ,公度將來必闕 安安 汝 以 主 不知也 了,所蓄 用 身 主 而 五 縣 爲 糶 諭 穀 牧 無 令哉 縣 之 貯 地。 《言行 慮十數萬。 衆 **�**, 日 之於 賈從 : 自 職 一民 食,遂盡 録 公始 章上,特 佛 在 命 寺 將 養 也。 運 中 無 民 諸 籍境 食 免罪 縣 販 《言行録 候 若 不 飢 闕 内 爾 坐 客 等 獨 食 仍 視

公爲 爲 從 手 議。」繼與 書 納 官 侍御 之子,與前代入繼之主不 告牒, 異 尊 史, 論。 E 御 時方議 家 爲 史吕 公言 居 皇 待 l 誨 等 夫人 濮 罪。 安懿 陛 更入論奏,不聽 爲 下 既 王 親 后 而 同,請 典 受 内 禮 公 出 大 宗 皇太 復 如 言 從 臣 詔 后 則 官 與 而

> 震天 計。 E 判 言 事 安 不 下。 · 引 州 時 盡 用 己 誼 曾子開 公在 請 詔 據經,語 罷 去 撰 臺數言 追 益 墓 尊 堅, 誌 斥 趣 大 Ŀ 人 公 臣 所 不 就 尤 難 得 職 言 切 己 繇 及 出 公 是 争 猶 公 名 濮 通 以

神 宗 也? 對 殘 西 張 外 下 日 録 無深 害 8 久 $\stackrel{>}{\mathbb{H}}$ 日 攘 初 二公徐 生 卿 È 公自 夷 靈 留 即 自 漕 才 城 耗 意於邊事 狄 位 郭 輓 對 能 陜 之志。 粗 竭 必必 還 , 日 如 西 慨 財 完, 此 朝 精 轉 用 然 甲 粗 意 運 恐邊 朕 糜費 邊 兵粗 者 即 有 副 得 所 事 未 使 臣 勸 追 爵 倚 王 精 修 召 觀 城 賴 賞,不惟 迹 之辭 上 荆 還 望要 郭 糧 先 甲 神 毋 丽 公任 儲 功 職 如 開 王 粗 兵、 宗 爲今日目 生 事 是 備 問 邊 糧 之,多 内 足 皆 事 日 儲 隙。 2 矣 ے آ 修 結 如 神 前 何 粗 宗愕 政 卿 臣 令計 所 夷 願 在 事 重 陛 何 然 陜 行

異

日

或

爲

權

臣

矯

託

之

地,非

人

主自

安

陛下

以

長

君

臨

御

何

使

命

出

房

闥

?

^{■「}儲」,原作「諸」,據四庫本改。

運

使

向

行

均

輸

御

史中丞

李

師

不

當

數

移

疾杜

門,

切

無所

諱

避

不

苟

止

其

於

敢怒。者是也。」上善之,令條古 不見之怨。]上曰:「何 :「古人所謂『天下之人, 公作《尚 君子小人之 一變 生之德 中不可 嘗 法 以休兵省 愛人 達 明, 親 自 臣 論 欲侵侮我疆 於六路,必將 書 改 願 未 爲 讒 . 陛下 不見是 解 治 法 材 守 形 佞 聽 于 **>** 富 邊,薛 謂 度, 迹 夷 究 以 申 事 任 韓 際,尤反 狄 孟 則 不 ,其徒 公論 進。 日 節 圖 人 子交鄰之道 彼 公在 偏 連 見之怨?」 不敢言 向 誨 事 心 將 聽 亦 章 用富民 掊 及 願陛 愛 不 不 爲 可 不爲 不 相 累 爲 へ復 戴 克 ·當罷 爲 可 爲 急 位 戒 寧 之用 陛 漁 生 發 諫 戒 下 而 修 下 執 其 指 又言 鍾 不 廷 既 不 古 速成, 鋭 民 五 聞 於 政 出 忠 人 斂 見 切 [H] 霸 於 察。」公 而 執 録 我 之 君欲· 求 荆 附 公日 或 劉 富 人材 怨基 政見之怒 留章弗 「琦 廼罷 公并 者衆,奈何 琦 或 治 何 遣 事 疆 雅 所 加 等一言 熙寧中, 錢 不可遽求,積 禍。」 又言 諫院, 兵 及它 功 與 焉 親 是 顗、 下, 、之術 亟 ? 荆 以 諭 一它所 孫昌 : 就 朝廷有「生老病死 出 Mi 大 公 利 公 留 陛 柄 録 惑誤

也。一又

進

言

.

如父母

雖

其酋首桀傲

道

遠

當

馴

致

事

大

難

開

陳

類

如

此

上

方

厚

善

至是

数言

其

以

人

主,失天

下

望。

必

爲

憸

佞

所

乘

不

口

敝

不

可

頓

革

自

又將

貽

他

時

意外之憂。

孔

子

來

遠之德,使好

^

書》曰

『怨豊

在

圖

崇

聚

斂

事

苛

刻

公請

去

不已,至

闔

門

修

起

居

注

公固

辭

0

臣

詞

氣

甚

属。

L

察

下

更以

法

驅之?!

益

臣

遽

以

罪

絀。

今

在

龄

同

時

罷

御

史。

公

大

則

廷論

小

則

疏

進

君

子

退

小

人

官

,前後爲

上言

者

以

聞。

公日

六三三

知

河

中

府

墓

志

又

苦」之語

時

訹

我

也

言

不

用

萬

0

所

上

章

納

中

書

門

「速起,

H.

除

知

制

計

權 門 事 州 間 録 成 過 官 直 E 以 於謀國 不 荆 郡 下 E 都 勝 富 公改 一介甫 劾之,言荆 人捃 公以 府 韓 未得 疽 公稱 」,曾公、趙 新 路 一發背 比 法 新 摭 莽、 轉 病 遽 卓 死 法於 目 公 公 不 運 行。 爲 出 私 過矣。 志 趙 公「依違,不 使 生 民 在 清 事,然卒不 安石怒 唐 事 不 近 獻 兼 質 9 但 唯 功 0 便 肅 領 急於 臀 曾 忘其 與 斷 農 苦 公沮 反 魯 荆 功 可 公 公 田 售 復 利 否 時 以 能 學, 争 遂 范 水 格 論 年 按 忠 得。《言 忘素守 利 忠 新 奏 富 老 問 宣 宣 公一謀 法 欲 依 戒 差 每 耳。 爲 舉 違 使 約 役 行 身 其 理

環 邊 復 慶 渦 慶 不 臣 記 學 事 闕 大 素 甚 0 憶 兵 人 饑 儒 有 兼 對 公 法 家 威 帥 對 今 卿 神宗見 名 守 未 日 日日 久 嘗 坐 : 卿 事 隨 學 不 兵 公 體 臣 侍 兵 職 法 甚 與 隨 在 法 罷 必 喜 昔 侍 陝 去, 精 9 時 時 西 又 日 0 以 年 不 問 0 必 公 公代 同 幼 : 亦 卿 對 且 詳 並 父在 卿 臣 不 熟 縱

> 種 户 收 食, 繼 盡 郡 以 預 七 上 侵 策 ጠ 不 · 五 尚 不 攘 其 日 皆 振 才 無 П 疲 所 吾 分 會是 許 欲 廣 駑 活 不 不 恤 夷 收 穀 寧 陛 貸 貲 ,公欲 俟 狄 人之 食 遂 獨 下 狼 不 絶 公到 蕃 秋 即 奏 大 若 戾 則 坐 敢 種 又 漢 蓬 實 請 死 發 有 使 罪 有 願 於 慶 民 生 得 官 常 完 <u></u> 年。 别 辭 朝 何 户 鄰 食 州 旨 蔽 儲 平 繕 時 擇 可 廷 路 之 野 而 有 城 或言 兼 若 餓 才 待 疑 封 市 餘 後 壨 限 路 以 報 殍 者 使 之, 丽 樁 耕 散 公 ____ 滿 人 公令 荐 ? 臣 愛 粟 結 方 牛、 遣 禀 力 饑 路 因 開 公 麥 養 實 懼 諸 使 官 貨 穀 官官 貇 振 遂 拓 百 如 未 公 耕 按 之, 種 调 糴 耕 力 封 姓 粟 有 無 牛 但 治 辭 疆 計 殺 布 所 以 州 穀 口 勿 臣

得 者 再 罷 中 循 中 上 實 詔 民 去, 守 之罪 刑 罪 所 間 使 、公連 意 也 比 法 封 得 聞 今緣 之臣 令, 0 賑 於於 也, 記 藂 之, 建 恤 委本路監 塚 此得 E 與 申 按 争 中 來, 於 偶 公 疏 請 臣 先 猶 邠 殊 免 矣 繼 措 而 輸 贖 無 流 ! 其 寧 置 又 官 司 銅 广。 間 及 法 之 三十 建 窮 發 比 涉 間 度 建 治 中 塚 喜 況 使 广。 己 中 當 數骸 E 不 至 建 實 朝 成之後 饑 免 是 令言 中 前 廷 儉 無 · 已 坐 有 遷 藉 全 帥 行 之初 負 殍 罪 治 活 楚 其 録 者 故 罪 建 建 數 死 不 而

移 屬 罪 公挾 郡 知 率 逮 、公猶 公就 齊 誦 流 詩 情 州 人 道 隨 對。 變獄 以它事 之, 慶 齊 部 • 稱 爲 久 人 詔 冤 Ш 奪 乃 數 按 移獄 東 職 去 萬 劇 知 得 比 郡 信 獄 號 冤 郡、出 成 狀 陽 泣 屠 軍 遮 販 古 郡 道 御 劫 坐 將 史治之。 盗 童 誣 种古訟 告 兒 無 相 抵 虚

> 第以 矣。」 久 耶 院 性 兇悍 自 公 H ? 一、若 ,以治兇民,取 以 日 0 寬 疾 公日 此 囚 强 性 通 或 **州文** 夕已 畫 繋常 恐 判 以 好 勉 此 於 兇 剽 不 州 猛 公 何 獄 「終當 滿 暴, 勝 劫 事 日 治 中, 不 多屠 其治矣。」公 釋之, 起 . 玩 以 責 如 則 是 白 之道 嚴 公爲 何? 保 不 一公日 亦 販 治 不 能 在 與 盜 之, 也 政 旋 持 日 外 . 民 竊 素 猶 日 久 除 踵 齊 M 非 寬 使 不 復 「往往 害 督 有 不 能 之 系 賞 猛 耳 寬 然 兩 知 戢 官 輸 者 待 出 齊 而 司 此 公 其 於 司 若 納 理 不 民

言行録》卷 誌 1 古古 铭》、《宋史》卷 原 及下 作「詁」, 第七 文「 之三 古坐 據 曾 种 誣 四《范 告 世 曲 抵 衡 純 阜 環 仁 集 傳》、 原 》卷 之 本 四 間 《范忠宣 書《五 名臣 子 公墓

② 「兩」,同前書作「西」。

「賞」、《宋史》卷三一四《范純仁傳》作「償」,義較長

3

之,豈 語 蹙 汝 飭 佩 悔 之日 過 懼 服 然 教 是 自 ---爲 理 歲 \$ 新 良 也 犯 爾 我 民 耶 法 法者 遂 輩 ? 害 欲 不 釋 爲 釋 當 減 復 遂 悪不 之。 汝。」 舊 死 系 盡 歲 官 呼 悛, 歡 皆 而 之半 出 司 呼 在 吅 在位 也 <u>\</u> 面 位 頭 0 于 《言行 出 者 E 者 汝 庭 以 等 示 轉 下 欲 情 敢 若 相 告 能 釋 戒 不 殺

皆

好

客

而

家

貧

相

約

爲

真

率

會

脱

粟

飯

酒

數

行

過

從

不

間

日

洛

中

誇

以

爲

介行

狀

録 第 伏 客 劾 法 事 他 理 殮 疾 之,宋 散 幾 告 參 果 因 口 巡 獄 醉 軍 初 爲 會 鼻 ? 變, 歸 公遣家 宋 宋 君 客 寵 血 儋 豈 置 妾 君 爲 出 置 果 年 有 毒 與 因 逃 不 毒 人子 漫 中 小 會 中 在 嗜 死 酒 汙 毒 吏 客 毒 焰 之計 鼈 盃 弟 幎 暴 爲 麗 多 而 名 中 帛 視 卒,公得 姦 是 能 中 也。 而 其 爲 終 公 殺 付 夜 喪 坐 公日 席 人以 之。 疑 門 有 客 事 耶 其 罪 Ĥ 下 ? 所 : 爲 罪 按 宋 人 死 人 并 公發 多 人 命 置 治 遽 不 君 覬 乃 再 以 於 在 具 小

H

公判 以 摘 留 申 姦 臺 於 伏 時 地 如 下 神 矣。 明 時 若 耆舊多 令言 非 行 遇公, 録 在 洛 則 公 宋 與 君 之 司 馬 冤 公 無

除 辟 言 出 給 法 勝 士 力 且 公入相 此 公奏 有司 將 爲 率 事 事 事 謀自 中。 卷 相 宰 温 當 懷 首 職 相 公言 立 熟 己 時 退 在 當 以 改 文 講 出 避 求 哲宗、宣仁 太 虚 之。 八 差役]。」是 ௱ 人 年十 則 心 深。 緩 諂 以 變 法 温 行 時 延 法 又言 諛 公 初 月詔 衆 太 得 非 公聞 不 有 改 論 后 乘 所 然 熙 所 書 共 間 先 之, 9 不 四 寧 建 滋 從 迎合, 政 忧 必 案 方 請 謂 爲 事 謀 奏 間 司 還 民 公 自 坐 讞 自 馬 而 朝 病 復 首 己 大 死 IE 温

默默 公非 媚公求合哉 仁不若少年合介甫,求早 容於門下,何用犯 不欲 蓋 者 公手東日 如 此。 公雖 視舊數倍 何難,人人皆能,不止能 速而示之以益堅之削,蓋 荷 爲 於是 與 「蒙示奏藁,益見公之存心。 異 温 惟其 非 也。 人皆服 公同 公怒 (如此 先王 《墓誌》〇又《言行 面 志 - 富貴 喋 ,所以誤公 及 公平直 寧失 喋也? 默, 也 欲 臨 亦可 盡 使 何 事 若果如 知 用白 不經之意。」 贊公使公喜 顧,而 且 有 其 然公既 首 罪 録 知 所 此 》載公與 强 偂 提携至此 前 矯 則 默 顔 知純 於 E 默 於 是 丽 耳。 此 荆 類 自 純 温 0

司 既 兼 馬温公欲令進 在 知 又 人,未必能如布 衆 欲不廢文章,則雜文四六之科,不如設 更貢舉 ,士族近京猶 今之朝士,未 人場 中,不 法。 士召朝官保任,然後應舉, 公曰: 必 衣 可, 須 ,徒令求舉,未必有益 能過京官選人,京官選 别 寒遠之人,尤不易矣。 設 「舉人 一科也。 難 得 《孟子》 朝 士相

惟公憐其

誠

而

深察爲幸。

從之。《膏行録》 恐不可輕,猶黜六經之《春秋》矣。❷」温公

除兼侍講,公語人曰: 令言 體 解 號 必反覆開 本在心。 使那 以以 施 行録 令, 資 僻浮 口 爲 人君之學,當正 陳其説,歸於人君 舌之辯 社 薄 稷宗 之説, 哉 廟 「國之本在君,] 及 之 無 福 自 心 贵 在 而 미 誠 用 經 意 務 筵 加 以以 章 然 後 進 通 君之 後 講 止。 旬 發 爲

同 公請 使賜 知 之未決。 樞 密院 太 罷兵棄 官 會公人 事 饍 地 0 出 因 初,公還自慶, 福府 手 使歸 詔 ,復申前 間 所 禦 掠 備 漢 兩 人,執 西 議 官 又請 戍之策。 项 政持 遣 中

- 「盡」,曾肇《曲阜集》卷四《范忠宣公墓誌銘》及《宋
- ② 「猶點」,洪本、张本作「點猶」,則句可讀作「《孟子》恐

行 鬼 故 謝 功 不 地 許 赦 章子卒不 邊 輔 人 既 不 臣 外 行而 殺。 會 而 褒 歸 邊 夏 賜 議 其 至。 人 臣 異 者 後 未 漢 俘 甚。 **《** 墓 欲 又 順 人, 蕃 致 公計 誌 欲官之、公復 酋 公請 人其子 子 鬼 絹 章 誅 陝 + 收 以 鬼 西 兩 獻 河 章 固 郡 南 塞 事 兩 自効 争 故 上 皆 官 以以 地 然 歸 施

公 自 言 下 軾 論 詔 力 今 風 兩 侍 草 者 爲 議 書 官 日 爲 策 亦 感 郎 多 所 捄 在 執 問 「前 悟 陳 出 勿 樞 解 補 政 私 復 府 題 外。 恐 即 H 務 因 意, 時 以言。」 録 希 或言 H 言 以 言 公 遣 人 浸 合 博 . 奏 一之過 中 附 潤 者 引 既 大 臣 使,手詔 攻 會 用 之 開 嘗 IIII 太深, 之 章 説 不 軾 在 E 爲 人, 惇、 當 稍 無 意 廷 綰 行 實 嘉 罪 頗 鄧 誣 忠 0 韓 繋 納 9 切 分 綰 奏 維 學 篤 維 或 一、公皆 朋 坐 勿 罷 1 體。 革 心 因 間 朏 黨 或 蘇 門 下 +

> 前 與 聖 公獨 室 位 臣 曖 上 録 小 公 家 日 0 面 人朋 奏 將 昧 朝 歐 相 必 諫官王 0 此 宜 奏 來 以 蔡 陽 不 弗 切 欲 黨之 事 爲 明之過, 文 爲 以 確 避 以 蔡 朝 務寬厚, 忠公 正 法 坐 爲 不 嫌 確 一覿 朋 廷 異 宜 九 口 詩 謗, 0 黨 誅 黨 坐 詳 0 語 之 誅 朋 因 論 人 殛 此 不 朋 審 不 遂 譏 黨 甚 0 起 竄 極 朋 事 口 黨 於 口 盛 訕 言 大 宰 黨 論 其 不 因 難 蓋 以 簾 簾 不 臣 前 執 貶 可 不 以 譖 辨 因 語 一、公復 中 前 侍 世 容 Ħ 口 進 口「 趣 言 今日 開 從 朋 却 易 臺 開 含 絀 向 文 皆 陳 黨之禍 恐 端 諫 爲 胡 墓 字 異 舉動,宜 爲 悮 誌 辨君 及 繼 章 不 也 之間 當 同 _ 方 及 間 人 疏 在 今 0 奏 善 宰 并 然 冒 交 子 相

0

卷三一四《范純仁傳》有「盡」字、較長。「心」上、《曲阜集》卷四《范忠宣公墓誌銘》及《宋由

公黨 堅。 退。 開 或 者直 葉。 命 人,不仁者自 商 風 石 倒 則 其 我 一府 陳 唯左丞 恐有傷 監 俗 置 異 者 迎 · 王 確 宣仁怒,卒貶 公 論 合之 猶 謂 臣 我 因 國家之 獨 列 則 聞 今來 以 之正 一存知 喜 則 之際,諸 公遂以 觀 留 是 孔 佞 Ŧ 逆耳 同 蔡 子 望 舉 人,異 身, 化。 蔡州 日 存 當 惡 患, 確 爲 用 親 與 屏 之言 因 異, 疾 能,後 不 . IE 確 何 公 0 公畫 公 迹 我者 揖 請 《言行録 直 遂 莫 以 舉 相 矣, 新 初 必 難 外 王 州 直 至 至 由 協 推 來 可 與 而 至 疑 存 何 黑 0 真 錯 諸 斯 治 柄 • 皆不 即 .煩 口 爲 E 白 言者交章,擊 諸 僞 是 既喜 黨 公 臣 化 邪 又《聞見録 日 分 前 不分, 莫 日 枉 人 議 以 枉 顧 辨 固合 至 黨。 知 其 公知 論 蔡 上 黨 邪 能 如 公 旁 司 之 前 確 及 水 至 賢 而 爲 使 既 王 · 云 益 潁 先 爲 之 ? 善 枝 安 今 方 枉 愚

> 乞罷 后,當 八十 不 Ŀ 元祐三年, 從。 以 年, 政 爲 重 初議 謗 吾輩開之,恐自不免。」 滴。」吕 訕 有 貶 旲 宣 確 汲公爲左相,不敢言。 處厚者 新州 仁太后 忠宣謂 得 以 之,怒 蔡 確 汲公曰 汲公又不敢言。 題 安 州 此 忠宣乞薄 蔡 車 確 路 蓋 以 荆 亭 忠宣 棘 吾 . 》詩 確 已七 比 T 因 來

先是, 差 便, 得 非 儼 官。 贵 以 矣。」 以 錢,然隨身者不過三千,又得一丁就 夫必 民 然 不便乎?」公曰: 七千免 不 爲 窮民 河 病? 或 所 坐 今免夫所出 便。 Ŀ 計 有 食 日 有 一所科 於家 其 ,今捨其 公 此 力 Ţ 的 一事,富 每 獨 而 夫 確 又免 歲 無 憂 役 七千,盡 合用 蓋 所 差 錢 日 力者 許 有 百 一每 者 夫 . 民 之 姓 輸 而 非 不 數 歲 身之 民 錢 征 歸 奔 Ţ 親 所 差 免 其 于官矣, 走 力 縱 便 執 所 夫 夫,上 費 所 執 自 使 役者 也。 出 無 役之勞, 萬 此 所 雖 錢 差 又 以 民 錢 食 愈 下 民 日 倍 況 爲 皆 萬 今 又 于 困

五 夫 錢 其 白 錢,其弊 以 所 免夫, 里外,今免夫 役 則 無 雖 力 愈 由 三分之工 念衆 致 錢 民 察。 無 愈 又從 亦 遠 不 不 一勞矣。 可 届 來差夫,不 以 若 取 遇 + 今若 掊 分 及 克 免 出

知 計 公遣 葬。 太 之 原 吏,則爲民之害, 又檄 屬僚 刻 府 石 河 以 收 路諸 東土 記 無主 歲 狹 月。 郡 燼 民 無 皆 《言行 骨,别 甚 衆 倣 於 借 此 録 此。」《言行録 男女,異 地 不 不葬其先 口 以 穴以 萬 數

復 拜 士 望 與吕大防 或以 陛 望,臣 尚 書 謂 加 右 亦 卿 察。」《行 一心。」公對 僕 知之,臣 必 射, 先 引 因 狀 用 終不 人 王 謝 曰:「此二人實 覿 敢保位 彭 簾 中 汝 宣 蔽賢 礪 諭 卿 有 更 宜 .

公前 其 功 、議、公獨 ,況今公私匱乏,當緩其役。」朝廷 爲 相 時 有 争 以 司 請 爲 歸 河 雍 故 水使 道 高 必 大 爲出 難 臣 成 主

下

潁昌 道。 兩説 能 還 見四公也 歸 不 啓 今未復也。 近 故 易 輟 以 手 臣 + 、文潞公、安樞密 前 往視, 道 ,公又上 詔 手 大夫是故者見文、安,是新者見王 一,己 及公再 詔 説 公既 然 督 還 丽 《墓誌》〇 趣 奏 疏 復 主 相 公公 罷, 一点主故道 決, 議 極 如 又 論 加 復 者 公言,主 又《談叢》: 遣 必 河 固 道 力爲 兩宫 從官 ,范丞相、王左丞 欲 役 争 成之。 復 之大 然之, 議 御 兩 亢 興 祐 史 者 宫 范, 調 執 敝 悟 經 不 後 而 持 政 發 學 度, 存 兩 議 爲 役 至 雖 可 È 河 不 猶 收 干 暫 至 密 者 爲 新

宣仁 仲 在 仁宗 寢疾, 淹 · 口 朝 謂 宰 勸 忠 輔 帝 臣 人 盡 問 子 在章 后 道 留 獻 卿 忠 朝 當 宣 勸 似 后 日 之。」《聞 盡 母 卿 道 父

者,輒以質於公。 方親政,於大臣 中 注 又嘗問先朝法度,公悉 意 獨 厚,有密 薦 人 材

録》

實 諫 心 人。」上嘉納之。 參 官 以 對 論 且 議 言 無 所 미 П 仁 以 《墓誌 隱 :宗 爲 朝 法 大 委 勸 事 然 上 慎 執 不 政 擇 口 執 用 而 政 非 臺 其 諫 臺

李清臣 秦 轍 異 時 日 法 題 H F 漢 下侍 皇 0 也 度 同 武 二省 大 尚 、漢武。」公奏 爲 法本無弊 郎 首 安 臣 非 E 雄 引 書 建 蘇 引 得 人 欲 才 司 漢 同 紹 轍 右 也 以 述 用 日 大 救 馬 登 昭 丞 之議 0 漢 失 略 己 光、 弊 變更 鄧 卿 蘇 當 武 轍 行 多害 安得 史無 潤 蘇 。容臣: 轍 比 則 二 蘇 卒 之言。 武 甫 先帝 轍 獨 得 當 以 正 帝 貶 秦皇 越 進 人。 改。」 壞 罪 一待罪 轍 法 辭, 盡 次 F ! 去。 望 漢武 之 ___ 度 前 上 0 声 日 陛 义 公公 轍 所 事 日 公 日 L 哲 闡 轍 論 下 再 論 : 比 宗 : 日 見 宣 哲 所 奏 殿 拜 先 人 震 録 宗 帝? 事 先 論 住 試 怒 * 而 日 謂 不 帝 與 怒 蘇 非 退 策 謂 0

> 事 以 路 者 全 疏 趙天啓作《 公以 大 不當 、史稱 宜寡言 謝 蘇公下殿待 蘇 望陛 忠宣 不若 轍果以 天啓 爲 夫 已多,容 稍取 如 言 非 武 觀 明 日 詗 下稽 帝 蘇 蘇 道 在 道 比 望, 叱 以 公平 雄 以 「公佛地位中人也。」蘇 罪。 奴 先帝,非 軾 0 元 材 詔 倣 人人人人 爲 之 多 擬 行 - 昔若 編 祐 大 吕 年 書 用。 而 誣 則 略、爲 一哲宗怒 吕 試 管 中 汲公等不敢 五 禁約 行 謗 詆 有 累 策》, 惠 鄧 嘗 也 月 所 公又言: 漢 垂 卿 聖孝,懲之 以 州 上 疑, 癸 少 陛下 七制之主, 簾 告 傳 戒 霽。 酉 至 仰 時 詞 溥 遵仁宗 公亦求去,不 播 親 此 詔 視。 罷 公與 事 俗。」已 政之初,進 「今狂 中外 方 熙寧 朝 訕謗先帝 書 知 忠宣 蓋 忠 蘇門 上之, 人 其 則 近 故 宣同 元元 賢 情 從容言 世 恐 妄 御 加 事 下 執 退 之 大 舉 豐 塞 詆 史 時 狂 政 大臣 日 賢 笏 曰 吉 君。 有 政 尋 人 忠 以

「詆」,原作「龍」,據范純仁《范忠宣公集》卷二〇改。

0

史,亦 近。 旨 耶 旨 知。」《行 犯 敦 畏 竄,今已八年矣。 治之意。 惠 1改官 任 ?」客省 卿 ,自當按發 避不即納 落 公言: 成都 附 職 無 蘇 狀 會王 知 糾 鈴 至 英 轍 副 一之邵 正,今乃 州 垂簾之際,始用言者,特 安石 轄 忠,而 謫 使高 日 轍 知 公疏 建議 不 言者多當 爲 汝 與 士敦 方 法 成 政 州,御史來 繼 有是奏,豈 不 日 事 都 累年,之邵 以太皇 有二奏,其 : 路 又論 副先帝 監 時 熙寧法度, 御 司 太 之邵 轍 史, 非 后 愛 Ė 土 所 情 民 作 敦 言 恩 觀 何 行 謫 特 故 可 御 有 望 求 太 重 皆

哲宗 宣曰 諫 人,楊畏不 不知也。」蓋 親 議大夫。 豊 政 吕吕 以 可用。」汲 汲 忠宣 楊 上初 公欲 畏 日 嘗言公耶 召忠宣 遷 公方約畏 大 殿 中 子 一,畏嘗有言,上 侍 諫 :?」忠宣 御 爲 官 史 當當 助 楊 謂 用 畏 忠 爲 IE.

者,無所不至。《闡見録》不許。後楊畏首叛汲公,凡可以害汲公不行,忠宣故不知也。忠宣因乞罷政,上

薦。●命家人促裝以待謫命。②公在相位,凡薦引人材,必以天下公議,所

公在 道 懼 軍 因 終 ,切戒子弟,不得小有不平意,曰: 節 公復 E 日 隨 度 表乞致仕。 無 幾 倦色。 副 有 一年, 使, 指 陳, 永州 州 公素苦目疾,忽全失 終移 事 章惇戒堂 安置。 毫髮必親,客 上意。 命 吏不得上,蓋 下,公怡然就 遂貶公武 至談笑, 其 明 安

2 0 按 按 祗爲同 廷進用不失正 豈可不牢籠天下士,使知出 公、公亦未嘗示思意於人。 此 此應敘范純 罪 下 原 ,落職知隨州事,參《宋史》本傳。 闕 人,何必使知出我門下邪? 仁 葉,洪 上 疏諫竄吕大防等嶺 本、張本 於門下? 或 作 謂 公 士 日 公 未嘗 表 日 身 忤 爲 但 章 願 出 享

遂止。 以忠宣 萬 今日之言,不可 子告惇 惇爲之哉 赴貶所,舟覆,扶 忠宣欣然而往。 見 善之路矣。」《行狀》〇又《聞見録》云: 名,公聞 心,不能自 吾用君實薦以 是 里之行,豈 加 與 以 少 可 !」至永州,公之諸子聞 無悶,爾曹勉之。」人 加 馬 師 執 歎 公議役 已,人若避 也 至宰相 政日 忠 每諸子 曰:「七十之年 其 宣 有 與司馬公議 出 法 愧 欲哉? 同 怨章惇,忠宣必怒止之。 不同 而生者,不若無愧 衣 朝 盡 論事,不合即可,汝 好名之 爲言求歸,白 濕 論多不合, 韓 但 顧 維 諸 品 或謂公爲 少 f 嫌 网 品 師 日 而死。」諸 目 永州 得免行 謪 公,公日 愛 則 此 均 俱 輩 君 無 州 命 江 以 喪, 之 欲 近 子 爲 其 行

公在 公到 能 永, 堪 永三年, 誌 ,而公不 日 永 課 年 兒 怡 爲 然 孫 誦 動, 自 始 書,躬 得 亦 如 未嘗 或 親 加 0 教督, 含怒於後 以 至 横 於飲 逆, 常 食 人莫 至 也 居 夜

> 他 客 處 1, 唯論 事一 ,人不堪其憂,公未嘗興一念。 《行狀 語不 聖賢修身行 持 **,** 而 氣貌益 1一,餘 及醫 康 寧, 每 如在 方藥 對實 中

州

時

上 皇 里 州 但 唯 下人 目 藥 在 自 是當人 蓋二聖欲用公矣。 太后問相公,官家即 密密 一、又日 且 知 永州 疾 即 奏來。」公曰:「敢不奉韶。」又 先朝言事忠直,今虚位 鼓 何 位 如何, 去 諭 舞 先 説 之初,欽聖皇太后 否?」公曰: 阻 日 聖德。」 以光禄 ?」公曰:「老 隔 用何人醫治? 「皇帝 離 相公。」公頓首謝。 闕 卿 又曰:「天下 F 分司 與太皇太后 遣中使至 H 己出 位 南京 行 臣 以 同 只爲 一聖再 望外 與 事 待 聽 遠 有 如 鄧 政,忠宣公 永 左右 相 甚 方之 州 不 日 何 州 如 知 又 公 便 ? 居住, 賜 有 不 相 日 天 鄧 茶 鄉 知

第 侍 茶藥 臣 不 重命 嘉 中 君。一又曰: 期 悼 有 后 老臣 E 不負 之。 允 謀 出 不 太一 側 。」公感 岩 在 東 涕 (), 促 得 輕 宫 聖 范 命 用 唯 《言行 日 宫使,召 詔 人之學。 中 E, 純 占遺 公 尊 「若宣仁之誣 薄 死 我 聞 泣 先是,公疾革 至,公已 人 德 有 矣。 許 皇 録 忠 不已 虚 表 得 覲 尚 餘 帝 載 之。 告 蒙 此 凡 仍 赴 战 責。」 此 目 在 先 聖 識 闕 表 八 之 薨 明 謗 臣 藩 昭 每 宣 俄 眷。」乞歸 供 事 未 面 所 略 全 語 矣。 上又遺 見 渴 뫲 示 復 明 以 足 職 z; ·, 精 失 命 寵 輔 見之意 教 觀 致保 矣。」公復告老, 甚 一蓋 上 公 門 F, 優 圃 臣 識 風 文 與 知 中 捧 常先 生 公病 佑之憂勤 ş 間 丽 不 潁 殿 痺 使 相 皇太后 一字之 詔 庶 微 亂, 安 大 昌 不 天 公 臣 賜 幾 公日 泣 下 隨 學士 否 養 資 是 諸 儀 銀 詔 鯁 不 面 --以 直 震 乃 顯 憂 子 論 次 恩 . 事

寶 使 復 事 中 印 事 凡 本 同 IE. 也 用 府 人之往 曰 行 未解 ,皆實 此 權 至 0 事 使, 平、之儀 如 出 狀 H. 數 臣 用 又下 永 E 舊 端端 愆 務 鶗 小 從 ×, 府 所 防 平與 場之嚴 州 快 注 悉 制 願 人 印 言。 其 後 論 其 潁 籍 留聖 以 傳 元, 凡 附 獄 私 寄 欲 家 公平 八之儀 患 聖 於 昌 忿 宣 遂 會 念。」諸 軍 幾 誣 恩 得 傳 又 内 聖語 府 以 空帑藏之積 非 解 資 而 ,言公之子 服 生 驗 聖 永 皆 特 泰陵 東 取 公口 庫 立 語 内 敘 州 下 子 門 其 正 E 實 朝 東 御 以 以 傳 尚 傳 平 受 謂 及 占 平 遺 使 行 其 史 爲 有 門 宣 之當 言 本 猶 將 所 存 畫 使 獄 己 所言 受 聖 正平等撰 遺 城 於 殁, 羈 中 葬 繳 然。 大 必 受聖語。」 聖 語 表 管 使 一守,得 捶 御 猶 納 繳 節 之 皆 以 語 本 汙 象州 獨 楚 前 非 遺 儀 申 至 朝 瑕 地 甚 不 未 表 疵 有 公 請 造 潁 蔡 又 廷 難 苦。 服 究 意 耕 作 籍 大 亦 御 寶 中 京 又 流 曾 之 公無 此 以 府 結 爲 + 儀 日 布 旤 其 選 恨 后 餘 羈 E 言 與 恙 IE 戚 人。 管 ? 人 向 平 Ŧ, 向 聞 蔡京云。 太 氏 公 相 獨 爲 蔡京 氏 平 寺 故 哲宗 既 上 IF. 開 故 州 地 皇 欲 病 平 者 封 於 步 奏展 誣 怒,京贖 《聞 遇 紹紹 不 府 E 初 一般之。 已 赦 見 能 平 足, 載 縣 聖 山 録 得 朝 之家 尉 氏 初 歸 天下豈 民 銅二十斤。 鳴 爲 墳 E \mathbb{H} 往 不 呼! 寺 户 皇 死 不 按 部 出 始 於 復 事 可 視 仕 尚 命 使 下 嶺 有 奪 其 忠 京 開 終 相 外 今 地 言 府 日 欲 者 封 身 由

公性 己 相 四 則 世 挺 日 夷 廉 繇 然 易 儉 終 是 寬 吾 不 恭 始 所 簡 平 少 遜 無 至 生 屈 弗 間 不 所 言。 以 少 歸 學 誠 聲 加 得得 其 心 色 自 損 好 之 加 爲 丽 善 人,及 布 政 忠 憚 府 衣 不 其 恕 爲 恩 誼 正 以 錫, 忮 所 字 至 秠 克 在 宰 屢 事 而

> 不盡 退 之日 揮 *i*: 終 人,不 宦 H 明 離 及 斥 . 扇。 身 ,終始如 白公,易衣短褐,率 ,恕己則 此 屬 以 公嘗日 佩服 也。」又戒子弟 唯 患 廣 見子弟 以 幼 儉 不 至 義 11] 到 昏 子、五 . 公平 V. 0 前 聖賢 以 莊 「我平生 雖 朝事 雖暑 爾曹 助 後 顛 生. 地 廉 自 君 沛造次,非 任 晚 孫 月燕居 位 但 : 奉 唯 以 ,接待僚 所學, 也。 常以 子 年 未 人 食 恕 爲 恩 南 一親 官。 常。 III 無 責 雖 ,不去上 唯 還 以 重 至 加 族 人之心責己,恕己之心 友,親 多 得 É 肉 成 間 愚 《墓誌》〇又《言 冠 先 「忠恕」一字,一 貧 不 德。 少至老。 冕莊容 有子弟請教於公,公 服 責 睦宗族,未嘗須 疎 甚 擇滋 未 人 其 則 族 不見 嘗跳 人 得 Á 味 明 書 故 小 麄 賜 足 於 官 糲 雖 公 시스 行 輒 生 至達 亦 有 録 殁 均 伍 不 恕 臾 用 聰

公嘗 任 之 無 内 以 每 舉 以 曰 有 待 應 有 人 所 手。 則 薦 不 材 如 引 七年 避 病 難 ; 必 者 得 之病 其 先 何 不 公議 ? 欲 求 口 隨 故 , 三年 事 則 雅 有 而 人君 以 及 用 之艾,非 人才爲己 其 所主 則 至也 緩 亦 儲 急

必争。《行狀》

公教 耶 所 則 ? 行 子 謂 弟 行 有 字。 日 狀 爲 : 六六 要須 者 亦 經,聖人之事 一造 若 是一 次 顛 耳。 沛 必 也 豈 於 不 是 知 在 字 人 則

時 雖 食,連 西 答 不 邊儒 勝 惟 亦 不 城 帥 非 能 大 與 有 也 勝 輅 瓦 了《行 與 以 兼 礫 柴 威 相 亦 狀 敵 車 觸 不 斥 較 可 君 境請 逐, 勝 子 不不 总 與 于公者 鳳 惟 小 與 不 人 鴟 一,手自 可 闘 力 争

塞 言 峨 時 不 其謗 者 眉 攝 范公 爾 耳 帥 實實 聞 則 堯夫之寬大 請聞 拘 有言公於 中 察之也。 屬 束。」已 使 官 於 在 喜 朝。」公 此 謂 公一 朝 而 公 公 也,「昔余過 者 中 日 使 何 日 既 朝 果 暇 訪 不 廷 怒, 子 也 折言 此 遣 ?!公 欵 以 中 成都 語 者 事 鞭 使 之爲 子 足 傷 降 E 問 以 傳 香 :

《程氏遺書》非,又不奏中使之過也。其有量如此。」

范 士卒 以 路,曰 矣,何 頒 府 子 日 僚之義,其 疑 政 公堯夫 日 曰 是尤不 0 0 也。 其 門, 不 教 日 . 舊 視 若是,何也?」公曰: 不 我 廢 如 必 是 願 武 ?! 子 攝 미 己 饗 何 復勞 可 教 少 願一 夫 帥 ?! _子 如 過 帥 丽 也。 留 之 故 視酒 成 父 頒 小。 新 輿衛 日 使 視 見也。」 都 母 純 之 亡,而 公與 屬 日 帥 食爲 仁. 酒 屬 ?」遂行。公使 程 「公嘗言 :「公言是也。 然 官 如 將 子 食 官 舊 後 攝 公張 重 父 既 於主 將 别。」子 帥 事 미 主 母 見,曰: 如 告 弗 可可 用, 之也 乎 樂大饗將 何 前 同 爲 歸 ? 三 曰 僚 將 頒 ,其義 得 然乎 曰 : 一子 别 先 也 帥 曰 : 聞與?」 然公爲 則必 人 ? 焉 重 失 校 當 生 要 既 思 於 同 亦 無 使 何 於 别 公

矣。」其 公日 其 所 以 . 若 而 知 從 事 先 帥 生言 之義 ൬ 乃 不 内 來 事 則 而 不 教 聞 也 此

喜

聞

義

如

此

《遺

書

正 言 神 叔 之,以至不奪 賢之曉 如《周 待 「何 説 仙 堯 做甚」,以 以 之 夫 堯 禮》,豈不是富 利 學 抑 夫 國」,則 對 上富 不 長 爲 上 不 年 如 非是。 之 强 饜。 説 不足惜,言豈 此 詞,言「陛 之説, 方 利 《遺書 國之術存焉? 此言安足諭 不 拙 正 0 可 猶 下 言之理, 如 爲 富 口 梁 漢 或 人? 惠 武 强 極言 帝 子 王 主 兵 間 聖 厚 後 ?

科 舉. 土 祖 孰 科 之澤 取 「,此自 舉 角 爲 勝 優 以 人不 於 進 劣? 後 而 場 得, 耳 世 甘 屋 流 間 心 以 且 僥 俗 有得 工 進 資 倖 之論 無 士爲 陸 者 益 得 与自 第 之 至 勝 官 習 以 一使 是豪 與 爲 以 人 以 榮, 進 資 傑 耻 與 士得 蔭 受 之士 是 孤 其 爲 何 寒之 父 慊 因 見

> 後 其 不 自 讀 讀 無 進 識 行 無 所 於 面 有 來 是 别 無 是 書 書 所 有 見 身 賜 出 止 合 之 身 昊 經 異 出 耳 耳。 蔽 識 無 耳 而 夫 爵 國之才 身, 故 坦 下 者 出 然 加 也 豈 應舉,亦自 如 命, 求等 真非 獎 此 也。 便 身 便廢 亦 得 真 做 勸 意 其 人 至其 以 學 已 焉 甚 言 彼 銜 在 資 用 亦 其 此 道之人! 善 自 位 何 日 宜 紹 爲 蔭 則 自 執 等人否?」 寒士 : 布 L 用 爲 聖 執 彼 與 政之才。 小官 但 帶 衣 博 中 應 政 讀 進 以 欲 無 中 土 被 左 亦 舉 書 士 使 以 應 禄 右 了 至 者 分 ? 駮了博 舉 朝 公 乃 次遷之。 不 字 得 如 應 優 曰:「執 E 廷 得 卿 范 復 得 韓 劣, : 以 官 家 以 不可 舉 堯 不 E 持 士, 爲 其 堯 得 者 子 籍 建 可 夫 或 學 以 如 政 官 無 爲 弟 謂 最 夫 以 此

0 方 《河南程氏遺書 少卷 一〇作「之」。

爲 有 出 善 人 身 奪 惟 之, 龜 其 Ш 人用 此 語 録 何 之。 理 也 加一 ? 資 右 蔭 字 進 亦 自 士 沮 中 俱

元 然。 德 軍 至 朝 聰 符 已 太 於 惠 訴 有 有 公 ; 0 路 孺 在 失 自 惠 明 卿 司 惠 末 爲 公帥 邊 皇 鈐 過 有 有 卿 亦 卿 H 未竟,罷 隙,特 將 多以 城 轄 樞 人 遣 亦 以 司 惠 有 密 慶 御 之 使 論 德 而 卿 又 副 陽 隙 史 心 追 人冒 役 孺 自 罷 爲 薦 使 0 也 按 奪 去。 時 法 太 曾 乃 延 知 議 治 至 功 古 原移 罷 取 安 爲 布 濕 德 曾 賞 者 小 尚 前 以 所 古停 總 州 孺 謂 使 布 者 停 德 É 陸 使 如 管 至 臣 爲 有 任 治 , 惜 忠 孺 任 种 公 師 師 樞 者 詞 取 延 一、公亦 宣 古 每 関 復 失矣。 哉 関 於 安 密 其 德 丞 薦 無 自 以 代 前 使, 事 故 相 孺 蓋 其 之。 咎 爲 罷 政 未 自 訟 則 德 素 由 德 事 永 帥 幾 治 是 興 於 儒 不 事 텚 付 孺 有

> 乎 其子 口 先 謂 有 人 孫 愧 以 與 於 德 所 种 訟 忠 報 氏 宣 怨 寧 上 矣。 者 論 世 也。 事 有 聞 之曲 契 見 以 録 義 德 直 純 孺 哉 之賢, 仁 不肖 嗚 於 呼 是

紹 容 青 清 范 聖 臣 下 初 大 帝 言 學 侍 苗 臣 不 丞 初 以 是 士 許 郎 獨 相 法 皇 事 哲宗 聽 當中 純 范 即 中 判 除 忠 之, 公 潁 位 諸 親 清 書 彦 與 堅 昌 政 路 清 益 清 臣 與 用 辭 府 復 常 臣 臣 清 韓 用 覬 用 論 出 T. 臣 忠 帝 李 倖 召 事 事 知 使 彦 不 清 有 相 章 不 北 者 爲 得 連 范 臣 位 · 惇 合 京 相 己 爲 右 故 爲 惇 除 丞 范 中 復 忠 清 相 建 至 純 行 公求 書 彦 觀 臣 中 禮 未 侍 免 不 文殿 惟 爲 靖 役 去 郎 忠 清 門 能 或

0

銘》、《宋史· 古 原 作 낢 范純仁傳》及本書上文改,下文兩 據 曲 阜 集 》卷 四 范 忠 宣 公 墓 同

常 名 壞 未 報 得 武 朝 希 相 不 衡 爲 不 夫 忠 彦 能立 矣 在 之。 論 罷 使 清 廷 純 定之際, 恐 希 彦 所 右 而 無 紹 用 人 所 薦 相 清 張 建 非 純 聖、建 於 者 此 後 邪 朝者,皆賢 重 舜 中 臣 出 社 清 用 帥 説 忠 朝 日 民 之,帥 靖 皆 稷 忠 清 亦 范 臣 高 既 之禍 矣。 臣 以以 中 之 彦 一爲一 或 爲 致 陽 臣 罷 勝 義 靖 儒 布 福 虚 不 之; ; 初 公議 使清 真定。 土 而 衆 或 使 李清 甚, 一十,清 張 所 同 諫 惜 之初, 清 小 陷 劉 舜 人 劉 范 疏 不能 臣 IE. 安世 人並 臣 出 民, 朝 臣 安 云 右 其 論 在 時 臣 亦 . 以 世 丞 紹 朝 知 忠 外 爲之主 所 素 治 得 共 進 一、吕 私 聖 廷 北 出 彦 除 河 所 亂 劉 清 相 濟 意 邪 北 薦 安 初 希 與 京 之機 希 安 憚 位 或 幸 IE 世 同 臣 純 外 爲 世 純 事 享 不 范 治 曾 自 相 除 伯 帥 諫 帥 口 美 吕 皆 亂 則 派 亦 位 温 連 布 及 大 定 日 可

之流涕者也。《聞見録》

文

言 時 爲 焉 IE 紹 類 起。 雖 利 與 下 聖大 ',後必 亦幸 ,讀者益 己 屢 害 叔 公 視公用 甚 哀 其 朏 得 四 季 在朝 臣 哉 廢 喪 公 子 不 世 克 志 貳 讎 復 歎 舍以 至 世其 謂 長 廷 其 復之禍。」今上 用, 其 氣 紛 既 . 子 心,刻 忠。 更 專 彌 爲 家 病 圃 少 使 消 務 勵 有 公 其 盡 而 人 獎 長 墓 意 大 疾 言 公憂 授 進 誌 申 以 名 志 不 於 行 諸 其 人 節, 爲 能 虚 或 於 論 材,故天下善 不 元 子 有 朝 己 熙 難 祐 議 愛 幸 遺 文正之]待公, 進 君 中 寧 平 疾 奏 以 恕, 不 易 廢 數 不 至 元 必 退 風 天 豐 以 公 不 白 無

曾文昭公銘公之墓 告 系。 朽 穆 維 叔 更夏商 後 有人。 流 周 非 不長, 保姓 若公父子 日 : 受氏。 止 遠 H 矣范 世 再 在晉 禄 秉 宗, 或 宣子 孰 鈞 陶 爲 唐 不 以 其. 有

視豐 賢 世 舟。 害 高 或 僵 惟 事 惟 德 相 ·,公曰 形 復 一,屢 異 恐 守 H 有 碑 壽非 後。 赫 禮 世夸以争,公避 起,天子之聖。 趣,公爲砥柱。 于 亭 節 [休兵。 詔 屢 世 白 歸從 不 堂堂 不多,人以 諫 濟 墨 屯。 世 П 垣 忠 弗 先君 嶷嶷,古社 建 直。」 後 白 雖 廟堂之論, 泯 白,公不 首 人來咨, 老 ,嵩洛 爲嗇。 「南遷, 不有 猶 有澤 愛惡 公起 壯 之側 言 稷 不 惟其 縱 公則持 在 相 諸 衆所 御 假 臣 利 心 民 生, 讎,公爲 史 方 順 「卓偉? 抗 憚行,公 帝念 有 至 册。 正 平。 封 命 議 位 疆 色 請 公 Щ 虚 在 己 利 之 四 丞

判

太常寺。

五年

遷龍

圖

閣

直

學士

知 知

開

封

府

改兵部尚

書

遷户

部

元祐二

閣

校

勘

知

太常禮

院

元

豐

元

年

起

州

E

虞

治

平

中

人

爲

威

子

直

講

館

曆

六

年

中

進

士

第

歷

秀

州

嘉

興

主

簿

越

居

注

以

右

正言

知

制

浩

同

修

或

史,

兼

公少 子監 陽 擢 籍 祕 文 有 書 忠 立 ,薦爲直 曾子開 省著作 公所 志, 雖爲 撰 知。 講 佐 墓 小官 郎、 芯 又 治 用 平. 館 趙 中,吕 閣 修 康 潔 校勘 靖 自 公薦 正 一、校集 重,首 獻 公 召試 、賢院 判 爲 或 歐

公故爲 論 事 ,不合,即 王文公所 厚 謝 是 不往。 時 文 嘗 召召 執 見 政 便 數 殿 引 其

十一之二 尚書左丞王公

公名存,字正仲,潤州丹陽人。慶

靖

國元年薨,年七十九

書。

乞出

知杭

州。

紹聖

初

致

仕

学建

中

。

出

知

蔡州

徙

楊

州

復

召

爲

吏

部

尚

年

拜

中

大夫、

尚

書

右

丞。

明

年

遷

左

言 皆 意 用之。 人 無 所 所 附 難 麗 言 者 累 0 Ł 神 書 宗 陳 察 時 公忠 事 實 因 無 及 黨 大 臣 鄉

公在 **\$** 詔 擢 欲 觀 左 一韙其 益自 起 奏事,必 館十年,不 右 居 自公始也。 上史遇 言。 郎、 感 禀中 勵。 含 故事 侍 人 少貶以干澤,及爲上 文 書 初 《墓 職 , 一, 許 俟旨。 修 左右史 事 誌 起 直 執 居 前奏 公因 筆 雖 注 隨 即即 H 事, 宰 對 侍 乞復 及之, 相 便 遂著爲 殿 人 所 唐 殿 即 貞 識 而

官制 語 忠 降 異 順 有 去官 私 緣 類 合上意, 非有大 行 慝 如 議 上尤慎用 原 此。 論 而 減 得辠,或 比 自 過者,隨 又嘗 歲 是 官司 議 人。 收拔 論 灋 謁 註 公因 治 材 者 禁,本 誤 赦 獄 召擢,以備官 甚 被斥, 者 令出 請 衆。 防請 多乞不 自 上恩 熙 而 其 託 寧 補 情 前 以 實 以 公皋 助 使。 來 赦 將 納

> 也。 執 死 問 政 《墓 見 疾 之 不 切 悦 杜 絶 而 皆 上 非 察 便,稍 其 誠 更其 不 以 灋 爲 0 忤

公在政 自 章論 削 隸 忠黨 教 IE 在 不 兵部 又 畿 駕 ·當罷 省臺寺監之職 便,而隳已成 内 部。 球,且 沮 府 廢保甲不教,非 保甲 侍 遇 ,時太僕寺請 氣 公言:「 御 事必争。 曰 讒 者,公復言 史,王 邪 : 一去 之 之人 灋 使相 如 覿 一正人, 天下失望, 韓維 此,官制 内 争進矣。」又論 爲 不 及 統 外 . 當罷 或 今 執 制 馬事得專 罷門下侍郎 家 政 京 壞 諫 根 不 矣。 本 師 又 可 官 徇 長 有 兵 達 先 久之 籍 有 自 杜 建 益 罷 帝 毋 純 司 公 連

② 「正」字、原脱、據同前書補

^{● 「}稍」字、《琬琰集》中集卷三○曾肇撰《王學士存草

謂 身簾 卒 信 計 與 與 之, 公言 之,以爲 功 議 律、崇經術之意。」 廢 部 無 故道已高 還故 范 進士 故 范 。」累章力 不 以是去。 不爲詭 援 朝廷 宜 水 丞 前 比 而 E. 相 專 置 相 先 道,二三大 請 。 合 廢 怨 破 此 之; 皆 經 之 貸 帝 純 水 力固 隨 訕 例 祖 罷 察 争 不憚 死 不 欲殺 而 宗 科 性 確 一時 諫 地 都 可 争, 或 卒輟 多以 制 趣 初,公在 艱 官 賦 河 之, 顯言, 省 臣 公議 下 也 難 以 詩 既 交 決 時 屢 其役。 徒 力 9 可乎?」又言 章 而 爲 安 而 詩 四 丽 且 以 佐 爲之, 請 或 州 確 煕 不 翕 費 賦 北 方 無 有 佑 密 率 然歸 失先帝 再 可 公 財 幾 奏 口 吴 司 之。 行 疏 中 野 + 力, 既 讞 矜 既 援 誅 處 論 確 之, 车 新 恕 大 已 恐 公言 比 中 最 厚 竄 貶 州 事 辟 就 却 者 欲 後 然 立 水 淵 無 ·, E 緒 又 公 F 亦 官 詞 比 刑 留 自 成 牛

復召 公性寬 之行 爲 慶曆 勞,確 所 高 任 有 不 不 建 前 爲 m 向 察 進 朋 對,首言 、志氣 事 爲 以怒遷,士 忧 論 俱 范 背。 者 至 此 黨 中 吏部 罷 厚, 派 不 則 乘 不 説 ,天下 相 始 當 賴仁 或 有 濫 間 益 儀 一合,請 司 者 所推 罷 自 尚 所 指 壯 狀 及 復 馬 兵 教 書 守 宗 韓 大 稱 善 偉 亦 徙 人臣 温 遷 部 畿 之。 老 聖 琦 時 夫益知公賢。 人, 公兵 及 然, 願 確 公嘗 尚 内 不許,即 明, 在. 陛 偕 太 富 朋 不 平 東 書 保 然公與 廷 部 執 中 下 不 弼 黨 口 居 漢 遷 日 甲 朋 大夫。 政 奪 察之。」 范 爲 恂 而 黨 户 者 誠 黨之 求 議 所 恂 公志 部 錮 仲 趣 人 不 並 補 乃 惑。 不 之 不苟 又 論 淹 論 (墓誌 可 公春 馳 外 繇 奉 范 獄 多 在 長 平 稍 萬 爲 是 歐 今 Ш 派 合, 是 然 熾 恕 體 相 馬 詭 陽 復 秋 墓 日 陵 相 公公 也。 或 脩 寖 與 中 無 激 果 或 有 所 已

皆

哀

而

几

方

有

墓

誌

且

+

年

不

以

拊

其

子

如

己

出

吏

部。

元

祐

初

, 授

刑

部

尚

侍講

改翰

林

學

士

承

山田。

丞

踰

年

拜

右

僕

射

兼

罷

爲

觀

文

殿

大

學

士,

開

封

府

降

知

濠

州

徙

滄

召

判

班

院

復

出

杭

州

罷

歸

班

出

知

婺、

字子

容,

泉

州

同

安

後

中

進

士

第

歷

宿

州

觀

變故

前

其

守

以

至

大耋

歷

事

能

駐

足者

其

E

視

孤

藐

流

落

者

Ш

陳

浚

浚

死

無

毫 終 貴 又官 相 存 子 醉 恩 道 五 識 具 兄, 及 擾 乎 家 身。 爲 去 ,公貴,求 意 世 之士 而 牛 歸 L 公卿, 其 蚤 與 去, 尤 酒 老築居 m 冢 水, 其 世 篤 人 會 又 鄉 故 既 所 自 交, 孫。 一、父老 0 乃 爲 事 黨 公守楊 持 殁 自 而 奉 得 少 出 朝 寡 ,首營家 祭 以 甚 久 束 鄉 退 其 時 賜 廷 心 嫂 祀 爲 髪 數 約 而 弟 居 錢五 師 惜 甚 時 其 美 起 白 益 、哭之 丹 之 事 屢 而 先 也 謹 談 親 陽 廟 喜 潁 援 更 書 州 點 院 中 Ŧi. 州 銀 即 徙 推 五 元 年 豐 臺 府 位 年 官 潤 召 應 侍 司、 編定 初 界 州 公名 吏 拜 判 天 召 知 召 郎 縣 丹 尚 部 尚 府 江 試 權 審 修 鎮 集 徒 頌 書左 兼 寧縣 刑 起 知 八年, 賢 公 除 院

居注

擢

知

制

当

知

通

進

事

淮

南

轉

運

使。

神

宗

院

書

籍

出

知

潁

州

提

館

閣

校

勘

同

知

太

常

禮

南

京留

守

推

官

皇

祐

嘗

悼

近

世

學

士

親

與

個

酢

皆

歡

萬

賙

給

間

里

又

故

相

例

得

歲

時

過

厚賓客

楊

潤

官之,且

卹

其

家

但

循

庶

人

之

制

加

古

灋

公

唯

知 諸 曹 條教 失 者, 去 至 T 民 寡 何 係 賦 江 \$ 歡 獲 有自 誠 悉 縲 與 輿 寧 保 以 出 或 某 免 長 簡 心 喻 皆 太 於 府 知 縣 至 産 得 追 以 造 ? 占不 道。 建 子 楊 江 以 半 ,何不自言?」相 無 其 而 逮 門, 少 鄉 中 州 寧 爲 道 易 法 日 詳 每 皆 黨 公至, 靖 實 縣 師 制 神 改 緩 行 因 領 宜 思公言 國 事 致 公之 者 明 每 中 急, 治 縣 相 諸 0 兀 仕 太 民 日 訴 則 必 有 年 將 親 賜 縣 建 又 拜 薨 曰 發 業 善 而 日 旁 徽 何 取 召 爲 宫使。 也。」民 : 廷 年 斂 : 意 宗 間 歸 鄉 賴 承 以 剗 顧 下 若 此 老 李 焉 鄰 府 初 爲 革 m 汝 縣 ? **\$** + -更 里 有 法 蠹 驚 氏 謝 移 紹 家 以 遷 以 定 , 職 忿 追 後 聖 弊 日 尚 太 往 小 無 大 争 它 户 也, 擾 四 往 忿 有 産 子 敢 版 更 者 日 年 設 謝 此 某 府 而 隱 多 太 籍 中

> 侍 時 可 郎 ,及觀 監 撰 司 令行 王 狀 公 鼎 施 設 王 綽、 則 日 楊 紘 非 皆 吾所及 於 部 吏 也 少 許 鄒

爲 語 此 從 君 器 南 似 外 生 不復省矣。」杜 官 荐 、宰相 人罕 焉。 真 之, 公, 京留 歷 老 所 日 每 見 守推 行狀 子 清 : 所 夫 謂 間 其 要, 非 不 數 容 以 以 用 官 以 口 日 處 至 子 施 祁 心 9 自 得 留 爲 事 設 公 相 處, 必 宰 矜 守 而 精 出 老 知 折 遂 也 親 歐 輔 審 處 居 簡 0 且 自 陽 疎 睢 還 先 召 其 知 小 者 公 陽 經 政 後本末, 後 子 官 退 嘗 閲 以 異 以 且 公 見公, 居 覽 出 至 自 H 府 : 必 悉 爲 謂 略 人 則 政 中 爲 侍 如 深 脩 相 平 委

富 利 土 鄭 以 公、 屢 問 勸 韓 所 厲 魏 欲 風 公 俗 惟 爲 力 相 知 求 公 務 外 久 推 次 以 尚 儒 便 廉 親 館 退 養 有 不 遂 德 干 除 榮 之

知潁州。後富公遺公書曰:「若吾子出

處,可謂真古君子矣。」《行狀》

檢 (、縣尉 以 獲盜 多寡 能 立 盗 縣 令殿最 而 能 法, 民 以 爲 爲 盜 巡

能使民不爲盜者,縣令也。且州縣物務,檢、縣尉,但能捕盜,而不能使民不爲盜。

歲課稍虧,官佐有罰,今良民罹剽劫之

害,而親民官獨不任責,可乎?」《行狀》

神 宗自 契 丹 使,次 在 藩 邸, 恩 州 聞 驛。 公名,及即位 夜火,左右 一、公適 請 與 送 虜 使 伴

出避,州兵叩門欲入捄,公不爲動,閉門

堅卧如常,徐使守衛卒撲滅之。是夕,州

京 師 譁言虜 使還 有 變, 捄 間 公 兵 所 亦 欲 以 處 乘 之者 間 生 事 稱 善 至 久 聞

之,益知公可用。及使淮南入辭,勞問甚

龍。曾内翰撰《墓誌》

公在 法 官 審 刑 援 前 知 比 金 貸 州 死 張 仲 杖 宣 脊 受 黥 財 配 枉 海 法 島 抵 公

> 其 罪 法爲輕。」餘同 兩求仲宣不差官 又《行狀》云: 金坑,發檄 有輕有重。一上 例 止 一希輔知台州,受賕數百千,額外 杖脊黥 流 人 得 「古者 則 海 乘 隸 外。 車, 無 巡 海 足 檢 張仲宣 刑 島、公奏 今刑 愕然日 體究, 自 矜 比較 不上大夫, 是 也。」 爲 無甚 坐 命 止 日 枉 徒 係違 官 枉 仲 利。 法 「希 隸 法 臟 無 令, 宣 輔 豊. 罪至死,法官 士人憚 杖 度僧; 仲 繇 恐 、仲 復 可 黥 宣 比 有 Ħ, 污 此 者。 恐 興 輕 均 仲 官 辱 得 作 爲枉 喝 者 官 條 免 衣 五 《墓誌》〇 援 遂 則 法, 耳 品品 冠 杖 以 以 李 所 希 有 金 故 丽 耳, 部

上方勵精 任 知 李定、召見、擢太子中允、監察御 制譜 執 法 非 宋敏 爲治,急於人材,大臣 故 求 事 以 9 定 與公及李 驟 自 幕 大 職 臨 薦 IIII 升 相 秀 史裹行。 朝 州 繼 封 判 還

●「著」、《琬琰集》中集卷三○曾肇撰《蘇丞相頌

墓

誌

色。 寒暑 官 位 品。 御 與 不 引 或 真宗以來,雖有 朝 曰 稱旨,便授御史,浸漸 詞 望益 大臨 詔 天下 可 史之命亦爲 可 ,此尤陛 近 頭 固執 未 意,不爲 以 今定非 墓誌》○又《行狀》云: 詔 格 若 不 重 岐 更奏,復 舉 不行 命 嘗 因 初 草 賓 路 久, 下 召 移 定, 制 有積累之資,明白之効,一言 致也。」疏 客 迺 選人設文。」 官 所 諭 疾 將 中 故 滿 當罪 出出 下至于七八,最後 不 與大 得罪。」公對 詔 寢。 遂變前言, 有 門。 人 家 拘 再 起 異 貧 也。」 臨 官 下, 不 公既歸 公以 人,手詔 孤 行 日 己,恐 職 俱 檐 奉 遠 時 退 公言 麗,歸 高 亦 守 班 朝 而 石 敏 圃 則 不 下 職 登 不 請 求 執 高 召 又 是 : 至 臣 政政或 爲 公對 充 不 論 官 顯 前 班 0 特 懷 超 雖 既 言, 要秩 П 罷 要者。 喻公請 姦 祖 無 加 以 知 越資 風 絀 宗 愠 定 付 且 舉 其 固 R

> 允, 德澤。 不可 攝官 太史書崔杼殺其君 八。 又下,次直 其 清 及東漢之餘,上之人不能主公論,所 於朝,不肖沉 名 外官 時 虞、三代,與吾祖宗之時,公論在 城 死者如 議 談 E 監察御史裹行,宋次 前 修起 子容與 安石薦李定、 在下, 録 閑 百 乃 日廢 局 餘 天道 一、公日 居 歸 年 李大臨 而 注,章 大臨俱 ,然在上則 ,致黨錮之禍 間 天下以爲當然者 於下,海 1 也。 知 養 衡行之,賢不肖於此可 召 所 此 (落職 方 成風 蘇子容相 殺一 見 尊 道 以 内 治 畏 未 俗。 道 ,奉朝請 罪 陳 入於 人而 起, 嘗 在 耻爲 襄 謪 封 廢 下則 公論之不可 繼 還 彈 視漢室爲何等 陶 執筆如初者何 敢 顧 謂 非義 封 之, 冶, 詞 ,名譽赫 Ė 求 亂 還 之公論。 頭 所 未 自 用非其 君 可以 登其門 更奏覆 在 翌日 疗。 歸 便 相 如 乎 見。 然。 於 屈 主之, ト世 何 間 辭 正。 公論蓋 如 人,於 異 下,至 爾。 時 者 擢 要之公論 此乃 職 此 也! 如 太子 賢 如 麗之。 又《元 龍 如 其 祖 于 是 哲 與 非 晚 唐 後 齊 中 頃 從 周

知婺州,泝桐江,水暴迅,舟横欲覆,魏國太

■「公」字,原重文,據《琬琰集》中集卷三〇《蘇丞相

頌

夫 舟 忽 人 自 在 舟 JE. 中 太 夫 幾 人 溺 甫 矣。 出 及 公 岸 哀 號 舟 赴 乃 水 覆 救 衆

以

謂

誠

孝

所

感。

行

狀

祖 矣 氏 或 謂 何 今 科 父 口 談 容 。」大 豊 有 不 大 9 知 訓 À 人 心 可 可 某 亳 旬 焉 人 爲 日 畫 悔 州 檢 白 0 但 狹 校,未 有 豪 之, 諭 既 小 尊 若言 豪 婦 殿 贵 而 公 祖 民 者 人 愈 此 高 語 父 口 婦 所 如 婦 測 輕 明 日 紿 被 法 鄧 死 : 公之用 重 ? W. 罪 元 檢 元 萬 當 則 昔 平 校 公 乎 事 杖, X 爲 爲 以 心 彼 付 大 有 賢 譙 政 也 以 自 公議 慙 子 觀 事 縣 病 不 , 不 服 望 簿 稱 誣 未

坐

客

不

知

也

行狀

儿 死 所 百 餘 無 逋 以 市 可 吴 償 易 遮 越 者。」公日 緍 道 荐 錢 泣 饑 訴 畫 選 繫 : 知 公庭 吾今釋 杭 某 州 等 夜 以 汝 禁 轉 日 廂 使汝 運 出 口口 得 責 雖 遇

> 傳 償 捕 誉 有 而 恐懼 美 責 首 足 生 堂 者 領 轉 事 可 + 乃 運 聞 不 乎 衣 數 先 使 安。 ? 將 食 輩 期 大怒,欲 兵 之 而 皆 械 公 結 餘 至 日 送 談 集 遂 悉 獄 奏 笑 謀 以 公 不 中 自 不 害官 0 償 沮 復 敢 如 官 言 壞 逮 負 吏 密 法 夜 期 郡 會 喻 日 於 以 散 兵 歲 是 圃 官 縱 喧 燕 民 而 月

充 慶。 時,爲 最 氣 北 Ш 口 曆 曆家 難 也 當 111 先 朝 賀 交, 處 形 生 北 明 算 虜 卿 使 勢 辰 朝 日 則 術 還 人 或 之 矣。 人 猶 小 奏 深 信 所 日 是 情 異 或先 以 之, 對 使。 今夕 向 爲 遲 北 背 上 極 然,遂 人 在 或 速 , 喜 中 間 公 後 若 不 虜 事 各從 日 公 中 踰 同 各 理 孰 遇 數 以 謂 朕 冬至 刻 是 其 虜 因 本 如 思 講 問 朝 日 亥 即 公 之, 爲 之 和 虜 屬 時 本 日 此 中 節 曆 F 節 朝

繫 然 帝 公曰 于 河 憂 **\$** 謂 上 日 中 有 有 湟 匈 日 久 呼韓 收 陷 雖 0 奴 或 司 下 頗 乏 「漢 復 于 直 久 虜 單 相 濕 盛 意 由 吐 勤 武 白 白 于 安 中 此 · 至 蕃 衰 年 征 稽 帝 耶 觀 或 也 未 討 之 宣 自 律 首 憲 之, 。」上深然之。 典 有 運 宗 謂 德 宗 稱 而 章 離 言 高高 夷 光 時 每 藩 团 禮 貢 至 狄之叛 乃 讀《 奴 皇帝 其 之 義 今, 唐 終 以 貞 盛 意 自 以 遺 觀 不 何 衰 者 《行狀 服 中 開 維 服 朕 政 止 有 不 葉 要 平 昔 持 百 數 七 常 以 **>** 州 至 城 其 年。 也 人 後 之 歸 慨 以 政

祖 之比 彈 父 壓 尹 當當 開 《談 封 以 訓 頗 柱 嚴 後 鞭 惠 扑。 文 治之, 以 謂 非 京 亳 師 浩 潁 穰 但 治 須

元 以 投 示 匿 初 門 名 白 子 書 馬 於 Z 縣 縣 Z 民 爲 有 弓 讀 手 被 之。 盗 甲 者 得 甲 之, 畏 以 賊 而 其 不 不 言 識 敢 捕 字

> 録 意 以 所 不 以 投 尹 流 賊 賊 而 **%** 勸 謂 足 告訐 匿 法, 謂 ,方廢滑 以 而 」《東 告託 名 忠厚之至 深 此 時 情 Z 如手實、禁 之風 過 者 范 發 賊 争 坡 輕 州 者, 可 祖 其 不干己 Ħ 法 不 免 不 而 馬 此 重 禹 功 敢 可 罪 爲 先 當 在 鹽 邑。 然 皆 長 處 0 帝 時 者 吏 坐 之 熈 當 猶 上 E 牛 以 小 告 、寧、元 乃 奏。 日 死 恐 皮 殿 日 人 爲 捕 杖 . 長 之 所 論 法 而 ጢ 蘇 而 告 此 爲 類 豐 賊 禁 投 當 變 子 免 之間 許 皆 情 可 置 主 匿 非 之。 書 容 之 雖 減 名 若 立 名 先 爲 之 每 風 死 極 子 者 名 帝 開 重 ^ 實 賞 容 本 立 此 本 封 而 血

公在 寬 所 大 、惡 開 世 殺 毋 封 儒 事 夫 縱 獄 常 婦 有 具, 治 罪 或 上 輒 子 以 爲 博 公對: 詰 法 土 公, 官 陳 所 且 世 事 駮 儒 在 母 或 有 謂 爲 此 司 群 公 倫 臣 欲 婢

家 爲 直 民 對 書 死 罷 人 臣 田 語 泄 增 數 有 開 不 詔 於 損 百言 獄 及 御 請 封 敢 重 口 是 情 世 史 言 于 囚 劾 爲 獄 儒 以 公。 寬 種 辭 罷 皆 實 移 言 帷 民 , 自 若 郡 大 亦 以 箔 又 抵 導 歸 御 自 理 淶 不 爲 事 罪 移 公, 班 寺 中 誣 詞 敢 有 御 推 公 也 前 喻 請 雖 大 公 史 窮 墓 應 公 之 重 理 日 臺 誌 得 上 日 得 乃 得 使 奏 . 閲 : 其 白 自 罪 大 其 重 獄 使 藁 然 理 不 濠 妻 辭 顧 於 避 頌 逮 既 丞 盘 嘗 誣 以 獄 賈 公 緣 疑 m 是 手 赴 因 吏 種 不 大 公

祖 能 明 爲 父 E _ 偕 知 事 祖 奪 行 滄 是 故 父頓 州 龍 豈 聖間 上 圖 非 陛 首 問 閣 辭 命 謝 侍 直 耶 從 上 兼 學 ? 卿 耶 語 士 母 : 然 及 陳 誰 卿 偏 朕 祖 從 氏 直 每 親 父 易 ? 道 留 欲 對 之 京 用 日 女。 祖 師 卿 父 而 從 E 對 未 自 輒

> 罷 遷 宗 班宗族之貧 名 易 天 调 州 官 語 祥 罷 居 難 於 皇 不 煛 。」《談 , 特 帝 馬 還 符 蓄 時 聞 援 中 不 南物 | 軫淵 士 訓》 之, 矣。」 蓄 館 大 南 職 獨 夫 衷 擢 又云: 載 有 故 物 ; 俸 知 己 致 餘 謝 勉 制 賻 獨 而 初 錢 者 表 臣 載 站 過嶺 外 、公不 陳 云 以 俸 遷 龍 直 ,半以 餘 L 圖 拒 爲 道 見 曰 憫 償 館 之, 自 服 錢 臣 贈 職 除 明 膊 過 之 其 因 數 者 知 領 十年 數 清 屢 自 ,半以 廣 州 形 奇 節 仁 廣

祖 之, 父 敏 可 延 所 好 曰 矣。」 歲 考 八 也 元 何 月 據 + 豐 更 時 上 及 朕 餘年 中 欲 不 可 喜 自 書 修 肯 欲 畢 , 滄 成 日 ? 早 成 盟 州 書 成 誓 賜 被 祖 果 書 聘 名 非 召 然 父 然 使 但 卿 修 日 華 此 非 患 官 不 禮 書 戎 卿 阚 可 制 幣 浩 恐 魯 不 來 儀 大, 陛 須 衛 能 修 以 式 對 信 書 以 北 如 H 者 皆 是 録 卿 虜 之 遷 年 度 無 ___ 通

卦》之文。」《談訓》 大喜曰:「正類《序奏篇上,上讀《序引》,大喜曰:「正類《序

公前後掌天官四選五 文潞公嘗謂祖父「今之魏相也,所謂 公 多,而不得者,亦以爲 上。 牘 某處。」仍 爲 勘 所 律令,便宜章奏,可以斷 親,每 必 使 稽 或 之奏請、或建白都堂。 往 自是 自 滯 以 復 省 功過 選人改官,京朝 閲,訴 公敕 詰 吏不得 引合用 難, 當 吏 陞 度 者 逞。 條格,具委無 曰 降者, 口 服 年,是時 行行 無可 「某官緣 每訴 乃 國 官、使 退 吏洗垢 之, 憾。 《行 論 故 者 , 倉法行 矣」。 士大夫受賜 至,必 荷 其 某 漏 臣 有 不 求 狀 事當 落 鲷 《談訓 好 疑 服 瑕 取 狀 吏 觀 陞 者, 案 故 則 會 無 漢 同 磨

> 數事 之。《行 規 日 戒 進 有 漢 以 備 補 唐 聖覽。」 故 時 事 事 者 遂詔 條。 必 述 公每 經筵官 以 己意,反 有 所 遇 進 非 復 講 可 爲 讀

公自與聞國政,務在奉行故事,使有司 博,喜 慈,處朋 議 原,深 遵 雖 争之,毅然 平生未 職 燕 援 居 愠 戒 古證今,出 執 · 営問 必 友 不形 疆 事 正 以 不可回。 埸 量 家 於色。 衣 義。 之臣 一能 人 冠 授 人經史,所未 有 危 幼 邀 任 公天資仁厚,宇 無 坐 事親孝,睦 自偏東, 功 杜 ,家人 生 晚 絶 事 際 僥 會 尤謹 莫 安者 倖 每 見 九 所 僭 廟 墮 禮 得 族 量 差 奉 必 堂 法 俸 之 以 力 論 閎 法

0 頌 九《故觀文殿大學士蘇公行狀》、《宋史》卷 原作「巡」 據洪 本、 張 本及 鄒 浩 《道 三四 鄉 》卷 ○《蘇

公兼

侍讀,奏言

或

朝

典

章

大

抵

沿

襲

唐

舊

了,史官

所

記

善

悪

咸

備

乞詔

史官

學

士

一、采録

新、舊《唐書》

中

臣

主所

行,

H

進

元祐

中

建

請

别

製

渾

儀

因

命

公提舉。

公既

意 造 文字, 行 若 去 大 欲 載 其 過 酷 近 賜 行 尤 時 嗜 務 居 驗之實 也 狀 以 門 隨 則 律 九 學 精 處 肉 乘 故 無所 吕 無 人 流 推 即 詣 自 服 理 雜賓 散 星 莫 晚 挽 人 百 事 用 始 少 所 不 不 歲 IE 用 不 家 而 薨 無 官、 所 以 通 人 歸 至 彌 之説 思之。 實 之日 交,皆 其 吉 爲 扶 甚 其 恩 不 算法 利 進 歎 政 不 T 自 助 及 而 愕咨 退 世 獨 至 奉 自 吊 不 當 在 務 F 怨 Ш 土 見 哭 教 書 養 於 問 大 , 世 相 讟 大 經、 於 嗟 者 契 至 莫 圖 體 識 賢 位 亦 夫 其 論 造 以 儉 見 緯 本 深 以 與 時 傑 不 於 議 來 其 薄 草 其 爲 無 不 , 陰 切 名 文章 戒 寢 及 避 纖 迹 每 墳 寒 識 陽 至 理 訓 堂 虚 遠 登 素 毫 史 食 焉 故 權 必 Ŧi. 私 既 所 所 性 烈 見 不 不

有

也

行

狀

機 差 辰 有 邃 激水 出 設 於 晷 15 告。 渾 刻 思 律 儀 曆 0 轉 書 星 輪 中 用 又 夜 辰 不 以 之 設 晦 躔 吏部 渾 假 Ħ. 度 明 象 人 授 所 令史 皆 力, 以 次 下 口 古 設 韓 時 占 推 法 司 至 公 候 見 刻 辰 廉 爲 測 臺 臨 曉 驗 貫 前 算 , 以 此 則 層 術 未 不 司

至 祭,無 若 宗 和 常、公議 乃 令,爲之等差,錫 有 猶未 祀 廢 田 中 也。 是 則 田 文 也, 有 有 以 潞 則 爵 若參合古今之制 即 廟 公爲 薦 爲 9 請 者 無 . 考案 士 止 相 $\overline{\ }$ 是 以 與 於 禮 有 土 嘗 唐賢 爵 其 田 **>** 土者 請 大 躬 , 則 寝 建家 然 夫、 子 乃 子 堂 後 依 孫 爲 士 孫 廟 廟 祠 約 無 廟 饗 制 無 有 封 事 以 儀 祭 爵 口 爵 繼 下 議 也 之 祭 則 太 承

❶ 「測」、《宋史》卷三四○《蘇頌傳》作「則」

嘉 祐 靈 用 官 燕 中 器 詔 公以 常 禮 食 院 謂 而 議 已 立)。」《行 勑 故 書 郭 云 皇 后 ____ 0 向 神 因 御 忿 殿 于 景

念 失 矣 問 合 奉 妃 廟 加 后 重 百 后 口 其 謙 事體 以以 袝 寢 事 久 是 異 日 追 懷哀 之言? 公 自 恭 之。 引 廟 袁 復皇 成 恐 歷 及 勑 0 日 郭 萬 追 IE 長 此 後 愍 語 謚 此 后 后 復 相 歲 之 秋 宋 則 册 則 曾 是 其 之 類 此 後 或 益 無 義 之 上 有 公 僅 是 イ州 配 朝 敏 義 可 今止 元 __0 日 周 不 先 則 袝 \equiv 廟 求 廢 衆 妃 當 人宣 聖,賀 之 不 益 之 謂 祔 , 若 論 請 紀, 爲 意。」 廢 議 册 事 公 未 后 祔 之 獻 逼 者 祔 並 逮 定 曰 : 廟 郭 0 矣。」 停。」 爲 悔。 以 尹 廟 事 又 公 皇 參 謂 削 派 則 二二 先 日 潘 曾 又云 政 聞 后 贵 此 陰 事 相 后 皆 則 公 得 體 曾 於 議 逼 時 祗 若 朕 偶 自 歎 有 重 公 后 有 郭 母 元

> 撰 蓋 當 甚 時 有 有 微 沮 意 此 議 云 者 後 有 非 知 公 禮 莫 者 能 見 當 也 行 之。 然

嘗議 之選 竟 請 參 升 審官 去 員 刑 事 本 之本 詳 俊 封 學 不 部 每 荷 振 之路 院 歲 考 校 行。 彌 舉 憚 庶 謄 歸 又 放 察 皆 欲 稍 綱 興 進士 謂 録 吏 行 博 作 由 庶 維 近 部 之 議 狀 : 古制 土 此 幾 法 遂 貢 竢 分 量 出 尚 存 舉 其 不 經 班 先 留 書 鄉 果 而 整 院 仁宗 欲 課 行 人 舉 當 行 董 古之天 數 試 先 州 歸 里 時 有 朝 縣 士 兵 選 諸 以 請 議 緒 行 部 之 使 生 先 者 大 廣 臺 而 遺 以 然 有 臣 置 審 制 不 後 朝 行 後 朝 深 嘗 範 司 刑 科 文 得 藝 議 廷 臣 惟 院 請 遺 專 爲 移 兩 其 歸 移 萬 逸 又

0 行 恐」下 狀》正 德本有 鄒 浩 《道 鄉 九《故 觀 文殿 大學 士 蘇

公

經 官制行,皆略如公言。《行狀 審官等三 ,以三舍 代典章 一院還 取 於 士 斯 省 爲 兼 則 盛 考行 南 矣。」 宫 義 故 其 事 又十 後 可 詔 舉 餘 博 年 士 而 分 而

嘗 焉。2 公言 因 亦 義 者,長子 重 以 非 今 近古立宗之法 有 一年,生 , 先 也 無 爵 三年之喪 對, Ŧi. E 所 禄, 則 服 近代不世 神宗從容問宗子主 「古者 制 統 嘗 喪 與長 而 勑 其長 故 聞 禮之本意 服 \forall 情 有 慶 爲 從 貴賤 嫡 禮 孫 大宗、 也。 曆 承 而 子孫 孫 差 一爵 則 中 重 異 爲 優 宗 不 乞韶 也。 制 爽 死 祖 與 與 小 同 朝 ጠ (衆子 廟 、父爲長 官 宗 禮 不 兀 廷 禮 而 加 因 議 知 士 祭 官 世 餘 喪 諸 孫 加 主 百 爲 一庶 皆降 俗 侯 服 無 承重之義 不立,尊 祭 博 僚 子猶 人 承大宗之 之論 獨 以 傳 士參 應 亦 大 異 異 任 重 夫 斬 何 也。 亦 恐 之 世 子 卑 衰 預

> 禮 及 \ 1 爲 律, 宗 庶 合承 人不當同 子 繼 重 祖 者 者 用 酌 以 古 律 異 今 使 於 收 衆 族 人知 子 主 尊 孫 祭 之禮 之 祖 法。

違

禮

教。」《行

狀

嘗 獨 權 者 阳 竢其定 不受,得無損 擁 ζ**п**] 「信謹 里 日 純 樞 里骨已死, 骨 忠 密 示不 而 故 院, 人其 叮 無 撫 可。 任 邊 恙 輯 或 國 帥 朝 之,未 願 立 越 《行狀 人未 廷威 遣 乘其 之。 境 种 圃 晚 知 重 、未定, 朴人奏: 衆議 所立, 也。」已 乎? 其 國 欲 以 蕃官趙 徐 而 ,使 如 勁 「得諜言 觀 邊 其 兵 彼 奏至, 其 請 數 拒 純 公 忠 血

祖父執政時、諸公奏對、惟禀旨宣仁、哲宗

^{●「}傳」、《宋史》卷三四〇《蘇頌傳》作「承」。

^{⇒ 「}士」、鄒浩《道鄉集》卷三九《故觀文殿大學士蘇公行

哲宗蓋 嘗 君 禀哲宗,有宣諭 有 論 臣 之 元 或 義 默 祐 無 7,與它 識 執 對者。 之。 政 人 至 後罷 不 必 祖 祖 告諸 同。」《談訓 父奏事宣仁 父, 相, 上 公, 周 日 秩 以 . 爲 聽 . 蘇 御 聖 必必 史,0 某 知 再

祖父在 君 長,誰 元 祐 任 間 其 一; 取 諸 公太紛 訓 紛 0 2 常

公前後歷 侍 誌 材 務 亦 自 |辨者 循 讀 心 弗專 故 服 事 典 而 主 所 四 去。 己,理 避 啓 選 遠 使 迪。 会銓 其 權 盡 有未當,亦不 修敕令, 綜 寵 其説 及登丞 有 不立黨援 條 故 , 丽 必 上 雖 本 無 論 不 ·苟從。 大 留 作進 得 議 體 滯 持 所 退 平, 欲 《墓 爲 有

平 生 事 巇 屬 於 或謂: 人無纖芥仇怨,在 公,公不從, 「其事 後 迹 其 書 札 人當 杭 具 州 存,可以 言 H 有 路 懷 辨。」公 要 忿 人 抵 以

> 忠 趙 唯 以 笑 高,虜 至 今韓 禮 E 忠 人 具 本歸 魏公與公耳。」《行狀 吾豈 也 盡 誠 明 然 爲 意。 人,所 見 是者 義 它日 則 至 1 服 輒 9 在 至 與 平 潁 忠 守 州 生 泣 競 誠 ,公待之 日 日 , 服 通 至至 判

王 某每 差,用 禹 子 年 事 不 之博,③以 Ė 忘 玉、元厚之諸公嘗問 其 則記 即 矣。 以 年 何 位 有 術 事 歲 至國 如 其 某事 也 之 某 中 年 ? 朝典故,本末 年 大 有 ; 改 事 法也。 祖父 某 某年 元 爲 事 目, 祖 日 其 ; 命 後 父 0 某 欲 年 相 觀 無 日 「亦 記 年 有 遺 太 其 立 當 某 有 「公記 月 史 年 后 年 事 公 有 若 月不 事 9 説。 書 某 間 某 太 則

⁰ 談 周 訓》 秩」,宋 卷 蘇 作 象先《丞相 張 商英」。 魏 公談 訓 》 以 下 簡 稱 魏 公

② 「紛紛」,同前書作「紛紜」。

③ 「問」字,原脱,據同前書卷三補

閲 記 類 桓公會于 "、恐亦 經 名諱 歲 史,默 孔子生」,『是歲 此 婚 葵丘 詠 意 」《談訓 姻 詩 也 無 」、『是歳 什 こ元 遺 , 0 忘者, 以 日 孔 至 : 晉 子卒, 「不然。 又 士大夫 文公始 以 何 一是 法? 家世、伐 至 霸 一於 歲 之 齊 暗

真

强

記

阚

1

祖 父 聞 數 之徒 干 服 禹 好 所 m 嘗 典 主 戈 征 好 民 乃款 胡 苦於 出 矣 戦 大 言 少 學 廣 有 郡 時 : 乏 所 則 語 而 吾 聞 刻 好 徒 大 其 民 好 孫 政 計 核 刑 夫 出 困 武 則 績 每 用 矣; 名 可 亦宜 ,而 於掊克矣; 腹 聞 尤 章 白 紀 則 心 好 前 異。 民 郎 者 起 知之。 肝 韓 聚 敝 中 畫 之 日 膽皆 非、 斂 於 因 徒 : 爲 人主 言 夸大矣。 往 張 好 出 吏 夫神 則 在 造 順 桑 湯 以 則 人 而 請 羊、 之 從 循 龍 終 矣 不宜 民 徒 良 騰 求 躬 殘 豈 皇 則 稱 一缚 於 有 異 張 故 惟 佩

> 贵 口 羈 也 ? 然或豢 養 於人者 门,謂 其 有

> > 嗒

祖 舒信 皆 之, 夫 耳 父 大 慾 須 又 事 司 E 八凡事 土木 鼻 自 也 多 道 移 長 以 又 則 嘗 非 涉 元 E 書 云 欲 嘗 無 押 爲 三言 刻 豐 始 偶 大, 愛 皆然,不 以 談 ,皆叩 溥 刻 中 人 韓 . 始 爲 悔 訓 口 薄 爲 丽 非 也 爲 以 初之不三思 目 在 紙 御 鼻 中 E 此 欲 江 厭 言, 史 先小, 鼻 豈 後 和 行 小, 寧 於 中 大 非 甫 有 外 以 日 丞 (則可 以 郎 忠 所 謂 思 目 此 也。」《談訓 前 楊 繩 厚 爲 2 士 先大, 言 而 鋭 小 之言 行 告 江 熟 除 口 於進 木 東 充 諫 目 名 慮 以 者 偶 運 哉 議 小 也 諭 人 取 副 或 謂 書 紹 則 言 大。 告 吾 爲 非 聖 押 口

默」,原 作 「哩」 據《 魏 公談 訓 》卷 三改。

自 據《魏 公談 訓 卷 改

陷 復 終躬遂 「士大夫立 丞,❶緣進 不當敘復 於刻 通 直 薄, 廢。 郎 奏 可 朝當路 改 知 院 如 不 監 無 王 事 慎 爲 中 終 君 哉 軍 嶽 貺未三十爲 廟 躬 涉 一《談 或言 轗 非 祖 軻, 義 訓 其 父 不復 得 失人心, 聞 罪 御 之, 大用。 深 史 重 中 則

祖 父言: 成之際,應之以 則 息民之意。 《談訓 有所 必 反復條奏,援引古今,使上不忘 吾 繒 則 在 以謂人主之聰明,不 偏 金 無心 華 偏 則 每 爲 則天下 進 患大 讀 至 無不治矣。」 矣。 弭 兵息民 可 當 有所 今守 弭 兵

祖 父嘗 對 也 不]°」《談 愧 惟 義 云:「吾平 於 訓 理之言, 觀 過 而 生未 故 神 歷 考 嘗 仕 以 以 兀 謂 私 朝 事 直 中 干 久 間 人 而 主 雖 自 謫 明

也。」祖父笑而不答。《談訓》容,吾鄉里丈人行,若從吾言,執政可得

祖 無 朝奉,分寧人,歲 父云:「平生薦 包苴之饋 也 舉不 以 雙 知 井一斤 幾 何人,惟孟 爲 餉 安 知 吾 序

祖父嘗云: 蠹 ,流水不腐, 「人生在 此 其理 勤 也。」《談》 勤 則 不 訓 貴 户 樞 不

昌

吉

甫

參

政

事

使其

親

友

謂祖

父曰:

子

十二之一 丞相劉忠肅公

侍郎。 中,右 即 責 擢 江 嘉 中丞、拜尚書右丞、歷左丞、中 元 豐 一監 陵 位 檢 祐中登進 初 府 衡 E 公名摯,字莘老,水静 召 司 觀察 六年,拜右僕射,以觀文殿 中書禮房公事、監察御 州 爲侍御史。 郎 爲 鹽 中 開 推 上 倉, 封 甲 官。 衝 科 簽 府 替 推 書應天府判 召試 9 元 歷 起 官,尚 祐 知 知 爲 元 冀 滑 年,爲 館 軍 州 書 州 東光 史 閣 南 禮 書 官 裏 校 宫 學士 門 哲 部 御 行 勘 縣 宗 下 郎 史

罪

、」又言

:「程昉

開

漳

河

調調

發猝迫,

故

相

富

弼以市進

一,今弼

已責

願

寬

州縣

之

好。 元公絳數以 焉。 荆公安石 州 四 年六十八。 知 擢爲 「趣裝,毋爲安居計。」未及陛對, 再 會 年, 責鼎 鄆 除 州,徙青 贬光禄卿,分司南 中書檢 初秉 御 公岛 史, 州 政,搜 團 州。 欣 E 言, 練副使,新州安置,薨, 然 擇人才,任 紹 荆 居 就 聖 公一 月餘 職 京,蘄 一初,落 0 見,遂 默 歸 以 州居 語 職 默 不次 知黄 家 非 器 住。 首 所 重

王

0 原作。正」。 肅集序》也說: 奏》,有『遂成大獄 「正」、《宋史》卷三四○《劉摯傳》作「止」,校云:「『止』 故相富弼以市進。」今補改。」 按劉摯《忠 即上 疏論亳州 而起獄不止」句, 肅 集》卷三《乞結絕亳州 獄起不止,小臣意在 劉安世《忠 傾 獄

六四七

朝名臣言行録卷第十二

上疏

論:「亳州獄起不正,1

小臣

意在

傾

神宗 賞之 愛君 後。 人,少 嚮 賜 意。」❶門 希 錢 以 非 縣 日 不 從學 下 褒 皇 不 納 賞, 民 堪 示 督 Ě 孤 陛 志 足用 之心,憂國之言者 有 諭 帝 日 命 君子 四 賦 安 獨學,不 願 劉 數 均 下 鋭 方 石 人 嚴 大 因 每 趙 役 有 耶 劉 行 T 意 ? (練序 小人之分, 急 特 論 在 ? 仿、 子 勸 顯 之意,今倚 求 識 張 心之所 事 公《文集 幾 E 安 安石 農之意, 治 責 物 石 遮 先 知常撰 靚 情 擅 稱 也。 邪 獎 訴 升 9 嗟 明 卿 ×. 王 嚮 IE 勵 次 宰 在 奉 器 畿 怨。 因 朝 廷 《行》 以 相 今變 不 識。 公之 義 臣 神宗 縣 L 條 廷 皆 老 爲 下 在 實 利 等 此 公對 京 疏 對 本 擅 無 面 , 聚 而 乎 皆 而 心 公既 極 賜 移 師 使 無 以 增 斂 義 日 欲 爲 褒 論 時 喧 納 聚 容 諭 每 兩 煩 以 對 然 役 臣 斂 於 其 在 故 其 目. 上 小 浙 擾 羨 東 錢 問 其 於 希 略 意 之 私 餘 役 何 ; 血 北

> 公論 於大 下 變 畏 間 詖 御 F 重 志 以 前 無 事 率錢 之論 欺 史 化 品品 義 近忘 爲 能 司 日 難 農 中 中 者 意 誕 短 今天下有 唯陛下 制 進 之道, 助 寺 丞 者 以 以 彼 遠、幸於 臣 中 齊 易 役 楊 爲 進 願 有 里里 今亦用 以 退 ()官自 公 是 取 司 陛 號 然後 向 爲 喜於 農 繪 者 爲 令之 可 收 下 背 此 苟合之人, 條 亦 · 今 可 雇 與 虚 合 其 風 流 敢 件 E 耻 人,略 長。 而 過 有 有 心 俗 更 俗, 詰 爲 疏 已 與 旨 爲 平 嗜 察 之論 論 此 難 。」《行實 稍 不 分 之士 , 聽 利 其 舉 新 險 及之 以 抑 析 漸 十書。 劾 者 非 慎 政, 彼 阻 虚 察 以守 有 繪 9 平 重 爲 俗 譁 并 抑 忠 前 樂 與 奏 好 亂 輕 公 是 高 厚 道 於 公 使 施 日 日 險 意 爲 章 慎 時 設 會 舉 無

❶「朝」字,原脱,據《宋史》卷三四○《劉摯傳》補

就 者 英 下 以 下 動 不 如 願 義 F 臣 臣 輸 未 能 睿 所背 之 始 物 望 竄 臣 以 耳 是 有 職 太平 İ 法 是 得 也 逐。 言 臣 至於安治 有 孜 言 蹈 之任 非 安 有 掌 也。 行 聚 者利 責 孜 德 明 其 奏 并 斂 取 3 聽 ௱ 争勝 禮 采 入,不 哉 所 今有 可 均 之 自 納 幸 復 農 年 者 者 所 士 輸 1 疑 夙 以 卓 負 間 奏宣 民 之 E 加 白 司 夜 , 蓋 誰 所謂 太 報 施 者 之 大 駮 法 疏 青 交 勵 自 開 平 致 行,若稍 説 君 奏 臣 示 苗 方 精 日 口 公謂 青 爲 之 置 向 輔 百 父,所 . 擾 之 相 苗 背 遽 敷 己 耶 動 導 官 以 議 直 . 告於 之 任 ? **\$** 摇 陛 親 加 之 則 主 未 涉 議 考 背 分 邊 下 非 無 舉 得 陛 臣 庶 欺 定 者 析 陛 允, 起 上天 鄙 起 乃 下 政 是 天 所 君 罔 當 權 下 之謀 居 0 注 辱 專 向 是 加 下 而 否 臣 資 甘 懷 陛 意 天 均 使 無 政 者 是 天

者 能 間 未 器 政事 欵 論 臣 如 縣 故 凡 也 動 竄 ; 也。」 嶺 此 官 定。 奔 定 政 9 又 * 未入,反側之兵 謂 淆 俠 邊 ,皆大 府 堂 求 推 其 外 走乞丐之人, 減 然後 之流 少 混 謀 議 腡 此 居 河北 3 耗 水 L 獧 賢 議 其 數 財 之禍未 而 利 臣 落 不 俗 辩 否, 征 經 聖 日 大 往 也 則 誤 筆 者 ; 聽 畫 早, 利 上 陛 市 忠 不 罷 敗 ,取之爲可 又 艾, 憂 下 井 乃 除 常 則 厚 未 諸 其 口 御 冒 淤 勤 屠 用 下 鑿 安 貶 史,落 路 門 老 究 列 而 田 뻾 念治 至 販 進 了三邊 民 衡 大 言 與 助 成 如 大 也 べ之人, 曆 退, 水 者 役 州 聞 市 臣 用 者 之 館 日 又 之 至 所 獨 9 反 謂 時 創 職 民 擯 省 於 公 今羌夷 守道 皆 事 用 與 m 之 勞 痍 在 之 併 奏 政 輕 者 興。 官 召 而 通 財 其 掾 爲 府 誤 流 憂 政 用 É 而 州 乏, 後 之 屬 國 名 登 其 擬 事 無 縣

修 知 助 好 者 厭 助 向 1 亢 貶 州 鄭州 於權 二, 以 背 難以 注 役終爲天下之患 者忠直 役之利 素爲中丞 所 葬 好 世 伸 悪 活之,琥 勢 葬 前 有 摰 乃爾 有 之情果 所 使 議 責 將 一,與 H 恶者 旨 H. 人主 監 ,當伏妄言之罪。」摯奮 陵 劉 辭 聽 日 何 臨 不爲 伏 邪 示 摯言助 害 3 所 許 歲 级。 望 臣 知 0 在 願 利 有 琥 元 寬 曾 陛 臣 所 役 《行實》〇 害之實 JI 亦 向 今 貸 下 素 布 有 由 者陛 患 獲 十害。 惶 曰 勿 此 霏 使臣 忘 恐 , 請 件 下,所 方護)又《聞 臣 譴 請 日 即 荆 言 E 逐 爲之。一仍 日 一葬 復 荆 公 「爲 背 古 諸 見 一於是 條 意 公使 畢 者 自 録 臣 喪 對 X 權 其 \mathbb{H} 坐 元 布 臣 愚 詰 張 奔 分, 抵 臣, 事 素 豈 所 琥 不 赴 鄆 人 落 出 但 所 楊 難 知 пΤ 作

公在 平 公 伯 下 嘆 南 廟 祠 日 都 日 歲 廟 幕 爲 獨 依 府 錢 不 ___ 坊 能 四 至 會 場 爲 於 + 司 加 朝 此 農寺 六 渡 廷言之耶?」張 1 貫 法 7,微子 行 往見 收 新 净 **�**, 留 利 廟 守 盡 + 張 南 斥 公矍 公方 都 賣 貫 閼 天

> 哲 宗皇 皇 買,小 受命 許 祀 然 有 見 施 以 微 祀。 辱國 大 連 城 遠 行 慰 細 大火,火 因託 故 歲 微子 邦 帝 實 可 人 瀆 建 孤 覘 水 司農寺官吏令開 嗣 人崇 規 公爲 神 損 號 城 者 阜 位 利 爲 務 宋 大 所 死 宣 此 奉之意。」神宗 國 廢 休 西 始 奏 體。 因 賊 冗 爲甚者。 仁 家 封 物 邊 0 息 日 9 褻 聖 能 盛 貨 未 之 欲 : 又 瀆 遂 烈皇 德 場 捍 君 寧 望 有 慢 散 閼 所 大 詳 雙 封 罷 開 遣 伯 速令行下 百 乘 后 何 府 患。 酌 廟 户 京 遷 姓 或 所 以 即 取 者 歷 馬 勞 留 此 城 祖 不 此 勘 今若 日 世 等 役 地 弊 此 爲, 商 唐 母 一尊爲 批 夫 丘 事 _ 張 共 介行 令承 更不 本 歲 而 廟 政, 巡 實 減 皆 或 收 主 朝 大

0 宋史》卷三四 監 踮 邵 氏開 ○《劉摯 見録》卷 傳》作「 一三夏 謪 監 敬 衡 觀 州 校本作「江 鹽倉」。

之人 講 求治之志。」《行 賜 盛 服 臣 史。 任 從 上 言 延 中 疏 Ш 在 聽 用 周 對 公自 進 出 以 李維、晏殊爲侍 所 斷 公、太公其 . 退 執 充 資 閲 之 熙寧 大 昔 又 養 經 勸 暇 天 戒 者 臣 講 誦 下 實 願 以 召 周 勑 説 事 進 選 言 選 使 人 成 中 讀 7 用 忠信 以 去 久 入侍。 王 外, 也 之任 讀 臺 廣 位 思 幼 一、踰十 孝 諫 睿 無 所 孫 冲 仁 敢 智 便 悌, 以 踐 奭 皇 陛 擢 岢 殿 報 阼 帝 下 公 仰 淳 六年 馮 燕 刻 稱 春 盛 爲 茂 副 元 師 擾 坐 善 老 年 爲 侍 秋 保 於 乃 民 成 繼 鼎 侍 之 是 時 嗣 復 御

神 公又言 宗 臣 六 皇帝 員 宿 請 公公 增 專 輾 補 彈 以 諫 駕 劾 察 官 諫 發 其 治 御 並. 引 罪 官 史, 前 許 以 司 員 言 聞 公 夕 缺 事 事 不 0 未 o 一《行 Ш 補 ൬ 陵 實 不 使 監 確 與 蔡 察 言 使 確 雖 回 滿

> 其 請 大 罪 憲。」 君 以 赴 有 使確 確 莫大 臣 罪 内 ,於今日 來 收 司 不 體 大 之 拔 無 東 誠 多 於 引 略 煩 當 門 何 有 所 皆罷 此 咎 碎 世 有 朝 爲 是 確 更改 自 之 + 見 取容之計。 事, 以 上 其 大 耆 劾 訖 慰安 表 位 上 又 艾, 9 不言於先 皆 乞 自 疏 即 論 其 民 論 以 罷 陳 行實 日 章 建 心 陪 視 其 其 惇 其 誠 請 輔 惡 事 政 朝 IXI 無 略 大 0 E 事 悍 \(\times\) 謂 是 爲不 公 意 公又 室 , 輕 確 事 以 以 謂 ; 倪 當 忠 蓋 明 則 謂 蠲 奏 垂 去 之 欺 無 簾 省 典 .

神 宗 之,不 帝 從 束 上 出 疏 過 更 新學 道 非 謂 可 於 制 無 行 煩 制 法 學 法 法 密 養 校 之所 亦亦 超 爲 土 漢 有 情 育 应 軼 禮 病 Ŧ 雖 材 唐 義 焉 群 首 數 ,養士之盛 存 居 善之地 焉 久未之 然 衆 有 加 聚 己。 司 改 立 教 帥 先 化 爲 比 而 皇 約 齊 所

制 條 乎上。 與揖 往 乎 《詩》博 盗 所 土 以 隨 人、犬彘自 長者之道,則 士 此 李本: ? 從 六諸 造爲 代 還 之 經 °」《行實》 杜 諾 月 意 賄 分 即 生 下疑貳 願 若以 士 哉 然 賂。 法禁,煩苛 , 亦或不交一言而 隸 監 巡 罷 有 ·禁不相 兼 ? 而 諸 長 所 饋 爲, 則 巡《書》齋,所至備 小 夫學政 比 貮 下 生 隸 受, 夫治 又《 以 以 而 人、犬彘遇之,彼 與 不 必 之 見 ・ 求 自 太 其 有君 易 愈於 況 齋 許 天下 依 如 荷 學 屬 相 以 教 **>** 而 博 此 勑 免。 屢 看詳 己。 治 見 此 子、長者之行 諭 者 士 律 之禁, 起 獄 無 行 豊先 遇 退, 兼 i, 其 增損 甚 獄 齋 條 所 於 人以 巡《 口 訟 以 禮 舍 施 學 帝 餘 聽 目多 怪 防 著 請 質問 既 將 校 禮 見 所 其 有 君 - 者 私 問 不 之 **>** 以 爲 行 以 於 在 ௱ 司 子 齋 定 間 造 博 學 科 小 應 無 緣 防 相

> 公既 諫 官 文彦 陛 朝廷 侍郎 進 忠義 然。 重 顯 一聖怒,將重責。 大諫撰公《文集 陛 下 説 著 責 王覿 被 下 博 顧 爲 時 改 逐 甚 誠 、公皆 遇, 審察毁 諫 大 姦 力, 信 人以 H 論胡宗愈除右丞非是, 職 知 官 體 邪 補 簾 口 IE 無 , 宗宗 比 圃 劉 譽 甘 外 中 屬 色彈 不 後進, 包希仁、吕 摮 每 而 厲 愈進 受之否?」公頓 言 重任,未幾遂大 二二 己。 宰 如 ·劾,多 聲 是, 此 相 恐宗 用 曰 [《]行 佞 天 開 . 自 願 實 所 一若 刻 陳, 愈 獻 賜 下幸 有 貶 薄 亦非 聽 有 可。 不 朏 之 疏 覽。」 甚 聽。 人 首 用 吏, 奏 所 上察 中 以 謝 馬 不 公復 遂 必 然 外 事 願 日 0 下 致 其 免 願 肅 狀

公與 人才難 同 性忠實 列 奏 得 事 而 臣 因 有 嘗 才識 論 歷 觀 人 才 士 L 大 大 也; 夫 概 公奏 間 才 雖 能 否 日 不

是。 此 也 面 小人,終不可 事 忠實有守,次也 一《行實 了,又其 卿等常 次 能 也 如 用。」二聖諭 此, * 懷 有 邪 太皇、 才 觀 面 望 難 官家 日 隨 保,可 :「此言 勢 何 改 借以 所 憂 極

公在 哲宗 送 室 唐 説 此 政 日 本 一尚 豊可 皆陛 在 冗 中 逐 太宗以 ,聖人不取。 朝角音, 一,侍讀 書省 力費,其 書 送何也?」 講筵,一 果當避否?」公進 改也? 下 一、公曰 辰 所 説 日 火 H 宜 也 内 減 日 日 哭張公謹,仁宗不避庚戌 國國 對 「常 降 取 漢章 , 0 定 如 讀仁宗不 畫 法。」上深然之。 六 IE 故 帝以 口 月 曹 畏 時 .朝 尚 二狀,其 日 吏 祈 庚 故 文書,録黄 反支日受章奏, 穀、必 、辛。」 避 額 書 事 省以吏額 庚戌臨 陰陽拘忌之 多避 房 上 ___^ 用 《行實 吏 裁 顧 (過門, 1-或 請 奠 問 節 音 辛, 張 封 執

> 其 不 邪 白 定 黄。 意與吏爲道 相 盡 大 省吏不 每 之,未嘗 E 曰 ---、防信 ?」明日 後 可 吏 取 公。 . 奏人,必 命 中 事 其 額 不爾。」公不 初,尚 兩 兩 公曰 畢,永壽等以 事, 皆 相 任 省各 省 謀 能,數 之。 . 吕 踰 不 徑 置吏額 書令史任永壽 初 及 地? : 知 年 選 下本省已久,今誤至此。」公 不 同 相 時 中書 未 其它,當如 以 吏 與,今乃 欲 袖藁 列 户 今乃 房於都 就 姦弊告諸宰 赴 也。 立 部 勞進官 行 局 異, 裁 使 録 吕 厲 永壽 有 就 同 節 黄 省 精 色示 派 勉 法令。」遂 此 浮 領 有 都省分 相 悍 應 法 召永壽輩 見 ? 其 費 差 公 專 執 而 也。 録黄, 一,於是: 事 日日 權 猾, 日 即 後 、以以 功, • 很 豊 諾 禀 省 與 作 派 愕 勢 有 裁 是 丞 何 領 相 録

「火」、《宋史》卷三四○《劉摯傳》作「木」,當是。

0

年 然後 太 奏 此,非 公語 者 者 去之。 議 一行 反 遂。」2日 省 一受命 (覆,章 劉 后 ,公繼爲丞相,不滿歲,前 者 F 喧 避賢 亦有 洶 可 諭 . 丞 然 鼓 朝 洶 每 去。」 相 遂引楊畏 E 不平 者路。」 請。 廷 + 於上 厅 交 下力也。」然自 怨, 派 : 頃之, 吕丞 所 餘 訂 久 相 一使者 言 侍 處 宜 前 是 E 其 亦 臺 吾 E 郎 有 歲 章 事 近 以 開 一諫 數畫 竟 在言 曹心 遣 願 未 語 列 陳 八 風 交 不 於 相 中 미 吏 章 月 客 聞 能 少 路,諫 器 是 使召 知 趣 此 亦 去, 額 日 論 一日,奏畢 引 回 過 滿 朋 求 人 無 忌公益甚, . 本 列 0 避。」 須 實,0 退,不 視 黨 公人 必 他 末 日 官 使 士 官 之論 覆 事 洶 疏 然外 大 F 時 ·公不 丞 家 對 不 洶 許 其 願 夫 公 意 此 相 親 、太皇 ル 起 者 足 賜 議 趨 兹 陰 曉 皆 已 日 政 得 明 在 骸 謀 如 利 邪 然 深 遷 被

> 言 集序 路 誠公, 竟去位 朋 黨之論遂 不 口 破

選后 之子, 妃,非天子納后故事。] 衆皆 也。 二歲 安 於陰 故 似 所 日 禮》言之,則必著外 事 無 生 未 「女無 況明德皇后乃太宗在藩 。」公進 足疑。 陽家 爲 決, 而 妾婦 事女是 父母 逐 簾 不合 其 出 之子, 若庶· 中 耶 日 所 繼之理,當正 庶出 諭 ? : 生 獨一 「以《春 出 日 母 皆 所 . 則 祖官氏 家 「所 合 養 遂 國 備 爲 事 可 秋 鞠 朝 選 父 用 嫡 采 於 傳》言之, 已 其 者 白 助公語 母 母 ,復有二事 擇 邸 有 伯 本生 餘 悍妬 耶 之 時 明 明德皇后 氏 ? 家 數 取 當 父母 矣, 夫婦 用 女 以 或 今 深 爲 對 生 嫡 以 未 皆

注

² 0 引劉安世《劉摯文集》序作 遂」,同 章」,李熹《長 前書作「罪」。 卷 四 四 四 哲 宗 元 祐 五 年六月 末

公輔政 見賓 近 意 不 多 盡 用 奏 公知之,不恤 不 才 人,人有所欲 藝進 事 知 輕 主 南士,有 力,然終不 臨 Ě 授 客 與 於無過之地 及爲 累 之 所先 前 同 論者 以 年 曉 如 擬 及 職 相 列 ,言直事 然。 後,而 以 一,言皆可 之際, 聞 剛 謂 任。 益 語,公平 以 ,多憚公聞之,公聞 也。 蕭 明 其 : 省 語 望之、 總 重 元 語 故 取 必 無 吏 也。 核,不 大 厚,達於治 其 才名之士,或 一察其 適 祐 每 終 人不問 體, 復。 不 於 鄭 莫 精力 以 以 身 ·欺,未 用 爲 者 人 朋 務 事試 來 不 故三省事 性 緣 事 守 絶 ,公爲 識 志 能 公,不 諫 飾 道 人 與 行 先 法 嘗 以 、公笑 朝朝 之, 度 遠 多 厚 器 不 事 以 之 多 人 甚, 識 怨 薄 識 私 首。一 經 以 無 亦 見 物 輔 廷 公, 劇 爲 聽 爲 佐 屬 而 或 終 後 賴

言 者 到 辟 自 京 其 既 異 人 録 給 曰 人 朝 謝 所 府 也 其 數 過 方 愛 師 廷 論 退 日 事 裁 「以俟 第 論 有 計。 語 擢之大位 公交通 定者 中 以 以 固 一遂并 又 求, 相 朱 奏 俟 書 請 臣 公心 章 光 見,或隨衆客,公亦見之,故言 ,後皆遵用 公未竟,乃解 示 丽 休 益 愚 抵公,公答以 休復」者,俟它日太皇太 罷 惇 邢 庭 中 復。」 公 堅, 闇 知 諸子 駮 知 恕 丞 不 奏 乃 及 招 爲言者 一會茹 與,怨 亳 日 鄭 章 罷 故 謂 致 州 以 雍、 莫 惇 與 . 相 人 疑 東 能 甚 所中, 子 侍 釋 言 公之子 手 濟 初 劉 以 而 適 改云。 牢 御 其 簡云 邢 罷 殿 擎 爲 願 史楊畏。 語 見 排 忠 籠 ,天下不 學 不 就 恕 游 繳上之, 一、「爲 岸官 公簡 義 土 復自 《集 小人,爲 謫 貶 守 自 后復 序 間 官 陰 鄆 其 見 或 调

路 用 分付 云。 者 吕 情 日 他 以 見 也 消 皆言是,曾樞密 只 簾之初 曰 再 人,腹心之人難得,去了 牢籠 息,送 也 得 Ė 意 事 爲邢恕過 也 惠 謂 却 蔡確 一,因 在 卿 右僕射與, 處 此 見臣之區 爲它 公延 (行實》)〇又王彦霖 陛 來。 甚 既有功,排斥姦邪,言事忠直,太皇心 面 則 好 教 便教 下 處 Ŀ 誠是 做宰 垂 願 心 言事 京 亦覺近來臺諫官莫太甚不便,是臣 人。」簾中 一前 但 見 簾 陛 做 後 通 劉 晶 且道 相 看去除陛下 之初 下 接 官 室 東 日 也牢籠 得 更 也 摰 不爲 臣 未必 相 不 納 是 及接 加 牢 稍 少 有 有 得?」余 也 體 , 思 籠 功 短 皆 前 不得。」 箇 照。 則牢 《繫年 不得 見章惇子 劉 見奏陳 慮,不將來做 1忠直 箇 預 腹 冉 只 一朝廷怪責底人 擎、 無 爲 心之人,便 審 又 籠不得。」 爲 日 録 如 無 應 蘇 諭 這 ,再奏之,因 牢 何 笛。 心之人,臣 日 不 轍 件 云: 弟 日 蔡 尋常 知曾 籠 事 當 爲陛下 事,却 「太皇亦 確 諭 余 延 到 樞 是與 () 却 經 發 日 面 和 以 密 T 簡 問 毒 裏瞧 覽 奏事 日 木 冀 罪 做 ·惜 女 道 與 否?! 柬 它 等 合。一余 陛下 劉 楊 不深 尋常人 書 邪 底 便 腹 後 來,它 「知 山 重 當 畏 擎 開 便 劉 柬 心之 密 它。 福 它 罪 是 H 道 是 既 垂 應 圓 墊 诵 院

> 公天性高 禮 粹。 其 手 如 異 疏 失,通聖人經 人 有 逼 言 逐? 蔡 一、不改 乃 後 鈔 也 無 釋卷,家 ,未嘗假手。 其爲人,辭 確 知 不 録 晚 南 願 章 遷,不 公謫 好《 少 明 陛 惇 孜 以 ¥. 好 下 亦 孜 春 藏 經 不 素。 禮學 更 不 居 達 意 知者 無 書 以 秋 意 加照察,且 曾 自 爲多。 Z 倦 如 集序 多 而止,不爲長語。 淳 》,考諸 奉簡 此 講 ,皆自 謂 長 雖 静 今 究三《 公不 平居 格 在 嗜 將 图 公文章 約 物。 此 相府 書, 墊 儒 讎 堪其 事 不親 有 與 禮 校 異 更人思 自 甚 既 在 事 同 雅 蕭 憂 貴 妾 得 幼 相 視 怎 慮。」 ,親 然 一恭儉 健清 媵 至 善 辨 諸 表 消 府 室。 家 老, 本 得 章 其 族 無 經 勁 恁 書 得 甲甲 或 未 尤 以 事 好 地

到「與」下。《長編》卷四六七哲宗元祐六年十月 □ 「接」字。原脱。據《宋史》卷三四○《劉摯集》補。

癸未敘

公教 公自青 《集序 慾 怒 隨 器 表 子 止 何 所 君 ? 晚 不形 涕 之謫 ,宴坐静 恨 識 顧 日 子 泣 孫 社 爲 至 或 歲 憂形 E 、公拜 貶 願 第 事 罷 先 先 意 南 恐 侍, 所 職 默 於色, 用 澹 行 遷 不 意在 知黄 號爲 家 命 章 如 皆 遷 , 實、後文藝、 屏 氣 也 丞 怒 不 跡 即 報 初 州,又分司 貌 相 文人,無足 聽 百 具 復 不 H 無 公年 安强 姓 饌 吾 交 ,法令益 就 言 水 一、告之 勢 道 人 陸 但 未 , 每 當 及遷謫 事 無 五 責 犇 惟 徙 觀 日 得 衰 9 + 食 馳 吾 從 峻, 蘄 亦 矣。」《行 罪 悴 曹 士 則 州 即 無 見 奈天 之色。 也 子 食, 屏 書 星 若 當 死 語 嗜 喜 實 嶺 自 乃 家 下 章 無 諸 以

公居 外 事 新 所 州 屬 神 數月, 爲 不 公請 亂 得微 安 歸 阻 葬 疾 於 m 自 朝 薨 調 不許 將終, 公既 殁 戒 已 於 飭 而 諸 嶺 後

初 之 濟之 其 之計 社 相 以 皆 士 師 深 以 及 無 子 極 ,引及 蔡京 地 公任 恕 官 徒 喪 甫 貶 ,大赦天下,公既 坐廢 及公而下十餘 知 可 以『粉 實 未 在 持 湖 其 以 書 當 中 外 懷 故 繁。 喪 可 甫 御 示蔡 爲 抵 家 求 ,然後 州 司 必 在 者, 書 史 昆 恕 屬 寒心。」 外 0 洛 爲 碩 嘗彈 數 中 三,必 司 雖 補 再 其 當 陽, 馬 驗 通 人 丞 徙 公 人,陷 蔡 略 塗 麗 故 昭 書 稍 安惇 大 欲 邢 家 佗 渭 歸 日 猜 朝 之 深 意 其 知 以 恕 郡 亦 有 葬 : 廷 怨 害 渭 左 心, 其 詆 究 謂 眇 責 不 怨望 駭之,委 於 改 而 其 司 數 事 當 而 治 服 躬 永 知 路 鷹 父 月 郎官 不 文 上 起 焉 路 除 爲 州 也 著 確 書 人 揚 遂 及 於 者 必 Ħ 所 訟 罪 者 除, ,怨公尤 未 甫、 此 (翰 謀 不 今 上 遂 及甫 心 赴,亦 狀 知 益 逮 快 林 危 紹 得 蔡 吕 也 深 學 意 朝 及 宗 京 渭 登 丞 聖 又

更不 狀 證 究治所問 解 五 等,皆取 年 意 説 具 又 鄉 及 獄 但 甫 據事 釋 Ħ. 考 之。 以 持 事 謂 里 ,已行貶 疑 有旨: 就 一、公嗣 語 施 月 驗 公也 更,而 遂 其 副 狀 及甫 渭 四 究治 行 跂。 緩 事 爲 封 則 實 今改 勢 日 辭 日 詣 子 責。 所 封 文 山 然 間 會公薨 心 所 至 也。 都 跂 浦 馬 案 但 名懋 無 後 意 間 及 其 建 昭 堂, 初 紹 牘 徑 有。 坐諸 公 如 一謂 其後諸子 證 甫、 中 聖 無 司 閲 伏 聞 印门 云。 此 殁 但 據 誰 靖 事 五 闕 馬 蔡 視 子 執 宰 後 事 及 或 猶 證 《集序》〇又《行實》云: 政 年 下, m, 昭 渭 甫 相 讒 狀 知 五 元 朝 用 五 謂 己。 對 但 所 年 敘 謗 韓 上 其 蔡 廷 年 意謂 月 則 誰 而 託 陳, 忠 復,護 謬 疏 所 京 照 未 時 四 日 以亡 公也 彦、 作 坐 妄 訴 奏, 月一 知 顯 紹 及 Ħ 相 明 其 無 其 曾 甫 指 皆 無 嗖 以不 聖 父 必必 間 白 事 妄 曾 實 布 還 五 對 得 揮 有 其

> 忠彦是 耤 謂 怨望 人皆知其 甫 尚 猶「兄」也。」初 一粉 丽 粉侯」,故王 『爲「可 元 及甫 主,必以兄 ,故及甫陰自 祐末稍 昆」,謂 ,疑其事 時 獄 馬昭一、必以 妄 詞乃以指公。 雖 罷 被進用, 王 朝 克 忠彦爲 勢心意如 一般叟 樞 移其 廷 臣緣子師 議者傳聞 府, 亦 面 覺悟 上 初 吕 吕 一粉昆 白 眷 意 丞 此。」又問 丞 又 如 委 約、人 未 相 相 及甫怨詈之語 獄 粉 一,而 |粉昆 衰 大 除爲權 事 曲 「昆」謂 Ŧ, 防 遂 及甫 稱 遷 粉 者 獨 緩 就 爲 梁 侍 當 乃 昆 粉 或貶 郎、心 梁 獨 世 或 指嚴叟、燾 燾字 謂 指 爹 以 久 固 或 二,今韓 誰 公及王 駙 甚 或 知 死 況之,「況 馬 及 德之, 不 以 易易 都 甫 爲 蓋 以 嘉 尉 對 謗 而 及 彦 爲

十二之二 樞密王公

留 舉 撫 守 明 司 機 北 經 公名巖叟,字彦霖,大名清 宜 調調 京 文字, 辟 真 定府 管 勾 監 或 灓 晉 子 城 州 監 縣 折 主 博、 又 簿 辟 煉 韓韓 管 鹽 勾 魏 務 安 公

知 史。 樞 知 中 知 密 開 書 齊 定 院 封 舍 元 州 州 府 事 祐 安 復 o 喜 元 以端 權 召 年 縣。 吏部 年 , 爲 明殿 遷左 哲宗 起 拜 侍 居 學 樞 司 郎 登極 舍 士 密 諫 樞 知 直 人 侍 鄭 學 密 除 都 州 士 御 几 監 年 史 簽 承 察 徙 書 御 除 河 出

嘉祐 見 置 異 第 六 明 陽 之, 經 年 0 科 辟 年 0 熙寧中,韓 以 宗 五 公年 爲 患 + 屬 訶 + 賦 0 八 忠獻 張芸叟 浸 州 淫 公留 撰 舉 經 墓 省 誌 守 術 北 試 不 京, 明 御 前 初

近 臣 身 日 御 被 詔 史也。」卒不見。 口 薦 御 往 史,意 見之。」公笑 屬 《墓誌 公 而 未 日 及 識 此 所 或 謂 謂 呈 公

除 監 論 處 察御 社 職 稷 史, 安 不 得 時六察尚 危 不言 之計 在 入臺 未 從 得 諫 之 言 用 次 事 小公 賢 日 不 以 即 謂 口 -書 既

> 然 塞。 争 行 法 刻 行 韶令,孰肯取信 根 小 之京 如 本 民 以 石 利失民 四方之人 公言 其 故 仁宗 一受其 自 東,是時 情 祖宗 其 心,且 赴 弊 詔 後 愬 必 不 下 以 書 出 謂 問 方 來, ?: |《墓誌 所 貧 守守 以 Ħ 下 陛 則 推 由 進 不 齊 : 詔 下 己 此 復得 憚 州 一言 以 求 且 河 以 於 空言説之,後 疾 言 北 復 則 爲 食 省 苦 請 搉 必 惠 録 鹽 行 四 河 河 因 , 頗 之 之。 方 北 北 願 録 之 之 致 復 法 天 大 有 名 尚 法 鹽 不 雍 下

裕 陵復土 好爲 策?」及論 福 太皇太后先定 陛 者 下之立 俳 一,使 諧 章 + 侵 執 者 餘 以 侮 政 還 -於 子 有 在 朝 卒 皆罷 中 繼 位 才 以 父, 輕 而 陰 定 行 渠 白 之。 相 策 薄 敢 王不 交 自 貪天 《墓 結 廉 居, 易之道 盐 隅 共 自言定 公言 持 修, 威

年,遷左司諫。一日,並命執政,其

元祐

兀

尤 非 讀 黄 閣 間 不 臣 中,中, 臣 門, 由 損 并 有 一爲 紀 門下 好 不 語 以 諫官,既 復 綱。」 爲 協 甚峻。 諫 省以 高 士望者,公方權 職上 章 凡八 論 論 當言; 出 ,喜忤大臣,且 公持 疏 上章 之。 一、公 既 請 之愈急,復 一,命竟 承乏給事,又當 繼 對 丽 降手 言 給 命 寢。 復 事 益 詔 命 中,即 下 《墓 上 切。 , 俾 令斜 者 疏 言誌 再 速 繳 退 云: 駮 書 就 遂 録

又言 用 大 將 廷每 墓 臣 焉 記 即 一,杜 用之,姑 舉 詔 省胥 抑 事 近 徼 臣 徒 息 則 倖, , 、歲累 論 相 裁 復 承,以至 功計賞, 爲 講 十七條,今遵行之。 優秩,月饗 治 平已前 一於此。 不 知 T. 厚 條 Ħ 望 禄 格 飭 禄 循 勵 賜 朝

九月, 先王已爲少。 或 朝 除 侍 倣 近古 御 史,左右 之制 今復缺 諫 Œ 而 官 言 不 置 久闕,公上 補,臣 纔 六人, 所未喻 方之 疏

> 職。」 贵 於 難 今 稱 以謂治道已清, ●《墓 不 H 也 · 若虚 誌 其 願 詔 位 耶 補 加 ? 無事於言耶? 諫 二者皆非 臣 無 令久 臣 虚 所 人 望 其 材

滕 公以 元 備 以 德者, 不 公喜聞 爲更有德。」時天子 範》,至「乂用三德」, 陛下 盡 可 ,則堯、舜、三代之盛 發 史官,敬已 起 須臾去者。 自 居 天下之要。 既 人君之大本,得 德 太 舍人人 能 音 原 審 易 書之於册 而 因 侍 許 問 三數 欲 陛下 昌 之, 邇 · 恭默 風 一、公封 英, 雖 上 諫。 之 必 以 誠 口 日 少 則 能 思 司 能 /,推 坐 道 示 治 體 還 退 馬 用 萬 致 敬 闸 而 只 康 詞 而 失之則 以 世 也 行之。 上 侍講《 頭 慎 此 擴之,足 修 書 未 己安 臣 《墓誌 亂 言 德, 職 洪 .

^{■「}令」,原作「今」,據洪本、張本改。

浸長 言 進 退 便易 非 帥 委 邊 臣 任 帥 理 安邊之 當 使 後 重 人 慎,今以走馬承 福 畏 憚 命 不自 遂 寝。《 保, 墓 受 此 志 風

館 伴 儀 記》與之。 》,公曰 大遼賀正 二、一此 寬不 日 一使,使 敢 非 水水。 夷 者 狄 《墓 耶 所 誌 宜 律 知 寬 求觀 録 **元** 會

爲 徼 草檄 樞 歲 、公請 倖 密都承旨 文,喻 功賞之意,其後終 專 義 以 問 湖 疆 北 以 事 朝 諸 委 廷 蠻 荆 底 方 耳 南 敦 緝 出 唐 寧。 尚 擾 義 恩信 邊, 《墓誌 間 無 遂 勿 有 爲 自 率

權 爲令。 知 吏 共 逐官分治之法,人各自 治 疲 開 於 封 《墓誌 答禀, 府。 事 , 每有 舊 罪 以 人 異 推 困 同 1、判 於 或 伸 官 留 至累 分左 事 繋。 以 公至 日 右 無 壅 不 廳 決,官 遂 首 文

公常謂 費 擾。 : 乞隨等第立多 天下 積 欠 多 名 寡 爲 催 催 免 法。」 不 朝 廷 公私 乃

立定五年十料之令。《墓誌》

凡京 半,讀 精 聲 盗 然畏栗,至 其 者。 每 曰:「王公今日 品 神智力,如 城 物産貿易 ,居民開 償 公密令掩捕 偷 容 盡 數皆足。 數 者 力 所 + 不 户 無 萬 聚,謂之「大房」, 百 敢 在 m 可 緡 欺 知 人, 無 寢。 毁 賴。 讀 事 府 市 徹 囊 怪 矣。」公治開 儈 小 供 橐 念之, 日 隨 郡 稽 備 淵 者 違 情 庫 開 藪 逾 處 使 而 詢 户,外 多在 年,止 決 曹 有 老姦 其 封 讀 不 遂 由 僻 有 • 勝 吏 輸 以 遠 自 爲 乃 錢 究 其 無 以

六 年 故 曲 不 謝 一月,拜 次 延 進 和 用。」公遜 太 樞 皇太后 密 直 學 謝 土 諭 圃 · 簽 曰 : 進 書 日 知 樞 卿 密 陛 材 院 下 望, 事。 聽

●「讀」、《宋史》卷三四二《王巖叟傳》作「續」,下三「讀

爾 下 以 治 在 子 有 非 在 家。」因 所 更 失 清 H 政 0 面常 蒙 ()則宗 内 小 之 君 謂 加 進 朝 明 以 邪 否 子 蔽 聖 審 來 小 説 小 天 則 人 學者 察 聖 人 小 進 與 (繁年 人 無 社 納 人主 下 朝 便 加 官 深 人 * 在 參 此 干 西。 家, 諫 安 能 廷 0 然之。 參 進 用 萬 外 乃 E 邪 只 載 從 無 静 安, 如 用 , 又 爲 世 之 欲 欲 此 IE 則 善 由 此 之説 則 少 官 語 之 理 理 難 深 人 朝 得 甚詳。 願 家 公 成 進 務 乃其 福 誤 會 辨 君 未 廷 信 知 告 又 泰 合 聖 ጠ 也 苦 陛 邪 無 之 便 辨 陛 又 3 進 人 類 理 不 西 下 正 云 渦 有 勿 會 小 下 之少差, 心 唯 用 覺 應之者衆 日 也 兩 得 舉 者 不 人 太 疑 . 9 説 . 人 養 字。 所 母 卿 在 安 之 成 天 Ĕ 自 或 陛 守 不 更 以 之 内 際 説 下 治 君 禍 之 古 聞 IE 知 下 朝 象 與 此 君 君 果 平 F 子 有 患 亂 望 勿 今 廷 官 事

> 然 事 陛 係 競 小 子 、公曰 下 在 可 進 人 觀 常 争 見。」《墓 外 事 則 進 用 危 以 • 則 「人主 心 理 亂 成 自 言誌 於 之 否 然 則 此 基 稍 事 常 小 也。 稍 之 欲 邇 人 引 是 虚 英 此 既 去 非 心 際 進 進 平 不 讀 君 君 之 意 可 仁 子 子 邪 不 宗 與 無 不 IE 知 肯 所 小 偏 人 自 幸 與

因 倦 侍 以 與 非 以 下 特 始 勤 讀 消 造 講 留 書 次 日 筵 口 ? 聖意。」 爲 屏 可 謂 奏 樂, 成 絶 應 之 日 它 勤 天 須 日 . 應 好 下 : 在 前 陛 「看文字。」 積 幸 四 始 退 下 字 甚 累 口 退 《繫年 是 謂 朝 積 積 大 之 無 學 累 抵 録 對 專。 聖賢 之 之 事 日 要, 要 久 不 之學 在 陛 知 願 丽 阼 不 專 何 下

初,夏人遣使入貢及爲境上之議,既定時

請 H 預 戒 多 邊 不 臣 至 我 不 去 至 彼 則 來 勿 數 復 數 應。 勞 自 爾 公 夏

日 蓋 當 家 進 危 遂 與 元 狄 H 白 夏 近近 歳 兼 祐 下 後 萬 無 . 猶 呈 來 故 日 形 一熙河、 保 岁 講 向 意 者 厭 以二十 如 形 以 邊 0 得 初 未 和 示 在 此 勢 爲 奏 пŢ 膏 後 劉 畫 弱 與 之地 嘗 蘭 不 受侵 延 稍 腴 界 來 0 五 相 之 可 愆 州 安二捷 頻 之利 不 秋 萬 師 亦 也 棄 期。 界 當 凌, 更 贵 銀 日 可 西 朴 有 在 獨 失 要 0 口 絹 微 人 虞 日 亦 報 質 我 延 否? 意 (之 則 輕 賜 仲 誌 無 須 孤 地 帥 子 在 議 與 不 厭 恩 日 看 意 由 勝 而 棄 若 得 0 嚴 簾 威 道 在 在 躐 如 州 西 與 早 余 中 並 理 與 西 不 ? 堡, M 兩 商 日 行。 或 熙 如 可 前 力 堡, 量 泂 何 不 今 争 自 子 遂 不 夷 余 盛 知 或 T

> 録 由 》〇《墓 自 執 志 憲 $\stackrel{>}{Z}$ 主 一堡 延 帥 乃 充 議 國 留 故 屯之所 進 説 如 此 年

六 既 糧 視 請 行 與 城 年, 築 廂 府 之。 成 帥 遣官 後 厓 ,●衆議 龕 州 種 築定 夏 落 巉 谷 衆 物 患 司 公言甚 賊 堡, 諭 大底 論 遠 未 至 數 勝 未一 熙 切 爲 以 Ė, -虜 萬 如 趣 帥 當 得 據 萬 居 寇 或或 河 且. 力, 要 從 ,皆公之力也 相 即 定 外 損 害 便宜,不 遣 照、 欲 熙 西 以 事 轉 之東、 户 帥 其 以 爲 定 體 寇 疏 部 范 七 調 不 涇 西 請 巉 育 員 取 必 發 口 通 原 乘 而 外 經 偵 中 鄿 軍 與 遠 及 此 東 毁 郎 伺 墓 馬 覆 夷 之 進 河 誌 徑 賊 之 支 夏 穆 狄 北 堡砦 計 隴 定 費 地 衍 遠 右 錢 皆 諾 行 因 得 壞

●「如」,原作「姑」,據前文及《宋史》卷三四二《王巖叟

儲 赦 成 以 官 之, 立 祥 也。」宫成 日 土木 ,有此 無 宫 以 治 不勞民 古古 益 成,太皇太 成 平. 爲 於聖治 人至 先 志 中 將 戒 真 帝之志。」公進 願 醴 有 肆 ,今太 此 也 盛德之美。 泉 赦 垂 后諭 宫 成 死 、皇與 既 公曰 墓 諫 日 占 成 君 : 皇 一:「天 無 無 它 日 先 然 帝 赦 赦 . H 自 帝 出 者 禧 願 占 陛 閣 以 既 中 此 勿 皇 下 中 X 對 祥 復 君 口 嗣 物 不 常 見 又 源 爲 煩

時 帝 選 既 辭 是 所 執 禮 生。 選 政 降 以 庶 后 恕 進 得 制 久 日 出 賢 及 定 ?」太皇太后 間 :「今得 未 過 外氏官 后 選 決。 名 房 ,有内助之功,不是小事。」公 今皇后 篇 事 H 狄諮 女 諱 須 家 評 奏 太 深 女, 答 不 事 議 皇 以 識 日 0 年 畢,太皇 太 爲 今者 . 公 命 后 然,議 臣 進 似 諭 狄氏 女, 便, 日 日 太 遂 . 夫 后 將 然 「皇 爲 諭 婦 按 何

難 邇 非 英 宫懿 家 帝 歷 之於始。」 對 謂 代 須 進 日 範》, 偶 讀 后 . 在 聖人言 節 寶 事 皇 内 上之。 訓 迹 帝 太 助 事 미 至 皇 雖 以 — 節 如 太 便 是 Ē 費。 爲 墓誌 是 后 能 后 家 法 者 以 事 有 何 2者,成 公曰 冉 公言 ,其 濟 天下 要 如 既 語 書 定 當 Œ 退 凡言 上 家 每 卷日 公乃 日 E 事 須 節 當 以 在 用 取 中 皇 E 慎

公内 隱 測 鑊 己 數章,必行其言然後已。《墓誌 温 人 儉 公 望 不 必必 不 剛 爲 亦 風 III, 意 外和,志 寘念也。 卹 與 爲 則 聽 公處之 己 之 之言 命之不暇 積 私 較。 其 久 自 日 見欺君 大 累 其 こう音 故 如 日 而 人 立 公直 略 居 或 朝 至 寒 害 其 朝 用 廷, 于 心 前 細 民 廷 自 再 栗 犯 者 或或 進 饒 執 妫 之, 説 雖 以 政 或 憂 無 雖 前 不 慕 柄 在 義 所 誌 司 有 鼎 馬 節 在 加 日

公於學 語 體 其爲 傳記 ,無所 ,然平居未嘗見露文采而矜知聞 文閎深含暢,語 漢 八唐諸 不窺、《 史,略 詩 》、《易 省 舉 ጠ 成 理該 誦 八九深 春 動 數 秋》 百 》皆有 得制 言 也。

(墓誌

十二之三 諫議劉公

寧六年 府 諫 IE 字。 左 軍 又遷左諫議大夫,除中書舍人,辭 公名安世,字器之,大名人。 擢 進 巡 士第, 右 判 IE. 官 言 歷 「遷起 哲宗 洺 州 即 居 司 位 法 舍 除 一人,兼· 多軍 袐 中 左 書 河 省 南 熙

公儀狀 之也。 好聲 侍 不移。 體 側 撰、知 無欹側,肩背竦直,身不少動,至手足亦 復直 送峽 州 濮 分司 俄 初, 王 知 不 魁 色,不殖貨 肅 落職 真定 隆 州 復 拜 移梅 窮經樂道,至老不衰。 性嚴毅, 碩 團 除 龍 州 以以 觀,南安 南京,新 如 鄆 之府,落 編管。 圖 練 寶 也。 聲吐 知沂 集 州 州 閣 副 文 賢 ,待制、知真定 閣 財 使, 其 雖 州 如 州 職 殿 軍 徽宗 宣和 久之,提舉 ,誠心自然,非 孝悌忠信,恭儉正直,不 待 家 修撰 ,貶信陽軍,除名 知 鍾,見賓客,談 別駕,英州 鼎 居住,責授少府 居 制 南安軍,改 州 即 七年卒,年七十八。 無 提 樞 居 位 墮 舉 移 住,未行,除 密 容 南 西 《言行録 府,罷,知 安置。 都 衡 ,子弟進 京 京崇福 提 承旨 勉强而 州 論 鴻 舉 勒停, 少監 慶宮 踰 元符 尋 洪 時 宫 見 潞 改 州 修 出

開 對 實 終 己 以 者 知 爾 召 爲 温 平 開 洛 温 府 身行 有 河 公日 生力 終 公長者。 , 俯 數 ,今劉司 司 . 日 斯 公。 公與 身行 户者 北 贓 問 年 未 温 不 仰 轉 之。 能 熙 . 公 行之,未嘗 口 知。」 「自不 面 無 運使, 之者。 信 寧 謂 馬 日 法言 有 我 媿 然公心 日 調 之語 六 温 日 吴 不 人 不 爾。 洺 年 公爲 : 妄語 嚴 避 爾無之,姑去。」於是 告 何 以 温 州 明 席 以 人 悦 司 一公問 爲 舉 誠 常常 須 公 司 同 守 始。」自 問 對。 户 不 進 訴 告, 臾 不 日 年 法參軍 法 盡 士,不 仕 明 贓 : 自 爾 離 . 契, 吾其 ? ,官吏畏之。 温 心 一行 污, 日 快 有 是 也 其 行 公説 因 ·, 時 公以 贓 拳拳 就 閲 如 之 誠 日 己之要, 違 故 遂 何?」 選 視 何 乎 温 木 吴守 \ 復從 從 弗 倉 先 公 衆 來 朝 漆 司 徑 學 ? 庫 失 公 教 禮 户 按 吾 方 行 學 彫 歸 于 口

> 有這 横 年 意。 也 通之耳。 理。」因舉左手顧之笑曰: 字,更撲不破。 裕。」〇又《道 括日之所 業,凡三 公同 乎 俪 此 言行録 妙 動 mi ?! |後 後 問甚善 年 安 用 凡 簡 後 意 世 成 道 五年得 無 四 以 及其 行與 不 理 自 方 處不 其 當自 日 因 得 也 護 樂於教育 此言行 釋 (成功, 凡所言,白 韓 讀 通 曾 誠 往 録》云: 不妄 語 瓘 然。 楊 事 是 以以 所 事 以 天道,思誠 日 子雲「君子 語 所習所 也。 記 此 着 致 故 「誠」、安 言 公言:「安世平 人。」余初 力 村. 表裏相 相掣 《談録》 0 白 安世自從 不 門 一只 畢 疑質焉。 公遣安世從學, 獨 肘矛楯者多矣。 必 × Z 竞 爲 是 世 <u>У</u>. 應 人道 不 甚 信 有 請 避 其樂無窮,任 這 易 公 是 十五 遇 問其目,公喜 公忻然告之無 之,及 礙 只 軀 事坦 E 生只 此 天 有 歲 殼 通 人 而 笛 然, 以 是 故 無 與 先 退 諸 誠 後 後 常 力 公休 假 兩 而 人 理 怎生 與 便 思 箇 箇 有 行 自 口 日 縦 知 以 道 誠 餘 七 隱 買 温

温 公 薦 充 館 職 因 謂 公 0 知 所 以 相 薦

● 「左」下,洪本、張本有「右」字。

爲

依

薨

雖

害

職

者

公: 節、去官 少學於光 師 之人 善善 服 執 + 荆 違 己 °」《言行 政 也 事 諫 政 有 年, 公、 孰 顧 楊 III] 類 興 送 間 賜 五 近 望 爲 喪 吕 自 不 光 足 訛 晚蒙 \Box 傅 世 録》○案《文集》有《乞不就 亦 惠 司 ·與 居 大 m 下 失, 造 臣 多 爕 中 遽 日 馬 卿 僚 夫 推 間 以 王 獨 畏 訕 外 温 飾 獲 朋 郡 以 薦,今光 相 多出 薦 無 蔡確 固 此 吕 足 從 憂 公 邪 將堂舉孝廉,後聞 陋之辭 公嘗 更 辟 公 書。 二人之險 當 下 公 之。 磨 相 門 唱 則 其 勘 薨 遊 時 慶 國 爲 章 下 迭 以 與 門 此 謝 舉 節 舊 宣 温 惇 和 意 1. 兹 蔡 光 者 臣 問 素 矣 公所 1 布 榮進 繼 既 Ť. 蔡、 邪 之 試 訊 所 章 没, 后 甚 列 不能 踵 ||狀|||云: 會 其 小 所 温 不 章 實 厚 薦 内 亦 於 執 喪、皆 間 温 在 人 効古 以 所 絶 公 皆 復 虺 外 政 未安。 吕 公 惡 擢 朝 Ē 相 報 , 用 蜴 人之 去 右 罷 遽 其 申 廷 口 幾 薦 光 官 景 胡 是 宗 之 之 時 康 同 見 親 下 或 太 耻 來 或

自

Ŧ

臣

行

興

也

位

二省 要之 制 所 侍 循 戚 事 師 掃 執 差除 職。 俾 默 引 郎 公著 專 地。 凡數 平 政 固 私 自 豈 章 用 大 頗 親 今廟 自 此 + 親 臣 左 得 左 軍 多 Ŧ 以 人 黨 親 政 僕 無 丞 或 而 安石 堂 往 月且 存 戚 府 罪 依 射 重 務 之上 属 子 親 ? 違 大 事 快私意 日 右 秉 弟, 戚 防 其 彦 精 : 願 丞 政 猶習 間 博 更始。」《言行 未嘗敢 宗 出 右 以 中 公言 後, 不 愈 僕 臣 書 司 故 堂除一 此 侍 射 空、 + 能 . 態。 盡 受 章 純 郎 糾 年 ¥. 内 廢 祖 間 摰 IE 子 徧 歷 累 宗 外 雷 未 弟 門 軍 聖 華 疏 廉 小 以

mi 愈 已 相 諫 除 繼 ,皆不 官 右 辭去,獨 王 丞 覿 報 不 坐 恊 是 公 中 公 罷 與 執 論 斥 左 决 臺 於 司 孫 外 諫 諫 菜 更 韓 老 然 疏 Л 御 論 同 諫 史 列 楊 論

其 賢 罷 章 退 付 中 又 之, 善 下 論 官 公議 奏 宣 退 后 · , 而 陰 之事 疏 外 丽 從 簾 執 《言行録 、然後 結 言 若 8 施 又 以 有 后 政 朝 微至著 中 公論之不 若 惇 以 執 爲 右 行。 因 今且 豊 廷 有 差失,天 政 丞 問 劄 不當。」 舉 確 用 是 謀 語 之官 子 ూ 試 自 而 試 猷 人 右 日 凡 論 早 Ė 其 加 近 獻 派 人之地?」宣 下 + 有等級, 即 皆 宗 所 於 宜 陛 H 替 . 將 略 恊 右 愈向 爲。」公 又申三省 衆人之上 差 自 下 省 事 有受弊者。 派 陳 輿 動 除 所 爲 宗 奏 望 且 皆 爲 章 要 如 去就 與 愈 事 住 中 蔡 須 一謂 + 唯 何 朝 罪 罷 仁 一、乞請 確 理 餘 歷 ? 是 0 心宗 劉 狀 夕 則 后 引 試 胡 E 安 執 朝 以 古 人 圕 公 用 嘉 宗 世 政 愈 章 皆 此 灼 宣 與 爲 議 無 廷 納 愈 設 遂 皆 見 有 疏 留 論 盡 天 異 111 今

章 乞 置 之志 責 究 閶 之 民 前 内 用 時 得 疏 復 次 惇 太輕 詔 並 殘 院 再 進 第 9 不 懷姦謀 於 殊 流 而 行 推 忍。 用 崑 敢 坐 陳 報 贖 敢 叨 加 離 無 黑出 劾 訴 治 Ш 買 未 大 失 銅 憑 濟 0 臣 而 責 因 縣 田 其 厭 任 皆 業 恃 造 + 沮 以 乃 0 子 御 緣 强 崑 不 起 公議 斤 [X] 毁 不 陰 極 之 章 史 E 市 Ш 豪 陛 法 邊 敢 乞 聖 謀 論 禮 臺 四 安 民 嘗 隙 受 下 公 特 政 之 蘇 0 劫 上 亦 \blacksquare 石 況 復 嗣 理 藴 賜 日 州 持 徼 及 罷 不 9 以 惇 位 争 朝 人 吕 大 竄 . 及 幸 州 又 以 彈 執 至 與 廷 之, 户 奸 惠 本 娅 擢置 富 縣 家 經 悖 政 案 劾 令發 確 經 之才, 路 卿 貴 以 户 難 0 仍 慢 惇 使 州 黄 監 之 上 謂 部 蔡 公 抱 退 帷 運 委 無 在 縣 黨 履 樞 司 論 累 確 辜 幄 先 司 歸 死 而 監 訟 所 邢 之 之 黨 E 臣 帝 亦 里 引 遂 輔 而 司

賢

爲

朝

廷

不

口

日

無

安

石

寧

口

涿

佳

士

屬

者

安

石

家

居

常

求

對

極

稱

其

始

四日

附

E

荆

公,

故

神

宗嘗

H

李

常

非

:

臣

口

罷

安

石

既

退

更

具

以

此

言

告

於 理 非 惟 皆 爲 文 尚 理 因 徼 恕 逐 止 大臣 愚 務 清 顛 處 其 幸 素 在 罪 深 至 朝 始如 從 民 自 異 相 從 恐 公。 一,天 丽 之 华 交 致 日 丽 無 + 薄 亦 别 所 結 屈 人言 下 惇 惡 名 罰 天 己 籍 若行 宜 於 所 係 自 太 下 行 異 貴 何 望 首惡 愚 謂 甚 且 遂 之人, 也 於 財 近 以 前 干 民 社 IE 兀 」《言》 亦 繋官 冒 複之 事 之人, 況 此 典 夫 虧 懲 指 犯 狀 下 刑 乃 而 損 行 ? 吏, 臣 爲 顯 狀 録 姑 乃 廢 猶 名 一,貪天之功 異 兀 聖 著 之 息 於 有 止 教 因 H IXI 日 之 人 公 絶 惇 常 贖 考 却 弊 制 卿 刑 致 銅 按 若 滅 惇 欲 政 法 惇 伸 父 竄 律 不 事

諭 用 指 篇 足 所 確 疏 徙 道 安 功 陰 賦 慝 祐 人 包藏 多多 安 方 目 郎 緘 以 間 相 性 石 謗 攄 又 有 乘 州 入,未及行, 覩 官 蔡 交結 柔 爲 以 自 泄 訕 涉 默 尤 輿 所爲 確 邪 賣 爲 其 御 請 君 禍 譏 不 今並 恩。」 秉 猶 史 事 爲 情 潁 故 親 意 心 訕 一镑詩, 在 中 濯 悖 ? 理 昌 心 在 終 當 居 世 至 謫 派 常常 逆。 切 ௱ 自 不 此 它 會知 無 時 丞 尤 於 籍 害 爲 公即 便。 與 而 '已爲 雜 H 恶 蓋 犯 篇 户 0 滄 侍 口 漢 面 時 Ħ 之。 確 論 章 部 昔 尤 SHI 爲 捨 海 御 陽 大 0 清 事 自 惇 蔡 諛 尚 甚 奏 揚 其 公言 史 不 軍 議 變 如 强 或 謂 朋 書 確 日 波 弟 盛 吴 敬 所 易 非 法 此 监 買 黨 用 處 以 碩 陶 貶 之 所 者 廢 髮 事 民 徼 借 厚上 確詩 陳 陰 殊 陶 語 方盛 宜 七 矣 之日 常 田 幸 唐 爲 乞 無 庇 及 言。 事 復 其 + 蔡 内 爲 考 女妓 陶 公 元

争 誉 等 F 不 光 **\$** 與 史 夜 論 政 舍 畢 本 進 盛 以以 肯 救 下 始 禄 ·, 特 寒 無意 貶 確 具 左 王彭 則 心 草 詩 崖 厒 卿 行 諫 爲 朝 齊 至 竄 行 亦 制 遣 議 州 殿 堂 李 廷 奮 分 竄 年 確 責 過 皆 公與 比 大 日 之 常常 吏 中 , 於 爲 死 逐 命 司 極 公 夫 例 坐 户 事 侍 以 力。 確 新 太 陛 南 力 與與 梁 燾 條 是 條 彭 爲 御 州 輕 下 京 之黨 救 極 梁 燾 列 并 同 若使邪 例 汝 中 不 之計 有 對 確 密 燾 未 奏 间 H 翟 於 宜 以 礪 與與 口 0 奏。 於 彭 其 出 厭 闡 是 思 長 旲 0 曾 憂。 公言 延 與 汝 罪 殆 中 説 此 安 己 臺 監 肇 即 和 議 礪 初 派 得 居 風 詩 請 中 此 ൬ 察 日 以 挂 行 其 李 兩 0 蔡 俟 吴 同 臣 盛 宰 御 在 還 常 半 宫 疏 上 空。 蔡 中 L 確 摇 處 所 厒 中 相 詞 宣 自 侍 + 疏 捎 責 以 確 厚 動 書 謂 百 J 頭 諭 端 繳 彭 挺 御 餘 力 授 夙 執 爲 事 確 謂 IE.

> 汝 言 礪 行 録 落 職 朏 守 偏 州 曾 肇 亦 罷 斥 外 補

蔡

年 帝 之 中 聖 其 内 確 臣 未 語 臣 神 間 之末 言 患 出 外 聞 能 E 雖 近 履 若 蔡 見 嗣 貶 盡 嘗 考 往 恐 爲 位 臣 確 群 達 晏 示 尚 進 脅 號 來 中 聞 臣 一駕 早 章 天 對 與 貴 四 爲 傳 永 元 爲 聽 章 惇 人者 近 死 送, 與與 都 論 衆 豐 辨 惇等自 黨。 黄 謂 下 蔡 爲 七 其 天 以 事 E 履 確 喧 中 前 年 寮屬 謂 下 體 惇、 臣 朋 傳 外 秋 H 之事 謂 邢 有定策之功 至 恐 黨 憂。 之出 和之 宴之 確 有 恕 重 以 異 執 定 雖 四 爲 7 於外, 公復 日 在 · 已 日 不 策 政 粗 X 盛 必 其 者 口 陳 功 示 倡 今 事 爲 言 掌 不 大 與 恕 之 E 眩 朝 創 在 日 握 憂。 概 於 皇 惑 明 狂 元 造

當 草詔 末 敢 遠,爲宗廟社 助 之意 天 賢之宅,才告畢 經 太 其 得 太 王 著 下之人 理。 爲 時 貪天之功以 宣 皇 輒 后 事 日 實 金 受遺之臣 誕 其事三也 太 人。 詣 即 示 録 縢 其 也 后 時 寢 其 執 告 之 莫 事 殿 内 有 面 政 外 書 四 不 建 候 諭 複 出 以 後 庭。 同 儲 爲己力。 也 也 服 稱 曹 無 見聖 皇 藏 工 並 明 之際,大 起 陛 陛 美仁 以 窮之計。 帝 之禁 , _____ 令還 IE 此 蓋 居 自 下 下 親 爲 心 實 四 事 及 先 之聖 聽 孝 王 見 神 無 中 伏 宫 太皇太后 [X] 帝 己 . 發 政 即 策 臣 疾 考 私 · ; 非 望明 之罪, 彼四 先定, 違 之 明 於 日 立 未 勢 祈 , 又 豫 保 初,首 遷 天 今上 遇 嘗 稍 以 詔 深 福 人者 就 性 佑 宣 啓 嘉 布 增 其 不 得 執 聖 手 事 慎 外 召 沃 告 事 慮 假 遠 建 遂 政 書 太 岐 迹 第 及 天 本 嫌 親 乃 皇 深 外 **\$** 佛 丽

> 貴 邢 下 女好 恕 除 豪 欲 蔡 屏 乞 確 息, 並 近 E 它 行 貶 日 逐 竄 無 之 外 遠 患。」 方 所 由 有 終 是三人亦 章 身不 惇 黄 履 所

得罪

《言行

録

始,公論 旨 事 説 以 政 云: 逐。」至是乃言 行 爲 前 日 (見,以 , 乞依 名取 遣 范 力 言 盡 因 『不知是何姦邪之人, 一蔡 行 \$ 純 司 解 蔡 言留 人,其 確 寢 舊 馬 反 確未 之。 死 了日,當 覆 罷 汗 散 光 争 之。 弊至如 顔 久 行 青 時 陰 之。 畏 之,且言 在 光 苗 左 懷 兩 當 節 縮 謂 病 息 丞 顧 又於 府 時 此 告, 不不 次 臣 錢 E 望 中 。」以 公嘗 劾 日 敢 存 遂 獨 「純 光 : 上 奏奸 止 勸 E 以 范 仰 聞 L 前 奏 爲 陛 去 純 視 或 丞 皆 全身之謀 其 黨、乞 云 親 仁. 行 下 用 相 事 光之語 自 爲 自 復 尋 不 留 數 得 爲 奏 爲 樞 力 足 賜 伺 身 聖 此 疾 執 禀 爲 密 竄 候 簾

去。 臣 不 《言行》 敢 有 字 增 損。」 純 仁 與 存 遂 皆 罷

遷 秋 樂。 昔 衆 起 帷 願 下 簡 封 公 民 納 有 久之,公偶 不 者 問 I 怒 曰 爲 間 府 詰 居舍 尚 后 仍 頗 宗 了,安得 可 帝 之 成 録 喧 引 其 有 未 l:「汝 答 廟 以 實 人, 湯 堯 傳 近 實 納 故 社 不 預 不 見 臣 如 有 兼 狀 惟 后 爲 稷 勉 邇 其 求 因 何 此 所 左 家 以 之大計 ,太皇太 聲 與之議 事。」 言 未 乳 ? 敢 聞 可 臣 天 人雇 色, 嘗 爾 内 母 諫 忝 下 媪 公 妄言 降 輒 即 萬 備 清 云: 爲 乳 論 與 后 臣 時 信 指 E 言 世 憂, 母 前 間 府 不 謂 有 疏 揮 傳 職 古 之 内 미 録 陛 詔 不 面 牙 近 誦 且今上猶 當 見 治 燕 東 以 言 有 權 敢 日 下 媪 亂 求 諫 門 不 契 罷 傳 皇 以 富 頻 以 之要, 乳 勸 其 司 講 位 者 謂 御 帝 於 迺 大 漸 也 母 筵 益 **『**毕 經 爲 春 者 折 開 未 無

一点点 論 聽 堂 規 交 所 語 忝 當 居 世 之,且云: 卿 但 於 善 ",柰何 集 之。 侍 宣 一,恐 所 論 厚 誤 備宰相 俛 祖 今政事之宜 心范 後 從 明 諭 愛, 善 首 聽。」反覆 禹 駭 公復 官 不言。 臣 0 日 論 反 過公所 人 而忘其可 而 以 事 歷 公 · 兩 思 止 臣 聽 無 可 實 觀 上 聖 初 之 同 與 府 諭 由 未 疏言: 良 前 宣仁后 語 唯 地 奏事 悉 祖 列 今 與 嘗有 安 世之主 久,公云: 趣 諭 唯 耶 戒 俾 禹 給 言 世 且 ? 宣仁 小 開 m 安 共 事 官 無 者 「伏 則 職 日 吏白 己。 陳 事 世 再言 中 相 於 天 一,鮮 . 在 闡 稽 0 於 以 范 見。 下幸 是 后 勸 德 徐 此 首 助 或 宣 0 有 臣 祖 醇 留 講 音 承 事 聖學 史, 日 諫 不 若 甚。」 甫 禹 吕 請 諭 命 無 以 義 議 后 召 臣 雅 繼 退 丞 聲 當 哲 感 朝 醇 臣 請 與 至 相 此 而 無 H 抃 盡 都 臣 宗 色 以 亦 告 復 恐 甫 服 退 安 溺 8

之, 業 則 朝 廟 猶 口 又 則 臣 社 陛 爲 不 占 知 伯 旨 際 伯 病 以 用 兩 、公與 之, 始 熙 意 端 其 利 寧 終 黨 言官 爲 因 脅 反 中 之 梁 自 薦 以 覆, 王 以 燾 熙、 必 平. 全 計 禍 出 安 争 舊 朱 豐 , 石 怨 無 光 因 舊 兩 日、 所 吕 庭 以 人 謂 黨 范 不 惠 每 逐 鄧 之 至 又 卿 之。 極 温 調 附 更 相 力 伯 亭。 大 蔡 争 尤 公 相 爲 臣 畏 言 確 論, 傾 翰 差 多 陷 爲 昌 除 林 首 温 公 之 欲 鼠 温 承

愛其

子

孫

以

爲

嗣

續

之託

面

況

或

能

保

固

真

源

增增

益

壽

考,

聖

賢

所

戒

爲

0

至

於

近之太

早

9

御

之

無

節

則

寒

心

Ħ.

世

一俗之

間

粗

有

百

金之

産

公以 累上 報 草 事 制 即 宣仁 義 豈 不 稱 引 理 可 報 其 疾 后 開 虚 有 在 陳 日 由 又 定 . 臺 於 退 策 陳乞宫 諫 卿 延 之功 復論 ? 等 和 須 面 亦當 0 之,凡六上章,不 觀 體 對 乞行 朝 出 尋除 極言 廷之意,天 自宸衷。」 罷 中書 臑 論 0 難 舍 疏 其

自 景慶 荆 公之徒 垂 簾 多 復 爲 祖 飛 宗 語 舊 政 以 動 温 摇 公 既 在 位 薨 一,誘之 之後

伯實

王安

石

黨

梁

か憲、

朱

光

庭

劉

安

世

皆

、公力辭

門

下

侍

郎

劉

幸

老

亦

奏:

温

忠

純

諒

直

之臣,

中

外之情

以以

其

去

住

1

朝

后

《言

行録

專

寵

孟

后

出出

廢

E

位

中

閳

是

爲

昭

懷

皇

公言

始

窮

詰

其

事

乃

知

雇

乳

母

者

爲

劉

氏

德

留

意

間

學

清

心

御

欲

增

厚

福

基

臣

不

勝

倦

倦

愛

君

之至。」宣

后

初

不

知

因

之

所言

猶

失

諫

官之職

萬

有

稷

無

窮

之計

乎

?

若

陛

下

實

未

當爲

下

総

而

有之,可

不

自

愛自

重

爲宗

十年

之太平,六

聖

一憂勤

積

累之基

臣

之進

説,

已

是後

時

惟

冀

陛

下

愛身

進

也,后

怒

而

撻

之,

由

是

劉

深

以

望公。

其

後

賢 中 狂 殿 使 意 修 宣 向 撰 諭 憂 提 錫 或 舉 之臣 以 西京崇福 珍 膳 無 不 公請 疑 宫。 懼 益 **《**言行 堅 兩 録 乃 宫 除 復 集 谱

公徧 者 以 執 奏 爲 盡 對 俚 皆 簡 急 每 歷 言路, 其 語目之日 却 汗 以 且 立 縮 辨 前 面 竦 是 伺 正 折 且 聽 非 色立 天 庭 却 殿 邪 威 争, 者 公退, 上 IE 朝 少 至雷 虎 爲 或 霽, 知 _ 0 先, 至 則答 霆 復 無 《言 四 進君子退 之怒 不言 前 行 五 嗟 極 録 嘩 青 赫 論 殿 服 然 庭 無 小 至 觀 時 則 人 不

公曰 逢 仲 揖 省 衫 り、斂馬 宰 相 歸 而 相 相 過 識 不 安 從 下 於浚 世 歸 吕 如 廳 當 府第, 作 何 微 呼 時 ? 溝 都 仲 若 門 廟 承 遇 作 吏檢條, 無 下 下 日日 之於 左 所 省 既 相 待 據 法 塗。 至, 制 吏 與 但 則 問 遣 有 執 爲 欲 余去 人 尚 政 至 犯 傳 書 從 義 出 梁 蓆 語 省 帽 尚 門 官 官 道 微 凉 相 書 見

> 曾言 廷。 日 其 宣 擬 避 相 避 之 後 安 之 宰 令、 遂 對。 出 范純 日 世 相 樞 僕 輟 密 真 之 由 「今既 ○」《譚 宣 院 兩 定,宣仁 法。 安 仁 奏 省 純 世 事 曰 録 微 官 不 仁今既 章 . 各 作言 仲 宣 難 _ 疏 遂 避 如 1. 之, 己 其 此 事 復 11-申 官 吕 官 圃 相 正 前 然 長 人,宜 宜 復 語 終 自 拜 韓 不 少 不 ∭ 吕 相 避 图 樂 月 無 師 之。 留 朴 妨 安 相 兩 0 世 遂 范 朝 如 制

元 上 祇 議 祐 四 之祭,易夏至方澤之祀 十人,又有三人,欲於十 ,從之者五 中 親 詔 祠 議 而 北 通 人; 郊 權火,●天子於 典 余謂 禮 須當 蘇 , 子 復 分 月 膽 祭,從 禁 有 以 主 中 一人,欲 合 神 望 祭 州 者 拜。 僅 之 地

●「權」、《長編》卷四七七哲宗元祐七年九月戊子敘

謂 進 子由 官 後序》2〇 作前 狀 口 初 盡 得 漏 既 上 不存一,懼 一, 決 上。 惲 ,使覽者得 爲寒心」 ,亦但慮「減 非 泄 「合祭已久, 甚平易,後爲 引「昊天 而 固 芫 時 議 子瞻之勢, 朝 其徒 無 恐難答,莫若白子 爲門 奏之語 比 以 廷復送下三 劉 遺 答之。 觀 公奏 者。 有成 後 馳告子瞻 加 下 以 狀 人不 -侍郎, 己。 深深 神 損 推 略 臺 今覽 莫敢 命 門 祇 既 禋 Š. 見 文 口 知 余 所 人開 送 賜 狀, 詩 事實 選 駭 即 印 蘇 攖 日 本末, 隨 饗,改之必 同 ×, 以 軾 異。 日 本, 動 觸 再令詳定。 説 其 謂 云 由 0 若 議官簽書 難 印 降 軍 合 所 追 乃 因 行 旨 分祭之 遂 其 中 祭員 呕 劉 記 論 蒙 禮 子 罷 録 爲 公北 之情 令罷 劉 舊 有殃 見 部 瞻 議 E 奏草 以 後 承 文, 議 推 所 議 竟 於 郊 理 狀 旨 遂 子 之。 禮 咎 議 於 折 又 議 以 瞻 致 大 爲

> 不可 之世 之志,下以 之與正 所守,乃先王之正 殃咎之説 之類,不知爲一祭邪,抑二祭也? 日。 黷 方位 得 姑息之弊法。 冬報也。」《噫嘻》之序 此 占 丽 或 不不 亂 詩 者求神 朝 不行, 猥用王莽不經 「季冬獻 ? 天地。 、牲器、 圓 ,終篇未嘗有合祭之文,序乃後儒之辭 可 一, 決 歲 議 丘 復 ,劫持朝 以 者 不可 Œ 方澤、各歌此詩,以爲樂章耳。 改。 樂舞, 郊, 又引「昊天有成命」之詩以爲證。 類。 魚 F 乃欲 聖朝寬仁,不欲遽 載之惑 合。 ,春 臣等 占 天 皆從 因 禮 廷 已 薦 陽 伏望 前 "。必 此 謹 疎 鮪 日 ,豈勝 之説 造爲險語 其 物 闍 按 也。」《豐年》之序 欲 蘇 聖 《周 類。 也 「春夏祈穀于上帝 從 軾 豈 慈 幸甚 之議 르 至引夫 可 地 今議 禮》 詳 因 甚 以以 罷,若分 陰 審 天子 若郊裡賜予,乃 循 皆 者於聖 無 物 其 動 婦 謬誤,不 謂 後 也。 當 上 同 親 世 也。 日 而爲 牢 聽 祀 之便 如《潛》之序 歲 了又引 私 上 曹 也。 成法 大 以 臣等竊 亦 月 加考正 媟 抵 體 宜 謂 年, 時 之 凡 神 何 五 如 則 臣 禍 成 H 權 等 所 此 福 周

- 「徒」、原作「徙」、據文義改。
- 「□□」,底本原爲空格。

宣 声 鄧 其後 章 益 此 李、 軍 人 元 鎮 新 進 於元祐, 出 執 問 乎? 祐 惇。 常常 勢 行 書 政 法之意, 士,李、 后 排 鄧之除。 而 公、公日 范 石丞。 中 於 Ш 即 晏 去正 吕 网 、熙、豐 言者 へ駕 派 昔温 必 用 派 乃 未幾 \ 鄧 相 李清 吕 無 相 從 以 門 撰 時 如 以公頃言 二人 公爲相 時 紹 亦 先 派 易若 M) 元 策 大臣 冰 人 後 臣 聖大臣 不 中 相 朝 題 微 炭 狀 豐 免遠 爲 皆熙、豐之黨, 使 傷 事 反 不 仲、 范 卒 日,蓋 舊 中 歷 陵 故 激怒上意。 掌 元 必至 用 公之行 蔡確 書 人悉皆 詆 復 下 堯 開 竄 祐 調亭之説 朮 侍 夫 讎 調 倖 諸 知 一紛更; 范 乃 郎 落 祐之政 之禍 門 其 亭 不 丞 深 日 收 鄧 職 知君 後 之 相 延 媿 : 召 公 知 必 説 會 屢 盡 温 奏 於公。 有 子小 或 南 使 果 遂 乃 有 庭 遂 申 見 乞 伯 反 以 其 安 何 出 於 策 相 復 攻 有 爲 除

> 以公 恐 覆之 不 爲 禍 及, 知言。 然 何 暇 救 《言行 更 生 顧 民 異 録 之 日 患 如 身之患 救 焚 拯 溺 世 猶

公度嶺北 側靠 啜 凡 遷謫 Š: 荒,且 談 世 宵寐之變。」 安世念不幸使老 憶 古 可 茶伴客 事。 自 絶欲是 不敢爲。 以 温 雖 公言其平日 倚 時,年 絶 夜 不 公語云: 欲 遂 無兼侍 不 真 死 每 舉 來二十年,氣 望 寐 卤 有 父母 瓘曰 日 絶 意 ら自 至六七 中原,自 行千 契 絶之,自是 欲 有七, 康寧之狀云: 朝 惟其疾之憂,如 親 · 心 「公平生學術以 恐一 步 北 精 入於 是 2盤,初 不動 燕 神 先妣必 血 遂 炎瘴 如 人 念奉 必 意 日 逮今,未嘗 故。」公日 絶。 故 無 調 思只 在 温 之地,已是不孝,若 所 欲 息 「安世尋常未嘗 平 父母 瘴 如當 《記言 苦。 何 與 然 復 生 (俱, 得 誠 地 爲 起 行 坐 時 有 書字幼服 無 人, 「然。」公日 遺 觀 必 百 録 疾? 終 唯 慈 書 端 無 \exists 端 Š 體 日接 己,未 絶 之疾, 懇 親 未 往 又《談 祇 而 嘗 呵 罷 服 憂。 嗜 先 士 有 投 藥 畫 非 非 不 人之 嘗 亦 絶 友 欲 「安 許 寢 誠 義 録 因 炎 劇

之,以 便草, 草字。 覺 訓 拜跪七十有二,未 先 必 有 勵子孫, 如 T. 與 變異, 未 Æ 人書尺,至老未嘗使 能 書 坐 ,然後學行,行已 果 立 皆本之以 長子不 當 而 廢 便 走 闕。 · 禄。 也、安 誠。 此 故 人輒代。 能 祖 故心 有 至 草。 先 是 誠 嘗 相 理? 今人 如 傳、安 前 歲 神, 知 時 故 未 家 聖 世 終 本 能 廟 人 終 身 月 IE. 豈 身 未 前 書 吾 嘗 自 由 而

欺战

公言: 患 余 酒 遍 大 M 南 海 獨 身通 瘴 更 雖 方地 「安世 者 無恙。 加 雖 遍 黄 凍 以 此 歷 熱 酒 其 初 水 此 丽 今北歸 加 到 効也。」《語 酒 土 熱 必 酒 悪 南方,有一高僧教余言 不 之 大 性 冰 弱 發 極 已十年矣, 亦 3、它人 也。 疾 大 今嶺 録 、熱、《 故 故 必 南 疾 余 本草 死 煙 過 之 未嘗一 之地 瘴 狀 嶺 之地)所謂 即 使 , 日 斷 人 m

紹 聖 遠 謪 初 嶺外。 黨 禍 屈也。 起 盛 ,器之尤 夏 奉 老 日 爲 母 行 章 以 山 惇、 中,扶 行 蔡卞 途 其 所 母 皆 忌 憐 籃

> 惇、卞用事 所 所 載 久之, 所 抵 必 所 行 人也。 靡 舁 日 孟 無恙 及, 在 稱 廣 欲 日 守凛然, 擔 憇 子》,故 致於 病 州 遠 西 人皆謂公爲 樹 誠 乃去。 夫驚 殆 蛇,吾山 惡 一; 則 乎 軍 下, 而 年 `, 所 天 監 死, 州 己。 復 死 幾 剛 走 相 有 督 軍 以殺公者百計,皆 温 八十, 徙 大不 『言行は 故方 生 器 村 之 日日 大 者 一禍 公門 廣 之神,見官喜相 民 也 必死,然七年之間,未嘗 蛇 之 行 枉 東 無 竄 福 羅 不 冉 堅 之氣 ,凡二廣 所 不 下士多矣,如 一舍,或泛海 廣 拜 或 動 冉 悍 變,蓋其 不 東, 器 問 也 似之。 不 而 至。 之日 何 至 衰 則 間《 蛇 小此非 以 移 雖 草 不克。 若 《聞 平. 迎 至 廣 甲 盛 器之 「官 木 往 生 耳。 相 於 見 西 令》 夏, 來 皆 喜 向 , 此 力 既 者 者 所 讀 官 異 貶 然 披

先是,文及甫持喪在河陽,邢恕在懷州。及

禝 知 升 其 館 之 當 徒 證 昆 馬 除 一口 士 郎 甫 實繁」 父潞 地 一蔡京 馬 甚 訟 昭 」,朋類 塗 以 韓 遂逮 畢 銜 昭 危 之 清 朝 劉 川 劉 禫 怨 廢 廷 緣 公 紹 怨 Ľ, 派 疑 之 者 及 且 丞 祭, 不 辱之事 擎 也 駭 聖 錯 於 相 謂 甫 摮 類 迎 相 路 己 竄 , V 之, 末 鷹 摰 當 合 有 就 也 及公等 人 梁 揚 斥 任 外 以 * 7 當 大臣 吏。 委京 蔡 頃 必 也 所 煮 顧 者 中 書 塗 補 確 欲 摇 知 司 命 益 及甫 司 , 抵 之心 E 「粉昆」、 子 以 者 究問 乃 誣 也。 宰 馬 人 深 恕 H 巌 渭 眇 上 朝 陷 昭 相 謂 稱 叟、 受 嘗 躬 其 書 其 又 之 意 蔡 之 . 图 . . 置 旨 爲 彈 引 徒 濟 心 父, 計 在 確 劉 塾 獄 朋 甘 鷹 及 於 及 罷 實 之 安世 未 不 也 是 路 於 謀 類 、繁。 揚 翰 心 改 其 甫 以 測 미 9 時 同 危 林 快 月 左 書 者 必 孫 其 謂 所 粉 如 或 文 社 爲 學 意 遂 司 百

聖 信 世 又 著之人, 京 殿 物 問 輩 來 快 心 燾字 有 也 粉 躬 嘗 故 動摇 論 不 ,今欲快意於主上,是 ; 奏摯等逆心 意之地, 親 即 者 誣 論 不 謂 貺之,以 欲 形 然 一,一眇 寫 無 有 禁中 在 御 不逞之意 王 以 同 於 劄 丽 的 何 經 巌 眇 躬 章 法 其 確 惡 有 子 照 筵 雇 叟 躬爲 九 謀 照 疏 , 憂 相 據 一,及 乳 謂 肌 争 面 謂 據。」 族 本 國 者 ? 濟 母 主上, 前前 論 當 甫 出 甘 爲 如 之心 陛 果 召出 則 傅 謂「 坐 不 於 時 心 兄, 言 己 下 何 己。 得 粉 蔡 快 之於元 曰 摰 图 者 甘 則 陛 E 欲 心 無 京 意 既 派 其 心 惑 下 以 以「兄」爲「 之? 也? 爲 三省言: 故 之 相、 懷 先 Ė 快 主 昆 酒 可 祐 地 無君之心 父 親 時 王 意 色, 京 上爲甘 寒 謂 可, 今擎 猶 屏 於蔡 彦 如 黨 其 女 心 梁 寵 乞 霖 劉 事 爲 附 誣 也 昆 燾 説 心 貶 蔡 確 寒 图 安 顯 己 口

諸 此 死 更 子 劉 廢 並 安 及 不 勒 世 子 知 停, 移 孫 其 説 永 梅 ൬ 不 州 也 安 收 ___ 安 世 敘 置 詔 不 · 王 范 問 公時 祖 巌 罪 禹 執 叟、 剬 移 喪, 朱 化 殊 不 光 科 州 候 庭 安 如

服

関

赴

貶

所

念言

行

録

公在 諸 之誅 是 溝 時 不 命 餘 祐 「安世 利 郡 瀆 政之萬 乎 廣 内 貶 輒 ? 哉 人寖 臣 於 所 使 以 屢 罪 相 公, 陳 虚 造 客 或 大 向 忽 知 衍 不 此 家 責 垂 願 有 惇 爲 逼 禍 涕。 明 輕 公 所 何至 蓋 下 諸 動 而 若 正 自 厚 屬 公曰 累 0 流 不 典 裁 闡 士 朝 效 使者 聖 人 克 刑 無 類 兀 朝 廷 時 . 相 使 故 辱 一当 數 廷 夫 誅 公貶 不 人 授, 其 0 因 輩. 遺 貸 海 兀 ----非 自 **\$** 公告之 不 使 至 戒 所 島 婦 甘 使 安 盡 殺 有 百 人 杖 者迂 自 心 世 殷 也 郡 近 土 勤 東 有 死 經 亦 日 臣 自 往 於 助 將 之 元 後 市

常 息 太早 寐 依 遺 數 其 日 也 死 其 紙 動 判 見 緣 如 當 者 僕 徐 官 日 人 惇 進 此 其客來 曾 留留 且 也? 雷 直 至。 俄 之 取 行 納 治 呼 客 薦 犀 無 報 之。 其 家 紙 以能殺 以 其 飲 珠 少 公 家人 勸 忽聞 運 人 人 事 閲 黎明問 身 僕 磊 異。 酒 殿 公治 仕 使 飛 之, 謂 甚 落 日 後 聞 者 鍾 談 距 公 自 客 馭 悉 . 至 則 事 之,益 一, 因 動 後 賄 郡 笑 選 意 徑 日 之, 0 夜 皆 聞 客 事 及 城二 自 達 . 驅 人 持 E 半 而 經 驚 朝 僕 之,惇 鳴 若 改秩, 涕 號 厚 下 公 伺 紀 至 死 廷 隸 歎 + 對對 鍾 資 驚 泣 泣 起 公 其 公 不 賜 者 餘 以言, 不 人 日 久之不 以 居 客 乃 家 我 除 難 貶 則 里 食, 京 0 爲 見之。 飲 乃 矣 取 本 與 死 所 酣 而 師 運 食 不 筆 公 路 亦 鍾 百 寢 得 止 即 判 聲 客 書 色 郡 轉 如 不 口 貶 以 死 求 公 能 當 從 不 鼻 平 갶 及 數 不 將 何 運

惇、卞謀害公既 宗 公貶 喜色。 朝 嶺 媒 隆 若人 ,乃不 登遐, 外 瞱 祐 夕 之。 所 ·, 至 出出 嘔 不死 於是 10欲 廢 徽宗 是,詔 收。 血 始 而 惇 見公處死 令言 則 收 鄒 斃 即 不克,是時 應天 乃 公未 以 至完 行 位 矣。 以 致 録 公頃 少 置 京 可 亦 明 尹 不亂 郵 師 知 嘗諫 日 孫 論 走 0 昭 矣 如 有 橐 禁 懷寵 赦 至 立 此。 中 客 以 孫 泗 劉 然 檻 雇 唁 濱, 念言行 氏 冠六宫 即 車 乳 公 者 聞 亦 聞 抵 坐 母 E 録 於 哲 竄 事 無

曾子宣爲 摺 過 爲 許 而 人,皆爲所忌。 ?」遂 闕 大諫,邦直 或 無 合人見,緣公《 愠 如 右相,李邦直 不 萬 曾、 許 折 出之帥 人 而 李 朝 公帥 必 覽 東 鄆 之 真定 中 韓 爲 帥 Щ 丞 忠 門 謝 一,蔡京作相,用 相 日 以 下 章》 忠彦 事 侍 如 子 君, 有 進 郎, 此 薦 日 帥 怎 雖 張 一志 高 芸 生 時 \equiv 陽 已 范 叟 存 IE 屈

> 公知 無 直 券 在 致 巨 福 其 曆 南 亦亦 潞 虚 細皆詳考,然終不得毫髮過 閲 公與 京 諫 州 持 無違 之, 奉 部 疏 身 張 日 祠 法 廉 或 使者 吕 慎 予者,部 河 差 府 同 北 如 禁 希蔡 尹 日 此。 卒 因 報 帥 京旨, 徧 使者 罷。 《譚 或 連 取 録 過 衡 宫 《言行 亦 其 治 觀 歎 恐 數 郡 寄 雖 服 非 中 至 居 過 社 事 往 官 稷 獨 白 公 驛 無

公曰:「安 官 孃 子 你 以 廷 爺 子 孝 理 這 謀 治 要做不能 日 會 曰: 箇 天下, 事 世 官 不不 _ 有 職 朝 初 然。 如 所 廷 除 得 不 以 觸 諫 不 ,你是 比 諫 老 犯 官, 以 閑 官 母 禍 安 未 慢 何 是 懇 世 出 差 敢 人,蒙它朝 天 辭 不 不 遣 拜 子争臣 必 測 肖 命 須 無 誤 朝 與 不 廷 我 它 除 與 可 廷 有 見 0 方 朝 諫 孃

安 循 九 禮 我 也 此 怕 世 辭 除 不 梅、 便 選 免 授 及 新 人 尋 其 得罪, 你 州 文字,凡二十四 便。 處 與 若 悪 死 隨 果 供 地 爲 惇 你 能 職 鄰 安 必 去 補 = 世 , 欲 報 H 高、 歷 但 見 朝 章, 做 遍 朝 殺。 竇、雷、化, 狂 七 廷 又論 こ安世 假 州 有大除 人言 於其 使 章 得 説 惇 遂 拜 備 中 着

公曰 少 我 世 見 治 時 其 以 天 天 下 誰 下 爲 「今人咸言 在 有 哉 也, 甚 開 口 易 寶 如 爲 耳 非 欲 之理 0 習 事 敢 平 孟 輕蔑 Ė 省 治天下,當今之世 爾。 子云: 課 如 此, 天下之士,自以 潞 請 公爲 一夫 不 言 可 天 事 樞 復 未欲 相 理。 安 世 捨 平 實 安

> **\$** 果 耳 相 雖 舊 潞 間 之意 也?」余時 小 訪 日 匠 H 一、云王 郎 順 者 公當之,去所 晚 屋 擅 公 以 一既毁 相 潞公默然。 人之所 進 復 其 日 近 先 召 見 碎 I 故 有 介 以 安 人 写安 之, 斤 ? 其論 所聞 甚 新 甫 監 理 世 欲 少, 得 求 材 曾 斧 觀 牧 安 問 爲 甚 否?! 又 去甚堅, 未 有 紛 之,似 司 世 害 氣 之, 它日見先人,云:『嘗 堅 壞,後、 就 然,其 此 申 人 日 頗 , IE 之 安 安 興 緒 鋭,應之曰:『安 也 未 今日 世言 世 事 所 利乎? 之人 恐 譬 輒 大 然。」 以 頗 利, 相 如 要 木 實 如 公代 違 譚 主 截 立 新 反 潞 録 當 何 昨 對 若 政 之令 大 人 掌之間 公愕 其 其 有 時 不不 不然 厦 辭 任 可 己 朝 X 去。 然 知 世 其 相 廷 加

夏跣

足,日行

數

+

里

脚脚

底

都穿破

日

程

,大底兒子

悶

絶

于

地

後

來究竟

不

起。

今只有老夫與

紀子

兩

人

在

耳。」《道

護録

間

又遭

先

妣

喪禍

與與

兒

子

輩

扶

護

靈

柩

盛

先是 道 出 建建 金 中 陵 车 間 時 有 公 吏 與 人 蘇 吴 子 默 瞻 者 自 嶺 以 外 詩 同 歸

擾

擾

如

鼎之沸,

安

有

清

冷

處

乎

?

得

請

歸

經

意

井月

急

自

知

死

行

中

先

皆爲公危之,而公自若 祐完 子 諸 名 時 直 謂 公 年,未嘗曾 鈎 奏之以 知 末 Ħ 孫計 睿思 其説 致 孫 可 子瞻遺腹子,與 然後 子 雖蔡京、童貫,皆出 公,引 人,不可 爲 未仕爲言以 勉 瞻 殿, 則 敢 IE 因 其 稱 有 不至是矣! 出 使, 携二 以 之, 參 至 點 之,且 破 大 口 宣 師 跋 墨 用 戒。」 是 一公所 動公。 \equiv 和 戸與 成 數 後 道 省 間 且 當當 令可 一乃還 語 内 跋 所 · 梁益· 以 也。 樞 朝 於詩 故家稍 侍 其 詩 公謝 以 且 書 密 權 自 其 梁 來之意,大概 下。 謁 吾 抵 貴 院 京 後,公亦 書 師 大 E 之, 廢 公。 事 師 用 稍 而 成 是 斥 吾欲爲 「吾若 不答, 來 梁 親 得 時 貴 可 幾三十 来, 厚 甚 幸 默 題 震 至 太 悦 = 爲 欲 改 傅 其 元 以

舟東 余謝之曰:『 《言行録 下,窮 Щ 水 先 生 血。 僕 也。 道 間 起 古 甚 時 温 所 安 來,以之動 出 天變不 而 日 日 以以 之, 劇 公自 世 知 憂之,若此寇知公有人望,萬 ,何避之有?」以 兩 此一 寇 老先 驛 世 攻 君子涉世自 忠孝爲 則 「未聞。 「金陵有三不足之説,聞 之, 延 王 陝論新 食君禄,又嘗備 <u>二</u> 乙 足懼 句 生嘗云:『人主之勢,天下 充 勞之云:『今日 . 民,柰何?」公笑 金 非 聚 一。 質, 陵 黨數 此 法 獨 祖 處 闢 有 不 爲 生日 何 宗 · 固 千 此 死 衆 可 趙 足 不足法, 以 泰 而 論 :「金陵 氏 問 有素矣。」《譚 横 法 然未 治 己,夫復 禍 從,緩 且 行 進 郡 乃 喜公歸,某 大 言 吾 而 嘗 用

公曰:「士夫

知

舊,多勸

扁

人言

不

足

於

上

日

之

乎

?

事

同

朝

爲

萬

世

禍

無

能

之勝

月 且

一以遠

屏自全者。

畫

平

H

學

何

懼

不

答。

再

一劫

公公

東

前

素

,終身好學,不以官職爲意,是所同也

非

常人,其粗行與老先生略同,其質

朴

儉

先生因言及王荆

公學問,先生

日

:

金陵

亦

之日 譬如 取 死 禍 主 絶之,不以告人,既不能絶,而 乃禍天下後世之言, 人。」故後人見而 天下人皆聞之。 乎?」先生曰:「安可 何等事不可爲 於此者巴攬之, 敵者,或有過舉,人 矣。」先生又曰: 或 ,極有意思。」馬 了,使不畏夭變,不法祖宗,不**如**人言, 毒 有術 藥 此 不可 乃毒 口 以 絶 也 藥, 若著論明辨之,曰:『此 絶 一!」僕曰: 庶幾 永卿 識之,必不食 加 「巴攬」兩字 此 如 臣 編《語 雖聞 神 絶 言,使 何 可 欲 農 也 形色, 回也。」今乃教 回之,必思有 録 與歷 之不可從 1 「此言爲 不傳 此言一 人誤 也。 代 食之必 `, 賢 於 名 食之 器 後 可記 今乃 也。 萬 出, 世 殺 大 世 則

其學乖 譽。 莽 素好 以 是其 短長 信 古 至今疑之,以其言不公,故愈毁之而 但學有 位 爲 輒 ,則人不信矣。 必不信有是惡矣。 也。 以 若不稱其善,而 也。 勇,數 如 溢 ,各以其實。 嘗記 李 財 解 悪 邪 利結 ,林甫, 此 正,各欲行其所學者 用之必亂 犯法亡命,受《易》頗 凡人有善有惡,故人有毁有 漢時 人主所以不信,而 人主 姦 蓋以其人素有德行 大臣,於人主之前 如 邪 如 併以 匡 天 故 桑弘羊,②禁人言 如 衡論朱雲,以 下,則 攻金陵者只宜言 盧 爲惡而毀之,則 起,大 人主 天下 爾。 有 佞 一必信。 師 如 之士 爲雲 説 愈 而諸 道, 以 而 王 不

2

^{●「}攬」、原作「欖」、據四庫本、宋馬永卿編《元城語録》

[「]弘」,原作「洪」,避宋宣祖趙弘殷諱改字,今回改。

之大戒。」《語 則 天 下 與 夫毁之之言, 之人素尊之, 録 ൬ 亦 人主夷考 不 信 矣。 之 此 無 進言 是 事 者

器之嘗謂予言: 當。」」 後已 臣 寧 理 秤 小 今所宜致 一元祐間 比 即 ,初與 一,毋使 停 事 惠穆公也。 也。 遇 一器之因 陳 事之來, 嘗 偏 每事之來,必 事 暘 力,二字不可 重 認 經 叔 極言 「當官 寶 미 見 吕寶臣 《重蒙訓 也。 臣 迎 馮 刃 當 處 [處事 者 夫 而 秤 世 秤停]二字,最 同 不 是 解。 宣 停 人 任 須 詳思熟講 之 徽 輕 情 樞密, 權 調 圃 當當 重 事 輕 吕 中 一,令得 理, 世 重 暘 寶 言 吾 臣 也 無 叔 務 因 畫 尤 合道 所 聰 不 言 寶 當 允 善 巸 而 明

器之云 守官 參政 其 間 以 . 安 後 來 生應 世 常 司 初 持 起 聲 登 身請 四 第 E 字 與 「勤 教 日 谨 勤 李 同 年 謹 和 謁 既 和 若 李 聞 緩。」 若 谷 自 命 谷

> 胡 許 理 教 子 聲 洺 獄 甚 後 事 矣, 日 曰 結 珵 . 州 問 事 不 要 以 隨 監 緩之一字, 即 「何嘗 列 E 日 如 不 道 同 日 獄 初 時 司 所 各 因 . 意 官, 何 : 貴 無 訊 分 通 交薦,其 人姓 敬 忙後錯了 如 題云『某 初 教賢 能 筮仕之 問 説 牢 留 ? 情 出 0 異 所 筆 意 名其 緩 某 初 安 一公日 得 記 處 獄 每 後 語 (世有 所 不 語 之。 初 訟, 日 ?」《吕氏雜 後 親 有 者。 官 及 未 列 . 送 遽 往 繫 事 至 當 單 行 因 疏 到 遍 獄 在 領 蓋 0 同 來 時 中 間 姓 以 某 常 問 者 推 ? 人乍入狴 年 李 遂 散 手 名 相 X 勘 注 録 宋 以 IE 左方 指 大 去 某 私 且 意 若 行 治 不 色 口 置 夫 事 道 畫 若 若 獄 作 膝 知 世 而 其 1 簿 嘗 有 治 間 干 干 在 氣

●「在常注意而一事不如意敬」"按"疑有脱誤。

既 其 情 倉 卒, 耳 又異 獄 貴 (處,不 初 情 能 此 相 要 謀 道 也 此 時 道 口 護 以 得

與 之道 守 筆 黄 力 撚 此 斯 病 正 心 鍰 至青 出 不 用 其 何 也。」《道 亦 Œ 和 嗜學 於 所 有 小 偶 短 主 此 柬 之篤 然,乃蒙 鋒 也。」又東云:「向 護録 云: 理。 多 也。 後 偏 荷 俞 閣 傅 知 柳 玘 下 其 毫 公 筆 推之以 要, 權 太 尚 薄 謂 未 亦 者 蛀 不 抑 論 心 及 損 必 修 按 俞 IE 專 則 身 玘 無 但

公自宣 樂 公正 書 午,忽大 安 終 物。」於 問 寝, 矣 鄉 和乙巳歲元 異 皆 邊 時 風 聞 不 村 是 皆 五日 飛 者 啓 之原 家 死 駭 瓦 咸 封 人始 異 懼 家 斂 日 驟 焉 丽 楊 以 以 雨 爲 事 走 中 後, 時 如 公憂。 無 葬 立 注,雷 服 及 謝 三 開 以 雨 絶 柩 細 封 文 止 賓客 夏 電 府 中 辨 悉 六 祥 畫 慎 色, 不 符 晦 月 無 四 間 縣 於 丙 置 方

昔

有 驚 官, 年 於 至 子,持薰 不 遊 民,以謂 以 器之真鐵漢 劫 與 ,虜 填 廳 日 見大聖。 爲 火 一:「必 蘇 擁 下 切 無 洞 罕 人 子 不 所 驅 劑 若 然 見 争 得 膽 動 異 過 墳 以 其 其 誦 不 及 公 論 不 蓋 南 人 户 香 面 門 佛 公没, 耆老 燼 在 元 京 也 發 炷 미 棺 經 而 唯 祐 宋 不 及 棺 然 而 之, 人。 丽 玉 見劉 也。」《言行録 去。 哭公者, 問 田 杜 見 才 香 家 夫 門 誰 搢 者,至 公 待 《言行 價 人 土 野 顔 屏 紳 制 墳 踴 因 庶 老 迹 貌 日 往 户 貴 公 設 如 如 往 數千人, 婦 對 則 數 市 不 调 傳 生, 以 後 妄 井 大 泗 日 誦 某 咸 女 交 鑪 州 細

三朝名臣言行録卷第十三

十三之一

内翰范公

宗親 作郎 撰。 或 中 初 著作佐 辟 正 史 字。 進 ,提舉亳州明道宫,繼責授武安軍節 同 院 政 改禮 兼 編 土 公名祖禹,字淳甫,成都華陽人。 侍 事 郎、《神宗實録》檢討官。 哲宗即位,擢 修《資治 第,知資 以 講 部 龍 又爲 侍 圖 遷右諫議 郎 通 閣 州 翰 鑑 學 進 龍 林 右 \leq 翰 士 學 川 正言 書成 林 縣。 知 1 大夫兼實 侍 陝 兼 除 山 讀 州。 以 侍 學 馬 親 祕 講 録 遷著 紹 士 嫌 温 書 聖 兼 修 哲 改 省 公

> 公未生,河南郡太君 之。」●故字淳甫。 見之。 寢室曰:「吾故漢將 淳備」,改 得,温公以《傳》稱鄧 度副 安置,移賓州,再移化州。 使,永州 是日,公生 字淳, 安置,再貶 《家傳 夢 日 : 遂 軍 一偉 仲 鄧 華「内 以 或 禹也。」 丈夫,被金甲至 爲 昭 卒,年五十八。 配 名。 州 文 甫 别 明,篤 一既寤, 字 駕 初 而 字 賀州 夢 稱 猶

公弱不好弄,博學强記。 所容 師,所 公自以既 南君皆蚤世, 也,當取法焉。」公第三,視忠文諸子爲諸 日 :「天下士也。」 謂諸子曰 與交遊皆一 閉 門 孤 一每歲 讀 書, 叔 祖忠文公撫育 時 未嘗 時 親賓慶會,慘怛 闡 年十三,通議、 預 人。 人 : 「三郎,汝 事。 忠文每 如己 既 器之 至 若 fo 師 京 河 無

父行云。《家傳》

熙寧三年, 善 辟公同 用,公竟不往見。 口,嘗諭 、皆奔 編 競,公未嘗 司 荆 修、供 馬文 公意,以公獨 正 職 《家傳 公修《 袐 往 省 謁。 歷代 不親 時 王安 Ŧ 君 附 荆 國 臣 故故 公當國 與公友 事 迹》, 進

初,温 元豐八年三月五 獨 日 薨,或疑以 父,皆斬衰 安石誤 公於此書,致力爲多。 公歸洛 居洛、韓公素 所,獨公在洛 厚。 、公上 公又辟 或 疾 詔 疏 篤,召公以 及 爲不 言 聽 劉 新 年 一、「先 嚴 以 ,温公專 公放、劉 法之害,言 H 可奏,公卒上之。《家 其 殺,杜 蓋 ●神宗晏駕。 屬 恐爲 E 密 自 制 門罕與人接,待 以 公 隨 疏授之,大抵 是時富 人臣 禮 書局 恕 極 而 同 以 者 憤 修 事屬之, 君 韓公致 一公各在 不 切。 書, 六 以 服 月 傳》 父 韓 同 論 及 七 故 官 事 於 事 温 公 王

> 哉? 以 月 矣 夫練祥不可以有二 小祥,二十四 而 服 制,是以 世 唯 唯 其 君上之服 而 入,至葬 耳,而 月 所 君 人主實行喪,故十二日 宫 或 人 無 以 此 而 中 臣 朝 由 異 爲 難 自 無 實 大行 所以 於行路之人, 豈人之性如 遽 加 上不爲之制禮也 祖 服 行 之,此禮 已如古典,而 改者,以人君 純 又 宗 三年之服。 管 吉,無 丽 服 在 日 已來,外 乎人 之, 殯, 而大祥, 君 之無 世 袝 所 M 情 遂 不 廟 百官有 既 廷 也 亦 自 據 臣下之禮 佩 再 且 而 以 加 雖 不 者 不 自 後 易月之制 日 小祥 今群臣 爲 用 此 爲 也。 即 司, 圃 mj \equiv 漢 易 又禮 服 吉, 年 爲之,又 又大祥。 月 已來,不 既 猶 此 容 也。 易月, 之喪。 之 之 而 依 纔 除 其 貌 制 前 無 漢 薄 服 又 衣

「八」,原誤作「三」,按宋神宗死於元豐八年,據改。

0

古 之 主 論 後 禫 之, 則 今 臣 故 未 以 以 禮 至 漸 者 欲 復 私 厚葬 無 獨 其 報 朝 朞 爲 日 者 乃 既 衰。 君 喪 所 宜 月, 風 喪 以 服 加 也 釋袁 必 不 之 臣 衰 不 切 天 以 使 又 服 令群 爲之服 而 可 禍 今 居 佩 服 造 奏 下 天 易 之, 其 易 追 人 喪 凡 殯 在 下 以 日 月 臣 乞 朝 則 漸 主素 餘 加 此 E 忠 官 共 且 之 朝 服 於 \equiv 唯 行 除 則 孝 服 衰 制 服 是 天 以 是 儉 年 吉禮 者 未 其 君 服 之。 裳 9 治 子 止 以 莫 以 制 之 純 服 因 重 以 皆 不 如 事 者, 先 如 占 之 制 占 則 斯 者 聽 襲 今 口 今日 禮之所 帝 中 先 服 略 以以 服 服 亦 朝 天 故 朔 以 之 再 臨 是 IE 如古矣。」 冕 口 望 下 事 服 更 至 圃 服 期 圃 此 吧 也 彻 之 之 加 一於祥 既 不安 未 勤 爲人 禮。 已 也 而 禮 共 畢 損 除衰 臣 又 臣 行 至 則 也 約 主 然 又 朝 然 服 於 愚 斷 之

> 禮 難 庶 當 生 臣 以 知 以 服 廟之後 日 之義 姑 正言 · 豈 有 爲 人 有 以 唯 丽 息 之 治 色 喪 温 唯 無 遽 也 習 制 事 載 客有 群 傷 至 遏 公然之, 丽 則 爲 於 於 密 臣 漸 亦 四 人 朞 俗 彼 俗 言 三年 占 木 不樂, 加 海 年 情 不 樂之浮 一之遺 温 窮 以 之内 請 遏 丽 爲 不 哉 , 公以公在 緣, 議 禁 所 密 樂 可 圃 法 竟 之 八音 以 民 使 百 得 純 也 必 寢。 便 臣 爲 姓 脱 0 而 用 有 而 以 君 言 無 去 縞 忘 唯 他 使 古 執 爲 服 **禁** 朝 路, 素 群 傅 業 矣。 者 禁之 人 政 也 服 臣 以 是 禮 必 皆 不 小 燕 養 能 合 知 以 殺 祥 **今** 不 ௱ 服 禮 協 祔 爲 於 其 君 猶 口

公在 公除 之迹,撮其機要,論 有 濟 書局 過 或 不 事 言 分職 乎 温 ? 公 唐 IE 殆 史》, 色 不 次成 然 日 考其 : 也 書 子 名 成 謂 敗 遺 日 淳 治 事 夫 唐 亂 鑑 見 得 失 光

티 : 後, zi zi 公諫疏 欲 唐 元 唐鑑》, 鑑》 祐 獻 無 元 老來不欲泛觀 此 之 祐 元 多自毁 欲 議 中,客有見 年 部 神 移 論 文開 。」崇寧 先 去,平 表 生. 封 進其 謂 書 伊 屬 生爲文,深 中 毁 客 ĬII ,近日 神 板 日 先 沖 書。 宗 生者 沖 Ħ 見 一近 力 且 欒 《家傳》〇又《遺 不欲 陳 方 几 看 城 一不豫, 《唐 先 不 見 案無它書,唯 人知 可,乃 生 此 鑑 書,自 於 未及 潁 己。 京 昌 事》云 = 師 代 0 欒 印 刊 以 又 城 行

元祐 除 此 修 郎 和 筵若得 日 史,朝 侍 : 初 尤可 但 實 講 頤 經 録 伊 范淳 自 廷 院 ĴΠ 以 筵 遺 度 開 自 除 檢 須 事 夫 乏 崇政 陳 擢 討 要 來 是 温 用 他 尤 潤 非 矣。」 殿 伊 0 好。」 之氣 説 ,導人主 111 温 伊 嘗 書 公 ĬΠ 温 謂 淳 時 間 公 温 日 一之意 夫 公爲 何 日 公 色 故 不不 • 日 温 著 0 其 謂 他 伊 作 而 後 已 經 佐][[如 氣

除 兼 將 終, 侍 講 即 吉 E 方 疏 始 太 皇 服 太 御 后 器 用 其 内 略 外 . 新 祥 奢 禫

忠文公在許,公謁告省 用 心 門 侈心 矣 以 初 銀 德 音 德; 養 聖性未定, 儉之端 庫 復 也 謂 下 日 百 己 7,不 日隆,此宗 朝 使 非 而 一两,仍 ·侍郎 故故 取 出 不 兩,不爲 廷 禮 目 口 凡吾 皆由 當 珠子六十斤, 郎 既 願 不言 不 不 起,蜀 處之,蜀 勸 預爲 相 頒 覩 又 視 慎 所 止 温 社 此 手 儉 不多矣,恐增 與 欲 靡 非 始。 之防,止 公、 詔 無 則 公得書大喜, 遂 爲 陛 親 曼 禮 公以 龍 疆 儉 申公, 已。」《家傳 者 之 舊 不 下 覲。 又沉 茶 户 之 ,君實已 動 若 色 覩 書 部 福 於未然。」《家傳 崇 命 奢 皇帝 問 詔 則 E 耳 己 也 儉 公賫 加 則 遣 學 出 起 不 用 朴 使 無 奢 爲之矣, 問 蜀 富 日 處 比 聽 臣 金 於公, 賜 宣 公, 於春秋, 日 亦欲 至 聞 淫 所 以 是 蜀 問 益 \equiv 奉 欲 滋 以 哇 輔 吾 賜 千 宸 以 之 輔 公 聖 聖 何

神 之,若 宗 之。 賀 之 不 作宴, 於 服 非 《家傳 喪 除 君 以 服 唯 子 開 故 因 不 樂 事 以 事 得 故 爲 開 則 已 特 至 樂 聽 圃 設 痛 置 樂,庶合禮 除之之 宴 之 宴。 極 則 公言 似 不 意 除 得 意。」 也 服 己 請 E 而 而 君 從 慶 除 子 重

冬大 言 救 不 臣 後 窮 然 北 收 限 降 者 以以 以 每 濟 福 養老幼 寒, 不必 不不 院 爲 旨 田 救 朝 禁中 數 宜 止 院 救 止 廷 恤 委 於 共 廢 以三百人爲 恤 專散 千二百 自 孤 兀 出 疾 爲 左 貧 嘉 則 福 錢 右 四院 以 祐 民 院 至嘉 + 錢,計 京 廂 人,每 己 增 己 提 萬 師 前 蓋 凍 祐 額 有 舉 此 貫 官 餒 遇太 列則 其存活 使 東 乃古之遺 諸 以 年 屋 死 臣 西 路 京 賜 《冬盛 損 增 以 福 皆 師 貧 預 死 者 置 處 田 之衆 有 設 民。 寒,然 衆 法 院 貧 城 方 廣 以以 民 南 忧 略 以 孤 惠 公

講《論 書唐 焉。 爲 吏 角 殿 語 最 人詩各一 心 傳 振 賜 其 恤 天 宴于 須 首, 下 要 廣 宰執、講 東宫。 實 惠 惠 倉 及 乞 貧 上 讀 更 遣 民 官 舉 中 凡 行 上 使 + 賜 納 有 **\$** 用 官

是 之小 業 夏 下, 欣 \wedge 賦 問 不 日 九 孝經》要切之語 前 慕 盡 學 權 事 亦 無賜 詩 竊 言之。 與 住 人皆動 以 取富貴,而 致 願 如 名曰《三經要語》 不學,繫天下 進 獻 太 立 好 講。 公表 平 於 書, 其 陛 退 矣。 朝 心 公上 下 益 謝 而 、欲 專權 以 如 進 陛 訓 節 日 疏 直 好 道 他 略 下 戒 立. 利 學, 道 進之。 德 之言, 於 日 其 如 \wedge 臣 矣。 尚 皆 事 之治 朝 不 略 則 願 書 陛 好 日 天下之 若 陛 君子 得二 以 《家傳 \leq 下 學, 亂 . 邪 游 下 ^ 專 臣 白 論 輔 陛 篤 諂 則 藝 於爲 君 語 志 助 事 天 不 下 德 陛 學 下 子 敢 今 + 又 御

皆 義 甚。」《家傳 陛 於學問 不 用 所 下 在 在 君 學 ,小人專於爲 惜 於 陛 也 子 恐 年 則 此 下 ; 少之時 治 心 小 日 不得 之所 人之 月, 用 利 小 如 願 陛 召 得 人 今 以 也。 下 君 則 位 H 學 數年 亂 子之得 之專也。 爲 將 凡 0 急, 濟 之後 人 君 之 其 位 子 則 一、欲行 進 所 與 天 臣 雖 學 欲 小 下 竊 欲 也 幸 其 莫 爲 勤

除諫議大夫,充實録修撰,時吕申公已薨,

蔡 確 公遂 刑 以 寧 悔 天 心 爲 下 來, 可 既 四 衆 之 用 就 失之於 貶,公上言: 方 不竄逐大 所 事 刑 職 聞 ,不可 知 寧 之, 《家傳 者 略, 失之於寬, 無 固 極 不 臣 不 不 意。 可 六 震 聖人之道 逃 十餘 失之於詳。 聳 於 過 不 聖鑒 中 可 其 年, 極 不不 黨 失 意 今 之 自 有 過 己 於 餘 自 後 素 得 偏 懷 用 J 急 必 中 大 謂 有 見 女效

> 以 之失 或 H 進 小 異 E ? 賢 論 之人,以 辨 患 人 中 者 爲 。」《家傳 退 邪 望戒 寬 ,若皆 不 正 人情之不 肖 好 重 大 日 爲 惡 以 臣 朝 . 職 爲 比 各 不 廷 明 黨 安 而 年 以 無 確 也 邪 邪 以 使 公 圃 IE 來 小 心 正 逐之,臣 又 人 不 不 , 求 因 大 分。 賢,多 分, 得 登 臣 位 贵 對 宰 以 恐 引 不 相 兼 勸 刑 他 負 罰 鯁 以 容 上

韓 於執 忠彦 嘉 法。 或 自 婚 姻 彦 家 用 既 忠 陛 之家 政 執 己 與。 彦已來 下念韓 政 選 必 無 尚 , 選 此 公主,公上 爲 天 預 非 琦 外外 下之 政 執 祖 之功,富貴 政 議 事 宗 者。 以 籍 望 故 前 籍, 言 事,不 不 今嘉 人 至 叮 其 今未 望不及范 專 家 彦 或 口 以 尚 朝 可 爲 己。 勳 也 主 舊 子 至 制 孫 今 純 而

1 此下底本原闕一頁。

范 者 之人 忠 自 同 輕 專 六 口 王 親 1/ 比 使 默 曹 任 崖 攬 欽 庶 之 宣 純 自 朝 權 問問 也 若 以 尚 岸 差 如 也 大 政 公之 范 廷 居 臣 防 綱 此 以 少 簡 淳 T 尤 大 在 近 則 料 職 過 《遺 無 於接 謂 罷 夫 侍 位 言 而 不 決 公 用 之, 失。 事 使 劉 事》 必必 郎 路 口 亦 於 公 道 左 0 威 純 擎 物 有 使 自 大 以 見 嘗 右 陛 兩 福 然 仁 何 與 言, 宰 此 馬 防 土 宰 之 下 省 頓 論 以 丞二人, 其 大 相 大 廟 知 柄 與 深 侍 失 相 爲 得 防 何 列 權 節 夫 漸 堂 擎 從 居 人 政 立 協 人 彻 移於下 重 多 參 論 帷 望 事 ? 同 客 無 又 未 之。 不 議 如 幄 疎 有 有 皆 惟 昔 忠宣 聞 是 此 親 此 謂 。」《家傳 必 真 皇 陛 敢 今 宰 果 以 非 附 忠 宗 亦 違 無 望 陛 大 下 敢 帝 相 相 豊 宣 之 稍 異 冬 用 自 防 . 下 未 召 好

> 除 然 外 説 枉 文 給 房 事 字, 人言 伏伏), 力 其 遂 費 事 後 或 中 臣 見 降 辭 竊 卒 公公 財 朝 稽 然 指 如 民 復 謂 之 廷 後 揮 公議 力, 於 應 陳 此 就 且 有 古 副 河 功 職 開 事 修 害 必 家傳 考之於今,質 減 河 利 不 即 無 害 司 水 利 미 言 所 成 河 乞 須 大 麗 權 恐 臣 臣 H 韓 罷 雖 之 猶 忠 有 所 修 應 於 執 彦 領 行 副 河 前 中 下 政

中 爲 十三 陛 宫, 告, 上 地 有 宗 下 損 億 下 疏 而 聞 歲,此 聖 太 開 兆 廟 今年十 先 之,即 皇 之 社 德 封 近 父 太 樱之重 府 豊 幸 無 母 边 后 上 覓 近 益 左 贵 炭 日 疏 乳 女 右 聖 母 皇 守 色 口 體 丽 好 帝 十人, 干 之 祖 不 生 色伐 宗 愛 日 金之家 時 於 此 惜 百 乎 + 臣 公 性 ? 之 聖 \equiv 陛 偶 有十三歲 + 月 傷 體 所 陛 下 以 年 哉 甚 於 未 其 腹 下 基 憂 太 建 實 承 疾 早, 也 又 猶 中 在 下

雖欲

悔

之,豈

口

及

乎

既

而

太

皇太

猶 陛 不 愛子 肯 使 孫 近 女 加 色, 不 留 加 意 況 於此 於 萬 非 乘 愛 子

壅 孫 之道 待其 也 蔽 譬 日 如美 淩雲,若戕伐 木 方 長,正 其 當 根 封 贵 植 培 不

哉 臣嘗見司 馬 光言,章獻明肅太

納 保 皇 護仁宗皇帝 后 已前 居 最爲 處 不 有法 離 章 獻 自 卧 即 位 内 已後 所 以 聖 未

體完 實 在位 最 爲長 久。 章 獻 於仁宗, 此

使 功 最 章 大。 惠 太后護視,章獻 臣考之國史,仁宗 臨 朝 ,仁宗起 在 1乳褓, 章 居 獻 飲

食,章 惠 必 與 之俱, 所 以 保 佑 扶持 恩 意

勤 護 備 視 皇 帝,臣 今陛下 不知有 臨 朝 日 如章惠 有 萬 者 事 了,至於 乎? 左 願 陛 右

F 與皇太 后、 皇太 妃 詳 論 此 事, 戒 飭 保 争

傅, 進 少,數 年 以 之 章 後 惠 爲 敗 法 德 亂 如 政 其 無 不 所 然 不 女 有 色 陛

> 言 乃 是 喻 知 宰 事 公言亦曾入一 之, 且. 臣 日 遂 令公轉 大 以 防 喻 諫 喻 以 文字,遂 官 諫 兩 劉安世,安世 官。 諫 議 公 及 與 既 公所 劉 病 公再 愈參告, 責 奏 皆 公不 無

有詔 疏 選后 見劉公事中。 ,并令侍 從 禮官講 求 禮 制 公 Ŀ

《家傳

疏 言 四 事 日 族 姓 日 女德、三 日 隆

禮 四 博 議 又 與 諸 公討 論 講 議 約 先

初 王 之禮 建 又又 參酌 解《 家 其 人 宜 桂 爲 \leq 之禮 以 獻 上之。 《家傳 Ő 及 按《文 中 宫

初欲以 都亭 ·驛爲皇 后 行 第,皇 帝 服 通 天 冠 絳 紗 袍

發册 皇 后,天下日 母,不 口 以 先 居 夷狄 之

天冠當古皮 弁 乃 齊服,不 可 用。」 」從之。

者天子親迎

,蓋將以

爲

天地宗廟

社

樱主

故

用

祭

服

浙 實 不 西 至大 水 而懲 灾 責 而 朝 其 州 廷 郡 尤 遣 奏 甚 使 報 者。 賑 以 之。 少 又乞令 爲多 言 者 謂 賑 乞 考 濟 浙 其 官 西 虚 灾

《家傳 知 口 待 書 有 報 稍 旨 者 大 施 事 雖 行 並 許 申 公封 取 面 朝 還之, 施 狂 行 指 極 揮 亦 論 須 其 其 便 急 不 具 切 可 奏 不

公嘗采 《帝學》 集 八卷 帝 王 上之。 學 問 及 《家傳 記 祖 宗 講 讀 故 事

祕 事 館 書監 校 富 乃 王 有 神 本道書》,●公封還之,以 1,若用 之意 有 韶 仙道 雖 本 誘 至 校 王 崇 非 釋, 微 書 説 哉 欽 此 長 有 木 實實 道 臣 蓋 異 益 爲 土 征 奏差真 損 昔 學 於 以 例 人 時時 也 治 備 或 E ,各委本色, 道,不 體 必 人謂 篇籍異 安石 閤對,公奏: 靖 謂 今館 大 遂 之『安 之『編 使其 必 謂 師 罷 聞, 閣 使 其 陳 之書 則 門 撫 言諸 以示 校 方 命 景 僧 豊 外 大 大 子百 元 《家傳 智 祖 藏 之 師 師 無 校《 今 緣 宗 書之 所 土 矣。 黄 隨 設 讎 不

> 路。 故言蘧 声 每 宗 之言,人君之言也。 君 道 君 德 哉 史 <u>F</u>i. 之大德 子矣, 史魚 子 因 行 則 則 伏 固 畏 哉 由 事示 五 史 口 觀 不 是 天、 伯 者 蘧 然 魚 卷 仁 口 也 天 玉 人好惡。 於天下, 伯 愛民、 邦 宗 不 得 而 不 不若· 下 有道 皇帝 若 若 懷 玉 而 願 知 1 之一,仁 蘧 史 名 奉宗 陛 1 史 如如 在 伯 魚 所 言。 皇祐 下 宗 邦 魚,以 人 位 之 玉 以 以 有 廟 矢 好直 君 宗 四 之爲 直 所 爲 爲 中 好 道 ; 唯 + 0 日 開 仁也 法,昭 可 邦 不 楊 學 欲 臣 則 君 據 見 無 好 安國 年 臣下 下切直 仕 孔 道 者 子。 納 遽 佞 亦 子 然 ; 伯 其 豐 諫 切直 講 所 如 此 邦 之 事 玉 功 好 之 所 信 無 盛 有

監 見《宋史》卷二九四本傳,事與王 原 行「若」字, 按 王 欽 臣 元 欽 祐 若 間 無涉 曾 爲 秘 據 小

元

祐

七

年三月,

邇

英

臣

掌

或

0

以慰群生之望。」上然之。《家傳》

公進 鄭 講 亡 多 故 酒 身 下 是 事 訓 而 而 川 m. 實,又 言 謂「 留 嗜 則 典》六 納 别 力 子 衛 孟 而 聽 講 講《 諫 古目 履 白 IE 無 今之樂, 淫 切 其言 子》「今之 畢 霜 之。 邪 隱, 於 卷 采 稽 尚 哇 峻 哲宗首肯者 堅 , 正 以 之 救 書 集 法 愈 考古 再 宇 冰 是 在 獻 祖宗 \leq 切。 聲 仁 民 誦 猶 彫 非 經 危 宗聖 内 驗 樂,猶 此 古 非 故 墻 筵 或 公平 大 作 六 略 今, 而 之樂」。 先 深 意 亡家之本 政 有 色荒 無 句 再 據 專 王 勸 反 勸 居 古 數 假 引 您 之 齊 却 覆 E 外外 之樂」,公 借 百 仁 于 守 法 然後 Y 然 王 不言 畏 曲 事 皇行 此 作 IE 與 世 云 也 天 折 豈 ,爲《仁 以 民 禽荒 愛民 俗 退 人過 未 獻 謂 口 至 必 事 之樂 就 百 或 納 願 以 於 椒 不 日 位 宗 薦 岩 陛 不 酣 尤 論 遇 爲 修 再

> 民 之正 當 才 民 以 欲 利 不同 不 E 孟 以下 好好 好貨, 0 9 可 如 帝 子 。」講「 太 以 然 道 孔 並 以 樂 色則荒 配 之君 王 孟 子 王 臣 亦 王 祖 非 答 如 如 好 竊 公劉 子 不 好 故 考、 好 君 顔 必 色, 以 所言者救 口 貨 而這 子、 色, 淵 欲 降 以其言. 謂 害 好貨,大 以 勸 勸 之言,孔 以 小 政 天 乃 公 好 以 禮樂 以 如 人 是 神 色。 劉 當 當 此 孟 之 世之急 IE 非 王 如 治 出 。」《家傳 如 不 子 子 家。 好 好 太 好色」,公 公 天 事 地 可 所言 貨 貨 劉 E 一務,此 下 齊 同 祇 則 人 或 宣 也 乃 君 者 貪 與 邪 與 家 E 是 爲 所 而 不 民 民 日 正 害 之 厚 邦 則 今 中 可 冒 同

東 坡 經 先 講 生 官 嘗 第 謂 廌 0 曰 言 . 簡 0 而 范 當 淳 夫 無 講 説 冗 字, 無 今

「廌」,原作「薦」,本條末注「李廌《師友談記》」,據改

0

一長語,義理明白,而成文燦然。乃得講

太 講 生 史公詰 典 如 師 談記 故 平 在 \equiv 開 昧 上 時 以 列 前 也 朝 爲 古 温 」。」李廌 當 命子 戒 義 温 講 勸 其 仍 弟 即 師 其 語 參 侍 友談 前 音 之 若 坐 琅 記 時 一,先 夕, 不 琅 事 出 然 案 E 諸 及 講 衣 闡 近 其 冠, 者 代 説 興 儼 及 本 起。 朝 當 先 然

太史公講《 之人 皆 省 禪 太 之事 平 方 佞 多 之 成 臣 功, 因 也 E 或 一。」《談記 制 皆 燔 以 爲 × 秦、 求 柴 人 巡 神 望 臣 漢 秩 狩 仙 凡 之 柴望」 有 侈 或 之 勸 説 心 以 之禮 祈 人 非 乃 È 福 古 附 封 日 或 者 會 禪 : 巡 爲 以 古古 狩 告 封

太史 説 公講 注 公曰: 謂 太 子子 史 以以 卯 奉 謔 臣 龃 恶, 所 先 見,所謂『諱惡』者, 代 天 忌 子 辰 齊 之 戒 類 受 爲 諫 之

> 元 祐 若 危亡 事》 門 以 退 押 絶 諫 衍 大 辰 口 煩 爲 班 此 夫 于 議 夫 陳 數 每 初 耳 一之言 然後 覆 至 步 失 顧 子 有 僦 公 御 言 9 袁 體 子 外 以 卯 司 欲 居 藥 君 爲 到 敦 也 中 下 常 著 城 知 閤 臣 人 0 E 嘗 陳 雖 馬 事 曾 作 西 不 子 相 一前 臣 與 爲 爲 衍 耳 白 郎 敢 到 留 與 必必 都 都 人 初 ,不足 桀 吾 家 門 兼 高 戒 榜 君 管 紂 知 知 輩 使 巷 侍 聲 下 慎 之亡 子 當 梁 已 不 講 危 必 、畏懼 道 惟 謂 東 與 御 下 上 知 其 使 也 閽 藥 簡 日 鄰 列 每 同 死 之言 °」《談記 後 危 保 院 者 造 陳 列 行 所 L 與 公 言,公 來 其 衍 云 邇 矣。」 日 致 不 之言 爲 先代忌 謝 英 袁 : 社 恭 諫 絶 也 禝 范 議 大 即 调 只 宅 不

公爲 中 禮部 ,内出王者衮冕之服 侍 郎 , 車 駕 將 幸太學、公以 以 衣先聖, 唐 今乃 開 元

未 用 王者之制 請幸 學酌 獻 之日 特 命 改

E 存、 蘇 軾、 趙 彦若、 鄭 雍 可 備 讀 官,

正

講 官。 又 别 奏辯 頭 被 誣 事 甚 悉 《家傳

頤

孔

武

仲、吕

希

哲

二、吕

大

臨

管

師

可

程

執 政 以 公 懇 請 進 擬 龍 晑 閣 待 制 知 梓 州

太 母 宣 諭 日 「只爲 孫 兒不肯教 他 去 且

爲 孫 兒 留之。」公遂不敢有 請 《家傳

太皇 下,陛下初攬 太后 登遐,公言:「太皇太 庶 政,乃宋室隆替之本,社 后 新 棄 天

始 ,君子小人消 長 進 退之際,天 命 人 心 去

褪安危之基,天

下

治

亂

之端,生

民

休戚

之

定 就 大策 離合之時,不 擁立 陛 下, 可 不 聽 慎 政之初,韶令所下 也。 太 皇 太 后 内

苦,專心

百 姓呼 舞, 至 公 無 私 焦 勞 刻

年 意 佑 始 陛 終 下 如 0 斥 逐 故 姦 雖 邪 德 裁 澤 深 抑 僥 厚 倖, 於

然 太皇太 衆言 其人 人心 言 罪 意 察 預 致 察是非, 此 負 政 / 百 陛 ,付之典 ,則天 萬 ,逐先帝之臣。』 防 無事矣。 而 政令不便者 也。 姓 之欲 進 改 · 而 也 下 加 者,有罪當 民,天下之 當 於有 言 后豈有憎愛 也 逐之,其 下不安耳。 有 小人怨者, 陛 此 改,與陛 曰 : 刑, 以 等 過 如 既 下 此 大太 既 痛 之 其 即 改 以 逐,陛下 所 言 所 地 懲 上悮先帝,欲 不 其 萬 位 此 下 皇太 、失天 逐者,皆上 惑 然 讎 亦 於 法 之 數、太皇 惟 同 乃 人,以 聖 不 疾 其 初, 改之, 則 陛 離間之言, 則 后 爲 與太皇太后 聽 而 下 臣 間 下 不 中 作 少矣。 者, 警 欲去之者 之 哉 清 恐 當改 太 外 法 非 負先帝 ? 姦 群 心 復悮陛下, 心 宜 之人 后 臣 以 慝 不 言 照 明 顧 因 己 先 今 民 不 Œ 則 及 之 亦 天 必 上 帝 可 也。 ·, 其 如 主 私 下 書 有 帖 以 不

之, 之章 燕京 臣 太 夫 與 危 公曰 與蘇 惠 太 運 抑 公又上疏 文字,失於過當,不若公言之皆 天 皇 皇太 以 願 宰 卿 艱 畏 而 下 虚 陛 等 遂附 太 夷 留 復 危 之事 相 公約皆上章 心以 「公之文,經 狄 安 所 后 下 后 守 議 先 守 之 守 爲 造 以 陳 日 處之。 帝早 名 使 豈 大 之以 . 情 陛 新 大公至正 祖 心 同 戒 業 堪 下 法 如 宗 南 離 奏,竟 棄 邊 小 立 此 論 静 創業 詔 圃 朝 丽 吏, 天 且 世 人 太平之基 列 左右 則 無 專 復 行 下, 再 之文 爲 日 蘇 不 之 守 中 合, 祖 行 所 : 破 肯 心,罷 艱 大臣 陛 國 約 仁宗 宗 改 公已 也。 壞 乃至 出 爲 難 束 舊 元 人 下 耶 其 豐 嗣 已 心 政 具 政 E ? 恭 無 契 勸 動 軾 藁。 口 之 有 7,故 可 事 安 位 必 丹 Ż Ŀ 於 行 末 初 成 知 主 循 事 社 幸 憂 以 見 可 朝 因 也 効 矣。 _ 守 吕 勤 臨 亦 公 飭 稷 賴 時 謂 廷

> 於 祖 納 聖 宗 讜 法 心 青 度 矣。」《家 則 陛 群 下 臣 傳 躬 邪 攬 IE 於 萬 上 事 是 諮 非 諏 善 道

有旨 導,事 之。」不 是日 嚴 止公 臺 憲 此 行 E 用 日 在 : 群 諫 王 已 衆 其 召 ___. 歷 所 美政, 有 不 多之口 中。公上 内 引古 不 以 中 臣 至 論 報。 臣 敢 相 謂 然。 於 IE 不 + 議 惇 今事 等罪 亦 此 訪 敢 今及陳吕 必必 又請 餘 惟 意 皆 吾 仰 人, 疏言: 其 謂 賢 닌 和 狀 視 以 公 人 對 能 不 唑 顔 MI 論 情 臣 經 默 而 口 開 惠 極 李 時 下 , 術 奏 益 乎 待 憲、王 青 陛 丽 納 卿、 私 惇、 摇 不 侍 ? 遇 先 下 於 小 大 己 蔡確 必 人 公極 惠 進 近 初 公 哲宗 得 中 主 卿 臣 用 習 政 親 章 宦 Ė 重 9 於 皆 不 内臣 職 臨 舊 之子 禍 官 臣 未 復官 惇 温 敢 陛 在 力 不 嘗 朝 竊 '、 李 争, 渥 下 勸 威 輔 公 皆 口 惜 聞 如

閨

四

月

除

知

陝

州

朝

辭

勸

-

以

寬

到

任

義

惟

祖

宗

是

憲

,

仰

裨

求

助

之

明。」

蓋

平

謝

表》云:

非

堯

舜

不

陳

竊

慕

責

難

之

日

也

之。」 此 既 朕 以 時 爲 欲 范 然, 再 忠 看 臣 宣 0 乞携 猶 復 當 獎 此 軸 喻 章 也 再 示 三,公謝 執 上 政, 日 0 且 而 詰 且 退 責 留

元 矣 《家 哲宗 祐 章 明 欲 在 大 文字 請 安静 對 九 日 更 傳 内 郡, 變 終 極 年三月朔, 外 以以 無 法 公自門下 梗之者甚 又不 執 度,公 件 寧 政 「宜 色。 天 許 官 心 日 每 恐 有 公 衆 · 侍郎 ° 懼 有食之, 因 上且 闕。 乞 己 時 修省 事 補 出 繼 進 而 欲 公亦 外, 知 述之論 諫 中 不 大 以 汝 Ŀ 輟 盡 用 不 言 答 州 云 如 知 天 極 己 《家 有 鉤 戒 興, 上 不 忠 傳 成 再 憤 命 要 方 務

章 傳》 蜀 求 書 遂 惇 職 生 悉 據 前 京 考之罪 同 次、欲逮 0 退 澹 與 史官 畿 于 有 進 拜 布 趙 據 然 居住 及 洛,有終焉之志。 書 相 公、黄 蔡卞 《實 衣 被 每 直 無 官 故 諸 耳, 被 報 貶 欲, 書 趙 所 史官 除擢 録 責, E 尚 公皆坐貶,公得 問 應史院 修國史,公罷 家 今復不仕,何 学中 安 書彦若、 處 人 止 繫 石罪, 必力 出 之怡 不 三. 十 二 詔 取 千 見 獄 辭 及登侍 餘 然,嘗 會文字。 欲 其喜怒之容 黄 覈 不 條 事 實。 中 校 郡 爲 永州。 傷 得已 理 以 不可?! 從, 公以 宫 既 庭 謂 以 : 初, 觀 然 詆 臤 無 而 皆 實 公平 吾 後 時 誣 卞 **\$** 檢 同 無 報 就 不 修 證 於 與 西 尋 神 以

紹 聖三 不 所不赦。」公云: 嘉 納 年 至 徙 於 賀 以 州 計爲 「吾論多事 謫 訶 直 云 以 無 矣,皆 朕 爲 於 有 庶 可 言 以 則 爲 在 無

所 保 間 年 上 覓 罪 移化 太母 護 哲宗 乳 坐也。 也 E 媪 亦 疏,止是勸 躬 也。 事 州 不 《家傳 丽 惇 知 然公先上 己。 所 所 卞 被受 坐 以 明 E 何 年, 謂 以 止是白劄子 事 皇帝 ? 上 愛身修德,太 徙 疏 賓 後 疏 太 州 乃 母 後 知 , 竟 數 所 元 业 符 母 日 以 向 不 以 知 乃 元 離

公燕 也。 華 易 雖 有 常常 穿 者 其 居 《遺 處 如 所 Œ 不 事 新 服 色危坐,未嘗不冠,出入步履 平 几 + 案 皆 生 餘 無 出 所 年 長 於自然,未嘗 觀 不易衣 物 書, 研 如 墨 手未 , 亦 刀筆,終歲 無 有意 觸 垢 汙 如 衣 省 此 稍 履

公言:「舊年子弟赴官,有乞書於蜀公者, 公每 道 IE 當 誦 不 計 如 董 仲 其 此 功」, 舒 若夫 之 語 謂 成 正 沖 功 日 其 則 義 天 君 不 也 ·謀其 子 」。」《遺 行 己 利 立 明 朝 其

> 恩 蜀 多 公不 則 難 許 立 日 朝矣。』」《遺 . 仕 宦 不 事 可 廣 求 人 知

吕 吉 厚,鋪 陵 祐政事及諸公,又自 惠 爲 甫之用 卿 高 敘 可 人 送詳。 斬」。 也 事 !」《遺事 也,神宗 紹 公笑 聖 初 陳 日 極 起 遭 知 「宜 廢 遇 其 謝 先 乎世 姦 表 朝 邪, 以 被 力 嚴 詆 嘗 眷 深 謂 元

東 公舊 坡 每 與 好 戲謔 人 行第十三也。 戲 ,語言或稍過,公必戒之。 必必 视 日 《遺 「勿令范十三知! 事 東 坡

公篤 公平生不問家有無,俸 遽 奏薦 共之,以故常 於兄 以 蜀 先諸弟,及捐館 田 弟之愛,蜀 質 於人,出 不足。 中 温 入所得, 逮 歲 倍 南 猶 人,不復問 稱 遷 未 之息,始 家 官也。 與族人賓客 徒 四 《遺 多 能 寡 事 辦

哲宗即位,宣仁后垂簾同聽政,群賢畢集于

行

《遺

事

賢 衆。 擎 死 哀 翰 夫 爲 臣 誣 加 子 庭 語 以 重 朝 蜀 皆 瞻 類 也 相 于 子 玩 爲 穀 梁燾、 尤 專 賈易等爲 諸 散 謂 不 瞻 領 相 侮 洛黨者 同 以 可 庶 悟 黨 袖 地 其 從 哀 以 故 執 幾 忠 師 不 日 微 E 相 自 也 爲 皆 故 政 朱 嘉 厚 温 近 巌 仲 攻 分 以 陶 元 銜 羽 當 光 祐 不 兩 人 叟、 公, 《聞 擊 黨 等 程 翼 祐 怨 平 時 擾 庭 之 秦 情 不 見 不 劉 相毁。 爲 正 黨 刺 之。 有 爲 風 人, 如 賈 己 文 安 川 羽 叔 骨 洛 治 矣 E 易 盡 黨 世 黨 侍 翼 憩 是 黨 介 陰 不 E 竄 者 至 爲 講 和 直 時 然 亦 甫 平 叔 嶺 伺 紹 川 戎 爲 領 朔 無 既 雖 不 以 間 多 聖 海 深 袖 黨 領 黨 偃 黨 皆 賢 退 免 蘇 之 疾之, 隙 用 初 者 袖 武 竄 以 者 * 羽 朔 元 子 古 外 范 謗 章 豐 翼 黨 逐 朱 愛 以 瞻 不 而 或 以 惇 尤 之 免 醇 口 大 訕 劉 内 光 民

> 公曰 與 立 : 事 范 純 則 夫 未 在 其 間 蓋 學 氣 修 質 身 弱 古 於 好 劉 若 道 原。 造 理

元

城

譚

録

十三之二 吏部侍郎鄒公

停,羈 寧 安 改 部 起 添 年 進 兀 置 侍 監 居 兀 知 年 除 第, 年 袁 郎 舍 杭 公名浩,字 太 管 召 明 州 州 移漢 學 歷 除 對 新 年 酒 博 楊 除 未 寶 州 明 税 陽 除 土 州 赴 文 年 右 志完。 軍 名 除 閣 徽 潁昌 出 責 居 勒 E 宗 待 除 右 爲 授 言 住 停 中 制 IE 即 常 襄 府 衡 言 書 位 州 昭 州 教 明 五 州 知 舍 州 授 晉 教 年 遷 年 别 江 復 授 陵 居 駕 右 宣 寧 元 除 復 住 人。 德 府 司 遷 元 永 承 名 祐 諫 郎 符 奉 州 勒 尋 吏 中

郎 閣 遂 政 歸 和 常 元 州 年 卒 大 年 觀 Ŧi. 四 + 年 復 直 龍 圕

道 爲 鄉 協 允 之,嘉言 流 也 薦 其 誣 意媚合, 久,大臣 厲 精 然 力,擠 精 遇 布 金 見 人 鄒 不 擢 公之章留 中 水 事 實 良 也 公, 於 上 居 外, 治 之語 接 玉 顔 入告。 当。 不 欲 之 諫 自 和 不 物 面 以 用 欲 自 於 垣 順 少 賢 Œ 結 姦 天下 可 猶 積 以 陷 中 不 無 從 如 如 磨 諛 於 虚 中, 道 穽之 間 不 不 取 人 不 之徒, 公力言之,以 磷 聞之,真 嬖 從者。 舟 學行 下 望 知 它 而 及, 暱, 然 ,乃僞爲之, 人之子 中 也 其 英 元 義 又下 爲 恶 爲 華 丽 符 適 知 是 見 若 其 保位 仁 堅 發 丽 中 中 即 名 時 石 有 殺 害 挺 人 外, 官 哲宗 爲公議 於 用 其 以 焉, 罪 之謀 之姿, 君 己 母 望之 虚 公 加 侍 時。 者 子 皆 之 相 位 皇 以 輔 臣 也 其 睟 類 是 帝 之 如 其 詆 頣 迎 之 不 期

> 序》 天下 然語 弛 之將 使 久 追 親 好 有 朋 明 爲 念 矣,不復 編 擔 也 者。 謀 小 聞 在 凋 之重 广, 矣。 深 及之,愴 人 見 ,知公爲 屬 不 即 喪 及 矣。 知 者,故詳 公既 馳 略 余爲敘。 余 私 爲 紹 君子之爲善, 往 盡 有 適 興 雖 己 没, 猶 省 尤 然 還 斯 = 丽 有 任 之。 以 著 詳 不 自京 人 迨 年 IE 端 其事 或 余於公,非 能 之,以 也 至 今二 論 人 釋。 見 事 其 0 師 垂 行 Œ ^ 其 爲 終不 子 絶 龜 焉 + 之本 聞 昭 1: 間 薾 鳴 Ш 柄 而 真 餘 示 , 公 然 集 呼 集 蓋 口 不 無 末,皆 年, 疾 來 僅 僞 朝 公之奏 志 其 誣 敢 鄒 革 世 是非 存 昔之 公 平生 燕 爲 世 也 也 未 餘 余 公 道 庶 游 議 交 平 議 公 之 女 明 以 所 始 辨 每

張 繹 也。」先 . 生日 鄒 浩 以 君 極 子之於人也,當 諫 得 罪 世 疑 於 其 有 賣 過 直

中求無過,不當於無過中求有過。」《程氏遺

志完修潔有志行,記 就 書 口,無貴於 斯 口 賤 畏 必與 者。 之交, 然自 覽該總, 無遠 視 如 邇 援筆數千言立 未 必 足, 欲 收 士 有 而 取

志完云:「聖人之道 之。 力。」《胡氏傳家 家 其 萬 户 要在慎 ,何從 念從 崔正言《婆娑集 何 獨 而 處 而 人? 起 E 即即 一,備 大 但 點 要 於 于六經,六經 檢 在《中 + 不 放過 時 ·庸》一 中, 便見 千門 看自 篇

田 官 勵。 畫者,字承君,陽 也。 風。 也。 遣客見承君 元 志完 人物 鄒浩志完教授潁 符 性懦 間 雄 偉 承 因 君 議 以 翟人,故樞密 得 監 論 測 承君 京 昌 其 慷 意 城 慨 故 與 門,志完 承 俱 遇 客問 君 有 宣 事 遊 前 簡 承君 輒 除 公姪 軰 相 自 之 樂 激

> 之。 折簡 若相喜者。今天下事故不勝言,●意 之句。」爲志完發也。 有『知 君 日 相 承 近 謝 益 許 :「上遇群臣,未嘗假以 君 讀 既 相信 者何如? 謝 病 取告見之,❷問 君既 何書?」 加 歸 曰:●「承君 而 朋 陽 得 黨之 後言,貴可 翟 雲梯後, 承君 田 今君爲 禍 舍。 大起,時 日 辭 志完 -甚 客言於 應 有 何官?! 苦。」 日 悔 益 吾作《墨子 日 聲 報報 事 當 也。」●承 . 色,獨 因 志完,志完 年 日 立 平 一志完 約 變 泣染絲 劉氏 生 相見。 更, 詩》, 君 欲 於 愧 與 爲 承 許 使 浩 謝 君

3 2

4

^{●「}志完折簡」至「甚苦」、《邵氏聞見録》卷一五無「曰」

[「]取告」,同前書元鈔本作「趣往」,較長。

傳》敘此亦作「固」。《宋史》卷三〇五《田晝「故」。同前書元鈔本作「固」。《宋史》卷三〇五《田晝

[「]可」、《邵氏聞見録》元鈔本卷一五作「其」。

之良勤 之。 平 宰 隱 立 皇后 去。 獨 别,志完出 拜 因 自 自 有 中塗,承君喜甚, 交矣。]又一日,志完以 皇后 嶺 默 相 滿 奏 失, 歎息日 辭 所 亦 官京 曾 一十所當爲 建 思 以 歲大疫, 海 日 辭, 承 引得疾 布 中 去。 也。 之外能 時,浩之言戇矣。 君 欲 靖 請 臣 師 謂 涕, 收 至 明 或 知 即 而 承 子 :「君之贈 殿 置門 遇 日 承 死 卒。 淮 初 者 死,不復望清光矣。」下 君 寒 門, 君 浩 亟往。 人 1,未止 陽 日 . 疾 下 承 《聞 哉 乃 E 0 自 望 軍 君 不汗 得 見録 色 不 F 志完 挾 以 書約 此 人爲 我 罪。一 責 毉 一猶未 志完具言 能 上初 去。 願 1. 也。」志完茫 厚 户 不言 屈 E 承 君 矣! 太宗正 留 . 興 日 不 吏 君 除 無 間 怒也, 「使志完 三日 死矣, ,凝然若 民 提 以 會 病 口 乃 者 畏 潁 舉 此 以 丞 别 愛 常 藥 然 贵 殿 浩 諫 昌 舉 臨 絶

十三之三 諫議陳忠肅公

中元 郎 糧 位 編 郎。 坐 實 就 書 兀 黨 o 修官 録 料 年 鎮 召 籍 以 院 院 豐 通 紹 東 公名 除 移 除 ____ 檢 判 聖 軍 ,皆辭 改 右 送 年 討 瓘 名 宰 滄 判 初 知 E 廉 進 勒 官 州 官 字字 相 9 無 不 言 州, 復 士 停 事 書, 赴 爲 瑩 除 甲 除 辭 0 遷 量 軍 送 中 責 差 博 科 著 史 右 除 0 移 袁 監 知 局 士、 作 太 司 南 爲 復 郴 州 衛 建 佐 學 諫 劍 召 湖 祕 州 除 編 州 州 郎、 博 州 爲 州 書 責 管 右 武 得 著 沙 士 書 省 司 監 樞 徽宗 自 夷 作 記 縣 崇 員外 校 密 辭 楊 便。 觀 郎 寧 簽 院 書 州 即 不

楚 郎 以 坐 州 ·, 主 進 子 E 尊 管 宣 彙 堯 江 和 事 州 集 六 逮 太 \sim 年 繫 平 送 卒。 詔 觀 台 獄 州 靖 編 送 居 康 管 南 通 中 州 康 復 安 軍 宣 諫 置 徙 教

大

夫。

紹

興

中

特

賜謚

公爲 誅 神 廪。 世 相 醫之請 會 術 公學識 公得,公以 間 持 公方 少 明 越 雖 倅 彼 正 初, 州 欲 飛 貧 闕 卯 卓 也 簽 屢 將 疎 禽 卞 異 判 登 必 遠 彼 蔡 走 所 嘗 義 公 喜 之, 高 得 俾 嘗 獸 待 爲 蔡 不 每 觀 圭 於 諫 能 公權 公 當 遇 下 屢 竊 戰 少紓 租 以 呼 爲 語 受, 加 引 笑 遣 孫 爲 攝 禮 帥 . 疾 不 卒 前 之。」至言 太 , 尋醫 公到 以 待 知 張 早 不 官 而 及 時 公甚 其 , 懷 取 公已 明 將 當 漢、 章 歲 明 素 而 州 往 得 厚 數 不 道 楚 得 歸 遂 以 刀 職 得 孔 之 殆 其 成 術 伸 法 毎 \blacksquare 非 官 子 通 心 尋 以

> 也。」 道者 論 因 又 也 止 而 守 是 相 懷 素 染 IE 後二十 諂 斯 固 . 公, 合, 近 且 則 不 子 怪 來 竟 不 願 下 不語 年 矣。 會 免 以 此 民 於 稽 不不 尋 懷 視之從 怪 州 羅 素 求 下 然, 牧 力、 織 敗 無 留 既 矣。 不識 多多 迹 風 亂 公 甚 而 加 《遺 引名 少 信 神 之未 靡 止 俟 事 重 士, 爲 非 公 使 + 不 不 或 真 大 口 不 素 幸 爲 欲 夫 訓 有

紹 公必 敘 默 左置 舟 聖 緩 相 請 然未 遇 初 以 以 共 有 右 何 所 隨 章 何 載 答。 其 以 事 乘 事 衆 申 而 副 偏 當 舟 公 爲 公復日:「 謁 行 E 急 爲 以宰 先 之。 意 也 諭 訪 ? ? 者。 0 以 章 相 誰 何 明 偏 當 召 素 爲 事 上 敢 此 重 道 世 闡 君 爲 方 間 其 之 則 公 子 過 虚 後 將 미 務。 口 名 心 Щ 行 欲 行矣。」 易, 乎 以待公, 獨 誰 施 公 何 行 請 公 爲 事 章 之 小 登 移 滴

豐之 豐、元 之太 艾 黨 唯 乃 急 邪 心 望 舟 或 政 思 也 當 爲 前 矣。」 勢 於 良 柄 如 持 而 之極 絶 遽 温 政 此 此 M 祐 欲 中 疑 不 諒 章 辭 臣 移 ,所以紛紛 公不明 爲 道 大 多 其 日 非 務 有 下之私 厲 左 公 辩 論 説 改其 素 迹 纂 異 姦 以 淵 色 庶 熙、 日 定 則 邪 紹 熙 先 視 置 司 源 乎 無 . 之 豐、元 已 先 寧 情 志 馬 而 公日 右 ___ 不 可 以 至 論 議 行 烈 相 光 何 也 爲 厭 以 於 融 則 而 ? 公悮 論 兹 ,果然,將 祐 願 無 則 服 肆 救 祖 今 先 用 勁 邪 誤 罪 聞 公 弊。 宗 公 意 Ħ 光 母: 志 矣。 Œ 事 其 論 之 或 所 改 大 輔 E 固 若 略 若 章 善 爲 益 改 子 當 母 以 己 恐 此 遂 失 雖 示不 之説 又 意 成 甚 后 今之計 變 先 爲:「元 紛 以 天 猶 章 迕 矣 以 消 辨 加 察 紛 爲 獨 欲 下 復 熙 未 行 悮 宰 之 朋 行 女女 其 平 無 竚

> 休 矩 所 得 辭 下 此 Ш 與 亦 ൬ 太重 亦 繩 載者 誠 語録》云: 蔡 别 須 頗 可 墨 不 有 下 驚 運 因 乃赴官 · 濟 及紹聖 處 方合, 於 何 異 章 事。 置 物 瑩中言宰舟 始得 到 調 得 也 遂 時 孟 闕 和 重 知 子言 不 ,於是三年 有 得 ,今當 如是 知却 召 必 是 兼 一天 害 公 取 不 本分 减 如 事 下 **\$** 最 於 爲 去 何 元 可 處置得 錯 何 好 亦 Œ 太 祐 運 物 不 偏多 了。 然 於 論 學 之 則 遷。 亢 掌 載 事之人,必 若 遂 博 語 適 祐 平 只 士 舟 如 若 以 留 説 遺 不 彼 據 得 事 婚 公 被 知 公 所言, 此 總 須 爲 人 聞 嫁 共 腦 有 間 其 兩 其 飯 天 便 規 到 舟

公爲 戒 其 文 治 公 非 以以 下 日 士 太 通 也? 之黨 鑑 人,不得 學 明 》板 博 此 神 也, 土 豊 自 、公聞 考 神考 習 有 競 薛 又 推 訓 元 昂 日 之, 親 祐 尊 . 製 於 林 學 大 荆 耶 亦 是 自 策 術 公 之 林 神 + 加 自 徒 題 卞 考 擠 公 駭 特 方 爲 排 少 異 議 正 年 元 引《序 毁《 祐 録 之 誰 而 文 資 謂

遽 敢 爾 有 議 以 卒 告卞 毁 公 · · 矣。 日 有 卞 《遺 少 長 聖 乃密令學中 事 人 之 之 異 學, 乎 ? 得 置 自 於 板 天 高 辭 性 閣 屈 愧 有 不 歉 復 始

紹 乃 聞 也。」 故 劄 聖 或 温 用 順 天子之孝,與 稽 之意 一、反復 引 大 堯 體。 公等, 繼 而 造膝 退 述 臣 、舜、禹 行之,「稽 必 公時 之説 嫉元 道常 計 加 使合於 上 之言, 執 問 以 意 皆以『若稽古』爲 爲太學博 政 祐更改 然 不 以 感 土 語 聞 <u>|____</u> 加 孝 爲 遂 民 則 悟 大 遂 丽 不 之 明 形 夫 考其 情 Ŧ 移 約 恨 渝 名, 繼 土 跡 不 所 荆 時 公 述 被被 同 當 事 上 公已行之法, 再 以 先 之義 遂 否 有 謗 迫 旨 見 成 朝 泰陵 訓 朏 於 弊 宣 賜 或 帝 追 有變 公于 進 『若』 則 對 貶 喜 王之治 H. 若 饍 必 司 所 其 更 論 事 外 變。 者 時 或 公 未 傷 乃 馬 奏

> 學博士。 聞 威 復,首起 之言? 甚哀,❶ 然亦不 寤 泰 遺 言 爲 之,撫几 少少 陵 事》○又《聞見 逆 由 聖 别 意 煮 謂 或 朋 知 先是,惇之妻嘗 是 試 顔 惇 譏 黨之禍。 開 契 出 惇之報怨 曰 搢 所 英 陳 合。 此 紳 睿 主 銢 公 文。 辭 惇 <u>*</u> 土 與 公 臣 遂 妻死 也 達 夫 其 勸 吾 始 陳瑩 以 下 無 義 林 惇 ,惇悼 惇 罔 兄 益 書 召 奏 以 無修 明 自 中 悲傷 東 爲忤 不 抵 對 見 念 紹 謂 怨。 使 坡 聖 欽 公, 不 蔡 曷若 不 遽 堪 初 往 服 惇 最 用章 歎 卞 復 主 以 往 作 念夫 登中 用 善 日 相 懾 蘇 惇 豁 人 論 甚 專 薦 人 見 黄 於 然 所 平 悼 爲 務 至 事 聞 門 感 難 天 生 太 報

公嘗 謀 壞 陳 將 或 瓘 是 欲 因 此 · 面 盡 害公, 取 動 史學, 摇 荆 耐 公之學 而 遂禁絶 黜 通 也。」卞 經 史 之士 學。 意 既 計 積 欲 已 沮

■「容甚哀」、原作「客甚衆」、據《邵氏聞見録》卷一五改

前 遂 定 公 下 及 當 一廢矣。 也。」《 純 固 時 往 唯 用 預 若 往 候 料 王 遺 無 皆 公所 故隨 氏 其 事 矯 博 之學 如 揉 洽 取 時 此 稽 者 士 所 則 乃 求 古之士 以 勢 卞無 於前 疵 救 必 立 時 相 以 五 也。 了, 不 激 發 名 一説 必 史 然 悉 公 丽 取 學 嘗 取 \overline{T}_{1} 行 快 往 談 名之 之。 目 往 經

公自 略 即 州 至 日 館 紹聖末 中 行 焉 就 職 間 道 請 數 論 徽 遺 外 有 事 補 章 薦 宗 惇、 章 即 得 蔡 位 倅 兩 滄 下繼述,❷平日之志 被 召 州 内 爲 除 言 秩 皆 事官 滿,移守 辭 不行 於是 衛

公方 明 若 後 日 ? 臣 赴 盡 此 僚章 進 召 因 命 必 舉 疏 至 有 蔡 則 闕 之降出者。 姦 京 異 聞 人 上 時 疏請 圖 是 有 蓋 中 非 - 山田 ? 己 滅劉摯等家族,及 變 公謂 愆 亂 令三省 省官 圃 字屬 爲 此 何以 謝 繳 謀 聖 進 者 自 藻 前

> 徽宗 言路 敘官 悚,即 妄言 泯 欺 初 巾 誣 爲 政 蓋 携 白 ~, 欲 革 衆議 所 抹之説 劍 遺 時 當先 事 人 宰 占 内 紹 録 以 不 欲 聖之弊以 副 公時 能 瑶 斬 本 華 盡 王 ·于省中 復 行 在 珪 位 諫 靖 等 由 省 國 數 司 有 於 獨 馬 此 事 其 是 後 温 跡 以 大 謝 爲 公 京 不 等 開 黨 . 驚 口

禮 之政,人乃服公遠慮 施 也 非 細 幽 行 行 辜 故 廢 之。 誅 朝 之, 也。 母 廷 責 后 庶 今欲 以 至崇寧 追 造意 幾 公論 口 貶 E 之人, 間 一復,當· 久 無 故 鬱 相,彼 後 蔡京 也。 患, 然 先 且 《遺 後 辯 皆 用 欲 不 事 發 事 明 快 V 宜 悉 爲 名 悦 誣 欲 詔 图 以 速 改建 行 情 令, 致 昭 遽 非 中 悔 以 雪

●「疵」,原作「疵」,據文義改。

2

「下」,原作「明」,據文義改。

726

公在 言 體 時 見 反 聞 言 彈 路 人主 《傷治 撃 惑 其 不 知 託 體 聰 以 無 言者 乎 明 不 細 言 故 以 況 遺 然 耳 未 以 事 議 目 嘗 許 論 及 固 爲 持 人 不 忠 平, 當 私 無 以 務 過 補 存 淺 於 常 近 大

公譽 己,未 事 紹 刺 絶 所 退 日 其 聖 望 避 指 mi 間 思 早 廢 議 嘗 在 公議 及 諸 達 者 彼 蓋 後 往 自 預 則 公交 , 則 公之 被 薦 往 登 舉 眷 朋 而 薦 科 嘗 爾 意, 知 黨之説 人 不 於 相 所 其 汲 以 居 朝 舉 知 黨 汲 士 言 薦 公 於 在 路 無 亦 慎 故 仕 此 出 緣 不 排 所 進 公 則 處 以 而 姦 主 疏 爲 不 起 小 扶 元 文 仁 故 多 因 《遺 祐 所 有 薦 由 而

公因 朝 會 京 敢 之 見 敵 精 察 太 神 京 陽 視 如 吾 此 日 恐 久 它 此 圃 H 人 不 必 得 瞬 志 掌 必 然 以 擅 矜 語 其 私 人

> 所 懇 惡 逞 謂 欲 也 ጢ 。」於是攻之愈 京 『射人先射馬 以 無 聞 付言 君 公言, 自 啖 肆 公。 大 矣。」 擒 力。 所 公使答之曰 賊 親 尋 《遺 須擒 居 以 事 諫 自 E 解 省 , 且 不 遂 致 得 杜 攻 自 其

己

公每 無 輕 無 欲 事 疏 北 異 廢 謂 文 不 則 將 驗 分 有 絶 有 者。 史 一天 日 裂 必 以 學 . 有 以 知 下 《遺 萌 絶 其 荒 之事 加 事 滅 咀 故 唐 逮 史 嚼 m 亂 變故 今三 學 應 虚 天 變。 無之言 下 -無 矣。」 似 常 餘 E E 年 其 氏 故 唯 衍 9 之學 彈 稽 事 而 3 蔡 所 重 與 考 南 京 73 往

公以 首 明 大 實 論 紹 竄 録 臣 青 其 聖 之義 一史官 合 事 變 進 浦 亂 外然 是 專 ~ 著 日 據 非 猶 録 尊 9 ^ 止 荆 不 辯 堯 以 公 》,乞 口 集 增 日 傳 加 信 録 改 深 之 **>** 罪 闢 以 實 故 修 誣 居 録 歸 ^ 妄 諫 裕 省 陵 又

言行己 之耦 罪誣人之事? 惡,以 十二年之事,善善 中者,多失之過。 薦白代,而 我知之矣,智者、賢者過之,愚者、不肖者不及也。 以 公之所取 口 及 下 下。 殖 (荆舒 備見。《遺事》○《元城譚録 邪 爲 私 也 加 H 而後納諸僭叛不軌之域,此學 説 先。 黨者, 卞實 蓋公之意 ,當本之誠 議 明 録 **芻蕘** 大行,勢不 世 未 禍本之所在 雖 論 若 當 以 尊崇宗 直 今欲 乃 識 根 改過之書 爲正 認思 如《尊 此 歸 面。 捷 源 以以 Ē 過 之謂 罪 鋤 蔡卞,以 也 無 或原 堯集》先評 謂 可 中 廟, 大 魁 塞 誠 所 庸 回 事 荆 心定 也。 口 ", 而 故 破 回 救 公已 $\check{\exists}$ 所 ,於是直攻 則 爲吾 平 公自 闢 以 避 ? 時 枉 罪 制 日 《後集》序 E 道 術 用 筆 則 一荆公爲伊 革]殁,宗 私史,立 復著《四 其 之不行,不 則《後 不粹也。 權 且 有 春 陳瑩中,安世 謂 流 弊 道 之, 誣 秋 當當 人,是 》書 蔓易矣 何 四 其 荆公之 且 日 集 嘗 其 君 文 意 説 明 明尊 以 明 自 始 聖人 有 白 子 产 也 尊 則 口 去 以 招 嫁 74

> 憾, 者,則 曰: 堯集》,大概與 吾子言。 嘗爲人説 處,不可 出 曲 於荆 也。 而 「安世實嘗語之以此。」〇劉公集有 (今而後,亦可以忘言矣。) 漸 公, 如 全用。 自 然則 恐萬 此 則 E 安安 入於 前 救 韓 一傳去,使渠輩先 今 有 説 弊之理,莫若只宗神 Ħ 瓘 温 能 同 日 之事 公矣。 立 但 者 其 乎? 陳瑩中 則 末 亢 固 À. 祐 不 0 ·之説 施 可 諸 又 報 公所 弓 用。 日 考,大 君 箭 。 固 答陳公書 行己, 行 有 當 丽 如 今之 蓋 有 是 不 道 苟 有 也 不 可 理,未 論 務 一。」公公 미 不 未當 尊 及 爲 非

公自諫 之命。 拜 是 賜 迕 宣 作不 公度 命 諭 欽 省 聖 以 牒 辨,不敢 公以京猶 非 也 謫 遺 事 + 本 楊 占 道 被 州 命 筦庫 、祇受。 俾 方 在 數 且 勿 朝 日 以 遽 開 廷,而 及京得外補,公乃 欽 論 解 行。 聖 蔡 È 復言者差遣, 悔 総 京 上召 寤 遂 交 結 有 遣 還 無爲 中 外 矣。 戚 使

公自 爲 禮 右 部 司 員 侍 外郎 郎 兼 H 權 以以 給 事 間 中。 與 公日 時 何 相 今早 執 中

失 所 公 肆 肩 論 所 約 乃 澤 復 又 爾 見 m 待 論 坐 聳 移 以 公 大 能 有 不 是 貴 同 日 喜 候 相 F 者 觀 時 異 舍 人, 語 丞 將投 欲 吾 不 、公指 之 同 國 坐定, 見 朱 朱 相 郊 介 以 與 浸 禮 公 事 連 明 世 之 官 亦 見 祀 則 意 驕 派 也 是 即 日 英 皇 介 以 事 乎 公 爵 70 遽 公 慢 不 相 真 來 非 ? 議 恐 催 敘 出 有 持 遠 決 相 派 議 矣。」 公 當 失 促 私 言 書 公 以 去 餌 同 相 事 彼 雍 E 何 措 就 恩 人 也 拉 爲 行 整 多 辭 彙 公 不 公留 容 之公議 局 獻 者 之 儀 汝 兩 不 色 相 起 再 即 若 派 9 同 無 有 其 合, 未 有 亮 不 派 受 白 使 拜 相 呼 語 往 爲 愧 撓 及 怒 相 不 者 願 其 E 今 ,公遂起 相 則 我 矣 問 豫 得 甚 大 少 薦 堂 朱不 彙 失 所 書 怒 之色。 , 候 進 瓘 未 吏 丞 汝 翹 之。 盟 吾 示 之 比 有 足 知 相 之 口 已 恩 而 乃

> 竟 陵 之 不 命 蕌 所 以 遺 事 相 招 者 何 言 信 宿 遂 有 海

公自 於 爲。 傳 妄 偶 所 以 亦 逮 下 薿 執 東 (,公曰 利 於 不 京 不 所 0 開 時 宫 正 聞 嶺 待 忍 姦 況 道 開 害 封 彙 之 蔡 不 爲 外 今 邪 不 知 之 路 送 ; 封 制 杭 迹 崈 歸 . 日 欺 挾 志 京 獄 尹 詫 際 帥 必 不 遽 居 語 不 私 父 師 正 李 説 獄 敢 爲 自 方 明 言 有 貳 情 子 彙 孝 蔡 爵辛 隱 而 或 陳 與 州 間 所 以 之 聞 京 平 偁 果 嘿 飛 禍 京 告 也 貪 符 蔡 恩 之 嘗 昔 脅 不 書 」。」時 敘 畏 乃 合 京 瓘 福 丽 瓘 **\$** 所 誘 右 告 宗 自 其 指 將 田 厚 豈 正 以 京 自 公 IE 盟 内 陳 説 嘗 其 與 不 彙 彙, 事 使 違 侍 其 俾 于 論 爲 利 結 君 知 幹 證 其 又義 黄 事 爲 而 帥 妄 於 教 於 夕上 蠱 言 經 E 公 計 有 司 諫 子 黨 社 錢 所 若 亦 臣 乎 彙 則 動 0 9 省 禝 塘 贵 ? 情 瓘 之 不 連 遂 摇 事 蔡

官時 置 孝壽 廳事 勘 蔡京深 正 海 「不肖子煩 + 中之子 E 蔡京之罪 民哭送之, 管中不爲 通 彙 欲 爲 聞 懼 得 州 猶 走 恨之、屢竄責 中 公所 以 上皇 之命。 京師 實 坐 瑩中 音 列 瓘 右 所言 極 五木于 對, 實 , , 行。」蔡京 爲 吉 知 司 不 蔡京 蔡 失 之, 遺事》〇又《聞 過 ·知情 京、 但 庭 例 聲 事。 實 不 動。 依 ,引瑩中 用 蔡卜 用 歎 肖 即 流 赦 此 酷吏 入獄 詔 £ 放 日 息, 不 竄 供 獄 放歸 不 歸 李孝壽 пζ 問 見 下 海 狀 知 猶 謂 見 用 之。 冉 也。 明 其 録 島,公亦 隸 公 用 子 州 \(\frac{1}{\sigma}\) 隸 治 通 其 瑩中 多 日 之決 捕 州。 通州 被 其 後獄 求 . 事 繫 祭 へ 中 從 孝 中 亂 紙 其子 笑 容 有 主 自 甚 H 天 爲 詩 具, 書。 下。 急 类 安 上 配 巫

公在 公料 堯集 置 H 上。 承 通 政 政 典 其 州 典 局 蓋 不 張 局 將 能 無 乃 牒 施 成 盡 自 行 事 坐 人 局 所 聖旨 相 中 辭 論 欲 奉旨 以 而 修 引 俾 由 公以 州 寫 取 史 郡 而 公所 局 催 自 未 用 促 發 助。 著《 公 也。 尊 繼 公 時

之命 豊 局 敢欺 不 ○《遺 用 繼 乃 動 而 , 乞於 將 於三 而 摇 復 通 用 」,於是衆人服 事》 ", 責詞 悉 懷 書 奏 图 也 可 省 疑 狀 廟 如公言 L 與 御 遠其 堂。 下 公行 而 書 進 前 謂 生 也 耶 表, 開 公 公曰 迹 忌 ? 拆 乃 以 公之 猶 何 私 張 E 置 彼 「恨 執 黄 恐 既 送 或 中 恐《 爲 局 遠 不 帕 罷 · 爲 宰 謂 與 宰 建 免,況 慮 封 尊 張 不得 黜,公亦 公當 官 相 相 堯 緘 商 而 鄧 至至 英, 若 有 直 徑 怪 以 繳 洵 自 達 1. 何、 書 所 申 申 有 意 而 爲 局 耶? Z 私 施 政 台 鄧 要 彼 執 覽, 者 爲, 中 北 政 己 典 州

公謫 之遷 以 郡 (t 、莫敢 台 ,皆令兵甲防 白 州 寺。公處之澹然,不以介意。 以 之法,每 朝旨 居屋借賃 不 送,不 遣 下 廂 者 司 巡 得稽 暫 行 起 館 移 造, 留 僧 峻 故 舍。 急, 至 + 台 所 H 而 《遺事 久之, 必 郡 调 爲 守 州

公到 爲 之 絶 乎 指 子 具。 李 守 兵官 應 H 以 客 赴 也 ? ? 所 之 書 狀 闕 揮 相 台 攝 行 蓋 事 問 、又置 之官 突來 取 泊 未 悈 數 公至 蓋 大 脅 朝 幾 之 至 月 有 間 蓋 以 繳 豈 尊 台目 約 耳 往 尚 之 郡 神 取 果 申 復 邏 被 土 朝 堯 束, 取 還 書 **《**尊 毁 揚 考 日 卒 論 旨 廷 集 令兵官 公知 索《尊 省 郡 者 爲 言 棄 不 數 XI 起 耶 堯 > 劄 耳 得 庭 怖 遷 堯 也 ? 陷 鋪 君 集》 雖 其 子 令出 垂 公。 堯》 知 突 咸 意 追 親 0 悈 而 前 公曰 副 簾 石 瓘 來 爲 戚 以 非 副 尊 後 卷 人, 視 本 遂 如 悈 將 主 至 所 家 本 堯 簾 所 制 巡 : 事 發 知 以 取責 有 此 居 書 》所 察 料 出 次 問 獄 州 然 前 爲 處 爲 日 示 事 日 搜 復 失 悈 以 係 殆 抄 則 大 鄰 分 舜 公, 措 立 欲 陳 朝 詆 爲 檢 至 録 即 人 于 Ħ. 也 名 劄 何 廷 誺 今 此 獄 賓 防 增 遣 m 行 公

> 害。 監 乎? 於彼 此 退 有 必 名分之 助 尊 守 以 不 舜 良 堯 ·, 對 者 測,公安之不 尋 刑 尊 遺 請 口 事 獄 ž 語 義 幾 堯 畏 榻 具 未 相 罪 何, 人 坐 也 申 何 其 恐 日 回 瓘 將 乃 爲 0 講 繼 此 窘 以 詆 亦 求 悈 以 又 語 不 結 辱 誣 不 不 爲 出 故 敢 黨 ? 百 畏 待 瓘 撓 公於 爲 端 引 古 公 公 將 時 人 悈 寵 其 一議,干 言 顯 僧 所 相 亦 也 説 情 畢 就 舍 學 法 終 憂怖 誅 使 桁 尚 犯 不 使 屢 君 戮 淺 名 能 自 所 揖 請 小 短 爲 慮 分 吏 如 公 不 得 治

公謫 題 於 搜 其 表 之故 篋 索 必 未 台 受察 題 得 及 州 行 達, 於於 不 以 嶷 李 敢 法 臣 而 風 輒 名 合 石 旨 於 開 進 悈 是 意 慽 謝 之 遂 爲 至 表。 在 來 以 封 果 得 奏 聲 事 台 其 如 御 勢 州 所 所 繳 甚 投 料 不 謝 薿 異, 爲 與 表 而 發 公料 執 以 封 必 遞 將 絾 緘 中

書之愧 皆 爲 如 遺 計 此 怒 事 ? 而 今 未 公 幾 顯 其 曰 其 罷 黨 迹 之。 未 吾 則 必 於 或 法 知 薿 問 使之術 納 初 「公何 忠 無 它, 相 不 捃 行 薿 以 矣。」 實 懷 審 自 遺 其

公雖 E 以 時 其 狄 合 薿 與 欲 洵 諫 公 殺 蔡 梁 緣 滅 務 爲 人 疏 天 初 公 與與 公 下 太 蔡 也 口 婉 之黨 洵 者 學 之 氏 ; 不 m 武 前 密 文 公議 至 生 相 得 有 贊京黨 書 亦 章 蔡 次 理 罪 識 如 頓 不 淵 年 薿 薛 異 獨 公 似 長 遣 ൬ , 薿 源 之 昂 陸 首 上 蔡 人 書 出 徒, 於 發 以 宣 蹇 遺 宰 致 論 力尤 京 是 對 明 公; 皆 序 公, 於 私 相 兄 愧 策 TE. 當 史, 書 海 辰 弟 甚 論 悔 剛 道 爲 陵, 時 而 何 力 天 謪 大 而 恊 己。 IE 而 則 排 謂 下 執 魁 守 不 彙三 力 欲 韓 中 撓 事 海 王 蔡 所 排 殺 文 氏 陵 薿 Щ 皆 鄧 公 陳 似 陷

> 公遷責 所 幾 之 歸 稽 咸 肩 重 器 竄 府 時時 知 如 連 名 + 石 此 歸 舍 重 以 Ē 年 來 願 館 悈 豐 具 越 見。 , 道 遺 杜 台 甫 舟 所 事 人 門 路 仲 州 檝 至 聞 及自 薿 紛 遮 不 爲 人 公 紛 擁 爲 治 情 禮 天 赴 越 台 皆 向 幾 府 候 事 帥 慕 其 歸 不 會 公 以 所 可 通 絶 於 雖 競 公早 州 爲 迹 郊 來 田 也 州 0 夫 觀 爲 因 爲 道 郡 野 瞻 共 由 岐 宴 遺 事 欽 會 載 會 比 公

公在 備 霑 檢 承 台 未 事 恩 舉 坐 當,合於 省 郎 五 劄 然 既 年 實 , 云: 初 而 端 屢該 上 以 見 降 旨 宣 奉 存官 也 赦 德 令 御 當 郎 敘 外 批 被 自 被 官 敘 命之 敘 便 放 謫 復數 官 還 後 而 而 仍 敘 乃 刑 内 忽 部 官 因 取 陳 得 旨 郊 瓘 州 乃 不 牒 得 霈 敢 與 敘

乞 遷 無 遣 不 爾 有 具 差 愐 其 家 延 憑 , 若 漸 遺 來 之説 供 阚 狀 口 也 涌 與 丽 具。 Z 符 陳 州 見 差 乃 耶 州 公 將 乞 以 於 遺 事果不 報 ? 告 數 日 差 塞 贵 御 一 厶 此 月 遣 示 彼 E 批 不 本 . 應 旨 謂 又有 「家 行 官 諸 人皆 見 吾 廟 知 問 公 狀 家 省 《遺 不 堂 委。」 ? 賀 不 昨 堪 狀 劄 欺 事 公, 敢 大 流 雖 下 E 君 公 削 但 落 口 通 聞 玩 既 以 籍 已 供 州 吾 爲 世 供 而 毁 爲 敘 之 令公 大 起 而 知 棄 差 此 官 独 發 術 委

公既 豈 難 求 時 州 隙 館 縣 盛 宜 還 詬 因 舍 宰 世 争 寓 揚言 相 與 所 通 周 宰 章 公姻 州 宜 旋 以 爲 密 有 爲 公報 時 取 置 家 耶 疑 開 旨 此 ? 而 忿。 封 送 卹 公謂 於 尹 彼 因 悈 公 悈 盛 謀 獄 乃 聞 亦 室 章 徙 爲 沾 日 而 以 頣 居 親 義 嘆 石 罪 以 事 親 編 悈 慽 避 • 置 戚 無 屬 以 之。 此 足 患 室 私 通

> 月 告之益 遣 嫌 餘 其 也 ___ 遂 子 爾 室 來 挈 於 致 家 非 謝 是 爲 欲 與 江 以 公 之 E 德 日 一之遊。 盡 報 8 力 怨 吾 也 《遺 爲 悈 0 宰 事 却 聞 盡 之不 丽 親 愧 戚 感 忠

公泛江至江 乃 外 乘 公 公往 忽有 外 守 公延 11-由 移 亦 間 此 抵 此。 江 臣 耳 朝旨 自 接 上 時 南 復 公 口 日 。」《遺 者 無 以 康 期 書 測 曰 降 不 間 信,往 州, 簡 以 居 怖 不 出 不 無 者 死 住 事 公 愛其 此 許 每 謁 下 往 不 也 乃 惕 有 爲 出 震 司 不 而 蓋 鶴 息 碎 城,月 江 燕 文 懼 之公府, 來者 緣 劉 相 公 山之勝, 俟 豆之欵 0 移 王 待 恐 命 所 门以以 交 申 不 寀 脅 制 書 而 遊 存 拒 器 俟 得 而 濮 E 碑 中 在。 因 罪 之 E 刻 新守之到 踰 必 有 1 士 聞之, 之策,伎 閲 又 到 牌 年 疾公者 大 來 居 公 數 額 歡 一更易 索 夫 于 者 家 適 以 與 經 城

公晚 者 京 嘯 猶 氏 欲 賴 以 下 最 以 徽 以 快 聚 年 以 又 宗 徽宗保 所 相 爲 意 益 皆 中 忌 聖 公 負 造 披 時 嫉 傷 察, 天 來 飛 全 摘 故 王 下 居 復 語 止 其 寀得罪, 重名 宷 不 得 ,言公之壻 令移 有 用 至 禍 之 楚州之 心 死 比 鄉 蔡氏 居 也 口 脯 郡 而 南 發 公適 時 之黨 命 康 因 爲 諸 露 遺 危 事 寇 居 公 其 蓋 及 必 所劫 言 爲 潛 江 一公所 後 欲 陷 最 慝 州 方 殺 蔡 取 公。 論 寇 公

公徙 待 是 隱 加 口 叮 日 非 禮 之 得」之語 或 以 居 無 ,有「公立 之公乎?」 吾 Ш 書 疑 間 陽 無 其 譽 也, 蔡 之於 私 即 後 氏 憾 經 出 聞 朝 腹 乃 於 舊 由 郊 行 其 心 蔡 先 日 候 江 奏 己之道, 遣 氏,蔡氏 公, 勸 都 報 書遺之。 公晦 時 蔽 方 語 寇 遮 頗 淮 願 跡 之 江 事 輸 望 帥 面 淮 人, 誠 見 毛 毛 调 友 沮 爲 公 贵 報 而 亦 遏 欺 公 達 書 無 不

> 公性 及後 意。 化 彼 不 立。 賊 世、公撫 露芝草之瑞 滿 至 此 勢 而 一孝,事 之意。 貶 居 爲 初 斯 大 責 奏 喪毁 善者 率 卹 人 補 以 親 其 如 有 《遺 恩澤 瘠 至 不 是 承 助 孤 終 事 於 如 也。」 可 順 身,諸 禮 兄 教 捨 晚 顔 弟 養 廬 蓋 己 色 進 嫁 友 子 子 舉 公與 後 墳 使 愛 娶, 皆 也 茹 而 輩 親 尤至,伯 白 先 蔬 使皆 庭 因 爲 衣 伯 連 遺 公激 無 、未嘗· 事 善 年 父之子。 有 不 氏 所 有 適 發 不 早 之 有 成 甘 默 分

公性 之貴賤 言 之長 能。 警之,人 事 **,未**嘗 謙 一行,苟 公平生 和 雖 多 講 而 見 與 論 退 有 察 其 物 手 省 歲 短 口 無 唯 不 之 愧 未 取 競 於 執 服 豐 農 錢 即 嘗 與 凶 田 譽 不 面 人 尤 也 不 美 議 折 視 好 傳 論 權 獎 廢 然 唯 揚 詢 衡 進 常常 微 率 貨 後 訪 語 謂 多 示 己 意 取 殖 人 以 之 則 米 不 以

之,或 \Box 有 臨 事 或 必 家 以 豈 爲 能 言, 忘 此 利 前 ? 賢 或 以 孳 爲 孳 戒 也 而 營

公雖 《遺 《遺 語 子 也 豈 ? 家 孫 閑 事 事 吾 畫 居 御 人 嘗 未 下 容 戲 有 尤 嘗 止 間 欺 有 不 常 實 於 正 禮 莊,言 否,公退 衣 人 法 冠 未 耶 不 ? 嘗 荷 自 以 何 日 發, 責 非 爲 者 雖 嘗 類 有 累 盛 與 駡 此 家 暑 Ħ 間 見

公有 肯 閲 者?」公曰: 提 間 動 事 其 就 偃 不 有 斗 念 餘 仰 歡 案。 每 離 酒量。 枕 日 適 此 小 不 人或 F 有 非 齋 定 「起止 可 每 過 每 課, 間 常之道。 飲 倦 大白 夜 公公 不過 則 不 自 必 時 就 雞 滿 置 五 枕 鳴 引 何 行 若 偶 爵。 燈 既 而 吾 涉 不 恐 起 於 性 寒 寤 呼 雖 以 暑 牀 安之,故 即 會 唤 終 長 興 側 親 使 則 飲 日 戚 必 廢 **\$** 自 不 寫

不欲以勞人也。」《遺事》

公智 夫 符 簾 間 契。 明 國 有 慮 家 親 又通《易》 遠 中 聞 興之 事 者。 無 《遺事 事 大 數 , 小, 往 如 往 必 靖 嘗 原 康 始 預言之, 變 要終, 放 隆 驗 祐 大 垂 如

李 也。 果大 日端 文, 靖、 求《華 丞 公 之説,報 公於筌筏之外, 相 E 得 加 默 用 伯 遺 專 文 筏 嚴 紀 事 () 奥旨 包兵革 罷 識 以 正 猶 爲 者歎 内 衛 捨」之語 柱 外 物 一公皆 史,坐論 ,若將忘 爲 所 書 以 公 心。 待 陳 澡 辭 好 利 報 夷 數 鑑 佛 文靖 水被謫 害 之, 世者。 千 狄 者, ; 且 言。 且 文 爲 服 未 勉 IE 謂 有 相 嘗 其 公 公 及 當 . 以以 之 後 泥 以 繼 書 軸 至 伯 其 李 踵二 狄 不 與 終 論 擾 梁 公 紀 教 文

徐 言 祁][[吾 以 於 才 魯 氣 直 自 爲 負 舅 少 氏 肯 然 降 不 志 免 於 人。 有 所 常

爲 知 議 病 顛 次 有 人 天 口 下 旬 賢 賴 識 下 爲 自 月 • 使 定 或 士 於公、當 必必 任 至 今 問 夫 陳 . 人 大 於 重 尤 日 設 勉 游 T 日 夫 陳 T 忧 用 留 定 翁 拜 公 所 翁 瓘 者 力 意 禮 其 夫 以 欽 四 自 宣 心 加 人 人 察 毉 屬 海 答 好 和 材 誠 保 忠 院 藥 也 人 如 也 之末 日 或或 養, 宣 服 ___ 以 此 自 材 : 之。 范 當 劉 蓋 輔 以 間 不 陳 器 今 言 人 其 遺 待 能 每 云: 之 事 口 憂 瓘 時 公 晚 所 見 周 0 亦 大 以 儲 可 用 年 知 公, 嘗 天 厦 又 濟 蓄 益 也 以 間 下 因 以 之 世 獨 人 或 以 其 將 之 公 所 將 其 材 天 巡

公自 紙 百 所 觀 記 家 遷 經 抄 之 録 史,二 責 録 文, 名 粘 所 日 十 于 毉 居 \wedge 壁 餘 1 知 必 間 等 年 恩 葺 如 書 \forall 小 環 殆 齋 開 座 日 干 卷 終 既 餘 未 得 遍 H 軸 嘗 益 寫 即 少 者 閲 合 又 懈 内 亦 爲 雜 典 以 片 觀

> 張 遺 者 觀 時 疑 閣 策, Ш 自 至 公 派 未 者 表 陽 然 是 雖 天 人 作 相 名 時 嘗 歸 代 天 公日 遽 方 必孚上 醮 E 被 向 書 何 覺 止 與 ^ 錼 之。 簡 其 壁 如 晚 酒 賓 . 事 會 記 薦 勳 之 年 舊 F 而 必 張 今其 引 業 日 黄 亦 會 之聽 起 有 固 如 地 冠 好 然素 食 變 歎 非 此 云 佛 辟 釋 無 傷 粹 見 者 革 Ľ. 殆 穀 未 書 子 愧 德 又 異 邸 難 非 IE 相 絶 是 數 常 報 重 紛 濟 且 真 識 恐 神 人 有 道 + 紛 復 也 道 及 雖 望 册 客 仙 天 _0 才 通 奔 0 有 矣。 覺 有 談 建 未 疎 趨 盛 以 及 空 華 所 遺 之。 也 事 德 然 在 近 爲 失 嚴

陳 輩 瑩 公亦 冒 如 等 與 稱 中 器之 公之 感 與 則 舅 疾 必斥 則 交 止 浸 遊 叔 日 姓 至 沼 名 必 大 待 故 示 制 平 與 祭 鷃 劉 不 書 公 陽 遺 ·敢尊 事 公 云 之 書 也 某 類 問 公某 3 如 其 其 官 Ħ 與 游 己 前

酢」、「謝良佐」云、此皆可以爲後生法。

《童蒙訓》

陳瑩中 量 進 - 賞言 否 . \wedge 易 學 者須 日 . 常 -或 自 試 躍 以以 在 淵 觀 己之力 自 試

陳 居,而 氣 龜山先生《 東 子 論 范 左 生之文,必冠帶 翁之子正由云: Z 也 日 ,包括宇宙,宜 南 〕。」此 問 公淳 \overline{H} 司 『不知有 顔 以 實未 夏 瓘 子 公 不 聖學 夫 爲 送 不 闡 題 同 先生 禮 其 責 知 遷怒、 沈 舍,是 部 也。 姪 其 程伯淳邪?」 伯 Ę 也。」予常 後》 自 貢 淵《責沈文》曰:「予 者之名爲 然後 淳 《童蒙訓 7 視無 日 院 貮 時 誰 先公爲 點 7 過」,0 前 讀 翁 也 檢官 矣。 愧 之。」《 翁 ? 自 以 以 祕書省 子 乃退 是 非 寡 濫 公默 惟 有 謝 每 哂 適 世: 范 然不 伯 尊 之才,邁 IF. 太 日 得 自 與 德 字。 淳 然 史 . 以 樂 明 愧 校 遺 能 久 賢 義 了了 道 元 公嘗 書 生長 事 之, 知 之 往 之。 先 豐 郎 之 誠 自

> 建中之初, 嬖倖 也。 社 腹 林學 皇帝引參大政 往 也。 轉徙道 心 形 憤惜之,無敢言者。 旨,竄嶺表,公之南 使 於事 世之自 禍 心 甚其言,以 圃 竊國 昔 以 患,宗社安危,未可 土 公於是時 悉 自 0 承 途 王文公安 廣 勝 如公言。 右 而狹人者有 旨 雖 無寧歲、卒 爲 柄 司 温 位 爲京之惡不至是。 以 諫 矯 ,士大夫 力言京 通 何以 辭 陳 誣先烈,怙寵妄作,爲 石 顯 於是 所矜式 及此? 公瑩 命 遷,不 以 名隸 以 世 爲 相 學 不可 窮死 人始 之 職 中 党 知 行 高文大筆,著之簡 黨籍 慶於朝 以其 人蓋 論 曰少補之哉! 也。 負 用, 潛 0 服 蔡氏 時 姦隱 餘 初,京爲 罪,舉天下 公爲 用 莫 闡 望, 二十年, 謂 己 之者 之 知 弟 慝 神宗 誓 必 兄忤 三代 而 其 宗 龜 結 未 翰 册 往 爲 非

● 「怒」下,洪本有「不」字,較勝。

之治 獻可於文公,論之於既用之後,則公之先 之。余以謂公之於京,言之於未用之前, 奪,其流毒至于今未殄也。故温公每謂 抗章論之。 見,於獻可有光矣。龜山撰公《祠堂記 利開邊爲先務,諸公雖悉力交攻之莫能 獻可姑緩。 人曰:「獻可之先見,余所不及。」心誠服 可以立 未幾,多變更祖宗故事,以 雖文 致。 E 吕 「公獻 温 公猶 可 以 獨 爲 以 爲 太 遽、欲 不 興

三朝名臣言行録卷第十四

十四之一 康節邵先生

言,補 應詔 賜 六十七。 後受命,終稱 逸士 祐 于 徙 溢 中 衡漳 洛,葬其 ",授試 一,御 ,韶舉遺 先 潁 生名雍,字堯夫,其 又徙 史 州 贈祕書省著作郎。 將 親 中 團 共 遁,留守王公拱辰以先生 於 作監主簿。 丞 疾 練 城。 日 伊川,遂爲河南人。 不之官。 推 公誨 官。 先生年三十,來遊 等 占 熙寧初,復 又以 \equiv 十年,卒,年 先范 辭 元祐中特 先 不 陽人, 獲 生 求 爲 嘉 而

> 先生始學於百原, 型苦刻厲, 冬不爐, 夏不 蔽 歸。 達 事爲 學於家,②未嘗强以語人,而就問者日 高 慷慨有大志。既學,力慕高遠,謂先王之 扇 蓋始有定居之意。 梁、晉。久之而 遽可已乎?」於是走吴適楚,過齊、魯,客 曰:「昔人尚友於古,而吾未嘗及四方, 平萬 風 ,夜不就席者數年,衛人賢之。先生歎 明 可 親於天 雨,躬爨以養其父母,居之裕如。 在洛幾三十年,始至,蓬蓽 必致。 物之變,然後 地之運化,陰陽之消長, 及其學益老,德益邵,玩 歸,曰: 先生少時自雄其材, 頹 然 「道其在是矣。 其 順,浩然其 環堵,不 以

^{● 「}百」、《二程集·明道先生文》卷四《邵堯夫先生墓誌

[「]家」,原作「人」,據同前書改。

告子 於 厚 恶 童 中 飲 徹 防 粹 鄉 餘 人 不 加 笑語 子 ,故賢 中外。 歲 風 然 人, 里 奴 何 畛 之公府 士大 思 學於仲尼, 俗 義 隸 耳 Ė 化 望之 因 各 師 皆 之, 忠信,樂道 (者悦 成 以 夫 ௱ 終日 丽 道 而 接 病 其 家 子 知 不 不 人 可 遠 丽 畏 人 者 材 材 其 懽 諒 思 立 聽 , 知 近 必 無 寒 不 之所 其 者 德, 喜 之 所 其 其 尊 門 通 暑 貴 學者莫知 取 傳 尊 以 之, 車 賢 先 先 人之 不 户 而 甚 賤 宜 敬。 可見者, 授 嘗 音 生之廬 賢 生 則 不 然 異 親 士人之 者 孟 以 之 者 衆 汙,清 善 不事 倒 於 疎 其 爲 春 子 功 服 矣。 其 之 屣 學 與 丽 者 秋 惟 多 其 道 間 從 人言 迎 表 明 未嘗 先 時 顧 曾子 耳 況 矣 化 雖 適 致 洛 襮 坦 群 行 吾 生 後 同 夷 者 所 及 獨 其 不 德 昔 必 雖 游 所 居 此 尊 所 設 其. 先 聖 餘 以 以 依 兒 樂 千 城 悲 洞 氣 有

> 終。 暢 衆 者 緒。 生之 泉 雄 挺 觀 謂 難 而 多矣。 、各有 在 旁 安 其 先 之 以 明 生淳 居 學 得 南 通 闊 H 今穆、 飫 道 步 之 爲 成 先 以 所 伊 若先 然 長 一不 生 在 矣。 於 有 豐。 李之言 因 撰 流 趨 古 而 傳 穆 **墓** 而 ",凌 雜 生 在 名 或 銘 也 伯 天 誌 人 一之道 東。 其 難 銘 高 日 不 汪洋 長, 及 者 學者 先 憖 厲 其 先 歟? 就就 有 推 鳴 生 空。 浩大, 遺 生 行 寧 其 呼 得 所 豈 事 從 哲 先 源 之 語 探 至 所謂 容 乃 宫 於 概 流 生 成 丝 而 之凶 其 李 德 索 口 論 遠 先 有 志 所 者 見 挺 隱, 之, 生 間 户 自 有 之 所 曲 鳴 有 力 得 可

先 生 至 見 陽 少 淮 也 穆 事 脩 海 之濱 先 北 伯 生 長 海 沙涉 既 李 伯 受 之才挺之, 河 長 其 濟 以 學 汶,達 E 又 雖 游 挺 於梁、宋,苟 有 河 之聞 其 汾 傳 之 道 未 於 之 汶 有 以

從

者

少,

見

之

者

衆

m

知

之

者

尚

寡

及

不

適

其

意,

先

生

亦

不

屑

也

故

來

者

多

而

高

下

不不

驟

語

而

强

益

之。

或

聞

其言

《易》,

聞

先

生

一之篤

志

愛

m

欲

教

之,

既

與

名

E

豫

天

悦

瑰

偉

博

達

之士

也

精

於

不

設

寢

日

不

再

食

三年

而

學

以

大

成

大

城

廬

於

百

源

之上

大覃

思

於

^

易

經

 \leq

夜

達

者

必

諮

訪

以

道

無

常

師

焉

乃

退

居

共

之語

日

得

所

未

聞

始

大

驚

服

卒捨

其

而

學

焉

衛

乃

知

先

生

之

爲

有道

也

張嶓撰《行狀》

方之學

者

與土

大

夫

之過

洛

者,

莫

不

慕

其

接

以

誠

長

者

事

之,

少者

友之,

善

者

與

之,

不

激

和

而

不

流

遇

人

無

貴

賤

賢

不

肖

土

達

觀

四

方

之士

乃定

居

焉

先生清

mi

不

·善者

· 矜之。

故

洛

人

久

丽

益

尊

信之,

四

年

二十餘

來

游

于洛

以爲

洛邑天

下之中

風

而

造

其

廬

先

生之教

人,

必

隨

其

才

分

邵 嘗 止 旦 堯夫先生居 安樂先 不 則 攢 焚 眉 使至 香獨 生。 所 醉 坐 洛 居 也 四十 又 寢 晡 爲 息 時 中 年,安 甕 處 飲 間 牖 爲 酒 州 貧 讀 安 府 (樂道 書 兀 樂 以 燕 甌 窩 更 自自 居 法 微 其 不 自 醺 云 未 餉 便

以 餽 遇 也 理 病 貴 經 喜 行 盘 道 義 日 雖 不 一,飲 0 . 能 濟 寓 賤 客 出 久 數 月 興 自 花 精 自 司 存 志 其 賓 覺 則 康 乘 花 無 則 外 深 皆 不 馬 爲 濟 心 返 乏。 間 小 疾 多 能 留 似 乃 浩 1 懽 之, 自家身。」喜吟 世 公 與 車 之 少 博 車 爲 三五 支。 錦 然 嘗 務 雖 贈 相 繋經 去 猶 薄 不 時 用 者 如 應 性 以 有 知 體 牽 褓 宿 未 其 高 不能 對 親 詩 之 高 詩 强 綸 以 來 也 遇 閣 人 又之一 不 深 潔 0 E 代 乙 也。 小 及 挽 望 嘗 窮 者 . 之, 隨 莫 學 疾 而 詩 也 自 之, 開 道 大 草 意 思 林 者 棋 接 家 0 好 言 得 作 所 寒 Щ \wedge 致 間 如 爲 有 來 人 事 吕 . 論 有 之, 大 翁 暑 亦 丝 詩 從 高 茵 淺 無 者 氏家塾記 「若 客 字 拙 則 如 天 遠 之 賢 處 閣 以 深 遇 或 對 之, 書 於 不 下 至 間 主 望 自 存 小 載 妙 不 出 用 爕 酒 大 肖 或 E 車 詠 極 巡 人

元 深於 常 祐 患 志 學 長 樂 耕 隱 之 求 之 者 然 夷 居 於道 在 爵 易, 居 渾 純 之 至 博 中 稼 久 有 死 大 象 變, 於 禄 幾 土 韓 僅 於 而 無 安 所 無 不不 數, 四 者, 三十 歐 而 無 好 康 足 則 後 樂 甚 以 貴 方 不 陽 先 公 見 所 惡 樂 以 蔽 其 斂 賤 知 萬 年 雜 棐 尹 圭 見 不 給 於 先 富 道 加 里 少 而 而 考,而 默 議 洛 所 朝 室 角 居 貴 成 德 之遠 又 長 世 益 蓋 識 好, 廬 夕 曰 乎 之 有 之 以 爲 莫 . 0 日 纔 餘 心, 而 未 歸 先 爲 其 必 能 而 天 足 及 切 安, 康 嘗 折 君 生 號 自 不 窺 圃 地 且 出 以 以 請 與 得 以 衷 得 少 也 行 挾 陰 蔽 而 以 誠 君 於 以 蓋 自 其 謚 深 篤 之而 其 陽 接 風 爲 之 聖 名 爲 真。 古 常 矣。 于 學 私 物 丽 學 平 學 自 也 人。 朝 有 不 屈 9 智, 成 者 有 未 故 伸 故 居 溉 苟 黔 名 怕 之 平 消 求 以 大 太 其 其 必 袁 雖 世 其 怡 恂 婁

康節

先

生少

日

遊

學

先

祖

母

李

夫

人

思

之

恍

累

安

用

更

名

爲

願

同

巢、

許

稱

臣

H

甘

,

惚

至

倒

誦

佛

康

節

亟

歸

不

復

出

夫

其立 伏 待 議 兒 何 之人於異日。』非伏念先生未嘗辱教 入 法 終 於 名 獨 道 推 司 心。」其 其家 事 洛 乃恍 不 日 自 請 吏 益 官 邪? 時時 身本末 識 ൬ 部 全其志 益 高 所 「棐從母王宣徽夫人得 嘗 然周 汝爲吾見之。」棐既至洛求教,先生特爲棐徐道 先公參大政 其 後二十年,柴偶 温 上 歸 則 文字 其 而 辭 迹 省 白 良 詳 有 康 未 似 先生當時 而 大人,则喜曰: 則 也 好 出 節 司 之 必 不 樂 其 之事 闁 0 臨 從 聽, 矣。 揖 日 守 行 之言 也 入太常爲博 送 按《晁 告 康 君 可 耳 方 戒 猶 疾洛 一。」故 以 ,落筆若先生之自 「幸矣,邵 謂 既 朝 日 能 E 以 爲 足下 固 陽、先妣夫人 受 道 廷 「洛中 固 一言 士,次當作 . 矣。 迹 集 命 所 命 ---不 堯夫有 雖 有 守 加 辭 君 叔 其 謹 近 欲 邵 益 無 弼 ---以 以 不忘, 按《 堯 名 先 以 忘 収 後 序, 節 疾 堅 潁 夫, 處 鄙 以 謂 溢 辭 無 而 則 州 益 亦 吾 砰 吾 棐 以

康 將 以 門 節 之。 康 思。 令。 不 出 遍 時 置 人 答 一、當以 節 爲 遂 下士田 與 李 家 捐 以下並《 隱 胸 富 聞 之才 寫《周易》 益自克勵,三年 蘇 館 以 日 居 汾 中 文 門 詩謝 官職起之, 康 見 之志。」 非大卿 有 州 《聞 挺 Ш 忠公早 節 康 任 所 之, 下 見 之 特 録 節 先 施 康 毁 日 部, 東 一, 田 0 日 相 生 節 甚 方 若 者 大 不 知。 貼 不 獨築 相 「爲 0 大儒 有《易 進 相 卿 即 設 屋 躬 契, 贵 招 爲 命 文 我 榻 壁 室 自 授 能 也 多 忠 爲 康 間 · 書 間 于 爨 S 學 以 禁 謝 節 先 初 邵 百 以 權 夜 H 吏 不 言 生 堯 人 養 源 大 共 危 又 誦 責 處 夫, 相, 之上 相 祖 往 康 學 城 坐 數 遺 父。 既 質 以 **%** 縣 節 謂 可

●「特」、《邵氏聞見録》卷一八或作「特哀」、或作「持喪

吴充、 年,詔 還 起。 與 作 文 享 以 命官 見 後官之。」 康 無 老 不 o 監 忠 節 赦 以 辭 康 再 康 唐 理選 是 果 爲 詔 繫安危。」公 主 節 舉 不 節 應 頭 龍 虞 舉 時 賢 試 樂。 簿 應 E 詔 比 遺 天 圕 康 限 E 者 . 富 , 銜 詔 詔 逸 下舉遺 閣 不 屋 節 不 至者 時 知 公已 從 行 使 時 不 學 理 潁 不 納 縣 文 御 之。 邵 0 辭 當 士 選 屈][] 二十八人,各 潞 終 史 Ţ 逸、公 下 É. 滿 雍 遂 薦 祖 止 限 中 王 公尹 不 憂 常 眼 然 知 奏天下 常 無 龃 拱 丞 以 相 清 去 制 民 康 秩 擇 試 知 意謂 辰 洛 吕 福 忘 盐 賢 位 節 皆 • 制 銜 尚 建 誨 在 尚 祖 矣。 與 試 計 皆 薦 0 以 乃 河 黄 書 試 有 朝 無 常 宜 銜 先 康 因 E 兩 南 遺 景 尹 論 列 擇 秩 熙 除 明 節 召 口 介 府 亦 府 洛 材 應 皆 寧 副 除 試 試 禮 堂 不 甫 必 病 首 詔 時 使 去 然 繳 將 以 祫 不 召 夫 口

> 甫 裝 歐 Ш 甫 Ħ. 事 州 再 便,乃除諫官, 司 不 陽 林 無 放 添 主之不忘,然亦 方 起 專 以 が巣、 之 行 用 售 公作 練 秩 下 且 土 苦 物 新 應 推 由 應 以 参知 相 法 開 贵 詔 官 作 詩 無 合。 陳 須 天 外 切 答 辭 政 以 康 春 臣 丛 鄉 下 事 常 常 節 ? 至 知 紛 人。 不 人 秩 秩 除 待 其 六十 許 素 幸 日 然, 賜 以 祕 制 爲 斷 重 : 逢 對 以 平生 書 職 一常 人 送落 既 病 一堯、 矣 帝 爲 官 省 秩 夫 受 盛言 浸 舜 校 起 宜 命 不 花 故 不 演 便 書 揣 爲 安 時 新 作 即 潁 之, 郎 真 用 分 法 思 Ŧ 麬 引 州 È 雨 之 介 介 監 得 眉 疾 潁 亦

康 節 即 尹 褐 遣 嘉 官 祐 衣 中 就 如 以 第 初 遺 送 逸 至 告 命 熙 勑 官 寧 朝 初 辭之,不從。 章 再 康 命官 節 服 以 河 辭 謝 南

矣。」 人 衣 易 日 幅 又 隨 不 也 巾 當服 其後, 始 從 先 紳 爲 司 生 今時 帶 馬 隱 再 미 每 人獨 者 温 服 之衣 衣 之 公 出 以 此 樂 依《 服 謝 乎 0 朝 袁 ? • 温 禮 服 鳥 則 公歎 記 乘 且 帽 康 衣 馬, 縚 節 之。 作 其言 . 褐 用 深 . 嘗 五日 皮 衣 見 合理 謂 雍 不 卿 匣 冠 貯 復 爲 康 相 簪 仕 節 深 今 不

熙 嚴 答 寧 方 少 爲 而 年, 者 矣。 \equiv 去 能 年 何 遇 寬 益 康 欲 事 朝 正 ? 節 分 賢 投 3E 風 閑 初 則 者 劾 生 居 行 民 而 所 林 天 新 受 歸 當 下 下 法 盡 騒 以 所 分之 門 力 然 書 生 遣 之 間 賜矣。 故 州 使 時 康 舊 縣 者 節 新 皆 仕 始 投 法 新 官 康 不 劾 固 節 進 四 口

康 戲 以 節 詩 過 蓋 題 士 其 友 匣 家 E 寍 畫 云 間 個 也 遂 見 陳 **\$** 其 恬 高 枕 回 云 屏 書 人 \wedge 小 欹 擊 兒 枕 壤 迷 看 藏 兒

不載。

熙 皆 善 不 生 夫 富 寧 位 善 皆皆 相 有 韓 中 從 行 卿 公, 恐 知 洛 監 義 畏 侍 陽 司 忠 者 以 馬 廉 從 以 厚 幾二 清 端 清 耻 之 德 明 德 可 欲 風 + 早 爲 馬 邵 行 退者 人。 朝 聞 温 先 ----廷 生 於 公、 事 康 + 尊 知 天 節 餘 吕 禮 必 0 下 隱 申 人 者 公, 居 . 好 里 大 謝 中 土 臣 無 聘, 後 樂 大 日

富 矣。」 見。 至。 天 過 韓 衛 津 親 公 客 自 公 康 康 隱 西 舊 節 畿 謝 節 居 汝 間 客 日 相 州 0 樂 日 得 . 邇 戒 公 道 過 請 子 相 雍 安 之,公作 公 歸 冬夏 日 閑 招 洛 日 未 絶 : 養 不 世 必 先 疾 詩 自 出 機 來 生 <u>云</u>: 此 築 來 春 不 口 第 再 秋 召 時 與 命 先 不 時 或 以 相 康 初 生 自 筵 時 自 間 節 招

■ 「服以」、《邵氏聞見録》卷一九作「以朝章」

害 公曰 耳。 手 康 終 惠 卿 康 柱 訪 康 探 頭 豈 節 畏慎 掖之 卿 日 節 節 古 他 凶 杖 不 以 醉 「公無 公雖 . 吟 因 矣。」公常苦 起 人 暴 不 論 安 和 王 戲之。 也 以 爲 天 過 先 此 石 安 詠 不 風 獨 剛 起, 下 行, 安石 生 事 勢 憂。 石 爲 B 千 甘 未 勇, 事,公喜甚 度 徐指 夜 利 未 罷 他 篇 窮 公一 幾 乎? 丽 安 易 深 日 遇 相 相 巷 亦 人 氣 之憂安在 言 一蒼 歸 石 事 惠 做 敵 造 寂 日 痞 與 。」公常 詳 也。 卿 微 無 1 有憂 公 將 惠 惠 康 康 審 頭 9 果 依 卿 不 日 卿 節 鬱 自 節 戲 蓋 不 叛安石 色,康 珍 參 ? 覺 本 令二 鬱 會 爲 公 爲 日 重 貫 萬 仇 以 知 獨 後 日 然。」 何 . 嘉 穿 相 康 勢 全 青 矣 步 政 節 益 袁 祐 好 百 知 節 ?! 公 利 事 不 一志 問 下 中 衣 公謂 康 不 建 代 忽 事 合 曰 發, 暇 却 蒼 節 到 大 惠 相 嘗

> 進,不 堂説 公不 見公, 暮 走 乎 公。」公笑 佛 康 年 否?] 康 恨聞 司司 亂 ?」公驚 高 節 起,一 不 走 法,富公、晦 日 之 謂 馬 0 敢 口 也 . 勸 節 晚 温 言 公 勸,富 學修 曰 : 矣。」 公見 日 先 僧 日 先 . 生 . . 開 養, 生 明 公果 康 識 弼 堂 叔 先 固 聞 曷 日 康 節 慮 未之 欲 ,公乃 生 也。 往 上 不 ,公果往 節 絶 曰 偕 以 欲 止之? 於於 : 日 人 思 往 或 謂 用 出 遠 也 明 聽 理 人言 弼 裴 0 矣 不 之。 未 日 衰 晉 0 無 能 公 僧 便 後 康 上 病 乃 公 以 學 晦 康 修 節 命公, 不 禮 人 能 光 康 叔 日 節 顒 日 胡 後 薄 節 可 起 起 貪 開 天 .

熈 寧 癸 <u>H</u>. 春 大 名 E 荀 龍 字 仲 賢 人 洛 見 康

^{●「}年未高」。

今各

見

集

中

蝶 詩 大 非 云 字 仲 節 怨而 0 · 李 賢 亂 0 若 其 仲賢 憶 挺 魏 不 極 য়য় 議 非 昔 之 傷 公 奇 餘 論 益 又 客 偉 初 疏 婉 勁 誦 友 . 也 書 圃 IE 而 推 魏 康 大 桔 學 成 因 公詩 有 節 金 章 橰 字 書 出 過 石 \Box 之言 閑 時 妨 魏 人 云 學 四 公送行 者。 0 學 道 也 康 吾 + 人 春 少 節 康 五 飲 故 日 愛 去 詩 節 年 花 酒 嘗 喜 之 喜之。 叢 成 與 有 作 顔 胡 吟 許 體 大

學 王 議 生 純 廬 日 一之道 明 振 周 術 康 Ē 出 純 節 程 古之豪 也。」 明 處 携 先 「所言 之大 日 酒 生 是 飲 侍 傑 致 日 何 昨 月 也 太 9 如 從 康 陂 中 ? 明 堯 節 惜 公訪 上 日 夫 明 有 其 歡 先 詩 道 明 康 無 甚 生 道 曰 所 節 明 游 0 悵 用 語 於 道和之, 内 天 聽 其 然 於 謂 平 津 其 世 外 論 生 之

> 康 挽詩 皆 之爲 節 以 服 生 饌 醵 於人 亦 即 窩」十二家。」洛 雨、大暑、大寒。 月 會。」 待 求 至 問問 止 天 居 知 朋友, 教 漸 尊 故 有 其 + 洛,凡交游 也 其 每 來,謂 云 餘 故 熱 出 所 得 康 家 有 即 欲,不 年 人 雖 節 如 詩云 每 人 會有 止 之歡 之 春 少者以 閨 以 皆 康 到 陽 一行 風 門 9 至 復 節 倒 2 年 風 四 心 秋 骨 誠 窩 呼 家, 所 屣 月 長 不 子 俗之美如 0 時 月 肉 姓 爲 居 出 迎 赴。 者 弟 嬉 每 有 子 間 氏 之 拜之, 致 故 待 歲 游 安 事 弟 四 + 開 公會 之,未 但 康 春 處 樂 , 不 家 雖 此 諭, 有 節 日 二月出 出 窩」 兒 月 年 人 葬 冷 没 未 莫不悦 大 吾 争 會、 嘗 等 童 天 落 起屋 決者 家 鄉 風、 漸 少 者 具 奴 生 X 先 異 酒 隸 與 寒 刀山 大

康 節 與 客 平 散 居 步 於 天 人 津 事 機 橋 祥 F 未 聞 嘗 杜 輒 鵑 言 聲 治 慘 平 然 間 不

果 瘧之類 之也。 今始 數 專 乃 治 有 方 日 春秋》書『六 聞 一一一一不 然。 千 驗。 耶 地 務 地 杜 集 客 氣 至 變更,天 氣自 鵑 自此 伯温 因 其 ,北人皆苦之矣。」 問問 至 ·二年, 因 有 何 并記之,以信先 上 矣,禽 其 **「焚之。** 北 以 南 所 後 故 鷁 人惡 而 聞 主 方草 知 上 下 南 退 熙 鳥 此? 則 用 自 蓋 之日 飛」、『 -木皆 州 將 飛 客 南 此 夷 有 亂 類 . 日 土 中 多 康 . 可 唐 鸜 : 爲 君之説 自 豊 洛 無 得 事 至熙 節 移 碑 鵒 此 相, 南 何 陽 氣 矣 E 此 來 禽 南 之 而 舊 一:「天 多 寧 也 地 日 巢 也 方 北。 先 ? 無 引 初 將 客 有 疾 者 南 杜 下 今南 康 其 爲 家 氣 病 日 也 鵑 將 節 漢 使 雀 瘴 丽 .

康節

謂

本

朝

Ŧi.

事

自

唐、

虞

前

下

所

未

有

者

革

命之日

市

不

易

肆

克

服

天

下

在

即

位

後

未嘗

殺

無罪

9

四

百

年

熙 康 然亦 寧 後 張 當推 生喜 巡,如 呼 矣。 莊 節 口 康 益 方 先 0 伯 事 : 節 宅 明 + 契 四 當從 生知 世 之。 笑 契 葉 温 於 無 康 年 論 王 先 何? 外 俗 笑 命 郎 口 可 夏 節 日 生 伊 天 五,百 有 主 謂 中 馬 日 : 所 康 Ĵη 日 至 來 康 一張。」時 命 温 温 户 謂 司 先塋 節 欲 此 間 死 節 名,康 公户 矣, 馬 公日 年 命 諸 它 葬 日 疾 生 T 感微 : 温 無 耳 近 公 亦 載 名 生 則 人 因 康 一、「先 公 心 欲 節 洛 常 若 疾 尚 不 學 無 日 節 腹 日 七 以 城 初 袁 事 知 天 何 : 道 患 居 以 氣 : 戸 者 不 契 近 生 耳 也。」 贵 言 命, E 爲 先 改 富 日 初 城 未 雍 寢 力 益 也 康 生 韓 四 地 不 則 張 應 欲 横 論 耗 日 公户 葬 節 諸 程 横 E 觀 知 至 願 渠 己 我 命 伊 知 渠 化 公 此 自 此 神 日 知 否 不 議 主 先 0 Ш 日

之,却 此 聞 夫平 於儒 家又 先生 有以 夫曰:「 只得依你 常人, 甚懸絶 須 革,言試 歲 詩 使 死 五 有 只是 得 臾 人人行 新 更 于 諸 生 愐 彻 如 日 見告乎? 報 有聲如絲髮來大,答云:「 捐 章 俯 太 去。 未見 心 所學,今日 何觀得化? 也?」〇《 我將 云云。 公恐 與 「面 説。」是時 館 仰 虚 平 E (觀 以聖人觀之,則 所得。」○ 爲 而 矣。 化 前 天 世 喧 一先生 生生 一堯夫問 明 收 路 《辨 佗 地 程 遭。」子 逕須 却 他 無事 故 諸公都 盡 惑》 嘗觀 氏 間 客 继 駆 于 疾甚革,頭 聽 又云: 出 遺書》云: 令寬 州 兩 Z: 問 得 否?」佗氣微 太平世,長 外説 浩 「有甚事?」曰 堯夫詩 手 也。」以它人觀之,便以爲 厚 在 年 , 示之, 亦 言 伊 然 邵 路 問 一廳上 話,佗皆 未是, 幾 川 堯夫 往 \Box 窄 你道 獨 又問 意,纔做得 一視之, 伯 伊 何 觀 議 則 無 蓋 臨 淳 化 111 後事, 佗在 生 自 堯 終 不 于 聞 猶有意也。 愧 言 它人 日 無 薑 一從 夫 因 能 得。 時 b 0 着 「有某事。」堯 樹 0 太 六 未 警之日 答。 便 身 何 此 只 識 F 邵 病 以 + 平 生 是 觀 調 道 永 處 時 人云 房 次 堯 是 世 有 得 訣 諧 理 也 間 不 我 日 比 夫 況 ? 七 夜 之 如 便 亦 見 却 病 更 自 能

> 箇 此, 自 學者不必學它,但 便 不 如 如 何 此。」又 此 動 也 心。 ,亦豈嘗學 問 釋氏平生只學 日 釋 此 也 燭 氏 只 理明 是 亦先 病 這 自 知 後 箇事 能 氣將 死 之。 何 絶,心 將 也?」曰 只 這 如 箇 無念慮 邵 做 堯 夫事 「只是一 件 大事。 不昏

邵 言 也; 見菩蕾 語 會。 康 花之上也; 商 與 公所説, 日 之 節 次 州 「洛人 章豪 有 趙 居 先 因 洛 厚 舊 乃是 生 及 俊,議 陽,有 嘗 遇 以 洛 洛 見 而 之。 見 知 往 人 中 枝 知 根 也 從 花之下也。」章默然慙 商 牡 高 葉 論 橃 之。 州 縱 下者,知花之下也。 而 丹 知 日 , 太 横 Ⅲ 知 之 花 守 知 時 高 不不 趙 盛 爲 花 趙 章 下者,知 請 甚 知 之高 惇 趙 郎 詳 康 敬 子 守 中 節 康 厚 者 下 因 康 與 花之次 者 節 作 謂 章 節 康 也 章 知 同 如 節 因

有

⁰ 長 老於太平世」 於 太平 世 下, 句 明 鈔 本《 邵 氏聞 見 録》卷二〇 尚

宦 不 游 趙 欲 惜從之學 ,乃可學。」蓋 因 謂 傳 章 數學。 「先 ',則 不之許也。 生 先 日 學 有 生 問 進 謂 益 淵 章 源 矣。」章因 《童蒙訓 世之師 須 + 年 從 表、公 不 先 仕 生

邢 輕 石 君 慮 和 每 此 和 和之: 然後 爲 叔 公。」斷章云:「 先 叔 慙呼孺 援 西 亦欲從先君學,先君略 天 晉 學,未 引古今不 可 朝 風。」《辨惑》○乂《上蔡語 子,床 學 君自 此。 有許多言 「徒長姦雄。」 前 Ė 出 比諸 和 時 人才業 叔 得 先君 葛亮,顧 拜 留 語 龐 别 , 日 尤須 爲 且 公」之句, 》詩 「姑置 録 開 當 我殊非 × Z 借 云口地 其 虚 八端倪, 慎 邢 心 七 先 黄 下 滌 勿 要

· 四 之 二 密學陳公

,堯夫不肯,曰

公名襄,字述古,福州候官 人。 中

公既孤,且多病 之講 己任 居間 所 以 氣 土 謂 古 陳 義 還 諫院 兼 出 縣 台 御 慶 太常寺,兼侍讀。卒,年六十四 然烈、周 行 方 益自策 知 直 史 知 州 曆 知 等勾 時 高 常 公與三 天 學 知 召 仙 通 求士之賢者 學 州。 盡 雜 試 年進士 居 士 磨 希 進 勵 者 性 院 事 **\phi**, 確 孟 銀 國 充 神宗即 人者,獨 之説 方 常以 鐫 Ė 臺 判 袐 子 知 第 溺 鄭 出 事 切 司 吏 監。 閣 孟 皆指 穆爲 於彫篆之文以 先 知 繼 歷 部 校 位 相期以天下之重爲 州 親 以斯 君 除 陳 建 母 未 一,召修 理 流 之友。 河 侍郎之言 樞 而 以 州 州 以 幾,罷 内 陽 道 友 孝 密 判 浦 爲迂 徙 銓 之,得 心鳴於 直學 下教弟妹 尚 起 城 彭 杭 四 知 諫 居 書 縣 闊 州 州 相高 海 爲 人者 土 院 制 注 主 祠 其 mj 隅 念 部。 簿 莫 鄉 兼 半川 陽 召 知

信 益 聞 誕 是 益 閩 突 衆 而 堅 者始皆笑之而驚, 而 一,躬行 盜 化 四 中 葉祖 先生 之,父兄 傲 1 人宗之,謂 不 治 於 撰《 之名傳 可 其 行 率 皆 家, 狀 者, 飭 之四 由 四人 之「四 其 不 家 子弟 敢 方 達 者 失 ,從之學者 先 于 不 請 禮 生。 州 爲變, 從 於 間 之。 以其門。 雖 守 H 之 有 卒 由

公主 像 女好 者 以 遂 決 其 蔽蒙請 事 諭 以以 宿 無 弊, 法。 無 建 邑之封 邑 所 贓 州 訟 神 之富 託 發 每 之 縮 之 事之至今。 聽 有 習以 浦 疆 手 難 訟 請 由 遠 城 喪 聽 必必 是 託 出 爲 多多 簿, 氣 而 者 邑 所 使 常。 積 世 會 人 餘 民 數 惜 先 久 族 公夜 邑 畏 知公之不可 以 人 有 其 者 闕 繕 Ħ. 環 前 詔 士 令, 愛, 學 窮 寐 列 類,不 後 郡 令罕 舍。 於 極 夙 邑 公 争 前 興 頭 本 獨 圖 欲 干 學 學 源 能 公之 當 私 務 遽 成 制 究 老 繩 謁 剖 縣

公爲 干 于 刑 士: 使邑之子弟 之自 部 縣庠,使 主簿,集其 之,安皆行之,人受其賜 積 始 遠 至 方 孝 其 造 來 士子弟及庶民之好學者, 于 、縣、公 者, 焉。 其 公爲 親 至 即 數 順 以 百 人學 於 人。 其 《行 事 (昆,信 講 便 部 説 於 使 不斁 民 於 者 安

陳 戒,不 摸 得 述古密 私 臣 祠 廟 農 調 鄉 之則 之, 莫 耶 民 ,仁於 有 時 扶 丁七 知 1 引 方作 護 可 直 鍾 無 的 乃 其 群 親 以 百 知 聲 爲 民。 令僦賃 人 能 吧 非 建 雖 盗 送 立 辨 還 禮 州 爲 者。 E 其 由 鍾 盗 閩 干 浦 盗者 命 以 是 行李。 前 吾簿 至 城 述古 衢 尚 役。 爲 感。 縣 州 不 其父 摸 自 焉 日 劉 以 乃 口 至 陳 使 之 執 紿 奪 兄 南 有 浦 中 則 時 不 之, 之 所 者 人 城、公曰 有 迎 有 過 爲 曰 : 失物 祠堂記 置 矧 禁 更 邑, 盜 後 以 近 相 述 某 捕 爲 大 教 其 糾

《筆 聲,不 有 引 古 手人 自 談 囚 率 陰 敢 帷摸之。 無 口 使 摸 墨,訊 職 人 也。 以 禱 墨 之, 此 出 鍾 塗。 亦古之法, 乃 甚 遂 驗其手, 承 肅 良 爲盜 0 久, 祭 引 訖 出 蓋 皆 人 於 有 恐 以 逐 小 鍾 帷 説 有 惟 **\$** 帷

仙 得 趨。 民 從 弟 於 居 不 有 有 老 得 之 爲 以 庭 來 興 西 项 而 出 助 建 圃 賀 翕 縣 邑人自 樂 遺 且. 境。 个作《 解陋 焉 然。 蕪 輸 就 必 諭 學。」 之。 爲 廢 《行狀 之 《勸學》 民 及 是 每 弗 民 日 公去也 有 過 下 茸 於 不 利 . 所 社 至 是 知教。公於 縱 矜式 故 吾 織 耆 篇 稷、 民 秩 瓦 老 席 老 使門 耕 孔 學 滿 木 幼 之 相 種 子 之 攀 微 即 與 者 其 人管 廟 資, 、正歲, 車 去 感 亦 中 興 遮 泣 必 o 願 不 起 爾 師 道 歎 下 責 出 然 有 因 復 嗟 每 幾 所 於 縣 而 子 耆 讀

> 知 信 聞 講 遂 以 惑 客 不聳 之。 之 陽 治 孟 日 陳著作 . 語新之。 説 謗 之篤 不 塞 之, 偕 ,富公聞之,不 州 得 勸。 又命 謗。」公笑謂 不 河 自 有 何 見 吟 聞 爲 陽 反 以 自 公, 詠 道,其 少 俄 其 率 奇 縣 行 爲 而 京 懈 狀 樽 徒 有 邑 才 即 縮 知 師 會 張 謗 子 人 俎 厚 然 於 己? 來 公諤、 司 雖 能 E 者 弟 也 遇 後富 自 更 徒 責 T 無 . 調調 之。 任 和 以 公者 富 萬 惑 富 學, 縣 吴道 公益奇 公誘 何 迭 公 人 ,志以問公,公對 不 之西 燕 吾 至 如 倡。 亦 能 謗 遊 E 分教之, 邑子 弛 往矣。 ?」卒不毁 自 折 者 有 之, 登 身役 富 鄆 「,使 齋 臨 以 知 可 其 移 嘗 舍 其 諸 資 毁 公苟 親 民 以 必 鎮 日 自 莫 校 舊 過 誘 俾 與 河

公在 垂 簾 河 納 陽 凉於廳 邑 居 溢 事 陋 既 盛 圃 暑 其 公出 櫝 失官緡 家 人 錢 間 或

足 之 盛 引 故 耘 材 邑 議 萬 學者 樂 迹 守 耨 沃 喧 破 民胥効之, 乃 ?,復生 招 收 水 騰 蕩 者 守 割 張 灌 集 産業者 富 以 櫝 公諤, 其 也 爲 元 公亦 爲 者 必必 民, 稻 稌 辭 瘠鹵 爲 畦 「,世以 矣。 、公不 躬 以 以 俾 之。 涖 白 爲 觀 種 之 之。 信。 金 祠 稼 地 以 爲 辨 河 堂記 僦 檣 糯 病 陽 遂 出 之法。 而 田 未 穀 里 爲 其 幾 己 兩 公命 胥 膏 往 夫 俸 比 腴 償 來, 酒 其 募 浙 運 獲 之, 材 温 皆 耕 農 東 置 於 造 既 用 從 它 插 師 酒 物

判 ^令行 言 尚 典 僧 刑 例 書 狀 陳乞。 首 祠 近 道 部 年 士 爲 一、公堅 遇 以 瀆 蓋 來 權 亂 秉 (),自 貴 0 政 執 所 人 宫 大 著 有 奏乞寺 間窟 臣 **⇔**, 詔 **令**, 不爲 不 官 觀 爲 未 以 名 陛 行 敢 及 額 下 奉 要近 愛惜 行 大 且 0 奏 度

出知常州、郡庠下窄、不足以容生師。公勤

償 於 淡 雜 浙 義 郡 於 收 旁 庠 情 經 宴 治平 序 始 無 미 決 (樂,故 之冠 名 矜 成 郡 錢 初, 而 以 事 數 有 力 召還 不 0 公晨 自 餘 不 H 由 萬 足 足 將 9 是 其 人 以 者 行 因 毗 其 規 周 召 悉 陵 委官 中 物。 墓 積 以 學 氣 年 坐 《行 輸 者 閲 象 授 之。 有 公帑 狀 盛 官 諸 遂 蓋 於 逋 生 爲 未 得 經 公 諸

常 澤 溉 爲 州 廣 渠之丈尺, 積 有 運 豐 渠 水 制 穰 蘇 横 不 乃 歲 數 遏 克 饗 月 對 邑 震 北 矣。 加 民 民 澤, 流 成 田 田 《祠 積 之 之 民 堂記 遂 水 步 害 害 削 不 畝 者 以 望 得 累 除 亭 分 北 世矣。 授 古 入于 而 以 堰 田 浚 江 旱 公 III 有 震 深 以 以

管 勾 白 爲 校 度 之 貢 國 甚 可 舉 子 易 不 監 之 勞 制 而 陛 時 公 成 有 下 因 先 詔 奏 伏 求 **\$** 見 賢 日 兩 常常 德 制 秩、 臺 使 事 閣 得 陳 爲 臣 烈、管 其 師 僚 長 本 議 師 則 學 則

常 者 有 程 所 頤 師 法 經 。一《行 行 修 明 狀 宜 召 爲 太 學官 使

熙 以言 惟 試 命 況 寧 IE. 在 司 沂 前 義 命 副 例 馬 青 之 左 是 使。 襄 吕 年 而 能 則 氏家 苗 所 辭 聽 寵 右 依 E 於是 陳 事 在 日 塾 禄 次 人 違 述 贵 記 復 ? 之居後 知 姑 補 特 古 可 陛 爲 無 知 降旨 息, 學 計 乃 下 右 不 制 土 許 較 史。 哉 以 無 誥 襄 資 義 追 候 所 1 自 臺 寢 地 使 又 知 不 夫 右 歲 雜 制 前 臣 至 豈 以 有 史遷 餘 誥 命 知 爲 則 顧 闕 身 敘 始 鈇 利 車型 臣 臺 明 且 遷三 鑕 避 重 敢 與 年 雜 誥 之 召 害 不

方 是 其 《行狀 列 言 次 時 在 多 朝 得 留 廷 賢 中 然 新 後 嘗 天 務立 言 下 : 法 法 人 度,公數 度。」多 君 先 見 於 -嘉 知 疏 納 道 論

> 召 受命 就 惜 辭 磨 兼 試 事 心 爲 置 疏 召 職 贵 道 遠 不 天 試 子、蚤 擾 條 知 義 章 去 ·, 且 職 制 例 近 未 臣 令寢罷 遂 閣 臣 誥 司 以 求 除 悉 故 不 不 侍 復修注 負 改 外 知 適 特 朕 敢 敢 、憂責 公 講 車 不 補 制 所 意 還 當 承 不 常 復 願 舊 歟 不得 就 職 命 平 判 朕素 修 ? 旋 職 之罪 新 卿 銓 奏 聞 仍 起 罷 今 法 以 焉 庶 慕 今 不 乞 居 知 不 還 言 言 覽 幾 卿 中 注 外 雜 卿 事 左 知 經 祠 來 補 未能 皆 朝 堂記 未 直 右 來 桁 譴 之議 奏 廷 辭 章 舍 經 遂 行 所 尚 御 比 開 以 席 己 當 欲 懇 其 皆 批 爲 悟 以 其 有 固 深 聖 漸 以 制 哌

杭 杭 外 繼 爲 雖 應 都 唐 會 號 接 賓 相 水 使 旅 或 鄉 客 之衝 李 而 内 長 其 撫 9 源 地 又 循 舊 斥 屬 1 爲 朝 図 民 六 廷 可 井 州 相 食 不 繼 之水 引 遣 知 西 其 使 湖 常 擾。 不

公 飲 命 民 İ 討 井 其 既 源 久 流 廢 不 渫 修, 而 甃 水 之, 遂 井 不 遂 應 可 民 食 用

雖

遇

早

歲

民

用

沛

然。

行

狀

陳 禮 狀 生 公命 地 自 州 一講 奮 年 之學舍隘 勢 修 卑 矣,公一 中 公嘗 八字溝 以 每 庸 善言 遇 甚 釋 朝以 霖 自自 以 奠學 州 循 雨 渫水 人 官 循 范文 · 遂 中 始 誘 舍 無 不 之,莫 廣 城 正公有意闢 州 通 務學 之, 中 人 溝 無 各 不 親 州 泥 遣 感 至 人 行 民 學 勵 是 童 之,數 之 苦之。 與 稚 踴 阻 介 諸 觀 躍

熙 呈 寧 祥 事 讀 果 冰冰 異 當 中 守 鳥 不不 奏 陳 淮 熠 文 陽 狀 雖 但 州 敢 消 非 不 有 如 日 瑞 奏。 雲 屬 痕 晨 奏 母 請 跡 耳。一 以 起 印 奏 猶 屋 竹 祥 著 在 但 卷 瓦 瑞 粉 盡 作奏云: 盛 者, 紙 識 有 者 瓦 公云 冰 數 時 皆 文, + 陳 以 有 陳 枚 作 襄 此 侍 此 花 奏

爲得體。《韓莊敏遺事》

公生平 治道 訪,既 天 累 者 者 體 篇 也 以 將 及 量 夙 疾 下 哉 至 授 明 夜 守 疫 鰥 四 州 一或以 爲 圖 邊, 既 方 會其 講 得 者、 寡 縣 恤 幅, 誉 者 祠堂記 求 積 窮 養 孤 憂 此 精 部 能者,不 又 萬 相 善 獨 彝 安 盈 穀 民 其 使 也 密 授,或 不 之事 富 遺 檢 民 紙 生 平 可 又 則 曲 知 利 細 其 材, 養 棄 以 又 如 生 盡 ",必 其 害 手 以 憚 幼子 老 立 存 之 此 稱 差 數 書 相 勸 求 謙 講 事 雖 其 術 役 心 焉。 農,治 其 ,災傷水旱,凶 者 諮 遜 議 非 論 得 漕 使之大用, 凡 術之可 而 之所 及 其 得 凡 運 則 凡 四十 屢 又 失 民 之事 職 餘 兵牧 以 干 求 以 自, 政,講 百 授 廣 以 則 年 詢 朝 必 之, 本, 馬, 豈 其 莫 爲 録 弗 諮 廷 於 而 推 賢 不 札 治 口 以 求 博 或 懈 練 法 利 于

公將終, 筆 妻子環泣 「先聖先 師 一,求所 四 字付其子 以 語 後 者。 而 公索 絶。 紙

狀

公爲 物 咎之失於心 終莫之得。 勇 於爲 誠 其 寬 義 厚 與 長 其 人恭 也。 遇 者, 氣 利 《行狀 加 渾 而 害得 温 然, 臨 喪,恬 事 與之遊者,不 人 有 欲 以 不 如 喜 可 也。 怒 犯 之 探 · 覺 鄙 其 之, 色。 接

富丞相 肯爲 待 造 以 之賢,其門 無 告富公者 爲「五 知者 當國 人作鬼 鬼」之號 日 日 而 贵 乎? 盡 傳,至智 引 無 仁 陳 善士 《吕氏 加 義 襄 述古爲 也。 者 襄 家 塾記 則 在 以 有 止矣。 其 述古之賢,而 E 不 0 客, 悦 富 以富 夫 述古 公者 流言 所

公之平生,以道 版 以 學業出 ,輔大政、親近侍、列臺閣、帥 人其門者, 德 教育 無 天 慮 下 英 千 才 爲 邊防者 而 己任 始 于 有 故

於學? 衆矣。 之拔 獲 氣 其 識 守 必 事親 者 其 口 自 治己爲臨 至多焉,莫不知所以 矣,守方 者 忠 或 識 始達 賜 ,平生未始 ,有吏能者 與不識,若喪其朋 以進之于朝以 5,不可 濯 執 爲 爲 其 者, 志在 業 ,致身於亨顯 政柄 人 是以其亡,四 行道之始也。 及終身, 州、使諸路、 皆公之所 也,必 下之範也,學古 攷古 以 故 者,未 1,有道: 人 見其不足之色。 雖 書 以 君子之德,是 燕 凡 爲民庇及 治其 登 其 居 聞 德者,有 教 其 佐 ,咨嗟靡息焉。 方髦士及公卿 · 而 實,以遺 仁 天 必 也 官 賢 性 郡 民 不 下 持 于 爲 爲 而 爲 邑、 知 之賢, 具表 厥 不 四 忠義 本 用 修身之資 固 以 宰 其自於公者 其所部使 志 止 事君 方,而民受 或 不已也, 鋭 雖 人民 ,則者, (者,其 如 之本 於經 有 謂 家 大大夫, 是 公之 暴 學 者所 以 也, 臧 牧 不 行 其 因

裕 濟 納 激 其 其 爲 惟 許 知 然弗 衆 職 善 下 而 大人 多 諫 大務 其 精 故 度 留 於治 以 へ交貴 爲 知 雖 H 進 能 雜 譏 尤 淵 體 言 退 於 格 能 《祠 病 廣 其 君 榮 謙 大 受 堂記 出 長 心 辱 光 政 臣 盡 至 之非, 先 於 補 動 言 誠, 故 於 包 其 救 樂聞 詳 其 變俗 元荒 吾徒 心 時 審 出入中外 焉。 政 樂 己 其仁 有 之 於 過 緒 事 每 教 每 . 勤 喜 不 也 民 爲 於 於

十四之三 祕書丞劉公

爲 説 節 少 有 賦 事 皆 高 公名恕,字道 廬 官, 志 Ш 年 棄官 高 釋 五 也 褐 家 + 邢 廬 原 公 爲 州 Ш 年十 潁 筠 之 鉅 上令, 陽 州 鹿 人 主 歐 試 簿 不 陽 父 遷 經 能 公 涣 義 所 屈

> 卒,年四 酒 鑑 州 和 詔 奏 川 即 請 **\$** 其 同 官 編 司 修 馬 修 書 公 以 受 累 親 記 官 老 修 至 乞 \wedge 祕 資 監 治 南 丞 康 通

道 難 歲 原 一二,謁 、公不 少 坐客 「以 類悟: 能 其 丞 有 俊拔 對。 兄 相 言 之子 晏公,問 孔 范太史 讀 子 妻之。」 書 無 撰 過 兄 以 《墓 目 弟 事 碣 即 者 道 坐 成 道 原 驚 誦 異 原 反 覆 應 年 詰 聲 刀山

皇祐 公在 記 凡 使 疏 周 解 翰 講 經 初 鉅 二十問 》大義,其 次 《春 爲 義 鹿 引先 光 者 侍 陳 秋 爲 講 所 聽 儒 鄘 貢 中 别 丞 公 對 異 院 知 相 帥 奏名。」 皆 説 屬 人 貢 高 親 然, 末 官 舉, 所 帥 陽, 對 主 以 問 應 時 官 召 己 司 最 詔 有 屬 以 至 驚 意 精 者 詔 往 ^ 府, 春 異 論 詳, 聽 數 介,擢 秋》、《 十人 重 加 士 先 斷 一禮之, 墓 具 能 爲 碣 禮 注 趙 講

道 詆 光 子 屬 原 吏皆 以 爲 如 是 人 及 己 連 慕 發 重 骨 坐下 重 糊 意 肉 之。 名 義 獄 又 急然 乃 司 面 道 馬公作《 進 數 原 諾 士 獨 轉 劉 7 郡 保 運 國 恕 守 證 紀年 使 9 得 年 之, 以 序 罪 + 深 恤 被 八 文 其 矣。 劾 妻 峻

墓

福

前 世 驗,令人不覺 干 無 不 策 載 强 讀 所 極 史自太史公所記,下 間 記 鮮 博 不 細細 覽。 紀 有 而 大之 能 於科 傳之外, 閭 坐聽 心 道 事 之者 服 舉 其 如指 非 談 **←** 所 獨 里 ·至周 國紀 掌 衮 急 道 所 皆 衮 年 故 録 原 無 顯 序 有 篤 近 德之末 窮 私 稽 歲學者 好 記 之。 上 據 雜 下 山 説 數 爲 考 3 簡

英宗皇 以 館 爲 0 閣 帝 龜 卿 文學之士 鑑 雅 自 詔 好 擇 稽 館 光 古, 閣 編 誠 英 欲 次 多 才 歷 偏 至 共 代 觀 修之。」 於專精 君 前 臣 世 事 行 光 史學,臣 事 仍 對 得 謂 日 失, 光

> 決焉 以 成 年 所 E 後事 得 加 史事 己。 加 善 尤 知 能 之紛 《十國紀年序》〇又《墓 者 精 退 詳, 唯 錯 即 考 和 奏 難 證 川 召 前 治 **\$** 史 之, 者 劉 差 謬, 恕 與 則 碣》云: 可 以 共 人 馬 諉 修 公 而 道原 之, 書 悉 己 委 於 光 凡 而 魏 數 上 取 晉

道 者 當 原 安 憤 不 政 ൬ 墓 道 肯 爲 縮 憤 是 有 碣 以 頸 原 欲 時 附 與 人 親 、剛毅 之故 與 之, 不 其 老 而 少 之校 且 告 道 權 屈 舊 非 歸 震 原 者, 豪 其 南 意 面 天 稠 欲 不 所 下 康 氣 語 人 引 挫 次,乞監 爲 侵之, 自 廣 於人。 0 修 若。 坐 不 執 酒 至 敢 抗言其 政 司 久之亦不 税 變 忤 者 熙 條 以 色 寧 寢 例 而 就 悖 失, 道 中 不 道 悦 自 聞 原 原 執

王介 甫 甫 參大政,欲引道 與 道 原 有 舊, 原修三司 深 愛其 才。 條 例,道 熙 寧 中 原 固

官 息。 更法 怒。 應 미 永 以 以 辭 口 + 久 長 致 頭 得 以 或 政 以 紀 留 復 人言 道 事 介 令不合衆 罪 軍 財 不 年 京 甫 宜恢 習金穀之事,因言: 去 知 原 用 序 道 師 大怒,遂 鄧 每 爲 蓋 我 原 _ 0 州 見 先。」介 張 亦 何 日 即 心 之, 道 堯、舜之道 . 有 以 者 奏乞監 與與 原 所 自 輒 我 甫 八之絶。 宜 往 未 安? 虚 以 雖 一復其 見 思。」 南 誠 直 不 介 規 康 且 道 能 以 未 舊 甫 因 「天子 益 軍 吾 件 用 幾 佐 日 爲 酒 則 親 執 明主 . 方 條 及 議 亦 光 得之。 老 政 公 吕 屬 陳 未 出 論 不不 所 之 獻 今 知 自 所 公

道 原 失 雄 冷 在 碑 嗜 和 而 \forall 川 學 在 不 洛 顧 , 知 嘗 方 嘉 陽 以 其 平 夜 公 讀 與 則 Fi. 事 光 書 卧 年 家 適 思古 偕 始 野 改 如 人 今,或 建 萬 見 呼 元 安 之食, 劉 Щ 聰 0 不 IE ^ 寐 道 至 太 舊 達 旁 宰 中 日。 有 之 劉 炙

> 書 撤 借 然 原 碑 日 去。」 即 觀 而 讀 之。 宋次 去 能 此 之乃 獨 目 言 非 閉閣 道 次 其 吾 爲之翳。 五 道 知 行 所 代 畫 亳 日 事 爲 列 夜 州 具 始 來 將 讀 《十國 酒 家 終, 也 且 饌 人 多 抄 紀年 歸 殊 所 爲 書 驗 廢 主 不 留 序 道 於 吾 稱 人 旬 原 禮 舊 事 道 H 枉 史, 者 道 願 道 信 道 其 悉 原 就

方 介 得 是, 譽 或 也 下 稠 莫 失 甫 而 非 人 道 能 無 背 用 廣 所 事 原 毁 奪 非 坐 隱 獨 之, 呼 一,介 高 奮 或 恶 吸成 \Box 論 甫 厲 面 之者 是 之士 之 刺 不 禍 ௱ 人 顧 介 側 一,始異 福 心 滿 甫 目 直 非 凡 側 指 之 至 愛之者寒 有 mi 道 變 者 其 施 終 原公議 色 事 附 置 比 如 之, 是 肩 舉 鐵 其 是 天 面

■ 「五」。原作「二十五」,據《琬琰集》中集卷三八司馬

昔 質 不 用 至 得 厚 申 是 掩 **+** 棖 者 爲 木 耳 國紀年 直 以 ,親之如 起 窮 多 避 而 如 欲 之, 序 終 道 不 不 兄 而 原 得 悔 弟 道 者 爲 原 姦 此 剛 可 曾 諂 誠 以 微 不 者 爲 生 以 之 疾 剛 高 爲 所 之 直 以 意 難 如 之 乞 也 讎 士 見 醯

道 説 隨 辭, 原 物 光 具, 序》 哉 不可 ௱ 家 强與之。 光以 其 不受, 貧 爲 可可 乏, 自 必 衣 至 洛 謂 無 於它 去 襪 無 陽 行 知 則 是 以 南 之明 及 事 盡 人 給 潁 歸 棄 可 事及 日日 日 州 也, 而 之 知 甘 決之勇矣。 矣。 人 矣。 悉 舊 時 封 貂 己 如 豊 毫 尤 丽 褥 + 居 不 得 返之。 不信浮 賮 月 逆 妄 齎 **←** 之, 旅 取 以 無 或 屠 於 固 自 於 寒 紀

> 、資治 宗朝 皆蒙 以 修《 如 原 妖 道 原 云:「恕 子。 子 刊 原 力 子 氣。」先公每談 唐書》官 通 成《通 羲 黄 怒 姪 甄 詆 鑑 形 仲 乞依此例, 鑑 録 荆 於 **>** 《范太史遺 惟 於色,日: 公之學, 預 書 此 鑑 有 皆 修《三 恕 成 書 史學,能 賜 身亡 未 , 此 劉 其 功 及 士 與恕 朝 以爲笑。 家 力 祕 奏 子 此 寶 獨 丞已 最 世 書 有 訓 人 朝 未 多 其 子推 加 談《 \Box 廷 霑 卒,先 《范太史遺 家, 卒, 出 今編 梅 皆從 恩 新 妖 恩。」又 堯 先公待 後 經 公上 特 修 伏 之。 臣 義 屬 爲 聞 官 面 之 道 乞 官 其 編 1

十四之四 節孝徐先生

中 進 士第,神宗 先 生 名 積 朝 字 數 仲 召 重 對 一,以 楚 州 耳 Ш 疾不 陽 能

必

之日

道

原

讀

到

漢

八

年

未

?

而

道

荆

公笑

劉

道

原

耽

史

而

不

窮

經

相

見

中 至。 致 仕 授。 嶽 元 不 廟, 徽宗 祐 報。 逾 年 月卒,年七十六。 就 即 崇寧 除 位 楊 特 州 一年,特 改 司 宣 户 德 除 多軍 郎 西 政 京 和 嵩 累 楚 六 乞 Ш 州

先生 既 冠 育於陝 夕見母 自 YY 居。 經 公裳見貴官,忽自思云:「見貴官尚 牀 是 下 自 日 年 徒 ,求其父甚哀。 父羅 至 復 賜 日日 輒 兒童 圃 步 王資深撰《行 不具公裳者乎?」遂晨夕具公裳揖 老 右 流涕 如 從 溢 是,笑 幞 外家,事 不 城君卒,先 不 節 安定先 不能止。 廢。 頭 爲 孝 晨省, 處士 嬉 不 狀》○又《童蒙訓》云: 居家 母 已。 戲,寡言笑, 生 篤孝,朝 太夫人一日使 生始三歲、晨 學。 是時 外氏 必冠 被笑 安定 太夫人携 諸 必 帶, 旬 用 夕冠帶問 婦大笑之。 門下 公裳,豈 莊 當 日 其 先生 暑 毅 香 讀 彌 踰 締 先 如 匍 有 因 千 孝 起 綌 生 成 匐 朝 具

> 邪心。 容直 日 : 請於安定曰: 諸弟子莫見。 門云何?」日 悟門,儒者有之否?」先生曰:「有之。」問: 學以至 仲車先 嘗 己 惟 生自言,初見安定先生退,頭 在 耳,一 飯 曰:「吾於安定之門所得多矣! 「莫安排。」積 以别室處之, 安定 衲 加 」積因自思,不獨頭容,心亦要直 誠爲本,積思六經, 生初從安定胡先生學,潛心力行,不復仕進。 〇又《安定行録》云: 行,日 袭, 字不違也。」《行狀》〇又《童蒙訓》云: 使其 :「積昔從安定先生學,先生晚畜一侍 門 以 H 由是 人或問見侍子否,何以告之?」安定 "「先生之命,不可終違。」 米 徒 因 延 有 投 餽 遣 食中堂,二女子侍側,食已,積 得 漿 婢 之食,不 而喜爲文詞,老而 此 了 容才偏,安定厲聲 甕 視 積之悟門 翁嘗問 飲 中 食澣 受。 日 先 也 也 生。「 食 濯 ,自此不敢 將還, 「先生之悟 數 不 云: 佛 衰。 言之 塊 盛 氏 姬 受 而 寒 有 頭 其 有 先

叔 請 父 叔父先取 議 析 居 先 所 生 欲 涕 餘 泣 書十篋,弊屋 止 之, 不 可 數 於 間 是

家等 償 賦 也。 替 乃 H 故 所 太 事 血 中 金 誣 借 日 夫 母 一,先 拜 平 第 去 率 謹 日 人 故 所 人 生事 無 先 人致甘毳, 居 書 其 奉 太 單 太 所 家 嚴 (或慕 須 生 者皆 一饌皆 親 册 夫 夫 日 嗜 同 人 册 臾 非 叔 怡 未 遂 牓 人 在 人 中 其 不 經 有 母 或 然 嘗 手自 不 於 第 雖 左 有 徒 快 純 大 如 夕 不 **※受之。** 事 平 堂 在 右 誠 金 孝, 故 步 也 母 還 獲 ',强 聲律,及 調 人 上 窮 爲 葉。」 載 不至,禮 之, 損 許 味, 送 未 仍 巷, 即 兒 使 母 應 直 嘗 死 安 嬉 先 奔 人 舉 太 歸 以百 而 西 以 去其 無 世 叔 試 知 走 生 貢 夫人 金 或 奉 售之。 入京 不 不恭, 父 其 闤 有司 先 禮 遜 率 干 養 謳 備 側 必 殁 謝 飲 部 市 爲 生 同 師 與 歌 不 不 食 弗受 賣 太 年 亦 終 富 親 若 家 以 先 H 校 時 衣 忍 説 數 戚 有 具 生 事

太 伏 夫 舍 下 仆 年, 蘇 其 鬼 踐。 城君 病。 吾 未 曰 : 之然後爲 - , 見其 娶,或 神中夜 墓 上。 遇之怵然 ,手足皆裂, 卧 哭不 此 呼 或謂 諱 予非 既 店 蔽 數往 太 他 石 飲 輟 以 枕 吾 勉之, 風 平 聞 孝 先 H 敢 夫 疾 返,先 食, 塊 聲 私 雨 . 敷? 若 傷 此 生 忘 終, 生 迹 不 縗 水 聞 有 吾 日 答曰 聲, 嗣 而 不 問 漿 則 先 君 其 顧 絰 心 生終拒之。 農 他 用 亦 固 寒 命 然 號 不 也 不 生 : 天 夫 乃 日 須 石 有 哭, 「 娶 去 入 否 號 敢 下 思 器 樵 吾 山 爲 待 身, 翰 口 如 慟 從 非 吾 用 父, 垂 豈 行 公泣 也 林 七 遇 平 膃 至 私 石 其 親 涕 奈 固 吕 先 日。 膽 石 生 乎 雪 血 何? 多矣 日 避 先 溱 不 生 則 ? 仰 : 夜 所 之 嘗 困 絶 忍 必 廬 生 年 避 如 哀 居 造 委 墓 哉 先 爲 想 而 行 加 以 必 调 m 神。 見 僵 復 狀 生 廬 足 壯 避 母 不

枝 尚 甘 踰 酒 思 食 時 所 必 有 香 而 設 受。 致 世 母 如 ,數年矣,一 逾 去 争 遂合,今尚 露 月 平 恭 生 考 月 不 乃 訟者必 於 《行 妣 時 隣 所 止 城 郡 復 狀 冬 所 邑 几 舍。 中 縣 造 甘 以 之人, 造之,先 筵 太 存 爲 吏 有 日, 火 守 7 太 H 也 虚 晨 民 司 温 迎 夫 兩 以 環 督 無 0 衾 先 供 人 枝 先 競 生 起 廬 長 每 席 生 祀 之 生 墳 獻 以 居 擁 歲 少 入學, 未 端 夏 居 粟 義 左 道 甘 執 日 揮 州 忽 裁 帛 有 當 9 露 至 扇 爨 學 漸 移 藥 決 杏 歲 降 市 劑 東 去 滌 教 相 日 皆 74 於 器 就 郭 授 蚊 向 本 不 悉 悦 月 墳 舍 之, 蚋 奉 饋 踰 降 焚 無 服 兩 域

先 生 其 其 行 子 儀 嘗 狀 弟 患 閭 室 鄉 巷 飲 家 鄉 之 老 是 禮 皆 日 世 士 使 久 民 與 不 飲 在 見 泮 率 又 者蓋 著 郡 文 守 T 舉 勸 諭 行

> 先 諸 方 修 立 成 此 先 生 以 無 行 寄 其 平日 身之要 朝 狀 牛 虚 直 而 之 有 病 匣 養 日 効 要 先 教學 軸 逾 氣 嘗 甚 年 修 請 而 生 則 則 明, 日 不 E 身、 教 者 酬 必 必 0 省侍 0 者 其 答 務 日 日 每 四 吾 , 桁 不 . . 學、 以 者 方 之 甚 乃 倦 以 以 士 書 爲 治 大 易。 以 忘 大 IE E 大 文 書 心 私 修 輔 夫 寢 要 之 晚 養 財 其 乎 上 頣 以 要, IE 乃 氣 遣 身。 君 謁 食 之使 著 字 IF. 莫 匹 請 與之。 書 治 自 大 字 或 或 見 歸 心 未 遠 問 爲 者 於 間

先 先 生 事 生 日 天 居 口 學 Ш 文之學,尤 昔有學天 陽 者 鄉 甚 多 校 幾 文於 何 造 獨 +-其 譙 天 年, 妙。 周 文?』」《行 者 事 門 先 周 聖 間 如 狀 之, 天 日 下 則

●「匣」,張本作「巨」。

遵 其 「數百克 殁 戒 豆 於 器 、學者 諸 人設 生 必 皆 無 廣 自 家 坐 葬 者 盤 一祭之。 徐 濯 氏 每 春 地 歲 介 秋 中 時 狀 釋 置 無 菜 酒 與 奉 必 之 烝 數 飲 H

先生 公是 疎 嘗 生 則 處 密 語 自 衮 誦 使 室 邊 衮 少 也 佛 番 事,先 者 。」《行狀 幾 戒 不 書 禺 歎 倦。 殺 若 丽 搶 生 見 毎 與 手 . 有 因 聚 利 論 世 客 不 論 螘 佛 害 相 自 出 9 忘 惕 必 廣 户 廣 得 然 至 舗 東 加 111 惟 其 其 奉 手 知 III 要。 恐 使 畫 天 險 論 踐 下者 歸 易 天 若 平 之。 下 數 堡 見 H 徐 先 塞 默 未

先 賢 生於前 言之,鮮 之 之廣 難 盛 德之事 也,言之 ,所養之厚 代 不 名將 敗 事 非 亦 す。」《行 酷慕 難 小 也 才 若 諸 狀 小 嘗 葛 其 智 謂 武 所 所 養 侯,以其 能 兵者, 不 用 至 不不 實 獨 所 而 易 用 大 學

> 先 遠 觀 占 生 胸 不 夕 書 中 至 乘 其 自 ', 出 興自 京 少 其 目 子書之。 及 師 之未 欲 力 書,不 老 視 答者。率 行狀 小字 暇 H 者 作 改 作 不衰。 不 以 大 字。 詩, 可 河 小 詩 勝 詩 爲 自 嘗 || 百百 報之。 記 文 得 日 0 率 耳 晚 用 「文字 疾,不 餘 然詩 年 腹 韻 益 藁 發 亦 在 好

先 先 之, 猶 生 未 脱 有 生 而 不 而 爲 之 使 嘗 無 居 不 衣 何不 勞 爲 口 衣 官 君 日 子? 也 升 日 之, 得 至 己之力,費己之財 爲君子?」 猶 堂 絶 親 3 禄 率 之 禄 訓 不勞己之力,不 售急難 ,奉祭祀 鄉 以爲 可 諸 而 也 生日 家 賤 常 又 3 徒 則 外 之, 日 父 故 悉付 刀 罄 母 父 諸 居 壁 所 一言 欲 費 母 如 文 州 君 有 家 之, 其 患 己 此 序 欲 赴 人,未 之, 之 所善 三十 其 爲 而 行 鄉 急, 財 狀 君 不 如 嘗 爲 年 或 此 間 何

先生以 吊 其 善 未之有也。 祭親 所善,思 如此 病 治 廢 而 辦 人 不爲小人者,未之有也。」《行狀 其所善,如 言其不善,行其 事 如 平 惟 日 里 間 滌 此 罌 故 舊親 而不爲君子者, 缸 貯 不善,思其不 酒 戚之喪, 拜 而 遣 後

先生病革,門人問之,先生遽以衣覆首 并 畢 「不巾不敢延坐。」又謂其子曰:「君子命 遣之。《安定言行録 在 舉曾子易簣之事 而 須臾恍惚之間 化 行 狀 然而 因 誦 不 敢 檀 少忘 弓》 禮義。」 篇,誦 日 .

傅 尚 客 生 先 吾是以賢之。」《安定言行 日 生所 書墨 ,皆集服 「方欽 卿 知 初 臨 或 尉 聖升遐,楚之郡縣官若寓 郡 問 江 廷 都,往 先 下, 生所爲 惟傅 録 來 Ш 尉容稱 知 陽、深 墨 卿 爲節 其服, 若 先 孝

十四之五 陳無己●一字履常,事具《文集序

今見左方。

彭 城後 未仕 蘇 學博士,言 中,侍從 祕書省爲正字以卒,實建 之,許其必以文著,時人未之知也 召 而 小 一時,蚤 見之,顧非 罷,退居彭城者累年。 公、改教授 貧 Щ 居 無 合薦 以 土 以 者謂 文謁 陳 養。寄 潁 其好,不往, 于 師 州。 朝 當 南 道 官。 起 豐 其孥婦 無己,苦節 紹 曾 爲 聖 嘗 舍人,曾一 徐 中 初,以 復教授 此豈 私 氏 州 靖 至 教授 厲志 或 易 宋 當 進 棣州,人 元 衣 權 謁 非 自 年 食者 除 見 者 科 元 眉 也。 或 第 太 祐 奇 其 Ш

→ 「陳無己」,按:目録原作「正字陳公師道」,今改同

IE

七四七

炊 則 哉 文,乃若奥學 於《詩》、《禮》尤邃。 也 香 文集序 **"**,妻子 焚之,存者 敬 其 爲 在 一罷 愠 潁 曾 而 賦 南 歸 見 至 財 豐」之 彭 六 加 行, + 城, 不 或莫之聞 堂詩 恤 爲文 家益 句 也。 諸 至 窮 世 而 經 多,少不 有 空, 徒 太 也 皆有 守 喜 至 自 0 誦 累 則 謝 來 訓 克 其 中 蘇 日 家 意 不 公 瓣 撰

陳

頃 在 貧 其 致 持 石。 師 稱 履 其 刺字 焉 常 不 也 廣 欲與相見,先以 陵,秦 者。高 吾見 傅 因 俛 公日 公欽之初爲 嘗 懷 也 顔 銘 觀 士 金 色, 黄 也 少 魄之。 能 伺 非 游 樓》,曾公子 候乎 介 所 其 爲 問 吏部 於 文 僕 望 及 觀 公卿 一妙絶 陳 言 也, 覩 侍 君 觀 : 其 吾 之門 郎 乎 當 日 固 彭 貌 ? 將 世 聞 謂 城 見 者 聽 師 其 如 陳 而 之, 其 知 殆 道 游 秦 行 師 論 懼 其 難 非 京 刻 道

> 如 議 此 竟 不 道 敢 鄉 以 集 出 0 公所 以 待 履 常

愚雖 之舊 然先 侍 以 不下 多 章 而 德,**●**以禮見 0 履 爲 成 知 郎 後 子 常 士 禮 Ŧ 不 士,❷尚矣,乃 Ш 履 孫 厚 者世 公雖 之制 足以齒士,猶當從侯之後,順 居 而 集 常 莘老薦之, 軾 欲 都 其 守 可 ,士不傳 招 弊必至於自鬻。 者, 答秦少 焉。 下 見 不 見,終 逾 禮 故 特見於 佞 師 贄 可 何以得 年, 游 道 得 去乎? 爲 於公 書 不 臣 今而 未 可 亦 此 官。 則不見 嘗 前 故 贵 掛 得 且 親 先王謹 有貴 辱 公之見 名 於 侯嘗 書 蘇 於王公。 下 其 (賤之嫌 至 其 中 内 諭 身 欺之耶。 風 其始以爲之防 貴 翰 以 間 丞 幸 招 以 《答 章 人之 成公之名 傅 後 夫相1 孰 公 蓋 會 李 欽 無平 大焉 以 降 朝 廌 見所 公卿 門。 能 屈 廷 生 年

前

² 0 文集》卷 公卿」二字,原闕 諭 原 作 ○《與 少游 據 據同 洪 本、 書 張 本 補 及 宋 陳 師 道 《後 Ш 居 士

外,尚未晚也。拳拳之懷,願因侯以聞焉。 事,幅巾東歸,師道當御款段,乘下澤,候公於上東門 招,公又何取焉? 雖然,有一於此,幸公之它日成功謝 區區之禮也,●若昧冒法義,聞命走門,則失其所以見

「蓋」、「也」、《後山居士文集》作「豈」、「乎」。

七四九

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyOTE5NjAuemlw",
"filename decoded": "14291960.zip",
"filesize": 311507161,
"md5": "1fb5c8ae362ad697e9ce1662dcdb9732",
"header md5": "394f7fb9b96b1fcf713711112924b8ee",
"sha1": "32e51ea4cdc7191cdbe8860b8cd0162931627536",
"sha256": "70a3432e2189732861c6d5dff401bfb6c4feb14d440c1233a30db54186109762",
"crc32": 4272831400,
"zip_password": "",
"uncompressed_size": 340511870,
"pdg_dir_name": "",
"pdg_main_pages_found": 767,
"pdg_main_pages_max": 767,
"total_pages": 777,
"total_pixels": 4297204736,
"pdf_generation_missing_pages": false
```